

四庫全書存目叢書編纂委員會編

齊魯書社

四庫全書存目叢書

第一部
第一一二冊



責任編輯：孫言誠 賀 偉

ISBN 7-5333-0615-5



EB25/10

四庫全書存目叢書·集部一一二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 45.5 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第一一二冊目次

集部・別集類

崇質堂集二十卷附錄一卷

〔明〕李萬實撰
中國社會科學院文學研究所藏清康熙四十年李長祚刻本

一

無聞堂稿十七卷

〔明〕趙鉞撰
首都圖書館藏明隆慶趙鴻賜玄對樓刻本

三二七

刻孫百川先生文集十二卷

〔明〕孫樓撰
北京大學圖書館藏明萬曆四十八年華滋蕃刻本

五九三

崇質堂集二十卷附錄一卷

〔明〕李萬實撰

中國社會科學院文學研究所藏清康熙四

十年李長祚刻本

附《四庫全書總目·崇質堂集

二十卷》提要

崇質堂集序

嘉靖甲辰余舉進士
李少虛君後乃少虛於衆中
獨相盼挹甚勤又居鄰相得
日夕無間不啻同氣兄弟也
碩余弱多病而君才明麗博
大剛直衆中望之且聽其議
論居然濟世才也蓋歎然退
舍不特余之庸劣而已其後
就選君得行人再晉給事中
余謂君曰吾今則可以助君
矣給事言官凡上自

乘輿下及大臣百僚賢不肖皆
得糾繩之而君才高性剛直
且堅以余得一二與君參決
倘有益乎君時雖唯唯以為
然乃君入給事班月餘時有
麥中官者以微功受廕且違
故事疏本不關給事署君毅
然以為不可即疏論之會
世皇帝方督過言官一拂意則
禍且糜爛君時有父在余即
以是抑之而君疏竟不能止
也雖

世廟優容而麥者日夕侍左右
頗恨君將欲以奇禍中之君
亦恐為尊人憂不得已疏告
改南余謂君且少息抗疏而
君顧猶抱直節極疾世之嬖
姍者凡所疏擊此輩不一而
足而最後則及某冢宰矣給
事資深不得補外顧冢宰啣
之借廣東方有寇掄才遷君
廣東鹽法僉事又不當寇也
而君以此怏怏不得志再遷
余泐中憲使兩疏乞歸竟得

請在告余意君才如此或不
能安林下也而君頹怡然就
道杜門讀書營水竹居與友
人賦詩談道為樂若忘世者
余與君別去二省相隔甚遠
雖時相寄憶亦不多得君詩
及序記諸作萬曆壬午君以
七十餘歲沒沒六年而其子
秩穆彙梓崇質堂稿寄余索
序余手而哭之慟既而細閱
之則君詩諸體皆清麗絕塵
非世之拘繩墨為者而亦未

嘗不合律度也乃其序記碑
銘諸作亦時出太史公譚雄
健古雅自成一家言余始悵
然恨當時相別之遽不能得
君著述之詳而且知君既有
剛直不羣之氣而又能有出
塵不緇之思既有不撓萬乘
之節而又能有不侮儒素之
和既有康濟一時之志而又
能有屏居丘壑之雅願與君
去相遠死不得憑君棺槨不
及執君紼而今猶得以不腆

序其集且因以道君平生後
之讀是集者其或有信於余
言云

萬曆十五年丁亥季春月吉旦
賜進士出身通議大夫刑部左
侍郎兼都察院右僉都御史

宗質堂集

王序

六

前奉

勅總督淮漕提督江西學校按
閱三邊臨海年侍生王宗沐

拜書



崇質堂集序

崇質堂集二十卷詔菴李公
所著詩與文也公之尊人號
質村於是以崇質名堂而又
以名集蓋示無忘先德且見
其志云公沒四年二子太學

宗質堂集

王序

十

生秩郡學生穆求余表其墓
穆走千里謁余山舍情甚懇
惻余既爲之表矣穆又以集
序請余以不文固辭穆泣而
曰往歲先人見大拙堂集序
呼穆等曰楊年伯文傳矣亦

由有子也汝等可不思乎穆兄弟雖不肖願我翁視如一體勿終拒焉余聞言亦泣下不能復辭曩余紀吾同年兄弟四人之相處也武東公與余最久唐岩劉公初視荆權公則後改南垣武東之論文也公皆與焉是時才俊彬彬咸以文必太史詩必少陵爲不易定法晉江昆陵推尊南豐氏之說出譁者殆過半矣武東獨首信之公顧余曰子

意謂何余曰此非唐王創言也朱子不云乎熹未冠而讀南豐先生之文愛其詞嚴而理正居常誦習以爲人之爲言必當如此迺爲非苟作者宋潛溪曰魯氏之文如姬孔之徒復生於今信口所談無非三代禮樂此其推尊視唐王尤至矣夫先生吾之先子也而公則爲鄉後進祖述而師法之豈宜在他人後乎公曰然哉吾思質有其內然後

見之於文太史公吾法其體
若迺是非謬于聖人則當以
自警也文定公吾宗其旨若
乃流弊迂緩而弛則當以爲
戒也武東躍然稱善今觀公
之文體裁嚴謹詞旨閑深而
皆不詭於道可謂能踐其言
矣至其詩才殆由異稟矢口
而妙趣見縱筆而音律協蓋
學少陵而有自得其得焉者
余不知詩公每教之或遇應
酬輒代爲之因是稍有所悟

而竟以力不足自棄劉楊二
公常相倡和共推公爲盟主
一時能詩者傳誦嘆賞無間
言也於戲公之詩文蕪長如
此非有其質而能然乎其傳
諸後何疑哉余嘗竊念世有
恒言代不數人人不數篇蓋
文之傳自昔難之矣南豐之
文朱子極稱秘閣諸序及宜
黃均州學記韓公則謂便殿
數對所言皆安危大計誠舉
其大而贊之也大拙集余妄

謂梁化志困喻錄惠學記爲
必傳邇者書肆梓其文至數
十篇雖非名人所選而與好
可見矣公文之必傳者奏疏
其尤乎直節義氣忠言讜論
列諸名臣奏議中追配前詒

垂範後世豈非所謂一代人
豪哉文定公後數百年而公
繼之人傑地靈南豐益有光
矣余既以是爲公喜復以爲
同榜慶乃余則獨有深愧焉
唐岩集梓行在先其門人序

之三公功業文章彼此輝映
竝可不朽余也駁歷中外靡
所建立詩既不習而文又無
可述愧負切惔怡怡之雅甚
矣尚可覩顏序公集乎然大
拙之序謬爲公所獎與公集

一出天下所快覩者而得托
名于內詎非幸歟且朋友道
喪久矣吾四人庶幾不忘平
生論交者或有取焉則其傳
也又豈特文而已哉爰僭書
以爲序

萬曆十六年歲次戊子春三月

吉旦

賜進士出身嘉議大夫都察院

右副都御史奉

勅總督南京糧儲使前工部

營繕都水二司郎中纂脩

崇質堂集

序

大明會典年弟泰和曾于拱拜

書



崇質堂集序

余生也晚方李公之叅藩晉楚也既不及游其門及余之承乏公邑也又不及識其面且未幾而公亦早世深為之咨嗟慨憶焉猶幸得交其兩

崇質堂集

序

一

仲季及兩郎君並得其遺文而卒業也竊私心願為之執鞭於是乎序序曰今天下譚文章家者余知之矣兩漢不與三代同唐宋不與漢魏同以至西北之音慷慨東南之

音柔婉蓋以時異以地殊勢
則然爾而其所以為文昔人
不云乎膏之沃者其光曄根
之培者其枝茂孔氏所以貴
文質彬彬意蓋深矣李公以
嘉禾世族蚤歲登進士筮仕
大行力却饋遺識者已知其
人品之卓絕云繼而拜青瑣
首論巨璫之冒賞者直聲震
朝端尋疏改南封章屢上無
虛日第念其尊人居急圖
歸省始以疾謁告尋轉東粵

食憲丁內艱歸起補余楚駐
節長沙邵陵間至則伸小民
之枉裁抑諸宗藩不法者暇
日督率諸生儒課業迄今余
鄉之父老士庶猶藉藉口碑
頌之余得偁聞之蓋南國棠
陰越千載而一見矣及轉浙
江憲副復上疏乞休其志益
決自是歸而卜築北郊之鷺
洲草堂取水竹而樂之日奉
尊人為懽撫幼弟弱子俱有
成立而又創祭田立義倉倡

同志之會足跡不一至公府
至於均絕糧撤客兵建橋梁
桑梓大利害則汲汲共圖焉
非其人即欲一見不可得惟
同志故人喜相與飲酒倡和
取古今作者而提衡之今讀

其文直寫性靈超然物表詩
則濬發於巧心尤鼓鑄於往
哲上異乎世之餽飮以為詞
決裂以為體者蓋雅有去華
務坦之意焉說者謂公崇質
必有得是故時代不能限方

隅不能拘而內無乏思外無
遺物允足以傳於世而立於
不朽之途也已夫以公之雅
望清階但循序俟之自可坐
躋華臚然逾壯而釋褐方艾
而拂衣林居幾三十年富貴

利達澹如也卒之道德文章
卓然可述公豈以其一時而
易吾千百世哉懿哉此前修
之矩矱後學之龜著也假令
公在官無建豎於朝在鄉無
表正於俗而徒以其詩文爵

位見於世即輦悅雖工名寵
雖盛君子無取焉謂文而滅
其質也抑聞公之尊人別號
質村且世以崇質名堂頃讀
所梓名公贈言業已知其家
學之相傳者固有在矣今詡
菴集亦仍以崇質名而兩仲
季兩郎君又惓惓表章之是
念蓋父子祖孫三世一轍莫
非質也余雖以質而俚之言
謬為之序或者於公家其有
當乎

萬曆癸巳仲夏月吉日
賜進士出身奉政大夫南京禮
部精膳清吏司郎中邵陽車
大任子仁父撰



訥菴先生崇質堂集叙

李觀察訥菴先生爲盱之南豐人予領南豐教先生致爲臣已近廿年是時先生端居不庭習靜去言不復與賓客通蓋超然世外爲采真遊矣予始至造先生先生使人出致詞詹先生吾固願見願卜日齋見後二日先生致一折簡于

崇質堂集

序

予詞旨津津絮數百言予自喜以爲先生不與客通竿牘久矣顧我何由得此于先生哉又後六日先生以其季弟萬敬來問詹先生何日幸臨我固不庭然願請見于齋室予又喜敬與先生訂日而未及期爲當道檄去半年還而先生病咳病足予往視先生先生不能起立

爲禮則爲予盛張供具予變色而受先生餉出先生後以手書來會予又爲當

道檄去歲盡還邑庠而先大人訃報卒至先生手自爲文遣其季弟與仲子穆來致祭逮予奔還半年餘則先生訃至矣悲感爲之西向歎歎乃敬遣人往奠先生于靈柩雖予生平未獲託交先生

崇質堂集

序

然先生實知予嗟嗟予何以爲知己報也既予轉南銓而仲子穆來南雍則持先生崇質堂集贄予曰非先生莫知吾父願得片言序諸首簡予不敢以無文辭于是焚香淪手而披閱焉先生之文蓋蟬蛻龍門之意變入韓柳而根柢于子固之經誼以抽其緒至夫氣雄骨勁

音振而意趣沛然則得之已之才力居多
多大歸得已什九規做什一將開戶牖
以自成一家堂皇門閥而稱心竟于富
世者則謂先生非深于文其烏能以有
若斯之矯健派盪而中函沉着之思閎
雅而不奸于俚俗也其詩各體亦大歸
如文已足不朽先生于南豐與南豐先
生後先照耀千秋無疑已而予尤高先
生之爲人夫先生以南豐巨族起登巍
科歷諫垣而領浙憲歸來非素有學問
深涵欲一旦歛其赫赫不以高抗難下
溢其氣從而謝囂去言靜居閉戶難矣
嘗觀夫今之顯秩諸君子但官從諫垣
來即遭遷謫或處卑官或落職猶藉聲

勢不禁宿昔之態以陵厲鄉党侮慢郡
邑大夫師長奪人田產以豪踞一方迄
死不已何限也而先生迥異夫是取人
所棄以成高厚外與鄉党不殊布衣而
內約諸子弟必由禮門今視仲子穆斤
斤抑抑蹈必擇地進必擇言宛然崇質
遺矩則先生令範何者而不可傳世術
後不朽誠不獨以詩文也第予猥陋無
能當玄晏爲先生茲集重爾
時

萬曆辛卯長至月新安通家詹景鳳敬書



重刻崇質堂文集序

古今有真人品則必有真性情有真性情則必有真事業有真事業則必有真文章夫事業文章不本性情而發未必能傳天壤而勿朽且令後

崇質堂集

自序

之人景慕品行於千載以下而如覩者也祚少時嘗讀吾曾伯祖訥菴公文集竊嘆公之文章氣節洵不讓美前賢如居給諫時奏疏剴切似陸宣公彈劾不避權貴與汲長

孺而折廷諍又何以異且急

流勇退優游林下廿餘季在家則修祖塋置祭田在邑則助邑侯作橋梁守城池撤營弁暇則怡情山水賦詩見志凡所設施著述皆足垂法後

崇質堂集

自序

人祚早作夜思竊欲紹述而未逮矧予生也晚距公五十餘歲再歷兵燹險阻備嘗至甲寅之際吾邑蹂於寇祖廟丘墟於是崇質堂之舊刻盡燬公之後嗣蕩析離居卽一

世憲第故址寢寢乎胥不能
久畱之勢祚也踰踰諸生大
懼家聲之隕越戊午復蹶棘
闈乃勃然嘆興以爲窮達胥
命奚必沾沾帖括爲爰是心
公之心糾勸族姓舉祭田之
歲入積爲興復家廟計仍構
世憲第作祠宇振墮莘渙經
營數載稍就緒而子姓之克
自堅立者亦漸胥寧宇矣丁
卯春家廟告成祀典復舉祚
藉是以告無罪于吾祖若宗

耳不意是秋遂邀祖靈舉於
鄉又七載而謬附通籍先是
甲子秋夜家廟中雷忽一夕
火光迸發聲聞於外驚動住
守之人起視良久方熄識者
以爲訛菴公暨太高祖侍御
公之靈爽其式憑於斯乎公
以明嘉靖甲辰登進士名列
百有二十祚不才登第於康
熙甲戌名次適與公合得非
公之默佑而至是與夫能心
前人之心者前人雖沒未嘗

無感通之妙事固有不相冀而相符者殆非無因而致也
邇季

聖天子加意吏治凡郡縣親民之員銓選後悉引入

陛見重其任也昨叨授衡山稟

崇實堂集

自序

五

稟職業期月撫綏漸次就理乃奉我公崇質堂文集命工鐫復夏思車邑侯舊序述公曩叅藩湖湘卻金興利善政種種尤勃然嘆興謂非席公之餘澤安必其能告無罪於

羣黎百姓也耶嗟乎公之德業雖不待文集而顯而昨必欲表彰而亟傳之者誠以公之文章事業一本於性情所謂人品則真人品所謂文章則真文章也余小子自幼而壯至今所景慕而步趨者亦於茲少慰焉爾

康熙肆拾年歲在辛巳嘉平月同服曾姪孫步瀾拜書

崇實堂集

自序

六

跋言

功名著於盛世文章被乎鄉國君子難之非難其言之不立難其言之必傳也古來立言者多矣傳者千百中之什一當其苦心編輯授諸梨棗謂足傳矣無何水火蠹魚輒操其剝復之運間有剝而終復者此又前後人之精神氣數相

崇質堂集

卷一

感於不自知之天當日作者之精神至今日而必出今日傳述之苦心直與當日編輯之苦心互證於百十年之後而愉快斯氣數所值洵非偶也余高伯祖訥菴公策名盛世初筮諫垣侃侃立朝首効權璫次及宰輔本兵勲帥至今讀其疏稟稟有生氣且條陳計典邊防諸

政悉荷 世宗嘉納嫉者憚其直聲亦

靡得而挫之至叅藩粵楚副憲甌越介節勿淪風裁肆肅迨厯孺慕賦遂初優游水竹居養高卻掃嘯咏自如庸流俗子希一覲而不得丐一字而弗許故所作文詞矜貴亢爽始終以直道自持越世而下縉紳儒素未嘗不擊節于先民

崇質堂集

卷一

遺範尚存也崇質堂集板燬於寇僅從友人處獲遺本家君什襲佩誦爰出餘俸就原本梓而新之又遇

聖天子命儒臣纂修明史蒐采遺文吾郡如鄧潛谷羅圭峰張柏崖羅近溪何叔丘諸集各子姓漸已刊佈矧高伯祖奏議烺烺洞灼當季利害或亦足備史館

之一擇也抑竊有感焉先太高祖學禮
公登永樂乙未進士官御史力諫英
廟北狩被謫而忠藎彌彰傳四世至公
歌鹿鳴於嘉靖之丁酉書雁塔于甲辰
家君距公三世登寶書在康熙丁卯薦
春官在甲戌名次又適符于公詎非氣
數之巧合耶茲集重刪蓋亦家君之精
神與高伯祖之精神契浹於百季之後
而愉快者也於戲著書立言紹聞未艾
後之視今猶今之視昔安得代有傳人
而傳其所必傳者哉

四世孫律謹識

崇質堂集總目錄

卷之一

五言古體

五言絕句

卷之二

六言絕句

七言絕句

卷之三

七言絕句

崇質堂集總目錄

卷之四

五言律詩

卷之五

五言律詩

卷之六

七言律詩

卷之七

七言律詩

卷之八

七言律詩

卷之九

歌行

卷之十

序文

卷之十一

序文

卷之十二

雜著

崇質堂集 總目錄

卷之十三

碑表誌銘

卷之十四

奠章

卷之十五

奠章

誄

卷之十六

書啓

卷之十七

書啓

卷之十八

奏議建白類

卷之十九

奏議論効類

卷之二十

奏議陳請類

附錄

崇質堂集 總目錄

行狀

墓誌銘

墓表

遺事

崇質堂集總目錄終

崇質堂集卷之一目錄

詩部

五言古體

文殊臺夜坐四首

題驚喜遷喬圖贈南峯蓮幕入觀

饒河夜別錢樾橋先生四首

王母池夜坐和荅林南峰

贈別蕭朝章北上三章

登湖中小雞山

崇質堂集

卷之一目錄

一

自靈隱登北高絕頂

九日離家赴廣輿中作

和荅平湖承惠紫霄匡山圖書之作

閱報有感簡李太守二首

漢口阻風二日悵望鶴棲有懷諸君子

奉酬雷少郭省丈二首

孟冬四日尚書何公邀遊蘭亭王龍溪職

方趙麟陽柱史偕集

水竹居小集即席贈雲峯三尹

贈李郭凡應試南省二首

金蘭續響四首

五言絕句

擲筆峯

舍身厓

水壺泉

虎溪

舍利塔

錦繡亭

崇質堂集

卷之一目錄

二

披霞亭

半雲亭

甘露亭

醫俗亭

鳳谷吟三章

竹扇贈余亦山

題畫四首贈人

東岡

索郭凡鮮鯽不得以老杜鮮鯽銀絲鱸爲

韻作詩戲和五首

郭凡竟無鮮鯽但以十詩抵塞再疊前韻

五首

崇質堂集

卷之一

三


崇質堂集卷之一

南豐訖菴李

詩部

五言古體

文殊臺夜坐四首



蕭蕭木葉下佳夕霜氣清高臺一以眺舒我林
丘情村燈自遠近隱約松間明天風起巖谷靈
籟流商聲聽茲不能寐玉露沾長綰

凭高事遠覽玉繩轉星河寒空淨纖翳夜氣今
崇質堂集 卷之一

如何栖鳥擇寧枝隔木時相過澗泉墮涼月溶
漾浮金波幽期恆平生浩然發長歌

夙懷慕幽賞策杖躋名山凌虛立清夜躡足游
天關層霄風露寒獨徃愁朱顏文殊若可即環

珮聲珊珊輕煙變歛忽四望非人寰

悵望不可窮瑤華淨如掃倚巖發長嘯清響振

五老招携廣漠遊掇贈金光草殷勤向我言靈

物君自保歸來謹護持此意傍誰道

題鶯喜遷喬圖贈南峰蓮幕入觀

幽幽谷中鳥健翮寧早栖東風噓上林振翼鳴
高枝所志在萬里豈但歸羽儀妖禽自逡巡
鳥空嗟咨別離不足惜晤合會有時喬遷報雙
喜送子臨路岐展覲及春明嚶嚶正及期何當
去故枳庶以慰相知

饒河夜別錢樾橋先生四首

朱絃拭清廟千載酬知音幽蘭雜芳芷臭味真
同心分投良不易感念意彌深殷勤拜嘉貺遺
我雙南金報章何所似燕石非璆琳

崇賢堂集

卷之

二

醉翁門下士南豐獨稱賢蹇余愧前脩謬選非

青錢頃來望廬嶽几杖陪周旋法言投砭石頓
覺沉疴痊百年感知已得免寧忘筌

章江附僊舟明燭坐清夜劇飲笑河朔談詩凌

鮑謝疎狂我自慚懶散翁不訝形骸覺已空意

氣真無罅袂判當此時安能一假借

行行別我師况復當歲莫江空帆影孤濤起蛟
龍怒凍駕避行舟飛來自相聚離懷渺難降執

手臨岐路踟躕復踟躕日落不能去

王母池夜坐和答林南峰

看山亦看雲雲在山之巔便欲借山住端合披
雲眠天風况解事吹我何條然與劇忽飛動縱
目空延緣夜半一仰視明星落枕邊何當駕黃
鶴偕爾同聯翩向平苦多俗嵇康未能僊勝遊
自幽絕奚必窮諸天

贈別蕭朝章北上三章

仗劍出門去萬里分須更勝此酬杯盡殷勤膏
爾車豈爲晤合難顧我離索居送子臨岐路踟

崇賢堂集

卷之

三

踟躕復踟躕

踟躕更何適執手岐路側話言不可休輸我平
生臆惜別只兒女加餐亦姑息先民敦贈言努
力崇明德

明德崇勿類相規期皓首赤霄誰能羈青陽爾

何有丈夫貴令名壯志豈人後贈言比木瓜處

我應璫玖

登湖中小雞山

鄱湖閣蘭橈沙際見石室舟人向余道茲山頗

突兀孤遊恣觀覽樵徑良可覓散愁凌絕頂逸
興逐雲物縱目幸無礙窮探紀非一數峰湖上
浮五老雲端立晴空獨鶴飛落木玄猿集曠蕩
足怡神幽獨未爲慄雲夢信可吞奚有龜龍窟
長嘯落魚簑天風吹斗笠

自靈隱登北高絕頂

筍輿度六橋窮探盡三竺北高登青霄逸興飛
雲逐循澗入古堂問逕即山麓策杖成獨往躋
攀歷屈曲從人多告疲山半云駐足我興殊未
已捫蘿入脩竹振衣萬仞巔果遂平生欲乃知
有志士適往不自局長江浩淼俯視止一掬
群峰羅列多歷歷無遺囑天風發靈籟高歌響
林木寒泉試斟酌一飲失煩曠猿鶴自天性誰
能受拘束安得挾飛仙從茲斷塵俗

九日離家赴廣興中作

佳辰值重九攬轡將安之豈不戀高堂王事嚴
程期凌曉發南垌長揖別親知行行信而邁却
步還遲遲陟岡一返顧親舍通在茲但恐去日

遙盼望無窮時壯齒學干祿頻年驚奔馳本無
軒冕懷反爲升斗縻世路擬如漆側足多嶮崎
直絃與曲鈞定性胡能移達人哭窮途哲士炳
先幾逝將返初服菽水娛重闈

和答平湖承惠紫霄匡山圖書之作

君本紫霄人余亦匡山侶特贈雙同心所珍寧
象齒層空翻比翼清沅濯並吐萬里結綢繆百
年矢終始但願愜素衷何憂妬俗皆帶礪誓君
臣論交亦如此宦情余素薄干進君所耻吾義
竟誰陳高歌望吾子

閱報有感簡李太守二首

嬖妍本無定魚目能混珠榮辱亦何常力盡同
丘墟禍福相倚伏慶吊紛須臾達人自太觀局
士哭窮途軒裳貴趙孟子奪俄吸呼所以裕中
散蚤著絕交書

虞世若大夢高詠欽陶子自非閱歷深胡能契
斯旨結髮事遠遊勳名頗自擬寧知捷捷徒貝
錦成萋斐衆口鑠精金明珠讒薏苡本無許史

託况乏金張倚國是誰權行公門自桃李乃知
戲劇場不用浪悲喜澄澄天宇空鬱鬱山林美
枝栖幸苟安君恩浩無比園苑時摘鮮村膠亦
堪涉誰能更拘束爛醉是生理

漢口阻風二日懷望鶴樓有懷諸君子走

筆戲述

亭午發孤舟北風滯行客棹勢欲回鼓柁艤
轉側蕩漾歷三時猶是夏口驛破浪截江流長
年俱辟易幸爾泊漢陽推牕日西夕曉來風怒

崇實堂集

卷之一

六

號四望盡昏黑坐令齋捧使火門歌倡側盈盈
一水間信有蓬瀛隔咫尺黃鶴樓追歡如夙昔
唐人戒太康行樂不可極群公信優游賤子遭
怵迫薪芻俱告匱豈必陳蔡阨安能一第航愧
乏凌雲翮猶切靡及懷揚舠候風色

奉酬少郭省丈投贈之作二首

論交自有分營道亦有方與子結綢繆日月逾
十霜傾蓋心已許父要意彌長君才固十倍蹇
足追騰驥履錯自物情所貴同肝腸升車從此

別後晤殊未央感子歲寒意惠我雙明璫

明璫入我懷德音何款款味投蘭共臭道合金
可斷停驂一展誦啓笥時洗盥伐木風久衰交
誼如君罕君誠鸞鸞儔余本麋鹿伴魚鳥各沉
浮鶴鳬自長短高情良已動鄙志不可追報章
比木瓜下里資一莞

孟冬四日尚書何公邀遊蘭亭泛舟竟日

王龍溪職方趙麟陽柱史偕集

鑑湖淨流潦泛舟風日且偶乘山陰興來赴尚

崇實堂集

卷之一

七

書期沂泗忘近遠水轉山益奇舍舟從肩輿曲
逕還遙遙忽尔造小榭云是蘭亭遺荒榛雖已
久名勝猶可窺開尊脩竹林密飲流觴池王子
右軍亂儒雅當時師趙君安石流脩熒丘壑姿
信是群賢集寧論脩禊時歌長日苦短興劇杯
行遲不須金谷罰坐客俱能詩

水竹居小集即席贈黃雲峰三尹

有叙

余屏居北園削迹公府蓬門返閨游從
頗簡惟雲峰君不余鄙棄時時携挈相

尋每一下榻輒盡晷繼燭彼傾此倒真
若相忘於形骸之外者蓋雲峰西人不
善機械余亦骯髒寡諧異鄉各萬里而
相值若同室然豈所謂意氣者耶抑余
之厭憤時態而適偏於黃君也雲峰酒
闌出是卷索余詩以爲別後之質余不
讓信筆揮此時已大醉不復窺易一字

拙性秉孤直顰眉羞軟媚每逢西北人便覺親
臭味黃君來洮河慷慨多古意觀顏昧平生握

崇賢堂集

卷之一

八

手同夙契治官急於家見利遺若棄公餘過章
堂款款談道義開心任真率劇飲恣嬉戲一朝
忽思歸懇牒乞休致問君胡爲笑慈堂久違侍
當路惜且留高懷未由遂一官人共戀斯舉誠
不易崇卑何足論稱職乃良吏筆硯來清風作
詩示有位

贈李郭九應試南省二首

騏驎伏駕卑遠志良未已驅之駕監車長嘶悲
不止路逢九方臯千金贖驂駟覆以錦繡鶻飲

之清冷水風雲展奇足一日輕千里汗血豈辭
勞努力酬知己

爍爍隋侯珠奕奕連城亞玄精象罔秘白虹斗
壚射韞櫜不肯售一擲或投夜神物天所憐墮
落人共詫席珍會有時至寶國不舍行矣沽之
哉勿謂吾待賈

金蘭續響四首 有叙

夫蘇李五言聲聲贈處元白三集紹述
賡酬古今輔仁諒哉同揆矣實與王公

崇賢堂集

卷之一

九

敬所蚤投蘭契永矢金相公既謫聞性
靈夙成道術分芳惜礪薰琢良多嚴自
丁巳莫春款晤章山公寔投瓊實虛報
李題曰臭蘭斷金凡我二人長言三益
惜夫飛沉異路朝野殊襟實也鷗鳥忘
人僕夫喪我公以百鍊而益堅僕祇孤
芳而自佩鍾錘斯在臭味尚新蕭父曠
音三秋奚翅丘麻續思一紀斯逾迺白
雲上下總是無心寶劍雄雄終齊一指

遠馳四作續響金蘭夫志同則千里此
隣趣異則同堂胡越心手遊謂室是遠
而公無嗣音僕且罷奏云耳

燕金貴可斷臭蘭昔所紉物性乃相合結交良
有因芳佩近君子披裘甘野人出處有至理諒
哉摠一真勿以薰蕕似雜操非其倫勿以砂磔
混拔揀忘所甄同心言若斯殊趣未易論

夙齡負奇尚壯志結南衡楚晚紛蘭芷江皋夢
杜衡牢親非爲養出討豈逃名抗跡辭丹陛捫

集賢堂集

卷之十一

十

蘿入太清編第數椽足動石平幾望鳳舉自寥

廓龍見必文明紆茲河汾策陋彼縹緲筌韓碑

何巋然並立同崢嶸公遊衡山有終焉之志排
蒼蓋書院自作記刻石

震星肇重華清光遍四海白駒起空谷遠鴻漸

幽壘往歲驅羊腸馬鎮蛟匪轉漕軍數晏致

士請先隄生東洋恬無波黃河清不改勗哉

濟舟楫行矣調鼎鼎

群鷗狎蘭渚雲鵬負罡風彼此無相哂亦各諧

素秉日月合圖景鳥兔走西東名實有先後三

仁趨則同出則樹孤標逸則倚幽叢方平兩麻
姑歲晏期相從天台麻姑眞王方平仙蹟

五言絕句

擲筆峰

遠公說金經書罷曾擲筆千年棄不收化作一

峰立

舍身崖

僧云父母有疾於此舍身立愈

峭壁一萬丈飛鳥愁欲下望雲思我親此身未

能舍

集賢堂集

卷之十一

十一

冰壺泉

一泓沁寒泉冰壺浸秋月我來壺上窺照影數

毛髮

虎溪

送客過溪橋虎嘯溪上石溪水至今沉月黑煙

蘿碧

舍利塔

如來萬劫空舍利還有舍利塔立崔嵬佛光辯

真假

錦繡亭

輕煙薄層巒晴雲出遠岫嵐氣染征衣虛亭開
錦繡

披霞亭

扶杖尋幽處登高日暮時穿亭披紫氣霞外即
天池

半雲亭

天半立孤亭浮浮雲氣白偶逢山下人道我雲
中客

甘露亭

病渴苦食霞立馬亭中駐檐頭取月瓢石上酌
甘露

簪俗亭

平生抱幽興清味許誰知獨對此君坐兀然俗
可醫

鳳谷吟三章為伯源賦

威鳳來西方翩翩集其羽矯然千仞翔嗟爾遲
時舉

岐山望已久寥寥千載心忽憶肝汪嗟爾治

世音

鳳岡何嶙峋鳳谷何風神秋臺起玉簫嗟爾谷
中人

竹扇贈余亦山

本無食肉相獨有簪俗方萬里遙相憶春風節
節長

題畫四首贈人

娟娟媚幽谷采采充難佩惜爾芬芳姿慎勿同
蕭艾

蕭艾

香滑遠益奇質素泥不改薰風嬌滿地花發知
誰采

嘉卉凌零落籬旁自一叢攜壺還獨往取醉美

人紅

凌寒自清絕開雪益精神金陵多驛使寄我一

枝春

東岡為泰和蕭氏題

終南多捷徑山北有移文莫作西池望東岡集

白雲

索李郭九鮮鯽不得以老杜鮮鯽銀絲鱸
為韻作詩戲和五首

酒焚愛魚鮮懷人更羨淵素書空悵望把醅晚
風前

山谷約東坡清波舉霜鯽欲來怯泥途進寸還
退尺

枕上池鱗躍潑潑白如銀校人朝不至此夢真
無因

崇實堂集

卷之一

十四

桐江釣一絲今古稱絕奇主人羊裘侶漢父知
不知

有懷金鯽池安得鱸魚膾搜我詩腸枯輸君筆
端銳

郭九竟無鮮鯽但以十詩抵塞再疊前韻
戲答五首

誦句嚼芳鮮烹魚詠紫淵

池也出江
港上林賦

酒名湏稍

後謝九詩價却無前

竭澤不見魚泥底尋金鯽但得鯉十頭頭頭不

滿尺

盤蔬堆板玉壹醢蒲傾銀丙穴由來美求之未
有因

池上兩絲絲織鱗故弄奇泥蟠多尺蠖不遺主
人知

榜生鹿角菱榜聖俞有
鹿角魚詩南子蝴蝶鱠南子
化蝴蝶
盡餅可充饑庖刀安用銳

崇實堂集

卷之一

十五

崇質堂集卷之二目錄

詩部

六言絕句

和答梅南六首

戲作無念和尚偈

七言絕句

劉東瀛約遊從姑雨阻不果

題麻姑瀑布泉

答陳西泉

贈人

宿建昌隆道觀次韻二首

贈悟性長老

遊廬山和樾橋公十一首

紫烟洞

錦澗橋

聰明泉

三咲圖

蓮社

赤脚祖師塔

蓮花峯

訪仙亭

雲峯寺

式漁溪先生墓

彌陀菴贈古拙和尚

與隨順僧二首

日峯和尚

知泉

曉菴

秀峯和尚

戲答芝岩子

南城張尉受獎二首

王晴岡受獎三首

題鄭半塘便面

題東瀛扇菊

秋屏

題李星岩便面

寶應紀蝗三首

鶴峯

贈劉卽

題鳳谷桂花便面

半山亭

茶花吟

同林郭二博士登軍山二首

鍾仙人石

山頂石泉忽枯遂廢午炊戲語二子

崇寧集

卷之二十一

三

宿軍峯最高處

朝南峯折杖

枉余亦山拜毋墓次答

後筠二首

麻姑四銑檄寄蒼厓王子侑之以詩二首

約我二首

四山阻風

訊舟人

鄱湖對月

鞋山三絕

題申陽谷遊春圖二首

方一亭二首

贈送李禹江赴南北部四首

雙溪耕叟

送馮改溪司泉徂徠十首

壽節膺褒三疊

北湖三疊

鄒縣道中途雪四首

崇寧集

卷之二十一

四

吳竺源便面索題走筆四絕

曾魯源久不相過走筆戲簡二首

聳翠亭二首

心泉子冠帶登山戲語二首

慈節三疊

郭東逸叟二首

襄陽歌十首

目錄二卷終

崇質堂集卷之二

詩部

六言絕句

和荅陳梅南六首

靜淨雲開晚色波明鳥弄斜暉綠樹初收宿雨

青山書脫荅衣右樓望曉霽

無已呻吟氣息謫僊太瘦頭顱閉戶病懷索莫

侵人詩崇支吾

詩廢豈緣囊藥句成獨對庭花立盡虛簷樹影

崇質堂集

卷之二

可人惟有月華

頗惟交遊慵懶寧知蹤跡盤桓世路如泥更滑

人情似雨無乾

砌蕙娟娟侵翠欄葵灼灼舒丹俗物眼前掃盡

應知多病加飡右病中感懷

愛爾柴門盡靜不妨城市珍藏清咳一聲何處

知音兩耳相忘右聞鄰鶴志感

戲作無念和尚偈

只為錯起念頭費了許多詞說和尚伸出老拳

打破趙州城關

七言絕句

劉東濂約遊從姑雨阻不果

謝安不少青山後公幹元無綠野杯應是山靈

嫌俗客故教風雨一齊來

題麻姑山瀑布泉

麻姑雙練瀑晴岡萬丈高懸未可量即訪天池

問玉女銀河與之誰短長

廬山瀑布謫仙詞俊逸飛流欲闢奇安得騎鯨

崇質堂集

卷之二

來此地麻姑佳處更題詩

昔余落貢西歸辱陳西泉贈詩有笑容楊

柳曉騎秋鶯之句追憶風約不無悵然

聊爾短述荅之

風雨漳江憶昔牽秋鶯曉騎雨茫然笑客不向

春前厭若柳何妨異日攀

贈人

欲訪匡山入紫蘿秋風無奈客愁何誰家數去

能令住乘興無妨清夜過

宿建昌縣隆道觀次韻二首

黃雲古木山上臺洞門端為山人開夜誦靈珠

三百過白鶴雙雙飛下來

古洞陰陰蔓碧羅我來便得卧雲窩三更雲氣

沾衣濕錯道人間風雨多

贈悟性長老

苦海迷津復復還慈航法華更沉沉青蓮一朶

泥中見此是瞿曇出世心

遊廬山和錢樾橋先生十一首

東坡堂集

卷之五

王

大林晴日嵐氣收團團寶樹依丹丘高枝盡結

幽禽壘傾蓋還供客子遊

右大林寺

遠公寶塔鬱高臺石室雲封撥不開蟬蛻有形

終是幻虎溪夜月更誰來

右祖師塔

卧龍轉步入銀臺嶽麓奇峯面面開回望天池

高萬丈恍疑身自碧霄來

右銀臺庵

屈曲銀臺路轉高法堂遠屋響松濤老僧入定

不作語顰眉向我嗔粗豪

右法堂庵

白龍忽送千山雨紫蓋還停五馬車不惜清溪

盡沾濕更新祈赤旱為消除

夏旱曾此應禱
右白龍潭遇雨

萬仞孤亭倚碧天空山風雨自年牽覺來蓬島

終歸盡漫道人間聚四僊

右聚仙亭

懸厓萬丈澄秋波飛流一派來天河人間病暍

仰餘瀝高卧山中柰爾何

右卧龍庵觀飛泉

浣除佛指拂烟蘿寒泉淨掃開雲窩月明試聽

山人語此夜巖虛受月多

岩舊有僧房橋前
而新之右佛手岩

竹林古寺顛仙居仙去林空寺影虛獨有山前

奇石在舊遊蹤跡未應除

右竹影寺遊仙石

東坡堂集

卷之五

初

文殊瓊宇照層臺碧霧輪囷清夜開太守光明

燭岩堅山靈處處送燈來

右文殊臺觀佛燈

遠公歸去獨荒臺講席憑誰萬卷開亂石點頭

蒼髯蝕夜深時有野狐來

右講經臺

紫烟洞

有存

宿紫雲之夕黃生謂錢公曰此去香爐

不遠惜險絕無路遂為遊人所遺余興

動奮欲一往公許之明日步自草堂躋

援木石穿叢莽中行數里許得底石卧

短松下恰坐二人遂小憩之石傍一竅
隱隱光出隸人剪木窺之乃一小洞初
自洞口偃僂入中可容十數人其後復
有光以石投之莫知所止余笑謂公曰
自有爐峰來遊者不可勝紀而茲洞無
有知者豈山靈久秘以俟公耶昔李白
有日照香爐生紫烟之句則今洞便可
稱紫烟洞矣公大咲從之因書三字其
上且系之以詩俾後來者知所自焉

紫廣堂集

五

香爐峰下千仞洞廬嶽山人久秘歲太守探奇
緣絕頂紫烟今日始開荒

洞門深鎖惡木枝陰蔽護東南奇使君仗劍
一掃盡空壑直與遊人窺

昨日看山洗佛岩今日看山開洞天君侯元是
山靈主嘉話還留異日傳

廬之洞白鹿開新題古刻何紛紛請君便作
紫烟記山水長流二妙文

錦澗橋

成都萬里錦官城老杜題詩倍有名我欲橋頭
書錦澗坡仙還此笑徐凝

聰明泉

名泉一酌試寒觥頓覺泛前耳目清翻咲孔門
傳道者回愚參魯不聰明

三咲圖

醉裏乾坤逆旅途相逢處處盡嶽嶽陶潛慧遠
陸脩靜此是人間三咲圖

蓮社

結社溪邊種白蓮社中十八盡高賢寂寥往事
空千載芳草萋萋尚去牽

赤腳祖師塔

萬里遙遙雙赤腳百千杳杳一浮屠道人天眼
今安在獨有幽函骨未枯

蓮花峰

一峰巖峙東南鎮玉井開花十丈長曾結相知
周茂叔清風此日尚餘香

訪仙亭

亭在竹林寺前橋公感顏仙遺事
宜此

浮游八表駕輕鴻弱水虹橋路可通莫道竹林
無處覓使君元自有仙風

雲峯寺

舊名接待自東林登天池第一境也

五日匡廬任瘦筇天池浴罷落雲峯山僧指點
來時路笑我凌風下碧室

式漁溪先生墓

玉塵山輝帳望中千季宰木尚光風道傍高塚

累累者空卧麒麟枳棘叢

彌陀庵贈古拙和尚

崇實堂集

卷之十

七

高僧獨坐擲筆拳手携玉塵揮蒼龍夜半禪關

望南海千山初日青瞳瞳

與隨遊順僧二首

赤脚尋幽不避勞角巾錫杖興俱豪白龍潭上

歸來晚倒挂松林月影高

山人本是方外客山水窮搜已成癖他年更欲

訪蓬瀛偕爾凌空飛卓錫

日峯和尚

泰山頂上日觀峰停雲宿霧何冥濛海門夜半

紅初吐灝氣直與天地通

知泉

般若元從智慧生心泉定水本清清曹溪一脉

寒潭淨更續天池七祖燈

曉庵

幽暗岩厓處處迷馳驅道躒欲鷄棲禪僧入定

庵常曉翻笑人間日已西

秀峰和尚

屏山九疊秀重重此是東林第一峰未向西天

崇實堂集

卷之十

八

瞻絕頂先從蓮社覓遺蹤

戲荅芝岩子

山人不解玲瓏唱病骨何堪翠袖圍好向蓮前

賞金縷絕勝岩下採靈芝

南城張尉受獎王中丞

見說中丞問俗頻即看蓮幕獎書新明朝試向

沙頭望鷺鷥雙雙喜不真

矯矯南天一鶚飛偶從幕署借卑枝忽傳風信

來當踏萬里吹塵及爾時

王晴岡受獎景侍御三首

山城竹馬走兒童處處歡呼賀相公
聽馬觀風兼問俗旌書千里到荅封

為政風流傳漢史寂寥千載幾循良
穎川故事今仍見疑汝前身定姓黃

蓬萊之宮溪九重柱史榮翰侍重瞳
朝覲容問良吏明光薦草首南豐

題鄭半塘便面

桂影扶蘇天已秋清陰匝地暑初收
枝頭雀喜

榮寶堂集

卷之十

知何事此際人間喜正浮

題東濂扇菊

不隨群卉照青春肯飾容光媚主人
江上秋風眷幽獨清芬還屬歲寒身

秋屏

天柱峰頭玉殿開兔毫荅影共徘徊
碧空萬里澄如洗一片秋容取次裁

題李星岩便面

泛泛星槎足勝遊直窮銀漢度瓊樓
雲間縹緲

聞仙樂玉笛聲中萬里秋

寶應紀蝗三首

千里飛蝗欲蔽天江南江北望茫然
一粒未云飽見說民饑自去牽

伐鼓討村說捕蝗一方逐去更它方
即令捕却蝗至盡安得民間足稻梁

泰山苛政猛於虎虐吏為蝗毒更多
食節食心張爾喙無人捕逐却如何

鶴峯為彭城劉將軍賦劉嘗訪坡仙遺事

榮寶堂集

卷之十

脩復放鶴亭因以為號

彭城太守人如鶴飛去千季望欲迷
此日雲龍山下過一峰獨立鶴來歸

贈劉即吾一

一入桃源去踏除空傳蹤跡落胡麻
仙凡迫隔勞追逐竹下劉郎繫一槎

題鳳谷桂荅便面

清陰長護廣寒廬隔歲佳人有報書
八月仙槎度河漢笑扶明月下金渠

半山亭 無錫鄭三尹禱雨建此

策杖捫蘿度嶺時
荒亭山半卧殘枝
東吳簿領人如玉
猶憶甘霖應禱時

茶谷吟

笔架峰頭石欲頽
茶谷吟前雲作堆
遊人脇息山人笑
一日去來能幾回

同林郭二博士登單山二首

谷底蕭蕭木葉風
山腰黃霧濕冥濛
丹崖一望數千里
知隔天關第幾重

崇實堂集

卷之十一

十一

二子高懷孰與儔
每逢佳處即淹留
磨崖不為留名姓
恐被山靈笑浪遊

鐫仙人石

石下雲生石上浮
凌空雙鳥落雲頭
秋山不改當年色
翠壁題名憶舊遊

山頂石泉忽枯遂廢午炊戲語二子

岩頭苦柏晚方翠
空外懸霞秋更紅
饑食渴飲足受用
便合辟穀遊赤松

宿單峰最高處

倒盡仙瓢卧石壇
滿天星斗醉中看
覺來一枕曲肱夢
落月遍身風露寒

嘲南峰折杖

孤山處士莖竹枝
提携陟降須扶持
山鳴谷應忽中斷
正是先生力倦時

枉余亦山拜母墓次各

寒雨荒烟翳獨峰
瞻依何處只茲封
瓣香此日朱高士
剪髮難忘翼子功

後筠二首

崇實堂集

卷之十一

十一

琅玕箇箇壓簷長
特有青標出畫堂
六月高眠開北牖
瀟瀟風雨送羲皇

君家種竹只數根
小者拄杖大文尊
怪得兒童延俗客
春風長日閉前軒

麻姑四姝械寄蒼厓王子侑之以詩二首

泉傍麻姑亦姓麻
長春洞裏貯流霞
仙厓迥隔相思夜
千里開樽共月華

玉殿清秋綺席開
桂華猶憶昔年杯
紫雲縹緲仙凡隔
獨有青州從事來

紫雲王子侍兒

約我二首 戲贈林博山

異趣忘季志已它墨悲楊泣奈人何本來面目
還誰識却咲從前我太多

一點浮雲過太虛迥然此際見真吾坐忘萬物
心齋後始信今來我亦無

四山阻風

搖曳孤舟滯筆荒寒汀盡日聲逢逢飛帆挨桡
南舡去猶自撒撒呼北風

訊舟人

樂齋筆集 卷之十一

十一

停桡何處落星洲城上擊柝望江樓昨夜開舡
赤石口明發應過青山頭

鄱湖對月

夾岸簾葭白露懸寒汀渙父傷鷗眠濁醪倒盡
狂歌發湖水茫茫月滿舡

鞋山三絕

匡廬山人靴隻屨翩翩飛度鄱湖水崑崙踏遍
却歸來偶向波心遺散屐

下邳曾進黃公履孺子千季迹尚新此日孤蹤

浮水面拾來誰是圮橋人

汗漫常期五嶽遊雙鳬飛去欲何求從今拾得
凌雲舄踏破天風到上頭

題申陽谷遊春圖

長安苑中春日明長安道上春風輕千樹萬樹
杏花好白馬青袍緩轡行

芳塵踏遍未須論遲日濃花樂事繁日下氣氤
薰瑞氣谷前爛熳是君恩

方一亭

樂齋筆集 卷之十一

十一

檻外誰開半畝青活泉一注自泠泠天風不起
波容澹此是人間方一亭

小築茆亭瞰石池天光雲影坐忘時興來不用
哦新句只詠當季晦老詩

贈送李禹江赴南北部四首

金陵鬱鬱赤霄間虎踞龍蟠百二山江浦潮聲
流夜月春帆指日看潺湲

玄武湖心長菱荷鵝鵲浴盤渦漢陂牛渚
賓朋盛第勸兄酌春草多禹江今兄亦宦番都

雞籠山閣倚雲開
粉署仙郎數舉杯
秋來貫索誰占候
煩君更上觀星臺

白雲南望隔親廬
道跡悠悠潤報書
羨爾江東好春水
仙舟迎養勝潘輿

雙溪耕叟劉月川索題

水石林泉費品題
月川川上識雙溪
古來真隱還城市
羨爾莊開傍郭西

溪頭雨歇聽鳴鳩
溪上春風數散愁
禾黍迎秋新釀熟
便應喚爾水鄉侯

崇實堂集

卷之十

十五

送馮改溪司泉徂徠十首

三月離亭茗乳紅
別筵盡日醉東風
維駒暫駐燕臺下
持節遙臨瀚海東

自昔詩人多水部
更便吏隱得徂徠
憑將公事山中了
羨爾今司泉上開

江南杆軸運帆樯
水澹漕河木易航
七十二泉通一線
好憑涓滴報君王

紛紛漕議竟如何
淺若河泥深海波
司計信誰通地脉
尋源仗汝挽天河

岱嶽峻嶒勢鬱盤
日觀峯頂更噴岧
授泉直上卑高處
咲指當年封禪壇

阜鄉遺蹟奠乾坤
是繹山前闕里存
萬古泠泠深不息
須從洙泗識真源

秋水平添南旺湖
渚禽沙雁下蘼蕪
月明吏散無事坐
看千艘運國儲

泉源直接海東頭
萬里滄溟一望收
八月乘槎訪牛斗
珠宮瓊苑紀新遊

紫陌趨朝並玉珂
月明尊酒數相過
清霜後夜

崇實堂集

卷之十

十六

成孤詠海上飛騰
奈爾何

東望東山多暮雲
壯遊底事惜離群
扶桑日出會相憶
應有新詩遣我聞

壽節膺褒三疊

天桃艷李競春妍
倏忽韶華只自憐
壑柏岩松挺幽獨
歲寒歷盡更蒼然

我心匪石不可轉
夜兩秋霜六十春
昔日遺孤今長大
忽看兩世盡朝紳

里巷爭誇被寵光
門楣高揭表綱常
婺星偏映

絲綸制書笈從知鐵石腸

北湖三疊為同季朱侍御題

湖中一艇去來輕湖上兩峰相對明春風澹澹
岸花發春日遲遲沙鳥鳴

西湖歌舞使人愁湖北風光事事優漢遼數聲

烟際落簾霞一段一望月光浮

江湖散人誰擅名江湖處士自有星為房孫辟

鱸羹羹濁酒狂歌醉未醒

鄒縣道中逢雪四首

朱廣文

卷之十

十

魯國聽雞急曉程平原飛雪細無聲寒惟望入

三遷里忽落山陰道上行

亭午雪大風轉狂灞橋詩思誰禁當老兵瘦僕

慙無色余亦凌兢手足僵

百畝平疇覆白沙筆根草際啄饑鴉誤殺境入

江南早道上寒梅樹對花

崑陽山頭雲不開崑陽山徑雪成堆玉臺瑤島

忽在眼便欲乘興登蓬萊

吳竺源便面索題走筆四絕

林下蕭條秋氣清茆齋竹牖讀書聲涼風一曲

清蘭操掃葉烹茶待友生

獨家村花一溪斜紅蓼丹楓映晚霞策蹇問奇

橋上客亭中有酒不須賒

索簡墳編次第窺夕螢曉霧下青帷董生信有

天人策獨對彤庭更讓誰

浣花溪卜拾遺宅朝水莊開給事園鳳翥龍翔

應指日未論松菊暫荒蕪

曾青源久不相過走筆戲簡

朱廣文

卷之十

十

蓬卷高軒不肯停苔痕兩月滿誰青青缺三百

何曾乏幾市沽來只自傾

三秋九秋不可即千山萬山何太遠相思只隔

長安道馬足從來厭寂寥

葦翠亭二首

谷底雲生石徑盤孤亭葦翠立雲端三山秀拔

知何處此日真從雲外看

百折長江萬古流登臨最愛白蘋秋征鴻送盡

江天杳江上青山數點浮

心泉子冠帶登山戲語二首

阮公自有登山屐郭泰寧無折角巾
藜杖芒鞋元解事我冠束帶是何人

牛首山前俗駕迴葯房蓀蕨淨纖埃
請君脫去烏紗帽莫受山中猿鶴猜

慈節三疊為羅地曹尊堂賦

梅嶺遙遙楓嶺長孤孀旅襯泣枕柳間闌萬里
歸來日信有人間鐵石腸

囊空壁立門反扃毋紉兒誦燈熒熒卧冰食蘗

崇實堂集卷之三

十九

等閑事期爾他年起一經

大兒力耕宜室家小兒頭上新烏紗
龍章照

耀潘輿迂慈節當年人共誇

郭東逸叟為雷別駕賦

終南捷徑幽人避山北移文俗轍迴何似劔江
賢別駕草堂早傷郭東開

宦情玩世真何有儒術謀生計盡疎放霍囊琴

心更逸祇留松菊共樵漁

勞勞亭上笑浮生獨喜鷗群近不驚尚憶魯論

相七逸憑誰更續郭東名

襄陽歌十首贈雷少郭給舍擢叅湖藩

太嶽山前薇省開旬宣須用濟時材
襄陽耆舊應相慰快觀留京諫議來

石頭城邊蒼欲然江東亭上酒如泉
春蒼春酒襄陽客對酒看蒼悵別筵

聞道襄陽歲事艱古來宦蹟幾班班
羊公墮淚碑堪讀至日先登峴首山

諸葛卧龍原此地英雄遺事已千秋
春隆中故宅

崇實堂集卷之三

二十

今安在倘有當年抱膝人

滄浪之水清如斯千古長歌孺子詞
塵纓縛我解不去安得從君一濯之

子子當季識不凡微忱難勝楚王諛
巡行倘過

南漳縣試訪荆山抱玉岩

杜陵廣廈千萬間年來風雨頽空山
君去支撐

憑大手務令寒士俱歡顏

三十六岩風月多使君行處即雲窩
金芝瑤草

無人采道骨仙風亦爾師

白下登臨每厭遲
披垣兩載數追隨
只今未覺風流盡
公暇還尋習氏池
柳樹梅花何太奇
春前雪際歌開時
太和峯頂如相憶
千里憑誰折一枝

崇質堂集卷之三目錄

詩部

七言絕句

少年謝祿卷

洗眼泉

題雪松

題華陽

蔡画師寫照

洗少汾惠菊依韻奉酬

題竹贈缸橋二尹

雨中有懷平湖子走筆四首

龍津曉渡

和答敬所學憲惜別二十首

渡武陵漫歌四首

蜀客有談文君故事者漫賦一絕

由草萍至懷玉喜近家園走筆報山中諸

友四首

宿上清宮

紫霄雜記十首

驪歌四首贈朱砥澗北上

避兵謠十首

華山紀行四首

龍門橋二絕

楓林夜行

真南行十首贈別鄧南谿大夫

池上紫荆盛開忽值風雨和答

高雲臺詩索龍角龍涎和答三首

紫霄集

卷之三目錄

二

池亭睡起獨步林間偶成二絕

和答高別駕松花二絕

水竹園避暑十首

戲答高貢元二首

題徐西河別駕便面小景

贈六合馬司訓

從友人索菜

紀夢

和李吳齋悼妾詩十二首

濯纓亭一花穿戶午枕初醒莞然獨對

池上獨步

柳下偶成

朱砥澗過訪水竹次答二首

郭凡素絲滿頰贈以剃刀戲之以詩二首

驪歌十首效竹枝詞體奉送鄭侯北上

竹下二首

和答朱砥澗五首

次韻謝雲臺別駕十首

紫霄集

卷之三目錄

三

崇質堂集卷之三

詩部

七言絕句

少年謝祿卷庚戌之夏予遠請告有懷費

子之高尚而脫疑未能也湯書數語聊

識耿耿

何物功名惱壯懷途窮日暮使人哀仙風道骨

誰家子曾見希夷處士來

洗眼泉

崇質堂集

卷之三

上

年來兩目昏朦甚岐路縱橫到處迷信有法泉

堪洗濯任渠南北與東西

題雪松

萬里同雲雪滿山虬枝偃蹇更蒼顏道人此際

來何處應是珪京跨鶴仙

題華陽

天畔青青華蓋峰山陽一面更龍從千年雲鎖

紫玄洞誰啓當時霧檢封

蔡画師寫照

蔡名世新陽明門下士

十年作客尚風塵自是虞翻骨相貧慙愧照師
稱妙手貌來丘壑十分春

洗少汾惠菊倩以二詩次韻奉酬

河汾居士蒼滿籬殷懃貺我兩三枝庭前頓覺

冰霜滿戶外生憎蜂蝶知羊城恒煥十月蜂蝶紛紛不謬語也

分得幽蒼何太情烟霞滿意為誰清名園爛熳

應無數宛宛思君江上亭

題竹贈虹橋二尹

使君種竹已成林一閣清風十畝陰誰遣生綃

崇質堂集

卷之三

上

風雨濕画工原識歲寒心

雨中有懷平湖子走筆戲簡四首

空階片片長莓苔陌巷柴門午未開隱几蕭條

無一事故人今雨不曾來

今雨不來舊雨來相思只隔少城隈但令書卷

封蛛網莫遣醫方斷酒杯

一枝架閣太峻嶒毛枕繩床似病僧為問維摩

長寂淨何如陶令醉膏肓

惠能頓悟二十偈寶誌行歌十二時面壁湖公

今一月欲叅上乘問禪師

龍津曉渡

古驛寒梅已報春天涯猶有未歸人
凌晨欲渡綠何事雨細風斜此問津

和荅王敬所學憲年兄惜別二十首

交誼如君意不輕同來野寺聽啼鶯
春光盡日留人醉莫唱陽關第四聲

滕閣携觴到上頭高歌還憶昔年遊
匆匆又作湖湘別春去秋來歲月浮

崇實堂集

卷之三

三

思君長恨隔山河且泛春杯灩灩波
莫道洞庭非遠別秋風衡雁已無多

師程一代推安定道脉千秋屬紫陽
此日門牆盡桃李它年山斗仰文章

我醉我歌君且聽程文仲似讀黃庭誰能奮翼
天台去準擬高鶩附弱翎

落落溪澗鮑叔知十季飄泊更支離
無端又向瀟湘去已忍膏膺對別危

相逢况是隔年期良晤翻增後會悲
把袂悠悠

問前諾岳樓滕閣月明時

饑來驅我笑謀生岐路東西去住輕
結贈芳蘭

何以報新聲按作短歌行

文旌小隊出溪東笑撚荅枝駐落紅
離筵不用

傷春暮春在先生杯酒中

文星到處薄雲烟霞綺珠光媚遠天
珍重牙籤

盈篋笥便應書畫榜行舡

麻姑壇前春日長麻姑石上泉涿香
尋荅問松

度三峽與客同登白玉堂

崇實堂集

卷之三

四

才望如君重一時疎狂老友却能知
病來便合

投簪去一任浮生素髮垂

念我時傳尺素書雙魚腹裏莫交虛
驚湖鹿洞

多佳句別後無忘一啓予

孫憲薛薛法堂深促膝掀髯話此心
今付江山

傳勝集它年野雪恐難尋

雲夢胸中八九吞斷潢絕港未須論
直從源委

流洙泗魯國諸生盡在門

長懷鴈宕意俱徂鬲跡頻卒未可圖
何日躋攀

從杖屨松風蘿月見真吾

從來伯子近人情善誘循循不用名三月已聞
敷五教半年方得讀西銘

共嗟吾道屬難老我依然守一官請得俸錢
償酒債算來元不為饑寒

鳴騶過處綠蒙茸荅徑通幽掃舊封春色滿庭
傾別筵它幸何地記重逢

色相難忘尚有情驪歌一曲欲吞聲莫言兒女
難為別試聽枝頭黃鳥鳴

崇禎堂集

卷之三

五

渡武陵漫歌四首

雪裏荒谷尚未開武陵溪水遊仍酒漁郎室記
歸時路咫尺仙源不再來

僻處幽樓本避秦年來已作太平民桑麻難大
依然在自是漁郎錯問津

胡麻飯飽倦時眠野老原來自是仙鑿破真源
人代改桃峯猶自說當年

行春問俗渡陵溪雲黯江寒近欲迷信有溪村
隔寰宇便應短褐把鋤犁

蜀客有談文君故事者澤賦一絕

文君新寡便懷春一見相如遂失身中道棄捐
應自銀白頭寧得怨他人

由草莽至懷王喜近家園交筆報山中諸
友四首

常日言歸今日歸白雲漸已近庭闈釣竿買得
渭竹寄語盟鷗莫浪飛

微緇衣拂舊塵江湖從此作閒人相逢取醉
無多日好辦雲安麴米春

崇禎堂集

卷之三

六

解脫金章戴鵲冠青山肯使舊盟寒年來見說
山中友不似當時酒量寬

水竹幽居一徑斜論文時過野人家風光別後
知多少計筭紅梅已看花

宿上清宮

煨芋烹茶共白衣寒空霜月滿庭輝步虛一派
笙簫近疑是瑤京跨鶴歸

紫霄雜紀十首

山城鼓角集鄉兵豺虎村村夜枕驚棘路只愁

騎馬遊淺沙聊作泛舟行 右泛舟

柳葉初黃楓未丹偶隨樵牧過前灘遊人不識

紫霄踞笑指雲邊松樹煙 右山行

春風煇雨石不老霧縠瑤函事已空巖上幾年

留蛻骨雲中何處覓壺公 右觀蛻骨函

溪陰丈人并息機彭澤先生生事微節君溢我

長生訣便合辟穀高岩扉 右禮三節祠

晏徑幽岩可避秦 連武鄉民 一溪彷彿武陵春

樵枰舊著猶堪識似覺年來局面新 右著棋巖

崇賢堂集 卷之三

寒泉照影咲蒼顏獨坐松間聽佩環不謂神丹

能久駐祇緣清味欲忘還 右丹井

龐萌奇事傳千古笑兀何年置此卿佳石每逢

先屈膝令人長憶米元章 右掛冠石

披雲拂棘覓荒丘鼎壑千巖此最幽尚想當年

點周易露珠滴處不勝秋 右尋張升霞讀書山

未騎子晉千年鶴試泛張騫八月槎沂入香爐

峰盡處溪流一線得胡麻 右浮筏入小溪二曲

幽人霄閣鳴琴罷 闕名 道士星壇禮斗還偶坐

脩然無一事焚香啜茗說青山 右同佩文山

驪歌四首贈朱砥澗應貢北上 夜坐

弱柳初芽春正晴條風解凍慳長征勞歌唱微

驪駒發羨爾雲霄萬里程

弓劍輝輝此壯遊谷香處處襲輕裘月明後夜

如相憶齊魯山川天際頭

幾年芹曝獻無由懷寶空為識者羞此日揚眉

對金水研池光射奉天樓

上林郊數聚群材薊野驪黃雲錦開策馬縱遊

崇賢堂集 卷之三

應得意眼中突兀黃金臺

避兵謹十首

去牟避賊今避兵滿城豺虎時縱橫見說避兵

無處避南豐新已立東營

常言賊至苦無兵誰料兵屯即賊營賊來閉城

猶自可兵來入城猛如火

樂安精兵膽氣震關街塞市時喧呼飽食嬉遊

無一事成群渡水覓樵夫

病叟扶筇獨倚門自言為國度朝昏東營兩月

精兵至止有空畦野蔓存

令旗對對馬前排夾道傳呼把總來昨日充兵

今作將軍門拔爾出群材

廿有六日日欲昏撫兵鼓譟入東門摧旗放鉦

聲聲殺闐市驚逃無處奔

長鎗狼筈氣憑凌毀瓦錐門莫敢攖跨馬指揮

誰好漢人言把總是姜稱

扶傷負痛但吞聲三日城市尚震驚縱是遭殃

無處說即今官府怕精兵

行糧工食盡民脂蟻聚蜂屯却為誰麾下未聞

施將令營中專務養驕兒

無端兵變亂紛紛凌逼鄉官不可聞當路一時

俱右武請從今日罷論文

華山紀行四首示同遊王佩文上舍

結伴尋山作勝遊杖藜偕爾共清秋穿雲入竹

塵寰隔坐對飛泉爽氣浮

日暮停驂款竹扉相逢野老盡依依藜羹豆粥

欣然對信是先生已息機

若嶺岩巖巖巖嶺長獸行辟易鳥迴翔白茆夾道

最無徑篁竹陰森漏日光

鳥道盤盤上沈寨斷崖峭壁出層霄捫蘿我度

飛雲磴絕澗時過獨木橋

龍門橋二絕

橋下鳴泉橋上塵幽懷為爾一停車似看白晝

風雷黑疑有蛟龍峽底居

雙樹懸崖一草廬焚香長御白牛車水流任急

境常靜却羨岩僧木石居

楓林夜行

山下沝泉漲漲鳴山頭皓月十今明滿天風露

涼如雪洗落山陰道上行

滇南行十首贈別鄧南谿大夫之桂廣州

送客春亭柳未青銀笈別酒急官程不待停

三湘棹又作朱轡萬里行

南遊歷盡楚山雲望入沅沅路始今弛擔暫經

馴雉處兒童羅拜舊神君

五年小邑試牛刀始握魚符換紫袍南詔山川

盡生色一麾何幸辱賢豪

刺史元非百里材賓州共道福星來即看甘雨
和風政盡掃蠻烟瘴霧開

隨阪事簡綠鋪皆長日焚香卧郡齋盟胸時汲
玉泉井撫字還勞赤石厓

巖蒼佳氣鬱葱蔥上有天泉不可窮荒城吏隱
還多暇遊遍名山十九峰

洱海源從定嶺西清泠彷彿似浯溪使君舊是
唐厓主應有新篇九曲題

崇實堂集

卷之三

十一

遠徵蒼生軫聖情循良遴選舊知名上林喬
木鶯聲早遲爾超遷報政成

少微處士自有星厚祿高車誰擅名萍跡未須
論去住今流合處是滄溟

童稚情親四十年流光回首各茫然宦成好續
柴桑賦遲爾同耕隴上田

池上紫荆盛開忽值風雨友人作和答

二首

植得奇葩傍水涯朝來滿樹散晴霞東君獨對

虛亭晚風雨無端似妬花

花下尋詩興欲狂不妨雨過浥餘香裴羊有約
來何暮莫負春風一樹長

高雲臺詩索龍角龍涎和答三首筆墨併
往

一春抱病久拋書詩酒尋常事事通管子墨卿
笑與淵從今合遣付潛夫

玄主點染滿池蒼龍角蘭芽品亦佳携向
庭脩大對長楊試罷日初斜

崇實堂集

卷之三

十一

蝌蚪池塘書字奇黑精紫穎更何為莫向書囊
貪博洽康成千古病支離

高子幼書欲癖未寫
趣意

池亭睡起獨步林間偶成二絕

睡起尋詩緩步行野禽真愜野人情飛來隔竹
如相慰向我雙雙啼一聲

一枕春酣百事慵筆牀硯匣任塵封惺來獨步
蒼苔徑無數蒼開牆角東

和答高別駕松峯二絕

名園過雨赴幽尋拾得松華滿地金錯認菜英

供俗眼須知水竹是知心

繁李夭桃未許同後凋早發任天公亭亭指日
干霄上萬紫千紅揔下風

水竹園避暑十首

城中烈烈日如赭池上陰陰翠作圍一曲滄浪
聊自適紅塵騎馬欲何為

一榻隨陰屢轉遷晡時就正午時偏重簷廣廈
何曾有唯有清風處處便

竹影交加一徑陰貪聽鳥語坐林深蒲葵拋却

榮齋堂集

卷之十

十一

過亭午不受人間酷暑侵

小閣中開北牖三羲皇一枕卧陶潛晝長清福
難消受松竹風來送黑甜

幸來習懶已成癖硯匣書籤塵作堆日日慵眠
忘午飯一尊時向晚涼開

道人一月不梳頭茗椀蒲團對白鷗菰米蓮房
生事足被人稱作水鄉矣

得意枝頭蟬噪獨忘機荷上鳥飛遲紅妝入戶
嬌無語睡起凭闌獨立時

池上開行獨杖藜因過竹院訪闍黎山僧自作

青蓮供不用佳人雪藕絲

歸鳥喧喧日下春樵歌互答隔林籠酒醒散步

荷香曲忽聽西林寺裡鐘

心憶高陽舊酒徒幾回河朔飲狂呼即今避暑

知何處永夜遙天月共孤

戲荅高貢元二首

七步詩成不用催文章有象變風雷午窓走筆

書盈幅便覺雲煙次第開

榮齋堂集

卷之十

十四

酷暑勞人何更催只緣交誼並陳雷遠憐汗透

屠龍手真羨名隨倚馬村

題徐西河別駕便面小景

曾向西河把釣竿夢中沅水醒時看于今世路

風波險翻笑當年睡得安

贈六合馬司訓

絳帳由來屬馬融青氍毹隨處坐春風門牆桃李

栽應遍六合春回化雨中

從友人索菜

清談幾日涎空嚙病渴三更首重迴
莫料理誰遣水壺居士來

余七月廿一日夜夢率群僕於往季蒙

書館徒薪薪盡忽得銅茶匙一柄匙背
有字四行筆畫疎朗余與李平湖共辨
之乃七言絕句詩一首平湖異曰匙背
僅指許容二十八字可讀非凡品也嘆
賞久之覺來但憶首尾二句及迷字韻
餘忘之矣乃足而成之以貽好事者一

吳興堂集

卷之三

十五

噓

黃葉滿空天可梯白雲封迳蹠仍迷武陵津有
憑誰問流水前頭雞亂啼

和李巽齋悼妾詩十二首

有序

巽齋年兄示余悼妾詩十二首讀之凄
斷反覆詞旨哀而傷矣夫死生常理壽
夭定數達人大觀忘物君子安命抑情
良有以也是以莊漆園有鼓盆之歌張
睢陽有割愛之勇大丈夫襟度磊落與

化俱祖豈可溺彼私愛苦茲老懷是用

依章和荅洩余取取前六首挽之以情

後六首廣之以理詞雖弗工意已獨至

耳吾兄試諷詠之或可自寬也何如

風吹雨洒瑤琴絃斷無聲思不禁澁指孤鸞

哀調淒涼難寫風時心

吳翠眉室有恨香奩綉閣已無人歌枕尋思

信惆悵梨花夢裏又逢春

世間何事最堪悲環珮飄零獨自歸愁極無端

吳興堂集

卷之三

十六

開篋笥淚痕沾透嫁時衣

雕闌艷色牡丹花看到白頭能幾家紅顏未老

思先斷莫怨東風當自哢

輕盈見說類仙姑纖手傳來事事孤浣紗溪上

誰家女不信人間有子都

推寒衾寐不成淚珠枕上為誰零披衣強起

牽靈幄顏色依稀月滿庭

遙觀壽夭本齊卒定數原從未畫前墜葉陳跡

同草草是誰亭泰是誰廛

春去秋來未是遲陰晴直且不須疑人間俯仰
成今古聚莫貪歡散莫悲

鶴歸華表添新塚潮落寒江只舊濱
衰髮好籠風裏燭多情莫念土中人

一夢華胥不可呼返魂香爐幾時
獲存亡見憤渾閑事蒼苔不開不用扶

艷骨已成蘭麝土病身遍倚短長
闌浮雲漠漠君休戀且抱鵝雛一解顏

消息盈虛信莫窮奇蒼枝上忽狂
風人間大夢

醒無日雨散雲收何處逢

濯纓亭一蒼穿戶午枕初醒
茫然獨對

睡起凭闌著眼遲美人入戶逞嬌
姿微歌呼酒

池上獨步

池上哦詩獨自行紅妝如慰白頭
情炎埃不起

柳下偶成

黃鳥來時還嬌柳玄蟬吟罷覺蕭
疎旁人錯比

陶潛宅池上依依恰五株

朱砥澗過訪水竹遠午睡未醒
候久成詩

覺來次荅二首

羲皇何暇問朝晡飽飯慵眠計未
疎要識黑甜

真趣况夢時似有醒時無
松竹亭亭閣午陰閑行有客坐
蒼心鮮衣覓句

何須主稚量如君到處溪

郭凡素絲滿頰贈以剃刀戲之以
詩二首

滿面絲絲鬢且鬢一經披拂便童
顏細君攬鏡

朝來笑何必山中問大還
此日贈君金錯刀朝朝頰上削
霜毫自今操握

不計歲却老良方此最
高

驪歌十首效竹枝詞送鄭戾蒼
濂北上有

語云驪駒在門僕夫戒途言行
速也丙

子冬孟吉日維辛吾戾鄭公入
觀行

矣瞻望弗及凄其馬鳴欲留則
無計遽

別則不忍于時存紳士庶祖帳
聚和門

外爭先俟隙填擁雜省不得行
實過逢

素簡悵戀獨深乃與疾出如携壺執轡
冀淹頃刻少罄網繆侑觴強續驪歌浮
白竊方涓勸蒼公聽之悄然曰別何
匆匆耶乃掀髯舉爵盡酌無筭為余遲
遲其行云

祖帳紛紛唱渭城囊琴飛舄使君行山泉旋汲
清如許此是山翁酌水情

曾對天人獻大廷牛刀暫借試山城六年盡
展平生學不負高魁起一經

崇賢堂集

卷之三

七

鄭玄文學許誰過魯國諸生入網羅染翰昔曾
經指授賢書今歲得人多

渡有官舟津有梁波濤風雨免褰裳月明試聽
輿人頌處處康莊安樂鄉

父老欣欣赴廩庾田均稅薄早輸租召父神明
誰隱伏百幸樊穴盡爬梳

耕牛不宰博徒空廬井絃歌巷巷同信是陽城
專德化盡將澆俗變淳風

大坪堦上聽樵歌飽食嬉遊柰若何賴得吾庵

銷畏壘東營今已戢干戈

迢遙臺上獨孤琴遺響風流說到今日登臺
侯再鼓絃絃還似舊時音

十畝棠陰萬樹蒼平疇百里盡桑麻使君退食
渾無事雙鶴連軒報晚衙

六年宰邑兩朝天贏得聲名帝里傳板卧萬
民留不住它年惟有口碑鐫

竹下二首

隔竹呼僧伴閑寥蒼間茗碗勝仙瓢閒眠盡日

崇賢堂集

卷之三

七

無人到惟有清風不用招

漢陰丈人甘息機栗里先生長掩扉草茅無徑
造榛塞且喜幸來客到稀

和荅朱砥澗五首

日日池亭掃客塵一塵不染稱閒身唯君歲晚
憐同病時遣新詩到翠筠

幽居久矣解塵纓白眼青尊事事輕計老一瓢
猶棄去近來嫌閑併疎僧

世路崎嶇不肯平細推物理幾虛盈休憎老脚

難移步且得林間謝送迎

棋局輸贏一着饒煎熬慾火立時銷夜浸獨坐
青蓮宇雲掃虛空月滿霄

廣文先生首蒞食一簞無諫王為盤家貧好客
自情性載酒時過水竹間

次韵謝雲臺別駕十首

楓葉滿林紅若燒桂香香氣未全消池亭獨對
真堪賞剥啄何人問閨寥

秋風颯颯雲英英鎮日茆齋面少城獨引壺觴

宗質堂集

卷之三

十一

還獨咏幽懷拍塞待誰傾

老去筋骸只自憐應酬倦客合慵眠尚愧青蓮

非王井開蒼安得藕如舡

偶因看竹一相過竟日論文麗澤多忽捧瓊瑰

仍索贖陽春古調付高歌

一尊酒盡何歡洽十首詩成只吐嗟乘醉登車

還訂約為言來日賞名花

自嘆山翁軟脚春獨酌消愁知幾巡經旬懸榻

少佳客此日高軒來故人

池上蒼開媚草堂偏將紅綠傲秋霜未妨遲暮

呈顏色翻咲春光何許忙

鮮醲世味何紛紛枯澹閒情常落落漆園傲吏

南華翁寂寞一言堪咀嚼

却掃幽栖歲月漫野人空負美芹心瓦甌倒盡

對蒼飲抱膝長歌梁父吟

誰送一絨蒼下開祗綠多病負溪杯主人高卧

芙蓉咲未許青門載酒來

宗質堂集

卷之三

十一

宗質堂集卷之三

崇質堂集卷之四目錄

詩部

五言律

夏來山冠鄭生字之曰伯源索余一言爲

賦二首

和鄭少白在楚三十韻

陳一泉節推招遊麻姑同王樗菴先生四

首

問訊馬方洲

崇質堂集卷之四目錄

溫家圳阻風

妙音寺芙蓉

遊廬山和樾橋公四首

尋樂天草堂

昇仙臺讀顏仙碑二首

小舟卧雨奉寄錢公二首

南城甯前溪上舍索詩限和杜韻

兩樓話別吳少明昆仲二首

輓紉蘭秦少府十二韻

憶昔一章寄訊秦獻之六十韻

中秋瓜步阻風

十六夜儀真舟次對月

不寐

李都閫宅賞菊

思家

除夕二首

靈谷道中簡劉子

春日吳氏偕鳳谷邀登從姑

崇質堂集卷之四目錄

宿護國寺

秋夜山中獨坐

秋聲

山寺夜讀何氏集憶梅南

見月有懷林郭二博士

十月一日梅南子枉拜祖塋更惠佳作次

韻三首

省墓哀感仍前韻三首

十月廿六夜大雷電徹曉感賦二首

拙菴

樂耕二十韻

謝余亦山清明展祖塋有作次韻三首

慕萱

五日家讌追悼先祖

壽陳母十二韻

八月十六日行莖宴集次寶臺韻

別思詹弟

柘林晚泊

崇實堂集

卷之四目錄

三

夜泊南康寄懷廬山

鄭鎮曉發

送王丞之陵縣

國子監釋褐

三世節婦卷

送僥丞之昆明

再過劉水部署

輓李文育

哭輝弟二首

節哀卷

耆社榮歡

送鄧大使歸臨川

金秋泉饗壽卷

天恩存問賀冢宰熊北原翁尊堂九十壽

九日陳威晚園亭讌集二首

吳淑人輓詩

元日飲春湖公署

臨淮驛書所見

崇實堂集

卷之四目錄

四

青口驛元夕

遊麻姑次鄭環浦少參韻

贈何沂州之官

姚園讌集二首

送楊判官司司圍滄洲

贈夏津王醫

奉送龍湖相公赴召四首

大宗伯兩洲王公考績

獻華岩

送蔡溧陽赴召二首

斗酒寄魯參軍

封監察御史竹岡徐翁雙輓

和陸黃齋光祿二首

胡練溪京兆休沐靈谷寺對雪寄懷

一山丁丈之官黜學賦別二首

留鶴二首

虎丘別鄒思源

端午日蘭舟中作

崇賢堂集

卷之四目錄

三

庚集第五會分韻得茶字二首

目錄四卷終

崇賢堂集卷之四

詩部

五言律

夏來山冠鄭生字之曰伯源索余一言為

賦二首

川流元不息海壑本無涯欲泝崑崙發還知混
沌開盈科寧搏躍湍急自縈迴已識明泉秀原
從秀脉來

鄭郎年弱冠秋水長精神素練澄千尺飛流落

崇賢堂集

卷之四

九垓吁江元浩蕩演迤此支今愧我無源委來

山況有文

和鄭少白在楚三十韻

南海精英在閩陽物采稠君才殊卓越嘉譽若
為流弱冠承家早當年壯氣浮廷陳羞漢策陛
納盡虞猷所志期三輔為謀豈一丘詩朋便水
部吏隱亦中年道在時堪惜官閒命不尤風神
齊管輅放達類莊周偃蹇安誰下因依肯自留
得辭京洛曉直泛洞庭秋世路危寧坂人情曲

亦鈞鵬飛還渺渺鵲噪自啾啾郡邑三年政桑
麻百里疇豈徒民瘼愈坐見士疇瘳惠嶺坡仙
似漁溪柳子猶風流真可慕吟咏俗忘偷處處
持文墨村村罷戟矛但知勤撫字不道濟剛柔
遜轉需當軸輝煌貴此州先聲祛吏蠹新政副
民求狐兔免潛無跡豺狼逃莫愁公餘惟展卷興
劇輒登樓筆陣千人敵詞源萬斛舟盛唐題江
海末代直渠溝鳳閣芳辰賞麻姑勝日遊揮毫
常客對公韻任僮抽宦業終黃閣幽懷暫白鷗

崇實堂集

卷之四

二

疎狂嗔我放襟度賴君休酬和來虛借交承許
未游隋珠人共賞燕石自含羞

陳一泉節推招遊麻姑同王樗菴先生四

首

平生山水興此日得追陪絕嶽丹梯上層霄翠
壁開雙泉懸積雪三峽殷輕雷好景慙余賦清

遊愧爾予

觀列簾蘿外峰巖霧閣中池荒蓮尚碧井廢藥
仍紅山上有碧蓮池丹井壇冷從雲合碑殘任薜封石泉

通一線疏鑿似神功

未濯天池水先振廣谷泉使君愛狂客勝日結

良緣昇足丹霞迥高岩白霧懸丹霞觀名松陰坐茶

局一笑意俱僊

仙蹤元恍惚真境本風神金碧猶傳晉麻姑晉時有像

峰巒尚姓秦前為秦人峰亭崖嘶澗照樹暝裏清虛

記得歸時路江村月色新

問訊方洲馬子

京華一夜話隔別忽經秋寥落新書斷凄涼清

崇實堂集

卷之四

五

焚稠寒汀聞遠遂孤雁掠扁舟時際新禽續起

君涕欲流

溫家別阻風

接岬秋濤湧沿江客棹孤豚艮吹遠水驚鷗下

平蕪竹纜牽還却風檣浪自呼暮色明不盡猶

得慰窮途

妙音寺芙蓉

山寺芙蓉樹相看滿意各涓涓臨野水的的散
晴霞莫景憐秋色寒芳戀歲華風前成獨對幽

思渺無涯

遊廬山和錢樾橋先生四首

西林傳慧永步屨此尋幽策杖隨仙侶携琴稱
好秋晚風清似沐暮靄碧仍浮勝日看山興狂
吟可自由右西林寺

仗策披雲路焚香坐月堂秋容還澹澹寒色更
蒼蒼池上芙蓉麗山中橘柚黃清尊支永夜
此意偏長右宿靈隱庵

古寺依山麓三城益擅奇松林茅欲盡竹院望

崇實堂集

卷之四

四

猶疑駐屐尋僧語烹茶報鶴知窮探入佳境興
逐野雲飛右留題化成寺

信宿天池住登臨癖未蕪出門山不語回首興
尤孤送客三僧遠驚人一鶴徂行行近城市蹤
跡又塵途右出天池寺

尋樂天草堂

堂中人寂寞堂下草離披燕雀歸傍舍松杉落
故枝蕭條嗟異代儒雅憶當時為爾青衫濕誰
吟長恨詞

昇仙臺恭讀御製顓仙碑二首

蒼臺留勝地白石立層霄古作追先代雄詞出
聖朝雲章明日月霹靂煥瑤瑤揮灑還如昨
新亭見帝堯

怪語驚天聽前知動帝忱更輸醫國手已遂太
平心周顓初見太祖輒云告太平後勝剎開
太祖疾瘳赤脚僧送藥服之輒愈真境穹碑暎竹林名山藏琬琰雲物護陰森

小舟卧雨奉寄錢公

零亂扁舟雨風斜直到床江寒人共冷天遠意

崇實堂集

卷之四

五

俱長濶別三秋隔懷思雙淚將仙帆定何處耿
耿憶鄱陽

朔風何淅淅晨雨故霏霏被冷吟肩凍餅室酒
力微故人千里念客子寸心違極目南天望江
空一雁飛

南城甯前溪上舍索詩限和杜韻

山雨來何急輕舸夜發時江深孤棹短風送片
帆遲燭盡虛良晤杯乾惜別私前溪渺何許懷
爾有新詩

雨樓話別吳少明東臯昆仲疊韻二首

宿雨收林杪江樓話別時
新濤翻鷺急遠渚落鷗遲
雅况酬知己雄談慰所私
平生求友志伐木詠周詩

啼鳥江亭午離航欲去時
雲低情共逐浪急意還遲
契合元非俗淹留豈自私
臨歧忍今把浪漫愧吾詩

輓紉蘭秦少府十二韻

驚聞函問至彭澤使人歸
千里隔消息三春定

崇實堂集

卷之四

七

是非聞君以三月征輶聞北指靈旆忽西飛已

恨江雲暮何堪羅露晞
新愁天際迥往事意中
違苦憶論心舊翻成會
面稀秋山誰共眺夜雨
自扁扉次第雲箋拾珍
藏玉屑飛情多那忍道
淡洒不成揮稍喜庭枝
秀行看宰木輝懷孤重
惻惻吊遠倍依依何日
桐溪棹寒泉酌素幃

憶昔一章寄訊秦獻之
走筆成篇率爾六

十韻

憶昔相茂日垂髫正及肩
登堂談禮數執贄告

恭虔幼志去如脫英資奮欲先
時余孤寂得爾共周旋

獨愧空疎甚徒堪句讀偏
鷄雛看自異龍種不須鞭
春草損瘠綠秋燈北館然
雪深方入夜爐擁直窮年
為愛靈祥靜寧辭道路延
山堂真避俗畫永學談玄
聽雨憑虛閣尋春度短垣
浴尋沂水曲涼納舞雩壇
未盡幽居樂還浚附郭遷
三冬續燈火一榻足風烟
尚憶千峯雪同躋七級顛
濁醪共隣叟凍筆挾飛仙
公館藉疎豁長檠更接連
兩年虛館穀三傳愧精研

崇實堂集

卷之四

七

彭澤春鳴榜章江夜放舡
暫離情亦惡近別意仍懸
奔空皮骨遲回廢簡編敗
軍羞鼓勇倦驥敢圖前世
眼青誰向交情素亦捐久
要獨吾子顧我意彌專倏
忽逢歸旆倉皇置別筵贈
言真湯爾夜話獨淒然寒
雨石橋暗荒山古道邊含
酸忍今把回首各縈牽汝
去應誰念余窮只自憐別
離經歲月顏色阻山川午
蝶長江夢秋鴻遠道戕相
逢俱草草臨發倍拳拳翰
頻堪玩佳期久已愆晴空
千里共皓月幾回圓謬推

元非望卿書敢道賢有人歸自皖報爾喜方顛
冰泮淮南棹霜披冀北種窮途尤爾念飛翰忽
余傳舊範書中覲高情語外宣看時頻拭涕觸
歲欲忘眠落魄長安殿蹉跎故國還差池迂浙
道會晤隔江天懸榻情偏苦登樓眼欲穿高秋
尋白鹿勝賞覓青蓮野泊隣官舸逢人問玉田
號之泮遊知四月雋拔出三千聽語愁顏破械
書去翼便起居賢少府問訊好林泉頗怪來音
滯寧知去疾纏淪亡何奄忽榮獨重憂煎大事

崇質堂集

卷之四

入

襄能力綿軀善自全乘時須奮發此日暫遮邈
維翰動磨硯安于急佩弦江河流臺臺雲錦照
翩翩春色豈余妬秋風遲雨鶯可能售台驛信
是選青錢遠道長鬚徃斜封細字填械餘尤耿
耿遺去尚綿綿忽忽悲前事悠悠續後緣空庭
凝望處獨立淚潸潸

中秋瓜步阻風呈葉惕齋十二韻

涼月江天滿中秋此日過客心驚節序世路阻
風波魴鯉翻新荇鵲舞敗荷流光看漱澗嘉

樹對婆娑漾水浮金躍晴空曉鏡磨清輝千里
共羈思一宵多佳夕高堂會清樽白首歌重聞
念方切遊子去如何遠別虛斑服長征想玉珂
壯懷須激烈事會莫蹉跎起舞鐵如意狂吞金
巨羅明年定何處不惜醉顏酡

十六夜儀真舟次對月

瓜步中秋月今宵傍水涯豈應經宿別便覺一
今虧光逐來潮滿情隨去影馳披襟坐深夜獨
對泓吾思

崇質堂集

卷之四

九

不寐

客被西風薄愁端獨夜生窺蓬羞月色落枕厭
灘聲雲舍三秋隔天涯萬里情平安何處達歸
雁五更鳴

李都閫宅賞菊

復齋堂下菊愛客滿枝苞去香仍在寒多色
更佳名園增勝槩散地足烟霞雅集冠裳侶清
樽日欲斜

思家

牢落孤帆遠淒涼朔雪侵愁顏催曉鏡清淚墮
寒砧北極行將近南雲望轉淚家書來不易直
直萬黃金

除夕二首

除夜逢今夜鄉心繫客心香燈酬令節樽俎動
微吟隔歲承顏近稱觴樂事深天涯自風俗市
酹不成斟

冉冉歲華晏匆匆節物催流光行逆旅新釀試
春壘骨肉憐誰近鬢眉為爾開舍弟同寓板盤不成

崇慶堂集
卷之四
頌白雪愧非寸是夜大雪

靈谷道中簡劉子用杜韻劉子寓都下時嘗約余為靈谷

之遊今始克踐云

策杖緣山路聯鑣度石橋雲林收宿雨靈谷出
層霄勝地元相識佳辰喜見招因思旅京國藉
約未應逢

春日吳氏偕鄭鳳谷邀余登茂姑山

春江聊繫紫勝日喜聯鑣歷石驕峽削捫蘿上
鬱迢青天通一線翠壁入層霄杯棹冠裳聚應

傳麟鳳標

宿護國寺

秋爭夜還寂山深寺更幽病僧臥鵝衲古佛破
螺頭屋漏迎風入垣頽為客留高談不成寐涼
露濕衾綯

秋夜山中獨坐

樹暝星流處庭空葉落時齋厨便啜茗佛影對
吟詩古壁猿啼急寒塘鳥度遲無營自幽獨舍
此更何之

崇慶堂集
卷之四

秋聲

萬籟何悲壯蕭蕭竹外聞雨聲喧百里將令走
三軍潏湧蛟龍窟風高豺虎群此時關塞北戎
馬正紛紜

山寺夜讀何氏集忽憶梅南子率爾奉簡
藝苑論才子陳生獨擅場江河傾意氣漢魏見
文章定閉幽人戶還升達者堂空山讀書夜懷
爾意偏長

見月有懷林南峰郭秋江二博士

芹館清秋夜遙憐二妙俱風流宗郭泰儒雅屈
林逋古砌蟲聲切荒亭月影孤寂寥還憶爾野
竹對蕭疎

十月一日梅南枉拜祖塋更惠佳作次韻

奉謝三首

危檣牽逆浪文旆賁玄封此日徐君劍當年季
子風高情霄漢上孤塚雨烟中蒿里輝光倍青
天倚碧松

寡與憐先輩如君獨可人平生論意氣哭死見

崇實堂集

卷之四

十二

情真顏子方強仕陶公早致身分流湏合注出

處本同珍

太丘吾令祖秀穎愧諸孫遽枉陳蕃轍還傾徐
孺尊文星照穹壤妙句返游魂向苦荒山冷今
來草樹溫

省墓哀感仍前韻三首

空山悲落木近淚濕新封展掃來今雨瞻依
祖風天低孤壠外雲暗莽丘中惡景愁端會寒
烟起暮松

笑兀瞻新塚儀刑泣古人傳家留好樣亢俗任
吾真河嶽寧論德乾坤只此身流光照哀壑百
代有餘珍

含飴歎昔日弄膝繞群孫獨抱歲時恨誰傾伏
臘尊山深空座玉樹暝欲銷魂忽爾趨庭在猶
聞笑語溫

十月廿六日夜大雷電徹曉是月燥暖李
桃盡實草樹多苍感賦二首

崇實堂集

卷之四

十

閨餘過大雪節候已深冬肅氣先行地明王欲
閉封轟雷騰燥電迅令起潛龍豫卜春寒甚應
知泣老農

殞霜不殺草桃李實何繁頗怪春風早尤憎夏
日暄震雷忽到地驟雨欲翻盆月令何堪讀天
心未可論

拙菴為許少白尊甫題

鷓鴣矜小智蝸角競微能世路千岐判人謀百
巧憎一株守可待雙甕抱還仍不有濂溪叟寧
知拙足稱

樂耕二十韻為向明府厥翁題

不作終南隱便栖谷口幽
避名非捷徑食力此
平疇身世甘疎散心田
自播收長鋤真得計短
策復何求與遠牛羊趣
情忘圭組譬青山雲外
斷白水雨中擾雉雛麥
方秀蚤孺拓欲稠隴平
時下鷺樹暖晝鳴鳩日
與丈人偶或隨漁父遊
行春仍命駕撫景亦經
丘白酒比隣社黃雲滿
意秋但安耕鑿論豈為
稻梁謀帝力一何有年
豐百不憂堯天真蕩蕩
農舍亦休休龐老自多
崇質堂集 卷之四 十四

謝余亦山清明垂展祖塋有作次韻三首

寒食荒山道家人歲祀
虔如何來上客仍此歷
高阡技今通三世遺音
隔兩年因君增感慨斐
涕迸流泉
新詩揮舊淚短世棄長
纓謏墓今無刺像家風
有刑郎官前日宿處士
暮年星誰復北窓卧餘
光留戶庭

昔年陳正字曾此詩遺
去年特南過此亦作五言三章
並有
斐和錄真成五字碑室
山留製作老樹倍光輝
交誼如君聲翻今薄俗
悲

慕董

昔年堂北樹對此百憂
忘谷發空饒咲春輝倍
寂涼紫綈還寶鈿綠葉
想羅裳不共靈椿老瞻
依喜更傷

五日家談追悼先祖

昔年當此日置酒集高
堂喜劇蒼顏並歡承彩

崇質堂集

卷之四

十五

袖長縷蒲憑節物揮艾
遍孫行今序還如昨道
惟涕泗滂

壽陳母排律十二韻

婆娑初逢度霞流正及
辰雲和聞縹緲星佩集
紛綸金母歡顏劇仙郎
綵服新桂承重倍秀人
與酒長春訓仰軻親並
慈應侃母隣義方頌卜
宅嘉具數延賓委曲寧
違志騫騰只此身商梅
元有兆周嶽豈無神生
子當如此能文邁等倫
早知鳴鼓角及見畫麒麟
王軸馳 恩薦瑤觴

獻壽頻百齡賢令母八座太夫人

八月十六日行臺宴集次寶臺韻

秋淨行臺敞携觴此集賓合歡追令節告別稱

佳辰彩散瑤空月香飄桂殿雲勸酬應不厭暮

景更留人

別思詹弟

春雪連牀夜追歡動隔年相看談往事忽漫是

離筵策蹇慚余邁含悽覺汝賢楚天多去翼寧

惜一書傳

崇質堂集

卷之四

十六

柘林晚泊

烟暝舟浮翠雲連樹失青江空吞落照天遠動

明星估客帆檣亂漁舸網罟腥兒童炊晚飯薪

火乞隣燈

夜泊南康寄懷廬山

泊舟依水郡咫尺懷名山寺憶三生夢峰開五

老顏風塵乖勝賞杖屨擬躋攀獨羨文殊叟真

栖久閑閑

有老僧打坐文殊臺計今十餘年矣

鄭鎮曉發

殘月墮還明輕烟散欲平暗塵催曉時弱柳帶

春星鴉髻垂俱雪亂鬢拂轉來山翁正高卧驅

逐愧微名

送王丞之陵縣

王丞真不負松下好哦詩計祿崔先牧之官渠

自隨隣封接鄰魯新政謝鞭笞側耳循良頌逢

人問口碑

國子監釋褐

姓名新品第冠服遂魏義自咲儼形改誰令志

崇質堂集

卷之四

十七

氣多槍身思束帶佩德此鳴珂未可捐初服荷

衣勝綺羅

三世節婦巷為上黨栗年兄題

遺孤猶櫛櫛門戶屬凄涼苦操聯三世貞心共

一堂冰雪寒並厲金玉美相望叶令甲何輝映

人欽節義鄉

送僊丞之昆明

僊郎初試邑別我向昆明嚴著送君發天涯為

客情城頭黔國劍池上漢時旌旆句應多暇知

君不負丞

再過劉水部署是夕大風

不厭劉公幹經旬兩度過見童成見慣賓客柰
狂何洗醖更新酌揮毫續舊歌涼颼深夜發浙
浙撼庭柯

輓李文育

愛爾廟廊器溫然王不如俄驚前日計忍讀去
年書竟抱三秋恨空開萬卷餘路人猶殞涕交
誼倍歎歎

集賢堂集

卷之四

十一

哭輝弟二首

萬里悲秋客西風哭爾時愁看鴻雁序忍誦鵲
鵲詩心折翻疑夢神傷却類癡含哀還自慰遺
腹有孤兒

遠遊嗟隔歲與爾別河梁日月何飄忽音容遂
渺茫南書來不易北淚洒偏長薄宦成何事孤
燈倍慘傷

節哀卷為上虞謝年兄作

藥苦尚堪食水寒猶自溫家貧徒跽立心死獨

形存一節完終始遺孤保子孫清風吹宰木白
月照黃昏

耆社榮歡為餘杭來年兄作

柴桑開雅社鍾鼓式賓筵勝日冠裳集名宗禮
讓先耆英圖洛下鄉約播藍田驥子來霄漢能
令盛事傳

送鄧大使歸臨川

古來不擇仕筦庫亦多賢况爾青雲器爭誇綠
髮年都門成濶別末路會高騫一水連旰汝鄉

集賢堂集

卷之四

十一

心倍惘然

金秋泉雙壽卷

淮上多豪俊高標獨此翁風流郭元振湖海陸
龜蒙初度三秋遇賓筵二老同萱荅椿樹色照
映錦堂中

天恩存問奉賀大冢宰熊北原翁尊堂九

十壽

南州開壽域北闕下綸音太宰懷恩切吾皇
眷注深駢蕃天帑錫赫奕憲臣臨盛事騰鄉邑

歡聲動士林殊恩聞自昔曠典忽逢今寶婺宣
萱背春輝慰草心瑤觴傾泛泛玉樹列森森紀
筭籌添海延齡祝並岑賢郎齊北斗令聞比南
金侃母人皆仰軻親泉所欽華堂紛雅詠下里
愧微吟

九日陳威皖園亭譔集二首

愛爾亭臺好後尊九日來散愁幽事足滿意菊
花開已辦登山屐慙非作賦材莫枝簪客鬢帽
影落深杯

崇實堂集

卷之四

三十

一逕藏深谷名園事事奇洞幽斜陟嶽泉細曲
通池轉覺林塘迥翻疑島嶼移凭高酬節物落
日更登危

吳淑人輓詩為吳錄事母作

北堂人已去內則事猶傳懿範天章在徽音
女德全香奩空夜月玉塚自寒烟寸草心徒切
春暉倍黯然

元日飲春湖公署

尊酒憑時節行臺喜接連相看只隔少忽漫是

新年兩地高堂念同心北闕懸他鄉聊自慰
臨酌答春天

臨淮驛書所見時同年羅潛山新宰是邑
小縣枕江皋無谷只野蒿斷橋沙磧露敗壁水
痕高暑棟巢群鷺城闌弄小舠仙曹新茂宰撫
字定應勞

青口驛元夕

佳夕歲不再三春客裏過追歡思少壯感物惜
蹉跎澄漢星輝滿空庭月影多村燈喧市鼓試

崇實堂集

卷之四

十一

問夜如何

遊麻姑次鄭環浦少參韻

秋色滿山顛秋風一洒然鳥從雲外度錢已杖
頭懸雙瀑掛晴歸孤巒掉遠天探奇窮險絕酌
拂薜蘿烟

贈何沂州之官

何武瑯琊去秋風五馬嘶之官辭日下望嶽入
雲低道化原歸魯民風欲變齊曝書堂上鐫拭
眼看新題

姚園譚集次吳自湖韻

出郭尋春早招携此地過入門忘主客雅詠厭
笙歌坐后占叢竹登山引附蘿杯盤還席地岬
幘倚岩阿

野性趨承懶名園引興長盍簪况吾黨好景偏
春陽別塢蒼初發盤松蓋自張未須愁日暮秉
燭盡餘觴

送楊判官司司圍滄州

馮翊多良佐鯨川望使君杯傾燕市酒帟指海
東雲集

東雲好具驪黃鑒須空北牡群天開真賴爾
里策奇勲

贈夏津王醫士

種杏橘泉遠成林不記年聲名動齊魯蹤跡半
區寰春意壺中滿方書肘後懸長安多舊識贈
別有新篇

奉送龍湖相公赴召四首

紫禁名聞早黃扉禮絕群經綸歸大雅勲業屬
斯文豈以台衡峻能忘吐握勤願公調玉燭夙

夜奉明君

玉闕麻方下沙堤蒼正明圭璋自廊廟夢卜協
人情西北瘡痍甚東南杆軸傾願公霽霖雨膏
澤下蒼生

中國相司馬先聲虜膽撻不愁胡部落應有漢
嫖姚秋去憂方大春來志轉驕願公輔文德千
羽格三苗

夾袋儲才廣筠籠采藥新明揚克獻納鑄琢什
陶鈞艷卉春方競幽芳晚自紛願公崇靖逸湖

海有垂綸

大宗伯兩洲王公考績北上

當代推耆俊如公幾許徒端凝瞻巨嶽清白淑
冰壺官轍敷中外流光暨海隅平生多獻納究
竟盡訐謏述作才何忝夔龍志果符周王與禮
樂宗伯重留都裡巷神明格寅清夙夜孚三年
堪報政春日趁登衢雲濤石城麗蒼明驛路娛
青郊展芳宴祖帳盛文儒司馬寧歸洛王曾定
東樞別來瞻北斗魁望倍踟蹰

獻華岩次陳石亭韻

杖屨藤蘿外香華殿閣前清遊並詞客散地息
塵緣偶涉空中趣還逃醉裏禪凭高一聘望雲
物渺江天

送蔡溧陽赴召二首

少小况聞道為郎不近名琴聲消午篆雀影伴
閑行赴 關雉鳬舉還家疋馬輕漢庭古循吏
需次取公卿

諫院掄才日兼傳召蔡襄清秋振羽翮雲路得

崇實堂集

卷之四

五

翱翔簪紱歸青瑣封章入皂囊有懷真美爾起
草近明光

斗酒寄訊曾參軍侑以短句

客裡懷鄉國高風獨丈人詩書敦古好杖屨許
誰親榮叟真志老陶公不厭貧憐君多酒債緘
寄薨頭春

封監察御史竹岡徐翁雙輓

以君不可作芳譽滿南州秋浦遺音在斯人孺
流儀刑開內則佳耦助貽謀雙龍高岡上蕭

蕭竹葉秋

和陸黃齋光祿二首

看雲穿谷迥策杖赴秋深散步逢佳處幽棲愜
素心禪房苔欲合古壁畫堪尋 龍窠瞻依近
徘徊松樹林 靈谷寺

神工遺石燕巨浸突漁磯登覽成今古江流有
是非帆孤天共遠霞落鳥俱飛貪看蒹葭月山
城入夜歸 燕于磯

胡練溪京兆休沐靈谷寺對雪寄懷

崇實堂集

卷之四

五

草堂今夜雪靈谷酒初醒竹徑應全白松枝已
失青高僧同啜茗官燭坐翻經定有詩千首為
君助百餅

一山丁丈之官黜學停舟晤語率爾解維

賦二首為別

白下逢君日我然美一官師模豈胡瓊經術有
丁寬絳帳春應滿青瑣夜不寒曉翁遺澤近好
樣龍堪觀

江寒歲復晏告別太匆匆以我宦情冷知君鄉

思濃遲回慚家職清絕美儒宗桃李春開夜春風望轉濃

留崔二首次張白灘韻 有序

余米南都嘗畜二崔頗馴狎可愛飲啄省署者三閱歲矣雖有冲舉之志而羈絆未能也辛亥孟夏轉官嶺南不欲携之遠行乃留置公所以貽同好於其別也遺之以詩

惜別丹丘客還為青瑣留伴吟佳夕月猶憶去

崇賢堂集

卷之四

廿六

年秋清埃聞非近霜翎鍛轉脩昂歲應不改玉立慰同遊

未逐雲霄去仍從燕署留三年同素飽萬里共清秋得意看誰舞閑行憶爾脩他時倘相念來伴亦松遊

虎丘別鄒思源

為覓生公石來尋歐冶池室堂明月在流水劍光隨載酒吳門遠高情艷叔知輝光留篋笥惠我有新詩

端午日蘭溪舟中作

獨酌蘭溪酒行舟滯一方縷蒲酬節物競渡憶江鉚薄宦芝疎放狂歌任短長故山看漸近飛札慰高堂

庚集第五會分韻得茶字二首

春色忽將半相逢共惜花濕雲籠岸柳驟雨如山茶浮蟻酬時序鳴鳩報歲華杞苗供小摘何用覓胡麻

名卉如迎客嫣然滿意花高賢成小集活火煮

崇賢堂集

卷之四

七

新茶過雨池塘綠開軒草木華朝來期出郭田野問桑麻

崇質堂集卷之五目錄

詩部

五言律

謁武穆祠

山行三首

雙峯寺

宿雙峯寺不寐

石潭菴午坐

華山次壁間韻二首

崇質堂集

卷之五目錄

宿天昌觀

宿剡溪書院

章貢水亭潘筌江兵憲招飲

清遠舟中作

寶陀寺妙高臺

雷陽閱武奉酬雙山憲伯二首

李巽齋邀賞牡丹二首

草堂初成沈栢山廣文枉過有作次韻

次答賞花

栢山賞花詩殊有風致戲贈

中秋辱平湖昆仲泛舟酌別湖子即席有

作次韻奉酬兼呈雅社諸君子

鄭丰塘載酒遠送留詩二首

章山別朱砥澗王春暘蕭春陵

宿包城寺寄懷

懷寧道中逢雪遣悶二首

江亭次韻留鄭伯源飲酒二首

況祠部藥湖別業寄題十八韻

崇質堂集

卷之五目錄

秋晚憇法相寺歷芙蓉諸洞

風雨舟中讀李端峯大叅詩冊懷贈二首

二月七日益陽道中逢雪二首

公安渡口阻風

曲阜恭謁闕里廟林志感二首

望嶽

謁孟母祠

南還經呂亭重訪趙柱野鷄林山居詩四

首

夏日池亭小集賦得荷葉雨聲中六首

西湖柳州亭吳自湖方伯邀集

綿遜樓中秋對月有懷

臨山衛大閱簡戚叅戎二首

謁禹陵

稽山書院謁晦翁祠

東溪十景詩

壽文博李平川七十二韻

春暮遊軍山王佩文餞送西林寺二首

集賢堂

卷之三

三

小安禪偕朱顯仁蕭朝章同宿

懋龍潭菴

觀潭上石壁

桂林晚懋

黃溪偕王佩文步月

燕嶺聽泉

宿戴氏祠贈宗長

代簡十首寄懷李平湖

與海月高士談玄

仲玄觀愛山樓

對雪二首戲簡友人

秋日偕黃元敷訪含翠山房四首

見一簪菊開數本南溪刺史携賞十韻

和社友山齋對雪二首

題平山王母圖壽徐母八十有二

初春和答郭凡池上即席之作

紀異

詠荷池水鳥

集賢堂

卷之三

四

竹巷納涼

贈李容菴北上

贈倪心泉總戎二首

江郎子正卒業南雍訓別四首

嘗留二鶴玄武湖江郎行作憶鶴詩問之

送張龍山擢憲河南

又代作

郭凡飲少軒賞菊有作次答三首

和答傳友生子

輓郭凡十首

自嘲三首

喜高別駕竹下相尋小酌併贈二首

崇質堂集

卷之五

五

崇質堂集卷之五

詩韻

五言律

謁武穆祠

武穆猶生氣清高湖上祠殺身惟報主賈志恨
班師未必奸謀售茂知宋祚移薰風薦蘋藻灑
涕讀殘碑

山行三首

酷暑去已久朝來爽氣佳丘園多野意杖屨動
崇質堂集

卷之五

乙

秋懷頗慕幽人趣寧能俗韻諧京塵變袍色拂
拭向山齋

十里燕山嶺肩輿亦爾何峰高雲易合嵐重雨
偏多屈曲愁飛鳥躋攀倩薛蘿僕夫無太息世
路陰應過

竟日陟崔嵬勞形亦快哉峯惟青嶂入拂袖白
雲來晚稻高低穫秋荅遠近開野人能愛客村
釀酌磁杯

雙峰寺

山逕綠溪曲。禪房度嶺遙。入門松子落。滿院桂
香飄。諸刹成灰劫。雙峰對寂寥。真空談老約。清
供坐通宵。

宿雙峰寺不寐

暮色入禪關。投林一鳥還。寒蛩吟墜葉。秋雨滿
空山。倦客感偏集。逢僧強自閑。溪聲喧永夜。枕
上落潺湲。

石潭庵午坐

一庵堪著我。小憇亦清歡。醉倚青藜健。涼欺白

崇實堂集

卷之五

二

亭草洗心潭。影靜漱齒石。泉寒古木虬。枝儼倚
然欲掛冠。

華山次辟間韻二首

絕巘層霄地。危峰一畝宮。仙居華蓋上。人在白
雲中。眺遠塵寰隔。凭虛法界空。蓬萊應咫尺。飛
度駕長虹。

壑雲生倏忽。林靄散微秋。淨諸天迥。壇室一
崔嵬。遠溪看漠漠。落日倍輝輝。山侶朝元罷。笙
簫月下歸。

宿天昌觀

道院藏深谷。溪流抱却迴。秋山啼暮色。松逕倚
雲隈。丹卷篝燈讀。清尊愛客開。林烏棲不定。時
過短牆來。

宿剡溪書院

黃陂日西夕。問舍款柴門。開戶吾伊徹。新祠世
德存。衣冠還近古。雞犬自成村。何日山陰棹。重
期雪夜論。

章貢水亭潘竺江兵憲招飲

亭高軍儲別

崇實堂集

卷之五

五

軍儲仍別業。亭于水中央。過雨疎蒲亂。迎霜橘
柚黃。張筵疑畫舫。開檻接浮觴。小隊笙簫發。高
歌引興長。

清遠舟中作

客舟浮日夜。峽口又停橈。雲含瞻井近。萍蹤信
所飄。海縣傾月露。漁簖落風潮。鄉思渾無賴。狂
歌慰寂寥。

寶陀寺妙高臺

突兀奇如此。中丞百尺臺。鳥巢僧入定。鰲背客

初來佛日含滄海
禪房長綠苔
坡仙肅遺像
瞻禮重徘徊

雷陽閱武堂奉酬雙山憲伯海上留別之作即席二首

海上相逢日
荒城秋正深
悲歡一杯酒
慷慨百年心
自識陽春調
誰賡伐木音
臨歧倍惆悵
何處豁塵襟

傾蓋真如故
論交豈在深
軒裳非我志
羽翰識君心
天末風塵路
山中韶濩音
尚期同稅駕
莫

崇質堂集

卷之五

四

謾惜分襟

李巽齋招賞牡丹即席戲贈併邀平湖子

同作

上國移根遠
名園試葉新
初晴添嫩色
清賞趁芳辰
凡卉如相妬
奇葩未許珍
主人能愛客
索笑莫辭頻

為愛姚黃品
閒過李白亭
雙鬟開綽約
二妙總娉婷
錦繡無風靜
芳尊背雨傾
更須憐暮色
秉燭醉還醒

草堂初成辱沈柏山廣文枉過有作次韻

奉酬

谷徑何曾掃
柴門客到初
園林朝雨霽
鍾磬午堂虛
雅集忘形飲
狂吟任意書
重來知不厭
同醉芰荷居

次答賞谷之作

材名輸沈約
名與句俱新
玉色輕盈態
珠光磊落辰
尊前何足羨
席上更須珍
瑤草時相贈
知君不厭貧

崇質堂集

卷之五

五

柏山賞谷詩殊有風致戲贈一首

風雨軒中客
親身坐一亭
不知谷爛熳
頗訝句娉婷
未信風添減
能令意氣傾
何時看首宿
翻笑牡丹醒

風雨軒親身亭俱柏山官舍

中秋辱平湖昆仲泛舟酌別湖子即席有

作次韻奉酬兼呈雅社諸君子

澄江淨如鏡
添潦落十丈
乍驚皓魄圓
忽動凌波想
愛客有同心
携尊尋勝賞
鼓棹漾中流
解維脫荒莽
林麓數秋毫
天水共清朗
一掬冰雪

生再吸塵空盪流觴難恢諧校量漫雄長村醪
自擊節嘉話同拈掌呼舡渡淺沙興劇競下七
冠簪等銖塵道誼賴朋黨雅集歡未窮離筵意
復愴泥蟠暫浮湛鴻舉自寥曠雲霄終北翼秋
判寧獨往

鄭半塘載酒遠送信宿而別感其縷縷之
情留詩二首

維舟經信宿惜別太多情竹葉隨波泛山瓢帶
月傾尊前黃叔度海內鄭康成潦倒仍馳逐臨
索餐堂集卷之五

岐愧友生

醉中不作語此意少人知淚墮非吾輩魂銷正
此時秋江清可鑑愁鬢禿如絲醉酽酬知己杯
乾未忍辭

章山別朱砥淵王春陽蕭春陵

遠送從此別迢迢百里情石門今夜榻濁酒與
誰傾落木空山吟澄江獨月明未須論去住歌
罷總淒清

宿包城寺寄懷

驅車接古寺薄暮此停驂何處遂三弄窺人月
一簾揮毫漸李白綠筆憶江淹美爾神仙侶山
城吏隱無

懷寧道中逢雪遣悶二首

薄雪融偏滑同雲濕不飛沿溪看澹澹傍樹轉
霏霏酒佩劍光發衝寒酒力微馳驅猶未息倦
鳥已先歸

迢遞山程遠崎嶇蜀道難呵僵憐倦力陟險怯
征鞍覓句灞橋誰憶人剡水寒層冰歷風磴聊
索餐堂集卷之五

慰雪中看

江亭次韻留鄭伯源飲酒二首時伯源將
有寧國省親之行

扶侍遊非遠趨庭到未遲即看今夕讌已是隔
年期相對不盡興相離空爾思春風愛佳客聊
醉竹間池

刻燭傳詩數當杯入手逢金宵歡未劇玉侶遠
如期新水仙舟遠清風幕府思敬亭多述作寄
我襄陽池

况祠部藥湖別業有佳致焉余夙屢瞻題

尚阻登覽寄題數韻聊訊山靈

况子瀛洲侶卅湖鍊自然文章人共貴標格衆
推賢浪跡聊金馬高情寄輞川蔡經新學道王
烈舊成仙洞列真人錄山藏鬼谷篇秦峰自取
對鄭涵不須穿堂瞰千艘野門開萬井田雲霞
四壁動烟水一樓懸梅浦環如月芳洲辨若蓮
菰蒲秋故渚杜若晚逾妍乳竹時披逕疎籬日
挂紅鳥啼依曲澗鳬起度澄淵地曠神俱適言

崇賢堂集

卷之五

八

幽理自玄何如伊水上苑在習池邊余亦棲遲
者名區竊慕焉倘然馭鸞鶴空復戀貂蟬瀛海
度頻淺蟠苑實幾圓寄語金閨彦歲晏同蹕蹕

秋晚慈法相寺歷芙蓉諸洞

洞古何年琢神工巧莫施芙蓉開的的王乳故
垂垂繡壁秋逾淨天自晚更奇篝燈行窈窕烟
霧細難窺

入深仍涉澗綠曲更躋危古刻蒼茫辨奇觀應
接疲山僧動指點候吏苦追隨俗况祛難脫岩

樓未可期

風雨舟中讀李端峯大參詩冊懷贈二首

喜逢薇省客垂贈鄧中吟

端峯時督工鄧東

展向寒江

讀冷然涿水音羈孤懷獨夜去住本同心細誅
挑燈促長歌佐酒添

吾宗詩派遠君亦謫仙涿材本千人敵名世蚤
歲收珠光如可即瑤草每相授安得長杠筆爲
君次弟酬

二月七日益陽道中逢雪簷溜皆冰二首

崇賢堂集

卷之五

七

泥塗逢急雪卷幔太紛紛舞向風前乳飄旋樹
杪分冰垂比屋見濤怒遠江聞春色今如許羈
懷未可云

不耐征衫薄春深尚朔風祗應愁路滑未暇泣
途窮草短何曾綠蒼寒不肯紅陽和佈俄頃萬
彙想中融

公安渡口阻風投宿田舍

倦轍倚頽館狂瀾怯小舸江干值風雨世跡盡
波濤噴色催還翼寒威掠敝袍未能栖木石聊

爾息蓬蒿間舍穿叢莽停驂呼濁醪村翁真朴
野牧豎太粗豪爐火堆山葉盤餐雜澗毛豈徒
慰安飽况復洗塵勞行止胡能豫窮通信所遭
陰晴候明發車轄莫先膏

曲阜恭謁關里 廟林志感

望國瞻依地佳辰展謁初
焚香勞焚窠俎豆告
動渠穹閣奎文在名壇聖澤餘
巡欄看手植却
立倍踟蹰

輦路寒芳積危樓瑞鳥翔
洙泗時活活喬木更
蒼蒼伏臘羣賢肅衣冠萬代藏
宮牆今幸入
崇實堂集 卷之五 十一

自愧升堂

望嶺

峻嶒瞻岱岳翹首入青雲
齊魯微茫辨烟霄咫尺今
山顏浮紫翠海氣射氤氲
想見峰頭石應
留封禪文

謁孟母祠

阿母三遷里名賢萬代祠
卜居真聖善斷織亦
嚴師宰木風霜古
零碑日月垂
傷心憶慈訓
嚴

藻薦吾私

南還經呂亭重訪趙桂野鷄林山居登且
耕堂賞玩徘徊不忍舍去時主人由都
諫陟僕卿方蒞南寺一榻高懸久矣因
取几間楮墨留題堂壁用代招隱四首
趙子金閨彥名園鷄鵲林
早栖知健翮小築見
遊心耕鑿經綸具裁培燮理深停車一相訪爲
爾抱瑤琴

桑麻還近郭雞犬自成村
綠竹時侵戶青山直
崇實堂集 卷之五 十二

到門佳兒傳靜業野客對芳尊
怪爾幽栖癖寧
知樂事繁

方塘開十丈一鑑隱天光
鷺下芙蓉渚魚翻萍
荔牆卷簾邀月飲俯檻挹荷香
自得輞川趣人
稱給事莊

幽徑逶迤入平曠曠蕩開且耕
名堂非避世當局
正需材農父無相訝
鷗群莫浪猜
策勲知有日
綠野許歸來

夏日池亭小集賦得荷葉雨聲中六首用

平湖韻

荷葉雨聲中。蕭蕭秋意同。電光明掛樹。花氣暗隨風。波湧連雲黑。杯浮妬燭紅。詩朋來雅集。不讓竹林雄。

荷葉雨聲中。蕭蕭秋意同。本圖祛酷暑。何意怯涼風。催句還浮白。呼盧每占紅。小亭頻載酒。奇字愧楊雄。

荷葉雨聲中。蕭蕭秋意同。拂簷楊柳浪。吹面藕花風。但惜殘裝亂。寧知墜粉紅。愛卿誰續說。茂

崇實堂集

卷之五

十一

收果人雄

荷葉雨聲中。蕭蕭秋意同。塵亭含暝色。廣座納薰風。洗盞添新綠。看花沐舊紅。從來李供奉。飲量獨稱雄。

荷葉雨聲中。蕭蕭秋意同。花登君子品。人有高陽風。池荷牽浮翠。盆桃放小紅。夾竹桃新賞心如惜醉。莫漫數豪雄。平湖子量索

荷葉雨聲中。蕭蕭秋意同。詩成剛刻燭。興劇欲凌風。簫竿吸鮮碧。醃顏減故紅。解醒拚五斗。誰

是後來雄

西湖柳洲亭吳自湖方伯邀集

湖山收宿雨。秋淨景逾嘉。古柳已無葉。殘荷尚有花。杯盤羅水竹。簫鼓傍蒹葭。日入未能去。迴棹待月華。

綿遜樓中秋對月有懷

鄉心驚節序。客館又中秋。萬里雲藏岫。中天月滿樓。蘭尊成獨酌。水檻憶同遊。烏鵲栖無定。深更對爾愁。

崇實堂集

卷之五

十一

臨山衛大閱簡戚叅戎二首

轅門畫角鳴。部曲整屯營。雲鳥將軍陣。隄隄士卒情。知方驅市井。賈勇愧書生。安得鯨鯢息。東南盡罷兵。

西北多材武。如君獨擅名。指揮嚴將令。甘苦近人情。每羨穿楊技。時稱細柳營。登壇須爾輩。指日見長城。

謁禹陵

古殿經千劫。神功冠百王。衣冠瞻石筍。變化說

梅梁

梁口鎮以圓石長丈餘上銳如筍殿梁舊以古梅為之相傳化龍而去華表

何年卓圖書此室歲秋風薦蕪蕪浩木倍蒼涼

稽山書院謁晦翁祠

東越提刑地西興過化餘激揚俱實學文教豈

虛車漸覺涿源遠翻令俎豆踈祠在紹興高山頃覺冷落

瞻廟貌獨立倍嘻吁

東溪十景詩有序

東溪王子圖東溪十景索余賦詩余方

有詩戒然雅如王子不忍却也乃括而

崇賢堂集

卷之五

十

為之去冬王子年四十故末寓壽慈

王子何風雅東溪繪作圖烟霞歸物色山水盡

平鋪詩酒四時興風光一日殊雨餘雲黯淡雪

後玉糲糊屋蔭三槐舊門通五柳途數椽依側

曲一榻枕城隅我欲扶筇往君能愛客無琴書

成散誕魚鳥任招呼况是論文友還憐賣酒墟

春風宜進艇夜月此携壺歲晚逢初度溪頭集

酒徒肝源通弱水清淺問麻姑

壽文博李平川七十二韻

德門推士籍昭代重儒紳此老吾宗在當年親

國賓藝林翔鳳鳥經數獲麒麟聲利真遺屣文

章實致身九華初振鐸南嶽更明倫宦橐寧論

富書囊未是貧青衿何濟濟文教益彬彬止足

還吾道榮歸復幾人得閒身未老招隱與方新

泮渙桑榆景栽培橘柚昀未須愁白髮喜不負

青旻肘後方俱秘籠中藥未陳有時施砭刺應

手晚吟呻游藝聊諧俗還丹自葆真遐齡難計

日初度忽逢辰物色明朱夏樽罍泛老春舞衣

崇賢堂集

卷之五

五

歡雜沓祝史頌紛綸中表姻婭舊忘年意象親

幽栖隣水竹晚節比松筠歲歲期相遇杯浮莫

厭頻

春莫遊軍山王佩文餞送西林寺

冉冉華將老葱葱山正晴幽期無太晚春服况

初成癖性在山水閑緣結友生同遊偶相負野

寺一杯傾

名山如有待好伴亦無多狂興為誰發愆期奈

爾何迎人花款咲愛客鳥能歌明發倘相念知

余入薜蘿

小安禪寺偕朱顯仁蕭朝章同宿

倦遊投古寺秉燭坐空山
寂境消塵慮清齋淨
道顏曇花看聚散野水聽潺湲
悟得無生趣真
成一日閒

懋龍潭菴

短輿經驚嶺小刹俯龍宮
法界諸天近禪房萬
籟空水光熏日氣雨意失山容
齋粥焚香罷冥
心向此中

崇實堂集

七

觀潭上石壁

卓立已如此翹然萬仞奇
苔衣侵龍窟潭影落
虬枝徙倚不可即躋攀如更危
過雲看錦繡長
詠杜陵詩

桂林晚懋

為友空山桂無人獨自芳
枝枝元接綠粟粟已
舒黃脩竹堪隣並蟠松枝短長
拳惟試攀折兩
袖挹天香

黃溪偕王佩文步月

涿水推不去清光溪上多
納涼閒徙倚照影共
婆娑落葉辭高樹栖鳥選別柯
三星渡河漢試
問夜如何

燕嶺聽泉

聽泉坐蟠石冷冷非世情
濺沫衣裾潤穿林風
雨聲源從千澗遠酌向一瓢清
頃覺煩囂失因
之得此生

宿戴氏祠贈宗長

淳朴山川迥桑麻自一村
牛羊徧阡陌耕鑿長

崇實堂集

七

兒孫喬木千章古新祠百代存
更聞堪避寇此
地即菴源連歲寇破三縣獨不敢犯黃陂

代簡十首寄懷李平湖

竹園前夕月憶爾共論文
懸榻今誰下開尊獨
自醺高林真犖犖俗論自云云
細味懷人句江
東日莫雲

雨舟乘夜發別去太匆匆
解舫離情淡登樓山
色濃無端遲餞送有約赴虛空
約約延舟餞送
屆期不告而別
獨卧濯纓處西林聞曉鐘

情親不在近交好自忘年我本孔巢父君真李
謫仙調高囊綠綺酒債貫青錢盡付形骸外風
深誰與傳

求友不可得空吟伐木章寒林黃鳥獨幽逕綠
苔長傳古傾談數逃禪入醉鄉知君風雨夜此
意未能忘

聞汝僑居後經旬頭未梳賢方還自檢酒酸近
應疎澤國多鴻雁江湖足鯉魚平安報知已遺
我細行書

崇實堂集

卷之五

八

子長撰穴後落筆有如神美爾斯遊壯應添遺
思新洋江同浩蕩鍾阜共嶙峋著作傳千里題
封惠我頻

藝苑推材俊如君能幾人錦囊歲瀚海綵筆薄
秋旻末路悲騏驥中原想鳳麟月枝攀折後書
札慰交親

終子棄繻日相如題柱時名微寧詎信身顯始
能知照乘投母暗連城售每遲經綸信吾道行
矣爾何辭

金陵舊遊地清絕勝蓬萊室負登高興慚非作
賦才名明鵲鵲觀月滿鳳皇臺述作同誰賞江
山待爾來

昔年養雙雀瑣闥共婆娑余往嘗二雀甚馴惜
別時留置省署別情偏繫閒宵夢更多長鳴應憶主起舞聽誰
歌為我一相訪丹砂頂若何

與月海高士談玄

石室封難啓真詮秘莫聞未達滄海使空拜武
夷君玄牝三更息刀圭一帛分何當解塵網與

崇實堂集

卷之五

九

爾細論文

冲玄親愛山樓

曲逗逶迤入迴廊窈窕行藥爐無火宿經閣有
蛙聲古樹春仍綠幽苔暖自生磬懸徒四壁珠
玉尚縱橫壁有念菴留題

對雪二首戲簡友人

一夕凍雲同朝來雪滿空絮飄鋪屋瓦珠碎入
簾櫳倚檻吟肩聳圍爐酒力雄農人喜相告來
歲定年豐

瀟橋驢背蹇剡水棹聲遲野興忽狂發佳人有
所思豈効袁安卧空持李白危知音不相即白
雪愧新詩

秋日偕黃元藝訪含翠山房即席四首

秋暑仍未退命駕之郊垌言尋高士廬共結泉
石盟鬱鬱翠微嶺軒軒虛白亭開尊酌松下蒲
飲真忘形

世途多阨塞此地覺寬閒松竹誰開徑琴書獨
閉關披襟納涼颺下榻怡塵額已識南塘路從

崇賢堂集

卷之五

十

茲任往還

廣厦空何有高軒小更奇山光臨几席松影覆
堦墀卷幔蒼齊發移尊烏獨窺平生多野興對
此益忘疲

瓶盤還呼酒烏沉更洗杯兒童喜賓客蓮子薦
尊壘夜靜歌聲未庭空月色來汪汪黃叔度涓
滴為予開

朝元穀不飲

見一軒菊開數本南谿刺史携觴過賞率

爾十韻

高秋淨霜宇池亭百卉零寒芳如有待老圃故
須經杯榼携豐具冠裳萃小亭烟霞浮野趣雲
物映疎櫺瑩白凌冰雪輕紅倚翠屏幽姿雖雅
淡冷艷亦娉婷遍挿休辭醉長食足制齡魏公
矜晚節陶令恨長醒興劇還呼燭堂虛合聚星
清歆知不厭傾倒欲忘形

和社友山齋對雪二首

小徑已迷三茆齋王作龕池塘水盡合蒼木凍
猶含酒興寒逾劇詩篇老更耽盆松誇晚節相
對未應慚

崇賢堂集

卷之五

十一

高枝棲積雪滿目盡瑤林但覺天蒼墜寧論風
力侵強同禁體味終愧郢中吟尚憶孫康映劬
書惜寸陰

題平山王母圖壽徐母八十有二

徐庶寧親喜潘輿得子賢画師誰寫貌王母自
高騫馭鳥何須使乘雲不用軒輶蔡經今有宅
闕令忽生蓮處女疑冰雪麻姑故少年霏微揚
雀扇噴薄見文鵲霞帔雕梁映星冠画屋懸璫

菴花幾賞瑤水酒如泉悅設瑞還集萱榮晚更
妍鳳毛歆綵袖瓊樹簇華筵浩渺遠天境康愉
平地仙無煩尋閨苑壽母在人間

初春和荅郭凡池上即席之作

池閣邀賓舊籃輿載酒新元非草玄宅何有閑
奇人慣客兒童喜忘機鳥雀親春杯况知已入
手莫辭頻

倚竹傳觴晚看荅得句新尊中清者聖坐上玉
為人雅集澹尤適交情老更親幽棲寡輪軸下

崇實堂集
卷之五

七

紀異

膺月七日夜歲雷忽有聲乍聞猶殷殷掩耳益
轟轟時序令何舛春風勢不驚誰云天道遠應
感忒分明

詠荷池水鳥

倚檻看沙鳥霜翎點碧波避人穿密葉隨意浴
盤渦飲啄何太適浮沉柰若何驚鷺莫相妬各
自樂天和

竹巷納涼

六月失酷暑清風來故知松陰移榻處竹下納
涼時忽憶青繩什還歌白亭詞林端待新月酌
酒莫來遲

贈李客菴應貢北上

夏貢珍何物孤桐產嶧陽美材中琴瑟清廟薦
芬芳之子操風韻巴人空抑揚明庭傳雅調
宗里有輝光

夏貢珍何物球琳入廟廊龍門經險阻王府急
圭璋篚篚徒充斥文章合顯揚清時沽善價啓
積獻明光

崇實堂集
卷之五

七

贈倪心泉叅戎二首

禮樂欽先德貔貅運將籌風雲圖內布氛祲望
中收樽前醉劇孟幕下客齊丘投筆他年事驚
傳萬戶侯

軍令太分明舉杯寧厭頻誰將一壘月散作十
分春檻外蒼陰密營前柳色勻嬌歌搖素簫偏
稱白綸巾

江郎子正卒業南雍訓別四首

弱齡抱遠志負笈遊南雍譽髦朋六館文史足
三冬用晦玉蘊石陶材金在鏤先民崇令德喫
緊是溫恭

總角趨庭日詩書爾夙聞尚須持素業期不負
青雲酒向行舟盡岐從落葉分丈夫志孤矢不
用惜離羣

客裏經時久親心萬里懸必能通喘息庶可省
縈牽戶牖時時閉紛華事事捐平安緘兩字早

集賢堂集

卷之五

十一

晚為余傳

金陵佳處地別思何悠哉送爾秋風去懷余昔
日來月明鵲鵲觀蒼滿鳳皇臺李白題詩後還
誰作賦才

嘗留二崔於玄武湖別來二紀杳然絕耗

江郎行作憶崔詩問之

昔年青瑣署雙崔別時留清唳夢中聽丹砂頂
上浮逢人曾問訊憶我幾經秋未遂冲霄志閑
愁為爾誄

和谷傳友人生子

聞君產英物良夜泣呱呱天上麟初降堦前麟
茁芽華堂賓客滿湯餅酒尊賒世澤垂方永家
傳慶未涯會見岐嶷日詩書讀五車

輓郭凡十首 有序

郭凡子邁惡疾速化賫志長往余罷酒
奔赴大哭失聲慟悼之餘欲作一詩挽
之每親筆硯則几格間觸目皆郭凡翰
墨取讀輒淚涕罷興清明日謁先龍休

集賢堂集

卷之五

十一

卧收春甕始成十首昔人謂一字一淚

詠之信然是日四山烟莽兩耳哭聲助

余愴惋特甚

驚傳凶問至此際正傳觴時方會客七咤時俱喪衣

裳倒欲狂倉皇悲就道匍匐遽登堂疑信還相

半斯人豈遂忘

斯人真已矣天道竟何如予奪機難准栽培理
亦疎未霑三釜祿空讀五車書歔爾文星墜傷
哉吾道孤

開歲恰三日君來環碧樓春盤供老納手僧痛

飲發清謳携卷出新製送李序掀髯談舊遊是

平生寧知成永訣老淚為君流

哀年無病足閉戶謝交遊世能無悶憑君數

散愁榻懸徠雀怨人去龍蛇留小園初曉後夜

相思處悲涼草樹秋

酒債行常有詩篇晚益工未克李白量真有孟

郊窮腹笥誇多蓄生涯嘆屢空虛名竟何益賈

志九原中

崇寧集

韓公終五七君壽與之齊名位何軒輊文章任

品題美材天亦如懷寶路長遠未敢尤真宰集

空雲樹低

向秀山陽遂伯牙鍾子琴臨風更悽斷流水失

知音我續招魂些誰賡梁父吟論交滿天下雅

社幾知心

畫長窺篋笥散帙揄高丈杖淚時開卷長吟似

對君藻章羅錦綺奇思入風雲忍讀西林賦淋

滿翰墨新讀之去鵬鄭令君拾飲西林即席作賦

水竹開三徑過達獨子頗碧樓五株柳雪甕一

壺春世味貧逾澹交情老益親柴門今寂寞誰

為剪荆榛

天上玉樓成緋衣召李生投書太古篆榻語阿

彌聲謝却人間世還留身後名乘雲殊不苦蚪

駕並崢嶸

自嘲三首

未老先乞身於世無多取如何七十年寸步不

能舉勃率見客盪雙眸倚童柱閑思疾足人應

是神仙侶

不忤不求詩平生常佩誦素性畏熱局甘心飽

清供諧俗或未能好古頗自重耄矣誰復知扁

戶謝迎送

造物成小兒報施不可究作善未必福稔惡何

嘗咎機巧任我前懸拙寧人後忽忽古稀年引

滿聊自壽

喜高別駕竹下相尋小酌併贈

習懶已成癖經旬長閉閤是誰雲水伴訪我林

塘間剥啄驚殘夢逢迎醒睡顏淹留隨小有傾
倒幸忘還

外物吾何有閒情漠不関欣逢素心者共話青
蓮間藝苑論才子如君何厚顏高談追古調大
雅幾時還

崇實堂集卷之六月錄

詩部

七言律

酬余亦山見懷之作

吁寓詰馬方洲子不過

麻姑漫興四首同鄭別駕作

送南城尉張一素隨石梁先生入覲

謁子陵祠二首

淮上對月短述

端陽常山道中

九日泊舟瑯湖奉懷明水山人

九日小舟獨酌憶東濂諸子

奉贊樾橋錢公三首

謝薛方山垂訪

寓潯陽能仁寺雨阻

海天寺集

遊廬山奉和樾橋錢公六首

天池寺塔遠眺



眺香爐峯絕頂

代送江浦尹

白鹿洞懷葉乾甫

竹亭

黃汝善招遊麻姑事阻不赴

對雪簡王明府

元夕和答吳桐岡

贈別仰山先生

長至日別秦生

寄懷謝羅源

南城王氏新居落成

輓紉蘭秦少府次梅南韻二首

又次余亦山韻一首

寄林硯山太守二首

和湯培亭西臺即事三首

營沙溪侍御招集鳳凰閣

江亭小集贈鄭伯源

和鄭伯源秋江晚興二首

留別東瀛子

用韻答鄭半塘

舟泊皖成訪秦獻之不值

彭城九日文氏集

與鄒生資寓臨清

漫興

旅夜

前溪草堂二首

竹潭

元日

章旰川上舍南歸

天津阻風有懷匡廬

歸途漫述

和答鄭鳳谷

九日南山雅集

復警齋歸田自慰

寄劉六上舍

登靈峯次章介菴韻

南峯傳士約遊帶湖不果

代送廣南尹

春日集寶臺書屋

秋日偕林郭二博士遊軍峯

輓李秋官

輓儲梧岡二首

九日南山讌集

寄許少白

送別

朱寶堂集 卷之六 目錄

自樂軒

黃改齋數過山房有贈和答

兩餘漫興次黃子

邊警二首

飲培亭新堂

送元古黃子秋試

中秋次梅南韻

麻姑二首同梅南作

留別北野家叔

題畫二首

舟次劉坊劉上舍昆季小酌舟中留別一首

安慶晚泊折簡吳陳二子

鳳闕瞻雲卷送張上舍省親

兩湖卷為李上舍父題

送徐大使考滿便省

地藏寺訪鄒思源夜話三首

送徐省祭歸宜川

奉天堦對制

朱寶堂集 卷之六 目錄

瓊林 賜宴

玉墀春曉

懷松贈戴錦衣

椿萱榮壽為李禹江題

燕雲題祝慶餘姚邵裕里令祖九十壽

送朱東源使蜀便壽翁

贈喻參軍竣事還定海

王敬所奉使留都便省贈別

送成都郭尹

送陳中津掌教

送劉主簿之平陽

元日霧

立春 賜食春餅

春雪劉水部署集次答二首

雪霽望西山

錄卷之六終

崇質堂集

卷之六終

六

崇質堂集卷之六

詩部

七言律

酬余亦山見懷之作

孤懷厭坐三更雨飛思遙瞻萬里雲一榻此中堪着我百年何地可無君巖厓尚憶嵇康飲山水長深賈島文有日登高發長嘯風晴應遣故人聞

肝寓詰馬方洲子不過

崇質堂集

卷之六

音書怪爾三年隔咫尺翻成萬里遙南北東西

定蹤跡

方洲昔年書來有東西南北之語

琴樽燈火各肅條雷

陳契結應難並李杜齊名愧末交欲枉方舟從

剡曲山陰無雪故難招

麻姑滂興四首同鄭別駕作

一咲披雲俗慮除仙源何處此通衢半空島嶼三山並遠嶺松杉一崔孤蔡宅荒涼談往事頗書剝澹尚穹珠武夷漫道真奇勝此日看山似對圖

處處清秋黃碧梧林間草還轉荒蕪山猿似解
迎人立道士真能愛客無瀑雪懸崖看亦冷松
風隔水故相呼清襟對此成狂發漫取山泉盛
瓦壺

絕壑西風黃葉秋萬峰斜景碧霞流丹梯蹀躞
烟蘿合古殿壇虛笙鶴留蓬島千年成恍惚乾
坤隻眼幾沉浮探奇直上窮高處棲鳥無聲山
更幽

嶺日川雲首重回參差遠漢出樓臺聲迴翠嶠

崇賢堂集

卷之六

二

風前笛影落青天掌上杯野竹娟娟隨意淨征
鴻冉冉度江來微茫歸路篝燈曉仙境追歡擬
再陪

送南城尉張一素隨石梁先生入覲

肝南落落三年政京國遙遙萬里心此日清風
隨五馬滿空白月照孤琴餘芳自昔稱蓮幕樹
德于今見杏林一素善醫況是九重明日月知君
還轉欲侵尋

謁子陵祠二首

嚴子祠堂嚴水濱西風展拜稱今辰空山斜日
荒荒度古木浮烟冉冉熏一代賓朋霄漢迥百
年廟貌水雲新微名愧我成奔走為爾停舟悵
望頻

千年帝座銷王氣此日江湖尚客星信有芳名
垂漢史即看遺像肅嚴陵真才未許成高蹈清
世寧誰賦獨醒擬向明庭獻三策也須飽讀種
魚經

淮上對月短述

崇賢堂集

卷之六

三

洛下歸來萬里身逶迤道路足風塵楚天淮水
今宵月短揭長歌何處人鷗帶暝烟歸別浦漁
分隣火度前津誰家吹笛堪腸斷四月梅花落
更新

端陽常山道中

肩輿曉發山中道宿霧冥濛隔翠微一逕浮絲
猶裊裊千峰旭日逐輝輝異鄉同俗仍佳節綠
艾青蒲映白扉遙憶高堂共垂語天涯遊子未
應歸

九日泊舟瑤湖奉懷明水山人

九江獨泛秋風舸九日還停汝水橈祗對湖光
看漱澗不堪客路更蕭條高懸陳榻今誰下絕
倡嵇琴久未調稍待匡山遊覽後歸來擬赴鹿
門招

九日小舟獨酌憶東濂諸子應為鳳皇之

遊寄懷三首用杜韻

覓句即憑鸚鵡盞登高獨憶鳳皇臺天邊節物
憐誰共客裡煩襟漫自開汝水牙檣雙鳥過匡

崇實堂集

卷之六

四

山臘屐幾人來移舟小繫黃荅岬挾枕長年太
劇催

昔歲登高滕閣上何當此日滯江濱秋風吹鬢
綠非舊春酒賞荅紅更新細把萸枝供客路咲
持菊筵掉舟人明年擬拉剝郎去直拂萊山頂
上塵

蘆葦襟懷迥自寬澄江一舸足清歡憑高翻訝
斜烏帽照水何妨戴鵝冠雁鷺遠送天際落笑
客故向水邊寒推蓬萬疊青山出不用登臨更

好看

奉贊樾橋錢公三首

一代斯文歸品藻百年山斗此瞻依荒城十月
春風坐古寺三更夜月圓醇飲溫溫真自醉高
情款款欲忘歸今來我亦任迂點擬濯天池沂

魯沂

骨相由來占若水僊風早已識圖南棠陰日轉

江城卧竹影風高石磴援短劍孤琴懸古壁清

宵白月湛寒潭門牆忝竊真何幸苑李依依只

崇實堂集

卷之六

五

自慚

醉翁作郡擅風流勝地佳辰盡出遊貫識琴樽
狎麋鹿獨携杖屨覓林丘即看使節歸三輔待
訪仙槎泛十洲半席坐分談未劇翩翩彩鷁又
離憂

謝薛方山垂訪

芳茂山人本在山偶因獻賦落人寰青蠶不負
烟霞色朱紱行趨鷁鷺班抗世瑤華寧落落照
人瓊佩自珊珊昌黎昨枉高軒過李賀忘年莫

厚顏

寓潯陽能仁寺兩阻不獲登天池撥悶一

首呈橋翁

鳴雨蕭條夜到門上方鐘磬白黃昏五峰秀色
懸青眼幾日羈懷負綠樽壯歲馳驅悲道路清
秋搖落此乾坤探奇未遂平生志逆旅徒銷獨
客魂

海天寺集

閨寥古刹海天外縹緲飛樓山水間樓扁山水之間四字

辛廣堂集

卷之六

七

勝日招邀同出郭秋風徙倚一開顏長天遠水
帆檣亂蓼渚蘋洲鷗鷺閒清賞不須愁日落滿
缸明月醉中還

遊廬山奉和樾橋錢公六首

東林寺二首
天池寺一首

通王老峯一首
白鹿洞二首

山寺停秋一院深松篁百尺畫陰陰隔林聞鳥
關幽事下馬逢僧愜素心背日香爐浮瑞藹倚
天雙劍豁塵襟香爐雙劍峰名遠公匡俗俱塵土徒倚
禪堂嘆陸沉

葉落山空歲事陰杖藜有客入山深寒溪猛虎

今猶嘯連社高賢去莫尋舍利塔高空釋子聰

明泉吟洗吾心平生寔愛陶元亮入會攢眉獨

自吟

兩日廬山路未窮躋攀還上竄高峰石泉浴日
紅千畝寶塔停雲青萬重阮籍好遊情自適虞
翻多病髮先蓬論交到處惟山好一咲因之四

海空

廬峰盡盡五老巔雲物蒼蒼秋更妍嶙峋並削

崇實堂集

卷之六

七

崑山王綽約逢開泰華蓮羅立兒孫應共咲本
來面目寔堪憐它年偕爾遨遊去直泝天池泛
鐵船峰名

我尋白鹿匡山前呦呦何處鳴秋天虛亭揮酒

見大意大意亭扁
每翁所書古廟瞻依懷昔賢未有青衿

趨几杖只看黃葉啄烏鳶寂寥鐘磬懸東序徒
倚西風倍颯然

哀草荒荒鹿洞前閒雲漠漠度南天新遊正值
秋風暮勝賞追隨太守賢賸有高吟留木石還

將道眼照魚鳶飛泉戶外鳴寒玉獨對清冷意
洒然

天池寺塔遠眺

獨上天池最高處浮圖七級一躋攀九江歷歷
雲山外五嶽青青霄漢間已覺襟懷寬宇宙恍
疑身世出塵寰題名雁石真何意蒼蘚年年沒
舊鐫

眺香爐峯絕頂

紫烟飛上香爐頂躑躅東南第一峰人向雲端
紫質堂集 卷之六
扶杖屨山從天畔削芙蓉仰攀危石愁飛鳥俯
瞰幽宮起卧龍玉宇瓊樓應咫尺塵寰霧境隔
千重

代送江浦張尹先任潮邑

海上歸轅說不回江城又報使君來帆檣冒暑
薰程發苑李移春兩地裁江浦潮平時進艇定
山月滿一登臺秋原民俗還須問此日東南倍
可哀

白鹿洞思賢臺懷葉乾甫年兄

鹿鳴曾訂秋風約鹿洞寧違此日盟未踞悲秋
誰共賦荒臺吊古若為情祠前落木一枝淨天
際輕鴻數點明扶杖憑高還疑目豫章湖水獨
青青

竹亭為林氏題

平生為愛竹成癖此日江洲見竹亭淇澳煙霞
還裊裊琅玕風露更青青萬竿未許隣人斲一
逕從教稚子看駐看雲來紫鳳吹簫明月寂
堪聽

紫質堂集

卷之六

九

黃收善招遊麻姑事阻不赴

歲莫天風吹颼颼杖藜有客獨南行慙余羈絆
負幽事念汝登臨非世情碧池丹井寒逾淨三
峽變流雪倍明絕巘題詩還魯直登高作賦續
長卿

對雪簡王明府

一夜草堂春寂寂曉來捲幔白紛紛窮吟獨對
千峯玉高卧室餘半榻雲梁苑相如誇作賦習
池山簡稱論文床頭計盡樽無綠指點銀瓶問

使君

元夕和答吳桐岡

天上佳期春浩蕩人間勝賞夜繽紛
管絃清送蒼衢月燈火晴分柳市雲
瑤苑珠宮誰共醉星輝霞彩自成文
坡仙詩句猶堪記安得傳將遺細君

贈別仰山先生

泛泛行舟綠樹前野亭錦帳惜離筵
三春日履航相逐兩岬蒼明江可憐
國子明經終用世

崇實堂集

卷之六

十

朝廷側席正求賢驂驄得路人爭羨
况是囊中有祖鞭

山城永漏傳經夜江國清秋說劍時
舊雨幾年隨客棹春風此日別吾師
南金入貢收非晚北館儲材計未遲
彩鷁即看揮短袂冥鴻端合慰相思

長至日別秦生

北園小築讀書臺雪月風烟歲幾迴
別去流光真過鳥客邊節序又飛灰
不嫌冷榻三更話好

把青藜萬卷開留滯周南幸無事
載書他日許重来

寄懷謝羅源

春來憂思渺天涯乳燕鳴鳩夢謝家
池內舊生靈運草海邊新種洛陽花
閒行見說雉馴野卧治何妨雀報衙
懸榻待余知耿耿寒釭猶自憶京華

南城王氏新居落成

江上堂成蔚有光主人卜築傍江鄉
開窓不礙

崇實堂集

卷之六

十一

招魚鳥關戶何妨對鳳皇勝日過逢
成宴坐歲時伏臘此蒸嘗輞川給事
同宗彦索我題詩又一莊

輓紹蘭秦少府次梅南韻二首

石峯峯上翳荒苔渺渺寒烟慟爾哀
蘭畹日斜空返照桐溪波逝幾縈迴
懷哉高誼今誰似已矣斯人去不來
秋雨題書薦新菊書成忍對菊花開

遠訃傳誰恐未真好音慰我恰前春
豈應短札

成長訣忽漫今看是古人白日蒼茫謝絕清
秋岑寂獨吟呻燕遊尚憶傷心地嘉遜尤憐未
老身

又次余亦山韻一首

憶別寒江惜判衣春來秋去忽經時殘更入夢
愁仍喜落月重逢信復疑絮炙未將徐孺真苦
細忍把少游詩哀歌漫就情千里讀罷歌聲意
轉悲

寄林硯山太守二首

崇禎集

卷之六

十一

一代風流不數公早收名姓出羣雄高標昨幸
寒江接僊舸元從落日逢咲對銀缸談夜雨坐
分錦席醉春風官程明發何匆劇忽漫相思意
未窮

落星洲前五馬舟歲晏一別忽經秋每懷好士
孔文舉願識蓋世韓荆州南望冉冉暮雲合東
下滾滾長江流皖峰隱約少微畔硯山嶙峋天
際頭

和湯培亭西堂即事三首

屋外栽培萬樹宜更添松竹結三知半簾寒色
窺人處一派秋聲入座時將逕陶葵扶短杖暗
香疎影足新詩平生好此真成癖莫厭閒行數
叩扉

幽尋愛爾草堂深更接陰陰嘉樹林雲水村遙
應易地逍遙臺近尚聞琴開窓忍負看山興沿
園從知愛客心試聽塔除鳴獨雀肯垂青咳俾
凡禽

虛堂隱几亦看山萬疊笑容一望間咲我窮援
踪未遍輪君坐覽意尤開雲分翠嶺晴時態霧
隱金峰雨後顏便合過逢恣幽賞不妨乘月醉
中還

曹少溪侍御招集鳳皇閣

飛樓百尺懸旌旆雲木千章接鳳皇錦席留連
消晝漏玉壺清冷失炎荒雲集不妨河朔上霜
威暫假習池傷凭闌萬里何空澗極目江天引
興長

江亭小集贈鄭伯源

五月松風寒草閑兩川新水抱中洲天邊圖畫
青螺出客裡壺觴綠蟻浮共道潘安人似玉即
看新鄭氣吞牛何當取醉芙蓉畔與尔同登第
上頭

和鄭伯源秋江晚興二首

紅蓼堤邊秋可憐眠鷗浴鷺望悠然入江返照
懸孤日隔樹明霞媚遠天楚調迎風腔似竈齊
絃控月影同圓魚燈隱約知何處遙見疎林起
暝煙

崇實堂集

卷之六

十四

千家秋色淨高臺古木輕陰萬里開滾滾浪吞
隨棹去紛紛樹影逐人來噤當北極情偏切望
入南雲首重回漫倚危檣思往事夜深蕭瑟未
須哀

留別東瀛子

風雨章江並客舟十年仍作豫章遊天涯舊夢
緣誰數澤國清秋為汝留未信斗文塵久蔽還
知璞采價當收長淮月出會相憶鳴鹿呦呦喜
正浮

用韻答鄭半塘

秋風幾度接仙舟此日仍看桂苑遊萬朵扶疎
曾我折一枝清絕為誰留雷陳高誼非難並李
杜齊名許晚收京邸相逢話疇昔五雲深處御
煙浮

舟泊皖城訪秦獻之不值寄懷

皖江落日停孤棹野興山陰似可乘東望桐溪
仍渺渺北來鴻雁逐冥冥李舟遠泛同何得陳
榻高懸下未能獻之娶陳氏時主其家尚憶少游詩句好

崇實堂集

卷之六

五

相逢只尺寄吾曾

彭城九日文氏集

天邊節物又重陽漂泊彭城憶故鄉竹葉樽前
還自綠菊蒼客裡為誰黃黎林村近驚心惡放
鶴亭高引興長却怪儒冠吹不去酒酣欲倩北
風狂

與鄭生貨時寓臨清

生號嘉泉寓故鄉之思停雲其樓名也

十葉蒲帆萬里秋江風山月倍離憂客程催我
真無那鄉話逢君一散愁暖谷信吹鄉子律飄

蓬還愧李膺舟停雲南望泉三疊莫忘軍山寒
氣浮

漫興

歲莫那堪仍作客長檠短褐滯天涯風塵騎馬
真何意燈火驅人漫自嗟豈有黃金招郭隗欲
持寶劍覓張華燕臺美酒消愁得羞流銀瓶不
易賒

旅夜呈沈湖

荆扉獨夜掩黃昏寒漏清鐘遠到門萬里客心

宋賢堂集

卷之六

十六

悲鼓角幾番鄉夢遠山村霜燈若枕憐誰共露
檢瑤編獨子論穉穉方床真氣味不妨抵足叙
寒溫

前溪草堂同東隱作二首

溪頭一夜春水生溪上主人詩欲成浴兒破浪
雙雙白釣艇浮烟筒筒輕燈火三更鮫室近琴
樽長日水椰清年來失脚漁磯下豈為輕肥拚
野情

前溪草長綠浮濱汀蒲岬柳相鮮新豚魚不斷

浣花雨桑麻更愛菰源春采石秋帆還合我山
陰夜棹今何人鴻鵠鵬鷺况往事相過百遍寧
須嘆

竹潭為劉氏賦

野性平生水竹居倚潭種竹正忻余綠今淇澳
萬竿外清履滿湘百畝餘清浪生風喧鳥雀琅
玕倒影詫龍魚它年問訊東橋上命駕何須待
報書

元日

宋賢堂集

卷之六

十七

春王正日傳新朔元氣更端足歲華為報年豐
呈雪片豫將春信渡梅峯蓬萊雲散千門曉
關晴喧萬樹鵲客裏試新揮彩筆滿天物色絢
明霞

章旰川上舍卒業南歸

黃金臺前送子歸都門立馬倍依依三冬冰雪
夜相共二月鶯花春不違俎豆衣冠談大學樂
書鳳詔拜重闈大父以王官九載得恩典觀捧以行扶搖珍重
圖南翼冀北秋風遲爾飛

天津阻風有懷匡廬用撥孤悶

廬嶽峻嶒憶昔遊雲烟回首隔三秋天池月滿
虛禪榻海角風狂滯客舟飄泊未消山水興蹉
跎真作稻梁謀歸來擬辦登山屐踏遍羣峰數
散愁

歸途湯述

北去南來歲月勞後知久客敝征袍十年燈火
儒冠舊萬里風塵馬骨高郭子築金招已定下
生抱璞別還遭空囊獨有龍泉在試拂輕塵氣

崇實堂集

卷之六

十一

尚豪

和荅鄭鳳谷

甘泉空奏洛陽書旅食京華一載餘郭隗臺前
花爛熳麻姑山下酒何如已甘貧病後人棄獨
有交情未我疎冷月寒江同百里清尊短棹寄
相思

九日南山雅集和謝警齋韻

謝安昔擅東山趣此日南山趣轉佳白幘幾人
窮勝地黃花數朵映晴沙句漸康樂真難並酒

賴王弘不用賒藍水玉山俱寂寞追歡令節未
須嗟

復警齋歸田自慰之作因以慰之

杳然出處迷虛舟風檣雨纜誰同遊停撓正泊
青水岍解印不負黃谷秋草堂况已除三逕居
士便合稱四休山林城市亦真隱避地何必西
康州

寄劉六上舍

平生交誼劉公幹隔別京華春復秋萬里黃塵

崇實堂集

卷之六

七

同逆旅一宵清夢各離憂風雲莽莽音書迥道
路悠悠歲月流忽漫相思一乘興山陰野雪信
孤舟

登靈峯次章介菴壁間韻寄呈明水

步入靈峯窅高處飛雲縹緲隔清虛夜臺燈火
經殘後春草池塘夢醒餘

謝靈運流墨池三介南嶺書臺在焉故云

述作同遊真有待登臨習癖未能無乘風忽動
匡山興欲拉王喬與我俱

南峯博士約遊帶湖不果枉作見懷依韻

奉答

春風十里開晴湖雲航載酒誰能孤
飛蒼龍水照野服栢葉滿樽煨竹爐
舟楫渺茫懷舊侶巾袍歌側笑今吾
它年共泛林和靖井入西湖圖作圖

代送廣南尹

廣南雲樹鬱蒼蒼六月炎風五嶺長
仙吏九霄變鳥去奚囊萬里一琴將
垂條統路牽離思飛燕掠人送別觴
况是舊遊頻帳望佇看新政報

崇實堂集

卷之六

十

循良

春日集寶臺書屋

春日野堂春宴開谷香竹色逐人來
書籤硯匣虛芸閣瑤草金芝結寶臺
淨几論文披舊業清樽愛客潑新醅
閒行出郭堪乘興莫厭相過日幾回

秋日偕林郭二博士遊軍山途中漫述呈

二子

野曠峯迴日欲曛軍山半已入青雲
穿林嵐氣

沾衣潤掛壁泉聲隔樹聞幾路塵寰知迥絕一
天秋色此平分凌虛直上崔嵬處擬得金光把
贈君

執李秋官年兄

名廷春號習齋餘干人

蒼天遽奪李長吉昨日餘干一訃傳鐵柱昔年
秋榜並金臺隔歲夜燈然豈緣造物聰明妬總
為交游涕泗漣身世浮榮應不惜寂寥遺後家
堪憐

輓

梧岡二首

有序

崇實堂集

卷之六

十

梧岡卒三月矣墓且宿草每一作念未
嘗不令人慙焉悲也九月五日山中夜
坐偶憶其去歲和余賞菊之作因過其
廬劇飲竟日佳節過矣人之云亡悲如
之何作輓梧岡詩二章含淚書之於壁

四壁

康士孤墳秋草新空山獨夜淚沾巾故交自昔
多三益雅社于今少一人陶令尚遺諸子恨黔
公宦厭百年貧白楊原上西風急月落梧岡寫

汝神

簾筒頻開製作新終窮莫漫怨儒巾綠衣朱紱
何加我白屋清操豈愧人菊園賞音曾有賦莫
得款客不知貧秋風節物重陽近獨上高臺倍
憶神

九日南山讌集同梅南作二首

紫萸黃菊若為酬山閣邀賓共好秋雲影弄晴
峯頂出江寒報早雁聲流角巾照落黿龜窟藜
杖閑經鷗鷺洲謾倒竹樽憑節物更添栢葉洗
崇實堂集 卷之六

窮愁

逕穿雲古洞溪半山亭此更幽尋菊英愛客
香盈把堯樹凌秋蒼滿林時山半荒 別業欲追
崔氏勝登高真愧杜陵吟酒酣却咲蘓明允倚
醉還能激壯心老泉九日有壯心 偏倚醉中來之句

寄許少白

二月春風擬岷臺扁舟棹雪為君來對談玉屑
霏清漏共醉金華倒舊疊臥病題書常聞寐相
思命駕太徘徊麻姑舊約君應念莫待變成青

鳥催

送別

青山宿雨夜來收江鳥江蒼送客舟仗劍何堪
萬里去啣盃况是十年遊致身霄漢馳清譽濟
世功名正黑頭至日為余懸一榻相期京邸話
綢繆

自樂軒

無名公後世多賢安樂窩前又一軒短詠有時
還擊壤太和長日對清尊雲山魚鳥誰心賞雪
崇實堂集 卷之六

月風蒼自品論閑戶不教延俗客此中真趣已
忘言

黃政齋數過山房并辱贈詩和答一首

避人懶性合幽居有客尋幽過我廬自得高談
傾俗耳未妨清夢到華胥詩篇藻麗黃堅是病
骨峻嶒李泌如粗糲盤餐應不厭還來野外話
玄虛

雨餘漫興次黃子

山閣連陰四月寒蕭條隱几滯儒冠枝頭鳥語

因風變橋角橋老帶雨看振羽空懷千仞翮
纓欲向百盤灘曲栖錯擬南陽卧未有長吟抱
膝安

邊警二首次韻

江南總督三秋餉塞北新傳萬里霍丞谷已聞

通朔漠密雲見說近蓬萊

聞虜騎突至密雲

專城自制

諸侯聞推轂誰登大將臺獨抱杞憂空爾切久
懷賈策羨君才

已誇邊將裁金紫更道司戎習烏雲何事烟燧

崇賢堂集

卷之六

書

捷昏燧翻令河套失秋巡奇才自昔推頗牧健

士今誰擬獲賁稍喜平陽賢太守儒冠却虜愧

將軍

飲培亭新堂同梅南作

羨爾新堂臨水曲携余開檻挹池光松陰竹塢

成三逕驚序駕班自一行傷砌蘭幽寧讓謝夷

庭槐植擬追王壺觴好客頻令醉百遍相過是

醉鄉

送元吉黃子秋試

黃憲乘舟將欲行離憂忽漫別筵生曙歌吹劍
此杯酒撾鼓揚帆幾日程騰躍欲空千里驥扶
搖駐看九霄鵬燕臺美景驚華畔屈指它鄉又
合併

中秋次梅南韻

玩月山齋憶昔年秋中此夕又逢圓望窮倒景
應無地坐可中庭別有天白苧家憐光入袖清
樽無讓綺為筵醉來起舞蒼凌亂不惜婆娑帽
影偏

崇賢堂集

卷之六

書

麻姑二首同梅南作

麻姑之山高嵯峨瑤壇瓊宇摩青霄峰頭冉冉
駐霍馭蒼外時時聞鳳簫石函素檢霧長護井
浴金丹氣未消羽翰信能遺世經鹿門端合赴
佳招

覽勝憶曾留歲月題詩忽漫惜年華神功共酌
當時酒瑤草還開舊日花尚子未能驅俗鞅張
生浪擬近仙槎方平龍駕今安在却笑顏公太
劇誇

留別北野家叔

屈指流光一嘆中廿年研席許相從謝庭諸父
推安石阮姪慚余比仲容雨雪孤帆懸獨夜雲
霄萬里信長風名駒北野終當售莫漫驪黃嘆
異同

題畫二首

眼中頭角何崢嶸名綃一幅來蓬瀛堂虛忽訝
雲煙起畫靜如聞霹靂聲東谷已知騰紫氣南
陽未許臥蒼生即看白日冲霄去況是神工舊

崇實堂集

卷之六

廿六

點精 右龍

小落山空庭已爍展圖四壁風颼颼金光照日
自揮霍文采澤霧何斑彪豈但餘威能衛霍徒
知浩氣欲吞牛素毫妙染誰能此應是當年顧
虎頭 右虎

舟次劉坊劉上舍昆季小酌舟中留別一

首

憶昨經過二月餘春風吹酒泛晴湖浣溪合讓
帶溪勝汝水今開朝水圖一別忽經時序暮經

年翻訝信音疎憐君多劇三更話念我馳驅萬
里途

安慶晚泊折簡吳陳二子

昔年一舸秋江泊隔水曾看二妙來落日蕭
先烈像攬衣同上大觀臺豫章懸榻今應下季
子高風夙所推肯過行厨憑小有麻姑無負月
中梅

鳳閣瞻雲卷送張上舍省親

遊子瞻雲去路賒寸心先已遠京華三年椿樹

崇實堂集

卷之六

廿七

萱荄夢此日冰河雪夜槎風沼有毛來驥子菜
衣試絲稱宮荅趨庭多暇延朋好醉我春杯灑
灑霞

兩湖卷為李上舍父題

洞庭青草頻勞望咫尺南坪見兩湖卜築臨流
自幽事禽魚隱几任招呼浣溪地勝誰堪賦朝
水莊開自有圖暇日秋應尋釣侶它年會見起
鷗雛

送徐大使考滿便省

金陵聚首忽離筵
念爾同遊倍惘然
舊雨俄驚三載別
新詩豈有萬人傳
春明江上圖書閣
月殿庭前綵服鮮
况是京書馳魏闕
燕臺一榻為君懸

地藏寺訪鄒思源夜話三首

薄暮思君策馬來
行窩寄在少城隈
入門一嘆猶疑夢
下榻今宵未擬回
童子燈前歌窈窕
驪駒柳外駐徘徊
欲圖後會知何地
且盡春臺灑盞杯

崇賢堂集

卷之六

文

隔別吳門歲頗多
一官九載柰公何
共瞻棘外揚眉去
猶自松間抱膝哦
思源以九年主簿
近轉海鹽縣丞
水從知逋酒債
簿書未許伏詩魔
它年海上遙相憶
乘興能隨鳥翼過

古寺深更話不窮
憐君况是十年逢
風塵漸覺形容異
萍梗何時嘆語同
世路悠悠悲去鳥
飛音渺渺怨來鴻
從知吏隱還多暇
莫向交游萬事慵

送徐省祭歸宜川

鄉里衣冠覺汝賢
都門忽漫置離筵
三春送客鶯相續
兩岫看蒼江
可憐宰木庭椿同
照耀烏紗綠
鬢競鮮妍致身霄漢
他年事方駕蕭曹許
並傳

奉天坪對制

閭闔千門曙色開
逢瞻仙使出蓬萊
共扶玉几綵綸展
恭捧天章雲漢回
炙背簷前懷欲獻
請纓閣下愧非才
制策禦戎
平生謬習天人對
此日縱橫不自裁

崇賢堂集

卷之六

文

瓊林賜宴

上苑鶯鶯春日長
叨霑春宴萬花旁
釀分仙醴浮杯薄
巧綴宮花壓帽香
肉食未忘葵藿念
大烹常誦伐檀章
小臣拜舞隨恩澤
扶醉歸來月滿廊

玉堤春曉

拂露趨朝曙色平
玉橋度馬傷堤行
寒隨流水春衫怯
望入西山曉氣清
柳外籠烟懸宿雨
蒼間薄霧報新晴
游塵未動日初出
何處流鶯一聲

懷松贈戴錦衣錦衣父號松坡

坡上長松誰所遺，每懷手澤倍瞻依。
驚濤入夜情何極，翠蓋成陰願不違。
傲雪虬枝看偃蹇，凌霄奕葉有光輝。
金吾休暇時高枕，滿戶清風拂錦衣。

椿萱榮壽為李禹江題

帝里遙瞻梓里闡，極星高映發星輝。
瑤觴錦席歡相並，椿樹萱花老共輝。
况有天邊傳雁藻，不妨雲外隔斑衣。
洪厓指日鸞書下，冠帔翩翩又

崇實堂集

卷之六

三十

古稀

燕雲題祝慶餘姚邵裕里令祖九十壽

薊北遙瞻南極老，姚江共羨地行仙。
支干已過

軒轅曆科甲重光龍兔年

公以前辛卯鄉舉甲辰進士裕里步武俱

同亦奇衛武德音年並進，伏生經卷老猶傳。
燕雲縹緲蓬萊近，會送祥光到壽筵。

送朱東源使蜀便壽翁

即看使節三巴去，羨爾清秋萬里遊。
金馬臺荒時仗劍，黃牛峽靜夜維舟。
星隨歸旆長庚爛，雲

傷親廬瑞霽浮，綵服已知宮錦製。
即筒合為壽筵謀。

贈喻參軍竣事還定海

洪城邂逅歲逾三，笑爾丰姿舊紫髯。
別去清風知入幕，向來明月共鈎簾。
喜聞海國波濤靖，獨羨山城吏隱兼。
多處官程戒明發，莫辭尊酒為君淹。

王敬所奉使留都便省贈別

南國壯遊馳使節，天涯歲暮惜離筵。
鐘山鬱鬱

崇實堂集

卷之六

廿一

誰同眺雁宕，悠悠望獨懸。
古驛梅花娛去路，重關綵服媚新年。
極知扶侍來非遠，遲爾新荷綠水邊。

送成都郭尹

百里兒童迎郭伋，三巴循吏說文翁。
承家茂宰知無愧，驛武前修許許同。
別去卿書懸棧道，相逢春酒憶郛筒。
驪駒暫駐金臺雪，馬首遙瞻劍閣風。

送陳中津掌教

麻姑一別話長安幾載遲回尚舊官文鋒又看
今日振離筵忽動昔年歡春風不厭青樓坐長
日何妨白著盤况是明時重儒術雲霄遲爾奮
修翰

送劉主簿之平陽

蚤歲詞場振羽儀一枝此日尚栖卑從知作賦
聲華重不道傳經心事違春滿錢塘還進艇蒼
明越嶠一簾帷棘蕘樹休寧翼到處喬林遲
爾飛

卷之六

元日霧

立馬千官候禁鐘長安黃霧濕冥濛沾衣未覺
陽春吟潤物從知聖澤融此日朝儀勞想像
何時天語聽從容履端歲歲華封祝萬國衣冠
拜舞同

立春日賜食春餅

臘去春來燕喜時傳宣先遣近臣知金荅貼勝
聊隨俗玉饌傳芳競出奇薄捲月團冰皎皎細
分春色柳絲絲草頭忝竊真何幸醉舞陽和蒼

聖慈

春雪劉水部署集次答二首

勝集清宵樂未央古堂暎雪倍輝光乍添春色
愁何有為報年豐喜欲狂愧我清談成坐嘯輸
君白戰受閒忙已拚酩酊酬知己况復高歌引
興長

署接雲霄傷未央苑苑宮柳洩春光雪荅愛客
紛相集竹葉中人醉轉狂到處論交誰意氣一
行作吏自奔忙歸來擁鼻寒齋卧更喜隋珠照
夜長

雪霽望西山

積雪新晴兩闕妍西山雪後更鮮然日光晶晶
春相暎寒色輝輝清可憐梅嶺遙知蒼澹淡藍
田信有玉生烟何時休沐從吾好擬踏層巔弄
瀑泉

崇質堂集卷之七目錄

詩部

七言律

元夕次桂近菴侍御韻兼呈郭文麓侍御
春雪有懷黃損齋

和損齋遊碭東園韻

寄輓符褒老二首

重慶齊年

送楊節推之登州

崇質堂集

卷之七目錄

送石少玄宰沃曲

送張華岩宰嘉興

送姜彖泉之餘干

和答泰和王貢士

夏日同諸大行登報國寺閣二首

送陳惺齋奉使便省

宜齋輓卷

送張松陵之南北部

送舒秋官之留京

贈徐明湖之滑縣

東郊餞送敷梅坡正郎

郊遊漫興

重遊報國寺遲吳近川不至

送王上舍還金華

松並南山卷

寄答鄒李二友

昌平道中次王敬所韻

謁長陵次王敬所韻

崇質堂集

卷之七目錄

康陵陪祀次王敬所韻

贈王吳江之官

曾魯源尊翁受封

賀戴渾菴生子

黃僕丞江南簡馬

王右河千兵雙壽榮封

送趙珂里丞歙縣

贈碭山汪上舍

樂城道中遇雪寄丁南溪太守

阜城立春東南溪地主

鄒縣瞻孟廟

東平除夕

濠梁晚渡

臨淮道中瞻望中都 祖陵感賦

呂亭驛見梅

送鄭伯源省試

贈諸友省試三首

梅窓

崇實堂集 卷之七 目錄

戴中丞別墅宴集

泛湖

重遊戴中丞山林

送鄭葵峰教諭擢夏津尹

贈倪淮涯入 觀

送張公泉宰范縣

贈別鄒東泉權稅荊州

寄懷梅窓 順昌王

伏枕遣懷

迎養逢恩

楊武東生朝戲簡

送袁中山省觀

姚園燕集二首

送吳竺源水部分司沽頭

送張五判官之南通州

贈璩上舍南還問訊稚川太史

贈泰和王秀才

壽月溪張公七十

崇實堂集 卷之七 目錄

沽頭飲吳水部署

代東北野叔文

寄陳梅南二首

送雷少郭考績便歸展掃

送張立菴給舍考績

春日奉常汪公邀集神樂觀瞻眺 郊壇

二首

燕子磯同奉常汪公之作二首

牛首山漫興

幽棲寺海天老僧夜話

呂片谷擢守襄陽

送鄭給舍少潭擢守長沙二首

楊海州侍御擢憲河東志別

太常寺牡丹汪錢二清卿邀賞

贈皖城劉舉人

送王東溪上舍歸南城

送甄冠山給諫考績便省

壽伯菴王翁八十

崇實堂集

卷之七目錄

五

汪春谷中丞開府河上志別二首

茫湖李翁八十壽詩

雙壽榮封

病中遺懷

送萬鹿園都督歸田

和杏車白江二首

和陸黃齋光祿三首

孟冬偕呂銀臺巾石胡京兆練溪登牛首

最高處

入夜尋懶融岩偕宿海天方丈

送黃崇明入覲

吳封君壽詩

西湖泛舟

保叔樓雨坐

華蓋山次壁間韻四首

秋懷四首

南康九日劉雙峰秋卿招飲二首

南安東山宴集簡地主虞石溪

崇實堂集

卷之十目錄

本

大庾集少司寇梅國翁第

小溪驛次陽明先生壁間韻

梅關謁文獻張公祠

飛來寺夜泊

秋日同周章巖少參遊南華二首

督學張來溪宅夜燕賞菊併邀杜七泉同

作

張劉二都閫邀集粵王臺

秋日同周少參登靈山

張閫帥燕集王海巖

奉同陳雙山城月有懷

丹疊前韻志感

和雙山渡海偶題

和荅高恭軍

崇質堂集卷之七

詩部

七言律

元夕次桂近菴侍御韻兼呈郭文麓侍御
弛夜金吾許放燈天街十二沸春聲凌霄風吹
作雲奏跨海鰲山傷月明勝賞總拚今夕醉鄉
心無那此時生齊名李郭吾何敢暫假霜威陰
韻賡

春雪有懷黃損齋次荅碭庠夜坐之作

崇質堂集

卷之七

七

虛堂乍覺集續紛幌外斜飄迥不關忽漫窓前
疑暎月還看天際已同雲夢回剡曲誰尋戴望
入西山正憶君惆悵春杯成獨酌夜深猶自焚
燼燠

和損齋遊碭東園韻

有序

先祖曩丞碭既歸嘗為不肖談東園之
勝忽覽佳什愴然興懷託之同聲少抒
哀思

碭城東居士園青郊野趣滿柴門曾聞先轍

經過數忽捧新詩涕淚繁沂水自賡今日詠習
池誰洗昔年尊憑君為訪遊行處松葉棠花幾
樹存

寄輓符褒老二首

楚天漠漠少微顏彭澤先生歸去來桂苑早年
稱獨步草堂它日為誰開探奇發興留詩卷濕
俗藏真付酒杯悵望餘光知皎皎夜深猶自燭
泉臺

讀書已破五千卷解印長吟四十春鄉里衣冠
崇實堂集 卷之七

留好樣 聖朝泉石有高人是非俗論吾何病
清白寒聲道未貧絮灸未因馳萬里忘年交誼
獨傷神

重慶齊年為上虞徐年兄作

徐翁善藝典
所著有拱北

堂稿夫婦
簡壽九三

拱北堂中望百翁喜逢初度桂蒼風霞觴並捧
人俱壽雲舍逢瞻慶且重擊壤有懷傳雅詠名
山到處信孤筇丹顏紫氣還平地便合從君訪
赤松

送楊節推之登州先任潮海起復補官

即從南海趨東海忽漫新遊憶舊遊鯉宅已隨
韓子徙蜃樓應副長公求開筵日傷金銀闕按
節時臨山水州獨上蓬萊得佳句瓊枝瑤草許
誰酬

送石少玄宰曲沃

名邦勝槩河東邑茂宰清標海內村千里聚書
來日下滿城桃李屬春回唐風未逸還堪問晉
業徒雄倍可哀此日蒼生更誰念他年青瑣待

崇實堂集 卷之七
君開

送張華岩宰嘉興

羨爾之官當澤國東南佳麗足新遊登臺遠岫
晴堪即倚郭長虹卧自浮須信陽城車撫字從
知潘岳擅風流嘉禾舊種憑君植一雨隨車萬
頃秋

送姜象泉之餘干

金臺註籍聯金榜玉佩趨 朝並玉珂雅會經
年賓嚴澤鄰封此日借餘波登堂三善猶堪數

方駕諸賢不啻過問俗秋原掉明月康即山下
聽漁歌

和荅泰和王貢士

王時司塾魯水部於余
即為北鄰

愛爾書齋接鳳池朝回數得共春危詠歌童冠
連三月氣味東南並一時藻句每傳池內草蔬
盤不厭露中葵牆頭濁酒誰相過我欲從君數
問奇

夏日同諸大行登報國寺閣

出郭尋幽此盍簪上方虛閣一登臨九霄雲傷

崇實堂集

卷之七

中

金銀閣十里風生松檜林掃石烹茶驚雀夢凭
闌得句對僧吟竹深鎮日留賓坐未許人間淨
暑侵

閒叩禪關第幾重躋攀飛閣欲凌空諸天色相
藤蘿迴勝日冠裳氣味同避著偶從河朔飲移
尊還傷芰荷風詩成日落興未已緩轡行歌明
月中

送陳惺齋奉使便省

喜看使轍馳天北會捧 龍章責甫東司馬勲

名臣

聖眷

時 諭 張
肅川尚書

皇華遴選許誰同衣

我宮錦畫逾麗筵傷秋谷晚更濃悵望都門成
暫別一尊他日咲重逢

宜齋挽卷為舒健菴祖作

一齋宜老合歲真隨世逍遙九十春太古儀刑
留好樣 聖朝直道見斯民華筵已羨賓三老
高誼猶聞泣四隣指日焚黃看奕世崔山華表
倍嶙峋

送張松陵之南北都

崇實堂集

卷之七

五

南宮二月聯瑞燕西府三冬共柏鳥忽漫離筵
臨大路遙憐飛旆指仙都官閒勝集雞籠閣署
迎清分玄武湖雲樹江東颶何極新詩肯寄梅
遊無

送舒秋官之留京

闕北秋風落葉紛金臺樽酒惜羣分交情忍聽
南城雨飛思遙連建業雲入里逢迎多舊識趨
庭承訓有新聞厥翁先科進士終養歸家公餘清夜勞占候
貢索星躔淨授氛

贈徐明湖之滑縣

才名齊魯許誰僧

明湖發解山東

每誦新詩句句佳

府清樽連夜話金臺別年動秋懷牛刀暫試扶

風邑燕寢長吟画舫齋珍重尚方雙屐在雲霄

指日望鳬來

東郊餞送教梅坡正卽次吳近川寅長韻

野亭立馬促征人祖帳留連傷水濱郊外忽看

冠蓋集尊前無奈別離新高雲間暎荒祠柳細

雨輕雷去路塵後夜相思復何地勞歌莫訝勸

崇實堂集

卷之七

六

杯頻

郊遊漫興次近川

閑行出郭赴新晴柳岬蘆汀聽水聲沙上鳬鷺

遊自狎祠前雲物坐來生千年舟楫輸軍國萬

里山川拱帝京何幸塵襟此披豁不妨長日

泛溪航

重遊報國寺遲吳近川不至用韵戲簡

為愛禪林百尺臺雲高竹牖記重開僧如相識

供新巢榻未全移拂舊埃歎極頓令懷好伴官

閒何事負春杯知君不淺登臨興載酒招尋第
幾回

送王上舍還金華

馮改溪索題

抱璞新從闕下回偶唐坐上識君材曉歌湯

賦三秋別蠹簡還餘萬卷開霞落雙溪時艤棹

月明八詠且啣杯千金駿骨行須售遲爾燕昭

百尺臺

松並南山卷壽沈陸川尊甫

海雀山雲寄隱蹤高懷長日撫孤松貞心勁節

崇實堂集

卷之七

七

清堪並雪榦霜枝翠且重牒穀漫須誇漢事浮

榮元不羨秦封杪秋氣爽濤聲壯偏是長庚歲

歲逢

寄答鄒李二友人

洵晉軍山第一峯清秋白霧倍離悰那堪親舍

三年別莫怪交游萬事慵寒谷自須吹應律高

門時復擬登龍玄都勝會應如昨尊酒論文連

我同

余昔同諸友會文于清修道親不知近日猶不廢否

昌平道中次王敬所韻

侵曉驅車思爽然行穿古木破蒼烟挿天遠岫
晴偏好滿路寒芳秋可憐愛客扶藜迎白叟半途
有張翁呼童煮茗汲清泉故園酒熟誰同酌落
日荒城意更牽

謁 長陵次王敬所韻

北來紫氣護山巔西接黃芑望塞垣雄武昔烏
驅翔漢餘威猶自震裘種名園喬木干霄漢陰
殿遺弓泣歲年白日龍昇空想像昂湖應隔海
東邊

崇實堂集

卷之七

八

康陵陪祀次敬所韻

康陵山麓鬱巘屹樓殿三秋白露溥虞衣時陳
瞻五夜漢園歲祀走千官王門想見英雄畧瀚
海翻令涕泗沈風雨滿壇迎入殿空山落木怯
高寒

贈王吳江之官

落木蕭蕭笠澤波官舡夜泊聽吳歌日邊暫覓
仙鳬遠江上遙憐竹馬多西北才名真不忝東
南民力近如何交情不惜離筵暮柰爾來白

王珂

曾魯源尊翁受

封索詩為賀

魯翁精易教授里開

人稱松山先生

徂徠處士孫明復白首傳經迪後生星斗文章

馳藝苑歲寒風骨挺雲亭

羅整翁立雲亭社會松山與馬立園

嘉賤無長物簪綬馳封有寧馨忽報鳳嘶丹詔

至為停絃誦啓柴扃

賀戴澤菴生子戲索湯餅

闕下歸來方受朔堂前忽已報添丁未拚湯餅

崇實堂集

卷之七

九

連宵會莫怪詩篇隔月成漫道太真知骨相後

來坡老識啼聲鳳毛麟角奇如許應占他年小

戴名

黃僕丞江南簡馬便歸焚黃

渥洼大宛無消息薊北群空雲錦荒豈為天閑

乏弱收好憑伯園別驪黃公軺歷盡梅苔驛使

節還過畫繡鄉新捧 龍章誇赫奕即看宰木

信輝光

王石河千兵雙壽榮封

同年王方湖父

虎旅成功樂太平鳳毛便省沐恩榮折衝自昔
恒尊俎投老年來厭甲兵膝下宮袍雙綵霞
間仙誥五苓明春風歲歲逢初度不負將軍翼
鏢名

送趙珂里丞歙縣

佐政蒼封新綰綬傳芳梓里舊鳴珂循良為邑
風流在惠愛承家世澤多萬里携琴將宦去三
年得句對松哦休嘆健翮早栖久霄漢飛騰奈
爾何

崇實堂集

卷之七

十

贈陽山汪上舍 先祖舊識

芒碭山前幾故人黃金臺下識汪倫濁醪不厭
過逢數往事徒令感慨新仕路須誇綠髮歸
鞭端合趁青春為君却憶哦詩處松樹如今迹
未陳

樂城道中遇雪寄丁南溪太守

瀟海狂風吹客衣樂城片雪點征帷乍飄車蓋
紛相集轉入巾袍洒漸微古木殘枝看歷歷
天暮色故輝輝獨慚乘興山陰棹咫尺翻令樂

事違

是日河間迎春
南溪留飲不住

阜城立春東南溪地主

客路馳驅常入夜天涯時序又逢春即看東樹
風光轉為報豐年雪色新萊縷餅團酬令節玉
盤象筋憶茲辰去歲是日
賜食春餅絕憐太守華堂會疊
勝簪花送喜頻

鄉縣瞻孟廟時需服失容不及趨謁

雪中趨走名賢地展拜無從濕野祀廟貌出巍我
瞻自昔丁酉歲會
此拜謁宮牆咫尺望徒勞齊梁竟負

崇實堂集

卷之七

十一

匡時畧管晏元非命世豪慈訓三遷真聖善春
秋祠宇檜林高城北有孟
母專祠

東平除夕同孫春湖作

客裏歲除成小集尊前良晤得同袍天涯此夕
歡非偶故國三年夢亦勞共對椒花看爛熳儘
拚柏葉飲醅醕嚴城柝罷東方曙嵩祝遙瞻
鳳閣高

濠梁晚渡

停驂擊柝濠梁渡日落江空鷺鵲風遠樹欲沉

嘶咽色柔條乍變點春容
河流散漫愁魚鱉城郭
蕭蓬宿雁鴻見說問關
半溝壑喜逢春雪卜年
豐

臨淮道中瞻望中都 祖陵感賦

都城佳氣鬱龍葱紫色
金光在眼中基肇邠岐
原有自昂綿邠邠定無
窮千年伏臘嚴裡祀萬
里山河護閭宮園復奉
常誰世守當年里媼識
神龍

呂亭驛見梅

崇賢堂集 卷之七

十二

寂寥江北無春信此日
郵亭見一梅索笑風前
成獨對懷人天畔動遐
思夢回南國消魂夜與
在西湖得意時詠罷鄉
愁渾忘却故園此際定
垂垂

選鄭伯源省試次各暮春見懷之什

十載聲華動士林雲霄
滿意待秋深莫忘舊日
看蒼侶肯負當年折桂
心宴罷新詩休浪漫時
來高閣足登臨春明好
獻長楊賦臺上黃金幾
伯尋

贈諸友省試三首

珍重輕軀冒暑行江風
山月若為情幾年霄漢
期鴻舉此日賓筵聽鹿
鳴鶯鶯登卷收次第冊
詎冷鮑折輕盈學將何
用須匡濟莫負明時起
一經 右朱道南

芸齋雪館論文地紫港
壺溪放棹時豈為壯遊
淹去旆祗緣交誼密離
厄品題已極青錢選顯
小試得意還吟丹桂詩
滿把天香秋宴罷佳音
先遣故人知 右朱顯仁

崇賢堂集 卷之七

十三

即看此日龍頭選信是
秋風豹變年雲路星樞
通咫尺丹卷綠髮競鮮
妍並遊俊彥寧誰後同
姓衣冠覺汝賢賸有承
筐將雅贐可無秀句答
華筵 右李顯文

梅憲為順昌王賦

梁園室美千章木南國
爭看萬樹梅苑李芳菲
自朱戶水霜風格倚瑤
臺每留瘦影清吟骨時
遣寒香入酒杯賓客應
劉多述作應太守劉長史先有詩
疎狂授簡愧非才

戴中丞別墅宴集

勝日邀賓嘉樹林東山卜築白雲深田園傷水
開三徑松竹干霄上百尋暫假高情成放浪未
應野興倦登臨沙村暮景尤堪賞歸路牽帷月
色侵

泛湖

漁樵深處水雲亭皆扁名

開尊盡醉漁樵處洗醖還登雲水亭晚照入波
看灩灩新蒲迎棹故青青滿舡簫鼓歌明月勝
集冠裳動客星太傅郎官傳盛事戴湖端合定

崇實堂集

卷之七

十四

嘉名

重遊戴中丞山林

名園曲徑諳還舊嫩蕊東籬賞更新乘興是誰
過剡曲問奇有客到湖濱傷人鴈鶩遊相狎愛
客兒童意不嗔便擬頻來忘地主覓魚呼酒任
吾真

送鄭葵峰教諭擢夏津尹

名邦舊是鳴琴地茂宰新看振鐸儒廉嶽傳經
騎白鹿雲霄飛鳥下仙鳬絃歌入夜聞應過

李乘春種可無薊北齊東元咫尺相思早晚寄
玄珠

贈倪淮涯入覲

寒泉共酌麻姑頂把手相看是別筵擬續驪歌
淹道路遙憐飛蓋旌旃旃趨庭彩鷁行偏捷赴
關仙鳬望獨懸遷轉定知青瑣闥相逢應及艷
陽天

送張谷泉宰范縣

隣邑絃歌未足誇風流海內有張華公田剿種

崇實堂集

卷之七

十五

陶潛林山郭時開潘令谷簾外鳴煙消午篆增
前雀舞散晨衙天涯離索寧須惜知爾遷喬不
待瓜

贈別鄒東泉權稅荊州

樂果經年嘆索居離專此日惜分裾旌搖楚澤
三秋去帆落章華萬里餘須識王風裁蘆斷誰
言國計及舟車仲宣樓畔羅含宅定有新詩數
啓余

寄懷梅憲順昌王

憶昨秋風搖落木孤槎奉使過芝山梁園菊蕊
清堪把上國瓊枝近可攀錦軸牙籤留製作暗
香疎影擬容顏江南消息春應早知隔鄱湖第
幾灣

伏枕遣懷

長安抱病忽經秋閉戶蕭條可自由伏枕羈懷
疎酸竿怯寒高骨客衾凋閑心藥累題堪遍漫
興詩篇詠復休且喜蓬門車馬絕幽齋長日不
梳頭

崇實堂集

卷之十

十六

迎養逢恩為涂東坪賦

蒲輪遠就南宮養草莽躬逢北闕恩擊壤幾
年歌帝力裁冠此日拜君門陸離忽捧龍
章賁舞蹈猶憐雀髮存歸去還尋舊遊侶應誇
簪綬照丘園

楊武東生朝戲簡

望氣夙瞻南極老稱觴先過子雲亭仲山漫道
鍾嵩嶽方朔由來是歲星燕市酒徒招欲遍蓬
萊仙侶舊曾經

武東先生登
州有蓬萊閣

莫嫌數過逢初度

歲歲相看是百齡

送來中山省親

萬里瞻雲馳使節九天霽雪嘆行旌酒傾北市
人初別春到西園

厥前疏

蒼倍明歡省已占星彩

動陽和偏稱舞衣輕共傳觴詠騰閭里信有人
間畫錦榮

姚園讌集次吳自湖韻二首

走馬長安成俗吏春風乘興過姚園入門已覺
遠塵事下榻况後來清尊閒亭種竹開三徑幽

崇實堂集

卷之十

十七

洞穿雲自一村莫怪兒童厭賓客他時徑造不
須論

主人似有逐客之意

竹霧松烟午盡收散愁同立瞰山樓捲簾几杖
清堪掬入戶峯巒翠欲涿竟日淹留成勝賞他
年來往憶新遊林間有石還奇古乘醉題詩在
上頭

送吳竺源水部分司沽頭

沽頭仙署倚雲開高閣臨江亦壯哉駐節共瞻
秋水使通漕真美濟時材月明欲放坡仙鶴風

起還登漢帝臺白簡清尊况多暇可無秀句為
余裁

送張五判官之南通州

送客荷亭荅事饒卿心羈思若為飄之官正值
瓊峯地下馬爭看玉樹標滿座青山雲閣巖半
江紅日海門潮風流為政知多暇惠愛承家况
未逢

贈璩上舍南還問訊稚川太史

宦遊但覺卿音好客裏從知送別難豈為遠征

崇實堂集

卷之七

七

憐道路蹇憑小酌釐交歡青花綠翹文章嚴太
學諸生禮數寬川上若逢王太史為言讀禮更
加餐

贈泰和王秀才

家宰公會孫時送女歸楊氏武東索作

即君自是名家後儒雅風流可並論姻婭過逢
來北極衣冠談笑共清尊即看水玉真無忝見
說朱陳自有村此別聲名應籍甚高秋作賦動
卿園

壽月溪張公七十

同年張三齋父

仙翁早結縉溪約小艇長竿月共邀七十風光
隨杖屨百年宦况付漁樵瑤緘獻瑞傳青鳥綠
服瞻雲傷紫霄遙憶華筵開上谷菊香秋色若
為飄

沽頭飲吳水部署登樓北望醉贈一首

飛樓縹緲青霄近落日躋攀一散愁野曠青徐
雲樹合津連淮泗古今浮携壺共酌凭虛處邀
月還登取上頭時倚危闌望西北塞塵遙慙
時收

崇實堂集

卷之七

七

代東北野叔丈奉次來韻

南壯馳驅紆道路風塵荏苒惜年華補慚舞袞
空懷祿舞曠策衣每憶家春信預傳苑有浪鄉
書昨報石填沙已里識語天人大對今脩否須趁彤
庭日未斜

鴻雁無情日月深家書何啻萬黃金三秋遠
憑誰寄萬里開緘見客心抱病經年親藥叢知
音何處負瑤琴晴窓檢點陽春調清響難賡只
細吟

寄陳梅南二首

渺渺長江泛鯉魚故人消息定何如歲華冉冉
青塵暮時事悠悠靜業疎梅園舊傳冰雪句楊
園時草太玄書聞梅南讀書楊園吁南春早如相憶肯
惜瓊枝慰索居

十月滄江牽画舫兩都青瑣直彤庭之官此日
懷千里通籍當年愧一經去國敢云才見思
君實有醉如醒孝廉一舸何當發建業城邊為
我停

崇實堂集

卷之七

七

送雷少郭考績北上便歸展掃

聯省幸隨清禁闈家書先獻紫宸朝幾年諫
草傳南國三月江谷送別輶過里爭誇春畫錦
親風還采故鄉謠豐城劍氣承家舊定有精光
徹九霄

送張立菴給舍考績北上

三月江城頻送客驪歌渭曲君為情風清別院
鶯相續谷滿離亭春正晴北闕幾馳憂國疏
南垣共羨濟時英從容獻納雲霄近好展平生

答聖明

春日奉常汪公邀集神樂觀瞻眺郊壇
二首

羈情旅况春無賴野興撩人出郭行緩轡尋詩
借瑣侶携尊愛客有清卿龍圖雅稱依松嘖鳳
吹如聞隔竹鳴但有溪觥浮玉液不妨長日醉
蓬瀛

層霄仰見金銀闕喬木遙瞻星斗壇盛代明
裡窺制作東風指點費祠官彩雲絳節春相護

崇實堂集

卷之七

七

瑶草琪花歲未殘清賞不須愁日落尚留佳處
月中看

燕子磯同奉常汪公之作二首

乘興來看江上峰嵐光雲氣早偏濃行穿古木
驚棲鵲影落寒潭起卧龍澤國經秋蘆葦亂風
搖侵曉浪卷重眠鷗浴鷺炯相映却羨漁翁煙
水中

長江秋淨落澄空極目煙波萬里濛雲閣崔嵬
今始眺星槎迢遞昔曾通寒芳後節還堪把破

帽移時尚避風燕子不來王謝去一尊聊與使君同

牛首山漫興用青谿太宰壁間韻

命駕凌晨興已豪登臨老脚豈辭勞林收宿雨日初出山閣片雲秋正高勝地嶙峋開佛窟危梯詰曲傷鶯巢吟肩病骨高如許安得麻姑鳥爪搔

我聞雲窩傑構層捫蘿歷險趁秋登尊前眺遠憐君共夢裡援奇憶我曾一笑浮名蝸角士三

崇實堂集

卷之七

十一

更清話鳥巢僧奚囊收拾山中景不用逢人次第稱

幽棲寺海天僧老茶話次王仲山韻

爲問西來幾祖風道場開傷最高峰不妨好事巡狂客見說談經聽老龍落葉平鋪秋色澹浮雲飛盡海天空他年擬結東林社一笑攢眉與爾同

送呂芹谷擢守襄陽

千里分符當勝地三湘飛旆赴青旻奉帷露冕

臨民日紫綬金章報主身山憶羊公碑尚在池尋習氏句還新鹿門深處憑君訪倘有當年舊隱淪

送鄭給舍少潭擢守長沙二首

板垣暫罷承明草列郡初分太守符五馬逢迎瞻巨嶽三湘形勝帶重湖從知文譽雄南服會聽賢聲冠楚都七十二峰登覽處新詩肯寄舊遊無

崇實堂集

卷之七

十一

瑣闥從容萃鎬京材名海內鄭康成幾年聯省論心地此日離筵送別情朱紱傷老春更歷鑿堂試綵畫偏明杳然薇蕨成遐想何日從君聽鳥鳴

楊海洲侍御擢憲河東志別

暫假霜威持憲節即看春色照行旌兩都幾載馳封事三晉頻年脩甲兵寬勝好尋姑射宅巡行時過夏王城還聞宵旰厘西顧定有雄圖忝

聖情

太常寺牡丹汪鉞二清卿邀賞

容臺錦席留賓置上苑名苓滿意開笑對芳尊
看舊影穿叢竹更徘徊品題直擬姚黃並
作慚非李白才欲醉紅粧問銀燭羽衣驚管漫
相催

贈皖城劉舉人

天柱峰前我昔聞劉郎藻思薄秋雲姓名忽報
江南捷牋壯應空薊北群洛苑共傳公幹賦金
門期射董生文曲江三月春風宴滿把瓊枝日
未醺

樂賢堂集

卷之七

書

送王東漢上舍歸南城

組豆絃歌入壯圖鄉心歸思迅江湖風塵歲月
慚余病膏漢衣冠羨爾都慈慶堂前開彩燕孩
提膝上識名駒時上舍新得子鳳皇山下東溪月竹簡
瑤編計未踈

送甄冠山給舍考績便省

碧山未遂幽棲計青瑣還馳課坑書信有美芹
懸魏闕數看封草叩公車津亭別燕荷初長驛
路鳴蟬柳未疎憐暑燕程何太劇白雲近處即

親廬

猶菴王翁八十壽詩

同年王賓湖父任教職著古今玄覽數百

卷

玄晏先生好著書遍栽桃李蚤懸車還聞健飯
雙瞳炯忽報張弧八袞初壽彩光今宮錦製極
星輝滿草玄廬瞻雲國子鷄鳴視千里霞觴慶
有餘

汪春谷中丞開府河上志別二首

會源牌上中丞府官舫曹綱日夜過遂有馮亮
樂賢堂集

卷之七

書

通汶泗漫勞神禹鑿江河高牙曉日分泉影嚴
柝中宵聽棹歌秋淨尋源報都水趙皮孫度欲
如何

瑣闥幸接客臺登勝水名山到處過簔笥幾年
傳廉藻旌旗此日照漕河商川賴有舟航具

聖代應無軻子歌泰岳殊風誰共眺空山明月

柰公何時余方請告不及與公為別

范湖李翁八十壽詩

歲真共羨湖中老習靜從知河上公已分鷗群

機事息何當鳳詔 聖恩崇一磯彌傲人如雀
八袞逍遙貌尚童 煢孫曾稱壽年黃蒼滿把
醉秋風

雙壽榮封為繆侍御賦

江上接簪雀髮翁門栽五柳領春風天開壽紀
雙星爛國有封章二老同庭下舞衣還戲夢閑
中使節近乘驄 君恩浩蕩應無限福履翩聯
況未窮

病中遣懷

崇賢堂集

卷之十

六

却掃經旬無一事 絮囊散快意悠哉兩餘庭竹
娟娟淨風動盆荷的的開豈有詩篇堪撥悶真
同吏隱愧非才美芹炙背知何補短褐長饒歸
去來

送萬應園都督歸田

金臺此日招頗牧 將畧如君可遂歸天際冥鴻
自寥廓雲中烽火正霏微
時即報北虜犯曉與大同殺二總帥
野服人初別秋水扁舟願不違我亦乞山歸未
得石城分手信依依

和峇車白江二首

真隱柴門倚水涯江風山月度年華紅塵委馬
鄉閑隔清夢逢君道里賒謝句每傳春日草陶
畦應種昔年蒼何時得遂山林興共醉麻姑道
士家

凭遍西樓十二闌美人遙隔水雲間清歡羨爾
題居易素飽慚余誦說難世路未論千折險江
干聊息一枝安由來風骨緣詩瘦慰我還加歲
晚食

崇賢堂集

卷之十

七

和峇陸黃齋光祿三首

六月邊烽何太仍炎風暑雨敢侵陵雲中忽報
營星墜
大舉連賊犯宣府總兵張達死之臺上先從郭隗登樓
却好紆今日策驕騰還憶昔年曾顧天五夜勞

明主軒馬高肥愧爾乘

胡騎長驅歲歲仍即書伏日至金陵城頭遠見
高牙仆塞外徒聞板築登獨抱杞憂空爾切盡
銷妖祲果誰曾 聖朝文治同干羽此日南風
尚可乘
右得即報

高閣臨江迥可攀。虛岩半落水雲間。晴窗不礙
招雲鳥。色相如聞珮環。雀子騙驢看客舞。蛟人
涕淚為誰潛。悲秋吊古凭闌久。極目烟波萬
里山。右觀音岩

孟冬偕呂銀臺巾石胡京兆練溪登牛首
竈高處用王駕部韻

亂雲堆裏辟支岩。曲逕斜通萬樹杉。院靜篆烟
浮入座。山深嵐氣欲穿簾。得同二妙三生話。暫
借諸天半日淹。忽向山林望城市。百年吏隱幾

人兼
入夜尋懶融岩偕宿海天方丈夜話有得

再疊前韻

薄暮穿雲訪石岩。冥烟先已掛青杉。山房似說
重遊客。禪榻猶垂入定簾。野性未忘山水癖。微
官空負歲年淹。清宵玄論聽雙樹。坐上明珠捧
已兼

送黃崇明入覲

海濱惠愛三年政。漢傳循良兩字題。刀劍盡酬

華蓋山次薛間韻四首

古木寒潭閱歲華。靈峯隱隱望中賒。星壇瑤島
秋偏好。霜葉瓊枝晚更嘉。擬就丹厓煖石髓。旋
烹活火試新茶。道人住近昇真地。指點仙蹤向
我誇。右萬治齋韻

靈山自昔仰仙峰。秋日躋攀一徑通。雲氣盡生
丹藥臼。雀飛時繞蕊珠宮。金燈恍惚何由見。綠
竹蕭條入望空。信有顏顏延吐納。便應長劍倚
崆峒

飛樓縹緲披襟坐。獨向翠微開竹扉。天近星光
排戶入。夜深螢火傍人飛。爛柯隔世懷空切。華
表千年恨未歸。獨羨華山陳處士。題詩古薛尚
光輝。右陳明水韻

着棋岑頂試翱翔。禮斗壇高尚緇裳。秋風飄空
客初到。勝日靈觴興轉狂。佇望清宵迴雀似。
聞仙樂奏霓裳。中天氣爽金光見。稽首祥雲擁
玉皇。右五夢瀑韻

秋懷四首

華蓋峯高落葉多。秋風邀我柰狂何。沾銀盡掛鳩頭往。飛錫真隨鳥翼過。懶性豈堪嬰世網。歸懷早已付漁蓑。山翁見客渾無語。指點前溪逝水波。

北去南來道路賒。歸興又見白蘋花。題詩每動三秋興。奉使曾乘八月槎。山水尋常懷建業。金湯百二望京華。三邊戎馬應全却。愁聽山城起暮笳。

憶昨遄承鷁鷺班。曾瞻御座侍龍顏。兩垣

崇實堂集

卷之七

會食委蛇退左掖。封章獻納還南還。嶺烟接嶠北。來候燧達函。關美芹何補。人爭咲帳望孤。臣涕淚潛

留京為客度三秋。勝地佳辰盡出遊。掃石幾眠牛首月。垂絲獨釣燕磯流。可憐幽徑寒苔發。尚憶名園野竹脩。一別瑣闌時序改。閑庭雙雀動離憂。余留二雀於省署心甚念之

南康九日劉雙峯秋卿招飲雙峰為丁酉

同年於是別來十四載矣握手晤言悲

喜交集賦詩二首

九疊名山秋日登。重陽節物尚堪憑。黃華愛客還簪帽。綠酒呼童更洗觥。話舊儘拚今夜乙。聯書忽憶昔年丁。梁園詞賦推公幹。述作追隨愧未能。

薄宦投荒錦里過。故人良晤喜如何。相逢共訝形容改。憶別翻驚歲月多。近侍只今甘嶺海。高賢那得久岩阿。風塵世路何堪道。且盡清尊發浩歌。

崇實堂集

卷之七

七

南安東山宴集簡地主虞石溪時劉玉池方伯偕坐

蒼雨樓前爽氣浮。招邀聊得共清秋。黃苔翠竹絃歌發。勝日佳辰笑語投。高卧未容安石侶。俊君况是峴山流。登臨狂興誰能識。落日還窮案上頭。

大庾集少司寇梅國翁第翁許贈言故未

簡及之

清芬久羨梅峯國。勝集欣逢寶制堂。海內論材

歸大雅山中愛客置瓊觴蕉林柏葉寒相映散
帙評詩樂未央願乞隋珠携嶺表能令孤樹堂
倍輝光

小溪驛次陽明先生壁間韻先生保障茲

土功德弘甚懷人不作悵然興思

誰將畏壘築長城弱卒當關一劍橫溪上秋風
猶鼓角雲間靈爽恍旌旌長江已見膚功奏盛
安寧誰直道行惟有村氓泣遺愛只今伏臘送
還迎

集賢堂集

卷之七

七

梅閔謁文獻張公祠

唐主蒙塵幸三峽太牢始祀曲江公噬臍到此
知何晚獻賦由來道亦窮百代彝常勲業在一
時開鑒往來通秋風有客羞蘋藻嶺表瞻依廟
貌崇

飛來寺夜泊

寺下停橈夕已分篝燈入院訊前聞玉環金瑣
誰真贗詞客遊人自糾紛石上寒泉沐月色塔
前寶樹帶星文杖藜何日還乘興擬踏飛來頂

上雲

秋日同周章巖少叅遊南華次谷二首

撥冗尋僧並轡來雨餘山色半纖埃禪林繫馬
秋偏好溪水添雲晚更洄倚榻無營渾欲定登
壇有相轉須猜淵明嗜酒寧赴社莫厭燈前數
舉杯

入竹穿雲一徑斜曹溪舍筏度南華古堂清賞
逢仙侶陰韻難賡愧大家卓錫有峰看漸近諸
天何處望猶餘光風霽月還真境開遍菩提樹

集賢堂集

卷之七

七

樹苓

督學張來溪宅夜讌賞菊併邀杜七泉同
作

十月霜臺菊自蒼燈前勝賞共張華虛庭忽訝
清輝滿入戶何妨客影斜席傍芳叢傾月露杯
泮寒色帶烟霞杜陵詩句還光焰禾藕齊名只
設誇

張劉二都閫邀集粵王臺

秋風同上粵王臺文武衣冠虎帳開遠水斷霞

明物色黃蒼白雁共構壘悲歌漫憶干城將覽
勝慚非作賦材落日登危頻北望五雲縹緲護
蓬萊

秋日同周章巖少恭登靈山絕頂

絕壁流雲滿太虛興來出郭此驅車直探栖鶴
松杉壘却羨岩僧木石居谷口晴霞三海近山
室落葉九秋餘翛然坐我何虛曠萬仞峯頭一
振裾

張閭帥燕集王海岩

野曠天高萬壑秋名岩勝集共夷猶雲岑靈籟
虛相應石乳嵐光翠欲添老我未忘滄海念逢
君疑是赤松遊通天名咫尺還奇絕衆醉應須
到上頭

奉同陳雙山城月見懷之作

三出天畔忽相聞顏面開誠喜見君覓句獨吟
城上月懷人頓指海中雲交同飲水情逾澹味
勝投醪氣已醺下榻高談定何日那堪此際惜
群分

遂溪公署獲領雙山教言令人有飄飄之
志忽捧佳章恍然如對再疊前韻志感
併訂吟盟

龍虎真詮靜夜聞山城猶憶武夷君即看尺素
傳青鳥何日吹簫乘紫雲興統瓊臺蒼獨對禁
回蓬島酒微醺絃詩為報希夷史全華他年許
我今

和雙山渡海偶題

海若偏能護使星迎舟小浪蒼冥冥波濤靜掃
電鼉窟風日晴宜烟水艇橋外群鷗浮自烟日
邊孤嶼為誰青知君久抱乘槎志敢罷滄浪醉
未醒

和荅高參軍

風派雅已稱前輩况把新詩嘆逸才一片真心
殊世倍半生假板混塵埃哇瓜圃藥尋常有寶
桂王槐取次開裁且山中迂散者玄談數過與
徘徊

崇質堂集卷之七終

崇質堂集卷之八

詩部

七言律

春日南山雅集同社中諸友二首

醉中東鄭伯源昆季

滕湯道中逢丁南溪方岳立語

自餘干抵東鄉風雨竟日

邵守浦公招集麻姑

仰山先生七十華辰補壽二首

雨中辱鄭半塘垂訪

送曾子潛應貢元北上

夏日喜逢龔思菴憲伯率爾別去途次

岳州行臺代東都箕南泰伯

潮源洞留題

二月八日趨龍陽驛雪凍不解

期會赴省行阻風感賦二首

宿九峰寺次東塘翁壁間韻二首

述歸二首



齊捧北上三司群公餞送鶴樓

礪山爲常都閫題

河間九日地主朱承山招飲

秋杪登嶧山絕頂望滕紀故墟

五十初度避客延福寺

人日喜晴值諸弟携觴爲樂

暑中枉集寶臺諸子入夜籠燭林間

處州南明山登覽

星宿閣偕譚二華憲伯宴集

得請東歸范中方學憲携酌過行臺言別

賜告東還次常山行臺和壁間韻二首

草萍風雨懷次忠烈公韻二首

感事仍次前韻

次荅郭凡山居見懷二首

贈揭龍湖擢清河掌教二首

秋日同王佩文上舍遊紫霄盡歷巖洞

酬高士貞二首

和荅高士貞二首

宿華山最高

登着棋峰憇王郭爛柯處

次答一山王子

春日遊上清仙巖赴張丘二羽士之招

舟中過閬仙巖小憇觀音閣

登龍虎山望水簾洞

鶴歸亭次顧箬溪公壁間韻

陟險觀江濤感述

送梁海襟參戎移鎮蘓松二首

南齊書

卷之八

五

次答羅近溪年兄二首

高雲臺初度避客山莊詩以招之

環碧樓慶壽雲臺再疊前韻

北窓先翁舊址手植雙桂是歲盛開邀諸

春陵子會子厚二弟偕賞

王一菴廣文偕諸友過草堂談學兼承投

贈次答二首

汪龍田司訓棄官養母詩以送之

小軒牡丹初開一花同社友小集賦詩

哀吳烈女詩 有序

贈蕭春陵經府之永州

中秋賞月集雲石川上堂即席湯興

小園芙蓉盛開金張二公相續携賞

和答李前溪

壽朱母胡孺人六十二首

雪中偕邑中貢元尋天然圖畫樓觀軍峰

贈別王一菴擢教深州

初夏偕鄧南谿刺史訪李郭凡讀書處

南齊書

卷之八

四

和答高賓峰賞菊

庚會初筵南溪刺史有作奉答

庚集第三會分韻得羅字

庚集第四會分韻得漬字

曾曉暘公刺橫州甫月奔太公喪

春日包梅濱護軍過訪水竹即席有作

庚集第六會分韻得夫字

濯纓處夜餞高雲臺即席贈言

代簡謝鄭明府蒼翁

閒居

寄贈蔣舒江明府

心泉倪泰戎招飲琴臺即席一首

贈別倪泰戎暫歸江陵侯移重鎮

贈包梅濱都閫擢備汀漳

寄題宗藩省亭亭子

贈答高雲臺別駕見寄

和荅傳虛白見贈

和荅余養蒙泰寧寄懷

李詩集

卷之八

五

李文麗少游符襄翁之門憫其葬久未墳

一旦謁予文勸諸石而封樹之

贈別蔣舒江公擢瓜芝城

避暑北園盧思泉別駕過我言別

謝李序齋省丈過訪

寄贈楊文川

鵲洲草堂漫興

閨中秋夜蕭春陵昆仲携酌環碧樓賞月

高少府過訪留贈和荅二首

贈別季洛源北上

遣悶

七十有貽兼謝雲臺別駕大篇之貺

辭客

獨酌自詠

次韻奉賀曾魯源中丞公華辰

憶舊遊一首亦次前韻

郭二守考績榮封

南谿太守擬携酌小軒病喜雅愛韻語

李詩集

卷之八

六

雨中見一軒獨坐

崇質堂集卷之八

詩部

七言律

春日南山雅集同社中諸友二首

停橈步入菴蒼逕策杖同登一覽亭戶外春江

猶渺渺望中嘉樹獨青青地偏自愛幽人宅簪

盞誰占太史星醉倚夕陽看更好渚禽沙鳥入

疎櫺

飛亭縹緲江天迥曲逕逶迤蒼木清雅社冠裳

崇質堂集

卷之八

八

成勝集名園風物會高情移尊掃榻依雲影窺

竹巡簷待月明興劇不知歸路晚隔江燈火聽

雞鳴

醉中東鄭伯源昆季

山寺離筵送落暉醺醺一枕月侵衣推窗忽訝

孤蓬濕倒屣驚傳二妙歸醒眼尚縈蕉鹿夢宜

情已付釣漁磯南來北去成何事歲晚麻姑願

不違

滕陽道中逢丁南溪方岳立語移時晚吹

臨城率尔寄贈

岱岳遙瞻幾度過峻嶒此日柰公何相逢滕國

情逾舊憶別清源歲頗多握手風塵悲道路回

頭勲業愧蹉跎行春定有登封句寄我湖南字

字哦

自餘干抵東鄉風雨竟日

山行竟日雨瀟瀟百折危梯獨木橋歷澗經丘

隨鳥道衝泥傍險戒星軺荒村入暝浮烟合節

屋流澌積雪消未信寒威欺倦客停驂呼酒敵

崇質堂集

卷之八

二

狂飈

郡守浦公招集麻姑是日值公生辰二守

徐君節推王君邀余作詩即席戲贈

使君自是神仙侶初度還從仙嶠登客裏懸孤

逢鳥使山中會宴亦蓬瀛

王母有青鳥使者蓬萊為公故里故云

神功石上泉如酒觀瀑亭前壽作朋

稱壽者為

問麻姑多閱歷稱觴似此亦何曾

仰山先生七十華辰補壽二首

授業獨開三傳秘投簪不受二毛侵黷宮振鐸

承家緒藝苑蜚聲動士林晚歲菊松還自適當
年桃李已成陰高秋氣爽長庚爛壽年年此
日斟

雪館晴窓幾度春髻年硯席辱陶甄期公壽筵
真如鶴喜見頭顱尚未銀紫氣共瞻蓬矢日絲
尊偏稱菊花辰馳驅愧我成奔走祝嘏稱觴後
衆賓

雨中辱鄭半塘垂訪匆匆告別即席奉淹
零雨蕭條水竹村扁舟百里欵柴門剡溪似此

崇實堂集

卷之八

三

興非淺谷口于今道自尊一座高談欵白憤三
更小酌倒清罇番君不用投車轄共出新篇可
細論

送曾于潛應貢北上 有序

易曰同心之言其臭如蘭言氣味也回
路贈處不越平生張范話別各行惻惻
豈非以此妮匪情切磋足尚哉先民不
作使倭成風漢人有言大率教誡誦耳
父子且然何況朋友盱原曾子觀光北

上社中諸子醺祖江亭各賦一詩爲別
雖言人人殊大率惻惻之誼居多浮誇
之音絕響譬之和羹異味而相調爲一
派渾乎可以語同矣余謬以齒先渥慚
弁首漫歌四韻竊附同聲

江閣離筵傍竹林綠尊盡日惜分襟即看仙旆
翩翩舉况是春流岸岸暖懷壁幾年傷暗擲携
琴萬里覓知音高騫好奮圖南翼遲爾金臺數
百尋

崇實堂集

卷之八

四

秋日登雲山絕頂

杖策來尋第一山山門在此天風吹上白雲間振衣

笑我凌千仞采藥誰從問九還上有盧侯二生舟窗未有

清虛遺世慮暫憑綠醕破愁顏塵蹤又逐斜陽

返信是浮生半日閒

夏日喜逢龔思菴憲伯率尔別去途次寄

懷

烏衣巷口分襟日黃鶴樓前把臂時細數年光
成契濶飽看顏色慰離思已聞渤海懷龔遂更

羨襄陽醉習池岐路萍蓬太匆遽天涯披豁永
前期思發先守溫有却使之功即今開府襄陽故云

岳州行臺代東郝箕南余伯

湖風山雨暗行旌孤客蕭條竟日程一落泥塗
成偃蹇獨懷仙侶倍淒清城頭鼓角寒逾切檻
外烟波望欲平紫幘黃柑元不負一尊此夕共
誰傾

潮源洞晉題

絕俗尋真愧未能每逢佳處興偏增洞天逸韻

集賢堂集

卷之八

五

憑誰續勝地新遊記我曾漫擬著書隨鬼谷似
聞長嘯學孫登窮探定有神仙窟知入煙霞第
幾層

二月八日趨龍陽驛雪凍不解此風愈厲
貪程忽漫凌晨發冒雪寧知行路難澗道冰凌
昏不薄江干風色午猶寒孤村燕雀飢無賴萬
樹瓊瑤濕好看不爲天機近民隱陰晴何事浪
憑歡

期會赴省江行阻風感賦二首

風波南北元無定岐路縱橫事每違老去擬裁
彭澤賦年來已息灌陰機驚心瀚海龍方戰回
首雲山鳥倦飛短艇長鈴吾已辦不妨常著芟
荷衣

積書萬卷何曾讀懶病因仍遂至今難助幾年
拋舊業龍泉三尺愧知音浮雲變態尋常見擊
壤新聲取次吟擬向天池濯塵慮潯陽江上待
秋深

宿九峰寺次東塘翁壁間韻二首

集賢堂集

卷之八

六

獅子巖前勝剎畱過橋躋磴紀新遊迎風遠嶺
呼鵝鵲收雨西郊喚鷓鴣花氣繞廊窺窈窕山
光入座足清幽當年憲澤遺三楚翰墨餘輝尚
可求塘翁按楚有聲迄今人猶道之

爲愛名山一宿畱經亭禪塔此遨遊筍輿入竹
時驚鳥蒺藜杖穿蘿不用鳩霞覆瑤函天語迥雲
封石榻洞房幽塵勞世味何多念欲起高僧一
訪求寺爲無念和尚道場先朝勅賜護持

述歸二首

君恩浩蕩深於海臣質孱綿散比樗素飽儲胥
慚稼穡乞還骸骨付樵漁尋方已辦資身藥治
園曾請種樹書但使應圖鳴有鳳寧論彈鋏食
無魚

風塵冉冉年將暮歲月悠悠道未聞病骨但堪
泉石老野心端合鹿麋群菊松有逕延三益任
堅無營對此君夜鶴曉猿尋舊約終南不愧北
山文

齊捧北上三司群公餞送鶴樓歡洽竟日
崇賢堂集 卷之八 七

少郭鄧山以餘興未盡携榼登危續酌
大醉而別

紫微堂上拜新黃鵠磯頭勸客頻滿座清風
成雅會高樓過雨洗行塵多情繾綣傷離別竟
日淹留失主賓更上層層待明月移尊誰遣酒
邊巡昔韓湘解造逖巡酒二公壺中噉而具
得無近似之手

礪山爲常都間題

金山突兀松江上磨礪誰將試莫邪歐冶光辛
青山匣將軍武畧况承家常屬開平王後鵠磯已羨新

推轂鍾阜從知舊建牙到處窮厓堪紀勒巖然
峴首未須誇

河間九日地主宋承山招飲即席簡謝

郡閣邀賓日未曛高情傾蓋即殷勤驚傳逆旅
逢佳節笑把更枝對使君擬報峰煙銷北禊席上
閑即喜看鴻鴈入南雲尊前且盡黃花興莫遣
驪駒道路分

秋杪登嶧山絕頂望滕紀故墟

爲愛孤桐杖策行茲遊真是慰平生千巖喬嶺
崇賢堂集 卷之八 八

丹應伏萬仞玲瓏玉削成平野盡收滕子園遺
封下瞰紀侯城捫蘿直上最高處木落天空雙
眼明

五十初度避客延福寺

真慚四十九年非光景蹉跎壯志遠倦客幽棲
成懶慢尋僧清賞亦芳菲新添白髮還供老舊
卜青山已息機稍喜春風強病骨不妨把酒試
菜衣

人日喜晴值諸弟携觴爲樂

人日晨光霽色新即看平野布陽春占年已慰
三農望洲景還逢初度辰孤矢高堂懸自愧墳
麓野寺樂偏真已拚酩酊謀良夜弟勸兄酬莫
厭頻

暑中枉集寶臺諸子入夜籠燭林間放歌
爲樂即席簡謝

池上炎風晚不侵千章夏木正陰陰疎櫺曲檻
開蓮浦古詠高歌發竹林擊磬清時仍雅調盡
簪良夕况同心淹留不負歸與興纖月遙看掛
朱簾堂集

碧岑

卷之八

九

處州南明山登覽

暫息塵勞此勝遊角巾步屨共清秋煙霞古洞
千崖迴花木禪房一逕幽丹竈已無餘火伏有
石梁時有暗泉流孤亭木末堪乘興過
倚危欄獨散愁

星宿閣偕譚二華憲伯宴集

藉山傑閣何嶙峋秋日邀賓勝賞新話舊直須
傾意氣憑虛真可摘星辰天邊翠岫環朱檻湖

上楓暎白蘋滿目奇觀發狂興爲君斟酌任
吾真

得請東歸范中方學憲携酌過行臺言別

醉後劇評今古即席漫賦因贈范公

先憂後樂當時志范爲文正公嫡孫范老居然有祖風

傾蓋高談千載外盍簪清賞一宵同溪山處處

歸樵笠桃李依依屬化工但使葵心隨去住不

妨萍跡任西東

賜告東還次常山行臺和壁間韻二首

朱簾堂集

卷之八

少年漫擬賦凌霄老矣歸與問野樵宦業未酬

經濟畧病軀惟戴聖明朝鏡添白髮年將暮

家近青山路不遥爲報麻姑舊猿鶴丹崖碧嶺

未須招

再陳短疏入丹霄乞得餘生尚可樵擬卜菟

裘營白社還將歌詠答清朝鄉閭風雨行將

近世路波濤憂亦遠已分息機群鹿豕田園時

赴野人招

草萍風雨興懷次忠烈公韻二首

泥途寒雨誰禁當飛蓋渾如不繫航來去時光
看往冉途初秋度山馳驅歲晏尚奔忙行行且
止還吾道去去何之問彼蒼便擬幽栖成小築
高帽合扁賜閒堂

宦海沉淖浸巨當回頭何處渡慈航安流穩浪
行來適細雨斜風歸去忙世味備嘗心尚稚還
丹未餌髮先蒼謀生無計從吾拙高臥林間舊
草堂

感事仍次前韻

崇賢堂集

卷之八

十一

海若誰將一劍當殘倭猶自戒舟航東南未見
烽煙淨道路還看羽檄忙灞上棘門終莽莽
固桐嶺更蒼蒼二山倭奴屯盡消氛祲知何日
勝笑從來屬廟堂

次荅郭凡山居見懷二首

水檻懷人俯碧流看雲長日不梳頭好音隔水
傳黃鳥收雨西林喚鷓鴣尚笑杜陵歌偏側欲
追班史賦通幽空山無伴成離索三逕荒蕪何
處求

佳句傳來武德初郭凡律詩浣開病眼黑甜餘
水雲載酒經旬約風雨連牀此夕虛不爲笑貧
真避客却緣習靜廢題書故人厚祿空調笑彈
缺先生尚乏魚來書有故人厚祿乏雙魚之句

贈揭龍湖濯清河掌教二首

泮水池前初識君觀瀾亭上忽離群一尊酒向
鳴珂盡千里岐從落葉分到處門牆留好樣當
年禮樂屬斯文音書別去如相訊遺我清河澗
畔芹

崇賢堂集

卷之八

十二

將樂先生吾道南淵源梓里爾何慚即看樹德
滋桃李會見儲材盡梓枏爲愛玉華珍雅贖無
因水竹得高談龍湖嘗惠我玉華石春風莫厭
青瑣薄淮北盱南山斗瞻

秋日同王佩文上舍遊紫霄畫歷巖洞諸

勝和壁間韻四首

群峰迴合抱清溪度嶺肩輿樹杪旻徑躋攀
穿竹迥危梯縹緲入雲迷秋深更愛寒芳藪木
落猶聞山鳥啼幸脫塵纓解羈縛不妨樵笠此

幽樓

秋風落日陟崔嵬爲愛名山策杖來漫道勝遊
窮五嶽且看高閣近三台霞明古洞客初到翠
擁層巒首重回便擬凌晨援險絕腰鑣隨處闢
蒿萊

洞門陟竹上青霄洞裏黃冠絳節朝塵夢久違
青瑣闥奇峰恍擬赤城標刀圭莫漫窺丹竈歲
月何堪問斧樵更訪丹霞讀書處空山黃葉滿
茆寮

崇實堂集

卷之八

十三

紫霄石上紀新遊石下山泉曲曲流煙入壚峰
浮島巖巖局棋局望悠悠藏棺函骨仙何在經
洞丹房事摠幽祇爲踈狂劇秋興西風欲去更
遲留

酬高士立二首

竟日山隈與水潯避人小社結雲林因尋漢父
穿蒼塢偶遇樵夫坐樹陰適意無名深淺酌希
聲梁甫短長吟庾樓幽興誰能識忽捧新篇共
此心

美人咫尺隔遙岑望入雲臺思欲沉道院閒行
香冉冉丹房高臥息深深池卷綽約秋無恙徑
竹參差月有陰池上芙蓉盛開月夕期君過訪牀下爲君儲一
斗携琴此際合相尋

和谷高士貞二首

愛客携尊納晚涼濯纓亭上詠滄浪座侵月露
巾袍潤筵傍荷花醺醉香樵唱農談鷗作伴金
昆玉友鴈成行當年尚憶高詹事乘興時過給
事莊

崇實堂集

卷之八

十四

隋珠忽枉照山居麗藻續紛手自書自笑踈狂
癖泉石誰言意氣隘寰區林間磬韻憂時發池
上歌聲鎮日娛荒逕新除望三益重來看竹莫
睢盱

宿華山最高

歷險還驅九折車登高合趣桂華初當年空憶
諸天迥此日重來一紀餘禮斗壇高山月小誦
經臺寂夜堂虛曲肱枕石披雲卧清夢鈞天謁
帝居

登著棋峰憇王郭爛柯處

天畔危峰幾百尋，秋風落日快登臨。
涼欺白竹風雲濕，望入玄關烟霧深。
千古興亡推國手，百年勝負付哀吟。
執柯擬學神仙著，爭奈楸枰苔蘚侵。

次吞一山王子

天畔孤山俯萬岑，栖真絕俗許誰尋。
靈芝絕尺春風長，叢桂千章夏日陰。
翠岫入雲勞仰止，白頭受簡發狂吟。
他年擬作梁園客，踏雪携琴話此心。

崇實堂集

卷之八

又十四

春日遊上清仙巖赴張丘二羽士之招

二客招携汗漫行，泛舟端合趁春明。
堤邊花柳晴偏媚，水上笙簫遠更清。
照影自憐丘壑相，對君便覺羽翰生。
名山勝賞歡何極，不惜山瓢盡日傾。

舟中過閬仙岩小憇觀音閣

絕壑懸厓不可捫，胡麻洞口即桃源。
蓮花石立疑無路，雲錦峰迴別有村。
物外仙蹤猶著相，巖

頭真隱欲忘言。聞岩上高道擬奇擬上凭虛閣，人閑閑數載歸鳥催人日已昏。

登龍虎山望水簾洞

翠壁何年留霧檢，青春邀我禮星壇。
鳥啼猿嘯空山淨，古木蒼藤白晝寒。
陟嶽自携斑竹杖，臨池誰浴紫金丹。
塵襟滌盡真忘返，洒洒飛簾最耐看。

鶴歸亭次顧若溪公壁間韻

自笑浮生一日閒，偶尋靈蹟到空山。
洞天真境烟霞外，勝地虛亭松竹間。
身外業緣何日了，望中仙馭幾時還。
名師倘遇無多訣，返我兒童舊日顏。

崇實堂集

卷之八

十五

陟險觀江濤感述

世路嶮崎不肯平，波瀾反覆太無情。
談何意，兵戈伏堂與寧知，荆棘生海瀾縱鱗誰局促。
天空野鶴任飛鳴，即看紅日中天麗，掃盡浮雲處處明。

送梁海襟泰武移鎮蘇松二首

幾篇黃石堪經國三尺青萍不戀家到處官囊
貧似洗從來將令寂無譁風聲舊已威群島海
若新看靖八沙開府之地祖道未須扳遠駕登壇會
報建高牙

中原此日誰頗牧當宁掄材正拊髀西北秋高
猶作警東南春訊未全衰龍驤想見干城士烏
合應摧節制師指日奇勲報 明主凱歌預擬
勒豐碑

次吞羅近溪年兄二首

崇實堂集

卷之八

十六

幽棲一月不梳頭漫擬張衡賦四愁忽捧瑤函
蓬室曉如聞天樂洞庭秋春風滿座章縫侶獨
夜懷人山水洲百里非遙成阻隔晴雲涼月望

悠悠

從姑聳接天際頭煙雲悵望使人愁舊遊省記
祇昨日精舍崢嶸今幾秋信是真仙依石室從
來高士臥南洲清標入夢驚希潤故態論心愧

修修

高雲臺初度避客山莊詩以招之

秋宵氣爽月芽初南極呈祥晃太虛此際懷人
情愈密何方避暑計全疎青州從事今投刺烏
有先生亦報書已滌壽觴開水竹醅醕莫負欄
川圖

環碧樓慶壽雲臺再疊前韻

羲皇水閣落成初勝日賓筵席正虛雅社冠裳
辭更集懸弧醴筭密還陳花間擬奏瑤池曲雲
外如傳青鳥書竹筵已拚歸醕酖他年繪作壽
星圖

崇實堂集

卷之八

十七

北窓先翁舊址手植雙桂是歲盛開邀蕭
春陵子會子厚二弟偕賞酒酣索筆憶

然興思

老桂婆娑翠蓋團恭瞻手澤露華溥旋開蓂莢
呼三益小有杯盤集二難金粟泛杯浮冷艷銀
蟾照影怯高寒何當此際歌鳴鹿綠髮斜簪更
好看 期勉二弟

王一菴廣文偕諸友過草堂談學兼承校

贈次吞二首仍近溪韻

苦來佳客溢眉頭破我幽居萬斛愁
寒谷煖程風嘯變庚樓秋光芒星聚占
鷺洲談到鳶飛魚躍處磬聲鍾韻共
悠悠

一脉源從泗水頭斷潢絕港使人愁
經千載汴洛窮濊又幾秋拾筏是誰
登彼岸乘桴從我泛滄洲池亭此日
朋簪盍始覺淵泉道味悠

汪龍田司訓棄官養母詩以送之

崇實堂集

卷之八

十八

桃杏溪邊岸岸深暫維別舫傍花陰
開樽不負三春色鮮組真酬寸草心
碧嶺卅厓迴俗駕高山流水有知音
晴空寥廓看鴻舉望入龍鬚第幾岑

小軒牡丹初開一花同社友小集賦詩即

席和答

名花一朵近人開忽憶金陵錦作堆

因談南垣牡丹之盛

悵望舊遊千里隔招邀今與幾人來
清歌雅調移賓榻國色天香落酒杯
此夕不須辭瓦缶來

朝端擬醉金罍

許米日携觴故云

哀吳烈女詩

有序

嘉靖辛酉秋八月閨寇數千陷石油破
荷石砦吳生宙女友悌年十五死焉先
是吳族避砦上賊晝夜環攻十餘日群
力困甚遂見襲女知砦且陷乃携弱弟
適告伯叔父母以爲託既而泣與母訣
諸母咸慰止之女垂涕對曰我少女晉
祇辱先人耳言未絕遂踊身投崖而死

崇實堂集

卷之八

十九

時某月某日也越半月賊退父收其屍
額面尚未敗止額顙皮敗方寸許人咸
嗟異李子聞之爲之泣數行下曰嗟嗟
烈哉吳女至性蓋風成云觀含悽訣母
割愛如遺對諸母一語慄不可犯豈母
訓使然哉世有號偉丈夫者臨難周章
幸以須臾無死自謂巧全即不死視烈
女羞死矣乃枚浹爲之詩俟觀民風者
采諸

若門不守此身危腸斷慈親訣別時莫訝舍生
輕似葉只緣嗜死美如飴珠沉玉毀形難化石
轉崖枯志不移擬續曹碑垂野史觀風何日許
陳詩

贈蕭春陵經府之永州

送客離亭續渭城輕舟冒暑急官程幾年劔佩
干霄氣此日囊琴佐郡情聽瀑閒過鳴水嶺携
觴同醉玩鷗亭別君何物堪持贈幕府秋風日
夜清

朱寶堂集

卷之八

七

中秋賞月集雲石川上堂即席漫興擊節
成章

去歲中秋雲半掩今宵勝賞月偏多九天皓彩
臨朱戶望賞福萬里冰輪映碧波楊柳枝明喧
鳥雀魚龍席近聽笙歌明年未卜陰晴夜欲向
尊前問素娥歌者名

小園笑客盛開金張二公相續携賞

池上秋花爛熳開荒郊載酒幾人來朱藩小隊
待穿竹皂蓋鳴騶共辟萊影落金杯添漱澗波

搖錦纈重徘徊誰能不厭清狂客文武欣逢出
世材

和荅李前溪

高秋景物淨山莊檻外雲霞媚曲廊何意冠裳
來竹逕頓令鍾磬發茆堂開軒共對芙蓉障促
席休辭栢葉觴但教長醉羲皇上安用佳人錦
瑟旁

壽朱母胡孺人六十二首

慈節堂開六十春梅香雪色越今辰熒熒夜雨

朱寶堂集

卷之八

七

青燈舊忽忽年華白髮新食藥風聞開姆訓和
熊今已佩儒紳即看華扁垂清聞會見旌書下
紫宸

雪後松枝不改青肯同群卉並凋零人間擬續
栢舟詠天上今明發女星信有麻姑傾盞醉浪
傳王母降輜輶已誇純嘏詒遐筭况是生兒有
寧馨

雪中偕邑中貢元尋天然圖畫樓觀軍峰
不見漫興一首

江上雪花大如掌携壺覓侶過橋東忽驚隔水
千峰失顏訝屯雲萬里同樓角群棲憐凍雀楓
根獨釣羨魚翁清癸飭佩光堪掇倚檻凌風氣
轉雄

贈別王一蒼擢教溪州

洙泗真源派漸支漁溪派後亦多歧茫洋彼岸
誰先覺澄澈如君自得師袖有著龜開北學
門盈桃李發南枝行舟解纜知何處弄月吟
風倍尔思

崇實堂集

卷之八

廿二

初夏偕鄧南谿刺史訪李郭凡讀書處

玄晏先生久閉閤偶携藜杖度青山入門已覺
醒塵夢下榻真看解道顏稍喜村中人境寂如
聞窓外鳥聲閒問奇誰識楊雄宅
郭九齡人
居此故云
酒重過意未闌

和荅高賓峰賞菊

散地看花好客來霜空露樹淨纖埃一軒滿意
成清賞兩鬢斜簪莫浪猜今夕揔拚無量飲明
年端擬及時開寒芳幽獨便且我一任春姿翠

作堆

次荅吳劉二子南臺見邀

曾聞秀句滿天東

秀句五字
出臨川集

忽枉新詩雅社空

倚玉斷金還臭味蘭橈桂棹此遊從一溪尚覺
真源隔三教如聞衆說荒賴有同心寒共約紅
爐尚見雪花融

再疊前韻柬會中諸友兼致期望之意

萬折狂瀾勢必東茫洋幾許盡虛空渡河有筏
人爭捨浮海乘桴我適從莫歎兩瓢今日座但

崇實堂集

卷之八

廿三

教花發去年叢高歌青服諸賢望老我年來覺
混融

贈別吳劉二子仍用前韻

馬首朝來忽欲東驢行何有媿囊空程門高弟
皆心悟魯國諸生豈面從嗜酒偶逋高座約浴
沂狂入少年叢東風再鼓桃源棹春滿南臺硯
水融

同庚雅集第一會分韻得雞字

三壽昔年聞雅詠同庚此日羨新題忘形樽俎

香山並勝集三
寒洛社齊映席
堦梅呈玉葉分
閨池草
夜闌招月何妨醉
細數寒更聽
曉雞

同庚雅集第二會分韻得初字

委巷偏停長者車
庚星同聚草玄廬
早春已識
冲融象端歲真如
混沌初選勝小
開池上酌忘
懷不厭園中蔬
未論雅社歡多
少人日題詩興
有餘

燈夕邀高雲臺昆季過賞即席有作次韻

紫雲堂集

卷之八

廿

奉答

春宵處處月華明
美景邀賓樂事并
四座高歌
清永端九衢清樂
動歡聲乍看珠葉
燈前落共
詠琪花火葉生
幸際清時憂甚事
好憑痛飲答
昇平

何事今宵興獨豪
賞心佳客一時遭
但聆瓊玉
霏高座豈有珍珠
滴小槽
酩酊且聽歌管細
淹留休問月輪高
陽春二妙誰能和
欲向唐人借
紫毫
白樂天有紫毫筆頌

庚會初筵南溪刺史有作奉答

歲月空催犬馬年
追隨暫得息塵緣
與未漫遣
詩爲課老去從知
酒是僊
傲雪琅玕崇晚節
凌風王樹倚高賢
同心幸締同庚約
秩秩初開衛
武筵

庚集第三會分韻得蘿字

玄隱先生
唐國史學士鄧世隆自稱玄隱先生
髮未皤每逢初度

興偏多狂歌自舞
鉢如意蒲引同傾
金叵羅不
惜春衫散白幘已
看夏木蔭青蘿
追歡共逐流
光轉香落高風未
許磨

紫雲堂集

卷之八

廿五

庚集第四會分韻得漬字

二妙登壇思不群
聯鑣過我共論文
交親歲晚
稱三友避俗時來
對此君戶外山容
如釀雪
牆頭樹色欲停雲
詩成何處尋春信
見說梅花近
水濱

曾曉陽公刺橫州甫月奔太公喪哀痛卒

于途予與公為忘年交
豚兒且公婿聞訃
莫勝悲悼作輓詩一章
用馮予哀云

壁經奇氣干魁象帟竹專城兩粵州千里忽揮
嚴父淚一身翻作嗣君憂文如星斗還誰並政
似龔黃祗自留老我不勝瓜葛念扶桑東望想
風猷

春日包梅濱護軍過訪水竹即席有作次

荅二首

竹塢花堤春事幽傳呼忽到水中樓壁間懸榻
綠誰下座上深觴爲尔浮壯士勲名誇瀚海道
人經齊合滄洲考槃久矣埋名姓莫向人前說

崇賢堂集

卷之八

廿六

勝遊

虎旅經行盡壯遊也來水檻狎群鷗逢人展卷
書盈帙愛客開簾山蒲樓諸葛何曾親甲冑雲
長偏喜讀春秋知君不厭蔬盤淡乘興時過閱
九丘

庚集第六會分韻得夫字

遶廬夏木正扶疎池上風光近足娛曲筵何曾
停俗轍高軒又復枉行厨花明檻外如供笑酒
過牆頭不用酤莫訝賡酬渾漫興年來詩律學

堯夫

濯纓處夜餞高雲臺即席贈言

白鷺洲前今夜月隨波漱灩照離觴一樽坐對
清光共萬里同圓別意長去好呈醫國手知
君舊有活人方循良新政頻傾耳報我未緘密
作行

代簡謝鄭明府蒼翁

竹裏高談消永漏花間小友整交歡風因雪甕
偏宜睡白月青林更好看用公成語入饌不嫌

崇賢堂集

卷之八

廿七

魚鱗細捲荷莫憚酒杯寬曾聞老杜番佳句百
遍相過意未闌各公主人
憚煩之意

閉居

小構一枝供偃仰古林千尺對峻嶒靈臺近喜
清無火雪甕從來冷若冰藤枕覺來聞語鳥竹
筵疎處數歸僧幽懷擬作閒居賦懶病因仍尚
未能

寄贈蔣舒江明府

誰植平西蒲縣花花陰深護萬人家樵歌牧唱

雉馴野吏散庭空鶴報衙信有口碑傳道路其
瞻眉宇黃煙霞從知百里非公琰報尔喬遷不
待瓜

心泉倪叅戎招飲琴臺即席一首

臺上琴聲久不聞將軍開宴掃浮雲連旬陰雨是日新霽
故遠峰晴獻青螺色近水新添縹緲紋帳下魚
龍歡曼衍筵前鷗鷺狎紛紜未須惆悵知音少
轉軫調絃日未曛

贈別倪叅戎暫歸江陵候移重鎮

崇實堂集

卷之八

八

金臺射策冠時豪起家會武鉄柱登壇劒氣高
賓客筵前傳鳳藻偏裨幕下問龍韜功成暫解東
南鎮任重難辭西北勞但得音書慰春酒不妨
離別隔秋濤

贈包梅濱都閩擢備汀漳有敘

梅濱由胄監改武階博學攻詩雅有輕
裘緩帶之風余慮其兩拋金鎖苔臥綠
沉也故未寓諷意

幾年壯志罷論文八陣曾聞布烏雲忽報備兵

屯阻阨好憑利器掃妖氛人烽火還多事聞
帥諠鈴况出群莫道將軍不好武閑將詩酒答
明君

寄題宗藩省亭亭子

王家別墅多名物美尔新亭獨省心珍玩盡捐
唯竹簡清襟何寄有瑤琴梁園襲勝同觴咏滕
閣追芳自古今悵望天潢隔煙水小山叢桂寓
情深

贈答高雲臺別駕見寄

崇實堂集

卷之八

八

水竹凭闌睡起時清風忽墜故人詩開絨珠玉
慙新贈入室芝蘭忝舊知把握懷君忙裏趣吟
哦解我悶中願月明同照不同賞二十四橋空
尔思

和答傅虛白見贈

美尔承家版築翁陽逢初九尚潛龍幾回獨下
陳蕃榻高格真同孺子風已許滿襟澄霽宇更
聞清夜薄層穹談玄說勝空馳騫一甕收春只
此中

和荅余養蒙泰寧寄懷

風骨凌嶒不厭貧原公以後見斯人
軻書妙契皆錢梓聖訓微言盡勒紳
老我無聞空雅社多君立德託比隣
泰寧桃李春風裏始信求仁便得仁

李文器少游符褒翁之門憫其塋久未墳
一旦謁予文勒諸石而封樹之其慕古
敦誼可嘉也楊之以詩

古道寥寥久不聞知君高誼薄秋旻
辨香此日

崇賢堂集

卷之八

辛

陳無已新塚當年楊子雲但見華堂羅盛具
何曾荒壠醉孤墳有功不伐猶難事愧煞操戈入
室人

贈別蔣舒江公擢貳芝城

最課頻看列薦章榮分虎竹向鄱陽
一琴攜去貧如舊萬樹栽成愛不忘
屬邑觀風春露冕郡齋退食晝焚香
新知已是難爲別况復津亭葉正黃

避暑北園廬思泉別駕過我言別

城市炎蒸氣若焚獨從池上避塵坌
柳陰箕踞渾忘我竹逕傳呼忽報君
秋入黔江迎別駕春明豐泮憶斯文
相看已是離筵即日暮浮觴莫厭勤

謝李序齋省丈過訪

石室當年讀秘書披垣諫章積公車
乍聞香吏臨山郭忽枉高軒賁草廬
投漆果誰傾蓋舊吳蘭慰我盍簪初
茗芽菜甲多風味勝日遜君水竹居

崇賢堂集

卷之八

辛

寄贈楊文川

錢別未忘河朔飲伏暑會錢文川之官忽報闔閭城松
間公事子姑去花下文尊誰共傾期會簿書今日
務催科撫字古人情東南民力傳非昔積歲
逋租且緩征

鷺洲草堂漫興

草堂結構傍渚磯白鷺時來款竹扉
下榻有僧同寂寞高車無路謝輕肥
賞花環碧真成趣起草明光久息機
却笑歸來陶處士折腰方悟昔

年非

閨中秋夜蕭春陵昆仲携酌環碧樓賞月

歲歲中秋月滿樓百年幾見閨中秋清光今夕

逾前夕勝賞新遊憶舊遊

前中秋春夜携賞見一軒是夕微雨候月

不檻外波搖金漱艷池中魚躍錦沉浮露濡夜

寂興未已忽聽譙樓報曉籌

高少府過訪留贈和荅二首

鷄林自分一枝棲三逕雲封路欲迷佳客正宜

終日對清談真愧片時稽赤霄比翼心曾許白

雲

十一

首同盟手重携訊我紅梅好消息一番雪後露

端倪

清眼高歌望子深是誰臭味斷南金年來避客

緣多病老去論交只此心茗椀酒杯思笑傲雪

溪晴館憶登臨末應歲晚成疎闊竹葉家貧尚

可斟

贈別李洛源北上

別酒淹留日未曛論心方洽惜離群卷舒道付

浮雲外南北岐從細柳分綠綺携囊鳴古調青

萍出匣拂星文金臺百尺高登後早附郵筒遣

我聞

遣悶

積雨經旬尚未晴濕雲故故戀簷楹軒前橫蓋

護仍落堦面苔痕鏤又生倏忽晦明觀世態推

移涼燠識人情年來謝客過逢少漫引壺觴獨

自傾

七十自貽兼謝雲臺別駕大篇之貺

閱歷俄驚歲七旬期逢初度值茲辰童心猶在

雲

十一

人稱老壯志無成時復屯翠栢尚凌前日雪紅

梅已放隔年春是誰好我技瓊玖嚙向屠蘇字

字新

林下逍遙自在身履端雲物慶今辰人間五福

先稱壽天上四時首是春酒病經年因避客

致足乃過飲所 孤懸勝日恰逢人陽春寡和慚

余報青眼高歌意獨親

辭客

年來厭事已成癖况復病多長閉門莫怪兒童

辭賀客不堪跛倚近高軒春寒隱隱燒華燭日
晏遲遲舉壽樽獨坐虛堂無雜遝靜中滋味與
誰論

獨酌自詠

七十年来何所有祇添銀髮幾莖新閒中歲月
偏歸我靜裏光陰不負人壽日自觴還自詠晴
天佳景稱佳辰唐人有句爲余設爛醉樽前軟
脚春

此唐詩成句用以自證

次韻奉賀魯源中丞公華辰

崇質堂集

卷之八

十四

初度遙聞六十年壽觴逢旦尚醒然共傳客滿
高陽座更羨人稱文字筵澤貌如童丹隱隱遐
齡似鶴笑綿綿知君素抱匡時畧見說威名遍
九邊

公以總備在告行將有邊筭之命

憶舊時一首亦次前韻

一別京華不記年中間消息兩茫茫然論心每憶
春風坐入夢猶淹夜雨筵

往歲居京宦即此屋
無日不談無夕不飲

辱翁教愛真如坐春風
中也追念舊遊悵然久之

潤栗憐君人似玉疎

慵愧我力如綿親知海內誰相念忽捧新詩公

竹邊

郭二守考績榮封

循吏于今幾擅名惟君聲價重連城

先尹連城
秩滿擢今

桃花笑遍同民樂棠蔭濃報政成百里賢
書馳黼宸九天褒典下承明懸知畫錦焚黃日
草木欣欣亦向榮

南谿太守擬携酌小軒病辜雅愛韻語辭

謝

老病久拚人共棄唯君歲晚意偏親交情易薄

崇質堂集

卷之八

十五

非今日古道能數有幾人鎮日杜門花對面經
時伏枕鳥傷神論文尊酒何由得辜負溪南麴
未春

雨中見一軒獨坐

積雨蕭條獨坐時冥濛夏木繞簷垂榴花背日
開猶濕荷葉迎風展較遲乳燕傍人憐倦翼
鳥將子擇深枝如僧况味如秋冷睡起無聊自
詠詩

崇質堂集卷之八

終

崇質堂集卷之九目錄

詩部

歌行

重聞稱慶

題畫壽申公

雙壽

賦得玄武湖送岑南萬給諫考績之京

叔祖柳川翁七十壽

方朔蟠桃園壽朱東源年丈七十

崇質堂集

卷之九目錄

題仙鹿寒泉圖壽晴山蕭翁八十

題畫壽鄧南溪太守六袞

陳母孺人八十壽歌

題平山畫壽弦翁叔父

雲石篇壽雲石勳卿六袞

題平山五老圖壽王東溪五十

題壽萱圖壽譚母九袞

西湖歌

出京別劉六上舍兼簡竹潭令叔

上林別意

戲簡余惟德

黎林紀

梧岡夢我作危樓看花引子詩覺來錄所

記示余過爲祝望余爲足之

釣臺高

題伯源便面

草蟲圖

赤脚塔谷無盡和尚

崇質堂集

卷之九目錄

石泉歌贈清上人

方泉張子寄惠牙刺兼致長篇次韻復之

顛僂歌贈吳立之

題孝婦卷

贈北野叔丈赴試

麻姑行壽鄭母六十

泛湖行

意氣行和荅梅南子

礪頭行

贈夏來山之官江陵

神龍宮觀泉

崇質堂集

卷之九

崇質堂集卷之九

詩部

歌行

重闡稱慶為金華金年兄作

僊翁踰耄健且強
翛翛鶴髮披肩長
坐忘甲子玩人世
每逢初度華筵張
有兒望耄髮亦皓
猶自行言不稱老
萊衣試看舞春風
醉學嬌癡笑
絕倒人生七十七
古已稀稀齡祝壽
趨庭聞桂林
况復孫枝秀忽捧
泥金日下歸

崇質堂集

卷之九

題畫壽申公

進士申賜谷父時迎養

我聞齊人安期生
浮遊弱水居蓬瀛
海邊賣藥混人世
高風能使秦皇迎
黃金百萬揮若土
赤鳥一隻聊報汝
阜鄉亭上空有書
幻景遺光信霞舉
安期邈矣不可逢
親承指授惟申公
公孫片言動漢武
遂令入海求靈蹤
千年遺事誰復辨
彷彿還從此中見
生綃一幅作者誰
畫圖省識神僊面
任原老翁姓字同
髣髴光炯炯
眸雙瞳只今七十尚
少好髮如點
添顏如童僊
即况復

瀛洲客昨日蓬萊新射策
瑤林宴罷壽筵張
玉液瑤漿浮琥珀
島中弱水不可航
海上神山徒渺茫
他年會見蒲輪迓
始識申公住帝鄉

雙壽宋少字索題

海天蕭爽秋桂芳
宋家堂上華筵張
木公金母咲相向
極星婺宿交輝煌
僊郎新捧毛生檄
遙向江頭停彩鷁
斑斕此日試宮袍
頭角崢嶸訝非昔
重闔望奎壯且康
昨朝方進南山觴
賓朋雜沓不隔日
便合人間稱壽鄉

樂賢堂集

卷之九

二

賦得玄武湖送岑南萬給諫考績之京

金陵形勝天下無
青山四壁開玄湖
湖光蕩漾知幾許
輿圖一統歲無餘
蘭臺石室未足比
星漢天河差可擬
金鑰朝司紫禁嚴
玉音時煥烟霞裏
萬年王業此貽謀
秘護珍藏殊未已
苦雨凄風歲月多
荒頽冗雜柰湖何
條章盡向道傍置
游食還從湖上歌
臨安諫議前年蒞
蕩滌疏洗湖樊飛
章幾度叩公車
一一施行起諸廢
遂令內外復煥然
京府汰盡浮徒錢
荒洲遠渚

豺跡歛嘶蒼野鹿
公庭前政成三載報
天子登耗數陳悉
終始湖洲突兀湖水清
課暇於君亦如此
石城秋曉征車發
酌酒勸君君勿輟
他時遺我長相思
千頃湖波對寒月

叔祖柳川翁七十壽

古來俠客稱人雄
睥睨一世雙眼空
壯懷慷慨報知己
區區得喪真蟻螳
吾宗丈人老居士
今之豪俠無乃是
胸中礪硯掃欲平
齷齪低垂安足齒
前年邑人不戒火
百丈津梁一時墮
春江

樂賢堂集

卷之九

三

瀟灑濟渡難官府
不顧竟安坐丈人勸
募身率先胝胼晝夜忘
高年豈有神人為驅石
遂令突兀凌長川
功成利涉翁不有
川上孤亭幾株柳亭前
蔬圃手自鋤白眼高歌
一杯酒平生奇節難具
陳虬髯鶴步還風神
南天昨夜長庚爛忽報
川翁七十辰

方朔蟠苑圖壽朱源翁七十

王母蟠苑大如斗
何物小兒竊之走
度朔橫連若木邊
流沙直灌崑崙口
婉姸天姥指此兒
歲

星請下東方叟侍郎出入金馬門火棗交梨持
在手激昂萬乘自揚眉調笑公侯盡垂首朱朱
子今星精帝遣作對姑仙人紫府八座王方平
嵩嶽飛動文昌晶海若澄晏倭塵清已揭驪珠
還日月更遵鴻渚蕩星辰阿誰驅此東方生隻
瞳兀傲揚裾輕為報姑山老司冠蟠苑又是六
千齡

題仙鹿寒泉圖壽晴山蕭翁八十

挿天欲墮懸厓后飛泉倒掛三千尺寒芳冉冉

榮貴堂集卷之九

四

點秋容琪花瑤草無人識就中一鹿歲五百兩
角三槎毛丰白曾隨僊馭赴蓬壺瑞日祥雲照
顏色諦觀起我凌雲思餐英跨鹿今為誰聞道
晴山開壽域披圖應被老翁嗤

題畫壽節南溪太守六袞

生綃一幅開真蹟長松亭亭幾百尺銀河倒掛
瀉飛泉幽蒼盡帶烟霞色松間一鹿歲五百槎
角丹晴身盡白雪毛潑處隱銅符云是宜春苑
中獲鹿遊宛轉渾不驚僊人馴伏誰能名瑤池

瀛圖任偃息鸞與鶴馭同飛騰菊英可茹松可
食便合果此調神丹展圖歲歲浮瑤液谷甲重
週興未闌

陳母孺人八十壽歌

我昔聞萼絲華千二百歲顏如蒼食霞吸露住
蓬島後天不老春長加我又聞麻姑子鳳帔翩
翩自霞舉眼見滄桑幾變更玉顏猶是雙鬟女
龍車莫挽鸞笙歇紫氣何由駐華髮神仙之說
徒渺茫壽母自得長生訣稱觴憶昨已十年歡

榮貴堂集

卷之九

五

圖為壽羅羣仙前此壽七十丁一山草繪只今
五老迎鸞圖壽之余作存

八袞尚健飯雙瞳烟烟縹緲十洲三島人間
世樂擬瑤池應不啻膝下何當有謫仙浮杯起
舞斑衣試十年一度一洗觥自今屈指拳猶成
閒居莫作潘郎賦會見崔輿導母行

題平山畫壽弦翁叔父

仲父年來稱散人既閒且適全吾真灌園其効
溪陰叟赤脚不踏長安塵自言人生貴適志不
信但看頭上巾醉時漉酒醒時著濁醪不讓雲

安春年過六十忽初度珠履親賓集如赴歡聲
騰沸羅管絃瑞靄氤氲雜烟霧豈無画史呈壽
圖掛壁紛紛胡足顧大梁張生稱好手掉臂何
年掃毫素南極一星光燭天拱揖應是洪厓仙
峻嶒怪石倚天外屈曲長松飛澗泉左携仙童
右仙女靈芝的的蟠苑圓山坳安得有茆屋恍
然此景非人間此圖此景世稀有綺席回春開
咲口起舞真聯老子衣稱觴况有麻姑酒近聞
張生尚無恙百幅不吝千璫致買絹緘書應得
崇賢堂集 卷之九 六

之一年一幅為叔壽

雲石篇壽雲石勳卿六袞

高岡上與軍峰隣遠援地脉嶽降神星精變幻
墜平埜青玉斲削烏嶙峋名山出雲理則有或
為幢蓋為圉輪仙翁家世岡之陽夢筆文雄蚤
擅塲補天久煉石五色脩詞每羨雲為章先皇
臨軒親策士職方已得江中郎光庭脩整無留
牘象先材美推一行塞垣往歲王關開 天子
選將黃金臺胡塵蔽野夏卿戮九門畫鍵嗟蒿

萊廟堂倉卒推林傑江揔文武為掄魁戎衣上
馬不過舍仗劍揮鼓驅風雷目中已畫天山定
掌股輕提瀚海迴祿勳恂恂今邵伯憲茲明珠
人詎白一為遷客去長沙翻令四海聲輝赫道
在青山謝眺家門垂碧柳陶潛陌居傍江村仍
近郭高閣琴書圖芝藥枕涿漱石日徜徉招雲
弄月何寥廓平地公卿已是仙此翁清健尤堪
樂雲乎石乎翁與歸余亦從翁蚤拂衣未論合
席杏園醉况是齊庚蘭籍稀年年祝萸高岡上
崇賢堂集 卷之九 七

石若增崇雲不飛翁不聞泰山有石雲如液兒
孫羅立貯膏澤膚寸乍合兩崇朝天下蒼生望
雲石

題平山五老圖壽王東溪五十

環碧樓開山月圓東井錯落星光曜松陰漠漠
起粉壁石淙水竹微茫縣就中逸叟相盤礴注
眄意態何仙仙漢尋四皓似歟一唐數九老無
四焉曾聞睢陽友五老磊落好事當時傳今之
披圖無乃是乍觀今明眼前事五君奚弁忘紛

繚屹者相向導相倚竹色驚看剡曲清松顏不
變素封耻太虛為屏白雲几天開壽域烟霞裡
相逢放杖共班荆咲指滄桑寧論齒匡山遊子
早丘壑對此醒然夢如覺便招五老携舊遊王
喬華胥今方朔風神夙已脫塵凡襟韻如聞秦
仙樂 闕下期投卜氏書牘中久抱荆人璞功
成何日拂衣來指點新圖尋五嶽王君王君好
自珍麻姑咫尺稱芳隣君家老祖舊相識定持
麟脯觴華辰

朱實堂集

卷之九

題壽萱圖壽譚母九袞

嚴冬安得東風煽鮮妍卉萼華堂見就中萱草
獨嫣然新圖一幅開生面古云此荅解忘憂樹
之北堂為慈謀綠衣編驪對荅舞慈顏含笑浮
金甌中宵寶婺明如月悅談瑤筵燒絳蠟海上
仙郎昨歲歸拾得蟠桃薦壺榼君不見崔家王
母年百齡飲乳康強步履輕潘郎棄官為母養
親御安輿出郭行期願譚母亦如此膝下班
况有子瑤池西望徒渺茫人間家慶誇桑梓壽

庭賀客爭致詞壁間鉅帳兼橫披老我何能角
豪邁揮毫聊賦壽萱詩

西湖歌

薇垣大夫惠我西湖圖索我為作西湖歌長杠
巨筆竟爾爾禿鋒斷簡將禁西湖何新圖試展
郊齋驛臥遊其下已歷歷湖光激灩入虛堂隱
几青山見顏色湧金城下眉目開興劇似遠湖
山側狂來忽動昔年心買舟携鶴何由得憶昨
八月渡錢塘潮平岬澗秋風凉好遊有客頗解

朱實堂集

卷之九

事招邀泛我湖中央碧天澄澈覺混漾白日山
水生輝光呈奇獻秀不可以盡藏兩雙應接何
紛忙初拔靈隱訪月桂更覓海會聆風篁猗林
梵刹未遍歷虛聞三百名山巖逢僧過塔院
茗憇柏堂竹枝豈無閣藕荅空有莊青牛黃鶴
貫歌舞琉璃瑪瑙迎舟航芙蓉堤上照秋水隱
隱麴院聞荷香舟人移櫂入潞浦指點峯巒向
余語小麥大麥未足奇南高北高隔風雨弔古
先瞻處士祠表忠更禮王侯宇故宫墟殿動遐

思坡老亭碑照今古。僧言羅外有三竺。昏黑應
須歷其所。迤邐穿洞入石屋。俯瞰湖心更媚嫵。
六橋望非遙。四照近亦睹。高松九里蔭。古檜千
年撫。嘯歌直上初陽臺。空谷響應鍾在麓。少焉
月出湖水清。三潭倒影驟珠明。徘徊此景不能
去。奇觀自許歡平生。芍陂笠澤祇浩蕩。赤沙青
草徒澄泓。銅船金牛誕漫不足擬。范遊秦憇空
有名。天開佳處乃有此。湖者鍾靈畜異種種合。
武牽幽情披雲步。月興未已烟波鼓棹催舟子。
崇實堂集 卷之九

徐牽錦纜出谷間。尚覺鍾聲清兩耳。勝遊拋擲
底空還。年來夢寐西湖水。塵蹤歷落盱江濱。遙
憶湖山隔千里。千里須今湖水潤。只今得見西
湖主。西湖主人薇垣翁。枕溪漱石湖山中。江情
海思浩無極。鶴性龍資俗不同。自從金門一通
籍。葑房蓀薺生秋風。謝安未許東山卧。仙侶空
遊太乙宮。潤餘四海功成日。此湖合問君王
乞。遂使湖名易太傅。侍中即官安可匹錢王以
後。更林蘊風雅于翁。稱四一名勝能令勝槩增。

湖水益深山益聳。我昔聞南屏山人孫太初。高
陽城中舊酒徒。茗溪草堂今尚在。它日從翁願
卜居。

出京別劉六上舍燕簡竹潭令叔

朔風吹雪何飄零。空庭烏雀門返扃。鄉心萬里
堪頭白。塵容百輩誰眼青。劉郎何事獨憐我。殷
懃投分真忘形。清晨坐雪玉皎皎。夜深說劍燈
熒熒。東風二月花開早。少年走馬長安道。燕筑
齊阮歸上工。錦瑟無端為誰抱。豈無世態易寒
涼。自是君心平醜好。酒杯蕭寺出深夜。噓我清
風消熱惱。奔忙岐路北復南。都門明發驅長駟。
窮愁轉覺別離惡。含酸執手胡能談。空囊敗篋
衆所棄。知我鮑子君何慚。秋風歸計更須祝。為
我傳書報竹潭。

崇實堂集

卷之九

十一

上林別意為陳養吾年兄尊甫題養吾釋
褐日適厥翁應貢入京茲卒業南雍賦
此為別

曲江宴罷春正晴。楚轅至止歡相迎。宮袍試綵

舞庭下此日天涯父子情東書往卒南雍業薰
風又向都門別為君置酒黃金臺臺上瑠枝尚
堪折瑤琴獨抱歲月深金陵自昔多知音他年
京邸重逢日遲爾高枝集上林

戲簡余惟德

長安歲晏同為客子居城南我城北如何逆旅
復情親半月不一見顏色別去曾歷萬里懷以
隣翻訝千山隔高懸陳榻久未下相思命駕何
由得我欲携琴一出門我行無馬遊如棘昨來

崇實堂集

卷之九

七

徑造子雲亭亭空鵲噪徒四壁歸途踽踽倍惆
悵北風吹面日西夕聞君勝集盡高軒戶外喧
填車馬迹明珠在傍覺形穢瓦礫紛紛應棄擲
冬春寒燠自時序新故交情浪休戚願君無忘
車笠盟顧我欲致雲霄翼君不見夷吾鮑叔公
賤交高風膾炙何遙遙又不見德操龐公天下
士論心直欲究終始北川北川為君狂歌君勿
笑塵埃物色能幾人

黎林紀

庚子歲會試北上

九月八日天大風沙飛石動江濛濛舟行觸浪
信一葦艤衝搖曳如飄蓬長年冒險不知止披
舵中流帆盡起自誇神捷貪天工瞬息黃河經
百里豈知如馬戒舟航逆深闕石風更狂檣顛
舵折遂傾覆遂窻沒溺俱茫茫舟人善泅爭出
水余獨奄然舵樓底灘高舳側半沉浮奮躍無
虞賴有此潢污作嘔氣欲昏寒雲催暝雨翻盆
岬人林立盡惡少問訊知是黎林村隔江小舸
浮如葉百十飛來羣鼓楫就中好事獨一人解

崇實堂集

卷之九

七

衣衣我荆新葵同舟共患情轉親牛傍枕簪草
如裊殷勤老嫗豈漂母麥飯一豆克三人朝來
步向江頭覓舟人陳苑舟婦泣羣盜紛紛競未
休出沒窮探如蟻集吾生無恙吾何求對此逐
逐令人愁書囊飯裹不暇顧覓驢直走彭城州
彭城逆旅逢九日主人愛客莫杯出昨宵畏地
尚驚心佳節翻令壯懷紆世途到處皆江河人
生行險輕風波平時幾探虎豹窟今日幸脫蛟
龍渦酌酒自憐還自慰溪洲不墜豈天意大順

寧非賈禍胎歟或是全生地黎林黎林慎勿
忘宴安酖毒令人狂君不見居常識險画一舫
千年遺事傳歐陽

梧桐夢我作危樓看蒼引子詩覺來不記
其全所能記者有曰藍田有玉璫寶
重抱璞直入明光宮金衣聲裡春融融
絕勝昨夜蘆花風未復憶其二句云袖
中一本看蒼訣留向錢塘江上說錄以
示余過為祝望余為足之以紀其事亦

紫雲堂集

卷之九

十四

夢中說夢云耳

蓬萊東望初日紅飛樓縹緲青雲中上林二月
蒼正濃浮浮紫氣光於虹看蒼許我馳青驄樓
前繫馬何從容憑高一覽百卉空醉來遍繞名
蒼叢藍田有玉璫寶重寶即丹桂元鬱葱昔年
種此烟冥濛移根瓊苑蒼茸茸白壁未許塵沙
封抱璞直入明光宮金衣聲裡春融融絕勝昨
夜蘆花風先春蒼信憑誰洩險韻分明夢中設
平生念我情最切紀夢勞君夜光囊袖中一本

看蒼訣留向錢塘江上說錢塘自昔蒼如頌他
日相逢談不輟

釣臺高

巖舟嚴陵難獨上嚴陵臺臺高突兀入雲漢仰
面欲墮心如摧捫蘿躋磴踞其上絕頂一眺青
天開摩挲老石認古蹟春風秋雨凝蒼苔
老子不可見釣絲浮動空塵埃漢朝九鼎重一
石至今岿岿誰栽培凭高獨立自徙倚雲山魚
鳥如招徠長竿挺挺似可把欲去不去令人猜
君不見三歸銅雀高崔嵬管氏曹公安在哉遲
遲落日為爾還徘徊

紫雲堂集

卷之九

一五

題伯源便面次東澣韻

聲聲羅立何崔嵬芙蓉萬疊青天開乳雲密霧
薄林莽林端瑞色融纖埃長松細柳自高下澄
江萬里扁舟來飛虹架水一萬丈懸厓置屋如
栽培杖藜獨徃見一隻携琴有客山之隈齊紈
把玩意不足名工點綴真奇哉酒酣神思忽飛
動恍然身世真蓬萊鄭郎清標世希有爾尤一

幅持在手不覺清風坐上生展圖寧止千瓊玖
君不見夷甫清談揮麈尾塵柄玉色手可此
人此筵兩闢奇秋水芙蓉差可擬琅琅揮灑東
瀛詩殷勤索我一和之世間玩好美不足為君
點汚君勿嗤

草蟲圖

泊舟桂林夜飲李氏即席成之

名園二月春風催幽谷奇卉參差開霏霏百草
自呈瑞天工雕繪何蓓蕾蟄蟲應候各振羽鼓
動天機自容與蜂狂蝶舞盡日忙蜻蛚款款螳
蜋

崇實堂集

卷之九

十六

卿怒生綃一幅作者誰春姿點染丹青疑千
毛萬羽盡飛動妙手似此非人為主人開宴北
堂上披圖向客誇不讓滕王故物傳至今千百
年來尚無恙令人緬憶堯舜時昆蟲草卉皆熙
熙李唐安得有此本伊威蟋蟀生蒺藜跼蹐指
點玩不足夜闌漏下更秉燭酒酣索筆不成書
絡緯草根鳴陸續

赤脚塔苔無盡和尚

秋來廬山尋赤脚山前寶塔瑤華落遶門老衲

執松枝邀我夜宿毘盧閣黃雲飛起日下春玉
露枝頭棲獨鶴

石泉歌贈清上人

我生慕空寂好結方外緣東行訪匡父山下逢
石泉泉根秀出天池松飛涿石竇何涓涓東林
倒掛一萬丈斷崖磊磊明珠懸紫紆轉入九江
水奔騰萬里還潺湲銀河素練未足比六月飛
雪洒洒然上人泉石安結菴石泉住漱石枕泉
源清風自朝莫絮絮紫照影落寒潭數珠日掛吾
提樹石傍蹲虎泉伏龍玩弄日月相吞吐禪心
非石亦非泉世人那得知其故昌黎潮陽逢大
顛坡仙佛印今人傳憑師為我卜泉石共看玉
井開青蓮

崇實堂集

卷之九

十五

方泉張子自製匡山游子牙刻寄惠兼致
長篇次韻復之

簷枝群鵲喜不虛故人百里傳尺書開函珍重
自浣拂入眼磊落紛明珠別來顏色恍如見喜
劇忽向堂前趨星雲煥發互掩映寒光照耀明

襟裾吳箋闊幅長數丈笏卿一掃看無餘象圖
鳥篆更奇古籍文斯畫成丘墟銀章石刻未足
比瑤華玉藻差可如名山脚力我尚欠勝遊物
料君應儲雄詞一一謬稱引顧我陋劣胡能居
感君殷勤意獨厚麻姑入望雙眸舒追陪几杖
憶昨日錦筵按酒聲歌徐方泉夜靜小濤起薛
樓春滿高人廬一腔別思憑誰寫錦里先生真
作者揮洒元稱草聖張推敲不數浮圖賈平生
偃蹇浪得名寸鬼真井出君下來城反覆不忍
坐實堂集 卷之九

詞混清雅

顛僊歌贈吳立之

君不見唐時張旭稱張顛酒豪草聖今猶傳興
來一吸盡五斗散髮狂叫驚四筵眼眇面赤始
一掃毫端落處生雲烟淋漓墨汁頭盡濕千張
頃刻猶醺然又不見匡廬山下周顛人太平怪
語驚聖神雄談捫蝨二三斗燒酒一石微沾唇
草衣木食臥竹影天眼尊者情最親即今遺事

尚歷歷穹碑照耀高嶙峋二生之顛冠今古餘
子碌碌寧足數百十年來繼者誰盱江吳生乃
其伍吳生妙齡美丰標風前玉樹何飄飄糾紛
世務等塵土迢遙胸次真雲霄醉鄉深處無何
有蝸角蠅頭一杯酒顛鈴驟羸徒紆紆白眼相
看百里走憶昨醉我明月下餅吞甕倒意未舍
酣歌向我呼大顛仰面大笑知已寡我本江南
楚狂客金貂換酒應不惜寓形宇內不盡歡逐
逐微名竟何益吳生吳生爾家賢佳名肯使前

坐實堂集

卷之九

十五

人專何當從我一浪迹玩弄乾坤說二顛

題孝婦卷

陳上舍母

昔年曾讀孝婦傳此日真登孝婦堂展卷明珠
紛磊現高楣華扁何輝光老姑遘疾疾已劇醫
藥罔功神罔力婦聞人肉可療之操刀割股無
難色表創忍痛血縷縷熟肉啖姑姑疾愈舉家
狂喜得天醫叩婦問之婦不語傷生匪孝誰者
云吁嗟刻論徒紛紜君不見一帚之救寧幾緡
姑偶取之猶反唇乃有此婦剜肉如掃塵

贈北野叔丈赴試

吾家有叔稱豪雄謝之安石阮嗣宗封胡阿咸
愧莫比詞場執苑常追從雲霄擬接圖南翼何
意先登謬通籍暫蹶翻令文價高品題一日聲
輝赫神駒汗血在北野飲林隨羣無識者方阜
此日適相遭遂令廊廟歌天馬可泉海內號鉅
工賞識不啻璜與琮南金自昔獻天府參苓端
合充筴籠上林二月谷偏好羨君獨起明光草
君不見漢庭廣受稱二疏勲業應須致身早

樂府集

卷之九

二十

麻姑行壽鄭母六十

素秋澹蕩天氣清日高雲歛風光明忽看紫氣
滿山郭飛來青鳥傳雙成麻姑縹緲降雲馭霞
裾曼佩何輕盈露盤冰筴進麟脯玉童瑤女吹
鸞笙鄭家壽母神仙侶坐致麻姑下寰宇萱榮
晚節秋更妍婺燭中天夜如炬錦堂郁郁集繡
紛鳳帔翩翩自容與即君况是謫仙才更有孫
枝望霞舉君不見麻姑之苑大如斗麻姑之泉
冽如酒佳期正值三千秋酒熟山中甦可割我

向瑤池覓紫芝稱觴肯落他人後它年桃實我
復來酌取山泉為母壽

泛湖行 有序

壬寅春仲余以購先祖墓碑入汝舟過
劉坊訪劉六上舍止余宿宿越二日且
舟治具邀余遊帶湖環抱村居紫紵
若帶支流詰曲各成溪澗出其源委參
與湖會湖東人居鱗比雞犬桑麻敦龐
不飾湖中望之若與塵隔其西山嶂經

樂府集

卷之九

十一

琬靈谷諸峰特出其右石梁板橋數十
處上通行人小舟穿橋下余與同遊者
偃僂伏几上命二人登岬曳之每度一
橋輒獲佳處夾岬觀者拍掌大笑以為
奇縱飲竟日興盡而歸余笑謂劉子曰
自有此湖來不知幾人能為此遊復能
有此樂如今日否劉子大咲因請余作
詩時同泛者劉子叔十四弟侍七偕余
四人云

我昔聞汚湖曾泛李謫仙郎官之名至今傳我
又聞西湖自有孫太初後人遂稱高士湖古人
今人俱已矣淺渚蕪汀誰繼美今朝我向帶湖
來汝水名湖自此始素袍高帽凌青春野航恰
受兩三人主人能文客不俗對霏玉屑俱風神
岸蒼送桃柳渦鳥浮鳬鷗遊魚隊隊隱約出波
面萍蒲凌亂迎行舟傳杯入手青天落靈峰對
我如筆卓牙檣錦纜底須誇桂棹蘭橈殊不惡
小舟蕩漿酒如泉我浮大白歌扣舷穿橋入竹

吳興堂集

卷之九

七

各偃樓村翁咲倒兒童憐詩成興盡日已暮回
橈不記來時路漁舸幾個繫蒼間恍惚桃源武
陵渡吁嗟乎李郎官孫高士昔人好事元無二
秋高月出我復來湖名未易君且俟

意氣行和荅梅南子

古來同交即同氣老生之談何容易虛聞雞黍
諾千金幾見蠅蝸競微利把臂清歡樽俎間棹
頭白眼風塵際一貧一富一死生前日誰真竟
誰偽試看去婦咏谷風將恐將懼余與汝我生

志四方氣味何所嗜蕭艾匪同心芝蘭自幽意
朝開暮落紅槿花歛忽妍華安足倚梅南子道
骨仙風錢若水况復天章爛文綺儕輩僮僮泉
下人望君直入層霄裏高懸一榻誰得窺為我
下之歲十二投情脆金石佩德解鐫礪盡消世
俗態肯學兒女媚心許迹更疎外携中匪貳昔
聞齊相辨和同異味調羹元不異獨慚塵調侶
清標我願為君終日泚天下稱雄使君耳中原
獨步誰先起齊名忝竊吾幸矣白首結同心它

吳興堂集

卷之九

七

年傳二子

勸頭行 有序

歲庚申八月閩寇伯八十徒犯新城守
脩王君址禦之勸頭兵敗死之李子曰
王守脩之死余益重傷國紀焉賊始薄
營王君奮騎衝鋒賊且靡靡奪也時有
十夫者合力嚮賊則破竹之勢成矣柰
之何畏賊而不畏帥也王君馳獨前營
中士七伯餘更無一踵至者叢視主帥

之就戮如坐人棄焉尚謂有法紀乎是
役也百戶戴權率先奔逃師大潰故及
於難

閩廣頻年豺虎驕剽村掠縣如狂飈區區豕突
僅百數鼓行千里誰遮邀將樂奔逃泰寧破黎
川接壤無崇朝室城雖鍵竟誰守烏驚雲散成
蕭條王君有膽大如斗直憑猛氣吞羣醜彎弓
策馬出營門一矢脫弦賊授首賊戰愈厲兵氣
衰一人獨奮千人後自辰徂午力不支且聞且
罵不絕口王君王君誠丈夫忼慨就義真如愚
平生許國已刺血造次應敵甘捐軀武夫豈養
豈一日望風鼠竄惟身置募兵列戍竟何賴徒
苦百姓供軍需令人撫事重扼腕此輩縱橫誰
唱亂剥脂椎髓竭閭閻及今烽火遺宵旰潢池
竊發尚未已兒戲談兵誇勝筭安得王君百十
人盡置疆場俱屏翰

贈夏來山之官江陵

平生好結山水緣飲泉不出麻姑山道書一卷

長在手十年漢落仍朱顏桃花萬樹直江口風
流豈落滿即後會報明經起夏侯知汝羈棲應
不久

神龍宮觀泉

白龍潭上泉湧高沉月浮珠龍作豪雪谷照眼
紛磊落寒聲入耳翻波濤震驚百里岩谷應狐
啼虎嘯猿猱踦風吹日浴况飄忽冷氣沁人清
到骨燃犀直照馮夷官濯纓不向鼉鼉窟

崇質堂卷之九

崇質堂卷之九終

崇質堂集卷之十目錄

文部

序

封君螽斯翁張老先生榮壽序

五介壽張母曾太安人七袞

封君茫湖李老先生八十壽文

代贈秦少府受獎序

贈大邦伯徐侯恕軒公堦獎叙

賀郡守石梁王公受獎序

贈陸侯思山先生受獎序

賀二府少白鄭公受獎序

郡守龔橋凌公受獎序

贈明府鶴吾招公膺獎序

賀邑侯中台周公榮獎序

車侯春白先生榮獎序

崇質堂集卷之十

文部

序

封君螽斯翁張老先生榮壽序

萬實筮仕行人周覽輜軒之故得蜀中文昌忠

孝化書蓋指周詩所誦孝友張仲為文昌星精

云及讀載記青城岷峨為神仙都會之府而張

君道陵者功行最著則未嘗不擊節嘆也夫蜀

山高水深氣渾發遲然哉何星徽舒光異人輩

出若此乃其所表著輒世家張氏何也屬叅守

湖藩識今郡侯懷潭公者蜀人也又張姓心竊

嚮往之公時以冬官簡督殿木分司湖湘他

部使者馮璽書嚴赫各持所部甚急公靜重

從容不為束濕人稱長者已而湖湘巨木集藎

下寂先他諸操急者弗及也予奉職按部數過

岳陽行臺相得甚歡樽俎之暇各通家世因

及其尊甫螽斯翁扶侍大父寢疾若干年如一

日事繼母善色養恩勤諸季甚篤至逮子貴

錫封泊然自好不改其素人或侵侮若罔聞已
責周匝則如不及蓋種萬石之德高駟馬之門
者豈孝友功行固有所自出耶而張氏之盛益
綿綿蜀中矣其後余被病乞山公本政報最物
望甚屬竟以乖違時好僅補建昌郡守公至郡
問民疾苦劇煩苛息科罰其政大抵以與民休
息為本而長者規模則猶之督木時也頃之公
以軍務歷南豐訪余山中察公愀然若弗懌者
然若吁余慰勞問故公曰仕不擇官吾豈薄建
昌耶獨念疇昔典君款洽岳樓時瞻梁公之雲
步少陵之月登高望遠悵悵然家園念也君今
朝夕若翁絲衣娛侍樂矣顧某局趣官守與二
親遐曠達也曾不得省覲圖所以為壽則奈何
不養養戚余輟然曰公無戚翁固善自為壽
矣公最本政曾不見商丘之木乎輪囷離奇顛
厓絕澗千拱百尋利斤鉅鐸莫能入也羣匠從
旁睨之搖手吐舌矣何者質凝而境寂而氣
又滋息之致然故曰栽者培之也翁梓潼君之

鄉而仲父道陵則遙遙華胄也文昌司中壽星
今野於是乎在則天錫之者已厚矣又躬孝友
之履積功行之致不忝於其先青城岷峨惟意
所適桴鼓不驚飄塵不作翁故博通醫卜星曆
之旨時下君平之簾入青羊之肆悠然浩歌若
與世隔下視江南監區真神仙都會矣加之綸
綍繡黻以華其躬寶桂謝蘭以娛其志名章華
帙以悅其目珍芳鮮醪以達其養是恬與愉交
得也天錫其基地遠其處人聚其順載培之篤
于商丘之木不啻什伯過之仲庸之德道陵之
道翁且兼備之矣又豈年數之所能限乎此翁
之自善為壽者也公何戚且忠孝事聯致用則
一曾子以隘官敬戰陳勇為孝而詩卷阿之則
四方文武之憲萬邦皆於孝友本之公行將出
入將相屹乎東南長城今之張仲不容多謙忠
孝化書必有嗣編之者梓潼青城之間翁翁且
永永譽矣豈必庭趨几侍左右無方而後為壽
哉語竟覺公眉間黃色浮動乃龜謝曰吾知所

以壽吾親矣明日吾邑令長任君聞之謬謂鄙言之足采也遂持鉅軸書之擬涓吉獻之黃堂以為翁壽

五介壽張母曾太安人七袞

嘉靖庚戌歲張母曾太夫人壽躋七袞仲春念有二日其誕辰也客有造萬實者屬文為壽實曰唯唯述德者徵諸紀言稱觴者侈於頌禱余與季子汝容氏寔有伯仲之誼鋪張盛美揚軌無窮余何能辭顧枝詞無徵祝嘏不齒何足為

萬實堂集

卷之十

四

太夫人壽子槩陳之余將揮焉客曰余聞曾系名閭世並尹吉魯國肇封夏巫去邑嬪于華胄弧矢徵祥婚姻郁穆琴瑟諧張茲可以為太夫人壽與實曰詩歌姬姜晉言王謝族氏之盛世嘗有者非其至也客曰相彼夫子敦戒無違春蟻宵紉以佐下帷歲筵宏肆翩然鵲薦出宰桐鄉茂名斯建此固太夫人地道之有終也未可以為壽與實曰婦順明章內則孔臧厥施猶閑未發其祥請再言之客曰爰誕嘉胤是訓是迪

彬彬藝苑詩言禮立季奮甲科清途桂纓刑曹初拜雲司頌平此固太夫人義方之有成也未可以為壽與實曰室家之宜復範母像婦德允備福履來綏請固言之客曰封章我我稠錫盛貶榮昭堂闡光貴邑閭寂水方勸鷄豚猶逮高軒清拱版輿恬泰此固太夫人之食報於天者厚也未可以為壽與實曰福履皇皇自天降康克壽克福終焉允臧請究言之以昭天常客曰余知之矣夫盛美難兼諸福罕備匪福之難令終為貴母也倘茲介福黃髮是保婆娑壽祺後天難老季懷忠貞夙夜不違方期遠大勳鼎銘常將昭母德於萬無疆茲固太夫人無窮之榮亦無窮之壽也子將焉揮乎實乃躍然起曰美矣盛矣茲可以為壽矣乃執爵而歎曰生名國兮叶鳳凰靈椿茂兮丹桂芳並鄰母兮齊魯姜願母壽兮無疆桃夭吐兮張綺筵青鳥爛兮雲韶妍集珠履兮飄鳳翰願母壽兮萬年遂書以為文賓之祝

萬實堂集

卷之十

五

封君茫湖李老先生八十壽文

嘉靖庚戌歲鄉丈人封祠部即中茫湖李翁年八十壽杪秋十有九日其晨也茫湖隸紉江李氏世宅之於洪都為望姓自吾隣郡及旁郡人無問識不識咸稱曰茫湖李及翁之以號也人無問識不識又咸曰李茫湖云先是翁仲子中丞公遂具彩舟遣人迎翁留邸欲假諸公卿一觴以為榮翁不從以書諭意曰華觴殊氣味瓦缶長兒孫吾素忌取盈幸逢大耋誕日率諸孫曾焚香祝天已引滿一觴於抑畏堂中足矣亦何暇傲榮盛麗忘忽本真耶視其意蓋超出物外者彼豈家人翁怙冒聲勢與造物者角勝負日顧侈樹閭里者哉於是留都薦紳又交頌翁有道不獨福履之盛爾也中丞公重建翁志展彩無由廼崇酒載帶繪圖乞言屆期遣其淑人晏携二子枻材走千里登堂為翁壽戒行有日乃過余言曰二兒歸壽吾親願吾子有以遣之也余因訊翁眠食起居及體貌強弱狀若何中

丞公曰吾翁雖老幸善飯日飲醇酒至數斗不為亂暇則讀古今書聲朗朗徹戶外燈下作蠅頭楷盈幅楮不憊每風日晴美輒夷猶田墅間後步躊躇即少壯弗追也又曰翁蚤有聲郡博連七試弗偶迺就今封平生論著次第成帙而識者猶以不克究諸設施為翁憾而翁自視歉然躬行抑畏蓋八十年如一日云實曰吾積行者必有嘉貺往牒所稱不可誣已王氏于公之事公獨不聞之乎二郎必做植槐于庭陰德高門克昌厥後若執券責償物罔不獲翁積學砥行含章韞美天不盈其躬而以貽諸其子孫伯氏及公繼魏科枻奏賦南宮金聲玉振其諸彬彬踵出者既熾且昌是槐植自翁茂達奕葉而公復以宣朗慷慨之材施練達平明之政聞往者司牧劇郡歲出大水不為災繼司憲外臺折梗植孱持法不撓凡冤獄久滯而勢難直還者就公多所平反及今江防之間萑苻靖肅賈舶容棹晏然中流無復昔歲剝掠殺溺之患三衛

閩廣江南之衆賴公全活者其麗不億其視定國平法陰德所及者孰為少多凡此蚩蚩之氓其愛戴根衷而頌禱無以自達者莫不籲天頂禮願公尊人黃耇俾公得久於其位而又祝其子孫綿公世澤以永庥吾儕公門之新當自茲始詩曰三壽作朋如岡如陵言壽之者衆也又曰其德不爽壽考不忘言其有所本也矧王氏之貽翁既獲承於先則于公之報信其不奕於後他日茫湖望姓真當與王子並傳而翁且壽諸世世其諸強履健飯形神屹屹者百年之壽又不足言矣然則翁之食厚報而迓天休者寧有窮已哉中丞公肅然起退然不敢當然視其色喜若深契余言者於是鄉進士劉以升周文中等聞之僉來謂曰仕階輩於子敬為同年於翁有子姓之誼焉願未有以祝也請以是惠假之可乎余曰諾劉子乃載詞于帛明日二子遂行

代贈少府秦時信先生受獎序

余既闢仕學齋日得與諸君子論學暇時或取古今人品而權衡之患不知人也文溪陶子一日謂余曰今之從政者飾文物之華而或病於斷習簿書故事而遑遑少文是故才易遘也通為難庶是者其友豐丞秦君乎余異而訊之馬子盱石曰信簡而辨柔而不闢予邑人也知之張谷泉亦曰家君嘗譽其詩矣余由是心私賞慕焉君間以事抵郡城辱過余即接其人溫溫可親談久不作世俗語其能詩者歟去年夏以能兌受獎寅丈覃湖子序焉大約言茲郡督賦之難而君率先諸邑民無囂聲其知政者歟余既信谷泉又信盱石而陶子之言驗矣君誠才而通者即述六職以輔其令若發蒙振落政是用光而奚難於賦耶即移之以臨他地舉簞錯糾劇而順應之若出塵干將施無弗利而奚負於丞耶惟才悅人惟通周滯于用君積資累積信友獲上以致聲華若用兵之道先聲後實莫可抗禦由郡司以達院部會見君之升也奚

豐之邑足滯也耶持是說以附三子用廣知人之學非敢私謂君也今年正月當道再序督賦勤獎君爲諸邑最邑庠博士介士友數輩徵余文以頌君悉其辭與三子之言若合券然余不獲辭因強顏書之俾人知覃湖之言足信且信陶文溪氏之无私其友也

贈大邦伯徐侯恕軒公臺獎叙

余善學憲臨海王子蓋亟稱建昌徐侯云侯嘗推柳州展采錯事與學移風如新劉賢良祠雕

崇實堂集

卷之十

十一

所遺文尤著王時守西粵學政也侯尋擢貳吾郡余時在制家居得侯治行為詳侯性府媚潔韻字洞朗推人情以賦政便習俗而不擾四民摠至訟獄殷集侯剖決如涿運筆飛動頃刻顯赫曰墀已空乎隸對曰空乃退食如是者率以爲常至境內利病舉無遺慮立見罷行吏奉約惟謹府中晏然無事訟庭人散墀魚出沼飛鳥下啄案墨余甚慶邦人得賢侯而臨海子之賞鑒可嘉已及釋服北上數過盱江獲遂親瞻傾

企逾切侯觴余章山諸處古寺停雲長江浸月遲夷徬徨取緬曠瀑一石之後促席合尊究風詩之致遡廣成之旨喟噓闢霄劇談千古白雲霏空虛舟汎波忘康成之腰帶鑒子玉之鬚眉乃知侯趣調溢發駭絕電之姿積培風之力政有根苗神無碍滯蓋知以道術理人非察察者既而御史徐公林公嘉侯治績檄郡邑旌獎南城張丞汝昌知余爲侯所與則走吏百里乞言爲壽余謝病歸守閭井而侯詩簡道錄問遺不

崇實堂集

卷之十

十二

愿方圖撰優發侍侯麻姑萬壽笑蓉之巔追尋前盟叩玄探秘抽鑰啓關而病未遑乃不謙叙叙曰夫學非致一政勘通方學宦之才詎不難哉古志稱法家之涿錯意施巧而闇於玄慮儒家之涿屬文著述而滯於幹運是故奚仲不能爲逢蒙局于巧也造父不能爲伯樂專其技也此守官者難也乃網羅高懸文法繩責守且局促若轅下駒司理視守難易可知也別駕視守難易可知也宋士穰蔡之論於今烈矣此守官

者難也矣以淵映川至之才刑政詩書之具在
司理則司理宜在別駕則別駕宜破無堅鋒遊
有餘地竊謂得之廣成之旨為多夫廣成之旨
游意於無窮之次事心於自然之塗其無害乎
其天矣無害乎其天則知精知精則知神知神
之謂得一凡彼萬物得一後成故得一則耳聰
目明鼻臭口敏三百六十節通利明豁矣得一
則不言而信不謀而合不慮而得通際天地包
裹宇宙在盤錯而不撓處絲縲而不亂矣漢人

崇實堂集

卷之十

十三

曰通於一萬事畢宋庖丁之解牛批卻導窾刀
刃十九年而發若新鋼精一乎牛也養由基之
射石沒羽精一乎矢也吾聞侯琴幌朝開書堂
晚清雍雍歌咏于閨閣故府所稱趙子都王稚
子尹翁歸精於吏事摘發奸伏而遁術未章謝
元奕羅君章嘯咏詩書而吏事無述此棄材為
難而侯之瑩茂聲實由其所自得者多也幸謝
休姑山靈異時綴坐七星杉下明月滿山雲來
漫樹酌泉印證嘯振豁谷侯應啞然笑曰一吾

真一吾也

賀郡守石梁王公受獎序

古今人不相及而循良政遠為之者既局於法
而論之者亦狃於常故今之稱良吏者不曰明
法習文則曰小心慎密置是而他致一喙則程
度或失焉噫使吏事而果盡是也而何古人之
治之不復見也蓋不狃於習而唯吾道之行不
取必於上而取便於民不拘拘於守法而從容
於法度之中此古人豁達之政其不多見於後

崇實堂集

卷之十

十四

世也固宜歲乙未 聖天子簡錄郡伯於是拔
朝臣資望者看而人我石梁王公遂有建昌之
命既至即案吏之不法及民之悍驚為梗者凡
幾人境內肅然以治繼乃弛煩禁披宿蠹節省
無名裕力阜財大施惠政復闢書院以造諸士
興學右文物采於斯為盛而凡利害是非不啻
飄風游鹿一無所動於其中常有所關白吏輒
抱成案以請曰此條例不可易也公悉却之唯
其利民而無病於法者是行故監司而下時或

有所異同公且抗辭直色必行已志不少貶以
徇始而忤中而疑終復渙然卒合于一於是四
封之民咸有所賴以為安而有志之士亦爭自
濯磨卓然知所嚮慕自夫人之妄擬於公者不
曰明習則曰詳慎萬貴伏讀草笈作而嘆曰惡
知公哉惡知公哉夫奸慝去則其刑清惠愛深
則其民乂文系章則其士勸古入之道不當如
是耶而又持之以不動之心充之以剛大之氣
行之以圓融通變之權不三月而政成暮年而
崇實堂集 卷之十 十五
俗化凡以是而已矣故常羨慕古道之再見竊
亦自附以為是或足以知公也今年正月巡按
陳公獎檄聿來推崇特至其褒贊之詞直以為
迨程度而進古人用是知藻鑑權衡達人自有
明識而禁於此亦能窺一斑於管中也夫嬖阿
渙忍不失尺寸者是誠有司之程度而其不怵
不撓不沿不襲不亢不隨外若示朴而治道益
光譬之治水先其錯者而理之是非古人不能
也然則僇促緣飾之深牽文拘俗之論亦何足

以少多於公哉昔潁川治行第一而其頌於漢
史者不過曰政尚寬和而已而卒徵為太師魏
公建格天之業而其未相也亦自一郡始古人
之求或者其在是與是又我公異日道也敢預
卜之萬實賤辱乃爾何敢與知有位高明之設
唯賢侯下士古道則然而執贊以相見亦古人
之所不廢者也故以是先焉

贈陸侯思山先生受獎序

崇實堂集 卷之十 十六
歲戊辰建郡推缺銓部慎簡所昇迺擢德化學
諭江夏陸侯來任其職測冢宰之意以明刑所
以弼教侯教有成績矣其於刑也庶其明之故
擢侯遂以是歲六月蒞吾郡至則立章程嚴繩
檢搜滌域蠹老吏縮首相戒未旬日司理宿弊
弊革殆盡凡治獄兩造列庭下俾人人得畢其
詞侯折以數語輒動中幽隱則人人又咸詞屈
不得畢又旬日郡獄稱理肅然改觀四封士民
頌陸侯者出一口曰詳而辨明而立斷何神明
也侯聞之歆然不滿曰古之司刑者僅若是焉

已哉間語人曰刑者成也一成而不可變聖人
蓋盡心焉盡心者審慎之謂也後之治獄者異
於是匪枉則縱匪濫則刻奚其審奚其慎若任
情徇物一切解弛以邀寬厚之名吾不敢也深
文慘礪逞獻朴設機穽以刼制辱愚因以獵能
名逃吏責吾不忍也吾惟盡吾心焉耳矣頃何
有哉再閱月巡察侍御馬公移檄藩岳獎戾為
郡理取其褒詞大約協諸士民而協而尤推本
江漢之教攝邑之薰若與冢宰微旨默契者戾
崇賢堂集 卷之十 十七
承之亦歛然不滿曰吾求盡吾心以稱吾職焉
耳矣冀何有哉李子屏伏田間金令君過余具
述以告李子作而異曰陸侯其行古之道與令
君曰古道何居李子曰古之治獄者悉吾審慎
之心以致之於聽斷平反之間惻怛懇到若惻
瘝厥躬而不計下之頌與否也業其官則思殫
其職而不計上之獎與否也是之謂盡實嘗觀
虞書紀載寇攘奸宄刑期于無五品不遜敷教
在寬罔違道以干譽罔弗百姓以從欲堯舜之

實際蓋如此西漢去古未遠若張季忤旨持犯
繆之獄干曼倩去就爭孝婦之寃此意猶存下
此則巧詆如湯鉗鉞如吉株連蔓引時復窺意
尚以為轉移稍著能名則沾沾自溢此韓子所
謂一常人譽之自以為有餘者是之謂徇名其
去古道遠絕矣陸侯以敷教邑庠者而施之於
郡理審慎若此果斷明允若此蒞官僅數月而
頌於下獎於上又若此自恒流視之踔絕絢絕
頗足自多而侯顧歛然不滿謙抑避讓若將浼
去
崇賢堂集 卷之十 十八
已自非實盡其心敦篤古道能爾耶繼自今實
政益脩實心益盡侯惟曰不敢則民亦不敢欺
侯惟曰不忍則民自不忍欺異日建園空虛使
民無訟直髣髴虞典所稱則不求名而古今之
名歸之雖張于不屑方駕矣矧區區頌獎曾足
為侯少多哉令君喜曰子真能知侯之心請具
錄之以為侯獻可乎余曰唯唯遂命筆吏登籍
而去

賀二府少白鄭公受獎序

實少學為詩得聞人鄭少谷詩讀之愛其沉著
清亮音節不凡而忠誠憂憤之旨溫然溢於詞
表故暇則必讀行則必隨雖未一識其面而神
交獨慕之私未始不往來于閩而與之賡迭焉
者自是知詩興於閩盛於鄭竊常自計曰安
得一接若而人者以申疇風之慕乎迺歲丁亥
我師西巖先生來守建昌首倣古先之治而興
舉之不數月民用丕變而俗益賴以不擾實又
自慶曰其庶幾循良之後見也然則鄭之多賢

樂賢堂集

卷之十

十九

詩顧足以盡之耶越明季先生合五校之士而
群試之實齒望最出諸子下乃首辱甄拔日進
諸几杖以得聞所未聞而風懷取取用是自慰
今年六月少白鄭侯復以閩賢來貳吾郡實時
應省試班諸生晉侯門下瞻望清標飛洒物表
塵塵數語則直中肯綮一無蓋底實退而嘖嘖
者久之省寓凡越月鄉人輩踵來必談公之善
治嚴於糾吏而惠以濟民群豪屏戢莫敢正視
旬月之間境內翕然咸協于理實曰循若茲其

所謂西巖之政者與一日過友人出示少白詩
曰公詩也實且讀且喜颯颯乎有大雅之遺俯
貌元白馳驟李杜郊島以下益不足道實曰美
若茲其所謂少谷之詩者與比領薦以歸乃得
執贄以相從日聆緒論而公亦不以無似攢納
諸可進於凡交親鄉址歷歷相示因知少谷於
公為同窓公於西巖為聯姪而八閩首郡則又
為公之錦里也實亦自慶巖翁之後見谷子之
躬逢合詩與政而萃於公之一人而其遇亦罕

樂賢堂集

卷之十

二十

矣疇風之慕於是其有合也乎抑又聞之公始
以京朝官分憲海南寇盜充斥公日賦詩為文
而群盜自息繼謫居富川詩益日富而政日益
有聲若是則建不足為矣而循良之規明條之
政特假此為之兆耳實素不能詩而誤辱於公
竊自負為知己持是說以自許而亦未敢聞于
人也不越月大中丞與湖秦公檄獎諸郡而公
以蒞政方新首獲循良之褒於是人咸服秦公
之知政慶公兆之足行而實亦自幸擬議之偶

中矣獎且行邑大夫王君謂實曰子盍文之實以辱知最深故不敢以卑卑之說瀆公也而直道其契慕之私焉耳

太府雙橋凌公受獎序

昔韓愈氏謂崔復州有刺史之榮而無其難為者蓋以崔實賢者為之連帥者又得于公賢足以知崔而信任之故能展志意流聲實無窮也余讀其文未嘗不慶崔之遇而因知上下臨事同則孚異則撓誠有如韓子所云吾郡古稱和

樂實堂集

卷之十

廿二

平之地志載比屋絃誦人物秀特為江南炳靈諸郡治莫能先往猶及之比歲閩粵竊發劇寇深入吾境虔劉特甚于時專以臨轄之司增置帥閫之員度支徭費奚啻數倍于前賦益重而民產無粥肢邑困敝本根亦岌岌垂墊瘁治之急則民益湫底緩則日就罷闌由是司守牧者不曰民頑梗吾治則曰上之人不吾信也牽制堙鬱獨當其難諸可為刺史榮者沮然失矣豈今昔之民俗不相逮至此哉或治之者未盡其

道而上下之感孚未至也盍亦反而求之錢塘雙橋凌公負奇養望為比部郎有聲比擢守茲土至則喟然思曰仕不擇時惟其材治不易民惟其政建昌何有於我哉於是祇八命準六條本之以明敏精詳之識施之以還定安集之方如醫之治病急先其標其難其慎不吐不茹膏兩吾土而襦袴吾民者曾未朞月賢聲已籍乎上下矣先是中丞柏泉胡公旌書亟下居無何巡院少淇陳公獎禮復加如頃鳴篴應彼倡此

樂實堂集

卷之十

廿二

和是知公者不後其久而信公者獨觀其溪也公之賢誠過復州遠甚乃胡公既揚於初而陳公又續其響則連帥之知而信者又非特一于公比矣上下交而其志同將於是乎在即吾郡雖屬時艱在公誠無難為而二千石之光榮亦不足為公侈談也記曰力田不如逢年善仕不如遇合公誠遇合者哉由是操之以有恒之心敷之以無倦之政治之効者日益光而聲之深者日益遠公於仕路如駕八駿以馳康莊將無

往而非亨衢矣由一郡而推之天下咸沛然應之而無一杆格齟齬以當吾前則不求知而人皆知不必信而人無不信今日之獎達為公張本之地耳赫奕光融又豈特刺史之榮已哉雖然致是者有本有原子與子論獲上治民而推本於順親公純孝天性事太夫人備極怡愉其孺慕惻怛之衷蓋舉天下貴重之物無以易其一日之養者然則守郡未幾而見信於觀風者殆非偶然之故矣獎禮行同寅貳守鞠矣圖致

崇賢堂集

卷之十

廿一

贈明府鶴吾招公膺獎序

往余持憲東粵詢境內士狀時鶴吾招公業領賢書粵多賢士然經明行脩咸推先鶴吾余欣然嘉樂則時時嚮慕之廼公竟詘一第署臨川學職身範德程傑然自樹士烝烝目馳丕變余

聞之喜曰賢者之教如此哉會南豐令缺當塗者憫斯邑兵荒周察請得賢令拊循調牧之銓曹擇堪令南豐者無若臨川學諭善遂擢公為南豐至則去煩苛節浮費屏逐併優敦崇約素務與民休息凡村氓詣縣必令之造膝語諄諄若家人諮其有無疾苦甚悉煦然惟恐弗獲尤折節以下士夫訓迪諸生無異臨汝其措注大抵以不失人心為本而以勤慎寬簡行之四境之內塗歌里咏咸謂得令公何晚余益喜曰賢者之政有如此哉屬部使者催租束急僚屬皇皇恐後期獲戾公憫然改容曰此邦名豐迺今不豐矣余睹茲閭閻潤外槁中蓋民俗不善末富家率仰賴耕穫值歲比不稔兵荒因仍富者僅僅朝夕田氓弛鉅艾內租罷即墜墜聞號嗟聲余父母也忍棘科之哉昔人有催科政拙署下下者余竊慕効之即以此失宦譽無悔憾民當輸租者知令公德意如此咸相戒曰吾儕小人敢以歲入之常重貽父母戚哉於是乎爭先

崇賢堂集

卷之十

廿四

輸內輦運舟浮粟不絕計南浦之允竟無有
先南豐者督運戶曹張公移檄所司獎公為諸
邑最民聞之愈益忭躍咸思所以為公慶其僚
屬黃君潘君因致百姓之意乞言於余余知公
寂淡誼不容讓乃謂二君曰人恒言古今人不
相遠豈定論哉漢書稱倪寬為治推誠與下不
求名聲收租稅時裁濶狹與民相假貸後以負
租課殿民聞當免皆恐失之牛車擔負繼屬輸
租課更以迄今公置科條弛鞭朴自比陽城耳
崇實堂集 卷之十 廿五

何余曰今惟戚民民胥戴令茲上下熙洽之情
匪政善曷以致之是則可書也書之而去

賀邑侯中台周公榮獎序

儒者談政必曰獲上可以治民二者事若相因
而勢常相反蓋務操切之用者多揮霍之聲然
希伺工而牧養忽民日病而怨生惡乎治惇朴
茂之實者流及民之澤然逢迎簡而抵牾多上
日猜而謗生惡乎獲太史氏曰其政悶悶其民
淳淳其政烈烈其民缺缺西漢循吏最著然自
文翁而下率多悶悶之政一時之民蒙被休澤
任則父母之去則尸祝之而當塗延譽推揚令
聞上徹或增秩賜金或內召或爵至通侯何其
盛也所謂獲上治民者蓋如此近世言政之家
取具於文樂給於口以鉤箝為神用以束濕為
威名於是速化之術與詭衷之議售政烈烈而
宦不達者未之有也即有脩悶悶之政務惇惇
之施而能變知於上鮮矣况望其推揚薦引以
近殊渥乎間有之必其精神意氣之感乎有出

於臨轄文法之外者吁吾見亦罕矣臨海中台
周侯先令粵之高連甚得其民嘉聞休暢丁丑
之夏以服闋補令吾邑邑俗故愿近稍染浮澆
不令之民輒睥睨咨睢觀望新令張弛為進退
侯以文學緣飾吏治政務根抵事尚体要肯獨
因性牖民之條惻怛懇至良民翕然嚮往允愿
漸亦消沮他如勸農造士刻示章程種種往措
期臻實効自是囂囂革慮澆俗改觀尤不邀能
名不急近績不倚刑以為威不恃察以為明不

崇實堂集

卷之十

七

煦姬洪忍以為寬恤真日計不足月計有餘古
所謂惻惻惻悶之政者于侯見之然侯性簡類
之不善承迎難期會簿書有司一切應文之具
不屑汲汲焉不肯束帶見督郵如涓明故事亦
遑遑有之以故羣小不悅謔口俟隙士大夫咸
為侯慮侯持之愈確屹然不變一日撫院印川
潘公擢官交代移檄所司寵侯於羣有司之間
曰此循良之吏也禮幣優崇燁然稱慶然後
言熄與望慰而侯亦得安位行志蓋侯作宰有

古意而潘公又好古率屬誠以意氣相孚咸非
形勢文法之所能限格者侯與中丞公之相遭
可謂希濶之遇矣追憶去冬得吾友敬所王公
書道侯之賢稱引不置有曰戚屬中台周子心
純而行端賀兄得賢大夫也今潘公聚詞則曰
性資純謹材識老成與敬所之言若合符交秀
乃知豪傑之士許與不輕品隲畧同矣雖信古
韜光亦何患無知己哉他日殊渥之逢行且次
第及之獎行有日丞尉凌君周君問言於余余

崇實堂集

卷之十

十八

方喜古道之後見慶侯之遇合而又幸吾儒獲
上治民之言之不誣矣迺序次其說屬之二君
為侯贈

車侯春涵先生榮獎序

今之為令者莫重於甲科自瓊林罷宴釋褐而
來也舍翰苑部寺同進之侶而俛首丞簿朱墨
之間非故摧折之也蓋將使之服習乎勤勤細
碎之務而檢約於体勢規格之中磨礪動忍堅
智熟仁以為他日大受之地嗣是而召為臺諫

又進而為卿貳清要之階鉤衡之秩胥由此其
選顧不重歟然甲科之居是職上之人責成獨
備下之人仰望允弼趨承稍後則以為立異唯
睹循謹則以為亡奇如此者難好惡不一常患
迎合之難周禮際或疎常恐諱間之易入如此
者難刻最難調者百姓之口至不易整頓者久
弛之法邑務之弛莫鉅於逋租虛稅二端民不
省事以為吾侯甲科也租可以緩征田可以免
丈不知額派乃經費之所自出匪嚴期則逋不

崇賢集

卷之十

廿九

可催嚴則生怨清田乃 朝旨之所督臨匪密
法則弊不可刷密則生怨如此者難求其不失
其重而克舉其難者甲科之令於吾侯春涵車
公見之公少負奇氣剛決明敏居常城府不設
精誠畢露其施於有政索已以立本明作以應
務不倚刑辟為威不事鉤鋒為察而百里之狀
情隱弊昭然如在目睫蓋用其求瘼去蠹之誠
以運籌畫立事功故能動中機宜取信於上非
泛然粉飾區區補塞者之可同日語也間嘗得

崇賢集

卷之十

三十

之田叟謂公之履畝值殊暑方熾跋涉險阻崎
嶇顛頓汗流浹頰不以為病爰革而舍索餽而
食靡朝靡夕不以為苦由是當路咸嘉其勤有
實心任事之褒諸所臨轄悉融乖隔為和同反
背馳為推挽而無一齟齬其間民亦翕然信孚
人怨是用希是向難於上而上獲矣難於民而
民治矣特見公之治豐也怡然其閑綽沛然其
勢順凡有興革舉而措之特易易耳奚難之有
哉自今朞月而政成三載而應召陟要躋華信
步可到此公他日事也他日之重如此則今日
之不任可自觀矣余特是論將請質於公遠南
兵書潘公獎公之賢為三省有司勸丞簿彭君
陳君尉王君謁余乞言為公賀余應之曰公賢
聲彰徹撫按且會題特薦矣斯獎曷足為公少
多特以為之兆耳因叙次前說以復之俾人知
甲科之令有其重而無其難若公是也豈曰賀
之云哉

卷之十

崇質堂集卷之十一

文部

序

贈邑侯王豫吾改任豐城序

叙王篇贈黃元藪擢掌懷遠教序

贈副總戎見溪張公開府贛州序

贈郡公雙橋凌先生奏取選治序

贈蔣明府舒江先生詩序

送省吾揭子謁選之京序

崇質堂集

卷之十一目錄

一

賀石潭章舍人秩滿承恩序

贈郡博方環山先生署邑還庠序

送郡侯南江陳公入覲序

送郡侯南江陳公入覲序

送汪龍田先生棄官歸序

刻節壽荐恩錄序

讀元藪集敘述

終慕詩序

李郭凡集序

崇質堂集卷之十一

文部

序

贈邑侯王豫吾改任豐城序

晉江豫吾王侯令南豐之十月撫按以材薦得

調豐城蓋更繁之調美調也士民聞之戚離然

一詞曰侯將去我則相率詣府詣巡道挽留之

弗得又戚皇皇然若赤子在襁而奪之乳若呻

吟未瘳而醫去倏然若飲醇方適忽撤而覆其

崇質堂集

卷之十一

乙

自客有問於李子曰侯矣得爾衆心如是李子

曰侯慈母也故以慈用者恒近民近民莫如寬

寬則得衆由然哉客曰南豐豐城一也不越江

以西矣侯以理吾豐者理豐城庶矣乎李子曰

侯必不然善為政者貴通其變善用器者必隨

其時侯以仕宗碩望蚤歲蜚聲甲科蓋天下之

利器也利器莫如劍請以劍喻昔雷煥令豐城

掘鐵獲太阿焉迄今千數百年精光隱隱猶若

可觀夫劍之未掘韜鋒閱鏐鉛刀莫辨若無所

用之及其出匣而授之人也則水刺蛟麟陸斷
犀兕投之所嚮固敢狎邇君子之用器也如是
嘗觀孔子之教人每曰平易近民民必歸之又
曰居上以寬然及其為魯司寇也七日誅其亂
政大夫少正卯三月而高賈信於市男女別於
途若與其雅言相戾者此又何也夫大夫辨言
而誅不逾旬自今論之酷矣若億兆之衆而能
使之別與信者豈端拱無為而坐致之哉要必
有條教於其先而約束於其後者矣侯蒞吾豐
樂實堂集 卷之十一 二
恂恂愛民而鋒鏑韜閔人不可測無亦曰初政
之體宜爾也今則賢聲播播薦聞于 朝錚然
出匣時矣豐城隸省郡稱劇邑其賦役兵刑信
於吾豐者半而又過逢迎候之頻期會委代之
數即精強蒞之尚日不暇給使猶守平寬之訓
韜而不露閔而不發是謂倒持太阿授人以柄
曷以刺裁曷以斷割譬之膠柱而調瑟瑟必不
可得而調矣易曰君子戡器於身待時而動蓋
言鋒不可久韜鏑不可久閔也時哉時哉侯今

日之謂哉故曰以理吾豐者而理豐城侯必不
然客曰侯志於循良者也耻與俗吏伍嘗觀其
施刑也有感容其催科也曰無過亟蓋煦煦長
者也竊聞君子愛人以德而子顧欲侯易寬以
嚴乎李子曰君子異地而同體異政而同心蓋
正大公平者其體也慈祥愷悌者其心也太寬
則民慢慢則糾之以猛者其政也持侯之體存
侯之心而新侯之政如夏葛冬裘惟時所遣曷
為弗成曷用弗功循而行之即進而激揚一方
上而鎮撫列郡大而宰制天下皆是器之用也
其於豐城也何有客不能難廼侯戒行有日李
子餞之如述以語侯侯謝曰子誠愛我者哉君
子視其身如器既鬻於人劇簡勞佚惟人所置
顧用之者何如耳矧子惠我以利器又豐城舊
物也敢不拜貺遠坊里之長某百十輩擁侯之
轍不得行侯顧謂李子曰盍遂書所云云者以
解之可乎李子弗獲辭侯於是滿引數觴登車
而別

劍王篇贈黃元數擢掌懷遠教事

余嘗道姑蘓登虎丘覽鑄劍池有感於干將莫邪之事徘徊久之喟然嗟曰神物之成良不易哉蓋干將佐劍三月而不成有莫邪氏者乃斷髮剪爪鼓橐裝灰金鐵鎔濡始成劍二枚長為世寶蓋莫邪者吳越人也此其與卞和泣玉者何以異昔卞生獲荆山之璞三獻楚王而三刑其足法然出涕曰臣亡悲則玉質而石題真士而賈名是以悲也蓋不自悲而悲國是為由是

樂實集

卷之十一

四

物而推之於士則其埋玉韜劍殆有甚焉者矣彼士人者劬經術鏤藝藻勞筋瘁力寒膚皸腹竟不得一雋即遲暮一官雌伏卑散局促轅下駒蓋異足而同刑也寶劍成而不試是非卞和氏之所悲哉元數莫邪卿人也游京校為京校寶游蘓庫為蘓庫寶其采掇而鼓鑄良亦苦矣廼不獲一第僅貢于廷司訓吾豐余揖其儀觀昂藏脩整聆其譚吐洋纒疊疊有章已得其所為文若詩編貝錯金海傾泉湧以署新誠

邑事其政易簡宜民秩辨而理邇其風槩似亦

不屑雖伏局促者余雖非良工蓋不敢易視之矣竊圖抱璞風胡歲鋒斯其真哉近奉郡檄擢掌懷遠教事懷遠為中都屬邑荆山在焉元數望重劍鄉懷士久矣茲行余慶茲山之遭也噫戲世有寶燕石而薄夜光鈍湛盧而銛鉛刀者伊何人哉連城之壁熾燼炭三晝夜而色愈妍吹毛之刃經百鍊入盤錯而利器益辨蓋埋豐園而不為朽鐵服蓋車而不為病駒士之真貴也如此以之自琢以之琢器以之自鑄以之鑄人異時懷教有成元數當躍匣而出沾之沾之善價何待矧今當軸多良工國是真寶不爽毫髮豈若楚庭之閭閻哉是荆山得元數而闢曠古之秘元數因荆山而顯希世之珍荆山遭君君遭荆山哉然則莫邪之劍試卞氏可無悲矣君且行僚友及門人輩咸問贈言於余余作劍王篇

贈副總戎見溪張公開府贛州序

嘉靖歲庚辛閏廣寇麻起南豐民大困已兵困
荒困囂然莫必其命不知有生之樂也越四年
叅戎見溪張公奉 璽書節鎮茲土而民噍噓
然始甦歷歲滋久而民乃熨然復樂會南贛叅
府缺本兵廼按撫按薦剡稱公威廉勳畧長技
壯猷又核故牘公往歲守備南贛有橫塘邊田
之捷屢立奇功特陞公副總兵領其事移鎮虔
州蓋異數也邑之士民則又憮然以戚李子乃
解之曰第無戚夫南贛警腹心也湖東西四支
朱贛堂集 卷之十一 大
也南贛安撫建湖東西安古之疊折肱者懼其
耗關則亟反亟圖理其腹心察其榮衛關則宣
之耗則營之此治本之道也實嘗由贛之官嶺
南且試論贛事贛寇介閩粵柳桂之阻懸崖斗
絕峒窟盤亘鎖以絕澗環以高原猿步蹻捷自
稱天塹亡論地險即能深入陽壘而捍陰穴而
避客主勢今勞逸不同此贛事所云難也正德
中陽明王公提督虔臺始請得給旗牌便宜行
事諸所制置或雕勦或鷁持或鷁集而擊或虎

蹕而伺或用間以殲其魁或因降以撫其衆太
抵察形便携黨與中其向背乖其耳目洞悉虜
情而任人以為本當其時叅將未設也而安有
總兵然暮月之間噍噓者平反側者正數千里
之地帖然革心竟之平定逆濠者贛兵力也贛
事果難哉任贛事者難哉其後當塗者蒙成養
望將領媮婢驕蹇故所為患者若碩鼠潛伏狸
往既遠白晝復出頃歲張璉起饒平曾三起碣
石竭東南兵力旋滅旋起又不啻疇昔難已夫
朱贛堂集 卷之十一 七
當盤錯之時得一人而有餘蒙平成之後數十
人當之而不足可不長太息哉今督府石塘李
公講陽明之學而肖其真者其所措注已赫然
改觀 朝議又重公事權開府會城校陽明公
時獨籌默運大將乏人者其難易倍蓰王公營
壘故在區畫井然可按而公又舊宦之地險夷
情偽胸目習熟公懋哉往矣夫斬馘羣旗者偏
裨之能也選鋒發蹤者總鎮之任也家散萬金
身留一劍昔之名將何如哉公尚毋以橫塘諸

奇功自喜毋以廉威韜畧自多即贛事不足平
銅柱且的的然目睫矣昔田單以一邑復七十
餘城比攻狄黃金橫帶馳騁臨淄間魯連子以
為憂寓書戒之單竟克捷公遭逢 聖朝異數
才十倍單然隆隆都右臨淄馳騁時矣而實也
睠睠有年私憂過計則何敢後魯連子也爰叙
以贈之

贈郡公雙橋凌老先生奏家還治叙

集賢堂集

卷之十一

八

曰臣謹治古今籍牒天下治忽繫守令然治非
賢不章士非表不振故騏驎不與蹇罷同足而
別之則材見芳窮不與蕭艾同芳而別之則芳
遠誠準 國初故事其治行異等者特降 聖書
錫宴增秩弗逮者檄所存顯黜之斯賞不貽時
罰無隱隱郡邑幸甚 上下其議未報其後甲
子 天曉黎元勅台司澄汰諸藩臬守令比舊
加密乙丑復當郡國計殿家視昔殷殷綸綸百
倍重矣吾郡大夫凌公果以治行為諸郡家士

庶喁喁謂衮衣歸周河內借冠轉相歡欣增益
新觀喜吾召父竟以治行書家也邑令招君慶
賢善承公休謀於萬實曰今茲令制希邁矣而
吾郡公乘希邁之會報家政之課較往事章其
按二千石得舉察其屬憂賢席公憊憊得附脩
覲事又寡罪戾叨日月也不啻舉察云較它吏
屬尤章甚圖所以論述誠莫如君且君曩所條
說似為今日地也盡竟諸余愕然曰野夫安足
以知朝制然往所條說者天下事也在官言官
集賢堂集

卷之十一

九

在家言家乃今為家言蓋誠嘆吾凌郡公為尤
難焉建昌郡在江藩中下然地僻一隅不稱盤
錯民欲易足而鮮爭公稅易集而恐後異時撫
院不三五歲一至也巡院監司至撫郡檄建公
以吏事往撫見已即回轅治竟不二三歲一至
也守相晨興報衙治簿書不數刻即休偃郡齋
焚香高咏暇則集僚佐登麻姑萬壽諸峰他郡
視之咸稱卧治屬閩廣寇起建昌三邑其蹂區
也膏血遍野雞犬空百里者若干年當道始議

署巡道于南城署叅府于南豐即寇氛稍輯顧民業已坐困困寇困調發番廣兵又開府駐兵置營諸事事辟之家焉守其主也垣墉廩廩筐筍糈配絲縷蓋萊其事也餒者需餉東者需濡傷者需植一有不應違怨萌生營屯兵戎即云所司要束突如焚如誰其任之以故意意者病下碗碗者病上窘棘者兵病繼弛者民病斯蠲起而絲棼也豈非東南第一疲劇郡哉亡論前卧治坐嘯時矣凌公抗人也吳越文園錢塘樂

發奸摘伏似趙廣漢得士似吳公何者非鑿鑿漢循哉今茲東課誠非偶矣 明廷君相每親吏返治必訪民疾苦甚悉尤非漢比公固奏軍又得條論建郡民瘼曠若洞達亡漏廟堂信公溪行且惻然下寬太之令萬實偕編氓歌咏太平幸甚豈徒前有哉斯所為家言難吾郡公尤異吾郡公也 主上宵旰南北思召漢時循良擢以不次計公內補旦夕事從容帷幄密勿論思倘憶守建之難哉而建民幸矣令君起謝曰斯憂賢圖所以論述意也遂書以贈公

贈符明府舒江先生詩序

余讀漢史循吏傳稱所居民富所去見思廩廩庶幾德讓君子之遺風矍然盛矣稽其著者則文翁仁愛好教化朱仲卿廉平不苛以愛利為行然無一赫赫可喜事以要上譽以誇炫俗尚耳目當其時生有榮號沒有奉祀頌循良者至于今不衰此其故何也歲辛未舒江蔣侯令廣昌道吾邑辱枉問于水竹之居觀其人恂恂退

讓口遂遂若不能道一詞已占知有君子之德矣余心許之居數月凡士民之有事廣昌與廣昌士民之經吾里者頌蔣侯賢出一口余兩耳充塞益信頃占侯者不謬自是與人言輒曰蔣侯君子人也以其德與政知之無何侯再過我觴于草堂因訊侯治廣昌何狀乃能致頌速若此侯讓不自居徐應曰某木魯人也不習為吏今之仕者日益巧矣以趨承薄揭為材敏以逢迎結納為捷圖以鉤鉅伺察偏聽詭法為善政据撫休廢曰不畏強禦護掖奸宄曰扶植善良凡可沽名干進則畢智竭神於民之休戚無關官績者則漠然置之勿念凡此種種某亦能諳但營之於慮則慙而自沮作之於事則拙而不通故自視篆以來惟視廣昌如家視廣昌之民如子以家視故米益薪蔬節縮儉嗇日繼繼焉備其有餘而裨其不給惟恐吾家之索也以子視故欲惡痛痒舉切吾體曷飽曷迪職思其悉照煦然不忍或傷惟恐吾子之失所也某寡交拙

崇實集

卷之十一

十一

崇實集

卷之十一

十一

守既無以結上之知循謹亡奇又不能邀下之譽民不吾怨足矣尚何頌之敢希余作而嘆曰往覩君子之容繼聞君子之政今復聆君子之言已孔子曰君子之德風言感應之速也則廣昌士民之頌侯也有以哉熟侯治行朴茂微之文朱事嘿契不少爽侯曰拙守民之所由致富侯曰亡奇民之所以見思史載二吏俱舒邑人侯晚產晚故舒地也循良固有種哉然則榮名祀典他日直可持券責償矣余不文愧不能續

崇實集

卷之十一

十一

集 112-183

送省吾揭子謁選之京序

揭君省吾應銓北上邑大夫率所知者治具于文明之濱祖焉諸君以次進爵咸賴有以祝省吾者紉蘭秦侯從而倡之思源鄒侯和之諸善鳴者又和之音節可讀亦既克克然成帙矣余齒且末不能續作者之響惟省吾之不遂余嘿也因執爵而謂之曰處功名之會也時為難時之弊也資為甚我后三途彙拔恩典式新而

君之往也值先後之中破故格黜常資銓人者
將擢君以答 明詔吾見君之遭矣蘭戾曰然
安常沿故即才又罔克自遂時若茲其於遭也
何有余曰未也國之求士也豫其養也士之所
以自養者亦惟豫人之求耳矣省吾之少也尊
師以殖其學其既壯也多受以富其有其樂於
下人即余之陋劣恒不遺焉詎舍衍迤蘊藉巨
量君往矣吾見君之鳴也源戾曰然資之弗序
以序賢也養若茲揭子其庶幾乎余曰未也惟

崇慶堂集

卷之十一

十四

士有器時養次之即微僂便厲竊有令名其何
能淑王楊四子是也省吾以近道之資而濟之
以庭規之愛溫溫雅度退然若不勝衣余得而
友之真若醴之入人不覺自醉是謂爵祿之令
器誠有孚於行檢之所先者克其養際其時而
曰重寄之弗逮吾不信矣咨于諸君曰善是固
銓人者之一助也贈言各是而雜出于其括而
書之可乎于時旭日始旦惠風徐來揭君慷慨
振衣若有契余言而自許焉者進爵三爵揚帆

別去

賀石潭章舍人秩滿承 恩序

今王國典儀之設視大鴻臚其職主贊相王禮
凡國中拜進開讀三大慶賀以及朝會燕享冠
婚喪祭諸所節文悉屬職掌其視他所秩清而
任重故非知禮者不官即官弗得與實授益難
其人云南城石潭章君少遊郡博即抑抑有聲
受知 益國拔為引禮舍人未幾擢副典儀歷
官四十載先後左右不愆于度王賢勞之會

崇慶堂集

卷之十一

十五

今上惇睦九族湛恩汪濊凡王官年資可錄者
錫之 勅命君秩滿九考遂因賢王之請獲被
殊典遠君令孫太學生世芳卒業南還躬捧
以行龍光赫奕焜耀里閭綸綍寵賁華袞燁如
君亦榮矣或曰三載考績藩臣弗與故有積資
累勞顛毛種種弗得一霑休渥者非遷轉之過
淹蓋實授之不易也即使青雲在念白首興嗟
然而霄漢尚遙奎壁莫致涖涖如是豈少其人
哉今章君際明時服休命藐茲散秩榮埒庶僚

殆非常數也亦云異矣或又曰王門曳裾每食無餘言綠之薄也渠渠終日十常五失言久任之難也章君歷官九考而秉禮不懈其初月給之外未嘗乾沒以長尺寸蓋安貧而克舉其職者簡在王心其所由來者漸矣今茲之獲亦云艱哉於是世秀述以聞余曰子奚擇焉余曰於厥窮遇哉何則才不才者職也遇不遇者時也余每讀漢史賈誼枚乘傳未嘗不傷人國焉假令章君遭叔世或仕非其至則隱焉之悲出位

崇實堂集

卷之十一

十六

之戒躬自蹈之將重足坎懷救過之不暇矧能遂厥官守章章上達耶惟益國以王室懿親程憲貞度東平河間莫或與京今皇重王之賢惟言是聽此所以家丞秩賞獨先其采洪派委潤恩不遐遺也然則歷九考而不以為艱被殊典而不以為異君亦可以自慶矣世芳曰辨哉何幸今日之遇子也請歸以復于大父

贈郡博方環山先生署邑還庠序

歛古新安地邑多故閭而方氏家著即余耳目

所觀記正德中方公紀達以甲科令吾邑簡嚴節約治官如家纖纖焉唯恐一毫浮費於民顧其室則蕭然敗篋僧舍不如不數月以憂去民到于今頌而懷之者不置嘉靖間則方公遠宜采山公弘靜先後為吾省藩臬嘉猷淑聞卓犖奇偉余雖未獲趨承而訊之口碑微之薦剡固已詹賞光澤矣自是寓懷于歛而尤企注于方凡宦蒞吾境者則欣欣嚮往焉戊辰夏南豐令長缺民苦凋瘵吏緣為奸百務委頓廢甚當道

崇實堂集

卷之十一

十七

通擇羣屬可攝縣理者郡守沈公以司訓方君薦遂委重焉君再遜謝不可乃單騎馳至時方議撤營兵郭內外洶洶未帖君既軒朗精神整暇視若無事人倚為安余却掃北園旬日間矣老過余頌方君者塞兩耳曰君洞悉民隱故時無名供億一日罷免殆盡每日視事自朝至于日中晏庭空無一人乃休入事經剝折人人咸中其情退無後語及窺其庖則每食脫粟飯一盂蔬盤首蓿飧不厭坊役有憐君過苦者持

鼎肉及門不敢獻余曰愛民而潔已此舊令方公之政又曰君才通敏耳納口剖手畫目照摘發亡滯根株悉見若理所不可即權勢臨之以威亦不少徇余曰慷慨而任事此藩臬兩方公之節也君豈歛人與則余固嚮往之矣明日君訪余草堂徑造余榻款款傾吐直見底裏若定交夙昔而臭味不殊者余因詢其里第始知方令君其族祖遠宜公其諸父而采山公其季弟也余咲謂君曰鄙人企注久矣謹云三世出仕

崇實堂集

卷之十一

十八

高枕而治君之能官其有本哉再閱月君得代還庠吏民依依慕戀不能留庠生余子民極輩數十人乞余言為贈余雅嚮往君不欲辭迺謂諸友曰古稱材難匪難其他材而通者難也昔胡安定教蘄湖經義治事今齋而肄則固不能兼通矣方君以明經歲薦為學官釋士服甫一月耳即以儒試吏位非顯衙政非素習且適當擾攘之頃頽塌凋憊之餘然竟能節冗起廢鎮搖解焚會未幾月帖帖喁喁塗謠巷頌即真令

任父者無聞焉今三途並進如君他日即真得一邑而宰之假以歲月其及民當何如也君聞嘗謂余曰地未始不善人自不善地耳南豐舊以黠悍著余綿薄誠懼弗勝至則惟務推誠畢力求以近民旬月來吏民亦安若無甚齟齬者乃今則謂南豐馴且愿可也余既喜君洗吾豐悍名之辱又雅重君通材之難而歛方四賢踵愛績惠其功德吾土者真有世澤之遺又余所與懷而企注者也可無贈哉若蘄湖之身教經

崇實堂集

卷之十一

十九

事之設科則諸生自有服習而速肖之者詞無容費

送郡侯南江陳公入覲序

我國朝令典凡歲辰戌丑未月正元日肆覲天下諸司駁奔虎拜如古朝儀已而部院按籍殿宸上于天子而黜陟之典行焉其有治行超卓政績顯著者則錫宴禮部綺衣寶鈔賞賚踰等所謂君子來朝何錫予之者蓋異數云然台置守易矣率以籍易瑞敷奏既非陞陳而明

試亦罔底績按籍所載學校歲舉幾何獄訟歲決幾何戎伍歲清幾何供億歲省幾何錢穀戶口歲儲若增幾何要不過簿書期會之統括者耳而撫巡院籍監司監司籍列郡郡籍屬邑銓部縱覈而實之抑亦視是為準其他籍所不載即治平如河南循良如潁川亦姑置不問就余耳目所睹記若吾郡侯閩南江陳公其慈祥愷悌之心平易近民之政豈六事之所能盡者乎匪籍不盡載即余亦弗克盡述姑述其大且奇者南城民近有毆傷藩國人者國人憑怒以逞藤牽蔓引民惴惴不自保而賢王親密弗知也公蒞事甫匝月輒輦蹇曰惡是誰辜哉即移檄所司禁諸不逞者諸不逞者稍戢迺端肅奉啓詣國門以進於王曰殺人者死有朝廷之典在守臣不敢私也諸非殺人者其何辜王大悟下令國中一唯太守言是依益一日而民晏然云故事郡有追捕三邑人輒遣人持檄下三邑少則踵至或再三至而縣吏暨諸有事

者爭持酒食勞慰持檄人即事罔鉅而吏民告勞也公始至即與諸邑宰期凡郡務無細鉅率以郵牒行邑視牒須如期集期盡而稽者坐由是宰吏感奮事無後期迺返速於他遣人者三邑民蓋自是不識府差矣又南豐河梁近燬于火半蓋三邑孔道也名通濟云公聞之謂高令曰是亟葺之不可緩令曰歲歉帑匱奈何公曰吾儕捐俸先之以風諸士民之尚義者其可哉既而縣擇諸督工者公時時禮獎之蓋不費官資不役官力而橋且垂成過半矣是誰功與即建梁而得公之仁即遠牒而得公之易即戰慄緩懦而得公之剛且知若是者籍能盡諸否乎他如省徭役抑違迎麾聲樂凡事務近人情存大體不欲為赫赫可喜聲所謂罔違道以干百姓之譽罔拂百姓以從己之欲者公寔有焉是籍不能載徵諸民民不能言託諸士其諸超卓顯著者寧有大於是耶是歲冬孟公東裝北上將隨法從之班以朝聖天子明目達聰加

意吏治陟之典真有出於按籍之外者采茲之詩請豫為公誦之而盛世之舉應復見於今日矣余積抱耿耿欲獻於公會公僚友合川周侯會江楊侯役余致辭余素不能飾語也因補籍之未備者叙次之為公贈行序

送郡侯南江陳公入覲序

今制天下諸司凡所臨轄者惟守與令為最親守之上監司上則繡衣使者及中丞院非不臨而事轄之也然其地漸逖則其勢漸疎以隔

崇實集

卷之十一

十一

故地非衝衢邑無大故則守巡司終歲不一至焉撫巡院間二三歲不一至焉按籍而通其姓名斯可矣不必識其面也間嘗識其面矣不必盡得其人也惟守不然郡無專務責成於邑邑無直遂關白於郡故其地密邇而其勢甚牽制故事太守晨起坐廳事旅進諸令立庭下六曹之吏各抱籍以進曰某邑某獄某邑某逋某詰諸令視守色善則畢詞以對否則跼蹐喏喏而退如是者或月一至焉或旬日一至焉疾趨

府第席未溫而視邑庭則郡卒旁午矣甚者督責之過峻束縛之過嚴恩禮疎絕上下之情否隔不通而為令者惴惴終日求以寡過遠罪几猶不免焉一失其譽則監司者從而訾之繡衣使者訾之中丞院又訾之曰爾守且云爾也若是雖欲展布以效一籌可得哉然則令之於守其相須之親而相遇之難也如此故曰不獲乎上民不可得而治今之為令者亦難矣惟閩南江陳公守吾建則不然公長者也性度夷曠于恂恂於人以和而復將之以禮屬邑四南城附郭也吾同年倪伯雨為令賢公禮之敬之且復薦于諸司院曰倪子能其官者也次南豐吾令君高文明又賢公察而禮之敬之曰猶夫南城倪子也推而新城廣昌咸莫不然由是屬令感奮務自砥礪濯磨蚤夜訪事恐或怠曠以貽公羞于歸自芝城令君過予言曰應奎不類鄙朴迂愚於當世之務罕所通曉幸得屬事陳公廼辱公不鄙亮其底裏而矜其拙樸其進

而教之也若師之於弟其慰勞而安全之也若
祖父之於子孫其容與而假借之也雖接親屬
禮故舊弗是過焉使不類得以安其位而不獲
戾於民者皆公憐憫之賜也公入覲有期行
矣子盍為我一言以贈公乎予謝曰不腆之詞
奚足為公贈哉且再三則瀆矣然予於守令之
際而有感於上下之交云今之為上者率亢以
相絕而為下者率諂以相承夫以威蒞者以偽
事以術馭者以詐應雖喘息匍伏革面一時然

崇實堂集

卷之十一

廿四

退而腹誹出而怨憤左規右顧凡可以按閭隙
致聲稱者靡所不至由是期會簿書率以虛文
從事粉飾覆護莫可究竟吏弊日積而不問民
病日甚而不知而為上者亦何賴焉惟公披襟
以待令令君用情以報公上下款款誠意交孚
則實効日臻吏治日積而吾郡彬彬然循良嚮
風矣使公自是進而為監司之長則誠孚於省
又進而為部院之堂則誠孚於朝去華務根躬
行而化浮偽趨走之風或者其衰息乎記曰安

上治民莫善於禮務風易俗莫善於樂公弱冠
即以三禮首冠八閩蓋汲於禮樂者也故於其
行也重有望於斯焉

送汪龍田先生棄官歸養序

績溪龍田汪子訓豐校之六月忽心動圖歸省
明日果獲家報胡母夫人歟而傷足汪子手書
徬徨即日趣裝戒行會撫院劉公行部至郡廼
惻惻言狀公慰諭溫惻散行郡邑勉留汪子潛
然出涕曰方寸亂矣不能一朝需也遂不俟報

崇實堂集

卷之十一

廿五

而起同寅二子視之不可亟訪李生于見一軒
語留王一簪曰汪子氣醇以方色溫而中理與
人居口處處不肯舍一辭及就而叩之若傾囊
倒囷出之無竭余方幸數昕夕以溉薰摩會未
數月而遽去若飲醇方遠忽微而覆其卣情何
可堪子幸為我留李生曰有八十日之元亮有
百六十日之龍田孰謂古今人不相逮哉高哉
汪子黃元數曰汪子幼鞠繼慈頃刻未嘗去左
右茲行則毋重而宜輕似不可挽然聞太夫人

微恙旋復尚健飯逾壯齒磨在側雖無離憂其志不樂磨在京師雖有離憂其志樂此退之所以叙歐陽生也子盍以是留之或可乎李生曰高蹈者辭祿以耀世善養者立名以顯親蓋趙孟辱而曾閔貴矣榮哉汪子夫倚俸而養俸止而愛衰以官為悅官禘而惟晉汪子脫疑名利超然埃壒蓋不以簪組為華而以斑斕為麗者也子返廬則母情豫情豫則疾瘳壽日益康護樹之背真和樂而忘憂矣古人一日之養不易

崇實堂集

卷之十一

七

吹毛我哉世有絕裾以赴功名之會者或失則忍固窮以甘菽水之供者或失則陋均之未窺汪子之藩也廣南陳聘君有云此是定山寂高處江門渙父却能知愚於汪子亦云汪子歸矣高矣榮矣人言奚足以病汪子客不能難遂詮次其說以累行李

刻節壽存恩錄序

崇實堂集

卷之十一

七

陵郡公梓其母太夫人節壽存恩錄梓成授余卒業命序諸首簡余弗獲辭序曰婦節尚矣脩壽為難壽而荐被綸恩者為尤難粵稽嚳往春秋二伯四十餘年孔子書婦道全節惟魯叔姬詩三伯篇其苦節之咏亦共姜之外無聞焉夫九州廣輪數百載遐邇傳女德者迺僅若此則其所疏脫者可推也即姬姜節矣然皆不聞其享年之永當是時東周教令不達亦無望其褒典之頒然則內行希濶陰教寂寥雖生於古昔猶有不遇之憾尚論其世者固不能不太息於斯也 明興獨敦風教載令甲凡閭閻匹婦

節行卓著悉得闡白有司於是乎有輿論之公
有司上其事觀風使者核實疏聞旌表優異於
是乎有 帝制之賚藩國之賢卿郡之彥以及
海內之英又從而頌讀之咏歌之又於是乎有
君子之言然尤享有遐齡荐膺榮命再錫三錫
續續未艾若今凌母太夫人者盛哉夫人偉烈
苦行視姬姜為難其事具在錄中故不著錄製
言人人殊渠括有三夫人方青安蚤寡植五月
遺孤陷危也父母姑嫜奪之豪悍宗屬奪之益

崇實堂集

卷之十一

廿八

危家徒四壁隻影獨吊景物更變寧復知有今
日蓋如是者二十餘年故前所為篇章多述其
蒼涼酸楚之狀而其音節則促而苦比天書既
下表宅賜復是時郡公業已賢薦侍彩蓋其母
亦逾六望七康矣故中所為篇章其音節則舒
以幸及郡公成進士為郎推恩贈府君如其官
封母太安人出守吾郡則子孫四邑在朝朝重
在郡郡重夫人上荷 君恩中成夫義下成子
孝風徽所被不惟使為婦婦為母母為子子而

能使父母姑嫜之不諒者勸於慈宗黨豪悍者
勸於睦家被華衮人穆清風斯凌母之大也故
今所為篇章之富溫如照玉繁如陸露廣樂集
和於洞庭鄒律吹溫於寒谷何以稱焉詩曰其
詩孔碩其風肆好蓋信乎其碩好也迺余則以
為今制令甲詳密風動旁薄里邑女婦咸得上
聞故旌無遺差其視二經之踈脫世不其幸哉
斯錄也雖以見夫人甘苦悲樂之迹然其遭際
之幸真有出於姬姜所未逮後有陳詩觀風之
使而其世益可論矣郡公名位日隆則錄日益
廣他時館閣鉅公有徵昭代女史者或於余言
乎考之是為序

崇實堂集

卷之十一

廿九

讀元藪集敘述

元藪黃君者吳人也以隆慶戊辰奉檄來教吾
堂余獲遂良覲溫然文雅固已目迎而心許之
居無何手其所著詩若文若干篇屬余叙余時
方讀禮閣閣未有以應也至是復申前請余展
閱三日夕因盡涉其浩漾咀其膏馥廼叙而歸

之叙曰夫景山鄧林凡木不植崑丘玄圃積壤
含輝宋斤魯削鄭刀粵劍豈徒品質精良要亦
地氣使然矣東南文學吳下得其精華爰稽經
傳季札言游郁乎尚矣 明興文統弘正為盛
弘正之間李何為盛時則迪功倡構於漢魏五
徽標表於六朝譬苑囿之豫章毛羽之麟鳳王
祝都文輝映後先代有作者並驅中原何其偉
與實自總角竊窺藝林僭嘗評之詩一也騷賦
樂府歌謠行吟操律頌讚殊裁均三百篇之遺

崇實堂集

卷之十一

三十

也文一也論序記傳碑誌異撰均典謨訓誥之
遺也文浮則玉卮無當質勝猶虎豹之鞞四教
首綜於博文七篇尚友於誦讀官牆具在焉可
誣也大都神解而天動玄悟而因應幽闡襟靈
明燭倫物世代為骨色象為膚詩書而下秦漢
魏晉六朝唐宋代有品騰未暇悉數李空同有
曰漢無騷唐無賦宋無詩何氏亦曰文靡於隋
法亡於退之詩溺於陶法亡於靈運即其揮戈
樹幟獨力拔山亦森乎嚴矣嗟夫楚謠漢風便

成二體子美子固各擅一長即人靡通材代無
兼美實該博綜自昔難之今觀黃氏集中體裁
總萃風格並陳規步西京續響唐盛即單詞短
製莫匪準繩如編貝錯錦炫然奪目足稱麗富
非風土所扇月旦有評曷克臻茲曾論取斯之
言良有以也顧士衡有材多之患孫樵貽取蕭
之規蒙金以砂錮玉以礫黃童無復自勗而已
謹叙

終慕詩序

崇實堂集

卷之十一

卅一

終慕詩一冊寧化吳子大用慕其親作也大用
善詩美書法以故一時名流皆其所與哀其親
之沒也咸誄之而為之詩或大用所不及與而
與其親所不及識而識其友其有能言者重其
親與友之哀也又咸誄而詩之自同郡以及旁
郡之士大夫知吳子之可與言者誄而詩之不
靳由是冊日益增詩日益富而其親且彰彰矣
龍門先生教南豐進門人而謂之曰大用之慕
其親也至哉余姑氏歸翠華君五年而大用始

生生弱冠而母沒又十年而父歿歿且數十年
思及之輒涕下無聲嗚嗚孺子若一日然終慕
之哀其哀而成聲者乎而大用曾不以是寘其
戚戚也亡何門人曰慕哀是往而不返者親也
華嶽可摧滄溟可塞茫茫蓋壞迄無人子地者
慕寧有既耶然有校焉事有不可備獲者勢也
諉其備而責其分孝莫尚矣使大用之不類也
殘而形情而身背而誨言嬉焉狠焉縱恣焉靡
所不至即柴菴之茶泪之血五內之分崩若是

榮齋集

卷之十一

廿一

父母將慰之乎如曰慕其容也由是而膚髮之
珍慕其音也由是而遺言之刻慕其養之不可
逮也而歲祀之必脩慕其齡之不可延也而手
澤之必敬慕其榮寵之無能為凡所以永其馨
垂其休者舉為吾親致之古人舉足而不敢忘
慕斯致矣若是父母之壽壽且無疆九原有知
其有不懌者乎大用之戚尚亦可少寘矣不然
則諸有作者其為不情也亦甚而是冊之贅固
可毀也惡用是先生曰辨哉冊其括於是耶因

命門人書之門人者誰少虛李萬實也

李郭凡集序

郭凡李子既卒之逾年其子一挺輯其遺稿彙
為三種託於宗之有力者為之鋟梓殺青斯究
一日泰以視余且索一言弁諸首簡余受之法
然誼不忍辭迺敬諾而序之序曰余於郭凡之
亡也讀其詩未嘗不悲其窮且不能無惑於天
道云太史公曰天道無親恒與善人而沒悼惜
於夷齊顏淵之傳若郭凡之孝友篤至砥行立

榮齋集

卷之十一

廿三

名言若不出諸口擇地而蹈之所謂善人非耶
然積學工文辭聲稱燁燁竟不復一第還回坎
凜動觸禍機又享年不求抱辭賣志而歿天之
報施善人何如哉室同子有云勝觀數定親理
郭凡豈值其未定者耶抑才者造物所忌特奪
而還之不欲盡洩其精英耶嗚呼悲矣悲矣郭
凡為憲副石沙公冢嗣幼有異質讀書一二過
即成誦不忘博極載籍士論經史即諸子文選
丹醫佛書靡不咀涉獨舉業古樣十試不利於

有司自是亦頗厭棄畢力追古作者有馳騁藝林並驅中原之志材思敏妙傾刻百千言每即席賦詩杯酒未寒一篇輒就初若不甚經意然篇中每有奇句雖推敲竟日者卒亦無以過之詩初喜六朝後反而學杜叅透風骨足稱入室者文則一以史遷為主字摹句擬務極精到其他家雖雄暢如籀典則如歐亦不甚看目此則其所蔽也郭凡酬應之作半代言題咏滂與多不屬稿故稿亦不存是刻掇拾於散帙之中

崇質堂集

卷之十一

廿四

隨拾隨刻漫無詮次中間瑜瑕並列亦不暇選擇然一槌方恨手澤遺逸雖片言隻字必加珍惜尚忍輕擲哉其用心亦可憫矣郭凡時時過余水竹每來必飲每飲必作積久成帙余別梓而傳之併附于斯集之後庶以洩余之悲也郭凡諱良翰字伯憲初號平湖郭凡其更號云

崇質堂集卷之十一 終

崇質堂集卷之十二目錄

文部

襟著

仰德祠記

曾裕齋傳

南京戶科題名記

萬岑南掌科小影贊

封君曾翁松山先生贊

曾母易氏太宜人贊

崇質堂集

卷之十二目錄

還金傳跋

王氏宗約引語

義儲引語

賀周二守受獎帳詞

送郡侯張公入覲帳詞

贈黃先生歸田帳詞

崇質堂集卷之十二

文部

禱著

仰德祠記

觀海衛仰德祠祀溫處叅將清溪梁公公諱鳳
字世祥別號清溪先世由山東濱州以功授
揮同知官于觀海公幼善舉子業稍長遊陽明
王子之門夫王子者世之所謂大人也所從遊
皆海內賢豪人即賢豪人無不嚮意公者顧雖
崇質堂集 卷之十二

雍與名理然獨倜儻好大節每及戎政輒仲尼
論列風生電發英氣奪人以資歷視衛篆脩政
賑乏甚得衛士卒心甲午魁武薦得調松門杞
總擢江西鄱陽守脩鄱陽荆吳突戶又盜數也
公造戰艦立保甲脩城隍選練兵伍斬黃盜浦
之間盜懾不敢犯巡撫虞公特疏鄱陽守脩風
才諳異可屬大事朝論騰之聲名頓起擢金書
浙閩督脩營場軍私役釐宿弊戎政煥然改觀
燕練為吏藩臬諸司時就衡決人謂公儒將名

蓋起委署總督脩倭至則日夜繕治戰守脩脩
繕溫州昌國諸城池以倭長技刀戟預倣古卿
師旅人責諸掌器之官造佛郎機古霹靂諸火
器以長擊短諸繕脩矣會台溫福寧海寇番夷
雲然衝掠公勅所部曰前前彼衆未整可擊也
非迅無以奪人非奇無以合變所謂無微之形
無聲之神以此直趨海洋布奇奮擊賊大驚潰
一時鼓膊黑番諸夷寇俱就戮事平巡視都臺
秋厓朱公謂公勇於江漢召虎捷如雪夜擒吳
崇質堂集 卷之十二

首疏薦之名益大起其後倭奴煽禍流薄吳越
閩廣之間歛擊莫擾督府尚書梅林胡公倚公
智畫謀如湧泉勢如轉規進動有功嘗親募坑
兵數千人約束拊循皆樂愛為用姓名狀貌見
輒省記間有一二冒伍者立撻發之一軍皆驚
選署獲松總兵平海寧寇再平崑山寇斬賊無
筭盡獲虜艘鎧仗由是吳越閩廣名帥爭言梁
清溪而先後督府王公胡公益累累薦薦劍矣
尋進溫處叅將蓋借公當賊之衝倭奴寇台州

公且病當路檄公卧護諸軍駐杭州靈芝僧舍指授今叅戎君守愚進逼賊輒敗跡隨去會撫按疏公補浙直諸路總兵乃公竟病弗起矣前後闔鎮若干年資糧悉取享士家無留財卒之日將校發篋惟敕衣若干襲圖書數卷而已督府胡公自為文以奠哭甚哀曰天乎乃奪吾東南老將士大夫無老壯皆哭衛士百姓痛公不置爭走畚土伐木治祠衛西塑像祀公父老又哭曰公治兵嚴然撫我衛人煦煦如兒子蓋愛

崇禎集

卷之十二

三

克厥威者祠名仰德庶稱哉往余持憲浙東視師海上諮求所謂名將庶幾古傳記僅僅不一二蓋熟公行事如此其後若干年公子叅戎君建牙南豐相雅善一日持予衣泣曰先將軍事幸公熟悉今又幸無罪得秩祠于鄉衛敢斷一言為先將軍重已再拜又曰先將軍文儒矣竟誅武弁才氣蓋世矣顧雍雍不忘俎豆少嘗以身乞代王父浪峰府君死所今異貴產推讓李弔門內雍肅無間言蓋操行如此不肖竟倪倪

不以章顯罪也幸公筆而聞之言已伏地淚淫淫下不收嗟夫世嘗謂古今人不相遠按公廉愛儒雅即鄧伯苗祭弟孫殆事事合也所謂庶幾傳記者非典禮有功烈於民則祀之公之平海當平倭夷霍然烈烈而孝友雍肅為鄉楷式斯其得於陽明子綏矣宜鄉人德而仰之所為祀也漢諸葛武侯內行淳備軍無私蓄百姓所在立祠至親愛其子凡有善事必歸美於瞻曰皆我葛侯所為每嘆武侯得民之深而斯民之

崇禎集

卷之十二

四

忠厚真有三代之風矣今觀觀海之德公其與蜀人何異而公子叅戎君世德象賢勲名方起視瞻不啻過之余既嘉古道之復見而尤厚望於公子也是為記

曾裕齋傳

漢史傳獨行稱孔子云與其不得中行必也狂狷豈不以狂者進取狷者有所不為雖非通德其風孰有足懷者余求之當世寔鮮其儔追惟疇曩吾鄉得一人焉庶幾逼近懇後生無述作

曾裕齋傳

曾裕齋名猷字獻嘉世賢鄉人曾故衣冠著姓而裕齋幼孤窘甚事祖母黃即能承菽水之歡靡不竭盡稍長補邑博弟子尋試優等補廩醫學李公夢暘田公汝耕郡守曾公璵俱海內宗匠咸見賞識蓋裕齋為文不合尺度而蒼然古樣自成一家非好古者弗之錄也然其志意高遠薄舉業而不屑為讀書由學庸語孟以及六經悉探賾索隱務究其極平居擇地而蹈擇人

崇賢堂集

卷之十二

五

而交言行必信必果一切世情毀譽冥然不顧每欲自食其力貧無田可耕乃攻苦節飡屋旁蒔蔬數畦以給朝夕雖藜藿屢空緼袍百結處之晏如不動纖介視世之芬華醴澤非徒不入於心閉目塞耳若將浼已至於辭受一節尤極嚴峻壬午大比選赴秋試有司例給路費二金裕齋不欲往以贐金非所當得歸之有司不可親學官邸沂像碑斷仆買石鐫文豎而新之其不苟取類如此學務躬行不求人知聞四方書院

講學甚盛輒舉感曰自家無實得徒終日聚談高自標致卒做成口打鐸舌打鼓的漢子故聞然日章上下教信里中有為不善者必私語人曰勿使獻嘉知之人或擬之王彥方撫臺陳公洪謨督學邵公銳周公廣咸高其行誼移檄禮獎人以為榮裕齋了無喜色歲辛卯沙汰例行諸生限年議黜裕齋故不隱年時年四十三師友為減其籍裕齋不可曰窮達命也心可欺乎竟以實報既而督學者閱其文簡古又覆其年

崇賢堂集

卷之十二

六

籍疑六十翁也遂從黜例比發卷熟視尚壯齒尋有悔意然案行無可柰何矣乃復之衣巾以優異之有司師友咸為不平裕齋亦了無愠色既謝諸生籍作意遠遊聞增城湛甘泉理學為士類所宗湛時為禮部侍郎乃携所著大學各問天圖說累糧數千里投謁之湛不甚省覽一再見語次不合遂拂袖而歸歸則刊落枝葉益故本踐實究心高明晚樂龍池山水乃鑿石結茆閉戶誦讀人罕窺其際常題石壁云舉世紛

終脂粉流朱唇瑩臉更何求果然題句成粗陋
墨水成池筆底丘可以觀其蘊矣裕齋寒不衣
絮交親留款食不兼味或多品羅列即投筯而
起性若孤介然坦易可親聞人一善即喜動顏
色逢人稱之不吝口泉中或有談人之過則直
視掩耳親知有急慷慨赴義每有少陵廣厦萬
間之志限於力弗逮也嘉靖甲辰邑大疫裕齋
適時疾聞友人李大經病甚猶與疾三里躬候
之間日一往往返再四李病瘳而裕齋疾篤不
樂齋堂集 卷之十二 七

可作矣率之前夕猶與子婿吳生純談命笑語
自若至棺衾不備無一語經營既絕衣不成飲
棺取老僕自製者蓋之時十月二十日也距生
之年五十有六子何忤何忌
論曰裕齋甘貧如黔婁達時絕俗如范史雲硜
硜自信其學如告不害至其行不愧影山不愧
衾之操雖一時談學名家者或未之逮也又曰
振衣千仞岡濯足萬里流裕齋有之

南京戶科題名記

南京六科舊有題名石二在估計廳燕署之所
迺正德癸酉歲給事中毛君用成華所樹者其
姓名分列則豐太史所謂張翊而上皆朝夕
黼衣凌晏如吏科而下則北望 天表者是也
顧是廳非公會不一至而燕署深入窳僚非留
神嚮往即會已散去亦不暇摩挲兩石而周覽
之故官于是者屈指前人不能一二湮沒之感
寧不惕然於是迺商于同寅諸君各揭扁于直
廬之楣款登姓名貫履其下以便覽觀凡未分
科者統列于前既分者則類次于後其不知者
闕焉自科係南京則五省獨員戶倍其數蓋人
益少而歲月漸近又加詳矣庶嗣是而至者可
即席而知云分六科之歲洪武二十四年增南
京裁庶員則永樂十有八年南豐一吾子李萬
貫識

萬岑南掌科小影贊

肅然之貌脩然之身凝然之表炯然之神巖崖
哭瓦山嶽嶙峋我冠博帶正笏垂紳望之儼若

而即之可親人固知為萬君之真然其不亢不隨之節無益無伏之情有原有本之學可舒可卷之行循良之偉績獻納之隆名軫痼瘼之懷則憂形于眉目切憤俗之志則氣衝乎冠纓是工於模擬者僅得其彷彿非精於監別者又烏能得其儀刑也乎

封君曾翁松山先生贊 有序

嘉靖丁酉實與泰和曾思極氏同舉于鄉明年落第南還得拜厥翁松山先生於清源舟次貌

崇實堂集

卷之十二

九

肅而氣和議論井井依名教不問而知其為篤行君子也無何散去又數年前以思極責得誥封工部營繕郎中自他人視之榮顯矣而翁泊然雅飭不改其素翁治易兼通他經生徒經指授者咸有成法年逾七袞猶手帙終日不忍釋卷古朴勤勤得之天性貴不能移雖老不衰其造詣堅定有如此曩寓京師嘗寄翁詩曰徠處士孫明復白首傳經淑後生詩成託思極致之屈指流光忽逾廿載思極且方鎮八閩建

節在即翁之純嘏知昌熾未艾也杉閩使至出思極手書以翁像贊屬余余以通家子不得辭贊曰

絳帳橫開經傳朋來成德達材為孫徂徠雲亭之陽德義章章行脩于鄉為王彥方植槐陰濃種桂成叢不羸其躬貽其後以豐是為松山公典

曾母易氏太宜人贊 有序

閩藩左使同年曾思極氏絃寄母易太宜人墓

崇實堂集

卷之十二

十

銘示余且屬余贊辭銘有誌楊吏部虛卿筆也誌不溢美銘無蔓言而內則閭閻教整整悉備宜人之賢益章余典思極友每服其文而不浮舒而有制雖年少氣豪而憂隱思遠若備嘗辛勤者以為賢父之教使然及今乃知獲氏二子琢成之者不獨明允也敬為之贊贊曰

溫溫宜人秉茲陰德閭閻率度內教是則作配松山劬書朝夕得免內顧繫誰之力斷織和熊是訓是式凜若官箴悵悵砭石 龍光寵賁輝

煌珠翟何物老嫗仰之喘息令妻賢母屈指凡
幾揆古進今庶幾媿美位望日隆嘉哉令子惟
本所繇是謂不死

還金傳跋

內翰葉某氏授余還金傳余讀卒業曰嗟乎取
予亦大矣彼強顏千乘動色豆羹豈非忽於微
哉攫金於市旁若無人忽之極也一介不取彼
何人斯觀於斯者可以自勵矣乎夫無所求而
遇無所為而歸女而士也信可傳矣昔孔子相
魯三月而道不拾遺使人盡母也孔子之治庶
幾其復見乎

王氏宗約引語

南城國子生王子之臣奉諸父木簣伯兄選源
命走百里訪余墜次手一帙授余肅而進曰是
為宗祠規訓願有以教之庶宗人奉以周旋永
永也余受以卒閱大約整飭之條遇密雍睦之
意浸微乃略為詮次刪其煩複潤所未備唯務
不拂人情期於可久若時宜俗節雖未能一一

如禮者則悉仍其舊括而命之曰王氏宗約帙
成亟為之言曰惟禮可以亢宗惟讓可以明禮
壕塋之王屹然鉅姓矣即余所睹記財雄于鄉
甲第相望章縫冠蓋之士蓋彬彬然盛也然凡
非約菴公之所自出乎使無禮以維之而各心
其心則多財滋競高門增誇即衣冠濟濟將不
免途人視之則姓雖同而情弗洽若是而謂之
鉅可乎此王氏之父兄宗祠之所為汲汲者也
夫合宗者非無禮文之患無敬讓以守禮之難
王氏自約菴公凡十二世子孫衆多歷世未已
使非合敬盡讓言念爾祖以無忝先德則或以
材智逞或以傲狠勝甚者位高金多蔑視父老
則宗祠之禮祇為文具亦難乎其久矣蘓子曰
跖人其初兄弟也兄弟其初一人之身也為王
氏之後者使咸知約菴公一人之所自出則痛
癢欣戚世世同之尊尊卑卑長長幼幼秩如叙
如匪由外飾又豈有不敬讓以明禮者哉繼自
今稱於他邑他郡曰壕塋王氏守禮之宗也則

歸然靈光無與為並尤莫大焉詩曰子子孫孫勿替引之言有禮也為王氏之後者其尚鑒于茲

義儲引記

昔橫渠先生晚慨用之未究欲與學者買田一方立飲法廣儲蓄採蓄恤愚厚本抑末以成禮俗雖未逮敷施而所志益遠矣諸友今日義儲之舉得無有意於是乎然有次第焉夫惟欽法立而後儲蓄廣儲蓄廣而後採恤裕然非厚本

崇慶集

卷之十二

十三

抑末亦未可言禮俗之成也何謂本人倫是已何謂末衣服飲食是已諸友於孝弟之道童而習之固已允蹈而躬行矣若朋友者非倫之一乎必德業相勸過失相規有無相通疾病患難相扶持如此而後謂之厚非食惡服若將終身紛華盛麗若將晚我一切奢靡浮蕩之習深懲痛革太羹玄酒淡而不厭如此而後謂之抑一人倡之十人和之一會行之一鄉則之由是而推之冠婚喪祭又由是而推之急難振乏使萬

物一體之意沛然流行無有壅遏則禮俗之成其庶幾乎若欽之無法則儲之不廣又或主者侵漁貸者逋負則義以利墮遠為傳喚之資耳其廢也可立而待也豈諸友今日之意哉橫渠有云如有用我執此以往諸友志在青雲行將用世尚交相敦勉以俟他日之有所執云

賀周二守受獎

伏以崔嵬九臯清響上聞於層漢騁騰千里霜蹄暫展於一隅惟實大則聲宏斯望隆而譽集

崇慶集

卷之十二

十四

恭惟大邦伯合川周公閣下衡嶽降祥濂溪浴秀豪傑之生有自山水之助居多同地同宗仰止獲前脩之益不學不慮良知妙心法之傳出潔淨精微之緒餘魁江漢荆湘之多士一麾出守蜀人興來暮之謠貳駕轉臨盱土仰先聲之化守廉靜而帑不儲聲懸在室理糾紛而獄用滯庭可張羅政務近民而不近名事求同理而不同俗循吏規模迥別真儒作用如斯泮水政流郡士慶辟雍之再見與梁興廢豐民樂王政

之有成至誠斯動衆志咸孚積久而彰頌聲大作
此者巡院舉觀風之典旌書先屬郡之良褒
以美詞將之禮幣雖當官盡職君子無求然獲
上治民聖人不廢信公論之不暇喜吾道之足
行萬實風投氣味况屬子民知善政而弗揚有
同惜啞觀盛事而不樂夫豈人情是因屬吏之
乞言代致輿情之報德俚語同口碑之頌用播
四封蕪詞効樂府之聲聊資一歲詞曰

曉空寒暎姑山秀郡城絃誦閒清晝黃堂風最

崇寧集

卷之十一

十五

篆烟微燕寢香凝垂紫綬匝地棠陰履冰霜不
改三春茂濟寬嚴慈母神君循吏今無又直指
巡行瞻斧繡激揚減否憑敷奏旌書忽報下旰
城賢聲一日馳江右玉笋傾醇酎金荅斜壓玄
黃綳漫騰歡星馳薦剡難借河中寇

右調歸朝歌

送郡侯張公入覲

伏以山英孕靈秀國士無雙吏政右循良治平
第一二千石之選古難其人四百里之氓今協

于道順帝之則伊誰之功恭惟太府張老先生
鈞座中州藩屏治世鳳麟約以親身易簡體乾
坤之象誠能動物渾龐率軒昊之真醉瓊苑之
晴霞聲聞于遠沛桐鄉之霖雨兆足以行歷三
郡而赤子去思歲十年而蒼生失望雖東山偃
蹇之志視世如遺而親藩師牧之宗非公不可
揭來無愠盱黎樂育於二天出治有方郡務咸
熙夫庶績長者規模自異真儒作用如斯澄清
何似梧桐涼月浸冰壺惠愛可徵桑柘東風嗟

崇寧集

卷之十二

一六

箭屋振德薰陶之下文治聿興芟夷崇穢之餘
豪奸屏迹飲泉知世味守廉不顧甌中座澗斧
解盤根簡獄誰劾囹圄內革濟成都之威信于詠
有光視漁陽之豐盈於堪為烈三載肆大行之
化辟公遠展觀之期馬首望長安便覺眼中日
近葵心傾魏闕仰瞻冀北天高懸懸群孫帳熊
轅之莫挽皇皇屬吏知鶚薦之有憑實幸附末
光許聆至教索麻姑之水假瀑布以布輿情致
齊東之詞效樂章以章民隱未據節曲尚丐荒

存詞曰

寒色上梧桐亭草葉下斷霞淺碧明如畫江漢
朝宗迹此星言風駕觀朱旛盡戟人爭訝三
載政成四封俗化萬口誰呼冠君借此行去也
不見潁川黃霸趙資陟要傳聲價

右調感皇恩

贈黃先生歸田

伏以風光被苑李官牆融育物之和兩意茁根
茂機素妙及時之澤土膏方動春欽欲歸惟我

案黃先生集

卷之十二

十七

黃師止菴先生天下好樣孕名邦之秀完才傳
太學之聲業擅四詩師友淵源有自日迷五色
春秋科目偶遺休中孚之無妄簡夷不作風波
邇太上之至麗真率盡頽城府教術反同而變
異道行由浙以及江中土儒紳經業重光安定
南方豪傑斗山再仰昌黎弛學宮之夏楚教有
成勲廣造物之甄陶材無遺鑄敬乎而民莫敢
慢實勝而士不忍欺是惟率性而行罔恤與人
無忤鏤彩韞華不競春光早暮泊紛澹塵役矣

世論姦妍念功成而身退避肥不悔其初覺今
是而昨非良止善歲其用家與翩翩首希寧如
尊膾歸懷灑灑菁我味入菊松訊前路之征夫
慰候門之稚子言旋言邁載欣載奔實等斷金
意密晨星切夢得之憂執贊恩覃夜雪深定夫
之幕先生之高遠矣小子抑何述焉睇望依依
出自東門傳別筵離忱惻惻効顰樂府寫心聲
情浮有制之詞陋貢專文之藪圖宜我鬱遑恤
其他詞曰

案黃先生集

卷之十二

十八

燕子風輕春欲暮落英幾點鄰亭一尊相對萬
峯青趁絲牽別緒啼鳥不堪聽斗山迢遞東
南隔送窮雙眼還醒止菴後夜憶談經松風呼
聲鐸纖月點疎櫺

右調臨江仙

崇質堂集卷之十三

文部

碑表誌銘

南豐令君鄭侯遺愛碑

西鄉祖塋碑

重修宋承奉郎袁州通判李公景通偕配

周氏塋域碑

李氏祠新立祭田碑

白窓鄭先生墓表

文林郎興化知縣聰襄符先生墓表

先妣黃氏太恭人改葬墳石

祖妣方氏孺人墳石

王母吳孺人墓誌銘

虞士培亭湯翁墓誌銘

高參軍望村先生墓誌銘

貢士容菴李君墓誌銘

鄉思夷偕配高氏合葬墓誌銘

崇質堂集卷之十三

文部

碑表誌銘

南豐令君鄭侯遺愛碑

遂昌鄭侯令南豐之六年部檄行取應風憲之

選時侯入 覲方旋軫遂取道盱江北上士民

走百里追送者千數百人既登舟父老李鼎曾

錦曾銓朱柯等百餘人尤戀戀不忍捨去至北

侯足號泣且留執以識遺愛橫而展之仰高亭

中無何父老輩復聚謀曰革輟之微可以歲計

吾侯之愛百世不護乃磨石斷珞相率微言於

余將就諸貞珉以垂不朽余讓弗得辭乃款而

問曰父老言遺愛者觀纓願次第言之以無忘

侯德父老曰侯之惠政更僕未易悉數舉其大

者子大夫獨不聞乎邑有大患二營兵起鷓鴣

張甚於強禦平時暴橫村市莫敢誰何有警則

亡命窩匿營中慮為內應是謂剥床以膚朝不

謀夕之患三鄉絕稅重輕懸殊豪有力者租溢

而稅輕車戶負重稅而無田是謂巧貳隱蠹肥瘠不均之患矣始至詢民疾苦廉得其情寔然曰邑之大政在賦與兵二患不去民生何聊哉更密白當道條營兵作過及無益地方狀甚悉情惻而辭辨當道讀之動念為請于朝一旦罷去東營兵車參將別任矣調戢有方兵撤之日市肆晏然微戾則營根膠固孰能去之熄厝火于積薪之下俾安寢其上者世世無虞戾之愛何可護也又選置悖機黨老日懸賞格設鉛箭沿都發畝清覈爬梳三月之間洞悉幽隱延請于當道將三鄉絕稅隨產而均攤之富不得避豪不得奪奸詭不得譸張經畫既定喜成相半蓋有力稅輕者戚其增額重稅無田者喜其更生戾之言曰吾父母也父母之于子均無偏而已矣均則無貧誦法孔子吾焉得人人而悅之要之戚者寡而悅者衆戚者私而悅者公至於息爭訟惠孱弱塞弊穴則喜騰而成氓矣微戾則神奸變幻危言撼惑孰能清之披荆榛

於隴畝之中而授其本俾吾民歲歲有秋戾之愛何可護也夫煦嫗之令不足以言仁濡沫之施未可以言愛矣所遺君此淪胥決隨將世世利賴之吾儕非木石寧不知所感乎他如立竊盜覺察之法嚴賭博私宰之禁申明保甲嘉育士類租通濟之渡架龍池之梁革捕兵罷巡邏宏畧偉畫盛美種種乃良有司之恒務不足為戾張皇也父老復曰叩恩圖報者吾民之情彰往勸來者鄉衮之任子大夫幸無愛一言以為後事之師則戾雖去猶未去也余曰然哉民之於令也相因則忘相形則感感於既去孰能強諸孔子常言誣毀誰譽而復以譽之有試者歸於直道而行之民益善善長矣余邑人也稔戾之德政為詳父老之言直固三代之遺也余雖不文忝縉紳之後可無一言以紀其實哉乃藥括惠愛之著者而為之頌戾名秉厚字子載以隆慶辛未進士令吾邑頌曰

父兮母兮邑令謂之父母維何所惡勿施悍兵

虐稅惡之大者此如弗去民憂曷爲矣來問俗
任爲已責搜剔弊穴驅遣暴客矣有妙算不激
不徐營幕一室市肆晏如矣有心計惟公惟明
均稅三鄉如衡斯平伏火不然民獲安寢戶無
重稅民樂歲稔撫我粒我矣來何遲矣今去矣
遺我遐思欲報之德矣德用極方矣在任不聽
立石辭陶有懷胡能自己爰勒穹碑高山仰止

西鄉祖塋碑

傳曰天之生物使之一本余讀斯語未嘗不盡

崇寧集

卷之十三

四

焉悲也吾家自十府君贅居畬坑八傳而至我
文峰先生始遷邑東本支繁衍稱鉅族矣然其
初非一人之身哉服漸殺而情日疎葬塚荒丘
棄置不視至冥頑甚者竊據玄宮肆然若盜賊
行此又何心也嗚呼悲矣悲矣祖塋在西鄉者
自十五公而下凡五世墳一十三所初買田若
千畝撫宗之愿者一人領之歲食其租以供清
明之祭法非不良也歲久而愿者死田就蕪沒
而盜賊之作興豈其勢使然與抑愿者寡也歲

甲寅春余以內艱自廣藩奔還卜葬暇日將有
事祖塋惟西鄉去邑百八十里而遙各塋崩壞
視他所尤甚余父質村翁憤曰茲久狐兔歲者
非躬視之不可乃鐫石畚灰率族數輩冒雨偕
往脩之樹碑封土次第表識經始以孟冬四日
越十日而訖工復清田之蕪沒者并續租通若
千石將盜賊行者幾人聞于有司薄示懲警西
鄉之宗整整改觀矣余父更諗于衆曰墓而不
祭何有於脩祭而無法難乎其久前之所以不
視若置者豈非以其遠哉自今清明本支子孫
歲必往往者給輿馬費不如約者罰有常祭惟
定期儀惟定品餼而歸惟定日不如約者罰有
常衆志既同復命萬責曰汝小子其載諸籍余
既籍其大者復括而誌之鐫石龍泉菴中壠所
田畝備列下方垂諸世世觸吾宗人咸知其所
自出若曰使一本云爾

重修宋承奉郎袁州通判李公景通偕配

周氏塋域碑

崇寧集

卷之十三

五

禮曰古不脩墓自斯言立泥文局方之徒遂以
封樹為忌而上世宅兆夷為平壤葬為薪坂弗
視也不知防墓崩孔子潛然出涕豈非以慎初
不密而貽悔足悲耶然不脩有二忽本源者忍
匱貨力者詘忍置弗齒即興懷而詘不舉者亦
往往有之予同年漳郡守李君文濟憤十六世
祖塋歲久榛場一旦銳然合宗人脩之其所謂
懷本源而貨力不詘者與予與氏曰得之為有
財古之人皆用之太守君念念在是而諸費悉

崇慶堂集

卷之十三

六

所經營此其措注未易以世俗窺也君既卜日
乃持狀屬記於予予雅重君茲舉義不容辭按
狀景適公者世為上黨人高太父遵鼎以勲膺
上宋太宗獻穆長公主授駙馬都尉歷三鎮節
度使卒諡和文曾太父端懋仕至安德縣後俱載
宋史祖昇承議即父崇陽令涓靖康初提孤軍
勤王死難贈朝奉郎官其三子公以廕補歷承
奉即袁州通判南渡播蕩始渡江家南豐集賢
里望仙橋後建祠于天王院以祀和文獻穆晚

借其配周營窳黃擊者今一都高嶺又名高原
嶺表裏形勝左右拱立登穴望之明水紫迴顧
我欲陷真堪興家入局之兆又於墳後數里闢
荒疏鑿拓壤數十里跨都二疊嶂七十餘負金
仙面兜山界南城謝坊中苞原藪旁帶溪壑東
以重關緣以蹊隧凡卜築布置如斯其魁磊雄
富亦可想矣迺其後時移事改支屬離析蓋鞠
為灌莽蟠為虺蜴又不知何年間且為市兒侵
牧矣然樵夫牧豎過而指其蛾眉寨九曲塘謝

崇慶堂集

卷之十三

七

坊孔道隆礎後雖輒咨咨然曰此高嶺李氏某
窖藏所某渙牧處某扞席禦盜關也又焉得而
氓諸夫先人体魄譬之重器不啻和璧主有而
慢藏之則真非其主而竊據之則罔太守君贊
直好古考據精詳其不自誣而罔也較然明矣
更觀茲頽塌皇皇脩復若饑渴之需飲食不容
一日緩者推其烝烝念祖之心真可以敦薄俗
廣孝思矣視世之真夫趾迷高會之壠心忽源
本之念者相越何如也吾豐之李俱祖元嬰邑

經冠焚故家譜牒鮮有存者予未暇詳考它日脩譜效法歐籒亦斷自其可知者始然隴西上黨則因遙遙華胄也予嘉太守君遵孔孟起世俗之高誼而又慶吾宗之有人故為紀其凡如此使為之後者繼繼繩繩堂構弗替則孝弟之心油然而生矣詩所謂孝思維則者是太守君錫類之廣不獨為宗人式也凡我氏族其尚有感於斯文

李氏祠新立祭田碑

崇實堂集

卷之十三

入

宗祠非古也周制卿大夫咸世其官小宗之子得統族屬有君道焉故有宗法有宗法故有祠然必有規以萃羣姓之渙有恩以聯親親之情有禮有義以約束能連敗羣者之躑躅如是而猶有不率者則法行焉夫然後秩然整整休久不替匪是亦安取於祠哉後世仕宦止其身罷歸則與士庶無別宗法必不可行而猶立祠以統族人則幾於僭矣今制士庶得祀四親有力者廟于家無力者祀于寢意亦如此邑東上黨

李氏有祠一區祀深公而下凡四世造意於憲副公玘經營於太守公橋太學生良翰偕族之豪者咸畢力贊襄嘉靖癸亥遂成正堂三楹以二室然初建之初百爾草創因循一十八載幾於頽塌萬曆乙亥李文器昂觀茲喟然遂任為已事因公費餘金三十倍捐已貲乃建拜亭三楹門屋五楹門基始隘乃請地于族長銳恢拓之繕以周垣塗以丹雘煥然蔚然拜者肅容瞻者改色文器後慮烝嘗俎豆費無所出久將崇實堂集

崇實堂集

卷之十三

九

廢祀祠為虛宇乃割已常稔之田二十五畝歲收早粒二百五十斛永供祠祭有餘則贖族之貧者於祠左建廩三楹中虛一室以奉祖考奉善公考惟表公二主歲時祔祭蓋曰田乃祖父之遺不敢私也文器恐久或湮沒乃謁余乞言將勒諸貞珉以垂世世余嘉樂義舉遂不諫而為之言夫皇皇求財利惟日不足者庶人之通態若捐一金割一畝以供先祀如割股刺膚負痛不捨今文器毅然斯舉踴躍如趨其邁流俗

瑣瑣遠矣遠矣昔范希文嘗欲置義田以贍族
人而力未逮必俟衆知大政祿賜優渥始克成
初志今文器無一命之階升斗之入而即有此
是又當於古人中求之遺俗不足言矣雖其規
模廣狹田畝多寡變不相侔以庶人而方副相
亦邈不相埒然其敬祖仁族之心無弗同者或
亦希文之所取也推是心也可以廣孝可以敦
義可以善俗三美具矣君子樂道人善雖一節
可錄猶將張之矧具茲衆慙惡可無述余故為
條載其事如此君祠制之合古與否其規恩禮
義何似余俱不敢知茲亦未暇及也入祠田段
租數列于下方

白窓鄭先生墓表

今制州守爵大夫階奉政專顯矣余表南城鄭
眉州墓略其爵而稱曰先生者以德著也邑四
南城土氣沃民善賈易致殷裕故俗喜通情脩
儀章志稱風氣和平士以文章經術致大名殆
不異於筦子倉廩實而知禮節所云其後典刑

淪墜風尚頽靡後生承學轉相倣倣棄本逐末
之徒莫不畢精竭慮抽鋒耀穎傾側乎勢利之
交馳騁乎塗濁之塗握權鱗集失寵瓦解大抵
其倡之者非也實時寓郡國心頗鄙薄之及得
侍鄭眉州白窓先生乃喜於典刑猶存云先生
幼資惇慎長治舉子即有聲庠序中尋中鄉科
高等尤博綜古墳籍旁洽六書八體之學詩律
樂府俱稱精到二泉邵子海內鉅宗往往以學憲
按阡下郡禮請先生連騎入麻姑山廣倡觴咏
禮遇優異一時榮之數上南宮輒不利乃就選
時司銓與先生有連以墻宇太峻竟判高涼驍
馬之官束身平政與民休息部使賢之尋擢守
蜀之眉州先生嘆曰應龍游息絳霄而駕馬日
飽栗樞下鵬圖南九萬里而雄澤飲啄不越十
步昔人所以鄙雌伏於州郡羞折腰於督郵也
陸沉下僚何為哉吾將逍遙乎自然之次出入
乎無窮之門遂稱病辭部檄不拜挂冠來歸如
棄敝屣歸則揭論語問行一章于屏曰昔子張

書紳吾朝夕屏側沒身而已先生雖高尚超脫然樂近人惟玩好絕於耳目麤糲形於盤飧室無姬姜座盈儒素家故縫掖先少宰公有舊宅一區棧棗不易敝則稍葺之而已時與宗里人脩同仁緝義社會孟羹豆肉敦隆古素陳說典憲虛往實歸人人自喜歲時非公事不詣有司即詣時儀親莊偉譚吐嚴整干謁却掃請託不行至郡大夫造請先生為具蘇品豆飴言咲清晏窮日卜夜時令諸孫子歌自作詩堂下擊鐘

樂賢堂集 卷之十三

磬為歡絕不效時習作奢調事然郡名守若西巖鄭公琢菴李公石梁王公乃返雅教先生他巧逢盛具者未能或之先也蓋先生得之天者厚故儼汗不染于素取於世者薄故爵祿不入于心操於已者定故習俗不奪其尚昔萬碩君不言而躬行而其俗化若先生者謂之躬行君子非耶實未第時與嗣君蔓共事鉛槧同舍連袂稱莫逆交故熟先生操履為摯頃持浙憲過肝莫泣拜且言曰先君子雅辱通家之知既卒且

葵碩墓石未表不無缺事敢累吾子實念今公卿大夫以及編氓莫不有誌表夫不知其人而疆述則誣知其人而溢美則諛諛與諛君子寧無表焉故必有表也潛德者表才術卓異者表言行足楷式者表斯可以標鑒人倫偃易風尚白憲先生冲襟素履其恬澹質任敦朴長厚敦事誠鄉國之典刑頽波之砥柱非溢美也又安諉曰不知其人矣乎使先生之風行則諛何顏色以為能侈屋食僕妾聲樂以為盛乾沒仕宦掩鼻竊貲欺人不見以為榮者自是奄奄沮矣爰作斯表先生諱嶸字天挺自宋迄今世為南城人其世德宦業懿行有誌傳故不論著

文林即興化知縣聰蓀符先生墓表

往吾鄉有符先生者相脫俗尚獨持古格居則老屋數椽食飲粗糲若儒生斗室貯古書數千卷窓几明淨楮頽堆積日偃仰其中誦讀吟哦不少休出則戴冠我我布袍寬博垂紳兩叉端拱步履舒徐市人見者必肅惡少望之輒避匿

去先生沒餘三十年里中以居第與服相尚以
廚饌器具相高以盛宴享腴饌將相媚悅弗得
弗逮者耻不若人雖市兒倚竊冠服靡不高軒
華蓋人頷歎艷不為非嗟乎土風日靡靡矣安
得起符先生者而與之復古也先生諱遂字良
臣世為邑西中巷人曾祖信祖紳考諫俱潛德
弗仕見先生所自為狀母氏曾以成化丙戌正
月八日誕先生少穎異弗類羣兒祖為已公故
業儒不試心以屬先生督教之甚劬甫冠補邑
學正
博弟子年二十四以詩經中弘治己酉鄉試主
司署其文曰橫空一鶚郡邑大夫因以四字額
其坊板丘何文肅公為之記六上春官不第歲
甲子廼從銓部棟授銅陵知縣蒞任僅兩月丁
外艱歸服闋赴部補授維揚興化邑瀕海凋瘵
多逋租民梗悍健訟省祭百數十人每持縣官
長短公肆排挾前令以下受誣陷者匪一號稱
難治先生矢以苦節無營律已以塞苞苴絕請
謁待人以秉法奉公字弱鉏強蒞政視篆之日

即自選庭柱曰一官自我冰霜操百姓何人甦
舜心數月之間精采一新催科不擾而民皆樂
輸豪黠屏足不敢闖縣門賢聲徹江北巡鹽御
史以白駒等六場歲課逋積奸商官竄互相影
射檄先生清查諸詭法者怖甚致暮夜金七伯
先生杖而卻之乃嚴稽櫛刷逋課悉克一時
孔利穴搜剔無遺御史嘉其幹濟且聞卻金
褒揚特加泰州有滯徵積年不決巡院以為非
符興化不可先生往聽之一訊立折兩造成得
其情州守噴噴曰老吏不如也暮歲兩受院獎
當道奇其材將薦用之會鳳陽鎮守黃太監嘗
橫索弗獲遣元惡省祭某者以賑濟奔數先生
責治斃于獄其家奔懇黃素卿先生無由洩至
是乃劾其賑濟率方勒令致仕黃閭者遂瑾之
黨也故其蜚得肆先生方銳意建立不虞鋤惡
致謗而為權閥所抑鬱鬱不平乃自號聰聾子
作傳以著志嘉靖改元詔條內外官係劉瑾時
荒黜者許令自陳還職今尹親知交勸先生奏

辨乃比側赴京然直躬寡援交關無神本下銓
曹不為覆而先生亦浩然歸矣歸途經閔子祠
題壁有云當時可售猶吾汝今日翻成術至求
此終焉之志也既歸杜門講授傳經改課塵壘
不倦及門者雖青衿壯齒亦必先授以小學章
訓句解務俾克去驕情蕩僻之習然後及于舉
業束脩不計有無貧者則飲食而館誨之生徒
雲集仡仡窮年先生安而樂焉忘其已貴而家
人生事之贏縮不問也興化歸囊僅僅俸薪二

崇賢堂集

卷之十三

十六

伯金遭庚午兵燹築室罄費守先人遺產竟不
能增尺寸晚貧益甚願有司存問四方文幣不
致乏絕邑令江陰方湖曹公海寧龍山祝公俱
以甲科來頗下視一邑獨青眼先生而龍山注
念尤篤禮隆而儀稱之嘗夜分徒步訪其家促
膝款談漏下十數刻乃起青燈熒熒焚香啜茗
不能少具杯酌他家刲羊割鮮方丈羅列欲一
屈致龍山不得也龍山雅知先生貧約凡鉅室
爭訟必躬造而語以曲直先生嘿聽直視無酬

語末復啓之曰何以見教則速應曰無龍山笑
領而去度終不可貸處乃手書特立二字扁其
堂而稱之曰大丈夫終龍山三年任無一語及
請託者蓋先生以求田問舍為鄙事以關節賂
賂為浚耻雖貧而樂既老不哀其介然之操真
萬鍾不易也以縣志久荒脩纂成編凡四帙恨
彭淵材病曾子固不能作詩註解南豐詩集凡
二帙作夢壽真吾三說以解世人之惑溺富貴
長年者其他應酬雜撰不下伯餘篇詩不下數

崇賢堂集

卷之十三

十七

百首俱藏家塾享年七十有九以嘉靖甲辰腊
月廿五日終于正寢娶水北傅氏子三人長文
次章季永三女適趙恕七品散官李幹李嘉猷
孫四沐沫沫沫先生既卒且葬若干年其門人
李昂謁余拜且言曰吾師褒翁葬二都先壙荆
榛盈把矣墓尚未有石昂愴焉不寧敢以為請
孫沐沫亦以猶子雍之狀來容恻詞愴余追憶
往歲庚寅喪先妣謬以古禮治喪葬先生聞而
嘉嘆吊哭之後每旬日携蔬粥視余苦所塋則

衝寒挽舟五十里臨空棄事乃返嗣是則納諸
可進稱為知己蓋屈祖行忘齒德而傾意小子
不知何以取之也嗚呼余負先生久矣其何忍
辭乃為之表曰先生鄉舉十六年縣令兩任幾
三年致仕為有司敬禮者三十餘年使稍存貨
殖謀生之圖如世俗則三途舉易以驟貲致富
矣况歷年所之多哉今涼涼若此豈太史公所
謂天道無親恒與善人者非耶然古今富宦稱
雄者不少苟得之非道適為後人吐唾之資而
棄寶堂集 卷之十三 十一

陶元亮餅無儲粟乞食貰酒不克乃至今炳燭
道焉何哉故曰貪夫死財烈士殉名稱量少多
又安知先生非勝算也沐浴持此勒之石上自
世之下倘有徵余文者

先妣黃氏太恭人改葬墳石

嗚呼吾母太恭人之卒距今二十六年矣初卜
塋下坑不吉遂權厝荆灘儒山之旁而誌銘篆
石因之停閣不肖馳逐宦途蹉跎彌曠暴露迄
今不孝之罪何可勝道嘉靖甲寅春丁繼妣捐

孺人憂自廣藩奔還父質村翁自卜壽藏于北
郭羅家畬之陽寧為耦墳是歲乙卯二月十有
九日甲申乃啓太恭人柩窆于右位而虛其左
以俟百年合焉山位亥面已兼乾巽龍從縣脉
分支雙坑二水合流而東亦負郭勝處也顧惟
不肖奉職無狀登第十有二載尚不能顯揚吾
親慚負天地極矣倘他日得霑 恩典寵錫有
加尚圖表樹垂之不朽茲當掩墳粗述梗槩勒
諸墓石之末函而藏之以永千祀陵谷變遷尚
崇寶堂集 卷之十三 十二

於仁人君子有望哉

祖妣方氏孺人墳石

孺人姓方氏諱善端世為南城神嶺人父嵩由
進士任南京兵部職方郎中嫡母上官氏母冷
氏男女兄弟凡九人孺人竄幼職方公鍾愛之
擇配南豐年十七始歸于我祖北憲翁事舅經
衛公姑盧氏以孝聞北憲翁早廩于庠由貢任
碭山縣丞悒悒不得志居官不善俯仰卒不持
一錢而歸故生事亦不甚裕凡所以資燈火佐

凶吉朔官箴俾翁得免內顧者孺人之力居多
生男四人女一人長諱柱權授七品散官即余
父次樞先卒次榦七品散官次樞浙江蒲岐巡
檢女適邑西湯烈亦先卒孫男九人孫女四人
不肖萬實竊長由進士歷任兩京刑戶二科給
事中廣東布政司參議次萬秀萬輝萬美萬舟
萬嘉萬朱萬載萬頃嘉補邑庠生秀輝舟次頃
俱蚤折曾孫男女凡若干人嘉靖三十四年歲
在乙卯六月十一日寅時孺人以微疾終于正

崇實堂集

卷之十三

十一

寢生以成化三年丁亥八月二十四日
卒之年八十有九北憲翁先十五年卒卜塋于
三十七都荆灘祖塋之下耦墳虛右至是乃卜
以十二月十有六日奉孺人柩歲焉嗚呼我太
孺人間儀懿範種種可述萬實尚圖丐乞名家
垂銘不朽茲當求歲姑勒片石忍死誌之嗚呼
痛哉嫡孫萬實泣血謹誌

王母吳孺人墓誌銘

嘉靖甲寅南城太學生王子之臣子忠將母吳

孺人命謁余問祠禮祠制宏而費鉅孺人樂取
之無難色余固已賢孝其母矣越六年與子忠
約為婚姻則起居孺人為太母輒時時聞懿範
聆闡儀未嘗不仰止于慈節春育之堂也又二
年歲在壬戌二月十有二日孺人以疾終于正
寢至是子忠復介伯兄仲源子本狀來請銘惟
孺人行宜有述而萬實誼厚姻雅不得辭按狀
吳世東坪原為故族晦菴先生社倉記可攷父
益藩禮官偕母梅氏年十六歸于一齋王公策淑

崇實堂集

卷之十三

十一

婉靜默若將束勝而婦事整整脩舉事姑孝履
竭致若干年如一日人以為難一齋幼嗜學與
處士車白江相友善親賢慕義不計有無內助
之力居多其後以引禮赴部客殯于京孺人忍
死歸襯拮据將荼綜理盡悴而家日益裕鞠訓
諸孤不務姑息既而仲源之臣偕入南雍為太
學生二季亦補弟子員薪薪露頭角里中人咸
嘖嘖一齋有子多且材若是然一齋棄諸孤甚
登也和熊衡繼伊誰哉繇是里中人又推本孺

人為賢母他諸寡嫗弗逮遠甚孺人意愛出天性姻黨匱迫施予不吝御下煦煦有恩自奉甚約布素蔬菽終身不改巾櫛恭儉之徽救不忍棄子婦奢靡之費即一錢以上輒顰蹙不視至大義所關如宗祠祭田之舉雖千金頃刻揮之若所當然其遠識類若此先是庚申以張氏妹遊危病孺人憂念徬徨女使往來省視因亦染疾幾不可治忽遇異人叩門勿藥而愈人以為陰德之報至是疾革子婦諸孫環視易衣正寢無一語及亂其始終之際可稱丈夫矣有子四人仲源之臣之屏以渙女二人適饒雲黃從孔孫男四人日章豫章壽章平章生以弘治戊午三月十五日距卒之年六十有五仲源將以是歲冬仲卜塋于本邑一都厚富源之陽壬山丙向距一廛公之兆百步而近余未識子本因子忠而知其篤信則狀之不誣也可知乃擬實而為之銘銘曰

母氏世德大儒譜崇祖承姑息也子訓嚴毅似

母也父廣封穹樹去夫尺誰其銘者諫議甫求言女士繩其武

歲士培亭湯翁墓誌銘

嘉靖丁巳春庠生湯子邦翰奉厥考思約君狀請銘其王父培亭翁之墓余時有湖藩之行官程卒卒業許之未有以應也又四年湯子舉于鄉歲癸亥冬始卜兆得吉將以膈月二十九日啓翁殯歲烏至是復申前請余夙歛翁長者往試有司典思約同受知於今少師華亭徐公每

悲其業成而不獲一第讀其狀為之潛然久之

尚何忍辭按狀翁諱作字志仁世居邑西里其先有宣慰公者自蘊徙南豐義井六傳而至茂實為翁高祖諱啓恭諱民悅諱桂為翁曾祖祖父諱月軒資雄于鄉娶同里程氏四乳生翁月軒公嘗訓諸子獨屬意于翁里中有趙星州者諱稱博雅造遊其門時生徒同業者數十人翁頷異嶄嶄露頭角星州奇之後竟以久瘡廢業然手卷終日無異儒生至其淹貫精專或儒

生有未逮也。翁性稟嚴正，又以受學知書故，動循禮法事母程以孝聞。沒之日，翁年逾六旬矣。猶朝夕孺子泣，吊客不忍視已。而諸兄各泥風水，久不克塋。翁折之以理，身任其咎，卒莫能奪。掩柩而還，人復其斷語。族人率侃侃依名教間，有不善則面斥之，無所容。子弟有衣冠不整者，望見翁必避匿。無少長，憚君嚴師，始猶以為厲。已然數歲，不能舉火者，匱乏不能婚嫁者，少俊之不能延師者，翁悉飲食資遺束脩之，惟恐

樂賢堂集

卷之十三

書

後由是無少長，又德翁高誼，乃能庇庥。吾宗人若此，平日之嚴我者，真愛我也。治家崇約，日再飯，脫粟一布袍，浣服十年，不忍棄。至隆師好客，則傾囊豐具，不倦與人交。久而愈篤，有無相通，急難必赴。里中稱友誼者，今猶以為美談。初卜鷗社于西溪，集山中能詩者數人，日觴詠其中。別構一椽，扁曰培亭，自為之記。因以自號。晚更樂水竹松梅之勝，擇城西隙地結屋一區，居之。後自呼為三盟主人，示晚節不衰之意。翁不求

聞達，然行誼日著。邑大夫之賢者，輒禮其廬，鄉飲賓筵，每覲翁一顧，為盛。然往返十年，竟不可屈。學憲蔡可泉公廉其賢，大書旌善以表其間。翁受而不揭，曰：吾自安吾常耳，不敢近名也。其退遜有如此。居常自銘其座右曰：剛以禮義自屈，懦以廉耻自持。若彼同流，徇俗平生之志不移，是可以考翁之素矣。翁生以成化甲午十月朔日，嘉靖乙卯十二月二十一日，終于正寢。享年八十有一。娶邑東李氏子三人，長勲，次煇，俱

樂賢堂集

卷之十三

十五

邑庠生。先翁率季燁，即恩約選貢卒業，持服未闋，亦率女四人長適南城王校，次適舉人譚濡，次適黃淳，次適廩生李屋，孫男三人俱燁出。長即舉人邦翰，次庠生邦舉，先以翁命繼勲。幼某奉遺命繼煇，墓在本邑四十二都重石坐乾而向巽。禹貢因憶廣藩制，歸侯翁而第時已雙瞽。龍鍾然寒暄之外，諄諄以邑乘見屬。因慨然太息曰：風俗日壞，邑事日非，君之責也。再閱月而翁逝矣。嗚呼！若翁非長者而誰哉？宜為之銘銘

曰

匪仕之榮而政敷于宗者難匪譽之要而名譽于鄉者完金石可刊而三盟不可寒庶幾崇計之賢屹

高叅軍望村先生墓誌銘

誌曰癯然布素嗇而不事表襮者貌古也儵然虬髯炯然電矚而韻宇可挹者氣清也儼然好脩而不可窘齷者莊而逸也由由然與偕頽然若放而井然辦者和而秩也斯人也沒其不可

崇賢堂集

卷之十三

十一

誌乎老子曰治人事天莫如嗇易曰內文明而外柔順斯不足品目人士乎此余所以為高叅軍誌也叅軍姓高氏諱佑字良弼世居邑北望仙橋別號望村曾大考子昇大考孟愷考中貴娶劉氏生子二季則叅軍豐俗故樸儉濶直通采機械曲摺巧迎而善構籠智寡愚出則服華與居則飾器具盛酒饌相誇詡士以此相高閭閻慕倣耻弗逮余私心厭薄之公於俗多牴牾而獨於余莫逞熟其人庶幾前輩樸儉濶直風

流而神觀清逸近莊而和自天性然也早好讀

書強記三試塲屋不利乃側遊太學補安慶叅

軍服閱改湖廣永州衛在永為久清理戎政屢

勸屯田咸敏決不滯軍民稱平立散糧由帖登

積年包冒那移之弊至今便之嘗供億大狩承

天之役署東安篆俱以幹濟稱當道檄署永寧

縣署寧遠又辭曰吾成親志易一儒衣媒資望

年纖屑非志也人或以為慙居家盡脫岬幅務

與人傾竭服食菲惡而與敵以下鈞盤菜觴豆

崇賢堂集

卷之十三

十一

言咲晏晏難以諧誰人或以為混晚於執流詩

隸靡不研究獨好老氏道家黃白之術言神霄

太清丹霄紫府報應如符各響每過余齋輒掀

髯曰知雄守雌知白守黑和其光而同其塵此

何等語語已吃吃咲不休察其聲容若深有所

得者故其居官理家日用酬酢要在功行脩陰

冥之德而益肆情洒落對茶飲酒嘗言得箇中

趣即仙得奕中道機即仙人第無知者耳而人

半以為迂為駭以公仕止功行甚多而其所為

道者有在固功行所出人未必盡知而公所自
喜者人返以為慙為混為迂駭斯不可不誌於
予之筆也叅軍天性孝思恒以祿不逮養哀慕
至老彌篤祀先墓祭之儀歲時兢兢務竭其誠
鍼灸方藥乞人必親多所全活他如睦隣篤姻
質任自然劬書好古不屑生事終有可述而誌
非所先也余嘗愛晉叅軍二人如孟落帽嘉奴
長髯超史載超奉佛任心獨詣一日散積錢數
千萬嘉得絲竹酒中之趣即公風槩瀟灑差足
二公而遭逢昭代去桓氏之黨不同日語矣
此則公之遭也實骭辭寡諧獨喜公拔俗之致
嘗面許八袞時當為作高叅軍傳公初度之年實
時宦遊湖藩竟通前諾乃今其嗣德成率諸弟
乞誌甚力尚安敢辭公生成化己亥九月二十
九日卒於嘉靖戊午四月十三日享年八十娶邑
東朱氏子一殤女二適某某繼黃氏生子四德
成為後選貢需次文成節成俱邑庠生季恭成
孫男四曜瞻昂晉德成以某年某月某日奉公

振葵六都某山銘曰

以彼徂詐之舞公執優以彼腐鼠之嚇公何求
生也悠悠死也休休黃白之談亦有托而與世
遊者歟同迂李生銘其潛幽

貢士容菴李君墓誌銘

李子曰材美難美而萃於一家鳴於一時尤難
邑東有李生伯猷良翰偕弟伯忠良臣並以文
學著麗藻頡頏苑方駕於是人稱二李云先
是督學敬所王公斯文號稱宗匠校藝旰江時
先日試時制次日試古作詞賦李生伯仲迭居
首選一日之間二李之名喧喧然騰省郡矣然
伯氏久躋鄉閭應例以圖京試往返凡三試竟
不遇而歸實志以沒伯忠以萬曆元年選貢北
上廷試優等卒業南雍亦再試落第相繼淪
亡嗚呼天之生材不易而伯仲並秀似非偶然
者迺僅僅止此何哉余太息而悲之至是伯忠
卜塋有期兄子一挺狀叔平生次其世系生率
涕泣稽顙乞余誌余既悲君之不遇弗忍辭誌

曰李君諱良臣字伯忠初號虛吾後自悔剛褻
更號容菴為貴州憲副石沙公諱玘之仲子為
封中順大夫惠州知府諱浩之孫毋氏劉封恭
人君生有異質博極羣書舉業之暇好攻詩精
書法書臨晉帖點點畫畫久解自作亦道媚可
愛選詩模擬六朝律倣右丞嘉州諸家俱能得
其髣髴文不多見或應酬間作出入歐模之門亦
超脫稚俗氣格大率君所長者多從質美中来使
天假之年而克之以學所就應未可量今竟止

李君墓誌

卷之十三

十一

惜哉君儀觀儼然方簡峭屬與人落落寡合
人亦罕與之親然獨不余鄙時時載酒訪余水
竹每酒酣掀髯高歌有踈述慷慨之思意氣軒
軒旁若無人嘗謂余曰願公取法昔賢之貞孤
絕俗勿倣時賢之和光同塵余感其言君娶焉
石岡曾氏生二子俱夭折入南雍再納姜姬携
歸惑志專房因此遺疾疾且作猶拉諸少年挟
妓縱酒為樂假以洩其幽憂無聊之懷蓋所謂
托而逃焉者而其志亦可悲矣病日益篤走四

方迎醫至則無所庸其術竟不起乃萬曆五年
丁丑十月十有七日也生以嘉靖丁亥正月十
有九日距卒之年五十有一君無嗣以親兄次
子一致為後卜以戊寅十月六日塋于七都南
坪之陽內營樊窰後將以曾氏合窆焉曾氏為
二都會大猷女善綜其家閭務井井亦能婦也
君材而不壽貢而不仕法應得銘銘曰

豫樟千雲狂飈折驥驥千里羊腸蹶恨醴泉之
不深惜靈芝之不葉天不憐材酷且烈萬生以

李君墓誌

卷之十三

十一

歸同斯歇荷器可掩名難滅窰焉石封為君設
幽宮夜夜文光發

鄒思夷偕配高氏合葬墓誌銘

詔菴居士習靜水竹園邑西鄒雲翼與余弟子
近子脩全時為庠生雅相順好乃介紹而請曰
竊聞賢者聞潛德仁人矜苦心應龍不幸蚤孤
父母異厝堪與家弗善囊合塋于九都蔣坑之
原恒思敘述其纖末丐華袞於鉅筆顧不肖未
能窺先生長者之門牆今天幸獲附通家改綴

惠一言以責泉壤詔來裔幸垂聽焉語未既淚
簌簌下跪而進狀曰不肖記憶影響從族父老
數實不敢隻字謾飾已復哽咽不自勝余不覺
愀然動容因弗忍辭按狀思夷君諱清姓鄒氏
趙宋時有月樓公者縣宜黃來居西里魁星坊
遂世爲南豐人傳十世廷貴爲君曾大父大父
才生男一女三男曰大經生清與源思夷清字
也年甫誦詩父母相繼沒祖父母景薄濛記思
夷畧無嬰孺態謹事二老處弟友愛而嚴整俗
齊民故幼治生業然遊閒恍迷之徒慣誘故家
幼孤子弟爲邪侈至蕩產亡軀莫之悟士故勤
績學攻文執然急榮進歆艷富貴視聖賢道德
之譚爲迂闊思夷獨立志高夔不翅不染流俗
延禮李寅清師事之寅清諱經綸即世所指目
迂闊士嗟乎思夷不知何見乃能爾也逮祖父
之變哀毀猶喪父然誓以先卜祖宅兆然後敢
襄父母事於是躬相度出入暴露勞動百狀暮
月得地葬而君病已中膏肓矣配望仙橋高良

祿女五歲喪父哭泣思慕若成人衆咸嗟異比
歸思夷生男二長即應龍字雲翼幼應宿思夷
尋不祿雲翼時尚六齡又羸弱骨立未幾應宿
殤祖姑患風癘外亡當門戶男子易曰妻道無
成而代有終思夷遺所代于厥配者何厚也高
碩人侍祖姑湯藥扶掖必親幾唐夫人待獨子
且孱不少姑息幾孟母佗如冠至不忍舍祖姑
太及祖姑逝遭諸姑橫逆但委以浮貲竟堅守
世業以未奉前人命不敢專擅常稅役諸額傷
多許貲錢穀坐絀不吝解替珥組紉佐費終不
肯越庭閭與人競利算錙銖此則識見力量幾
于兩到先是痛宿兒不育業已鬱結成痼疾乘
之多難頃刻未嘗展眉疾因積不治思夷以嘉
靖歲乙卯二月四日卒距所生享年纔二十有
四後五稔歲庚申正月三日而碩人亦卒距所
生享年纔三十有一昔子瞻氏所銘者五人余
則僅四人耳皆非貴勢輝赫惟獨行誼拔俗負
才不偶稱壽於世云若思夷夫婦歷年雖少而

能自鑒於多士多懼之地思夷擇賢師傳端其
 趨向使天假之年造詣當何如厥配誠孝慈教
 保又厥家肇允才淑聞德斯諒所不達不永者
 數也語有之不知其父母視其子雲翼美秀而
 文世務曉暢十一歲伶俜孤危克自成立尤切
 切求所以貽父母令名誠知重本矣余雖仁賢
 道嘆感茲勤懷褒采慮同安能固辭而不爲之
 誌與後之子若孫興哀於壙墓激發於斯文則
 處安恬席豐裕當必有繹思而繼迹者出焉未
 崇質堂集卷之十四
 廿四
 艾也雲翼娶上舍李君栢女爲漳太守公諱橋
 之姪女有子男女四長日章聘高曜女爲揚別
 駕公諱德成之孫女次日宣聘譚民望女幼日
 新女某俱未聘既誌矣不容不銘遂銘曰
 謂生有得胡厚以厥賦而天其躬謂生無得胡
 立以厥配而代其終牛岡馬鬣細君攸同豈將
 炳靈沉慶而故畀之以幽宮觀茲貞珉可範可
 風

崇質堂集卷之十四目錄

文部

奠章

禱軍山

祭符褒老

祭座主憲副樾橋錢公

祭丈人彭溪河瀾黃翁

謁告高祖妣姚氏太孺人墓

祭東華王公

崇質堂集卷之十四目錄

祭刑部尚書沈溪何公

祭座主太傅甬江趙公

小祥告王父北窓府君

卿賢祠告老祖憲副公

祭吳封君

祭譚封君

祭陳明水公

祭鄭盱吾

祭王太母吳孺人

崇賢堂集卷之十四

文部

奠章

禱軍山

竇竊聞尼丘孕孔中嶽生申巨鎮含靈有禱斯
應惟軍山拔祥緯秀作鎮茲邦仙真選勝宅
接神福地威靈並著濟度無邊馭余小子德薄
數奇行年四十有二胤嗣過時未生上承五代
之宗祧忝為嫡長中切嚴親之憂念勞解弟兄
所夕皇皇而靡寧俯仰戚戚而無告茲用洗心
滌慮悔過省躬致禱明神并陳微悃尚祈正直
聰明少垂鑒察如果陰邪諂賊蠹物害人贖貨
敗倫不忠不孝則覆我宗祀夫復何辭若或以
先世之澤未應遽斬小子之行尚可自新則仰
希神休早昌厥後拔禳孤刑之宿錫降螽斯之
祥豈敢望天上之麒麟期不失人間之豚犬實
益當脩德守官為民造福以答神貺茲言不信
神寔鑒之謹命工範鐵製成屋瓦十片香爐一

具永供壇宇惟是足疾未瘳不能躬謁山下虔
叩行祠不勝懇悃神其鑒之謹告

祭符襲老

於惟先生古貌古心有德有文桂林早擢獨步
無羣人亦有言一鶚凌雲蒼封小試治劇排禁
江南江北政有成勲羣小構隙雷成聚蚊歸去
來兮山巔水濱於惟先生性與俗違邈焉寡侶
疾惡過嚴聞善必舉巍冠褒服獨行踽踽容止
儼如曰敬作所索何末俗一齊衆楚弱者腹誹

崇賢堂集

卷之十四

上

強或肆侮遂令文學返下商賈愈下愈趨言之
欲吐於惟先生齒齊大父况復尊嬖公然長者
邈不可攀曰余與子交好忘年投情晚歲酒醺
詩篇歲在庚寅先妣棄捐窮冬衰事僻鴻荒阡
扁舟遠至凌冒風烟視我累累涕泗洒漣自非
骨肉奚至是焉厚德不報寔余之愆邇歲北征
竊祿羈延省翁動定北雁南箋曾幾何時計奇
遂傳便省歸來哭翁几筵有琴在壁有像在懸
墓有宿草庭無高賢此際念翁有淚如泉載肉

崇酒翁其監旃

祭座主憲副樾橋錢公

憶昔獻藝辱公見收登名定價幸識荊州明年
謁公浪遊廬嶽杖屨追隨詩篇酬酢名山勝水
公有夙期楊州一札遂成訣詞昔云懷矣嶺海
寥廓今我來思公不可作質誣有述未竟厥施
豈無他人巧宦卑卑白日青天孰明孰闇論定
蓋棺公亦何憾百年意氣感公寔深生芻絮炙
已矣知音

崇實堂集

卷之十

七

祭丈人彭溪河瀾黃翁

嗚呼無懷之民古稱至德耕食鑿飲晝作夜息
不識不知順帝之則太朴既今民俗滋偽機城
百出孰揀其弊醇謹如翁庶幾近是翁性和樂
與物無忤幼奉母慈尤有孝譽善事諸兄庭無
間語猷勗勤劬稼穡是務苟非吾有一毫不取
嗚呼兩漢設科力田孝弟翁當此時可得高位
福歸噩噩鬼矚惺惺翁無機事宜享遐齡既盡
其祿又速之疾報施善人百不償一翁今已矣

天道謂何豈無克頑胡耆皤皤翁有仲女夙歸
我室一聞翁訃涕泗橫集長江阻隔我縻南垣
千里緘詞翁其鑒旃

謁告高祖妣姚氏太孺人墓

於乎母儀婦道自昔難全孀聞已成况值時難
惟我太妣育恐育鞠拮据將茶以生以續上承
嚴舅下撫諸孫綜內綜外整肅家門盛年動瘁
以至白首衣無完綢食不兼豆荷天之靈蕃昌
後嗣有養有教伊誰之自於乎姜源太妣肇啓

崇實堂集

卷之十

四

有周家國雖異功德寔侔資蚤涉宦途窮年奔
走遠遠封塋歷歲滋久茲來展掃薄奠告虔薰
蒿悽愴庶其鑒旃

祭東華王公

歲在戊午夏四月廣東按察司僉事永嘉東華
王公糾倡義兵死于倭奴之難事聞于 朝蒙
恩追贈中順大夫太僕寺少卿令有司立廟
歲時享祀并官其子甚盛典也越明年己未友
人南豐李高資始以兵備副使行部浙東為冬

十月戊午乃具瓣香絮炙之儀委温州府學教授某奠于公靈哭而言曰於乎東華何遽至是耶在昔睢陽罵賊凜烈并死如飴孤忠大節然猶嬰民社之寄亦曰義與責均當視城而為存戚若公者混迹漁樵固非有地方之責而優游泉石亦安能驅之執干戈而就行列耶乃鼓倡義勇申明保甲赴敵若奔輕生似葉壯心憤激直欲滅此而朝食而猛氣崢嶸亦何暇纓冠而束髮公豈不知鋒鏑之可危責任之可脫無亦

崇實堂集 卷之十 四

曰吾城之不可荼吾里之不可涅而家國天下之任尤不可以仕止顯晦而遂有差別故雖撐空拳冒白刃而勇往不回卒之捐首領遭慘戮而後容不懾嗚呼烈矣烈矣昔歲壬子賊公東粵傾蓋定交情投誼結貝錦成而芳躅難淹山河隔而良晤遂歇將期石梁厲岩尚訂歲晚之盟豈謂白日青天遽作幽明之別公已棄余誨言昭揭余誠負公羈縻瑣屑使公永年而用世豈不能匡濟艱難經綸事業而今則已矣雖途

之人咸嘖嘖以為騏驥斃而棟梁折珪璋毀而瑚璉缺豈天無意於斯人耶而胡若是之賦裂然則萬實之所以哭公長號祝公真切者又豈比昵之私殷勤之接者比哉緘束帛以告哀奠椒漿而致祭公生氣以常存庶昭格而對越

祭刑部尚書沆溪何公

惟公德門胤粹鉅鎮鍾靈才敏以正學博而精蜚英甲第濟美家聲歷司郎署誕著廉明存長臬藩茂績其凝東藩閣府晉陟中丞風行齊魯

崇實堂集 卷之十 四

泰嶽崢嶸橫雁口語白鮮青蠅日星莫掩國是公評 帝心簡在監公屏營光復未幾位正秋卿平反大獄克詰戎兵曹無滯訟琴鶴室庭象垂貫索官有章程衆方倚重公已陳情急流勇退以重彼輕解組來歸依然書生優哉蓮社樂矣鷗盟鑑湖月白禹穴風清酒杯詩卷水泛山行翫然自得世網不嬰有出有處完節完名海內如公謂非名邦之碩彥 聖世之耆英者耶實飭兵東越為公錦城握手歡晤速會蘭亭小

舟載酒野水流觥窮日落月滿引頰傾坐客咸
倦公與方轟羨公精力當百齡賓榻未冷哭
聲載盈詫茲歎忽孰不震驚於戲國無遺逸卿
之典刑使後生小子何從考德而問業凡吏於
茲土者亦何所矜式而俾政咸得其平追名德
而增慕感勝集而相膺望峽山而寓莫潔澗藻
以將誠庶幾公之昭格或謂斯言之近情

祭座主太傅甬江趙公

嗚呼立言立功為士之則舉世所期百不一獲

集賢堂集

卷之十

七

公穎風成蹊徑自得大放厥詞萬夫之特專門
標榜者未究其精微豪宕稱雄者莫窺其閭域
故雖卑詞隻字得之者莫不以為珍老師宿儒
遇之者咸垂首而喪魄竊嘗誦公述作之文泚
泚乎真有秦漢之遺後有考於立言之宗將舍
公其奚遠公入仕途中外數歷乞文乞武可重
可劇歲在戊午倭奴作慝晉公視師而淮蔡遂
平忠武渡瀘而罪人斯獲使數載悍跋之寇拉
巢穴而正典刑萬姓瘡痍之夫釋干戈而就祉

席竊嘗誦公先事之疏昭昭乎真若符契之乎
後有考於論定之公則今日伊誰之續嗚呼天
不憖遺民懷罔極言方立而聲遽收功甫成而
簣已易使當世願望之士又不能不致憾於宜
默實釋褐南宮辱公拔識依依函丈方欣苑李
之私忽忽訃音遽悼山梁之阨欲起公而無從
望構李而怵惕緘蕪詞以寓哀庶公爽之昭格

小祥告王父北窓府君

嗚呼我祖自我不見于今三年渺音容之莫即

集賢堂集

卷之十

八

悅聲效之猶傳其存其亡其遠其近雖腸終日
而九迴席一坐而三遷忽焉在上瞻之在前而
亦不自知其然追惟前歲秋戒北舡沙頭晨發
慘無歡顏含酸視孫而不作語君意有在焉而
未肯宣方期上苑之遊以慰重闈之望豈謂一
朝之別遂斷再見之緣使誠知其如此雖提魏
科躋臚仕亦無補一日之養而又何忍於藥物
不視含襚不親以重此不幸之愆也耶嗚呼哀
哉已矣已矣終不可得而見矣日月不居服哀

及期先王之禮中不可踰心雖無窮分則制之
自茲以往我亦何為立身揚名不墜書詩歌叔
愛弟不設藩籬於赫我祖昭監在茲我言克踐
祖目瞑而

鄉賢祠告老祖憲副公

於惟我祖桓桓勇繡炳炳楓宸丰采獨持忠藎
具陳風行嶺表血噴胡塵始終一節為國名臣
處躬若畏與善惟親孝友剛方化及比隣年衰
德盛官久家貧典刑軌範為鄉達人惟是祀典

崇實堂集

卷之十四

九

曠鬱因循鄉評國是舉曰未伸茲者師生倡義
學憲咨詢庶言僉同祖豆式新曾陳並列諸賢
彬彬公亦何慚合德同神耿余小子孱昧弗倫
崇祀後時罪豈無因載瞻新宇時維仲春率公
玄胤奔走惟寅肅陳薄奠澗漳溪蘋公梓洋洋
昭格氤氲

祭吳封君

於乎天之生才賦畀甚艱其畀全才尤不偶然
辟如千丈之松承宇翳室而論者歸之培植之

豐隆辟如萬斛之鐘鏜鉤鐸而論者歸之
氏之鑄鎔實於封翁之生未及識面猶髫髻其
深衷豈非辱令子方伯君之交誼為之悲慄動
容也耶方伯君風度經綸為時首出守郡屹江
北之長城督學回東魯之士習先秦藝藻馳駕
無雙兩漢循良治行第一數歷而聲實燕隆所
至則紛有可述頃者 當宁需賢公卿論列首
剡及君如出一轍雖節鉞之府未開而廟廊之
倚方切夫帶劍遊詭蒼素懸埒文武兼資政教

崇實堂集

卷之十四

十

並烈如君全才咸以無缺者揆之當世未暇優
劣是皆翁積慶之流義方之揚故不勝口吻而
言滿天下不出丘樊而名飛京闕翁雖未及躬
行而惠澤之在士民傾企之在賢哲者蓋有頌
之思之而世世不輟者矣於乎寒燠旦夜人孰
不死翁乎遐齡况復有子生服 龍光死慟聞
里卹典崇封指日可俟令德考終如翁有幾實
聯榜跼僚矧茲臭味辱翁令子真同昆弟欣戚
同情有隆無替昨聞訃音潛然出涕走哭無從

恨哉留滯絨束帛以寓哀望章江而拜使庶翁
靈之不爽或謂斯言之足慰

祭譚封君

於乎自昔名儒孰不抗顏模範庠序標準鄉閭
求脩則難自昔哲父孰不開先苞綜文武扶綱
危顛惟盛則傳嗟嗟譚翁世德可言蚤起文林
經明道存出為師儒處則達尊約繩畫矩鉅人
宗工巖巖山嶽翁為之崇詩書象賢簪組章縫
委委江河翁為之宗仲君白眉千里一騁在觚

崇實堂集

卷之十四

十一

斯稜在錐斯穎敏世所怯禁時不逞禮樂兵刑
沉照洞領智乃所遊泰宇彌整庸瑣者流關口
縮頸昔歲弗靖倭夷弄兵積習承平飄塵震驚
仲也專閫獨力澄清背鬼當百津滯先聲如霹
千仞屏翰峰嶸東南巨嶽西浙長城伊誰之德
惟翁篤生萬姓一口祈翁百齡天弗憖遺此老
忽傾仲君奔還星駕弗停實也竊附仲君葭莩
倚托聞翁之訃潛然涕落不遠百里莫茲菲陳
卿無耆碩人乏師資露苦莫奪傾厦誰支孰云

我悲交親之私

祭陳明水公

於乎明老何遽止此悲夫平一鉅毫難擬惟公
風慧弱冠登仕馳騁藝林聲名欽起聲藻溫腴
筆畫適美一代文人屈指寧幾公則歎然曰斯
餘事武廟南巡社稷傾否逆鱗難批環視唯
唯公以奉常抗疏忤旨乘輿震怒庭杖瀕死
孤忠直氣一時歸美公曰何有臣節當爾晚造
王門勇微卑比文章氣節脫屣如遺倡道東南

崇實堂集

卷之十四

十二

經範人師一言以蔽兩字良知內外動靜生息
幾微不墮虛空不涉筌蹄擒龍捉鳳同象玄珠
聊余小子辱與忘年有心匪石無藥不言父壽
公祝祖墓公鑄通家契誼金石難宣方圖顒頤
終飲靈源謂公眉壽嶽立星懸好音阻隔哀訃
忽傳宗工凋逝耆碩棄捐士失依歸邦泰名賢
長號誰尤彼蒼者天於乎噫嘻乘化而盡葆真
而歸生順沒寧於公何疑正氣未淪幽明一致
歲晏風淒江寒山瘁公靈洋洋如水斯逝尚留

面目未思同志

祭鄭盱吾

於手傳亦有言知生者吊知死者傷實於鄭君
世好彌長芸憲雪館高誅短章比有藝苑協志
文場君由歲薦厥材孔良贊畫郡幕鳴琴古堂
寧山峩峩費水泱泱有美二子為元季方明珠
韞櫝如頴脫囊雲逵接羽指日翱翔詩豪章聖
伊誰頡頏晚投末契敢謂年忘覺我形穢王質
金相定交兩世三歷十霜壬戌春仲君脫宦轡
未老得閒盡錦輝煌方將剡棹揮君鳳凰君亦
訂晤風雨連床訃音忽聞驚怛傍徨心期弗遂
謂天渺茫悼亡撫存往事悵悵傷宜吊宜情豈
尋常生芻在東明水崇觴遠特雙淚揮洒鄭卿

祭王太母吳孺人

於乎內則之行不越閭域信有美而弗彰矧百
里之遠隔惟微諸夫子之彬彬則所以陰翊而
慈迪者庶幾其可測迨惟一齋為王之特豈質
維於一鄉抑善聞於一國雖享年之弗永而其

膾炙於人人者至今其尤可即以是而質諸卿
評曰孺人其古之令妻者與而當之者又何慚
色俾爾諸郎如珪如璧人徒見其矩度之風聞
而不知義方之是式蓋自襁褓以逮于冠裳其
所以鞠育而全成之者殆弗間于頃刻以是而
質諸卿評曰孺人其古之賢母者與而應之者
又無間其識與不識實忝嫺嫺風擬登堂仰孺
人之懿範稱通家之一觴胡嫠女之沉霾忽聞
訃而傍徨悵悵心期之莫遂尤造物之茫茫誰
詞而寓莫將哀悵於椒漿愧余言之無文也庶
或以慰孺人於不亡

祭江封君

嗟嗟古人今人孰云不倂漢萬石君惟翁其儔
豐頤廣額山角淵庭可謂奇表而回眸鳳諧龍
章我冠紆綬俯躬俛焉忘其畫繡可謂貴盛而
周慎居積雄貨膏野潤屋飭度循軌如集于木
可謂既富而方穀若柔不狎群剛不穢物疋庶
莫窺其產稜縉紳皆推其密勿斯蓋萬石君之

所無而今予之華國名家經綸黼黻聲望之溢
於耳目者抑而愈揚宦業之著在官守者久而
不沒則又非建慶甲乙之可匹實也夙荷世誼
時披風容晤如我我之長松通結媿嫻長接談
鋒響如琅琅之孤桐是宜遐笑胡遽考終堂序
如昔音儀俄空今辰何辰悲悼無從罷陳詞而
酌爵慚絮炙之不豐諒精英之昭格或謂斯言
之由衷

祭業師郭仰山先生

崇賢堂集

卷之十

十一

嗟乎先生經傳家學今有典章勸懲昭晰微奧
張皇蜚聲蚤歲藝苑翔翔玉友金昆元方季方
雲霄信步竟阻修翰皓首章縫始就一官德程
身範清序政觀世網弗諧解組江干歲晚道進
茂林修竹課子弄孫琴樽棋局壯志完神炯矚
疾足謂宜遐笑胡遽弗祿萬實總角後游寒宵
永晝忝竊科名敢忘指授天弗憖遺茫茫待叩
揮涕陳詞一觴一豆

崇賢堂集卷之十五目錄

文部

奠章

廣寇攻縣代有司告城隍

祭秦二尹

祭叔父閒適翁

祭丁一山

祭萬舟弟

祭陳德章

祭江母馬安人

祭吳竺源正郎

祭曾曉陽太守

祭子常弟

祭李郭凡

祭素齋曾先生

祭叔母符孺人

祭太保襄敏譚公

祭子受弟

祭誦和尙

誄

車處士誄

崇質堂集卷之十五

上

崇質堂集卷之十五

文部

奠章

辛酉九月廣寇攻縣代有司告城隍

惟神威靈赫奕主宰茲土禦災捍患職有攸司
比者閩廣盜作流入境內自去歲八月以迄于
今民遭荼毒不遑啓處今茲益告急矣聚徒五
千屯劄二旬西營石油東壁沙窩殺人如刈草
菅放火若然野燒淫汚劫掠慘不忍言神有聰
明寧不聞見之乎今辰幸神陰相敗露賊書將
從西北會合攻城通境皇皇咸不自保夫高城
深池惟神主之除克殄寇惟神任之若坐視而
不保及欲保而不能則朝廷之所以尊顯崇
祀者將安賴焉伏望明神赫然斯怒丕顯明威
部勒陰兵令遣神將將此二營劇賊一時撲滅
或伐其謀或梟其魄或施之瘟疫或乖其嚮往
務俾長我如虎出境若奔使疲民獲生息之休
城池有金湯之固斯官吏庶免失守之愆而神

亦永享無窮之祀矣謹以羊豕酒果用伸虔告
不勝懇悃神其鑒之

祭秦二君

於乎情有隔千里而晤對誼有曠數歲而彌親
人徒曰燕遊之昵萃樂之私之有以繫其慕而
不知膠漆之投金石之固之無以喻其真自余
侍君歲閱六春始不甚喜終亦無嘆中孚而文
自簡語寡而意獨厯辟如醇醴之設味不甚異
而飲之者自不覺其醺醺自君去豈倏如轉輪

祭秦二君

祭秦二君

祭秦二君

高情愈見遠眇使頻多士倭談其德齊民胥戴
其仁譬如仙翁緇伯初不知其難遇比其去而
遠也始恨不及夫斯人於乎抱不凡之具者而
施自光有及人之功者而壽可必稽諸古而已
然信於今而無失何乃官不獲一遷壽不盈六
十伊誰尸之百不償一修身以俟知君不貳於
心冥默無端顧我胡測其實像觀標格之偉儒
雅風流之逸壯懷高誼之優氣合情孚之密尚
不忍宣之於口又安能命之於筆也耶於乎哀

哉凡民有喪匍匐救之交誼如君敢以遠辭君
終三月聞已後時舍贈紉紉莫遂所私遙遙千
里寄奠一卮寒泉秋菊情以哀詞何以慰君庭
前佳兒我言匪飾君亦有知

祭叔父閒適翁

傷乎吾叔遽止於斯劬書而未獲一試韞積而
竟無所施取償於人者百不如願責報於天者
豈不可期豈吉凶應召之機信無足恃抑造物
乘除之秘未易得而窺耶傷乎吾叔蚤志雲霄

祭叔父閒適翁

祭叔父閒適翁

祭叔父閒適翁

跬步可到晚暮儒冠閒適自號白眼醉鄉逍遙
嘯傲人間不吝其測其奧豈曰憤時從吾所好
於乎昔人有言善積務厚不在其躬必在其後
天之報施恢恢不負二爭席珍如珉如玖孫枝
秀發可大可久逾七考終叔亦何恟即窆有期
輒已戒輶率我眷屬奠此卮酒長號告哀叔監
之否

祭丁一山

惟翁鄉之耆碩國之師儒中無城府坦坦于于

外施溫讓如玉如瑜問遺造請無間賢愚人以
為勞翁不知劬古稱長厚異世同符於乎人亦
有言彼薄此厚翁值昇平無否無咎既老而康
不哀不朽宦歷九霜不為不久年逾大耋不為
不壽觀化逍遙於翁何有實等平生交誼辱翁
忘年休休戚戚氣合情連或推其後或挽其先
惠而好我惟翁則然如斯種種匪言可宣於乎
今辰何辰昊天不吊雨雪霏霏觀翁旌旆薄奠
一觴長號狂叫慰爾斯文翁應含嘆

崇實堂集

卷之十五

四

祭萬舟亭

於乎天胡不慈割汝何酷汝少失父伶仃孤獨
成立之望方殷門戶之責攸屬前歲之冬既喪
汝妻今年之夏復折汝子曾日月之幾何而汝
亦相繼以不穀豈汝之沉酣放蕩日尋斧斤以
自速乎抑門衰祚薄積累有自而汝適逢其毒
乎汝弟淪亡汝兄不慧汝母汝妻嗟然一髮也
抑將何以嗣續乎於乎傷哉人皆有死汝獨可
哀人皆哀汝我獨傷懷汝雖從弟我視同胞汝

亦馴柔恭順無乖往歲間闕視余白下亦嘗跋
涉送我寧臺依依不捨之情只今宛然在目使
我繼此宦遊也孰復為余千里而來哉於乎已
矣相見無期汝有遺恨我能知之伯父叔父為
汝維持計汝遺產可免寒饑汝兄舉子當奉汝
祠待之再歲別梓宗支告汝歷歷酌此一卮少
慰汝靈安哉無悲

祭陳德章

於乎人世不齊各存所適豐嗇亨屯誰識其故
如枝在林或榮或瘁如魚在淵或細或鉅天昌
意哉值之者是世態種種惟汝可傷壯歲窮經
白首傍徨文價值賤筆耕歲荒餅無餘粟厨乏
膏梁責報於天百不一償汝遇若此一何悵悵
於乎惟勝觀數惟定觀理天之於人良亦有以
或厚其終故扼其始或害其躬迺昌其子數之
勝也汝如之何理之定也汝獲寔多達人大觀
志士浩歌榮瘁鉅細如么如麼莫汝告汝老淚
滂沱

崇實堂集

卷之十五

五

祭江母馬安人

於乎有善可稱古云不死夫子賴其蘋蘩專人
安其修瀝逮媵體樛木之章愛子循熊丸之軌
宗姻懷惠者如庇春溫僅孺叩恩者如飽甘旨
既孝且賢不如不鄙夫人之行足稱懿美於乎
產于絳帳之宗歸于孺林之寓荅燭曾未幾旬
珠翟遽爾易素由夏官而貳光祿者同夫之榮
贊官箴而免內顧者多汝之助既貴而榮惟優
且裕夫人之遭可謂異數然天予其長而不續
崇實集卷之十五 女

祭吳竺源正郎

惟公制科巍策水部名詩慮囚西粵平反罪綏
老成重望台鼎共期急流勇退返駕難追高臥
林丘苑李成蹊在朝朝重在野野宜薦紳領袖

鄉國典儀珠歲澤媚王蘊山輝枯潤所關山澤
何知祀公壽考萬口一詞溘然長逝數不可辭
於乎逾耄望耄在古尤稀青雲接武於今稱奇
完名備祉公亦何悲實等交承自昔臭味同之
迹遐心通良晤有時訃音忽傳潛其涕洟哀誠
走价薄奠一卮公不可作靈之格思

祭曾曉陽太守

於乎利器善缺瓊枝喜折人之精英元氣斷斷
公以文章巍科蚤發一樂懸堂三魁著閭茲仕
崇實集卷之十五 七

大夫再命廣粵迪士媚民咸正無缺貴風敦交
誼晚託姻婭期公撫仕祝公脩年驥足方轉鵬
賦忽傳別未幾何公已九泉漠漠雲雲淒淒
烟於乎傷哉越劍昏埋隋珠盡橫才雄萬夫哉
於一木天也何尤民之無祿於乎公薄斯遊太
公諱諱太公諱聞殉孝忘身其出其亡始終為
親惡乎用情同返於真生順沒寧何越何秦於
乎鰥鰥丘園蒼涼草樹孀帷畫哭慈烏夜訴天
地逆旅死生旦暮達人大觀奚怛奚顧實也兕

女之感游從之慕追曩愴今涕零如注一勺明
水藉用茆茹獨鶴盤空想像玄素

祭子常弟

於乎痛汝云亡百倍哀傷人孰不死汝獨悲涼
孀闈慈母嬰孺諸郎情事種種十不一償於乎
熱汝平生忠誠鯁介赴義如飴逃利若蠹曠意
熱心何隆何殺排難解紛為汝稱快於乎汝疇
綿延乍劇乍歇一歲康強曾無幾月汝號知醫
寧不自竭是誰之愆致汝奄忽於乎余雖三從
視汝同胞我勤汝念汝遽我拋今辰何辰送汝
北郊酌觴一慟泪下魂銷

祭李郭凡

於乎郭凡竟不起耶於乎郭凡遽止此耶謂天
無意於郭凡耶靈秀其稟淑睿其初材若繼之
而不為之量思若啓之而不為之開兼衆人而
絕庶類固已綽綽乎其有餘謂之無意誰其尸
諸謂天有意於郭凡耶困心衡慮顛頓支離行
通於神明而不見信於族黨文名於遐邇而不

崇實集

卷之十五

九

獲售於有司風波橫逆之方息奇疾忽避而遂

危既予之而遽奪若盈之而返虧平生懷珍抱

璞竟竅然於泉下而莫施謂之有意似不如斯

豈天之厚薄原不係於受享而人之信誦不專

在於兩榜耶抑取精之多者福不能以俱備而

淺材之盡者數不可以久強耶然冥運之默默

者竟不可窺而交情之切切者抑將何所追想

耶於乎體象不流靈芝不蔓余既知之無怨矣

椿菌同枯塋塋同幻郭凡亦寧有遺恨耶君有

崇實集

卷之十五

九

子足嗣况有文可傳凡所以托諸不朽者蓋將

亘百世而綿延是書於前者將以豐於後而缺

於人者廼所以全於天至是而謂天之有意於

郭凡也不其信然實孤介之行哀朽之年信離

羣而寡與獨君歲晚顧我而周旋冰竹之宴環

碧之篇自今寂寞孰與抵掌而流連婁斷山陽

之遂罷奏伯牙之絃誠悲夫知己者之不作臨

風洒泪往往交下如逝泉拊君柩兮三酌鬱余

衷子莫宣已矣已矣傷焉傷焉

祭曾素齋先生

於乎古今旦暮光陰轉燭方幸松蘿俄萎喬木傷如之何歲莫一哭於乎素翁瞭昨長身廣額豐頤人擬遐齡翁亦自期平生爽朗豪飲高齋心無曲鈞行必直結獨於課子嘉禮賓賢傾倒橐修贊豐筵天亦報翁韶穀綿延歲時上壽青衿滿前長君特達諸季翩翩悉數食指踰百望千人間五福咸誦翁全微疴不起胡然而天長君宵奔毀不及旋郡邑隆禮士庶悲憐生榮死哀翁何憾焉實姻婭兒女戚異恒情敢陳渾奠特此悃誠翁其不昧奚間幽明

祭叔母符孺人

於乎人世境遭有缺無完而兒女流所值尤難惟我叔母事定益棺駢休萃祉可無永嘆於乎昔為令妻今稱壽母有孫有曾佳兒佳婦享數之亨受天之祐持券取償庶幾無負於乎考終常理窵窳言歸靈輅將駕邈不可追芳籙在豆清醴盈卮拊帷一慟神之格斯

祭譚太保襄敏公

於乎天之生材賦畀罕兼故授大任者必階於歷試或膺仕者或專一職而不能舉其全維公材由天縱智若性成人居其歟公集其盈故其守海邦也則著龔虞之譽握兵符也則馳韓范之聲督府倚公以為赤幟兩浙賴公以為長城蓋投之所嚮無不如意而其應變成務上下咸宜者真若取諸左右而不俟夫經營徃下外艱倚廬墓側方幸積勞斯烏暫息忽倭奴之猖熾

望聞事之孔棘文武養寇而不能措手廟堂軫念而不遑朝食乃奪公情於苦帷之中授公以節鉞提督之職于時洒淚登車任為已責呼吸解甯陽之困先聲號醜虜之魄追逐群寇而盡殲於海隅一洗腥穢而措士民於衽席縉紳神其勝算當宁嘉其偉績權撫三巴旋鎮兩粵丰采倍增充盜銷歇蓋所至而輒効曾何待於期月匈奴跳梁闔我遼薊北門鎖鑰昇公總制威望振檀裘之膽精神作壯士之氣人徒見夫

遠塵之不揚而不知防禦之有備疆場積歲茂
著膚功晉大司馬名位日崇雖疏謝人言乞身
而暫退然本兵特召迓 聖眷之方隆共期台
階衡席踐躋於旦夕豈謂神遊羽化忽無疾而
告終既昇之薰而又奪之速誠不能不私憾於
蒼穹實等幸附甲科况連梓里每聞錫賚喜若
出已胡天弗憖降此凶否喬嶽崩摧棟梁傾圯
綠野晤期今則已矣雖 恩典駢蕃在公一無
遺憾而交情縷縷涕泗胡能自止歎吊真之弗
榮實掌集 卷之十五 十一
躬愧絮炙之乏旨逢陳辭而抒哀庶精爽之格
此

祭子受弟

於乎造化流行惟理與數理勝則靜質可以延
年績學可以用世凡作善降之百祥者若持券
而物成有所恃而無不如意數勝則恬嘿者未
必壽劬書者未必仕凡理之可憑者咸反其常
而一無所昇若吾子受者端儀訥口竟日而無
情容其質可謂靜矣朝經暮史窮年而無逸志

其學可謂勤矣然既廩邑校而不過於有司未跡
初壽而遽捐乎人世抱鬱以終所志不遂此殆
理之不可通者豈冥運叵測而數值其窮耶抑
善惡之報或爽禍福之微難推而造化誠小兒
耶余方為汝悲又安能逆理數而測其幾耶所
幸冢嗣英英青雲可期仲子勤慈稱克家兒孫
枝秀發穎異岐嶷此人之所難備子受薰有而
無遺所謂不廢其躬貽其後以豐者子受可無
病矣靈輅特駕往即南柯歲云暮矣傷如之何
榮實掌集 卷之十五 十一
真此一觴有淚滂沱

祭誦長老

萬曆八年秋八月六日鷺洲主人敬以三牲酒
果香燭之奠遣家僕祭于西林老僧誦公之靈
且告之曰水邊竹下偕爾朝夕環碧鷺洲同我
飲食余屏人事與木石居空谷足音獨爾動渠
爾今死矣余亦岑寂司馬坐忘達磨面壁存亡
見慣我本無情爾既歸空諒亦不驚有殺載祖
有酒盈樽遣僕告爾歡享若存

誄

車處士誄 有序

甲寅春實自東藩丁家內艱歸伏壟次
聞南城處士白江子車君以某月某日
卒于家李子既為位而哭絃詞寓奠矣
因念歲在癸巳始識君於白江之樓昨
者南旋君嘗候於章山之麓曾幾何時
見緣不再嗚呼傷哉嗟夫貞風向靡嚴
阿寂寥處士席珍抱璞不售于時復翫

崇實堂集

卷之十五

十四

讌寡諧閑戶自好繩樞甕牖屢空晏如
郡邑造請曾不一顧平生故人如夏吏
部曾賢良輩與君為忘形交今則已矣
韜芒劇采誰復知之昔魯論稱逸民班
史傳卓行垂之日月用勵世風處士
然塵表無愧前聞不有末撰後將何述
哉乃為誄曰

三精垂耀處者有表玄晏述矣文範云渺卓哉
車君風標矯矯壯齒有聞晚德彌劭縹囊武子

經笥孝先環堵終日帶索當年餅無儲粟賴有

高賢白江泠泠一誦一絃辟公仰高吏部投醪

溫不增華寒不改操知賤為貴於世何勞德成

而上獨立江鄉傳經劉向表俗彥方不忤名山

芙蓉鳳皇從政奚先賜達由果視君之材何所

不可曰維有命若將挽我末俗榮進沉酣幾何

乾沒焦枯雲浮鳥過持此與君孰為少多嗚呼

人之相知貴相知心叢歲班荆訪君雲林握手

語合傾蓋情深辱君謬許予是知音余亦自慶

崇實堂集

卷之十五

十五

此君南金章山出迺喜動眉睫贈我新篇時開
筭篋豈期斯言遂成永訣嗚呼不慙彌留言負
知己園典曰蔡山陽范耳虞書誰殉劉鍾自誌
何負人哉夕死可矣嗟嗟白江與子長乖少微
其殞梁木斯摧風哀川壑雲慘岩厓微燈動光
虛堂闕窈窕聞遂失聲操絃罷調想像風神月出
有曜嗚呼哀哉

崇質堂集卷之十六

文部

書啓

賀益王啓

奉江川王書

奉荅吉王啓

復楊四泉鄉丈書

與陳小江太守書

復傅印臺中丞書

崇質堂集

卷之十六目錄

與鵝山侍御書

泛湖諸作

復歐陽南野書

東鄭淡泉太卿書

東錢洞泉民部

寓海豐

復茅鹿門憲使

東薛方山學憲

穗城

東陳明水書

復傅仲言書

二首

與陳西塘年丈書

東尹洞山翁

謝林九霖明府書

與王稚川丈書

三首

賀何心泉丈書

與王中臺節推

二兒生荅高雲臺賀啓

與胡栢泉總制論弭盜事

與張懷潭郡守書

崇質堂集

卷之十六目錄

與許蓋齋論救荒書

復魯魯源年丈書

貽講學諸友書

與劉初泉學憲書

時分守湖南

崇質堂集卷之十六

文部

書啓

賀益王啓

伏以藩垣屏翰宗子維城忠孝詩書周禮在魯
恭惟 益國賢大王殿下德性夙成嘉聞久播
好學而手不釋卷樂善而事必合天克勤克儉
宮闈絕侈靡之風有典有則家庭嚴燕翼之訓
在昔東平河間莫之或先即今列辟羣封無與
崇質堂集 卷之十六

為比士民胥戴而弗能忘縉紳願見而不可得
茲者天錫寵命位正親藩得名得祿締先王鴻
保之休宜民宜人慰閭郡蒼生之望信積慶之
有自卜本支之日強實忝竊籍中幸叨部下仰
大德之鎮靜久荷帡幪瞻清範之光輝不勝欣
豫伏願日親賢顧時理簡編散有餘於無告以
延遐筭之齡宣至樂於高吟以答太平之盛實
無任祈聖慶幸之至謹奉啓以 知

奉江川王書

職自入楚疆即聞 殿下芳名令聞迥出人表
及巡歷邵陽復荷垂禮款款先施像文備至維
古之賢王好善忘勢何以加諸近因初至放告
有無知小民赴訴府中投克人役非法害民假
借生事數十詞職念 殿下之賢深居潭府必
不知此輩所為俱立案不行不識曾知之否茲
有一得之愚輒伸芹曝之獻尚冀虛心細覽反
覆玩味未必無萬分有一之助也職惟古今至
難得者清閒之福侯王至當擇者美惡之名殿
崇質堂集 卷之十六

下貴為王牒之親身膺圭衮之爵坐享金王之
奉絕無政務之煩此人所深願而不可必得者
左圖右書朝歌夜絃樂太平之全盛延松喬之
遐齡俾東平河間不得專美於前至清至閑福
莫大矣若於此不知受享不自保愛殖利招權
營營不足於富貴之外別求富貴於本分之外
別生事端則是棄清而趨俗厭閑而求忙聰明
者不爾為也不亦甚可惜乎夫匹夫囊百金之
資少知自愛者皆欲保身後之名以垂鄉曲之

譽今 殿下貴為邦君坐鎮專城凡有舉動關係尤重顧不知自愛輕聽群小結怨士民可謂闇於所擇矣此輩小人凡投充入府者皆亡命避罪及喇虎起滅之徒奸盜詐偽靡所不有其來盡欲假借聲勢以快已私絕無效忠為主之意凡所騙害小民任其吮噬屢足然後出其十之一二歸獻府中至於武斷不法之名則盡歸殿下而此輩無與焉試一思之群小得利益名獨當亦何苦為此輩聚斂數也况 殿下分

崇賢堂集

卷之十六

三

等一起係黃巡按照提務在必獲倘逃避在府急宜送出完卷此外則相安無事勿復致疑殿下亦宜翻然省改無惑群言經曰高而不危所以長守貴也滿而不溢所以長守富也又曰知足不辱知止不殆惟 賢王念之圖之職無任祈望之至

奉荅吉王啓

崇賢堂集

卷之十六

四

本月二十八日有審理陳治賁至理緘捧讀再三不勝踴躍楊萬金事昨蒙面諭即欲奉行隨令該府通判推官同詣長史司約會啓請復荷俯納曲賜優容四月二十七日據長史司呈啓奉 令旨這所啓楊萬金事情既分巡道差多官再四懇請姑從立牌追租明白來說便回呈該道知會敬此足仰 殿下愛民如子從諫如流古今賢王無與爲比續據楊梓告爲群校聚衆即從制命事內稱有父楊萬金先告察院蒙准批布政司會同守巡道速勘招詳本月二十三日蒙兩道會審發府起解間有棍校崔明等

聚衆二十餘人將父并弟生員接髮亂打搶去行李銀貨等物紉提進府未知死生等因隨批楊萬金係兩道會審起解人犯各校何故紉提仰長沙府即行長史司查究虛實仍將楊萬金查照原行速解本司審詳刻日報奪當時提告竊意群校生事恐 殿下未必盡知故有此批以後節准本司咨云察院面語再三將該吏屢責萬分緊急專人守候故行催府以完前卷此亦文移流傳之常原非偏倚之意況此事既經

崇實堂集

卷之十六

五

巡撫批詳處斷雖布政司再問亦不敢反異前案但欲人卷同到方可審招回詳察院以免督責耳今左右群小不審事體妄捏浮詞歸罪本道 殿下高明亦偶爲此輩蒙蔽從而信之不知此事原係察院准詞布政司提人分巡道會問與本道絕無相干 賜書嚴切責望過濫本職殊不敢當亦不知所謂 殿下仁賢聞海宇襟度包洞庭今乃爲群小所罔以螻蟻之失動氣以螻蟻之事介懷竊爲盛德惜之職既奉教

再不復催取一任本司審詳 殿下亦宜明目達聰虛心細察勿因浸潤之言遽動雷霆之怒使長沙閭郡之民世世感綏撫之恩則陰陽遺於百代 令聞垂於無窮所食之報豈止十三萬有零而已哉職素仰高風無任懷祈謹貢肅啓附審理陳治賁 上伏乞 晉神俯垂采覽職不勝悚息之至謹具 啓知

復楊四泉卿丈書

崇實堂集

卷之十六

六

實自河梁待教忽尔三易歲矣瞻仰之私與日俱積使者至辱惠翰教重以厚幣展誦登嘉慰感何極雖丈人盛德不遺鄉曲顧謏謏如實何以堪之實近承人之叨補瑣員惟是力小任重無能報稱惴惴昕夕幸賴卿有典刑時賜詔策庶幾龜勉駕鈍或邀曠責也至望至望 大慶禮成即欲 上疏改南以便迎養倘蒙 俞允則几杖可即矣使旋率爾奉復尚希台鑒

與陳小江太守書

匡廬邂逅領益良多中間契闊屈指踰紀萍梗

東西莫伸候訊惟瞻戀之私與日俱積耳遠惟明公清材碩抱表表在人暫假霜威臥治名罷所謂入則禁闥出則淮陽風裁撫字無往不可丈夫處世但以得行其志為榮當不屑屑於內外軒輊之間也為何為何實碌碌披垣自北而南日慚素飽近以抱疴請告候命即行矣歸則選幽擇僻飲食犂鋤時仰德音慰我空谷恃公夙誼漫爾及之台吏旋率爾具狀附候起居伏枕揮汗不知所裁

崇禎集

卷之十

七

復傳印臺中丞書

吳承使至辱惠翰教展讀慰浣重以厚幣再拜登嘉愧感何極恭惟執事望重天下開府被藩出其德威大造列郡悵悵之賜實也受之久矣徒以書生之見守分避嫌未嘗貢尺楮之函少伸頌德之悃返辱不鄙鄭重先施自惟鄙薄何敢當此盛謝盛謝近親水次大疏浚切民隱非痼瘼乃身者未易道其中一句比歲悍卒逞兇部使坐視龍窟虐焰熾熾一歲敕府牧邑屢遭

焚灼矣今幸有此真出之火坑而嗟以清風也感何可言即與同省諸掌科往見松泉公贊其必行庶不負明公盛舉匪佞匪佞

與鵝山侍御書

承諭麻陽之役推究本原洞察利害至論大廓垂成之績尤為痛快因公得聞所未聞何幸何幸第遙度此事始則守土者撫御乖方終則當事者張皇太過及今不蚤為之處萬一土官玩寇老師費財吾不知其所究竟矣公咨諏之餘必有成筭便中無吝示教

崇禎集

卷之十

八

泛湖諸作寄林心泉給舍代簡數語

真州人回曾具短札計徹高覽矣弟以念六日申刻抵杭關明日為西湖之遊窮六橋歷三竺訪靈隱古蹟小憩冷水亭穿飛來峰諸洞遂振衣登北高絕頂江山勝槩一覽無遺真奇觀也返而登舟解衣高枕直入邯鄲覺來呼酒獨酌放歌渙父篇舟人鼓棹和之真與意會薄暮則瞻武穆之祠步蘇公之堤酌酒孤山之墓吊古

懷賢悲忠憤和感慨焉繫之矣已復避雨保叔
坐嘯天然面畫樓中俯視平湖煙波浩渺遊船
飛鳥一時俱盡湖上諸峰隱約如失回憶已午
之觀恍若疇昔此時太白滿浮狂興飛動恨不
得與心泉道人共之耳無物留別以此奉寄明
日擬移舟又明日便當渡錢塘去矣睽隔日遠
好音不易瞻言昇詎執筆惘然不盡不盡

復歐陽南野書

北使至承惠會錄登嘉之餘不勝榮感謝誠實

崇實堂集

卷之十六

九

遠教凡再易歲矣瞻企道席萬里咫尺獨以周
南踈遠之人涉嫌干進不敢數通當路姓名居
政府而一字不通或為溫公所取也不然里閭
小生素辱教愛而蹤跡寥濶如此其不近人情
甚矣伏惟高明俯垂憐察實多病侵尋虛度庶
祿恐負任使以貽道丈之羞行當請告乞還
骸骨賁本人至不免更贖聞人也

東鄭淡泉太卿書

實於翁生不同鄉進不同時翁以氣節文章名

動海內賴余小子菲陋慙愚舉世共棄昨來南
垣一見而合盡決畛域直示底裏若握手平生
者然靜言思之不知何以得此於翁而翁亦不
知何所見乃犯衆惡而有取於不肖也然別去
萬里仙都嶺海隔絕雲泥合併未期便翼難遇
惟有此心百年相照耳昔人謂士大夫不可無
憂世之心亦不可有憂世之言不肖嘗坐此病
而不能除茲行無可留別謹以為獻隨言必察
我翁盛德事也幸恕其狂

崇實堂集

卷之十六

十

東錢洞泉民部

寓海豐

更至辱惠教眷念真切藹然骨肉之誼弟遠羈
海角未能速承色笑每捧德音益增愧悚今日
發海豐嶺東之後至此已竣三日達惠陽信宿
抵省戎院若不入東莞則趨教應有期矣知兄
見原故爾遲遲也然弟之所以歉然懷私急欲
奉晤者特以別裏耿渴圖一傾倒以少致弟昆
之情焉耳若清理之事則吾兄規畫詳盡督委
允當弟本碌碌無能贊助一籌惟有仰成而已

况敕衙門敕諭之所不載貴堂之所不齒一應
事宜非弟之所能與亦非弟之所當與也弟原
非避難逃責者惟兄亮之而已承垂訪增課一
事足認拳拳足國之意但在此地則各場窳乏
已極原額逋負不爲不多雖斷筋椎髓未易完
報近日督併過嚴便覺不堪甚至有挈族逃移
者增之於窳萬無是理無已則增之於商乎然
提舉司之立法權商者似亦詳密往場則有軍
餉盤掣則有納堂此外有引價紙價首鹽割鹽
崇實堂集 卷之十六 十一

不及

復茅鹿門憲使

八月間東華兄傳致瑤函始知憲節榮履喜慰
如對卒卒乏便未即脩荅方以爲歉承來續領
教札瞻念彌至愧感益深矣追惟疇曩白下遊
從吉陽與公號稱知己獨慚頑局不能仰承雖
頗悵悔猶未甚覺及今則飄散殊方良覩未筮
即欲促膝傾吐面質所疑亦何可得流光逝水
怒焉悲傷矣真切真切公抱匡濟之具又適觀
崇實堂集 卷之十六 十二

撫巡之知展布平生時哉勿失高尚之懷願且
遲遲如弟則資本過野材不通時如麋鹿入市
驚駭踴躍人皆笑之行當 請乞從吾所好耳
非公其孰亮之俾旋率爾布復有懷種種臨楮
茫然

東薛方山學憲

德城

錢塘邂逅備辱教愛繼因公鎖院有妨參晤缺
爲面別抱歉迄今嗣聞學政日新士習丕振勳
闕子弟至不敢通名而衡鑑精懸則又公之餘

事昔人謂司考校者不患不明惟患不公若執事者又何二患之足道哉實以去歲冬初度嶺來此碌碌因人簿書期會懷瞻文雅真爾仙凡也匪佞匪佞

東陳明水書

去冬幸遂升堂之願辱翁容接款款雖驪駒匆遽未罄請益然數載積私亦藉是少慰抵家酬應糾紛又於先妣墳前排一水檻工役冗冗坐是久稽申候罪歟何可言仰惟吾丈道體德業崇實堂集 卷之十六 十二
與日俱新春風化雨應過酒壇場矣俗事稍閒即當放棹瑤湖造請丈下期聽教旬月而歸不識獅子堂前亦能容此俗轍否也

復傅仲言書 二首

客歲拜墨教之辱既數日尋有先妣之變克克瞿瞿勉襄大事倚伏墓次僅延咽饒之息令叔歸方爾荼痾不能強顏作一字惟託以此微諸左右未識能亮之否大兄脫去凡近以遊高明久飢譽聲啓封恍覩顏色紫陽不作斯文正傳

未絕如綫當時陽明井泉諸君子趨識亦有可觀第不知所詣處淳駁異同何如先生嚆嚆欲拉一二同志鼓篋陽明門下無何再寄闔命尋作古人未面此公至今尚抱遺憾聞井泉公雖居要秩嘗開觀光館以進後進思得遠涉一往以正所聞亦須有共行者幾人未識他時能了此願否象山草廬作人甚不苟且大兄鄉先生也山川之氣久間獲完必鍾哲人以其時考之則可矣直進無前良慰良慰不肖罪逆深厚苟崇實堂集 卷之十六 十四
全未殞宇宙洋洋置身無地尚安敢追隨君子後以窺望古人萬一耶回首平生可恨亦可羞也倘吾兄不鄙納諸可進尚望源源賜教以慰哀懷不肖亦當洗心澄慮以承休德地遠勢深無徒託諸空談已也時炎氣逼人蒸麥可畏天下之寶當爲天下惜之未由而晤惟有馳情痾疚之餘臨楮極草率一

曩時草草作數字殊未罄所欲道秋終再拜華封披讀醒人眼目扶藹植人而導之周道欽菴

啓沃我者厚矣何幸如之雖然書院之築非陽明意也諸君子竊比築室之意成之也僕竊思之爲學不可先立門戶沽釣之舉甚非所以望於靜修有志之士吾大子何嘗聚徒講學亦何嘗外性分而求所謂道學當時頗曾閱冉之徒亦豈朝肄暮習如百工居肆以成其事者哉孟子曰子歸而求之有餘師元公橫渠爲監不遠也吾兄性資契道殊非資取口耳者流亦何必外性分而遠有所慕耶自恃契遇頗深故敢直率道此未盡之意當於言外得之實弗類爾尼龜手悠悠歲月毀瘠之餘愈覺失性悵望許長路頭何時是一進步也有道者必有以藥石我矣軍峰地高冷氣先秋入冬益不登如有雅興須乘熱一往猶須挾纊麻姑之約如命來期請預及之窮冬或稍舒當有事至楊源願一相見亦未知果能了此願否也令叔邁旋聊布省候下意起居常叙茲簡弗及二

與陳西塘年丈書

崇實集

卷之十

十五

崇實集

卷之十

十六

石吏還得接兄九月翰教兼領清貺慰感交極弟往歲濫竿南垣既不能圓轉又無所建明迄今思之常懷怏怏乃辱兄優假過情汲引非但展讀再三益增余愧也晉都此職最不易居當路既待之薄而士夫又望之厚憂讒畏譏發危蹈險人孰亮之惟兄素以正直通達之材而將以溫厚明辯之說爲同鄉同年人之所難兄之所易意外贊毀願且勿橫胸中時行時止亦聽其自至而已不識鄙人之見亦有合於高明否也弟以三月中旬入楚即以是月移劄寶慶僻控苗方塵勞鞅掌日來尋砂採木慄慄將事自顧麋鹿野性但合投林少俟來春便當掛冠鶴棲去矣兄知我者漫尔及之不足爲餘人道也

東尹洞山翁

孔指揮賁至瑤函捧讀款款似不以實爲不肖若欲引而納之門牆者嗟乎實也擣散崎嶇舉世共棄而何以得此於翁哉古人謂士嘗伸於知己獨愧此中倥倥無售知之地耳感刻感刻

仰惟吾丈黃散經綸金滕禮樂海內屬望實何
敢私晉都佳麗暫假勝遊吊古援奇必多述作
便間不惜垂示俾得長擬心神翹渴翹渴

謝林九霖明府書

昨歲過瑤湖凌晨發棹未遂親瞻每懷德聞時
切嚮往去冬敕邑忽有流氓之警賊衆兵寡人
無固志又內盜勾引開門延納當此之時非有
威望可恃之主精神折衝籌策備猝擒獲奸細
摧挫銳鋒則城中萬姓不亡若綫矣賴天之靈

朱實堂集

卷之十

十七

先事假重明公屈臨茲土公不忍一邑塗炭勉
徇群情毅然自任集渙散之人心脩戰守之敝
具易危爲安轉禍爲福使城中倉庫無虞室家
胥保真有更生再造之賜矣功德崇深豈一家
一人之私哉實嘗竊笑今之仕者率皆應文墨
貴以僥時譽若文法不及責任非已者雖驅之
不顧公之任事無我又何其與人異也感謝感
謝

與王稚川丈書 二首

涿州人還曾具短札脩謝計已徹覽實以膺月
十日抵家冒雪衝泥備嘗辛楚要以酬應紛劇
疲困不可言春來侍奉依依未能遽別日下方
東裝爲洞庭之遊第住劉寶慶此地爲楚徵拉
邊陸程至省二十五日路險且遠不堪迎養獨
子離曠殊非人情而老親終以續典爲念又不
聽罷休進退狼狽吾丈其何以爲之所乎真切
真切

不肖孤竊聞人子之顯其親也存則微 璽書

朱實堂集

卷之十六

十八

之耀沒則爲不朽之圖然耀於生者不可必得
而圖爲不朽者世難其人不可必得者既委數
於天矣幸有其人可以應吾之圖也則皇皇奔
走將不遠秦楚之路而求之而況近在封境之
內乎痛惟先君世承家澤肥遯丘園孝友勤儉
信孚鄉黨雖無官爵表見於世而耕讀好修亦
庶幾古之所謂處士者獨恨不肖奉職無狀竊
祿中外十有六載竟不能霑 一命以爲親榮
今則復長已矣圖所以贖不孝萬一之罪以爲

沒後之計者惟假名家之言表諸墓石用昭華
衮庶幾吾親託此以不朽也伏惟執事道德宗
師文章星斗求之當世號稱獨步凡海內薦紳
之欲顯其親者咸攀援倚託欲得一言以爲重
即使不肖素昧平生亦將強顏請乞况辱教有
年道誼之愛非泛泛者頃者又辱專使臨吊寵
以文儀則誤已收之通家之末進之門墻之內
矣乃敢忘其賤辱輒以誌銘爲請伏乞明公與
善矜孤發潛表獨惠然賜誥惻然垂情俾先君
善狀不至泯泯無聞則不肖即瞑目無憾矣二

朱質堂集

卷之十六

十九

賀何心泉文書

去冬辱垂訪匆匆別去未由扳教迄今猶以爲
歉春報至知兄榮擢喜動顏色貴邑德門俱以
凝翕藹積之氣久當宣洩而始發於兄翁之極
則行之必昌積之久則發之必鉅此造物相乘
之理在兄可以自信矣最哉自愛努力修名區
區榮達不足爲兄期也僕年來多病作意投林
近已戴笠倚鋤日隨老農作活深山道士見人

便蓋無復登途之念矣都下相知倘有問及不
肖者煩兄以此言告之茲因鴻便率尔奉候併
致賀私小恙未瘳所懷仰希鑒亮

與王中臺節推

實往歲閱桂籍已熟公姓字昨過三衢會太守
周公亟稱公磊落沉毅爲盛世有用之材益切
傾嚮敕郡最爾小邦且僻在一隅何幸辱賢者
臨之且理刑事簡而職專關係民命甚重惟恐
落則奸不能容惟沉毅則法不可撓庭無滯獄
建無克民當預爲公他日卜之也公其齒以慰
我乎

二兒生香高雲臺賀啓

華牘枉投拱壁入手觀文允之璀璨增佳氣之
鬱葱未憑抱送敢言天上之麒麟幸借品題庶
免人間之豚犬啼聲獲試於太真高詠再傳於
子美重厘長者推愛通家詩書承祖澤竊有付
焉清苦過而翁是所願也倘上客之輪轅能枉
則貧厨之湯餅可供謹勒雲箋愧虛瓊報

與胡栢泉總制論弭盜事

久欽德聞幸借福星慶慰之私有非楮賴所能具述者茲以地方警急荷戈城隅寒暄常叙未暇竄陳而憂切剝床不容自默輒敢控聞誠非得已伏乞俯念僻壤爲群盜出沒之地萬姓實危急存亡之秋掣無益之戍守固單危之城池金湯衽席特在公片紙之間耳事具別幅幸垂采覽仰瞻霜臺無任懇惓不宣 東

近日閩廣有名劇賊盡出吾省各巢俱空自一

崇實集

卷之十六

十一

省言之而建昌爲切近自一府言之而南豐爲尤急蓋廣昌新城之賊之所必至而宜黃樂安之賊之所經由自三十六年以來連遭殘破而今歲爲尤甚若石油楓岡橋口深灣沙窩俱屯一月殺傷焚蕩淫污虜掠慘不可言亦臺下所不忍聞者若非大加振舉則孤城決不可守南豐不守則長驅四出建昌撫州恐貽明公將來之憂也爲今之計惟有責成守備增兵訓練定立條規假之賞罰若土兵足恃則聲勢日彰賊

少則可勦賊多則可敵決不至如近日閉城坐視自保岌岌任其縱橫飽滿而去也生也利害剝床朝不謀夕雖廓清掃蕩之策不敢與聞而綢繆端戶之私不容自默茲輒不避煩瑣仰明臺惟我翁意嚮所加則精采百倍長城之倚特在公一筆之下也今之當事者應文巡責民隱漠然依准既行百事俱了生君是邦敢盡言哉迫切饒舌皇悚待罪 副啓

與張懷潭郡守書

崇實集

卷之十六

十二

起居常叙不敢竄陳近日樂安兵變大是異事賴翁軫念地方剴切申論爲民一念真乎格上下矣何幸何幸當路諸公懲羨吹竽畏慎太過既不能整飭於先又無所懲創於後東營若不撤則將來效尤之禍真莫知紀極也撫翁負天下之望者亦嘗念此否耶昨避兵出郭偶聞兒童之謠似有可聽代錄呈覽蓋陳詩觀風亦古郡侯之所不廢者我翁寧厭之乎撫翁處望轉聞之揮汗執筆種種不備

與許蓋齋論救荒書

起居常叙不敢噴陳茲有地方危急之事輒敢奉聞此月初旬本縣米價騰貴兼以陰雨連綿在城廩戶俱無蓄積各兵買米未免抑勒米舖爲之罷市縣官多方勸借僅可支持五日衆兵因而騷動群聚放言人懷危懼若過月半則空營絕粒此輩平素猖狂豈肯枵腹靜守意外之虞恐非臺下所忍聞者昨縣官申請借賣倉稻誠爲長策蓋倉谷乾燥不必晒晾即可成米八月抵償易於聚沙在官府既獲出陳易新之利營兵即可濟朝饔夕飧之急百姓因得免朝不謀夕之憂而吾翁亦坐收排難解紛之績一行而四利具計無踰此者也伏乞仁慈軫念地方危急百姓愁苦勿泥常格俯賜批允則萬民幸甚不肖幸甚若候通詳方始發稟則三月之外恐吾翁欲借無及矣蓋三月四月銀未到期今非獨無米煩聒之詞不敢盡述憂淚詞激不覺唐突悚息悚息

復曾魯源年丈習

別久不相聞問追邇日月何堪屈指然合併之跡雖疎而嚮往之心愈切嘗中夜靜思丁酉年誼唐巖武東兄翁及弟四人者竅爲莫逆今忽忽四十二年矣劉楊父作古人而兄翁又聯隔不可得見瞻言舊遊曷勝於邑丁卯之歲曾奉書督府節鉞已發遂不及投而兄翁寄劉二府書亦成陸沉乃知人生一別雖寓書亦不易達况於良晤安可必也悵悵悵悵尊翁老年伯仙逝遠不及知末由遣奠是誠缺典罪甚罪甚兄翁聲望邇隆材力強健而起召之推尚爾稍遲豈事機之會猶有小梗未拔耶然公論所歸人望攸屬可遲不可已也願望之私何日慰我弟偃蹇棲遲俄驚耄齒頃緣末疾却掃杜門若與世隔尚幸眠食粗康調息靜坐聊足自遣此山人此小活計不足爲有道者道也晚歲舉二子長者入南雍今已撥歷將歸次者今歲入郡庠然皆區區豚犬不敢與孫仲謀比也承惠華

函急急披讀，藹然情談，真如見顏面。佳刻數帙，展玩二四，教我多矣。郭价馳書至，求報甚亟。率尔申復，併致謝私。有懷拍塞，握管茫然。統希慈鑒，令親人便幸。不惜嗣音，臨楮戀戀。

郭使至，拜翰教，腆貺披誦，登嘉不勝慰浣。賤生虛度，何足齒錄。迺辱兄翁垂念，遠致華軸，即高懸楣間。亟呼弟兒共讀之。朗吟數四，情詞藹然。真如京邸款款面談也。感激鏤刻，莫知所以爲報。因憶兄翁六袞華辰，亦值茲歲，輒敢効顰，奉賀併憶舊遊一首詞，雖弗工意，已獨至。惟翁取其意畧其詞可也。郭价之便，率尔申復，併致謝私自去冬以來，右臂冷痛，不堪執筆。口授兒曹，惘惘不知所裁。統希慈鑒，人便不吝嗣音。尤慰岑寂，餘不具。

拙作擬登一軸，柰救地裱工甚惡，兼乏綾絹，若用縐面紙軸書之，并詩字便成三惡。三惡既具，不可以懸大雅之堂。故逡巡而止，承誇示連宵痛飲，達旦此非興量精神俱強，未易當此。款羨

款羨若弟，則年來見燭思睡，飲不成歡，無復往時豪興矣。其監降旗安敢言較敵郡丁酉同舉六人五兄俱已下世，唯一叟頽然尚存。李巽齋前歲亦作古人，雲石無恙，弟近與之結爲婚姻。翁應聞之，奉來淳化帖，乃石刻善本，亦以俵工俗拙，故未裝潢。貴邑此工極精，若命之匡嵌四圍，裱成十帙，亦可供清賞也。如何餘容，嗣布不備。

今月四日郭价賞至華函封題，迺臘月七日山

崇實堂集

卷之十

廿六

川脩阻雖一書之達，動是經年。而况聚首其難，可知展讀來翰，款款面談，昔人謂情親則千里晤對，信非虛語。承示憶舊遊大作，風致溫潤，情事藹然。京邸綢繆景象宛然，如即投礫報瓊，取償多矣。再讀大拙堂集，叙委曲詳盡，醇淡古雅。武東幸遇知已，可以傳矣。兄翁詩文日攻，日進，直追向上品格，駸駸邁往，勢不可遏。視弟塵俗仙凡迥隔也。匪佞匪佞，弟年來多病，近得中滿之疾，飲食減損，肌膚消削，終日兀坐一室，屏絕

人事雖雲石同年親家今歲尚未相見則他可知矣老態惡懷不足為壯盛者道也郭价立索報書率尔申復冗迫不遂欲言仰希慈鑒風使無吝德音尤慰懸渴不盡不盡

貽講學諸友書

諸君今日之會所以尋求放失究竟本原問辯切磋相觀而善甚盛舉也追憶往歲癸巳考貢入省得聆水洲瑤湖魯江諸公緒論直指本體喜其洒洒超脫自謂言下了悟然恨不得下手

朱子集

卷之十六

廿七

工夫一時意興激發徒成光景玩弄荏苒年華忽踰三紀真妄錯雜依然故吾白首蹉跎良可慨惜尚望諸君各各辯其實心下霹靂手步步躡硬地時時求本心談者如倉扁治病直尋根源頂門一針不令躲閃聽者如病人畏死求醫直吐胸膈腎腸四肢百節某處苦楚某處沉痾不得纖毫諱護然後息心降氣朝夕商量作何攻拔作何調養所謂急則治標緩則治本行住坐臥惟病之求庶免感邪日減元氣漸復久之

則充實壯盛作無病人矣今若不問感之淺深證之緩急一槩與之談素問究岐黃以為原本在是熱此則百病不生此立本之說何嘗不善然不知病甚之人非用對証之藥則有加無已精神日損肌體日消漸至不可救藥又何暇於素問之求岐黃之究也哉此本末緩急之說在今日尤所當汲汲講求者也某百孔千瘡方皇皇尋醫未遇承高明不鄙憐其同病故敢獻其愚亦以一體之學須有一體之念更望諸君向

朱子集

卷之十六

廿八

裏砭鍼及時求受既治已病推以及人則倉公扁鵲近在閭里使鄙人夙疾不必遠秦楚而觀名醫他日沉疴去體真諸君更生之賜矣今日值荆人暴病未緣聽教然此心惓惓尤切於分席請益也幸亮非飾

與劉初泉學憲書

時分守湖南

昨者差吏返命曾附謝函計已登徹陋邦事體日來漸次就緒而鄙人叢怨招讒計亦不少吾人應世但知為所當為而意外贊毀亦不暇瑣

瑣較量也近聞內使將臨此是地方一場大擾
而分守者無能裁損蕪要陪奉有志之士決不
俛首若此也奈何奈何聊與知己者道之弟近
日脩葺濂溪書院命郭守考選六學諸生六十
人聚學其中請王教授蔣教諭督課之教道量
處饌米油燭之資弟時亦親往商確近頗踴躍
願入者甚衆武岡文廟堂齋傾圯已久該州以
力訕不復議脩弟捐俸并贖金共百兩給發該
州且即日興工矣凡此皆未申請特爲貴道少
笑專人奉候起居并致菲忱統惟台鑒不具

崇賢堂集

卷之十七

崇賢堂集卷之十七目錄

文部

書啓

與王敬所年丈書

與譚二華年丈書八首

與張洪陽太史書二首

與石翁書

與董容翁書

與蒙翁書

與劉樵翁書

賀王見竹丈翰苑書

復劉北岡學博書

與陸思山推府書

賀王東溪丈壽啓

賀鄭滄瀛諫議書

與趙麟陽年丈書

與王介石郡守啓

與王介石郡守書二首

與范晞陽明府書

賀朱東源年丈啓

與丘厚山丈書

與羅近溪年丈書

復李吳齋年丈修譜書

二首

東許敬菴郡守書

崇實堂集

卷之十七目錄

二

崇實堂集卷之十七

文部

書啓

與王敬所年丈書


冬初聞開府之報喜慰不勝喜者樂翁得展布之具慰者副弟素期仰之私固非以位望之隆祿秩之厚為翁少多如世俗之情也總漕資格例以部院副堂推補未有方岳徑陞者今當軸諸老破格待翁其知不可謂不深其遇不可謂

崇實堂集

卷之十七

乙

不奇矣況四海荐紳喁喁屬望拭目以觀傾耳以聽翁其思所以副答之乎若但與時浮湛應文依樣今日轉侍郎明日遷尚書秩則尊矣恐非敬翁本來面目也如何如何實自甲辰投今辱翁收為知己知己之言不以諛而以規益不以世俗恒情待翁也寧厭之否實落魄如昨惟足疾日增杜門却掃竄與老拙相宜俗緣世味刊落殆盡惟劬書一癖尚未能忘然於此中亦稍有長進處頽然嗒然似非故吾矣此山人近



日功課不敢不於總漕衙門注銷也一嘆

興譚二華年文書 卷一

別時承下詢地方事宜實志廣才疎本無奇策
又去粵十有四載時移事改種種陳迹亦不知
今作何狀但昨嘗面告檢稿寄呈今亦不敢虛
語謹將昔年帶管嶺西兵道議呈應軍門事件
奉備采擇極知敍帚之獻取嗤武庫然竹頭木
屑志存匡復者猶或加意則翁或不厭此瑣瑣
也大抵兩廣事體比之它省迥然不同賊有三
種惡少無賴聚徒游劫者謂之浪賊負固結寨

崇慶堂集

卷之十七

二

屢招屢叛者謂之巢賊其強種蟻于各團族類
世守今地者謂之崗賊浪賊密於方畧可以計
取巢賊有時畏威可以招降惟崗賊則兩廣之
窟穴相通彼此之聲勢互倚非連數十萬之師
環而攻之未易得志然蘭丹之黃狼久不聽調
標下之兵卒數不甚多非復如韓襄毅時矣况
興師十萬日費千金今廣東既設巡撫則事權
未免可今昔之橋稅鹽課駐劄罰府能盡專之

否乎若東省缺額而欲取償於貧窶之西省難

矣即使兵糧可虞必題准而後舉事號召辦集

類非期月不可吾恐師未興而機已露其魁黠

者必逃逸無餘而恃以無恐者反遭屠戮追班

師未幾則嘯聚如故此大征之難也近年以來

不復議此祇出偏師惟事掩襲或多圖首級或

密取孤村將領日報捷音督府類奏功次然首

級之積數多取盈商旅村分之掩殺亦不令免

良止可偶一為之難以復用舊套此鵬勦之難

崇慶堂集

卷之十七

三

也為今之計惟有用人養銳積蓄乘機用人必
得威望素著熟諳彼中地險夷情者以為將領
若虛江可謂極一時之選亦天假以贊助我翁
者故所至輒隨輻輳甚妙其次如張叅將試者
雖未敢便擬虛江然實心壯氣亦南塘匹亞實
察識兩年知之甚深況生長茲土屢嘗歷涉其
輕車熟路恐虛江亦或少讓翁誠欲新任建功
則非此人効用不可幸早圖之不獨遂其私也
若養銳積蓄乘機三策翁引而伸之特餘事耳

是易人所難又在翁運用之妙非老生常說所能贊取也一

向聞坐部未幾隨有薊遼之命此山人私竊豫擬者蓋西夏未靖則韓范不得久安於朝翁雖欲辭可得哉聞節鉞蒞鎮無何振哀舉廢耳目一新光弼一赴河陽精彩百倍自應爾也又喜得南塘公同心協贊韓子謂輕車熟路而王良造父為之先後則翁今日之謂也如此舉措虜在目前中山人平胡頌已卜日屬彙矣預賀預賀

東坡全集

卷之十七

四

尊眷合衡計俱康泰賢郎應日見岐嶷矣獎山桂子定長新枝便問飛示用慰懸注二

汪使回辱翰教溫然款款似以鄙人猶足與談者不耻下問此大臣休休之度也即此一節便足以任天下之重矣欽仰欽仰大抵今之當國者匪材弗濟匪望弗孚翁經綸碩負所至輒効而隆隆譽望如泰山喬後人倚為重蓋君實相而四夷相戒敬與用而朝廷改觀方今大擔翁不得辭其重矣我朝本兵表表在人者弘治

中有端肅馬公正德中有晉溪王公今則有虞坡楊公馬以忠王以材楊以練翁朴忠一念通于神明又劑量王楊而時出之蓋恢恢乎有餘地矣尋常部政知翁迎刃而解舉不足煩妙筭第即今各遠通貢未知果足恃否正統末年亦常以此咎彙萬一蹉跌則變生呼吸防微杜漸此相公它日之憂也忝在至親昧死饒舌承諭物色之說極感不遺實足疾雖稍健然骯髒寡諧此念灰冷久矣不足以污口角三

東坡全集

卷之十七

五

承惠遼參堅實鮮美若添補中苓术便稱君子之湯更益苦口藥苓可作固本之劑感翁良藥扶我衰年自今拔去病根便可浪誇老健賜非凡品謝何可言附使先申尚圖專布四

杪秋張叅戎人選得拜華牘捧誦如對未幾即聞內召之報為翁且喜且慮喜者受君相奇特之知副薦紳傾注之望大夫遭際若此一代亦不多得此聖賢所謂得時行道之秋也欣慰欣慰然尚不能無慮者知愈溪則負荷愈重

望愈隆則副答愈難即今遘事日棘今歲三踣
並入似有知兵之人為之謀主尤非往年為卒
之比新政寬弘大開言路人人矢口信筆輒言
遘事當事者少有異同動見指摘而司國柄者
有言則行又不肯擔當任怨即使陽明遠菴晉
溪諸公為之恐亦未易展布翁信霹靂手也亦
能於此脫然無慮否乎然寇萊公有云智將不
如福將我翁智福俱全者也况積苦兵間赤心
為國天必眷之是有出於書生臆度之外者
他時所言不中幸勿以迂妄哂之一笑一笑五
昨江僕回復拜謁脫吾丈殷優之愛稠疊之施
殊非鄙劣之所敢當然貪者不以貨幣為禮知
厚祿故人亦不責報於區區也使至辱翰教知
已榮補不勝喜慰扣關速推不淹旬朔 當宁
需翁若渴於此可見咨至宜星言風駕以副
簡注至意恐不可循例辭避以辜囑囑之望也
翁經濟通材何今南北韓范入秦西師遂振長
城之倚蓋已自命下之日卜之矣實出山之念

朱廣業集

卷之十七

七

割斷已久魚沉鳥浮各適其遘翁何必以此相
戲也六

七月間曾具謝函計徹高覽嗣後寇盜縱橫道
路梗塞未由時致起居惟耿耿之私與日俱積
耳賊至譚坊震驚太翁靈樞計吾丈純孝之懷
何以堪處雖保護無虞然頗聞瀕危冒險艱窘
萬狀惟自今速圖安厝勿泥風水勿拘年月庶
免後艱也愛莫能助懇切懇切敍邑石油之賊
至今尚屯貴境廖坊四出標掠荼毒日甚即其
傳聞之言似有盤據之意此地四通八達乃貴
邑救縣寧都廣昌四面界首若夾勦声息既露
此賊觀望遲回聚徒合黨各鄉廢業忍死不得
率家各縣守備日久俱成坐困恐歲莫正初為
憂方六耳相泉翁志切廓清任事頗銳惜無贊
助奉行之人良法美意竟成文具吾丈舊僚相
知不惜苦口盡一言之倘得翻然改圖一洗宿
弊務責實効不落圈套庶劇賊有掃蕩之日而
地方受寧謐之福也若但信憑紙上仍前塗抹

朱廣業集

卷之十七

七

譬以楮單塞破舟隨塞隨漏坐見其沉沒耳七
浙兵屯吾豐者甚於流賊每日游手成群尋起
生事強搶白奪稍不如意則鼓噪而起輒將久
病馬夫擡至人家誣賴人命平民被害所不忍
言士夫俱皇皇度日卧不帖席似此光景真有
人人不自保之危始事者遺吾豐此禍根良可
恨也然當初題本止是撫建精兵並無雇募客
兵之說今每歲坐食軍餉一萬伍千陸伯餘兩
飽養害民不知當事者何故忍心如此若論閩
廣第一要害亦當設在新城廣昌君衛護親
藩又當設在府城府城有分巡控制又有府官
鈐轄尚稍知畏忌不敢猖獗即各處報警則策
應適中朝發夕達今即未敢議革但得移於府
省再加沙汰名缺不補日消月削將來不撤自
散則吾邑萬姓生靈真受更生之賜我翁在本
兵桑梓之憂寧不軫念之乎萬乞垂情轉移機
括出吾儕塗炭而就衽席特反掌之間耳新撫
院處望着意叮嚀倘得遂所請則豐人戶戶為

翁祝香祈禱陰德所及滾滾公侯也惟翁念之
圖之懇切懇切八

與張洪陽太史書 二首

實傾企門牆積有年歲蓋意氣投於未見撰著
淑諸傳聞不獨以鐵柱之同玉堂之慕而已也
往歲敬所兄寄惠新刻讀公弁首之文春容透
徹合理學文章而品隲之切中當時枯槁馳騫
浮談謏陋之病王集得此佛首堆金價增百倍
矣舍親譚太保辱賜鴻撰永垂不朽中間歷歷
平生委曲周悉爰而不溢詳而不冗真史筆也
欽降欽降欣慕欣慕我翁偉業在翰苑重望在
薦紳近日南雍之權似不盡滿人意時事如此
如此可以窺其微矣雖然在翁則稍抑愈揚微
晦愈光迂迴緩轡正它日馳騁地也饒舌不罪
實自己未乞歸杜門却掃若與世隔日惟與山
僧田父竹下徜徉倦則濁醪數杯浩歌一曲醉
則嗒然就枕每聞山鳥變音見野谷時秀則欣
然會意此中頗有真趣然不足為貴人道也一

展誦臆說中數條一洗近日見解浮談之弊中
間用功真切處字字膺膈比之玩良知光景尋
安樂法門者虛見實見自是不同我翁興起自
任真斯文之幸也繼讀味真諸作音響琅琅悟
真見性刊差聲律直參上乘當於陳子昂王摩
詰以上求之餘子碌碌不足校先後也匪佞

與石翁書

往歲曾奉遠教卒卒乏便久稽報牘今姪來再
接瑤函展誦款款鵲然寒更同榻之舊兄交游

崇實堂集

卷之十七

十一

滿天下而猶不遺豐沛故人真盛德事也其為
浣慰奚啻面談實自已未乞休以來僻處荒郊
杜門却掃平生知厚不相問聞者已十數年于
茲故於文下嚮往雖殷鱗翼未遑野人習慣大
率如此實非敢自外於門牆也若云棄我如遺
豈其然哉追惟疇曩厯兄汲引之教時則意氣
粗豪不甚相入年來閱歷齟齬始覺一切虛浮
元不濟事數載習靜收斂精神痛自克責稍稍
有立脚處但褊心客氣又頗厭立名會講說靜

談虛如云時時悅樂處處本體顏子全無工夫
曾孟便涉渣滓周程元晦俱落下乘如此贊揚
將來不知作何究竟昔淵明嗜酒不願入遠公
之社此野人旁觀私憂亦不敢登名勝之籍也
兄愛我者其將何以終教之手

與董容翁書

頃承惠書披讀慰浣今之談學者衆矣朴實頭
如翁者幾人哉曩於明水處聞翁之名後於近
溪處誦翁之詩賢即至又覲翁之面知翁之心

崇實堂集

卷之十七

十二

固不待坐春風聆緒論而後接殷勤也昔人謂
千里神交有以哉實索處無聞狂直自信兼以
足疾杜門竟成荒落平旦省愆惟深慚悚而已
近有一疑敢質左右今之學者一登聚講之壇
輒敢輕議程朱自謂直接孟子及考其作用則
一切取子應酬未免世情塗抹掩耳盜鈴甚或
有鄉黨自好者所不為其於濂溪無欲之訓尚
隔千里不知於聖學何如也幸批教之

與姜蒙翁書

實骭辭寡諧人所共棄獨辱翁收錄教愛寔深
龍窟綢繆岳樓舒嘯蓋臭味相投不獨年誼之
故也自是旬宣徵省春禮有加報德未伸惟深
鏤刻仰惟明公以揮霍經綸之材當總紀撫鎮
之任泰山聳拔東海涵涵翁兼有之第恐衮衣
繡裳行將內召東人不得久專周公之澤也匪
佞匪佞

與劉樵梅書

頃雲石兄來皖臨發始知趨送舟次遂假楮頴
宗質堂集 卷之十七 十二

草率奉候急欲一通契濶姓名亦不虞唐突記
室也去後追悔慚不自容近奉華牘溫然款款
幸兄不以疎畧為罪且以開械為喜矣愛我亮
我慰浣何極細詢雲石喜聞通範充臆嘉聞休
暢聞郡士民戴若父母敬若神明此真故人好
消息也時方會飲為兄連進數觥愛樂由衷匪
佞匪飾實自達數以來偃蹇仕途崎嶇歷落自
度決不為時所容乃於己未冬自浙乞歸屏居
却掃年來百念灰冷無復出山之念惟日與田

叟散人農談社集暇則傾白酒數杯咏晉唐詩
十數首移榻竹間頽然就枕真不知有天壤之
外矣知兄念我湧一及之不足為餘人道也兄
績期伊通陟典定趨壯歲高村正宜用世來諭
亦有高尚之志此殆非人情也不許不許

賀王見竹丈翰苑書

三月初聞捷報未幾嗣聞榮選僕私喜之劇不
啻躬逢實之喜者匪若恒情止歡榮遇蓋以甲
科翰選得敦良之士則足以昌國脉正鄉俗此
宗質堂集 卷之十七 十三

象山所謂一由天者何幸何幸實往歲登第郭
秋江司訓馳書至京有云吾兄今日已落富貴
坑塹便當尋思出頭處方不成汨沒若止隨眾
浮沉光榮赫奕非所以望於吾兄也朋友中不
聞忠告久矣實甚感之迄今不敢忘見竹有道
者述以奉告亦野人食芹美而欲獻之富室之
意也得無錯悞吐舌否

復劉北岡學博書

承諭書院諸賢過念極感故情讀至附祠立主

之說不覺面赤無其實而冒其名此庚桑楚所以逃畏壘之民也近日諛偽成風建祠豎石脫靴刊書紛紛效尤上之人以掩飾為悅下之人以奔競為材獎獎助虐長偽導誦率由於斯實素所深惡而可躬自蹈之乎幸謝諸賢慎勿為此若果相念固凡之便時寄我隻字可也

與陸思山推府書

伏承專使遠領翰貺備至重之以文綺特之以清風衣被奉揚佩握何極明公躬羔羊之操乃

崇賢堂集

卷之十七

十四

獨枉施素絲之惠何耶愛越分涯登嘉顏厚矣

賀王東溪文壽啓

華辰六袞蒼甲一週撰杖屨於鄉邦人稱初壽
鮮簪纓於樂邑士仰高風懸弧正值佳朝張樂
况逢勝地夙約麻姑進方平之麟脯承家繼嶺
吹子晉之鸞笙慶賓近集遠來祝嘏爭先俟隙
實誼忝懿親今宜奔賀緣末疾偃仰經年雙蹕
趨承不便身留神往力不從心

賀鄭滄濂諫議書

七月終閱考選即報觀翁名姓巍然首舉超而

京十三省行取之秩駕出其上斯亦榮矣特躍

然以喜如身當之曷勝慰浣我翁素蓄忠藎之

蘊抱經世之猷今當此可言之地昔人謂言及

乘輿則天子改容事關廊廟則宰相待罪此

大丈夫得志之秋也將來建白大疏必有讜言

崇論偉動朝陽俾國政僚紀肅然改觀斯野人

所望於鄭掌科者不淺淺也謹拭目傾耳以俟

與趙麟陽年丈書

崇賢堂集

卷之十七

十五

已未奉別曾一具謝函未識得微高覽否嗣是

雲泥迥隔奚啻萬里許僉憲鄭今尹處俱厚寄

聲極感記存山城乏便竟無由一通尺牘布此

取取惟企戀之私與日俱積耳仰惟翁名位日

崇勲猷日播秉鈞大拜匪朝伊夕海內正人引

領翹望即真之賀僕夫戒途矣匪佞匪實乞

休以來杜門却掃屏息外緣若與世隔日惟與

田父山僧徜徉嘯咏此中亦有真趣但不足為

尊貴道也

與王介石郡守啓

恭惟明公榮 親獻宸璽書勉留褒吳公於河
南允孚輿論借寇公於河內大慰民情雖指日
華要超遷然暫時瞻依獲遂士民胥慶市野同
歡實也濫廁章縫允沒嚮往願仰瞻蒞止宜伸
展覲之私緣跛躅留行莫遂握趨之願敬備短
牘專遣長須惟伏謁以代躬真形留而神徃尚
希慈鑒未罄鄙懷謹啓

與王介石郡守書 二首

崇實堂集

卷之十七

十六

恭惟明公展 親有期榮發在即實祖饒莫仲
板卧無計熊轅遠盼戀慕曷勝 國朝今甲泰
最禮成之後援方面治行卓異者錫宴超遷以
風有位嘉隆間亦嘗舉行 今上勵精注念吏
治必興復曠典以新耳目司功按牘冢宰援尤
舍我翁其誰哉是徵黃之旨即領誠不容不為
我翁喜然借寇之請不遂又不能不為吾郡戚
也實山人也不能作飾語真切之私匪佞匪佞
恭惟明公榮擢憲臺獨持丰采自此而開府建

牙自此而秉鈞當軸特跬步間事耳蓋前此循
良之資稍淹則後此超遷之序宜速此在縉紳
則屈指計其必然在明公惟安靜俟其自至無
庸多贊以涉貢諛之嫌惟士民聞明公之行戀
戀不忍舍去真有攀卧無計而挽留不能者翁
其何以為情哉實久荷悒悒之下佩德尤深方
之士民繾綣尤切柰卧病山中不克從祖饒之
末瞻望弗及惆悵曷勝 二

與范睢陽明府書

崇實堂集

卷之十七

十七

六載隣封飽涵餘潤雖光儀未接然嚮往彌深
蓋明公之治南城也實政實心不吐不茹僕私
竊嘆賞以為古稱朴茂今見其人茲行矣訃簡
清華際時展抱此正薦紳拭目豪傑引領之時
尚望益竭朴忠宏宣茂績它日有稱言官丰采
中外倚重者匪它人必吾范公也實厚愛願溪
敢獻忠告能不以為忤否

賀朱東源年丈啓

恭惟兄翁嶽降逢辰古稀初度雙瞳炯炯作平

地之神仙令望顯顯真卿邦之耆碩壽筵綺錯金鋪賀客爭先埃隙實情非敢後力不能前望麻姑之瑞鶴遙祝長庚假方朔之蟠龜敬陳短札薄將另狀荒入是祈謹啓

與丘厚山丈書

喜詮執事榮擢名邦大展奇抱坐黃堂而奔走官吏施德化以慰蒼士民此丈夫得志之秋也吾儕居位但思盡職以不負所學耳若寶望之伸抑階格之低昂則非有道者之所計也况三

崇實集

卷之十七

十八

與羅近溪年丈書

滇南一別積有歲年山川脩阻無由一候興居惟傾注之私時時飛越耳近聞解組錦還得遂初志知兄以此為樂而弟亦為兄喜也金馬碧雞勝賞何似幸為山人一一指點以當水竹卧遊可也

復李巽齋年丈脩譜書 二首

承示華譜一一披閱吾丈品隲俱當指摘精詳即脩譜者自觀之亦心服無詞矣謹云做日少看日多豈三晝夜之力太速故未暇子細檢點耶翁本族長既貴且文將此再加刪潤則成完譜矣但尊長之體掩瑕匿疵更不必宣布人人也如何弟素懷一疑併以奉質吾輩之李俱宗勝王寒家系出孝感知縣諱才者長子十居士公績高木西鄉因贊大會坑謝氏遂卜居焉才公世居洪州為翰林學士遵仁六世孫亦云元嬰

崇實集

卷之十七

十九

之後豈遵仁即遵勗兄弟輩耶然不可考矣若李駙馬則市山聖巷俱宗之而聖巷之譜併繪唐宮殿及諸帝像尤為可嘆然自一世溯至十三世遵勗所謂上黨譜者各家源頭俱同第一切不信它日修譜但自十居士作祖單絲獨系至遷祖而下則加詳焉元嬰一段另作傳疑一毫未信決不敢隨衆傳會如近日曾文定之派其麗不億可嘆亦可羞也不識高明以為何如前代諸譜士大夫推仰歆慕然二譜俱斷自其

所可知者近時李空同一代文人之傑其家譜不肯遠宗惟自高祖端孟始故自叙有云乃不知何自有端孟公端孟公有孫曰夢陽此其超俗之識自負之高可想見矣弟援以為法故不假遼遼華胄也偏見如此未知是否外又有一可嘆事譜序何揭二作寒家舊譜首載之平湖脩譜不知從何而得其中不差一字但先侍御公字學禮俱改作汝正聞之族老云寒宗有名李榴者與李自脩交稔將本家舊譜送與自脩

崇賢堂集

卷之十七

廿

自修因抄錄併竄易二字付之石沙豈平湖遂據以為真耶今二公俱無文集可查華譜既先入梓當以見讓不復爭奪也一嘆一嘆凡此之類則遠譜可盡信哉空同子之見卓矣卓矣信筆不覺觀縷幸恕煩聒一

州志云護法院在集賢坊舊名天王院宋真宗長公主祠堂在焉宋云歸附後尼居之有南塘保大間石經幢猶存則天王院南唐時已有之非為守祠堂而設也傳信之文但當據實碑文內云復建祠于天王院亦自渾融庶不犯手高明以為何如二

東許敬菴郡守書

崇賢堂集

卷之十七

廿

實往歲承乏浙憲欽企高風舊矣獨愧塵勞軼掌末由一登龍門獲遂觀瞻迄今為歎耳茲幸天假福星光臨敕郡士民胥戴喁喁嚮風自今君子有所恃而不懼小人知所憚而不為不俟條教之布固已預卜於按轡之日矣實昔也懷渴徒勞今則德澤親披慰怍之私真百倍恒情也匪佞匪佞

崇質堂集卷之十八

奏議

建白類

建白疏

朝覲條陳疏

巡視錢糧疏

犯京畿條陳事宜并論勅團營太監

賞賜京衛軍士夏冬鈔疏

崇質堂集

卷之十八目錄

崇質堂集卷之十八

奏議

建白類

建白疏

奏為建白事臣等待罪南垣職當論列深慚

素飽有負

明時竊惟以人事君者臣子之義萬全取勝者

兵家之常偶有得於見聞輒敷陳為二事倘

葑菲之可採亦涓埃之少裨干冒

崇質堂集

卷之十八

乙

上陳不勝隕越緣係建白事理為此開坐具本

專差辦事吏劉仁齋捧謹具奏

聞

計開

一廣

德意以備任使近見邸報巡按陝西御史徐祚

薦舉境內逸材乞要將王用賓及時起

用隨該吏部題覆荷蒙

聖恩准復原職臣等於此仰見

皇上湛思汪濊曲成不遺如天地之於萬物雖
嘗止之以秋及陽和一轉則發育滋培
不忍終棄收之於悔悟既浚之餘錄之
於精力未衰之日鼓舞人材甚盛舉也
但逸材之堪用者非特一人撫按之薦
舉者不止一處或因自陳致仕或以呈
誤閑住或緣建白落職雖嘗廢棄不同
然其間聲實並茂亦多可錄之英使沉
淪太久未免過時之嘆况德性堅定於
困窮智識精明於閭歷省躬引咎往肯
可原累疏交章公評足據拔之於既廢
則其感

恩必浚任之以補過則其收功必倍即今老成
寥落懸缺待資查得兩京尚書侍郎祭
酒及詹事翰林春坊等官員缺數多每
遇會推輒難定擬若奉

旨再舉遂至乏人雖循資挨次取辦目前然儲
德養望實為希濶及今若不疏通將來

益見缺乏伏乞

皇上溥臻成就之恩擴兼收並蓄之量

勅下吏部備查南北直隸江浙等處各布政司

節年各該撫按所薦境內遺逸人材其

有表儀整肅問學淵源可任

國學之師者幾人練達治體德望老成可當卿

貳之任者幾人行誼足稱文章蘊藉可

備侍從

官僚之選者幾人聞望夙著才猷出群可稱邊

崇實堂集

方總撫之推者幾人逐一開具履歷疏

名

上請取自

聖裁候

旨取用遇有內外大小員缺即與見任官員相兼推

補其原任京堂者或試以別街原任翰

林科道者或處以外任察其行能果符與

論然後復以原職漸次陞擢其素無物

望才本庸常者無得一舉濫舉以濶賢

遂以滋私徇如此庶

聖世無終棄之材而將來收得人之効矣

一權事勢以馭遠夷臣等竊見湖貴之間
苗蠻作耗洵洵不靖致雇

王師在

朝廷視之真若疥癬然兩省之民害切腹心兼
以歲歲調發累及川東禍延隣境未有
窮已近該總督湖廣川貴軍務都御史
張岳論劾失事撫臣李義壯即蒙

崇禎集

卷之八

四

聖斷處分旬月之間軍聲大振行當進兵信地
直搗荒巢克捷獻俘君在旦夕但臣等
詢之往來之士夫得之道路之傳聞若
猶未有決勝之策者夫苗夷負固自昔
已然菁道鳥巢莫可窮詰兼以附近土
官利其實力窩匿多方我師深入則竄
伏無餘及

奏報班師復劫掠如故自古用兵未嘗得志豈
威力之不足亦險阻之難乎臣觀岳疏

謂初至荊州意在撫守未決用兵既而
二策俱為義壯所破壞乃調集兵糧尅
期征進事若違其初心舉非出於得已
使乘此奮發之威作其勇敢之氣土官
効力一鼓克平上以紆

九重南顧之憂下以洩兩省軍民之憤慰茲衆
望豈不快心但恐獸奔鼠竄夷性之常
急治窮撥實難措手萬一事出意外一
舉無功當此之時進退維谷蓋既已委

崇禎集

卷之八

五

罪於人勢不容於中止必欲盡如吾意
事未可以逆觀兵連三省餉運甚艱師
老財費不可不慮況此虜狼子野心剽
掠本無足異但使渠魁授首亦足張皇
天威即能掃蕩一空難保盡無後患查得宣德
正德年間俱嘗大舉進兵皆以撫剿並
用雖曰兵事尚密遠度為難然

廟筭先定斯進止不忒伏望
皇上明見萬里軫念疲民特

勅兵部移咨張岳務令相度機宜審察事勢毋
惑於利害之言毋膠於一定之見可剿
則剿務伸

天討之威當撫即撫須盡招來之道但以地方
寧靖為功不專以獻馘執俘為捷必使
畏刑懷德斯為處置得宜臣等再照苗
夷梗化叛服靡常當事大臣不難於目
前可喜之功而責有百世經久之計嘗
讀名臣錄成化中都督王信上疏謂湖

崇禎堂集

卷之十八

六

廣蠻夷雖曰腹中之蠹實無能為但土
軍效黠之徒利其竊發可以邀功為今
但選精銳常加隄防勿蹈前非其患自
息此老成之言緩為有見臣愚以為鎮
草銅平等處叛苗日下張岳撫剿就平
便當專意防守以為善後之圖不可慢
蒞誨盜以釀後日之禍如增脩城堡以
扼其要害添設將官以重其事權廣招
募以強戍卒嚴法令以制土官或因其

舊或增其新或往迹之可尋或成規之
可守凡一應合行事宜悉聽隨宜酌處
然數者之中城堡為急使因陋就簡無
所依憑則雖有強戍十萬將焉用之且
前項地方逼近山林木石既灰取辦倉
卒假以人力計日可成且守且防苗力
自屈待事體既定罷遣客兵則總制似應
裁革他日即以貴州巡撫節制四川重慶
湖廣辰沅地方如南贛汀漳體統於麻

崇禎堂集

卷之十八

七

陽銅仁城內各建都察院衙門一所令
其往來駐劄以便控制如遇地方有警
即時檄滅其於事體似亦相安或者乃
謂苗夷猖獗數年居民志在一逞區區
迂儒之談若悶然不可人意者不知剿
而深入得志為難守而有常截殺為易
蓋善防守則苗受其困而剿在其中徒
撫剿則我當其勞而乳不可已即如靖
州莊浪以輪戍而收功威茂松潘以控

制而無患往事明徵人所共見行之數
年戍兵漸減守禦益堅無窮之利惟在
當事者加之意而已張岳先任兩廣屢
有成績聲望才猷諒能辦此臣等得之
諮諏有懷芹曝私憂過計欲為參省息
肩而不自覺其說之贊也伏望

聖明加意殊方

俯賜採擇責成張岳務收全功庶地方受更生
之福而苗夷輸來格之誠矣

崇實堂集

卷之十八

八

朝覲條陳疏

題為陳末議以禪考察事照得嘉靖二十九
年復當天下官員朝

覲考察之期近該吏部題為申明禁約以肅清

朝

覲事奉

聖旨是着照例嚴加禁約吏部知道欽此臣等
於此仰見

聖明加意黜陟慎重

憲典振勵明作甚盛舉也條章具在申飭屢發
奉行得人夫復何說顧以民生之休戚係在
官而人才之進退關治道廣咨精察不厭致
詳愚慮芻言或有一得倘片詞之足錄亦勸
懲之有裨謹列四事冒昧

上陳伏乞

皇上俯賜採納

勅下部院酌而行之臣等無任惶悚祈望之至
緣係陳末議以禪考察事理為此開坐具本

崇實堂集

卷之十八

九

專差辦事官張王珍齋捧謹具奏

開

計開

一曰優異等以示旌別臣等竊惟薰蕕異
器則善類揚眉騁駕同卓則逸士喪氣
古人之所以重激勸者良有以也照得
節次考察天下大小官員凡在存留之
數來

朝者領

勅回任在任者照舊供職然

重書之所載超卓與姑留者一體

頒給曾無異詞部劄之所行賢能與倖免者混

列姓名何有差別雖該部之陞擢自有

權衡然一時之激勸未見風動查得嘉

靖八年 月內該司理監太監黃偉儔

奉

聖旨每遇三年述職之期吏部將賢能官員分

別等第開寫奏來其優著者查照舊例

崇實堂集

卷之十八

十

奏請賜宴賞資給與誥勅以寵異之但

要簡按精常則人心自服如此行之庶

幾人自奮勵各脩職業守令自重民生

自安部院大臣其體朕此意推廣而行

之母得徒應故事欽此及考

大明會典洪武正統天順等年俱有

賜宴賞衣之例弘治正德年間亦嘗間一舉行

臣等欲乞

陛下脩舉

累朝令典申明先年

明旨特勅吏部會同都察院將今次來

朝官員俟考察舉行之後將治行卓異操脩清

絕者不分來

朝在任及方面守令據實直書公舉奏

請特勅內閣別撰賢能

重書

特恩頒賜以示優異其

賜衣賜宴請自

崇實堂集

卷之十八

十

上裁或將來

朝官員按其賢能之尤者不拘常期即

賜超擢所貴速於勸善以復陟明之典亦爵人

於朝與衆共之之意其在任者仍照該

部先年題

准及查弘治十五年布政周孟中等事例行令

撫按衙門備物宴賞務在尊隆

盛典看實舉行以示獎勵其府佐等官果有行

能出衆名在舉薦之數者亦照此例庶

等第分而不群者自見典禮隆而為善者益勸矣

二曰嚴汰黜以警貪殘臣等竊惟養莠不拔則嘉穀不生貪暴或縱則善良何賴古人之所以嚴吏治者良有以也照得近年考察貪酷官員止於罷黜雖枉法受賊至數千打死平民至數十者亦置不問其在不及之數者往往改選反得善地扣至陞擢不失常期名雖調任實則叙遷且地方僻小極於貴州設有不及何以處之查得先年吏部條陳本內一款本部見行事例貪酷者為民除名當差追賊發遣至於曾給

恩典一切追奪又一款本部考察外官事例才力不及止於更調然京官考察不及者降一級調外任而外官之法僅止於此人心法制俱屬未安應議酌處等因奉聖旨卿等所言關切吏事皆脩省弭災實政議

擬周詳處置停當具見體國奉公至意欽此臣等欲乞

陛下勅下吏部備查先年題

惟事例今次考察過官員凡以貪酷名色黜退者如曾受

封贈

誥勅一體追奪務在着實舉行其受賊數多故勘有據者雖不能盡法處治必移文原籍官司備列罪狀納贖示辱蓋此輩雖

已革罷過惡未顯既歸鄉里猶復揚揚挾其汗馘之資以為武斷之具甚者偕冒冠服濫與鄉飲有司敬禮閭里畏憚風俗敗壞實由於斯若不重加懲創未免愈下愈趨其才力不及者或比照京官降級調任仍查該部見行事例五品以下官員量其才力風土扣叙年勞實級或改散銜或改師儒職事或調簡僻地方如方面知府在不及之數者亦宜悉

照此例又近日被劾受賊官員往往假以聽勘為名反為考察之所不及延捱日久事冷官遷有力引援僅止降調解網縱惡公論不平仍乞

勅下部院凡嘉靖二十八年十二月以前一應聽勘未完事件俱從考察之時盡數結絕不許仍前容留事後回護如此庶標榜立而狡偽者不容掩刑罰飭而貪墨者知所懲矣

三曰信

禁令以清

朝政臣等竊惟官箴肅則寵賂不行公論明則苞苴不入上有好者下必有甚焉者矣照得每當三年朝

覲之期吏部先期奏

請申明禁約下之各省各該撫按復致叮嚀牆壁之上條章凜然固宜風清弊絕百僚承式矣然而各縣之科歛不減其舊土

物之齎持未損於前滿載而入空囊而歸吏部禁之而不止

憲典令之而不從者其故何哉蓋欲止其流者當塞其源示之以言者不若示之以意在京官員杜請謁之門者雖多而希覲常例需索親故者恐亦不少大臣之中秉羔羊之節者固有而藉口交際公然納賂者恐未盡無至於賢能者假贊儀以延譽不肯者藉賄賂以保全夾挾撞包紛紛道詬毀譽由之遽起是非因之混淆間有杜門自守一介不通者則反為奔走趨承者之所竊笑及考察既行是非顛倒十百一二間亦有之由是人心駭惑趨向愈堅

國典部條悉為文具至於兩司貨房一所動至四五十兩雇馬饋饌公禮段疋各項名件費頗不貲各處知府又有長夫水手書籍土儀私贖名色其砥礪操持者雖

未盡然自臣等習事以來耳目之所睹
記固未見有行李蕭然輕裝入

現者亦未見有一物不持一錢不使而能致名
譽著聞仕跼亨通者夫兩司不能不取
之於府府不能不取之於縣縣將何取
必科取之於民至於假司府之名充囊
橐之欲則又不肖之尤者然則欲禁縣
官之科取必先革司府之坐派欲杜外
官之請謁必先禁京官之交通欲信內

崇實堂集

卷之十八

十七

外之禁約必先明吏部之公道伏乞

皇上勅下部院將節年禁約着實舉行不許仍
前玩視咨劄撫按衙門嚴禁所屬其司
府節年常例分毫不許科派縣官如有
仍前指稱妄取小民者事發從重問擬
在京大小官員各宜仰體

朝廷焚廉抑貪進賢退不肖之意俱不許接受
土儀窩匿蔽護以壞重典如有不遵
明禁陰賄私交及一應違犯者許令巡城御史

訪拿并科道官員指名叅

奏治罪雖考語素優亦在不謹之例其京官不脩
廉隅招延接受并代為屬託者一體處
治仍乞申

勅該部考察之際務秉至公毋得任毀譽為愛
憎徇愛憎為黜陟使是非不寔公論常
伸則君子有所恃而不恐小人知無益
而不為請託何所投賄賂何所入科歛
自絕而

崇實堂集

卷之十八

十七

禁令益嚴矣

四曰杜偉門以重

憲典臣等竊惟爵賞貴則

朝廷尊

憲典明則名器重防微杜漸在持衡者加之意
而已見行事例朝

覲被黜官員不許奏辨

禁例甚嚴但近日奔競無恥之徒自知此路不
可復通乃假以他途巧託名色夤緣交

結再登仕版坐致通顯亦或有之夫小人之趨勢如青蠅之附腥終日營營何所不至惟不能遏之於初遂使黜陟幽明之典為之陰壞垂涎引領者以為得計尋香逐氣者從而效尤此門一開漸不可長伏乞

皇上勅下該部申明

禁例慎重

憲典備查在京在外大小見任官員但係曾經

崇實堂集

卷之十八

十一

考察黜退者仍前革職以清仕籍今後如有此等不論獻技呈能即係希圖進用該部即時叅

奏從重發遣以為壞亂考察之戒庶奔競抑而

黜陟明

憲典重而

朝政肅矣

巡視錢糧疏

題為巡視九庫錢糧事准南京兵科給事中

甄成德關照得本職先奉

欽依會同道部巡視南京甲字等九庫并光祿寺嘉靖二十八年分錢糧一年將滿例該更替除造冊另行

奏繳外所有原管關防并合行事宜移關煩為轉行題

請差官接管等因到科准此案查嘉靖二十八年分前項各衙門一應錢糧先該本科題差本官巡視去後今准前因為照嘉靖二十九年分該庫寺各項錢糧應合另差給事中一員接管會同道部各差官員監收督察今照南京工科給事中林懋舉在任所據前差輪該更替伏乞

准差本官不妨科事前赴巡視監收禁革茲禁候年終之日具造本冊

奏繳緣係巡視錢糧事理未敢擅便為此具本專差辦事官李繼恩齎捧謹題請

旨

申明註銷糧斛疏

題為申明註銷糧斛以便稽查以杜侵冒事
查得

大明會典內一款開稱南京各衙門見收官吏
人等俸糧照在京例開立年分造冊送科候
放支按月具手本委官赴科註銷及查先為
註銷糧斛事該本科給事中于璠欲乞照依
給事中馬顯題

惟事例將南京五府六部都察院及各該衙門
見在倉糧取勘明白開立年分造冊送科收

貯候各衙門支放按月開具手本委官一員
赴科註銷正糧支盡仍令南京戶部委官查
盤要見積出附餘多寡之數以憑查考等因
具奏該戶部議得自景泰三年六月初二日
為始照依南京各衙倉糧註銷事例徑自造
冊送科收候該衙門委官註銷正糧支盡
本部查盤積餘之數作正支銷等因覆題奉
聖旨是欽此歷歲奉行罔敢違越又查得嘉靖

十六年四月內該本科給事中朱潤奏為申
明註銷事例以杜大臣紛更事該吏部題覆
奉

聖旨都著遵照舊規行欽此臣待罪改南於去
歲十一月內赴科到任夙夜奉公汲慚尸素
凡一應事務悉做成規不敢妄生事端以邀
名亦不敢曲為容隱以諧俗惟註銷一事係
關職掌錢糧重務理合稽查况

會典有委官赴科之例

明旨有遵照舊規之文大小臣工永宜遵守切
見南京各該衙門因循日久漸不如初每遇
註銷日期委官多不赴科輒令該吏齎送各
堂手本代為倉畫或數月一至者或半年一
至者或經年累歲終不一至者甚至官不說
堂吏不領簿支放數目全然不報無憑註銷
者欲行查則漫應虛詞欲參究則未經題
請將來一槩做做玩視若所當然虧耗侵漁由
此而起事體廢壞所係匪輕臣昨嘗待罪刑

科親親在京大小衙門每月初二十七各該
委官親赴戶科註銷無敢有託故不到者事
屬錢糧似無分於南北職專稽察應不可以
異同若不告戒申明未免怠惰廢弛伏乞

皇上勅下戶部查照

大明會典見行事例及節次題奉

明旨再行申明轉行南京五府六部都察院及
各該衙門遵守照舊於註銷之日先具手本
送戶部對同各該委官親自赴科註銷如有

崇賢堂集

卷之十

廿二

託故不到將該吏代替者聽臣一體參究庶
稽查嚴而錢糧無弊事體正而

憲典常新矣緣係申明註銷糧斛以便稽查以
杜侵冒事理為此具本差吏某齎捧謹具奏

聞

虜犯京畿條陳事宜并論劾團營太監大

臣疏

奏為遵

聖諭獻愚忠以裨據却以贊治安事臣僑員言

職遠隔留都凡軍國重務動經旬月始得聞
知既不能豫曲突徙薪之謀又不克効奔走
禦侮之力尸素已甚萬死何辭近聞即報逆
虜犯順驚擾畿輔致屢

皇上宵旰焦勞選將調兵計日驅逐隨將失事
諸臣正以軍律中外臣工莫不震懼

威靈起哀激懦夫當主憂臣辱之日正畢力効
死之秋凡有人心孰不思奮伏讀

勅諭有云凡有見聞可以助大破逆賊虜寇者

崇賢堂集

卷之十

三

人人盡言再如昔玩視並以軍律行刑欽此
臣竊計此虜連年猖獗侵犯日深機變詐
大非昔比始雖數擾藩垣尤未敢垂涎門戶
今則虛實盡知去來無阻嘗我師之強弱而
其志益驕散內地之富盛而其心愈肆加以
三衛之陰結叛卒之引誘設復猖狂不無後
患此脩舉內治講求備禦誠當汲汲皇皇不
可因其暫去而少緩也近該大臣建議科道
條陳連章累疏俱蒙

采納仰見

皇上留神軍務若決江河臣聞已後時謀無奇

秘縱有一得豈出群言謹條五事

上陳少備

采擇伏望

皇上轉發機括博

賜諮詢浚求積弱之原大開壅蔽之端先儒有

云上之所嚮下之所奔又曰高明光大不在

乎他在乎加之意而已

朱實堂集

卷之十八

十四

皇上聖意所加精采百倍自今積蠹盡刷振勵

維新拔本塞源軍威大振區區隄虜天將厚

其毒而罰之而殄滅不足言矣臣等無任聞

越祈懇之至緣係遵

聖諭獻愚忠以裨懷却以贊治安事理為此開

坐具本專差辦事吏牛佑齋捧謹具奏

聞

計開

一振京營以固根本臣聞京師天下之本

而京營者又京師之本本強則精神折

衝聞有偃息談笑而却敵國之兵勝千

里之難者用此道也近該兵科一本為

欽奉

聖諭事奉

聖旨防守官軍缺少數多待事寧之日從實查

奏來說欽此又該輔臣建議挑選召募

奉

聖旨團營人馬著挑選精壯及督補召募務足

朱實堂集

卷之十八

十五

原額加意操練如有賣放私役包占不

發的巡視科道官從實指名奏處治

不許仍前徇情畏避不言欽此臣等於

此仰見

皇上洞察獎源大開言路使復隱忍含糊則死

不償責矣竊惟三大營乃

祖宗舊制後取其精銳者團而為十二營又括

而為兩官廳通年以來營伍空虛士馬

億頃可為寒心積蠹養獎未易殫述有

認月錢而身不赴操者謂之納課軍有
支官糧而無人着伍者謂之冒兒軍有
各色匠藝竄名軍籍投託將領者謂之
手藝軍有操持番鍾隨隊拾取馬糞者
謂之打淨軍至於外衛領班都司預扣
月糧傾錠解京則有免班錢通同榷房
吏書鬻賣完軍剖付則有買關錢以做
工為名納銀放歸者則有折乾錢轉雇
市井苟且應名通同坐營以逃為到者
則有替役錢故內外提督諸臣一人而
包占至四五千坐營號頭等官每人亦不
下二三百但知肥己不顧瘠國一遇警急
處處缺兵萬一臨機失誤雖取當事者
而盡戮之亦無及矣幸賴
皇上大施乾斷速賜更張復三營之制革內侍
之員添贊理之職營務振舉煥然一新
臣愚以為當此改絃易轍之時不可復
為養癰護疽之舉蓋前此提督之臣所

以敢於行私忍於負
國者亦以利害無閱責任不切故泄泄然莫知
所畏耳夫使平時則手握重兵厚自封
殖有急則一籌莫展閉戶自全專其利
而不同其害人亦何憚而不為此也先
該兵科給事中張廷槐亦嘗論列及此
該部已經題覆未見舉行及今虜勢方
張急務莫先於此伏望
皇上勅下提督贊理大臣及巡視京營科道將
前項京軍班軍宿弊逐一設法清查指
名叅劾務令獎源盡塞根株不留然後
挑選召募充足原額仍乞
勅下兵部備查先今建白事理自今伊始者為
定例除尋常防守發兵不議外倘遇虜
勢重大逼近邊關即行題
請提督大臣及坐營等官統率部伍親臨督戰
不許巧託事故推諉偏裨至於事寧之
後查照各邊總督事例有功則一體陞

賞誤事則一體究治庶幾利害切身人思戮力包占之獎久當自息矣又在京軍士缺少營房散處民間漫無統紀將來各處召募數多外衛班軍齊集尤安頓方有所歸臣等以為慶壽海印二寺隙地久為砂礫之場堂堂大都不宜有此合將每處畫作十字分為四區每區蓋造營房一千二百間則二寺便可得一萬間再於西北城外荒曠空閑地面相度添蓋隨其廣狹不限間數是不但可以安插兵兼亦可以助防守大約每間工費銀五六兩而止總其所費僅止十萬餘兩借力於軍資財於部經畫既定計日可成其每歲房鈔除召募新軍不徵外其餘班軍營軍照依南京兵部見行事例每間按季徵銀二分收貯該司以備每歲脩整添造之費庶新兵懷居而有固志班軍聚處而可稽查亦一

勞而永逸者也又京操馬匹該寺印烙俱用官字每遇查點則通融借倩無所辨別至有二馬而應點十數處者往復周旋有同戲劇轉在騎坐任意默載以致瘦損不堪出征自今精選官軍則馬政亦宜一時脩舉臣等以為見在各營馬匹即今分隸三營宜各用營首一字鑄換印烙巡視各官不時查點庶字號既分在倩自革馬常在營漸次騰驤矣以上二事有裨營務均乞勅下兵工二部併太僕寺看詳舉行再照先任團營提督成國公朱某遂安伯陳某內官監太監高忠荐荷殊恩典司兵柄不思報主專務營私剋削誅求包占費教納賄億萬財積如山一遇警急則束手無策前此未發猶可掩覆今宿奸積弊悉已敗露若罪重罰輕後特何懲漢臣有云宮中府

中當為一體所以昭平明之治示無我之公伏乞

皇上采納輿論將三臣重加究治以為貪賄弄兵之戒倘念其久直微勞少寬憲典或各量罰其節年包尅軍士銀兩以取目今興造營房之費庶懲往戒來行法自近耳目一新根本永固矣伏乞

聖裁

一植弱鎮以衛門庭臣竊惟薊州一鎮逼

崇禎集

卷之六

三十一

近京師譬之居室此其門戶白橫山一帶棄而不守虜得據勝窺我虛實內邊則山多斷續起罪可登水善衝激疊牆易敗且聞墩軍缺少多者不過數十人少者僅得三四人其所支月糧又與在衛者無異人懷攜貳莫肯固守且各處邊倉近多廢壞各軍支糧有遠在數百里之外者守候往返動經旬日每遇放支堡寨一空各倉空乏放給不時官軍有

至三四月不得支糧者假貸饑窘人懷怨嗟夫險不足恃人不足守餉不足給三不足而該鎮之軍弱已甚自朶顏陰異北虜生心垂涎此鎮為日已久加以哨探之不豫備禦之無方黠者為主謀降者為之嚮導憂深慮遠者固已豫知其有今日之患矣然往失莫追後圖當豫及今懲創之後賑濟之餘所當加意防守設法備禦嘗聞之土人以為山斷之處削壁新厓山頂之內禁蓄林木使攀緣不得入岑巒無所窺燒磚易石補砌山口使連亘如城水衝不敗又於轄集村落照依各處脩築牆堡不必零星綦布務令廣大能容遇有警急則收斂人畜無堡村分歸併防守是或一道也至於多增墩軍厚益糧餉查照二邊與之相等脩復各處邊倉廣益各倉儲積使不必移軍以就粟枵腹以待哺是又

一道也伏乞

皇上軫念該鎮積弱虜勢方張

勅下兵部看詳轉行提督撫總等官將前項事

宜一一舉行每墩仍添撥半覺夜不收

十餘名厚給衣糧遠事哨探務令烟火

不絕聲息早聞緊要隘口及通賊要路

各宜添設官軍厚為隄備邇來此虜聲

東擊西變詐叵測勿復蹈其故智使我

倉卒無措臣又聞燕趙之民古稱精悍

蘇寶堂集

卷之十八

計三

故八府州縣民壯今猶跳躍可用大虞

額編一伯二十名中縣七八十名小亦

不下五六十名大約畿內一百二十州

縣計可得民壯萬二千名聞之故老成

化弘治間嘗有京官團操之例不知何

年此法遂廢今各縣民壯歲支貼班銀

十二兩游手群聚承應有司其所事事

者不過迎送過客勾攝公事間撥守口

率多虛應貼錢而歸是以有用之兵置

之無用之地深為可惜即今該鎮兵伍

單弱武備廢弛召募清勾未必足恃况

各處兵民率皆土著室家鄉井執不闕

情若少加訓練悉成精銳臣愚以為及

今宜立團操之法各府專委才能佐貳

官一員董理其事仍聽本官精選驍勇

廉幹素為人所信服者各處義民官數

十員如大明廣平順德三府及真定所

屬州縣民壯俱團真定順天東北州縣

蘇寶堂集

卷之十八

計三

及永平民壯俱團薊州順天西南州縣

民壯俱團涿州保定河間州縣民壯俱

團本府各擇城外空閑地方別立一營

分定隊伍如二十五人為一隊隊立小

甲五十人為一總總立總甲聚為一百

人則以義民官一員統之定立賞罰嚴

加操練各處兵備每季比閱一次該鎮

提督巡撫春秋比閱二次再不許有司

別項差違遇有警急不時調發即以原

操府官領之兼聽總兵節制調遣之時
各軍量給行糧其衣粧器械許令各州
縣於贓罰銀內動支置辦有功一體論
賞誤事一體行罰若平時操練自有本
等工食照常支給是不費粒米不煩尺
牘呼吸之頃精銳萬餘益兵之法莫良
於此伏乞

勅下兵部轉行兩鎮撫臣定立條格作速舉行
將見鼓舞一新士氣百倍矣再照薊州

崇實堂集

卷之十

卅四

提督之設專為整飭軍務振舉衰弱必
得風力威望大臣方稱任使若新陞兵
部左侍郎兼僉都御史孫某吏部之推
將以為優於蔣某而用之也既有

成命安敢復議但念

聖心倦倦務在得人推舉諸臣不能將順舊奉
聖旨各處緊關巡撫等項見任誤事不堪酌着
科道官指實說來更換欽此則今日不
堪之尤無出孫某之右蓋其人京游驥

貨媚竈成家先任遼東失機漏網姑置
勿論但其才本張皇性好自用事權在
手任意行私又復猜忌難容惡人勝已
古稱媚嫉其實其倫况新陞巡撫聶豹
素稱磊落不善脂韋氣味既殊局量迥
異與之共載必致儕轍將來阻撓違誤
始從而罪之彼雖無辭貽害不小伏乞
皇上俯念該鎮緊關提督重任特孫某取回應
否留用取自

崇實堂集

卷之十

卅五

上裁乞

勅吏部再推才望精力慷慨任事者二三員
上請簡用庶負託不致於失人而門庭亦永有
攸賴矣伏乞

聖裁

一推廣

聖意以備緩急臣切見近日機務緊急缺人任
事

皇上俯納輔臣禮官之請將張時徽等十員行

取赴京彘豹等以次起用群俊彙征行
當濟濟將來隨材授任必能大副人望
克當

聖心但人材之隱伏無窮而資望之儲養貴豫
古稱十室之邑必有忠信堂堂

天朝豈患乏材但恐取之不廣用之不當故懷
抱瑰奇者多老棄於岩穴揮霍不群者
或卒沉於下僚吏部平時用人率循資
格遇有推舉每稱乏人凡以是耳若武
夫健士尤當廣求使詐使貪惟其所用
方今邊方多事得人為先博采旁搜所
當汲汲伏乞

皇上勅下吏兵二部遵照節次

明旨通行兩京五品以上堂官及六科十三道
併各差科道官在外總督巡撫巡按巡
鹽巡關等官責令各舉文武賢材不限
名數文職不拘見任致仕閑住為民及
山林隱逸異能之士武職不拘副參遊

守指揮千百戶鎮撫總小旗及軍民市
井之人親不避族疎不避讐各舉事實
品題開薦人各一疏不許連名

命下之日在京限五日以裏南京二十日以裏
在外一月以裏務在着實舉行如有怠
緩及不行薦舉者該部查叅治罪今日
之舉務在有益邊方材堪禦虜不許將
迂濶遊談之輩一槩溷瀆其各處薦到
文武人材該部校閱異同類造花名手

冊開註各官薦語一呈

御覽一存該部逐一再加體訪斟酌劑量遇有
緊急員缺

上請推用如有高材異等必須大破常格方稱
任使其遠方職官及山林市井之人乞
照張時徹等事例俱各行取赴京以備
緊急差遣有職者暫送部衛帶俸無職
者戶部量給口糧該部仍不時諮訪隨
事試驗或察其議論或試以倉卒或採

其底蘊因其人之賢否而併可以考舉
主之優劣如有素懷忠義自願報効如
先年王邦直之流則當寬以文法待以
殊格再不可令其挺身無助血戰以沒
若有抱負奇能薦舉不及者許令赴京
自薦如果可用亦不必困以保結責以
細碎其山林市井之人屬吏部者送各
總撫贊畫屬兵部者發各軍門立功俟
有成績一體擢用如此庶賢踴躍而群

策舉網羅密而真材出矣伏乞

聖裁

一招降用間以收遠圖臣嘗聞兵法有云
上智之道伐謀為先又曰先人有奪人
之心多笑勝也據邸報開稱八月十六
日兵部方得古北口聲息十八日虜騎
已達通州南岬瞬息之間遽入內地若
非朵顏之勾引決不能越崇崗而飛度
非有降人之嚮導亦安敢任意長驅一

蹴而至哉竊嘗思之懷土思鄉人之同
情去華即夷非其得已今我沿邊之民
及大同叛卒被其俘虜乃遂甘心或為
之奸細或為之主謀嚮導前驅無不用
命雖家人父子相顧亦不是過是豈其
性然哉昔嘗詢之邊人云虜酋之待吾
人極其優恤而在我各邊軍則苦於將
領之誅求民則困於有司之剋削叛卒
則未經

赦宥長往不返間有天性難忘慕義來歸者或
間道獨行反為墩軍哨馬之所誘殺假
飾敵人首級冒稱零賊報功幸而不死
者則又家業拋荒流離失所席未及溫
而軍吏已及門督役矣夫在虜則安樂
如彼還鄉則愁苦若此其所以堅北向
之心絕南還之念者豈不有由然哉孟
軻有云盍反其本為今之計惟有招徠
蓋降叛歸心則間諜可用轉禍為福此

其要機伏乞

皇上洞鑒事機不吝爵賞

勅下兵部定立賞格通行各邊出榜張掛仍禁
諭墩堡官軍但有降人來歸到邊不分
真偽即時撥軍護送本管衙門申報總
制不許刁蹬留難再有似前誘殺希圖
報功者不分首從依律處斬該管等官
一體治罪又購募邊方無賴棍徒通曉
方語數十人抄付榜文令其私通交易
潛入虜中尋認降人叛卒論以

德意以一傳十以十傳百日誘月化歸心自動
但有自願還鄉併能勸誘一人同歸者
賞銀五十兩每一人加二十賞至二百
兩而止或原係彼中寵用親信之人有
能設謀用間給誘部落彼為內應致我
擒獲者即授以千戶職事仍給賞銀一
百兩其歸附之民厚加優恤安插內地
三年之內不令當差大同叛卒

曲賜赦宥有能殺賊立功者一體重賞前項棍

徒果能招降而歸計其人數悉照賞格
若有奇功一體叙職再惟招降之法各
邊亦常舉行但以拘忌文法計惜賞費
空言徒手人不用命昔漢高之用陳平
所至必捐間金數萬斤任其出入乃克
有濟竊料三衛雖假託和親然其性無
常厚利所動亦可離間又三衛之中朶
顏最強而泰寧福餘每遭吞噬誠有請
曉彼情機謀權變之人捐以間金令其
出入彼中多方煽惑或因其來

朝宣示威德諭以禍福若能左陷北虜為我內
應則高爵重賞當不爾靳彼雖狡悍必
陽且許諾我則因其許諾之詞約書於
矢直令飛騎射入虜境虜性多疑未必
不惑復謹我烽燧嚴我備禦各鎮諸臣
相機決策舉無遺策使降者聞風而歸
間者抵隙而往我不墮其計內而虜且

聖裁

在吾目中矣伏乞

一傳報聲息以安人心臣竊惟行師之道耳目為先使消息阻隔則見聞壅蔽訛言易興九月初四日據山東差人口報外虜逼近消息各官聞之疑信往來皇惑不定自後日盼北音傳信靡一當此之時群小沸騰頗覺洶洶臣等多方慰諭稍復鎮靜至本月十八日始得北來

崇禎皇帝

四

即報知逆賊退遁已久不勝欣慰然前此聲息不通已及一月漕運巡撫所轄地方密邇北境且為水陸之衝一月之內全不傳報使留都重地顧盼皇皇壁之人身血脉不通否塞孰甚況山東河南巡撫及叅贊漕運操江諸臣均有地方之責當勤赴援之師乃惟前後顧瞻進止疑畏同舟共濟恐不如斯近該巡撫山西都御史應檣題為督兵入援奉

聖旨覽奏督兵入援知道了不必入京着隨賊

向往遏截事寧具奏欽此臣等以為應

援之舉不止山西以上各官事同一體

惟自今

皇威昭布臣工効力虜寇震懼不敢復肆但防

秋聲息難保必無伏乞

皇上軫念留都根本聲息為先

勅下兵部通行北直隸山東河南漕運巡撫及

各該要路兵備今後但遇聲息緊急即

崇禎皇帝

四

便馳報前諸官司責令以次傳達直抵南京不許頃刻停滯其附近巡撫併漕運操江務要時常整擱人馬以為聲援倘遇前項逼近聲息不俟調發俱要照依山西事例督兵策應尅日起程不許自分彼此逗遛觀望事寧之日仍通查遲速日期分別賞罰再有仍前怠玩袖手旁觀不行傳報策應者許臣等指名叅劾究治庶聲勢聯絡而軍威振消息

真備而衆志定矣伏乞

聖裁

二十九年十月初一日奏奉

聖旨該部看議了來說

賞賜京衛軍士夏冬布鈔疏

題為賞賜京衛軍士夏冬布鈔事臣等各准奉本衙門關劄前事內開嘉靖三十八年分賞賜京衛軍士夏冬布鈔事例備行臣等照依戶部題奉

欽此

奉 聖旨

臣等

欽依內事理行據南京錦衣等衛所取勘得旗校甲軍士水夫該賞夏冬布鈔綿花數目造冊繳報前來查照明白隨即督同各該衛所委官於

內府南京甲字等庫及南京戶部銀庫照數關出依限親詣各衛所逐一唱名給賞完備除將臨賞扣除逃故等項旗軍水夫布花銀兩行令原委官員解送南京戶部銀庫交收訖其本色鈔錠照例封收在官以備下年湊賞

外為此今將賞扣過旗校甲軍士水夫布花銀兩鈔錠數目并各衛所繳到

奏冊通類開坐具本專差辦事吏劉仁濟捧進繳謹具奏

聞

計開

一南京錦衣等衛所繳到賞過夏冬布奏冊九十四本

一南京錦衣等四十六衛所原取勘該賞

欽此

奉 聖旨

臣等

臣等

臣等

臣等

臣等

臣等

臣等

臣等

臣等

臣等

夏布壯幼匠旗校甲軍士鄭實等四萬四千四百六十六名每名賞布一疋共折本色苧布四萬四千四百六十六疋

臨賞扣除逃故等項旗軍陳生仔等二百

三十名每名扣布一疋共扣本色苧布

二百三十疋照例封收在官以備下年

奏賞

實賞過壯幼匠旗校甲軍士鄭實等四萬四千二百三十六名每名賞布一疋共

賞本色苧布四萬四千二百三十六疋

一南京錦衣等四十八衛所原取勘該賞

冬布壯幼旗匠校甲軍士水夫鄭寶等

五萬一千一百七十六名各例賞不等

共賞

折銀綿布九萬四千三百三十疋一尺六

寸每疋折銀三錢共折銀二萬八千二

百九十九兩一分五厘

折鈔布四萬二千二百一十八疋每疋折

鈔五錠共折舊鈔二十一萬一千九十

錠

折銀綿花一萬三千八百三十四斤每斤

折銀七分共折銀九百六十八兩三錢

八分

嘉靖二十七年分臨賞扣封本色鈔花今

作數奏賞

折鈔布二百九十六疋每疋折鈔五錠共

折舊鈔一千四百八十錠

本色綿花六十四斤

嘉靖二十八年分實在庫關領

折銀綿布九萬四千三百三十疋一尺六

寸每疋折銀三錢共折銀二萬八千二

百九十九兩一分五厘

折鈔布四萬一千九百二十二疋每疋折

鈔五錠共折舊鈔二十萬九千六百一

十錠

折銀綿花一萬三千七百七十斤每斤折

銀七分共折銀九百六十三兩九錢

臨賞扣除逃故等項旗軍水夫趙佛保等

二百二十二名各扣不等共扣布花銀

兩各該衛所委官解送南京戶部銀庫

交收訖本色鈔錠照例封收在官以備

下年奏賞

折銀綿布四百三十三疋三尺貳寸每疋折銀

三錢共折銀一百二十兩九錢三分

折鈔布一百八十一疋每疋折鈔五錠共

折舊鈔九百五錠

折銀綿花六十八斤每斤折銀七分共折銀四兩七錢六分

賞賞過壯幼匠旗校甲軍士水夫鄭實等

五萬九百五十四名各例賞不等共賞

折銀綿布九萬三千九百二十六疋三丈

四寸每疋折銀三錢共折銀二萬八千

一百七十八兩八分五厘

折鈔布四萬二千三十七疋每疋折銀五

崇禎皇帝

聖

錠共折舊鈔二十一萬一百八十五錠

折銀綿花一萬三千七百二斤每斤折銀

七分共折銀九百五十九兩一錢四分

本色綿花六十四斤

崇質堂集十九卷目錄

奏議

論劾類

劾司理監太監麥福疏

劾禮部尚書某兵部尚書某疏

劾操江都御史某鹽潤伯某疏

劾少保某疏

劾吏部尚書某疏

劾南京守備某并堂府定遠侯某等疏

崇禎皇帝

崇禎皇帝

崇質堂集卷之十九

奏議

論劾類

劾司理監太監麥福不當庶官疏

題為明賞格慎名器以裁濫倖事昨該錦衣衛鎮撫司題為訪獲事內開

欽差提督東廠官校辦事司理監太監麥福題稱訪獲窮兇極惡違法男子鄭表緣由奉

聖旨是鄭表等錦衣衛拿送鎮撫司打着問欽

此拿送

到司打問

得克犯鄭表持刀殺母合

將本犯并勸証男子鄭旺等通送刑部依律

擬罪及稱太監麥福提督有方功可嘉尚欲

將原辦人校一體量加陞賞等因奉

聖旨這克犯逆惡滋重送法司依律擬罪麥福

提督官校有方功可嘉尚廢弟姪一人與做

錦衣衛百戶原辦官校着各陞一級欽此臣

竊惟

朝廷惜而不可假者惟寵典名懸以待有功者

惟爵典賞

憲典不渝獎循或濫倖門一啓獎將安窮切照

東廠衙門專為緝事而設辦以官校督以內

臣假之事權尊其體貌無非欲其禁制豪悍

稽察奸宄機密重事則造膝奏聞地方兇惡

則即時捕獲所以潛消異類謹伺非常凡若

此者迺其職守之恒本非奇特之績正統以

來雖常立有賞格然必事關遠方重務及聚

衆強盜賊情果能緝拿方得陞賞若非此例

不敢妄援惟正德年間此等冒濫已極幸遇

陛下登極之初悉行裁革

明詔煥頒著為令典光昭簡冊垂憲萬世大小

臣工不勝瞻仰若今日麥福弟姪之廢原辦

官校之陞揆之賞格不甚相合冒濫凌躐恐

非所宜且麥福遭際

聖明叨列侍從服鱗圖玉榮寵已極近因馬廣

縱容惡姪違法敗露又兼提督重任則凡感

恩焉報固宜百倍恒情即能振舉厥務未可

自陳功伐况亮徒鄭表不過一人既犯極惡
自不容掩雖一有司之力制之有餘固非邊
方機密白晝強盜之比設使當時審甲呈之
御史御史送之法司則不過一刑名之常耳
陛下亦將以何格賞之乎查得節年賞格成化
十四年題

准今後捉獲妖言只量加賞不陞弘治元年題
准捕拿白晝騎馬刦財強盜照沿邊殺賊事例
一名陞署一級弘治二年令捕獲出境妖人

集賢堂集

卷之九

五

構結夷虜謀為不軌者為首陞二級為從陞
一級嘉靖十七年議東廠訪獲私造偽印殊
符踏印鎮撫司問奏奉

聖旨王大用賞羊二隻酒二十瓶韋經郭憲賞
絹二疋申宏等各布二疋齊志絹一疋陳春
等各布一疋申宏為首加絹一疋欽此隨該
兵部備行廠衛衙門一體永為遵守毋輒議
及陞賞以紊常規題奉

聖旨賞格依今查議永為定例違例的着該科

糾奏欽此及查邊方常人立功陞一級者止
與冠帶小旗二級與冠帶總旗即使麥福訪
獲有功盡合前例尚不能超資破格遽進崇
階况亮犯一人止與妖言偽印者相當比之
白晝騎馬刦財出境謀為不軌者大有不同
伏望

皇上念名器之不可輕爵賞之不可濫俯察臣
愚特

賜采納特麥福等止照王大用事例賞以羊酒

集賢堂集

卷之九

四

絹帛俟其別有奇功不礙賞格然後照例陞
陞亦未為晚仍乞

天語叮嚀飭戒麥福今後務宜小心畏慎竭忠
殫力近當以馬廣為前車遠當以汪直為殷
鑒凡廠內事務悉宜安靜懲飭毋得妄希倖
渾以蹈前愆再照

朝廷六科之設專為出納命令封駁章疏舉正
奸獎故凡內外大小衙門一應題奏事干刑
名者悉下該科登寫

旨意簿內原本發抄每歲二次類齊繳

進所以防壅蔽謹命令至慎密也惟錦衣衛鎮

撫司事關緝訪者則送科登寫

旨意之後即令校尉接出本衛自繳然未有不

送本科該直校尉徑自遞出本衛者惟今次

訪獲之本全不送科止於直房抄寫

旨意大索舊規殊駭觀聽蓋衛聲勢相倚校

尉驕蹇成風正德年間凡糾劾內寵權奸本

多沉匿大率類此且本內擬罪屬之法司歷

案廣學集

卷之五

五

官屬之兵部各應題覆而該科情節不知全

非事體將來做做弊不可言伏乞

勅下錦衣衛備查節年送本事例凡一應大小

章奏俱送本科照依各衙門登記

旨意該發抄者撥吏抄呈該自繳者即日接出

如該衛掌印官不加鈐束敢有仍前驀越者

許該科指名叅劾論罪庶事體歸一奸蔽不

生亦防微杜漸之道也臣待罪言官冒昧瀆

陳不勝隕越祈懇之至緣係明賞格慎名器

以裁冒濫事理未敢擅便謹題請

旨

妨禮部尚書某兵部尚書某疏

奏為糾劾不職大臣乞

賜罷斥以清

聖治事臣等切惟

宮詹首職輔導是資司馬尊僚戎行攸寄故養

一正端本之道屬之老成而折衝尊俎之才授

之兵柄其難其慎惟德惟賢苟非其人貽害

案廣學集

卷之五

五

不小方今耆俊乏用務在惜才苟無大過可

備任使臣等又安敢責以太難望之過厚猥

詞毛舉以苟塞糾繩之責哉願以奸佞無恥

久玷清銜陋劣不倫有辜重任其人不容以

姑悉其誼不容於終默故敢冒昧為

陛下言之竊照掌詹事府事禮部尚書兼翰林

院學士某外飾朴容中藏奸府既庸既鄙官

久而世務不通為鴟為鵂齒衰而荒淫不改

方其考察黜鑽求倖免則同僚有出洗之

號及其久竊顯位祿秩踰分則士類有頌福之說濫招門客以通賕多收狼僕以濟惡屬東遍通各處面質則佯為不知私賕巧賺多方索取則負而不返鎖追王監生之債受辱於

國學譁言計騙將攬頭之銀託故於家人逋負令幼子屬事巡城御史晒其詐求大工商票工部尚書厭其煩此其狡汚醜穢在市井猶不屑為而稔惡慣棍於孫某自為得計姑舉

案卷全錄

卷之十九

十

其不謹數事并欺罔實跡言之其繼子生事也則克紹主使克懋知情載於陳御史之批申者可查其縱僕害人也則出入府縣展放私債勒取重租攤放批米兜攬稅糧嚇騙富家姦占良民妻女強騙小民田地詳於孫隆孫俊蔡顯之供招者可據其贖貨聚財也則親查債簿僮僕季報循環廣事豐殖田屋并吞比畔而形諸手札之叮咛曾經官司檢閱者可驗然此猶其汗下掎尅之小者耳其又

三 甚焉者前歲

陛下軫念疲瘠恩施藥餌特命某於靈濟宮良鄉等處給散某不能仰宣

德意視為細故弗親

御囊縱僕拆封侵剋銀錢入已又廣容親識變易姓名每日輒領二三次每領不下數十包以致尫羸殘疾之輩多有扶杖徒手而歸使陛下湛恩不得下究小民疾苦不獲少獲有臣如此將焉用之且聞其近日衰頹益甚昏眊

案卷全錄

卷之十九

八

更加手足已成痿痺拜起轉覺踉蹌是老病俱庸將惡濟若某者雖末屬下僚且不可容况可冒膺榮履首列

官僚而為饕餮者立標準哉若不考其行而徒徇其資萬一照秩叙遷倖進台輔則其恃勢奪人從欲殖貨惡男悍僕暴橫恣肆尤有甚於今日者矣此所謂姦佞無恥久玷清銜所當早斥者也再照兵部尚書某才無素望官止循資聞其監試武舉漫不究心錯罵已中

箭數誤填未到姓名若非御史郎中底簿相同幾致混淆不辨當此武科盛舉難諉小事糊塗此其才力不逮已徵於卿貳之時矣及承人之謬進本兵束手無為所事者判押閉目拖稿日食者醇醪縱惡僕上部堂根兒有總管家之號任官吏與司事李鎮有賽尚書之稱除瑣碎隱伏不敢瀆陳姑舉其昭彰耳目失職阿狗數事言之職方郎中張某無賴小人也酗酒成性嗜利如飴鹵莽縱肆一無足取

崇實堂集

卷之十九

七

止因其依憑中貴鑽刺彌縫某則唯唯領忌任其操縱如推陞將官自守備把總而下必備列節年賢能事蹟并撫按保薦考語開送兵科備照庶使他日會推參總該科有所稽憑而張某屢將節次被劾并失事人員受賄推用意畝掩覆止列空銜雖其人不能悉舉而外論喧沸科冊可查即如儀真守備沃某塊然一物麤暴乖方假仗婦翁之力餽銀二伯之多遂以漕運把總驟得是官夫江防重

地守備尊銜今秋賊艇橫行幾貽大患前車之覆鑒在沃某即此以例其餘由小以知其大賄門如市爵販若商人皆知之而趙某不察其故何也薊州請兵原非緊急止錄常行奏稿意謂備在不虞某則先事張皇非時調發京軍三千之衆六月中旬啓行伏兩炎蒸死亡相踵行糧犒賞多費月餘舊例防秋今乃備夏怨聲載道衆口一詞某莽無知而趙某聽從其故何也又聞每推一缺根必與知

崇實堂集

卷之十九

十

自五至十皆有定價通同李鎮其事乃成果若人言恐不止此是趙某雖無可指之賊大有可疑之迹况一籌不展才力既踈百事仰成緩急無賴雖開局散員已為過望况可叨處本兵寄茲大事而為貪婪者聚淵數哉若不辨之早而去之速萬一舉措乖方蹤跡敗露始從而指摘以議其罪亦已晚矣此所謂陋劣不倫有辜重任所當速罷者也伏乞陛下將孫某趙某速

賜罷黜別選端碩名儒以掌

官僚廉謹通才以主兵柄其張其沃其一併黜
斥庶大臣敬位而

聖治隆官邪知警而

朝政肅天下幸甚臣等幸甚緣係糾劾不職大
臣乞

賜罷斥以清

聖治事理為此具本專差辦事官馮廷輔齎捧
謹具奏

聞

劾操江都御史某豐潤伯某疏

奏為亟斥操江不職文武重臣并陳愚慮以

奠江防以固重地事竊惟

祖宗肇建丕基南北並列邊鄙在北江防在南

二者兼重勢若持衡但三邊逼近備禦之畧

則求之每詳兩江隔遠積弱之弊多忽而不

察故提督重寄輕若散曹總戎大任視為末

秩其得之者不甚難而昇之者亦不甚惜以

致政務廢而不舉戎備弛而不脩玩寇殃民

循弊養蠹力小任重貽害匪輕臣昨歲待罪
刑科既熱之耳聞茲蒙

聖恩改補南垣復得來自擊謹將文武不職并

江防切要二事次第為

陛下陳之切照提督操江右僉都御史某軟熟

脂韋昏庸偷情處今鵠突漫無可否之言聽

斷糊塗何有結絕之案蓋惟怯乃其天性而

委靡若斯當然居常任書手胡妄房以代筆

致令誣騙民財出巡帶把總王雲鵬以主謀

因而挾詐屬邑方蒞上江浪傳聲息一聞落

膽不覺失容欲進則懼膺賊鋒欲歸又恐招

物議遲遲留於蕪湖復遷避於陸路驚疑成

疾却掃養病探聽無虞不藥而愈此其貽羞

屬吏傳笑諸人素無服衆之威難免失事之

悔去歲六月賊紅一隻卒至像真高張黃傘

大揭紅旗白晝劫虜肆無忌憚且於人烟輳

集去處貼寫操江都御史不必出郭迎接等

語某時正在揚州去此僅七十里若能督率
剿捕應可頃刻成擒奈何縮懦自全過爾還
延不進遂令鼠輩觀我無人今為三船益致
猖獗揚帆播鼓徑至鎮江某時正渡瓜州倉
卒進保城內若能協同總兵責任將士併力
截其歸路猶可收功桑榆奈何閉門袖手莫
展一籌昏夜出兵漫無紀律百戶殺死千戶
傷殘軍之死者不下百餘拘者亦至數十虜
其所差老人奪其所獲船隻近岫居民沿江
客舫一時掠燬慘不可言賊大得志鼓譟而
去若非都御史周延追逐境外幾至釀變地方
後據擄回人言群賊不滿數十夫某行而賊
相隨某住而賊不去迺敢以寡落之衆抗敵
三衛之兵是旁若無人輕肆特甚木偶坐視寧
不自慚及其論罪則甘心李俊要功則假手
周延不知當時失事之故某同其謀後此擒
捕之方某無所與始而狼狽喪亡繼而遮飾
掩覆僥倖若此欺罔謂何況此而不懲後將

得計萬一江上有警劇如往年某復蹈其故
轍坐觀成敗所謂一之已甚其可再乎考其
平素曠官之故其過若僅止於闕葺究其今
日失事之實其罪當不止於罷黜况負乘至
此已越今涯駕力既疲不堪策勵此文臣之
不職所宜速去者也操江總兵豐潤伯某血
肉頑軀膏粱餘孽連姻張某依憑城社之姦
夤緣張某假仗通神之力遂因公務進京負
載厚資打點膝臚推舉驟掌兵權蒞任以來
無所事事出入扛擡四轎蔑視典章家居廣
集棍徒大張牙爪五府軍伴題奉
欽依俱有定額某則額外私役多至數名且一
名當差四名幫貼一遇輪換泣訴哀號若非
刻削何以至是臣近來赴任道經儀真據快
手譚益口告伊父譚金田與某連意圖侵占
不憑詞狀無故行牌該衛署印指揮朱某將
金監禁苦刑名曰清理田界臣聞之初不甚
信及至南京詢之輿論謂某倚勢作威虐民

生事廣自豐殖始不止此去歲江賊猖獗剽掠商人徐振謝廢等俱在應天地方某若聞聞知置酒高會聲息日至畧不介懷既未嘗出城號令以振軍威亦不開設法擒獲以靖禍亂及至事寧已久方始遨遊上江垂橐而往滿載而歸所在需求不勝厭苦今歲元旦例該文武百官先赴南京禮部拜祝聖壽隨赴

孝陵陪祀某則宿醒未醒失候不到吸該太常

崇實堂集

卷之十九

十五

寺手本行查猶敢強辨支吾夫以某之土木頑鈍一無所知雖使謹愿小心猶不勝任况武斷違法縱肆偷安材無望其奮揚罪先罹於不赦即置之閑散已為優容久處之要地必致債事此武臣之不職所宜速去者也臣又照得江防地面上自九江下止邳徐延亘周道不止三千餘里而以一都御史總督之文移往復遠者一二月近者十數日官屬之賢否不齊奉行之謹怠不一一有緩急無所

責成雖曰各府州縣俱有巡捕委官然職無常員官無專掌同知有他事則通判交承縣丞有別差則主簿代管且定委俱由於撫按職名照驗於操江惟臨轄之不親故推避之莫禁查得北直隸山東河南府州縣佐貳等官管馬管河俱係註選江防重務較之二事尤為不輕若得比照前例凡係沿江地面如廬鳳淮揚蕪松常鎮徽寧池太及應天安慶九江等府及各所屬州縣即於佐貳額員內

崇實堂集

卷之五

十六

定以一員註以捕盜二字專一整理巡緝捕盜賊每月一次督率兵快沿江巡邏直至界地操巡衙門印發循環簿籍責令月報地方再不許撫按等官別事差委如境內偶有失事各官責有所歸果能用心緝訪設法捕獲一任之內有功無過照秩叙遷如果擒獲數多功次奇特許令操巡特本具奏比依殺賊賞格不次陞擢庶刑賞明而人知勸事體一而權不分况額員隨舊不涉於紛

更比例註授無妨於選法似亦事之可行者也再照南京城外新江浦子二口並據南北之衝犄角相資長城天塹王公設險此其要圖然新江近在附郭向屬操江浦子遠隔一江全無統攝雖屢經先任都御史簡某南京兵科給事中萬某奏行南京兵部等衙門覆議當時堂屬等官各懷胸臆之見不推體國之誠謂伍衛久屬本部一旦今轄操巡碩體面則嫌於損威惜成規則嫌於作俑止錄常行奏覆遂至沮格不行不知事當與革則遇變而通苟利

崇禎集

卷之十九

十七

國家則同心共濟但去藩籬爾汝之私自無彼此異同之礙查得浦子口應天等伍衛并作一營原額逃亡十去其六其指揮千百戶等官坐擁重資荒淫驕蹇軍之富者安享於家貧者肉販於外每遇守備操練臨時雇覓應名兵却點操有官暮年僅一再至將皆純袴卒盡浮游目不辨旌旗之位耳不聞金鼓之

一音折箭敗戈韜囊倚壁習懶成癖安所用之甚者禦貨乘機坐窩為盜根連窮詰掩覆多方皆因統馭無人以致驕玩太甚况二口事體既今臨轄各異譬之秦越原不同心設有緩急憂虞安肯互相應援是平時在浦子既坐享其安而有警則新江應獨受其救萬一孤立失事此際責將誰歸若得備查簡某萬某原

崇禎集

卷之十九

十八

奏看實議處將浦口伍衛仍屬兵部衙門但江防事宜兼聽操巡約束閑暇則照舊營操以備不虞有事則調遣策應以為聲援其應否量撥操船悉聽該部酌處庶輔車相倚而勢不孤號令一新而兵自足况職方原屬不改其舊部院節制無害其同似亦事之可行者也臣愚待罪改南今已兩月深慚尸素無補涓埃偶有見聞不嫌瑣屑伏望

皇上加意留都

大賜乾斷特周某曹某亟

賜罷黜別選才望謀略文武之臣以克其任仍乞
勅下吏兵二部將前項事宜議擬上

請俯賜施行仍傳行南京兵部操江等衙門一
體遵守芹曝微忱或亦江防備禦之一助也
冒昧進言無任隕越祈懇之至緣係亟斥操
江不職文武重臣并陳愚慮以冀江防以固
重地事理為此具本順差辦事吏劉純齋捧
謹具奏

聞

崇禎集

卷之十九

十九

勅少保某疏

奏為狂悖之臣擅改

聖制乞

賜究治以彰國法事臣近閱邸報禮部一本乞
賜裁正北郊坊名以順

天心以固地脉事內覆尚書顧某所奏緣由奉
聖旨坊名原自朕定如何擅改便照舊脩理欽
此臣於此仰見

皇上天德含弘包容狂悖但直斥其擅改之罪

不即加以僭妄之誅

優渥之恩至深至厚其所以曲全臣工者至矣
為某者聞

命之初當皇懼戰兢席蓐待盡猶不足以贖其
悖慢無禮之罪之萬一傳之人言且聞訛訛
訛自若恬不為意臣聞之不勝憤懣昔季孫
行父有云見無禮於其君者如鷹鷂之逐鳥
雀也某之僭妄傲狠若此可謂無禮之甚矣
凡有人心者孰能容之仰惟

崇禎集

卷之十九

二十

皇上應運中興

制禮作樂

嘉名華扁悉出

睿思樹之風聲昭示無極當代君之以為令後
世守之以為經懸而揭之者與日月爭光垂
而永之者與天壤共敎某躬為

聖朝之臣親覩

典章之盛既非耳目聾瞶又非狂惑喪心乃敢
輒生妄論輕訾

皇猷以小人之心而測

聖制以鄙俗之見而文

睿言且不俟

上裁遂敢擬議改折為圻定名自己僭干議禮之權冒犯違

制之罪以為不知而冒為之者則不敬知其不可而肆為之者則不忠既奉

寬宥之旨猶無認罪之詞傲慢若此可惡尤甚

又聞其近日履滿而盈恃貴而橫不務檢方

集賢堂集

卷之九

十一

和餌專事納賄招權索官吏於吏部每月動

至數十人追班匠於工部每月勒取十餘兩

請託之帖日無虛投權利之司尤頗干預任

門客私人虛張於外縱惡子狼僕武斷於家

人皆側目彼獨忍心況醫非師承技已止此

既無調攝之功安用贅疣之物通歲

皇上天眷和平勿藥有喜三皇效靈虛扁供職

即使此輩馴謹無過已不堪用况罪狀若此

安可復留春秋傳曰諸侯有變禮樂易制度

者則流放竄逐之刑隨其後諸侯且然况技

藝草芥之臣乎伏望

皇上下大賜乾斷明正碩某擅改

聖制狂悖無禮之罪然後褫其冠服

速賜罷斥則

國法益彰臣工知懼矣緣係狂悖之臣擅改

聖制乞

賜究治以彰

國法事理為此具本專差辦事官張玉珍齎捧

集賢堂集

卷之九

十二

謹具奏

聞

劾吏部尚書某疏

奏為新任宰臣不協人望乞

賜罷黜慎簡賢良以重銓衡事臣等竊惟六曹

以吏部為首尚書以冢宰為尊權衡人物進

退賢邪誠百僚之表率吏治之本源得其人

則仕踆清仕踆清則

朝政肅設以匪人廁乎其間則其害有不可勝

言者與其用而不効而攻之於敗壞之後不若防微杜漸而慎之於方進之初蓋天卿重任本非可試之位考察重典尤非可試之時臣等展轉圖惟不容自嘿雖冒煩瀆之誅種權貴之禍不敢辭也近閱邸報吏部一本吏部尚書員缺會推得禮部尚書徐階等三員奉

聖旨階方事朕左右固非先朝弘文館之直者如何輒擬外遷着再推兩三員來看欽此臣等於此仰窺

皇上留神宰職不容輕畀其難其慎咨詢岳牧之心也既而該部及會推諸臣不能仰承德意博采名碩止循資挨次以戶部尚書夏某推補荷蒙

聖恩賜允改用

陛下聖心豈不以一時人之乏而某者龐眉皓首或老成歷涉姑且依所舉而試用之與而其履歷之詳奸貪之素恐未必能悉達於

九重之上也使臣等知而不言是但知畏吏部而不知忠於

陛下矣即萬死何贖焉切照戶部尚書今改吏部夏某以柔佞傾險之資飾貪鄙庸惡之行其莖仕也諂楊某以父禮賁緣吏部之遷致楊一清之賤惡竟真考察之列降級調外奔競如初謀陞江西布政妄攀夏某為宗兄覲顏拜其祖墓遙結蘓某為姻丈遣使賀其生辰歲時餽賂不下萬金趨媚百端人皆傳笑外官考察吏部議黜某為庇護公論未伸及陞應天巡撫多受鬻獄之金而池州者尤其顯著驟遷戶部尚書明納解官之餽而武昌者不止土像誣舊屬以無義意在植私今戶兵為兩家誠非體

國夫此一某也先既不堪吏部之屬今又安可居吏部之堂方其少壯尚爾糊塗及其既衰安能振作况其素行搢紳掩鼻市井羞稱物望既輕何以統百官而均四海表像不立適

不足長奔競而倡奸貪即今百辟趨

朝考察在通賞善懲惡拭目改觀使以某者坐於堂上奔走天下衣冠而趨承之凡有知識者睨視之下孰不曰是曾以考察而出者也

是嘗以黃緣而得者也立而腹誹退而後言

遂使

朝廷至公之典而為不肖者藉口之資植奔競

之標懸貪婪之榜負乘覆餗甚非所宜況性

本陰狠務為報復使予奪之柄一入其手則

崇實齋集

卷之十九

廿五

凡排擠構害以快一己之私者又不止一王

其已也夫某之

新命甫加任事伊始而臣等遽敢言之煩瀆躁

妄罪何所逃但以冢宰望尊不可以一日而

非其人銓衡事重不可以後時而救其敗若

少延數月則考察大典將誰任之此臣等款

款之愚急欲上

陳而不容以朝夕焉者也伏望

皇上加意首郅

俯察微忱將夏某

連賜罷黜

勅下廷臣從公推舉才望素著賢良方正者以克其任庶重位不至虛辱而百官知所承式矣

勅南京守備某并掌府定遠侯某等疏

題為遵

明旨公糾劾以肅軍政以攬重權事臣竊惟督

府者軍政之本源錦衣者親軍之首衛惟其

崇實齋集

卷之十九

廿六

任大而責重故當為官以擇人況南京乃根

本重地而守備尤保障大臣在事權戒乎太

隆而兵柄忌於久擅此履霜之慮跋扈之防

亦惟於其始焉畷之方今將驕率情漸不可

使蓄蠱養弊已有明徵幸賴

皇上洞鑒獎源振舉戎務俯納言官之論許令

武職重臣自陳隨該科道交章復蒙

采納將陳某等四員致仕閑住去留允協軍政

一新無容別議矣但諸臣論列之詳止於耳

目所及若其間限於地而不及周知遺於人而不暇悉舉者臣待罪該科例應糾劾謹將南都武職罪狀顯著及留後事權不容久假者冒昧為

皇上陳之切照南京守備掌中府事魏國公徐某本以梟獍之資濫叨鷹揚之廕專制久而臣節不拘信任偏而威權太盛諸所細碎不暇枚舉姑即其不敬作威大者論之如歲時上

崇實堂集卷之十九

七

位儼對越某則懷宴安而天明方至候百官而城門不開更衣殿豈候祭之所居之儼然而不疑羊角燈非上

殿之物導之陟降而自更家用私剗火者徐與等十餘人輒呼為內侍名目不知奉何

詔條蓋造違

制花園亘禁城六七十里皆占奪民家物產不知有無

欽賜稅戶宗仁以織女衣而納遲登時打苑各

衙門訴詞可查坊長王銳因毆生員而逃罪私其妻媳江寧縣拘差不發老鶴嘴鐵線港蘆洲七千餘畝徒取諸民鄭大監李都督房屋二千餘間強拆歸已

陵軍役占八十名每歲班錢輸納軍餘額外二伯各衛曲意奉承此則怙勢作威既專且橫非徒敗壞軍政而且暗邀人心所當首黜者也後府定遠侯鄧某年齒昏耄體貌龍鍾聽提腔朱孟仁之撥置老何能為任該吏胡如桂

崇實堂集卷之十九

廿八

為過錢貪而無恥鬻運軍行糧劄付八兩十兩有差動襲督官員見儀五金十金不等大禮終年不到諉曰拜起之艱難府堂連月不升每稱精力之短少惡狀未暇悉數潦倒人皆知之前府保定侯梁某但僧偏長貪淫俱備占宿娼婦於私家連月不出狎比頑童於府第數十為群勒福建兩廣之解官去五兩而歸土儀軍犯何苦索豐潤靈璧之謝禮此勒銀而彼騙馬僚誼奚存凡公文非有賄賂

不行而府政多以荒淫而廢以上二臣俱屬不堪所當革任者也錦衣衛僉書都指揮朱某狡才何取騙局多端役占養馬屯餘數十輩納辦歲至伯金坐派跟隨餘丁伯餘各計貼每名一兩任千戶吳松為委官希圖今利覘軍人劉俊之殷實嚇詐取財蓋前此陞任既以賄而得之今茲肆貪將有求而未已此則人微祿厚任淺害深所當罷黜者也伏乞勅下談部再加詢訪如果不謬將徐某等三員

崇禎彙集

卷之十九

九

革官府事朱某速行罷黜別選賢能以克任使庶耳目一新軍政自肅誠今日之盛舉也臣再照南京守備責任至重蓋遠隔江淮在朝廷有遙制之勢重兵總督於武臣成獨握之權夫地遠則委任不宜太偏權重則假借不可太久自昔聖王攬權慮患炳哲幾先蓋積威之勢其所由來者漸矣辨之不可不早辨也查得徐某自正德十六年任事以來中間被論革任者不過一二季耳其餘三十年間

無非握兵專制之日夫小民之愚難以理論易以勢劫今但見其他掌府者任革靡常獨某久任不易遂以南都為其采地萬姓乃其私民世世管轄無所逃避宛心承順若所當然勢壓鄉官雖側目而不敢私議威加武職恣箠楚而禁出怨言甚者稱為魏爺而親之曰我寧廢公事而不敢違我私非愚民畏附之過亦積威之勢使之然也及查永樂宣德正統成化年間選擇賢能以克是任歷歷可考亦無有久任如其者如襄城伯李隆任五年西寧侯宋琥任八年豐城侯李賢任十年寧遠侯任禮任三年平江伯陳豫任五年某祖徐承宗任八年徐備任五年成國公朱輔任九年則是更迭迭來防微杜漸祖宗許謨遠慮良可仰窺今則既舉重地而付之一人復委重權而任之終身若無通變之權恐非善後之道伏望

皇上思利器之不可假人念大權之不可偏冒

致謹未然之防遠惟根本之慮

勅下兵部再加詳議如果臣所言可采特徐某
車退守備職事仍乞申

勅該部自今以後南京外守備官查照先年事
例不拘公侯伯爵但係賢能皆得推用仍限
以任滿年數不得委之終身曾經任過者不
許朦朧復舉將滿之期奏

請會推疏名定奪著為成規如此庶立賢無方
而紀綱振兵權散主而衆志定矣臣一念朴
忠不勝懇悃謹具本奏

聞

崇質堂集二十卷目錄

奏議

陳請類

告改南疏

養病疏

湖廣乞休疏

浙江乞休疏

目錄卷之二十

崇質堂集卷之二十目錄

崇質堂集卷之二十

奏議

陳請類

告改南疏

奏為懇乞

天恩陳情比例改南以圖補報以便養親事臣
原籍江西建昌府南豐縣人由嘉靖二十三
年進士二十四年四月內除授行人司行人
二十七年三月內陞授今職伏念臣山澤鄙

崇質堂集

卷之二十

人叨列近侍密邇

清光傳宣

綸綍圖惟報稱普竭糜捐夙夜不寧安敢自便
緣臣自幼失母臣父年老在堂菽水不克臣
單獨一人別無兄弟可以侍養原籍僻在一
隅音書希濶歲不再通思欲遣人迎至京師
而水陸程途五千餘里衰年多病跋涉不堪
于北父南情懸如割憂思展轉莫知所圖若
不據憫

上陳非惟臣父朝夕無依誠恐積憂成疾將來
妨廢職業臣罪莫贖查得先任戶科給事中
汪應軫何祉俱嘗以北改南事體相同臣憂
苦之情比之二臣尤為迫切伏望

皇上俯察微衷特垂憫念乞

勅吏部查照汪應軫何祉事例特臣改補南京
缺員科分供職庶得以迎父養而資菽水釋
內顧而竭駑駘而臣叩恩感激之私尚圖補
報於萬一者矣臣不勝懇切祈望之至為此

崇質堂集

卷之二十

具本親齋謹具奏

聞

養病疏

奏為患病不能供職懇乞

天恩容令回籍調治以延殘喘以圖補報事臣
原籍江西南豐縣人由嘉靖二十三年進士
歷任今職伏念臣末品樗材叨列侍從前歲
陳情改南荷蒙

聖恩俯垂憫念得

賜俞允蒞任以來不勝感激思欲竭忠畢力以稱任使况贊閣從容留都閑散如臣庸下竊祿尤宜柰何數奇命厄福過災生臣舊患末疾幾成廢人幸遇良醫漸次痊可然每遭濕熱往往增劇近來南京日就卑潤沮洳熏蒸自今年四月以來痠痺如故居常動履須人扶持若獨立須吏輒欲僵仆兼之痰火怔忡不時舉發頭目暈眩精神恍惚近復加以脾胃泄作耗飲食少進五內銷鑠形容盡非伏枕奄奄醫藥罔効職業曠廢積日已多臣有祖母在堂今年八十七歲臣以長孫獨受深憐近聞臣病日夜啼泣思臣一見雖家人百方慰解略不少寬使復遷延舛望恐過憂成疾臣之不孝罪何所逃夫以異鄉久病之軀加以內顧憂思之切愈憂愈病愈病愈憂此臣之所以日夜悲思迫切而不能自己者也若貪冒忍死而不哀鳴於

君父之前匪徒尸銜素飽官箴不容又恐卒填

溝壑莫遂音丘祖母痛臣必致殞絕其於聖世萬物得所之仁尤為不忍臣查得先年南京戶科給事中甄成德病久不能供職奏蒙聖慈放歸調理今臣與甄成德事體相同而病勢憂私尤為篤切伏望

皇上鑒臣狼狽之情憐臣危篤之病乞

勅吏部查照甄成德事例將臣放回原籍就醫調治使祖母得保餘年而臣亦或少延殘喘自今祖孫未死之年皆

聖恩再造之賜也涓埃報稱敢不勉圖臣不勝祈懇迫切之至緣係患病不能供職懇乞

天恩容令回籍調治以延殘喘以圖補報事理為此具本專差義男李進齋捧謹具奏

湖廣乞休疏

奏為中途患病危篤不能復任懇乞

天恩容令致仕以延殘喘事臣原籍江西建昌府南豐縣人由進士歷陞今職恭捧本司

萬壽表文入京齋

進八月初十日於

午門外隨班慶

賀行禮訖即於本月二十六日辭

朝二十八日出京臣思湖廣一省催租採木百

務旁午况臣分守長寶地方徑苗雜處尤為

多事故從陸兼程期疾速復任勉駕勞以

副任使不意二十九日行次新城止宿公館

暴發昏暈僵仆在地當得隨行吏扶抱就牀

急喚醫生王本收治灌藥艾夜半方甦次

早潮熱大作頭疼如碎肢節痛楚直貫心脇

加以嘔吐敗胃勺水不入孤身逆旅命在須

臬復令前醫診視云暑中積勞久感今已傳

變經絡雖藥石交攻未必見效臣聞斯語不

覺神魂飄散前症愈加沉重痛思臣父年逾

七十止生臣一人別無兄弟侍養萬一猝填

溝壑則臣父痛臣必至於死父子二命寔切

零丁臣自度病勢增劇兩足痠軟決非旬月

可愈見奉部限嚴迫既不敢遷延過家而湖

藩各道切要又難以經時虛曠展轉圖惟事

勢窮感竊復自念本以樗材末品幸際

聖明兼錄已越分涯今福過災生遽此危疾自

應量力知止更不敢援例終養以覲晚收查

得吏部見行事例外官有疾行令回籍致仕

員缺另行推補臣狗馬餘生乞還骸骨揆之

前例實為相當伏望

皇上察臣篤疾哀鳴之至情憫臣孤危狼狽之

微命

勅下吏部准令照例致仕回籍庶幾父子未死

之年舉荷

聖造更生之賜感

恩叩結曷有窮已臣無任皇悚待罪激切祈懇

之至為此具本令義男李壽抱齋謹具奏

聞

九月初六日奉

聖旨吏部知道

浙江乞休疏

奏為舊病愈加沉重萬分不能供職再乞

天恩容令致仕以延殘喘以安地方事臣先任

湖廣布政司叅議於去歲八月內

慶賀入京事畢回任行次新城暴患危疾當即

具本

奏乞休致於九月初三日齋

進欽奉

聖旨下之吏部臣緣途問醫暫回原籍忍死待

命忽於今年六月初十日接到吏部文憑陞授

欽奉

七

今職臣聞

命驚惶措躬無地即欲再疏陳

奏瀝血哀鳴既而伏枕自念臣犬馬微衷素切報

効今病未即殞絕豈敢必遂便安况

恩光煥耀方新崇星自合退避萬一醫藥奏効

日就安妥亦未可知遂於八月初三日扶病

履任十二日前赴駐劄地方聚頭與疾巡歷

沿海一帶衛所縣分親至海上點閱兵舡宣

布

朝廷恩威申明軍門號令往返月餘始獲回還

緣庭羸瘠質馳驅過勞各處衙門俱未完備

暴露風日隱忍饑寒方其鼓舞捐軀亦不自

覺迨休息二日前病舉發各症轉集昏暈吐

瀉粒米不入諸藥罔效羣醫無効兼以舊患

兩足風痺病久痿軟逾甚立則戰掉欲仆步

則匪人不移自度病勢沉重決無生理寧紹

地方目今雖幸無事然練兵設備不容頃刻

懈弛難以精明強健之人猶難為力况如臣

奏

八

者奄奄待盡昏憤不省其能以一日供職任

事耶若僥倖無虞貪昧竊祿彌縫庶飾而不

哀鳴於

君父之前萬一卒然有警何以待之失事之誅

在微臣固不足惜而地方之貽害則多矣伏

望

皇上少寬斧鉞俯卹疲癯念臣力疾從事之可

矜哀臣垂死乞骸之非妄

勅下吏部備查先今奏疏照依見行事例將臣

速賜罷黜放歸田里員缺另行推補庶幾芥微
軀不至填委失所而地方重寄庶幾付託得
人矣為此具本專差義男李壽抱齎奏

聞伏候

勅旨

嘉靖三十八年九月二十八日

崇實堂集

卷之十

九

崇實堂集附錄

明故浙江按察司副使訥菴李先生行狀

鄉薦士里人曾思孔譔

公諱萬實字少虛別號一吾晚謂人曰頃吾服
官政輒以多言觸時忌今家食而吾無言責乎
故學者稱為訥菴先生姓李氏世為南豐人五
世祖諱立登永樂乙未進士仕至柱史轉兩廣
副使致仕今崇祀鄉賢高祖諱熙應正統十四
年賢良舉已景泰登極事格罷歸不仕曾祖諱
錫經明行脩歲貢士任福州中衛經歷祖浚有
學行亦歲貢授碭山縣丞父諱柱號質村奉
恩例授七品散官調儻忠厚邑稱長者母黃氏
夫人公生而警敏日授數千言甫十齡縣尹祝
龍山公奇其文暉之授以春秋尋補弟子員後
二年試優等既廩縣官時士方習舉子家言旁
及古詞賦則聽爾以為迂曰惡用是嚶嚶為而
舍我所好公奮不用流俗人之言獨與二三好
修君子結社為古學雅型範北地李公獻吉以

行狀

故學殖日益精進大學士少湖徐公督學臨肝
溪器重之是歲丁酉舉鄉試十二人則年二十
有八也已又登甲辰會榜乙巳除行人司行人
奉命至南康王府則進百金裝為壽且援故
事要必內公固卻之戊申選刑科給事中內
璫麥福以捕緝功廕弟姪一人為錦衣百戶業
已降旨矣公執不可謂朝廷名器不宜假
人爵賞不得濫及倖門一啓杜之為難如正統
來間立賞格率邊關重務聚黨剽奸未有如福
職專緝事獲止一人而豪異等之思此臣所
謂舛也語多激切聞者危之而公一意無回慮
唯天子亦止輦心是公言而難成命乃城社
輦往往歛手不敢覲恩澤矣既念福都遠在
數千里外家太公起居匪旬日可得達而金陵
近於問訊便則以將父情乞改南得給事南戶
科異時善宦者自南而北則欣然戒行北而南
則戚戚為不悅色至有冷官號無有舍而南者
設居南不近天子侍顙務為博大以釣長者

行狀

三

聲譽於時政與壞國家籌畫直苟為文具封已
養高公獨持風裁奉公眷職至則首號大臣數
人有所糾射皆宮詹太司馬大中丞侯若伯等
瑣瑣亡論也先是南中官吏倖糧文納類按月
具贖委官送科以待稽核始未嘗不嚴密後稍
陵遲名存實亡則乾沒侵冒隨之公廉得其情
悉請復如舊樊孔一清歲當大獎群吏公以謂
元元休戚係庶官而人才進退關治道考核不
精黜陟不慎雖唐虞不能以化天下其法在優
異等以示旌別嚴汰斥以警貪竊信禁令以清
朝政杜倖門以重憲典使薰蕕別白賢不肖臚
分所為璽書褒美者顯陟者皆當世端人碩士
也所為詔書譴責者顯戮者皆當世僉夫壬人
也如此庶公道昭明人知用勸而礪世磨鈍之
機握矣疏入當塗甄採仕籍無濫竿焉禮部尚
書顧某以醫幸至加宮保官號負乘驕縱無所
顧憚北郊坊制名泰折則易折為所公覽報怒
曰此夫僭干議禮之權違制大不敬無道吾不

言誰當言者遂力擊之大冢宰夏某初拜不協時望公念銓衡重寄安得任非其人任非其人即百僚表率謂何望官邪有警實難并歷指其媚權貴阿重相數事以誹之觀宇內人才徃徃有不盡用之嘆而留廢竊發一意勦撲慮非

廟筭公謂宜廣德意以備任使亡論沉淪註誤杜門在告務搜羅登進期以適用而止而留夷遷徙鳥舉急之則竄伏箐篁事定復鈔掠如故可相機宜行撫勦未可顯顯以力破也有如

行狀

四

某處平則當計防守以規善後如增城堡以扼要害添將官以重事權廣招募以強戍卒嚴法令以制土官等皆吾內修本務毋右張皇而左城守毋快目前而妨大計此所謂戰勝廟堂善之善者也疏入天子錄焉北虜犯順有詔求言公謂昔之虜也寇我塞垣今之虜也闖我門戶即今固喙息僮幸無事不一為長久計非筭也又况三衛陰連畔卒嚮道失今不治一旦駭而圖之無及已故京營藩衛重地軍政廢

舉逆虜所視進退則振京營以固根本一薊州一鎮密通京師自橫山棄不守虜得據勝伺我虛實且山多瘴伏超距可登水善奔衝疊牆易毀况墩軍缺少餉給稽留則植弱鎮以衛門庭二時平棄置事急輒稱乏人于以收惟幄士靳立克敷大功是御行求前也必大破常格招徠鼓舞准張時徽等事例旁羅博采用效馳驅則推廣聖意以備緩急三明主馭得其道即狙詐咸作使今沿邊民及大同叛卒并為虜用者

行狀

五

何債帥以剝奪渙軍心胥吏以誅求罔民命既開其向虜之途脫有顧戀鄉閭間道來歸墩軍哨騎反逆而誘殺之甚者掩為首虜冒功幕府矣不則幸完無事家且流離魯席未及溫而軍吏已及門役矣彼獨何利而反顧為又虜酋款我畔人過為優厚愚民豈誠洞順逆大較則其誘而去去而益為虜耳目無怪也則招降用間以收遠圖四沿邊鎮堡苦虜虔劉遠斥埃謹烽燧所以便救援而安境內也即如北虜已退

而近輔惑於搖言往來皇懼聲援不接倘禦謂何則傳報聲息以安人心五五策誠行而又斥去典兵不職提督成國公朱某遂安伯陳某監軍內侍高忠庶軍政脩明將領有所托重區區小醜何足膏斧鑕哉時天子方用軍興治失事諸臣而需石畫甚急覽公疏犁然有當則命部大臣議行南都魏國公徐某頗恣作威定遠侯鄧某荒滌沉酒錦衣揮使朱某剋奪軍士殊不厭清議公連章劾之所居給舍僅三歲幸凡

卷八

六

數十上所言皆人主舉動天下大計及人所不敢言與不能言者而公臺臺言之不沮不懼或諷公默公曰天子置諫臣官以諫名寧令從吏顧望漫不可否天下事獨毛舉細故塞責乎亡何以病乞歸不報辛亥遷廣東僉事理鹽法清查宿弊恤灶丁之逃亡者名無加增無使為貪民累時賈人於格外有所規覲進例金千兩諸報可公獨持益堅却之事沮不行癸丑轉本省叅議署篆有署都指揮某者陷誣獄久不

決公廉得其寃白兩院活之仍復故爵甫匝月適徃賊猖獗流劫四會地方境內騷動乃親率士卒勦除不旬日賊潛遁去兩院遣官賞金慰勞竟不自居盡以所資貯之庫尋丁繼母艱歸里之日囊中詩文數冊而已厥後廣潮流寇犯豐邑過北郊公小構皆曰此吾省舊祖爺不要錢者庄所不可犯也咸望門拜而去後邑中鄉老謝曰古有此事今乃僅見孰謂盜賊無良心哉孰謂古今人不相及哉丙辰服除丁巳補湖

卷八

七

廣叅議時藩府江川王習貴倨橫溢不可制公痛怒軍尉數人部中憎伏中官孟某承命至岷王府索過山常額公以職司守土况長寶地方貧甚顧安所得以奉無名需乃并力抑之中貴亦莫敢囑迄今嘖嘖人口嘗江川藩修贊禮內金若干書累中公疑有異大會寮長厲白發其狀人服其廉明隨奉表入賀竣途中疏乞休致不報已未遷浙江兵備副使今理寧紹等處兵務至則親履海上檢閱戈舡諸所籌略井然

繼然人人咸有長城之倚屬以疾告詞甚慘惻
侍御史周公凌公大中丞胡公聞之若失左右
手再三為留慰藉之甚至語不具其謂望重樞
紳才兼文武者實錄也公辭愈益力諸公知不
可強乃為請于 朝恩賜病痊起用去之十數
年聞公名者尤冀公用所未究如大中丞楊公
舉境內遺才首公行誼甚習顧公宦情薄榮進
非所嗜也竟優游林下終其身初公在告卜築
北郊之垆扁所居曰水竹志潔志勁節也反闕

行狀

八

却掃謝絕往來人罕識其面惟日與親友同志
者俱上下研精羣籍酒酣賦詩自遣絕口不及
宦時事其在諫垣赫赫有譽謬聲每使車行縣
亡論識與不識輒詢李先生無恙否登其庭至
欲一見竟不可足跡未嘗一至公府及闕井邑
利病又未嘗不瞿然軫心也如嘉靖辛酉中流
寇獮突境外公日夜督城守身自聽閱至達旦
不寐者累日邑賴以完客兵營大坪東繹驛遠
近公作避兵謹以志威層有所祈請率掣去之

邑令公晉江王公遂昌鄭公具以碩德來視事
少推轂獨心重公晚益喜談道於勢利泊如也
公好持大義如堅先達符寢老墓碑捐貲為通
家生聘婦率人所難者尤重宗枋自始祖而下
為勒碑封墓老祖崇祀鄉賢皆公手為臚列懿
懋既念圭田微僅僅不足以更費則捐歲入易
廛居以佐之宗之老而貧不能舉火時時遣人
負糈相加遺歲終亟存問不啻家太公自公貴
後晚舉二子萬里萬敬異母弟也公植之如已

行狀

九

子太公雅謂公自而居官時所積著佐家人生
產皆而俸餘今權子母行幾什一利利稍贏前
吾即歸而屬家政吾何忍昂足立吾必半遺而
半遺二幼而後喜可知也公固遜大人柰何以
錙銖財厚兒令兒不直遂克讓意也且兒誠重
利亡論官時一染指不忍為彼以其側進者豈
下數千百金諸固以為固然者而兒敝帚塵之
不一覲况豈易於却側而難推產吾弟也大人
務究兒志願以貲三今之故居以與弟而兒且

別營居母遺事作室勞太公知不可奪之暨
太公捐館所為撫翼而成之者絲毫皆公力也
生平峭直唯所言論丰采凜然人不敢干以私
鄉隣行一善即稱賞不置口若嫉惡則如仇有
所不可輒面折之絕無一毫媿阿態家居不預
外事門可設羅如是者餘二十年蓋以身砥風
流波蕩中剛大之氣自其天植脂韋者不無忌
且少望而扶植正人真有廉頗立懦功迹公所
自樹豈所謂在朝美政在邑美俗者耶賈生痛

行狀

十

哭太息太丘表正於榆俱傑然為世像的然不
必兼有公其兼之者耶公為文浸淫司馬氏詩
本杜少陵著述繁富別有論次故不具公易簀
時凝然不亂惟訓二子以積學毋忘厥先祖父
清德無作佛事言終而逝不一及私家實屬曆
壬午六月十一日子夜距其生正德庚午正月
初七日實七十有三也元配黃氏夫人有懿行
先公卒子男二人長秩太學生妻南城尤溪少
尹王君之臣女側室黃氏出幼穉郡庠生娶橫

州知州曾君具瞻女側室朱氏出女二人一歸
光祿卿江公冕次男邦政太學生一歸山東斷
事譚君良誠男一龍側室翁氏出秩女一聘不
佞次男始襄事時堪與家以地利為解則殯于
水竹居之鸞洲草堂至是其子秩穉以行略來
曰日月有時將葬矣請為狀以乞銘嗟夫子則
安能狀公予獨及聞長老言先君子與公結社
清脩時事先君子頗以萬長公諸所同業結撰
皆一時賢豪奇士各以意氣相推與十人而九
率脫穎去獨先君子實志以歿後二月而予始
生後四十年而公以故人子故獲以弱子托孫
女今其所稱清脩諸公卓越一時慨然使人瞻
仰有不可及之嘆况公之大業章章指紳間寧
俟予言而予生也晚又安悉公萬一哉藉令言
不阿所好方且詞野而聽涼其又誰能信之雖
然始以贊先生大人覽觀焉

行狀

十一

明故浙江按察司副使訥養李先生墓誌銘

賜諡忠身大中大夫雲南布政使司左叅政年弟南城羅汝芳撰

先生姓李氏諱萬實字少虛號一吾晚歲改號
訥菴居南豐館前爲邑中鉅族五世祖立登永
樂乙未進士仕至御史轉兩廣副使享祀鄉賢
高祖熙正統初賢良舉已景泰登極事格罷歸
不仕曾祖諱錫以例貢授福州經歷祖淡經明
行修亦歲貢授碭山縣丞父柱號質村奉 恩
例授七品散官母黃氏夫人生先生於正德庚

墓誌銘

上

午正月初七日午時幼即警敎日記數千言甫
十齡視尹龍山公奇其文留之授以春秋尋補
弟子員既廩縣官猶未弱冠也時士方習舉子
家言乃獨奮起流俗偕好修諸君結社爲古文
詞少湖徐公校士相得至握手歎然慶遇知己
比嘉靖丁酉以春秋舉鄉試十二人則年二十
有八也已又登甲辰會榜乙巳除行人時少湖
公已拜副相首舉先生值考選授刑科給事中
合朝欣欣以爲得人不踰月司理太監麥福坐

東廠聲勢赫奕偶緝獲民間人命錦衣衛 題

奏廢其第姪爲百戶降 旨徑行不發抄該科

先生謂漸不可長備陳歷年 欽定賞格及六

科職掌具疏論其欺僭詞極切直 命下削奪

濫賞而申飭恒制時雖頓抑豪橫而中官黨與

畝惟報復者日甚涵先生覺之且念質村公

遠在數千里外問訊難以具達於是以將父情

力疏請改南得給事戶科比入留都則首劾大

臣數人皆位官詹大司馬大中丞侯若伯等瑣

墓誌銘

下

瑣亡論也先是南中官吏俸糧支內額按月具
牘委官送科以待稽核始未嘗不嚴審後稍凌
遲名存實亡則乾沒冒濫隨之先生悉復如舊
弊孔爲之一清時 上方銳意長生延攬方士
禮部尚書顧某以進藥幸至加官保負乘驕縱
無復忌憚北郊樹坊 制舊名泰折某易折以
圻報至先生忿曰此夫僭干議禮違 制大不
敬遂力擊罷之說固中寢而南北縉紳咸凜凜
色動大宰夏某初入天曹不協時望因念銓衡

重寄安得任非其人任非其人即百僚表率謂何望官邪有警焉難矣并力指其媚權奸阿重相數事盡言論罷而無少顧忌衆尤難之居嘗嘆宇內才豪往往未究其用偶荆楚苗夷竊發廟堂一意勦撲先生建議宜推恩起廢以備任使亡論沉淪註誤杜門在告務搜羅登進期以達用而苗夷遷徙鳥舉悉之則竄伏簞箒事定則抄掠如故善在得人相機撫勦未可顯顯以力破也疏入 天子錄焉北虜犯順有 詔求

奏事

一

言急先生謂昔之虜也窺我塞垣今之虜也闖我門戶即今固喙息儻幸無事不一爲長計非策也詳列五事一振京營以固根本謂機務怠弛非所以嚴重地杜窺伺也二植弱鎮以衛門戶謂薊州一帶墩軍餉給宜加存卹也三廣聖意以備緩急謂大破常格旁搜廢置以效馳驅也四招降用間以收遠圖謂大同叛卒向順來歸者勿致窮追以資敵寇也五傳聲息以安人心謂近輔惑於流言宜遠斥候謹烽燧也終

復糾提督匪人更置碩望時 天子方用軍興治失事諸臣而需石畫覽疏犁然有當則命大臣議行南都魏國公徐鵬舉定遠侯鄧繼坤尅奪軍士殊不厭清議遂連章詆其事恣必去位乃已所居給事僅三歲章凡數十上所言皆人所甚恐恐然者或諷宜少默爲惕然起曰 天子置諫臣官以諫名寧令從吏顧望漫不可否天下事獨毛舉細故塞責乎亡何以病乞歸不報幸女還廣東食事理鹽法清鹽課恤灶丁處亡者悉蠲之名無加增無使爲貧民累時賈人於格外有所規覲進例金千兩諸報可先生獨持益堅卻之事沮不行癸丑轉本省叅議署篆有署都指揮某者陷誣獄屢年不決先生覽案廉得其情白諸兩院悉活其寃仍復其襲爵甫匝月逆倭賊倡獫狁劫四會地方境內騷動先生親帥士卒勦除不旬日賊潛遁去報至兩院遣官資金慰勞因扁之曰文武全才先生恬不自居悉以所資銀牌貯之庫藏尋丁繼母艱歸

里之日囊中惟詩文數冊而已厥後流寇數百突犯豐邑冠魁廣潮人也過北郊先生小構所在因相戒曰此吾省舊祖爺不要錢者庄所不可犯也咸望門拜而去後邑中鄉老語曰古有此事今乃僅見孰謂盜賊無良心哉孰謂古今人不相及哉丙辰服除丁巳補湖廣叅議值藩府江川王習賢倨橫溢不可制乃乘他事痛懲軍尉數人部中惴伏有中官承命至岷王府索過山常額先生以職司守土而長寶居民貧甚顧安所得以奉無名需乃并力抑之中費亦莫敢嚙迄今嘖嘖人口隨奉表入賀後途中疏乞休致復不報已未遷淞江兵備副使分理寧紹等處至則親履海上檢點戈船諸所籌畧赫然整肅咸有長城之倚頃屬疾告詞懇惻侍御周公凌公中丞胡公勉留再三語不悉具至謂望重縉紳才兼文武茲實錄也及請于朝恩賜病痊起用去之十數年聞者猶冀先生復用巡撫中丞楊公舉境內人才首稱其行誼卓

卓殊甚顧宦情素薄竟優游林下終其身卜築北郊之坳扁所居曰水竹志潔志勁節也反關却掃人罕識其面惟日與李君良翰俱上下研精群籍酒酣賦詩自遣足跡未嘗一入公府邑令君豫吾王公滄濂鄭公最稱賢明獨心重先生或時相往來他有司則竟莫可一見至井邑利病又未嘗不瞿然軫心如嘉靖辛酉中流賊獮突境外則為日夜親督城守邑賴以完客兵營大坪東繹騷遠近間作避兵謠以聞當路且潛有所請兵因得掣去生平好持大義如豎先達符褒公墓碑捐貲為胡生娶婦尤重宗枋自始祖而下為勒碑封墓祖祀鄉賢手為臚列懿爍既念圭田微薄捐歲入易廬居佐之宗之老而貧者均藉以舉火父且無倦質村公晚舉二子萬里萬敬先生愛待不殊一母質村公雅謂生產居積成自先生俸給為多欲專取其半而以半遺諸二弟為快先生固遜竟以此貲三分之一故居悉居二弟而營別室自居既質村公捐館所

爲撫翼而成之者絲毫皆先生力也其孝友純篤
大多類是予竊謂先生少則以文詞馳驟壯則
以功業激昂要之其志確然欲出人頭地不甘
汨沒時流焉者故竟以聞道終也嗟嗟甲辰撫
建二罷登第者六人予暨先生及譚公二華朱
公東源江公雲石李公巽齋在今俱獲完名顧
予不穀獨殿其後不知將作何狀茲詔養先生
將葬而乃嗣秩暨穆持厥嫻春元會君所紀行
實造予乞銘予聞言戚戚感且不能已也而言

墓誌

七

能自已耶先生卒以萬曆壬午六月十一日子
夜去所生享年七十有三也娶夫人黃氏無出
先公卒子二人長秩大學生娶南城尤溪少尹
王君之臣女黃氏出幼穆郡庠生娶橫州知州
曾君具瞻女朱氏出女二人一歸光祿卿江公
冕次男邦政大學生一歸山東斷事譚君良誠
男一龍翁氏出孫男一多才孫女一俱幼茲以
萬曆丁亥十月十八日塋于太平鄉荆灘橫坑
之原其山坐丑向未兼艮坤

銘曰

邦之司直 允脩言職 出秉憲綱
風紀聿張 急流高蹈 不拔其標
仰止崇丘 世德作求

明故中憲大夫浙江按察司副使詔菴李先

生墓表

賜進士出身嘉議大夫都察院右副都御史奉

勅總督南京糧儲年弟泰和曾于拱譔

張南軒云伏節死義之士當于犯顏敢諫中求之信哉其言也何則節義蓄於中故能敢諫當其諫也固有雖死而不避者矣則其臨難而不求生也何疑哉然其中又有異焉是未易言也亦未易知也史傳所載犯顏敢諫者不鮮矣余

墓表

讀其書論其世謂可以知其人及叨通仕籍幸而見其人焉則乃知書之所載固未足以盡其人也所謂幸見其人者丁酉同年詔菴李公其一焉公第甲辰進士同年仕于朝者幾二十人情好甚篤公與余暨楊武東劉唐岩四人者尤相契退食必迭為會劇飲極談常至夜分而務以名節相砥礪不徒為飲食宴樂者公貌偉而氣和志大而見定論議侃侃是非可否之辨窮極理道而後已吾三人心服焉是時 世皇上

嘉黃帝垂衣之治御西內轡常朝敬事 上玄

微用耆老通真誥知養生者授之崇銜而不任以事百司章疏必親覽威福不可測建言諸臣固有受上賞被顯擢者矣而幽詔微斃杖下者亦屢有焉大小臣工凜凜祇畏救過不暇言者則以指乘輿斥城社為必不可敢犯之風寥寥矣公為行人負臺諫之望予三人嘗以綿羊京堂之謠謔之公奮然曰平日所談者何吾倘居是官而苟默默則惟若等所呼矣未幾公選為刑科給事中將半莽疏改南戶科往來甫三載而疏數十上其糾彈也有劾麥司禮高內官夏冢宰顧少保趙司馬周中丞朱成國徐魏國鄧定遠陳遂安曹豐潤諸疏其建白也有廣德意起遺佚嚴考察懲貪殘振京營植弱鎮驅北虜馭苗夷諸疏蓋皆人之所不能言與不敢言者也其論司禮少保二疏一時士大夫尤嘖嘖誦服司禮疏畧曰麥某訪獲克犯一人冢陰其弟姪復陞其官校揆之賞格甚不相合冒濫凌獵

恐非所宜伏望 天語飭戒近以馬廣為前車
遠以汪直為殷鑒至于嚴衛緝事原本務送該
科登記庶奸殺不生亦防微杜漸之道也少保
疏畧曰願某擅改 北郊坊名僭干議禮之權
冒犯違制之罪 皇上天眷和平勿藥有喜即
使此輩馴謹無過已不堪用况罪狀若此安可
復留昔季孫行父有云見無禮於其君者如鷹
鷂之逐鳥雀也某之無禮如此臣安能已於言
哉二疏入 世皇覽之皆數日不下竟優容焉

事表

十

於是百官萬眾又咸頌 上之仁如天也首疏
公在京人人為之危余三人者亦不能安寢而
公自如也後疏公在南曾以書示云惟席葉聽
命耳此其敢與犯也真足以懾奸邪而維風教
然非當其時見其事就能盡知之而亦曷能盡
言之哉公忤權倖匪獨論奏由是互相構害賴
上英明計不得逞繼為冢宰者嫉其抗禮藉
口廣東有警藩臬須擇人遂出公為倉事二載
遷本省叅議復補湖廣陟浙江副使公所至恪

脩厥職在浙防海竭勞因感微疾即馳疏乞休
一時公論頗彰咸欲留之而其請益堅銓部議
俟病痊起用 上猶記公名特允之其仁如天
豈不信哉而公之遇又何其幸哉公既南余亦
外補先後歸休林下三十年間音問僅通忽聞
公訃余悲不自勝為位而哭楊劉二兄則久逝
矣思益至故痛益切第追憶平生擬作一傳以
志交情而未就也公之子 學生秩郡學生穆
求余表公之墓輟走千里為余山舍余對之泣
下而情誼不容辭謹即以所見公之立朝節義
次第書之公諱萬實字少虛號一吾晚號詠菴
考質村翁隱約好脩公敬承其志事母黃孺人
繼揭孺人咸得其歡友愛二弟捐產予之而成
其學皆余所耳熟者大叅近溪羅公銘中備載
之夫忠必由於孝公之忠如此孝可知也若其
世系子女生卒兆域 具矣而進士會君所為
狀則於公宦遊之績家居之行又詳焉夫大可
以該小公之大節如此其小可知也余是以畧

馬獨憶已卯歲公七十余賦詩為壽用杜少陵
送路侍御韻以起句情景相類也庚辰余六十
辱公賜和又有憶舊遊章其詞曰一別京華不
記年中間消息兩茫茫然論心每憶春風坐入夢
猶淹雨夜慈憫栗憐君人似玉踈慵愧我力如
綿親知海內誰相念忽捧新詩水竹邊余敬和
曰憶昔京華相侍年醉時講德各欣然共期直
道出三代肯出高談驚四筵敢諫自應聲藉藉
勇歸偏得福綿綿承家更羨多賢子繼武仍超
雨露遙今公二子皆能遵庭訓面惟不辱穆至
吾邑諸縉紳一見之皆曰此名家子也然則余
之所謂縉紳者其必驗矣公少即能詩誦法少
陵稍長為文有史漢風宗師徐文貞公歲試得
公與楊武東並稱為江右奇才今二子輯公詩
文凡若干卷欲余為序余嘗受教於公安能序
哉然又知其必傳矣爰并書以為表覽之者寧
不感慕而興起乎

書訃菴李先生遺事

先生天分高朗超邁等夷為學不事口耳辨說
唯體驗於事物應酬之際以故無其名而老日
益為哺弱冠黃太夫人背養先生痛夫人年壽
之不永而已志之未伸也哀毀過甚廬處墓側
三季朝夕泣慕如一日其篤孝本諸天性也如
此既成進士為給舍便使歸省先是邑東通濟
橋燬司土者不敢舉羸民久病涉先生一見遂
捐貲倡義義聲所鼓橋工迺就緒復其故焉詳
載府志吳喬李公記其急於濟物也如此踐
中外者久之屢疏乞休養最後始獲俞旨當
是時尊府公質翁春秋高二嗣君晚出先生如
舍重負喜動顏色蓋先生居一日位一日不敢
曠匪徒苟祿榮肥已也將戒行移書別上虞徐
龍川公公於先生為同年中雅厚者因寄以先
後疏稿公乃為彙次梓題曰恬仕錄而序之
大意謂今之仕者進如火熾群趨競逐如貿物
入市先生既踐華階但猶默以俟去通顯無跬

步之遠顧逡巡畏卻眎解簪組若桎梏羈焉然
惟恐不速可謂安靜無營與時好異趣卒此先
生為錢宣靖真有僞風道骨人嗟嗟徐公儼所
謂知先生輕富貴利達之心者非耶語曰行百
里者半九十言末路之難也先生逾壯穉褐方
艾拂衣處林下二十餘年益孜孜汲汲敦孝弟
施於有政峻廉潔以勵當時此人所知至若
疾時學虛妄疾風俗矯麗變詐擅富矜榮務去
有我崇實得刊落浮靡思有以挽頹薄之弊而
見善如赴扶植後學之念始終無間此則先生
所以恬于仕而人或未之知矣先生少即卓犖
負當世望在諸生時已與汝川陳明水傳仲言
二公善比入仕與水洲瑤湖魯江諸公善其尤
心志莫逆者臨海敬所老師也餘姚良知之學
既聞而契諸心用之蒞官守法不疑不沮而所
至著聲績褒然為海內縉紳推轂良有本也自
其恬仕而歸也南城近溪羅公邑庠師心齋先
生門人王一菴公皆嘗約同志會會西林相與

辨質疑難一日有舉德之不脩一章為問者先
生答曰聖學主在脩德講者講此遷者遷此徙
者徙此不講不遷不徙則德益不脩聖人有憂
之吾人當何如它日先生言陽明學工夫全在
致字今人說得良知透徹夷考之間居無所不
至則良知與己身有何干涉譬賈胡蓄寶徒供
玩弄而已不濟饑寒故曰知之者不如好之者
好之者不如樂之者好之斯致之矣致之斯樂
之矣聞者傾服鷺洲草堂之左先生游息處也
大書相在爾室四字揭于南牖上時時對越焉
是先生雖未嘗立門戶樹標準號言曰講學講
學而課所得視終其身口耳良知自謂登堂與
者顧或愈之也先生嘗聽堪輿家言卜地吉嶺
既成券受值矣奸猾從中持長短撓之覲潑其
偏私弗得事聞郡太尊介石王公雅敬重先生
寢不行先生亟召其族焚券焉曉者悔過固請
卒不為惑此先生去有我一端彰著人人者也
同志友謝君名上舉者見時父遠商久隔帶查

然家徒四壁立上祖母母下弟食指數十君拮据力學勢重自給乃發憤出廩父死生狀先生憫其志贊以決而資之橐裝馬一蒼師初翔水東會所先生緹史邑侯金愚圖公俾佐速成又為會度經久慨然捐穀倡始於是南谿鄧公雲石江公先長公雲臺皆和之衆諸同志數十輩得穀如千石建義倉于會所之西偏先生手為籍定約引其首復詒書同志無非欲交相規勸以革薄而敦厚時時求本心步步躡實地使邑人矜式焉文在崇質堂集中凡四方游學之士羸膝履蹠而至者先生必具食水竹居會同志叩其蘊籍去則量資助之為常非有甚不得已事不廢間遣人致疏米水東惟先生暇暇則雖初寒雨雪無論也他如表鄭白窓符聰衰作曾憲嘉傳非由門緒相干蓋樂善懇誠為轉移世道慮切切也錄此言之先生之於末路何如哉藉第令先生陟通顯躋膺仕大寃厥施恐身心間未必如今日得也先生寧以此易彼哉

故嘗竊論先生穎悟似端木簾通達似賈誼居官不情似臧孫辰居家不見邑宰似澹臺子羽而晚年彌劬省身不及似蘧伯玉其棲息亭池蒼木之勝取具適情博覽釋老神仙稗官小說詭異之書取具游目不直拒人為飲食燕會歌談譁之樂取具降伏其心而所好不存焉近溪羅公誌先生墓所稱先生少則以文詞馳驟壯則以功業激昂要之其志確然欲出人頭地不甘汨沒時流焉者故竟以聞道終也意可謂知先生者矣節成末學後進辱在世講每隨先長公侍先生坐聆先生緒言日久不幸長公先生即世距半歲而先生遽捐館舍詩曰淑人君子正是國人胡不萬季嗚呼痛哉歲丙戌嗣君輯先生所遺詩文付剞劂氏以傳而節成謬承校閱之後誠懼世之君子知先生之大而畧之於精微知先生之文章事業而遺之於學問輒敢放膽撫拾其遺事若此諸行狀表誌詳具者不復入避贅也孟夏八日晚學生高節成書

崇質堂集後叙

先生自為秀才時以天下事自志魁岍英發無塵俗態暨筮仕行人風節矯矯每曰無所聞人與草木同腐吾不能也居諫垣遇事直言不避權貴諸所建白皆訐謨碩畫人所不能辨與不敢爭者先生必極言之弭積漸之端反極重之勢蓋見卓而氣充非獨一節之直云爾也以言故避咎知宦途之棘也當給事留都時即乞歸養自後歷轉藩臬輒陳情惻既得賜告即杜門却掃絕口時務放情事外混迹俗中與故舊唱酬賡和無虛日留連景光徜徉山水信其自所謂成癖者也性樂恬曠應諸吟咏在勝

遊劇譔者便見真際然不作虛華浮曼如貽講學答傳仲言與譚二華諸書可知其學術猷念有獨造而弘施者非爾爾然也濼先君舊遊丁一山先生門下因得薰炙于先生時稱述以教濼濼幼不知慕稍長值先生家食不苟延接無因以自進暨得領鄉書而先生已遂作古人矣今乃得讀先生之集遂因以見先生景行前哲有其津塗顧不幸歟是敢拜手書于末簡聊以附名於後云爾萬曆丙戌秋晚生胡濼序

崇實堂集二十卷

江西巡撫
採進本

明李萬實撰萬實字少虛南豐人嘉靖甲辰進士官至浙江按察司副使其爲給事中時嘗疏論權璫改官蓋亦骨鯁之士是集凡詩九卷文十一卷江西通志稱所作奏疏別名恬仕錄徐龍川序而此集末亦載有奏疏三卷蓋其初別本單行後又編入集中也萬實傳姚江之說其文體平正不事錘銘猶講學家之格其詩頗學韋柳意取清妍雖風骨未就而姿致可觀則其天分之高也

無聞堂稿十七卷

〔明〕趙鉞撰

首都圖書館藏明隆慶趙鴻賜玄對樓刻本

附《四庫全書總目·無聞堂稿

十七卷》提要

無聞堂稿叙

言心聲也心聲則谷然而其
響之逐感而應者也固未有涵
渚其心而弗聲乎其言者也心
未有不聲乎其言而非先待于心
者也夫心則廣矣大矣以舉乎
天地之間則備矣故即宇宙萬
類而統括融通之可也即宇
宙萬類而各足翁通之可也
可也其神無方其體無定而其出
無窮者以故士之生也惟不知
所以反躬之則已矣一入寶山

則陳貝種、即投足引手隨吾
所向咸可懷携玩襲以快意生
平而充數日用之孰得而涯之
之孰得而限之也哉故古先和
言君子恒必於其心取衷焉其
所見淺深世論以而恒之貴所
至高下無論也而安之貴所得
大小無論也而久之貴如是而
乃心如是而為之則其辭達其
旨永乎其說詳且舒矣予自甲
辰叨第春官於大衆中音識桐
城柱壘趙公喜其瀟灑脫畧終

遠去此塵如軒翔物表意竊奇
之自是每一相見輒聚首雅談
時竟日夕逮邇來晤對遂津、
茲將反躬諸其心矣公今已往
而或希諸圖為說招炳、於人
耳目謂公於心而無所見焉所
至世所得也可乎哉即所見所
至所得以發揮文詞而謂辭弗
之達自弗之永而說弗之詳且
舒也又可乎哉公之長嗣鴻賜
君哀其終身述作乎記若干篇
章疏若干篇詩歌雜著若干篇

洪題曰無聞耄耄而鴻賜君則
英噴茂蓄乃心公之心繼承家
學於未艾者乃因其是使請言
誼不吝已爰陳予素所受教於
公而不敢忘者用著篇端歸君
以俟四方知言君子取衷焉至
公之履歷注措則誅狀誌表標
揭史氏而宏勛寵秩燁奕
諭繁褒章者昭々明憲可無復
多贊亡

隆慶六年歲次壬申仲夏五月
端陽令日

賜進士第中憲大夫知直隸寧
國府前刑部尚書即時江年
侍生近溪山人羅汝芳惟德
頓首拜書



無聲堂稿

第一卷

賓竹王大夫擢雲南少參贈言

秦川沈大夫擢江西憲副贈言

澄涯杜大夫恤刑河南贈言

韓少尹之任孝豐贈言

剡溪袁年兄之常州贈言

喜游篇

東傳章大夫擢江西僉憲贈言

無聲堂稿

李給舍乞任南都贈言

徐大夫出守鄖陽贈言

張大尹之沅江贈言

吳大夫擢山東僉憲贈言

第二卷

馬太史東封贈序

王諫議歸養贈序

馬揮使南還贈言

樊侯調丹徒贈言



吳悟竺使琉球贈言

楊虹澗擢戶曹大夫贈言

陸侯北上贈言

梅宛溪擢紹興太守贈言

李前河改任東廣贈言

五弟子積之任將樂贈序

勿菴張先生贈言

遼泉黃侯入覲贈言

王博士擢恭城掌教贈言

無聲堂稿

第三卷

萬靈湖祭第賀言

邵邑博獎屬賀言

戚母旌表賀言

余壁峰壽言

百歲汪翁壽序

何母七十壽言

雙溪楊公壽言

北溪兄壽言

方母壽言

盧后屏壽言

瞿母壽言

方夫人壽言

周侯二母偕壽言

野溪兄夫婦壽言

第四卷

泰公殷宜人壽言

施翁榮封賀言

壽言

從兄靜庵壽言

方母七十壽言

伯兄恒菴壽言

竹村張公壽言

仲兄南野夫婦壽言

鮑公壽言

徐存翁壽言

馮尊師壽言

三兄嫂偕壽言

阮氏世科賀言

周母壽言

陳侯臺吏三獎賀言

鄒博士賀言

第五卷

舒城縣儒學記

安慶府儒學田記

且畊堂記

貽孤軒記

壽言

倚豐亭記

大德祠記

重修醉翁亭記

重修陽明書院記

○重修大興寺記

鳳嬉堂記

愛山堂記

三茅君廟記

尊教樓記

桐城縣儒學科甲題名記

、助山堂記

梅江橋記

弘教堂記

○上江防御史行臺題名記

、偕樂亭記

第六卷

題守園日抄

題山斗遺思卷

無明堂稿

敬修先生引言

族譜首言

古今原始引言

考古辭宗引言

張惺菴墓誌銘

、李誨之墓誌銘

陳侯去思碑

王侯去思碑

王氏祖塋碑

郭先生傳

與日者語

、幾希圖說

○宜秘洞說

、宜秘洞紀事

第七卷

祭樸溪潘司徒文

祭王太孺人文

祭盛封君文

無明堂稿

祭方東溪文

祭汪素逸文

祭盛翁入鄉賢祠文

祭列祖文

祭外翁石山文

祭方西川文

祭北厓兄文

祭叔母高孺人文

祭亡嫂邵夫人文

六

祭方南宗文

祭長兄文

祭劉太學文

祭吳愛竹文

祭滁城隍文

祭亡兄石岡文

祭龍潭文

祭威鰲峰文

祭山峰中丞文

集開堂稿

祭徐二尹文

祭石鼓山土地文

祭汪皖江文

第八卷

飭戎政疏

慎考察以勵庶官疏

災異自陳疏

謝恩疏

平苗功次疏

七

計處地方事宜疏

第九卷

謝恩疏

查革冗官疏

題巡按養病疏

獻銀疏

慶賀疏

自陳疏

更置將領疏

集開堂稿

第十卷

謝同科書

謝同鄉書

謝會同年書

答劉大夫書

寄莫太守書

寄林少司成書

謝三相公書

報馬中丞書

八

寄京中同年書

答邢太常書

答樊令公書

報石南溪書

報阮沙城書

賀胡澤菴書

寄朱芹亭書

答萬吏部書

請徐相公啟

書簡

寄孫以繼書

寄李禹江書

以蔡中郎集贈譚菴書

謝方東谷書

報梅宛溪書

寄王方湖書

寄龔師書

寄宗方城書

寄林平泉書

九一

寄莫中江書

寄楊右河書

寄黃少村書

報何中丞書

報李近麓書

賀雷龍舒書

第十一卷

謝徐相公書

報廓竺公書

書簡

報馮師書

寄虞坡公書

寄古泉書

報施華江書

答荊川公書

答平泉公書

寄默泉公書

寄趙都憲書

報郭一厓書

報李克叅書
賀徐浴泉書
謝董軍門書
寄胡龍川書
寄秦虹洲書
寄華峰公書
寄喻巡撫書
上徐太師書
報張白灘書
無聞堂稿
寄柏泉公書
報梧岡公書
寄包少東書
答喻公書
答允峰書
寄李一吾書
寄朱射陂書
報王侍御書
報包公書

十一

與張中丞書
報虞坡公書
與張甌山書
與王北陵書
與顏山農書
寄史惺堂書
寄陳燕野書
謝金魚并石啟
上李相公書
無聞堂稿
第十二卷
臥雲樓賦
翠浪亭賦
第十三卷
蓮花蕩賞花遇風雨有作
遊虎丘
遊吳淞江
楓橋晚泊
獨坐方氏二酉堂
寄恒菴兄

十二

下第南游

五湖曲

館娃宮吟

江南弄

鷓鴣曲

賣花曲

江行阻風

采蓮曲

魏溫甫送別慧山

贈顧道人

相逢行

九日舟中

澱湖詞

狄年兄邀遊崑山

樂園堂稿

十三

白雲僧舍

擬江晚發

贈陳茂才

採桑行

第十四卷

夜宿良鄉

元旦祝聖

夜至高唐

登雲龍山

苦雪

題版築圖

滕陽聞磬

題秋亭畫

賀園山

偶過山家

飲分塘亭

代浮山洞主奉謝從姑仙郎

冷官篇 送朱軒之邵武

題臥雲樓

新授太僕

中秋阻瓜埠有懷

懷太僕僚長

督牧至六合

入上元門 靈谷寺對月

月下有感 示南山僧

樂園堂稿

十四

少村同官志喜

僕負租而逃詩以示之

登茅山不米

一家分處三地悵然感念

別梅宛溪

別沈古陵 紀游行

東谷遠訪

題東谷圖 栢子潭

豐樂亭 醉翁亭

瑯琊寺

懷許導師

賀吳山人

送王傳楚

送萬靈湖

遜學堂

環山樓

送黃少村

送吳寺丞

懷古泉

過彭茨東池亭

酬盧肖菴

贈玄鶴

贈雪參

無聞堂稿

上五

賀未軒轉兵曹

乘舟入泗

泗州臺中

遊盱眙山

與李游山飲

隋堤三首

過西原舊業

自滁至穎得再謁歐公

孫太守清虛閣

飲濟泉山亭

蒙城莊子臺

自滁同羅侍御督牧詩以奉懷

自鳳陽由泗入穎有感而作

遊薛兩泉牡丹園

白龍廟晚宿

同羅侍御至八公山謝康樂祠下有作

答王十岳

報盛敷卿

寺臺有感

無聞堂稿

十六

懷林少峰

過馬孟河莊

與楊思默

懷一吾年兄

贈周弦參

懷渾菴

豪士歌

虛糧冢

別滁州友人

留題龍泉寺

清夜曲

遊宥氏園

聞楊柳參蔣毅所變哀感

環山樓十四日見月

呂王憲約遊靈谷阻雨

遊藥子磯

徐浴泉諸公約遊木末亭

將進酒 舟中別鄭東泉

重任太僕

別李有池

與馬僕丞各期過家一會

贈秀才赴軍門者

無聞堂稿

水中月辭 四首

十七

第十五卷

赴貴陽別諸公

嵩山別兒鴻賜

赤驛行 金牛道中

宿黃秀才家

宿長安驛道中 蒲圻道中

憶兒 登岳陽樓

宿臨江驛 桃源道中

秦人洞 午憩飛川宮

武陵道中 鄭家驛道中

途中四畏 淘鉢舖飛泉

鐘鼓山 見寄生草

聞叛苗成擒

至日夜行 寄太僕舊僚

入撫臺有感 會洞泉羊兄

除歲有感 玉芝巖歌

唐山洞 夏日園亭

無聞堂稿

寄王中丞 懷郭給舍 四首

十八

答曹紀山 亭午行

愛山堂 四首 浮光亭

鳳嬉堂 四絕 鳳石山八咏

楊白花 題聖泉

哭戚鰲峰 端居

飛雲洞 凌玄洞

東山道院 懷巫侍御

與吳霽寰交代

山塘早行 苦暑

自辰州從舟下桃源

弔三閭大夫 遊鍾鼓洞

曉行 紀山東湖草堂

過荊州 謁四祖禪林

登樓曲 四首

第十六卷

謁漢高皇廟 登三婦臺

黃石公祠 冉子祠

無名堂稿

過壺城 閔子祠

廷對日作 恒菴兄下第

聞箏 立秋日聞邊報

答吳山人 遊九龍池

贈劉年兄 方西川至京

立春早朝 秋日遊南郊

苦雨五歎 寄賀李台峰

玉壺吟 黃金臺歌

紫霞夫人歌 送姪蘭

送吳令之河陰

送錢存菴 與陶吾廬同卷

送丁慎菴 嵩丘歌

兩坐 謝渾菴送菊花酒

泰山歌 送姪養健

送近竺 送陳玉泉

送錢實夫 送張諫議

答徐太守 送張年兄

弘慈寺牡丹 贈錢揮使

無名堂稿

送歐江太守 送尚仰山

過西苑 直省有感

從軍行 二首 長至竺宿

戰城南 二首 懷石山外舅 四首

送五弟鉢 招隱辭

蟹 別山中親友

託鶴 出門 出關

過九里山 入京

送陳筆山 送曹龍田

獨鶴南還篇

送從子南還

長盈酒歌有序

寄平泉年兄

祝嘏歌

君馬黃

募兵行 二首

第十七卷

鷄林山莊四首

楓林 客至

客去

過伯兄山莊

謝無同上人

懷胡澤菴

山中雜植 十一首

題雲谷圖

無題

三十一

喜雨行

題桂林一枝

東谷歌

題秋亭

鷄林八賦

問古泉海棠

浮山四絕

浮山書院

謝古泉過訪

賜兒應試

書院新成

謝楊博士惠二程像

懷譚次川

送芹野訪先龍

贈金春野

漁樵耕牧

貽錢存庵

懷汪皖江四絕

卜居五嶺 二首

海棠集四首

病起

龍章劍歌

愚真谷

青鸞

梅影

聽鳥

移書入麒麟山中

題恒庵兄山莊

得金紫山

入玄玄峽

登麒麟山

哀竹操

瓠園對酒

出門

苦雨

藉白亭

無題

三十二

寄半峰上人

東林歌 有序

與黃心亭

玄對樓碧梧

贈起康

嘉樹館

龍眠山次蘇穎濱韻二十章

春日山中

觀蓮亭

望華亭

展江亭

雨後山亭

扣石辭

行路難

齒病

曝書曲

塵外亭

春日登篤山

乙丑春雪

龍門冲九詠

浮山四首

酬錢鴻臚

空侯引

題野亭

懷江荆石

古松歎

題還青亭

贈滁上來訪士友

甲子年上元

龍眠真境

嬰洛泉

同賜兒山行

望板子山

聞道人談廬山

老

無聞堂稿

壬午

玉蘭塢

玉龍峽

玉蘭花下

文杏臺

偃月巖

謝郭少岡

贈孫山人

宿剌山堂

郭少岡重訪鷄林

問予堂

答蔡高岡

送劉澤華

送金之川

飲太霞宮

礪菴草堂

龍笛曲

飲偕樂亭

送鄒汝論

壽蔡高岡

贈徐孝子

三峰歌

碾玉峽

番遊碾玉峽

北窓

臨汝樓同賜兒作

飲酒吟

無聞堂稿

二二〇

明故中憲大夫都察院右僉都御史柱野趙公

行狀

嗚呼公與余中表弟兄少余七歲垂髫相處共學共仕雖踪跡離合不常而心神意氣固不以倏忽間今棄我而逝矣余日夕哭臨一日公家嗣鴻賜救淚向余曰孤先考不幸藏諸俟立與我考知久而信之最深者無如外舅願一叙行實持以乞誌銘於太史公庶有徵爾余謂尊翁德業文章昭昭在人耳目寧俟余言第其生平

履歷恐聞之者或有未悉又安忍嘿嘿已也公諱鐵字子舉一字鼎卿別號八柱野人先世燕山鉅族自宋理宗淳佑十二年壬子藻公從母弟王公大輔教授涇川遊青陽縣九華山轉桐城老洲見山川秀麗以為可家遂築室于牛頭山下越五世晏道公因元末衆亂盜賊擾擾石灰河六百丈之間遂徙居桐邑之諸市巷明洪武三年給帖為立戶始祖云晏道生敬敏敬敏生信信生永芳永芳生一竹彌一竹性剛毅少

業舉字游學舍者餘廿年後念母老即解儒衣巾入山躬耕勤事澹隨常城居偶一日道上拾遺金若干懷之歸竟夕不寐曰它人所寃寧堪湏臾旦訪遺者歸之始一竹盛年不舉子已五舉子課之耕讀者甚嚴而中丞公乃其第四子也公生而骨相異常目光如電八歲即善屬文赫赫有俊聲後邑侯蔡公銳見而奇之嘗置之膝上撫其額曰此千里神駒也十六七遊庠序每試必首諸生邑侯謝公炯誦其文輒津津色

喜以為希世之珍焉至

世宗肅皇帝嘉靖十九年庚子舉鄉試為南畿第一人甲辰登進士授刑部浙江司主事公斷獄明允人咸畏之如神大司寇石塘聞公薦之改禮科給事中庚戌春祖母八袞公急欲歸親時龍湖張相公留公主試事公謝曰得登堂稱一賜壽母吾願足矣竟以冊封歸後轉工科右給事中吏科左給事中巡視京營時咸寧侯仇鸞竊弄兵權占役軍卒公奮然力爭之逐日點

間凡其弊端隨事裁革上疏以為將領不可不嚴強弱不可不分老疾不可不汰冗負不可不裁號令不可不明馬政不可不脩

帝可之下該部議行至是劾兵健率盡列行伍戎務為之一飭咸寧侯深嫉之人皆為公危公獨處之泰然未幾一竹計音至六軍皆奔號如失其怙矣丙辰年服闋赴部補刑科左給事中陞吏科都給事中丁巳年當考察之期公上疏以為考察係朝廷馭臣大典世道攸關昔虞廷

三

黜陟能使庶績咸熙今背三苗夫考績與三苗何與蓋公道昭明則人心自正中國又安則四夷自服理勢之必然也今當南倭北寇有事之日適六載京官考察之期正宜分別邪正使賢智奮庸安攘著績

命下公遂虛心執正慎重去留其所彈糾率指大節不摘瑣陰私當時皆服其公而得體云戊午年陞南京太僕寺少卿公到滁陽之後即遍歷諸郡知百姓以種馬為苦而先年印烙之官

驗有銼痕者輒苛責之民以此益凋憊公曰種馬不許騎坐此贅物也獨奈何重困之哉一切與民便宜民咸感之家立祠以祀焉公暇日與僚屬遊琅琊山中見滁人苦旱公以身禱大雨如注因喻之曰若等旱則禱於豐山此專倚豐山而不善用者也余曰善用之道何如公曰亡它惟得天而不盡用乎天得地而不專任乎地如斯而已矣蓋天有時吾則相之見生樹生見死穫死天有澤吾則留之存其有餘不棄其既

四

佳為陂塘為畝澮務期足用故三時不害於地亦然則者令桑柘者令剗燥者令濕濕者令燥高則抑險則易地力人力相半歲率多穫今若等土宜不任草穢不剪時盈則澇時涸則止故種稂禾不為稂種重禾不為重是豐山能利滁滁人不能自利耳又何怨由是滁人始知耕乃立亭于豐山之麓書其言于石俾遊者觀焉滁之幽谷舊有陽明先生書院漸就傾頽公命州守應君請于侍御少淇陳君共出羨金埤虛易

朽始可久託後竣每朔望輒率諸士闡明良知之學除士為之興起咸曰有真感而後有真應非趙先生倡之寧踈踈若是哉尋轉南京鴻臚寺卿南京右通政陞南京太僕寺卿轉都察院右僉都御史奉

勅巡撫貴州兼理軍務公聞命之日即輕裝望南而發問所嘗往來者輒輦感曰九夷山狂川怒最為駭人而蠻烟瘴雨又昕夕莫定所謂捫天捏石之難也公領其言謂所知曰男兒志在

五

四方至人神遊八極吾何懼哉抵貴州值土舍韓甸強奪司印遂正官潛往地方招納叛苗誘景洞不納糧馬三省流毒諸司效尤公即命總兵官石邦憲率土舍蒙繼武等以夷攻夷未踰四月元惡成擒羣黨就縛數寨生靈咸惟呼刻木誓萬年不敢有異心人皆曰武侯再出亦當束手而退矣公復慮貴州一省最為僻隘東北則連播州土司之境西南則雜烏撒等四土府之地非特夷性好亂動輒稱兵亦且上民參錯

最易起釁今容山之賊雖平而善後之計不可不預遂條陳六事一曰議處施秉縣事宜二曰議處容山事宜三曰議處各舍事宜四曰議處額外兵哨事宜五曰議處額徵軍儲事宜六曰議處土司錢糧事宜綜理精密真系遠之奇畫也公見貴陽溪派甚駛艱于橋梁即創立飛虹橋以木交構不用砥柱躡室徑波易成而甚便人皆以為神咸繪圖以傳為問俗之暇迺進百蠻之長詢其土俗尚有鴻荒野處之風因刻其

六

近古者二十四事以誘之夷人大悅皆造撫臺吹簫笙踏足而歌駸駸乎用夏而變夷矣公在遐荒如在桑梓城中有荒土數畝公周覽之可引水為田曰壑之歲獲租若干又浚一大池遣人至湖廣覓蓮芙蓉種之花開甚茂貴人以為奇觀爭效法焉貴人知水耕見菱荷自公始矣復建奕山堂鳳嬉堂鬱鬱然有林泉之樂諸大天遊其中者旅思頓釋公謂之曰子欲居九夷其寓意深矣吾輩填撫茲土頂可陋視之乎未幾

有忌其功者當道察之遂調南京用時土酋揚進雄楊珂統拽苗夷互相讐殺公明示大義招出洞夷六千五百餘人生擒揚進雄斬獲甚多聞科中有裁革軍門之議復貽書大司馬虞坡楊公曰貴州原係川湖邊隅之地因其遼遠難治始設一省分疆不明事多掣肘非軍門聯束之勢益渙散不調今四川白泥司楊贊章塘安撫司宋驚永宣撫司奢效忠等時肆劫掠軍門一去數年之間不免用兵彼時添設無難但

既革復立事體紛更必欲省費不如革貴州巡撫而用軍門如兩廣事例以貴州之事盡屬之軍門則勢復聯絡可恃以無恐武遂臣也猶喋喋及此猶之棄婦尚顧梁笥耳公歸家即整俸入建祠堂以明宗法曰四親祠以祀高曾祖考曰開先世室以祀始遷之祖百世不挑者曰貞慈世室以祀母氏之有賢德者曰尊德堂以祀族人之孝友者曰念初堂以祀桃主而思侯少白北山咸祀之一歲元宵一祭立冬一祭祭之

日今宗子宗正讀律宣揚

聖諭人始忻忻然與群弟之心矣公復於縣北杜鵑山釐置義田一區開宜秘洞以延賢士其田租歲可三百二十斛一以供洞中賓客之費一以供祠堂二祭之需有餘則以濟族人之貧乏者公外舅家業中衰撫其孤嫁其女無食者食之無居者居之自奉澹如也公孝友淳篤思一竹未嘗一日忘其所居處及宦遊之地輒種竹數竿朝夕撫摩咏哀竹操曰風邪竹竹邪竹邪風邪隱隱若有聲者翁邪竹竹翁邪翁邪竹竹影亭亭而過者月邪月邪翁邪翁邪月邪葉撼撼如有折者雀邪其待諸兄弟雖白髮垂垂猶如髫髻歡洽良辰美景輒置酒痛飲不飲五六日不見也一竹兮授山莊術者謂其宅吉當代出貴人即讓與五弟東野少尹焉其肫肫懇懇固大率類此矣公寬厚長者無德不報無怨不忘其與人交傾蓋如故其對人言肝膽畢露嘗曰路上栽花莫栽棘此名言也吾黨記之公之

學以經濟為主每訓人曰士貴開物成務否則徒竅語耳晚年治圃於桐陂祖塋之北把鋤雜草抱甕汲泉題其室之楣曰柳門竹徑學隱未遲橡飯菁羹謀生易足遂自稱為瓢園丈人云門生輩間請于公以為太勞者公曰大塊勞我以生生而不勞非入道也昔孟子在戰國時以王佐自許謂治天下若反掌然及求其致王之策非有奇謀秘術不過制田里教樹畜興學校而已耳在家治家在國治國執此以往可也又

九

曰今之學者得一把茅覆頂便非朱攻陸陰藉其意而陽乙其文標置門戶爭為一祖細求其實無甚發明畢竟何所裨益又曰學道如穿井形愈深而去土愈難出顏子未達一間還是有餘土在公不喜方士之說嘗曰人之所以貴長年者豈無謂哉以父子兄弟日相保聚親戚朋友日相呼樂而貪生者廼欲一旦滅情去性超然仙境縱能得道以風為馭以雲為車以琳琅為宮以珠玉為食五倫盡去四大已解亦何益

乎公見學者率侈然自尊曰作幾希圖說以箴之曰昔舜之居深山中與木石居與鹿豕遊其所以異於野人也者幾希夫幾希者何即惟微之義也舜之自聖以此故後之命禹亦以此夫舜大聖人也其在歷山時耕者流也在河濱時治者流也在雷澤時漁者流也當時耕者治者漁者不知舜之為聖曰瞽子吾友也舜亦不自知其為聖曰耕者治者漁者吾友也此舜之所以善與人同也及其聞一善言見一善行沛然

十

若決江河此則幾希之發用而耕者治者漁者當此之時與舜對面千里矣此舜之所以大異於人也今之學者不知務此或挾富或挾貴或挾閥閥或挾才學很很然使耕者負耒而避治者抱器而避漁者揭罟而避曰我豈凡民流哉噫使其中有如舜者顧可目之為凡民乎凡民者非布衣之謂也待文王而後興者也如學者不知存此幾希勇於為善徒自挾以高人反在凡民下矣孟子曰人之所以異於禽獸也者

幾希去凡民則違禽獸不遠矣可慨也夫公傳覽群書手斟千古其作文必有精光不可磨之見非徒事綺語者其為詩多寫其瀟灑出塵之趣樂府古詩皆寄興深遠不啻便屈宋作衙官已也所著有古今原始無聞堂稿鷄林子九夷古事行于世公雅好佳山水桐之龍眠山浮渡山麒麟山有暇輒裹糧肩輿而往酒酣意愜蹻蹻如飛人罕及焉其最愛者麒麟山山去城四十里風氣淳朴中有石鼓山甚秀拔公營壽藏

其上題曰俟立取脩身以俟之義隆慶改元二年戊辰五月公自作文祭之畧曰人之生也皆資于土其終也皆返于土是土皆可生則是土皆可藏自堪輿之說一行而尋龍之法滋起謂可拱手抹筭謂可立地取貴天若無道地獨擅權遂致多門鮮有一驗惟茲一丸之土是在萬山之中本無奇形亦非異穴但歲時耕於斯雲霞自足料他日老於此魂魄亦安吾知山川有待造化無私山靈必不拒吾吾亦不負山靈吾

有古書一腹仁義一腔山水眼一雙挾天口一張詩酒腸一丈觀化之日一副將來與山靈出入于清泉白石徙倚于脩竹茂林無古無今任來任去不亦樂耶清醕芳品盟心告虔神其饗之今年己巳閏六月中旬得疾七月十八日命鴻賜書正心誠意四字端坐熟視而逝焉公蓋臨終舉其全以歸諸造化而志與事又檢知鴻賜足以繼述之故無一語及於它耳昔先君中丞公梅塘曰趙氏累仁後必大汝以子妻鴻賜

十二

今信然矣公生于武宗正德七年壬申四月二十九日距隆慶三年己巳享年五十有八公父一竹封吏科左給事中母汪氏封孺人配方氏封孺人男二人長男養吾一名鴻賜太學生娶盛亞卿女次男養成娶林愈憲女女一人適太學生方學惠孫男一人士斌娶齊憲長孫女孫女二人長適劉舉人男惟功次聘吳少卿男壘將以庚午年十一月初四日卜塋于石鼓山之陽

隆慶三年秋九月

賜進士通議大夫南京戶部右侍郎前大理寺卿

卿

經筵侍講官桐城盛汝謙頓首謹撰

先考中丞公無聞堂稿首言

昔顏之推富于著述其子思齊自為叙錄迄今稱家訓者必首顏氏不肖孤何敢輒比思齊但情之所鍾自不容嘿嘿已也嗟乎嗟乎尚忍言哉先考中丞公三十釋褐五十懸車其生平德業固已灼灼在人間世矣第其詩文雜著皆神明英爽之所寄也不肖孤懼其散失輯而梓之凡十有七卷以藏于家塾噫嘻傷矣傷矣中丞公績學不勑嘗與不肖孤讀書無聞堂中率夜

無聞堂稿首言

分始入寢室老母多具酒茗以待復商榷今古久之間就枕有得急命婢子扣戶問兒解衣否如未解衣必呼至榻前劇談一餉偶不肖孤他往輒忽忽不樂以為無可與語者性不喜搦筆構思每有所作命不肖孤伸紙代書衝口之詞皆奇俊語雖三唾成篇莫過也公為詩文多寓其獨得之見不落前人窠臼嘗曰學者讀書貴開物成務與馬班屈宋作冢嫡何裨于世耶嗟乎遺言在耳遺文在目而音容杳然不可復覩

矣昔之笑語通宵皆屬前塵孤默何心寧不悲
哉人之處世內則父兄外則師友不肖孤以父
為師者也今一旦父師俱失惻惻悵悵如震泉
之不可畫矣奉老母撫弱弟百感交阜神魂蕩
然天乎天乎何困不肖孤至此極也苦悰塞腹
把管淚迸隨書隨乙莫知所云為趙氏子孫者
覽之與思共遵遺訓以無愧于顏氏可也隆慶
四年四月八日不肖孤鴻賜泣血百拜書

墓誌銘

明故中憲大夫都察院右僉都御史桂野趙公
嘉靖庚子歲故相茶陵張文隱公典試事南畿
首是試者為古舒中丞趙公子獲附焉已與君
先後登進士予叨史局公自部郎遷給舍同
朝列予雅知公會予數謝病歸公歷中外隔不
相聞者數年適公子鴻賜走使千里告公訃以
南京戶部侍郎古泉盛公狀來徵銘嗟乎公已
矣予辱與公同年又知公久銘其異辭按狀公
諱欽字子舉一字禹卿別號八柱野人上世著
族燕山朱淳佑壬子藻公游寓桐城樂其山川
築室牛頭山下五世而爨道公避元季寇亂徙
邑之諸市巷遂著籍焉爨道生敏敏敬生信
信生永芳永芳生弼號一竹以公貴封吏科左
給事中始一竹治儒生業游黌舍父之以母老
棄去力耕佐養嘗道拾遺金訪遺者還之里中
無不誦其義者配汪氏封孺人生子五人公其
第四子也公生而骨目瑰異八歲善屬文邑令

蔡公銳見而奇之置膝撫其額曰驥子神俊當
一日千里也弱冠游邑庠每試輒冠諸生邑令
謝公炯尤賞重其文車子舉南畿第一人甲辰
第進士授刑部浙江司主事聽讞明允時稱神
明司寇石塘聞公賢而薦之改禮科給事中庚
戌張文隱公留公同考會試公力辭是歲汪太
孺人年八袞公竟以

新封得便道歸上壽還

朝轉工科右給事中吏科左給事中巡視京營

墓誌

二

時咸寧侯仇鸞怙權寵占役軍卒公抗折不撓
嚴點開勒士歸伍因條列軍政六事奏入下所
司議行戎政一飭仇帥之未發衆危公公不為
動會一竹計聞公隨六軍皆奔號失氣服闋補
吏科都給事中丁巳京僚考察公疏言虞廷黜
陟使庶績咸熙分北三苗夫考績非以威遠
也然公道明則人心正中國安則四夷服今南
倭北虜警讎未息茲舉空簡嫩區毋爽國是使
賢智者奮庸以著績安攘甚盛比命下公毅然

留所抨彈咸當僉服其公戊午陞南京太僕寺
少卿專蒞馬政時民養種馬而官驗有銜痕者
恒峻其罰公曰畜馬禁騎坐是贅物也弛令自
便民德之立祠祀焉公嘗與僚佐遊鄒山見
農人苦旱躬禱於豐山雨隨注滁俗耕者耨仰
雨澤遇旱潦不飭脩公為文諭之民用興厲陂
塘溝澮以時脩浚種稂被野滁人賴焉作亭豐
山饒之石以章久遠滁故有陽明書院歲久漸
圯公斥募金新之朔望聚諸儒生聞明良知之

墓誌

三

學諸儒生習其指者皆興起累遷南京鴻臚寺
卿通政司通政太僕寺正卿晉僉都御史巡撫
貴州兼理軍務資虞極微虞瘴癘有言者公曰
大夫不忘四方乎驅車行比至貴位土舍韓甸
攫司印逐沅官糾黨旅兵三省騷動公命總兵
官石邦憲率夷帥蒙繼武等會剿之繫其渠酋
羣黨悉平餘寨皆剋木誓不異萌貴既荒遠東
北連播州西南雜土府民獠錯居習亂易動公
圖畫便宜條奏六事皆議行焉公處官事如家

相度城中荒平引渠走濠辟水田諸流為池教
民習耕植貴之知水耕自公始作鳳嬉愛山諸
堂與諸大夫游而樂之曰使吏於土者釋羈思
以安職業匪直事燕游也報達其言無何有媚
其功者當道惑之調公南京用復倡議裁革軍
門者公貽書太司馬虞坡楊公言不便狀且曰
鉞逐臣也猶喋喋不置此棄婦顧梁笱耳其忠
不忘君類若此公歸營俸入建祠堂五所以奉
先世墓宜廟食者而奉謝二邑侯則列祀於念

墓誌

四一

初堂報知己也歲以冬春二孟舉祭祭之日合
宗人讀律法寓勸誠置義田一區收其租入以
供二祭有餘遍施三族周其婚嫁衣食之不給
者居恒追慕一竹公不置著哀竹操歌吟以寄
思暇日與諸昆弟觴酒過從竟白首邕友無間
讓產推分其孝友肫篤蓋天性然公恂恂長者
記德忘怨與人交肝膽洞視倜儻有大度好禮
賢士作宜秘洞以招延賓客廩食其來學者晚
悅佳山水勝日肩輿往來龍眠浮渡麒麟諸山

淮園桐陂復自稱瓢園夫人預營壽藏于石鼓
山顛曰俟丘取脩身以俟之義云為文章自出
機軸精光百倍作幾希圖闢方士論講學諸說
皆闡明理道出前人所未發詩律清遠樂府古
體典託不凡所著有古今原始無聞堂藻鵲林
子九夷古事等集行于世嗟乎士脩詞業者習
雕浮靡易鮮服行至樂以當世之務遇恭錯盤
結不能一籌展而赴功名之會者抑屢恬散非
臺爵即輕肆不自持有如趙公者以文學經濟

墓誌

五

歷中外皆有建樹及遺齟齬則飲藏所未究玩
神埃塏之表讀生祭文邈乎其遠識也即予於
知公且未盡而世亦安能皆知公哉迺予知鴻
偉踔傑之士未易以淺眇測者則予言亦惡足
以盡公哉公生正德壬申四月二十九日距其
卒隆慶己巳七月十八日享年五十有八娶方
氏封孺人子男二長鴻賜有文學能世其家娶
盛亞卿女次養成娶林僉憲女女一適太學生
方學惠孫男一士斌娶齊憲長孫女孫女二長

適劉舉人男惟功次聘吳少卿男璽鴻賜等將
以庚午年十一月初四日葬公于石鼓山之陽
從公所自卜也考事著功系銘不朽銘曰

衍御殷戊造駮周穆祥源緒開曰邑命族有
來燕山繩武載傲世德發祥中丞挺生揆藻
摘英曰莫與京克賦明庭褒然以達大方不
器兼綜羅括選司清憲詳刑惟允通籍瑣聞
糾繩庶尹魁帥怙權亢折其鋒封章辰告簡
在

墓誌

六

帝聰迺陟國卿爰典屬國旋登樞省朕古攸屬
繡斧旬宣登車南指炎徼不率偏師往難既
殲渠魁永固疆圉嘉績方懋流言寔煩我素
不愆式遄歸轅娛情實典樂志丘園石鼓之
陽山環水旋有榮斯丘乘化歸全史作銘詞
琬琰是鐫考千萬年

賜進士出身嘉議大夫吏部右侍郎前太常寺
卿管南京國子監祭酒事華亭林樹聲撰

明故僉都御史趙公墓表

公既葬之明年其子太學生鴻賜以亞卿古泉
盛公狀少宰平泉林公誌銘托其門下士胡生
實千里致書走余山間再拜稽首以墓表請余
曰茲山久與世隔筆硯謝絕願與趙氏橋梓有
夙約何忍以例辭况其事則狀也其義則銘也
其生平表樹則

天皇諭祭之文也其志余竊聞之矣誌而藏之
以信遠內史事也林公有烏表而出之以勸世

墓表

外史事也余實任之方公與余夜坐大寧寺憐
慨悲歎潛然出涕余知公之真性見矣徘徊夜
分執余手目其子曰吾老矣志有在焉而力莫
之能也吾願坐啓聖祠公往矣言猶在耳齊泰
渠戴渾菴共聞之為孝子者何忍一息忘之公
八歲能文弱冠魁南省詩文瑯瑯其文章亦可
矣歷諫垣卿寺以及開府建牙其遭遇亦可矣
敦孝友仁族屬建宗祠置義田其節義亦可矣
公猶不自以為可而潛然出涕者何也其志有

在也痛幾希之易亡去禽獸之不遠乃欲努力
跳出塵習口不遑食夜不安席惜乎天不假年
而貴志以沒也雖然公有冢嗣宜秘洞有會友
四方有同志能共念幾希之易亡去禽獸之不
遠翻然共奮則公之志固未沒也死猶生也然
則余之表公者其表公之墓而已耶抑將以勸
世耶

隆慶六年三月既望常惺惺子鄱陽史桂芳書

無聞堂稿第一卷

桐城趙武陽卿著

賓竹王大夫擢雲南少叅贈言

余嘗讀漢武侯傳見擒服南人置郡白崖不守
一師諸夷慕德盡去山林居平土不疑遂有寧
志竊謂不治之略尚矣及見管子論化夷之道
九變而後安之則又嘆其遼遠難服用力若是
其艱孰謂用夏不以漸哉然後知武侯立郡去
守意有在云 明興混一區宇百八十年湛恩
無聞堂稿 第一卷 一 玄對樓梓
汪濊方外褊褊昔百變推結之俗變為衣冠禮
樂吏治亦烝烝以內地條例即事無復故事羈
縻可謂大變雍熙一統矣頃苗夷不靖跳梁外
戶湖貴二省兵拏不解一月告變書三四上王
大夫每向人言輒於邑曰此所繇來遠矣匪苗
寇之患而土酋為患蓋苗夷竄伏陵莽念久無
他也使土酋盡為我用其勢自安但諸酋雖為
世守而息肩借寢偵我鼻息圍視有故則委舉
他夷徵兵議功則重要懋賞無難多智已非一

日而撫鎮監司則又踈節濶目習為假借居常
文致牽織恩德莫宣迨逆節蔓滋鮮能草薶徒
以按驗叱咤消掣鯨鯢微夫斯之為術也其為
脩攘何其爽歟未幾廟議撤兵責彭明輔等隱
結不共戮力人皆曰王大夫天下士也論事切
中顧如此居無何雲南以叅議缺請念重藩無
可往者王大夫錄囚自江淮來平亭疑法奏獻
多所全活得

上意廼自尚書即簡領其任客有以遠為解者

無聞堂稿

第二卷

二

玄對樓枰

欽曰王大夫豈以萬里為辭哉昔人持空說微
化邀喬卒能破其桀驁納款聽矧今

皇稜天抗壤制形束任事者又得以法令照臨
之王大夫獨不能允任一方為國營意遠略耶
人有言國勢類辟又病瘵以今觀之雲南雖稱
鉅藩漢夷雜處元江武定北勝木邦之間諸酋
蟻聚蜂屯莫可為法邇屬那氏族攻動我王師
動為戡定而尋旬諸羅憑險盤互近去酋長而
立安氏尤為末規長此安窮進謀者率謂是固

不可為也其不通變甚矣大氏士亡慮百年邇
望前卻苟身少事熟視而不定又莫能勸正豫
速不協使畏我王法如太阿在前不可嚮邇諸
酋托處既遠繼及相仍亦自豪植謂可無他且
兵衛漸踈土著之氓泯無愛利此何以視聽土
夷而消其異萌大夫先時籌湖貴事如切諸身
比有傷心者今以身任滇南雲貴事尤相類目
覩諸所廢惕計不百全已乎或曰此未可顯言
之大夫有帥撫在欽惓然語塞

無聞堂稿

第一卷

三

玄對樓枰

秦川沈大夫擢江西憲副贈言

今年春

皇上合覲群工釐清百職盡黜其弗稱有位者
簡賢良往代之任于是沈大夫繇比部尚書即
擢江西憲副趙子曰嘻吾於沈大夫得守官之
道云夫樂利惡鈍豈非人情哉亦其積靡之漸
也是以儒家子一入仕即園視諸塗度升沉涼
燠以為趨避一官數年不調若終日苦啖不覺
形神俱耗矣沈大夫舉進士以文章為天下第

四人居比部緣二親里居不敢就內養僦室民
間攜二童子弊衣應門旦即騎款段入即署啟
占議獄暮歸即闔門誦讀不廢不求表見如此
者將九年無幾微見於顏面非其中有所定誠
甘恬退能不為時俗咸感乎故省中咸稱大夫
為長者也今大冢宰聞翁一旦拔大夫往憲江
西夫豈援資地不深省察哉亦以大江以西跨
郡十三素號繁黠且鉅卿達官車轂相望託因
緣而席靈寵者十室且七仕人至多遂循不可
無聞堂稿第一卷 四 玄對樓排

快其有所予奪以致郡邑畏視臬司莫敢決事
噫若是豈非自溺其權者乎大夫夙懷耿特不
從時好秉公折獄凡若干年日者宗室多故廷
論衆起莫可執大夫一以大義裁之卒消內難
論者咸謂大夫能持國是由此觀之顧豈推避
厭事取人附己者哉其不為前所聞可知矣又
何言同年徐近齋氏重大夫別授簡索予言亦
自念素近長者廼敢以是聞於行之日

淞涯杜大夫恤刑河南贈言

無聞堂稿第一卷

五 玄對樓排

杜大夫余同省長者也與予言每及四方風俗
人心嘗曰河南天下中土風氣視四方獨厚且
多古君子遺澤民簡樸易治仕者往往稱為善
地今年春

天子一旦簡命大夫繼王君方田恤刑河南人
皆為大夫喜欽曰大夫誠樂河南今誠往美哉
雖然今之河南非昔之洛下夫豈唯其民然哉
亦其政使然也吾嘗思古昔盛時當其民迪厥
不靖不憚然念其稔非以殛罰取齊乃唯嘆惜

多詰以大降民命棄其屑揣無度而盡奉以獻
寔是非不能用法也以威之所及不若化之漸
被浩且深也今之臨民者務為深刻有罪者不
幸至庭即鈎擥况比彌具文案使莫得為後時
地雖衰慝盡蒐罟亦少密矣我

皇上例以五年遣使臣覃恤多方其制意遠哉
大夫執節為

天子布德於伊洛渥澗之間其民則周之餘氓
而周公君陳相繼開釋而教且再者也今大夫
無聞堂稿 第一卷 六 玄對樓梓

啟其歸途則固可盡得為善人矣其為利益有
涯耶抑吾聞今之為使臣者一入境即計守土
者迂勞動簡與兩司大夫競纖纖揖讓稱禮於
民事且後又其下者多蓄縮重迂兩院意其敢
大為可否一涉嫌疑雖知其蔽蓋不復問嗚呼
冤哉冤哉甚非廣生道奉

天子德意於無疆也雖然吾知大夫不為是皆
大夫守無為余去政通知大夫仁而有威入浙
江部見大夫斷獄多從輕議有當罪反者輒抱

牘入尚書府侃侃庭爭不得辯不休此其心固
肯迎人意數數禮文苟為推避者耶其所開貸
可知矣或曰今之有司多間傲部使去後往往
取所議者重羅織之噫若是則重違

天子休命而果於殺人者於大夫何與一時僚
友皆曰然廼以其言敬告于司刑書者御大夫
往

韓少尹之任孝豐贈言

昔唐崔斯立為藍田丞始至喟然嘆曰丞哉丞
無聞堂稿 第一卷 七 玄對樓梓

哉我不負丞丞負我丞負我余曰嗟乎丞豈負
人夫儒者之道大用則大效小用則小效匪計
崇庫要在乘時自致多所表見故大直若詘與
道委蛇而拘方之士志無遠略徒欲依日月之
光攝盛自憲位一不當則出鞅鞅語若有移德
於人者遂棄所業習苟且傳會亦自謂計畫無
復之耳不然則所謂丞者豈徒以坐廳事涉筆
占位署唯謹不復問事可否日吟哦松竹間已
乎吾友春谷韓君皖郡奇士甲辰余來都下春

谷以選貢亦謁選天曹得上虞丞人往尉籍春
谷曰春谷丞乎春谷咲而應曰丞謂我何及之
邑遂攝篆蒞事訪民疾苦日行阡陌見上妃沙
湖白馬夏蓋四渠七鄉之民印慨其下近為豪
右竊據而田上流既壅民遂大困君即按圖申
界白諸部使還水堦故地值歲旱計灌注所入
穀可四五千石環左右而舉市者至于今賴之
此可謂丞負人乎居亡何以內艱解去復起為
孝豐丞余往賀曰君固有已試成灋也春谷曰
無聞堂稿 第一卷 八 玄對樓梓

不屑為潔于是令與丞不相為用矣二三孰甚
焉夫令之於丞猶耕之有耦出入坊諸必從璽
笠襜褕必相廼能有濟若盡委之令厚自遠嫌
憤位卑謂一邑事俱不當問則丞真無所事事
矣以是知韓子之記藍田益有激云春谷霍然
起曰若而言當云何曰有令甲在至其地與邑
大夫圖之以毋貳行於虞

刻溪裴年兄之常州贈序

裴子專精距躍為養心之學於天台剡水之間

無聞堂稿

第一卷

八

玄對樓梓

無聞堂稿

第一卷

九

玄對樓梓

有年矣嘉靖甲辰春獻藝來京與余同進南宮
且同舉主畫多同出視其色冲如視其口散如
曰此必有養者也每造其廬請焉見內戶不啓
外屨不入掃一室焚香獨坐若遽若蟬曰子有
思乎曰亡子望忘乎曰否宵宵莫莫惟道之極
莫莫宵宵惟神之宅吾嗜靜不樂出每出見影
大裾倚高門咲揖取下以微焜燿倏然雲騰奄
然雨集卒劇目怵心故惟宵宵守吾於襟出曰
甚矣裴子之游於內也今年春裴子自外來予

入勞問道所由。曰自江南。曰江南云何。輒太息曰。士不遠歷果不足用。往吾聞東吳數郡。據善地。民皆被統。吸紵。負俠任氣。厚顏淵中。莫能詰。且貴室鉅族。相錯撓王官法。一不利已。則口孽使速去。今吾過其地。問民疾苦。遭大旱。饑者十室且七。彊有力困重賦。亦厭旣歛。迹求避事。士坐千里外。一以耳取辯。能當哉。以故百聞不如一覲。士必涉遠始利。曰。譚子善游。士不以天下為心。能遐聽遠。哉。未幾謁選。天曹。天曹高公。無聞堂稿 第二卷 十 玄對機梓

勝故弊。今裴子視江南事。猶諸算。且反照內植。置一切功利。不為問望。都會猶在蓬蘽。以是心往。刑不中乎。時同舉主者。凡若干人。皆曰。然知民者。能艾民。矧有深志。江南信裴子可往。裴子去。是誠得士。因授鉞簡。鉞爰紀其言。先裴子往。張君王亭奉使南。歸贈喜游篇。昔龍門司馬氏奉使巴蜀。南畧。叩笮還過江淮。上會稽探禹穴。北涉汶泗。端而著作。故其文益奇。今睹其論述。信然。果為山水有助哉。夫達人昭曠神朗。天全其所遊歷。故多沆茫崛崎之意也。今浙中山水。聞天下。士稱越多奇。而王亭子則又奇少。即爭勝於會稽山水中。余與同官。每一過論。坐未嘗不移日。大都遐覽遺囑。不為翦翦拘拘者。故其為詩。率閒適天成。讀之令人洒然。如在崖谷。時思南游。常對客戲為會稽木石花鳥。輒窮妙態。豈其地靈然歟。今居京雖二年。旦起入署。議比暮。歸即闔門。湛思請謁。非其意。皆卻念未始一日不在剡溪鑑水間也。波

豈為功利汲汲微名當世哉今年秋王亭子當錄囚江淮人皆曰美哉王亭子之行也上挾王章飛傳千里北自河渭直遡齊魯過鄒孔遺墟登望泰山滄海晞日觀天門南背朝雲下徐沛淮陰訪問豪傑歸上會稽拜二親蕭然山下日與里彥道故宴游豈不適哉其思當益恢以奇矣于是諸大夫咸為詩歌以寵之廼張子則又感曰情景與時迭換士與吏異業迺其為慮同乎今江南大稷之後罔密事華民多故齋咨洩

無聞堂稿

第二卷

三

玄對樓排

帝之狀未解雖日徜徉恐無復曩者蒼莽意矣諸大夫皆曰是則廊廟而有江湖之思者豈徒輕舟遠下為湖山登適耶斯可以言遊矣于是為作喜游篇紀所歸歷用殿諸子

東僊章大夫擢江西僉憲贈言

僊山章氏今名卿世家也說者謂僊山蜿蜒海上峭清標拔雄據一隅而稷山又橫列對峙相為隱蔽故其中多靈異云又謂章氏二居其一少東而前為前章其一少却而西為後章前居

以與稷山不相面仕多不達近始徙正而大夫叔晦與其伯氏積之先後一時並出則又大異豈非靈采瑞結待時而開乎噫若大夫則又能周矚遠聽大發其英靈者也初大夫以名家子弟膺南宮上薦人皆目屬大夫跋大夫得美仕大夫不即入對獨捲冊東歸曰士起民間取市坊尺籍拾其曼辭偶一言稱對得釋徒屨便衰然厚自幸望謂可領天下事任四方亡擇是猶窮區之人步所更歷徒按據地圖遂欲遠走秦

無聞堂稿

第一卷

三

玄對樓排

趙能偃然盡險阻哉于是退居山中盡讀先世書日與父老賢人通於事者討古訂今益堅志熟慮求可適用如此者三年然後敢出噫嘻若章大夫顧肯淺試薄效以一發為快者哉余初入部與大夫遊日聞大夫議比輒侃侃切中事情不苟為法阿意又器宇清遠望之灑然縹出物表嘗竊嘆曰即毋論章大夫家世占察息耗遠覲丰采知其為靈異焉今年秋大夫出憲江西江西諸大夫皆相顧賀曰往吾見觀察多自

憲奸聲矜長不能恢復盡下情又猜忌冗豫一事告言不三四返州郡不得直及報當而往來對繁民之費十且四五大都不厭事嫵怨德在身徒遷延簿書與得以無事去今章大夫抗義果斷不好苛禮自用此其為效不可睹耶某作而歎曰美哉章大夫令人引領若此使非有蘊籍多所省識寧有爾乎噫余知大夫久余初家居時適大夫兄南峰公來教吾桐每為余言曰吾家異日能繼少宰後偉其著施以光耀前文

無聞堂稿

第十一卷

十四

玄對樓排

人必吾叔晦弟吾弟少微即廩廩有大人志意未嘗一日不在四方也彼豈局趣猶人子哉以今觀之信然豈非其所挾持素耶雖然吾聞大夫先世為建之浦城人蓋五代時太傅仔鈞夫人之後也夫人有全活一城之功故其子孫入宋至今多顯達則其聲迹嗣引固有所自云不專在山水已也

一吾李給舍年兄乞任南都贈言

昔蘇明允謂近之可憂不若遠之尤可憂每讀

斯語未嘗不傷然感也嗟夫用意深矣今人重內輕外去君門百里輒迴顧望輪發不進比有傷心然豈其時使然歟何其為慮不逮古人予初進與李子會於都下見其倜儻有奇氣不為時俗好及為行人奉使所過必訪問民俗跡吏治得失歸論時事率多切中益信其有疏遜忼慨之思云今年春選補給舍入刑科首議賞格所白與內人皆嘉李子能直發耳屬意議論居亡何上疏勾改留都鉞聞之馳省問故李

無聞堂稿

第十一卷

十五

玄對樓排

子出示衷中疏曰臣之忠君義無南北子之事父愛切晨昏今以暮年之親遠間千里累重莫遷誰與虞衡雖欲竭犬馬之勞終不能忘鳥鳥之愛主臣不勝私願願改南銜以便祿養鉞太息不能留曰是行也上不忘君下不遺親臣子之義也疏上果得請改南京戶科給事中李子伏闕入謝畢出見客客曰李子願以遠去為快耶昔汲生願為中郎出入禁闥長倩雅意本朝拾遺補過彼所云何若願宜旦夕遠去鉞從旁

解之曰即置私情勿論假人臣懷忠遇事決策
不伺微指以調納其說雖去邇方如在王宮
局趣多忌苟身少故以結舌取容縱侍立殿陛
國家何賴焉矧今兩都分治南畿離轂下遠事
多可憂李子去廼不重耶李子顧謂欽曰江南
云何曰江南我

高皇帝根本重地諸所建立度越百王可世世
母慮但治平已久人心漸弛去者率閒視其地
籍籍自惠謂可蒙成無事表見茲當詢故摘實
無聞堂稿 第二卷 上 玄對樓耕
白起諸廢以厭疏遠不緝之情又金陵形勢佳
暇暇日載而翁出都門望江上諸峰指視城郭
官室六朝遺蹟歷陳

大聖人之所開造翁登覽勝槩怡神悅目樂且
忘家子亦得盡心國事無他念雖然吾聞南畿
士人好興壞人深文細舉以隋直為功慎母為
是李子謝而行或謂李子雅宜去昔賞格之疏
雖遠有杜絕而閣豎之黨乘權隻立好奇中人
勢不重發不已今超然遠游蜂蠆無及矣雖忤

假若何欽聞而大咲不為解

秋亭徐大夫出守鄖陽贈言

鄖陽楚幅郡也南控荆襄西據梁漢北抵南陽
依山負阻人尤俗剽難於為理我國家經野
分守念是地僻在四隅不可治無專臣始按圖
置郡隸以七邑蓋謂錫穴以北治則宛鄧新野
安上津房陵以西治則梁洋漢中定上庸以南
治則荆湘之間可無四顧是鄖雖一郡寔三藩
樞戶四隣望之如水之有壑可恃無恐又歲有

無聞堂稿 第二卷

上 玄對樓耕

撫治大臣往鎮其地視四方之政而察其吏治
之能否焉故諸郡凡有興革必抱牘走鄖陽關
白後行是鄖陽尤諸藩瞻聽地也厥惟重哉但
昔之往者不玩愒不振率多察稀聞善化致臺
諫論列今肆簡內省得秋亭子賢迺自比部郎
出刺是邦行有日鄉諸大夫咸謀言於欽欽曰
謫余何言余何言秋亭鬱負秀氣自弱冠即舉
進士為東昌推仁恕明斷提封十數邑人莫敢
以非意履徐庭者又因水築坊去民浸成沃野

百里令謂徐公堤民環守之政可知已陟內
臺屋比部凡五年餘聽平訟息省門終朝閉不
啟坐公署日誦漢魏詩遠及三代餘篇求古治
世遺音故其為詩追曹軼謝下薄唐宋則五袴
之歌兩岐之頌與繫壤章甫之謠固其心歛而
弗忘者其所施為政事顧甯在兩漢三代下乎
其心又可知也余何言哉雖然余不能無快焉
秋亭吾韶游也其齒適後余百有廿日余為邑
弟子負秋亭即揚英服采疊足天庭又六年余
無聞堂稿 第一卷 大玄對樓梓

魯鎮張大尹之沅江贈言

昔人有言善仕不若偶合力耕不若逢年其通
論乎是以儒家子守尺籍即欲要致風雲掇巍
科必顯榮殊畀一不第則色沮意變雖授以千
室環以百里猶墨墨自少曰令負余令負余及
之官日牽制簿書期會無所措理有不利則又
大咄曰令誠負余是豈真不偶合之故哉我見
古人出草萊得一丸土率能雲蒸龍變多所建
立至今誦說不休要其所自致者遠也豈以第
不第耶吾友張魯鎮少負傑才迺久不第遂以
無聞堂稿 第一卷 大玄對樓梓

選貢謁選天曹居京邸每聞余論嘗深許曰吾
心薄是塗嗒然不欲出以出亦莫有省察之者
又見諸他出多以倦遊解去益信其時使然今
聞子之言意有興矣未幾果出宰沅江將之邑
余往別之曰毋忘我言士得釋徒驕脫布衣結
綬綰章尺寸皆榮幸也昔志士傑人願為宰相
不得則為邑宰宰相宰天下邑宰宰一邑夫一
邑與天下相去遠矣古人去彼則取此蓋以近
下安民者惟令為最親故謂治安在守令不重

手張子曰吾結髮入典墳樂觀往代人政治得失及迹近時爲吏乃熾熾一切使人不安善蓋潛然傷之自謂操刀幸其一割今得一命顧官裊裊從時已乎遂別諸送者往于是露冕垂紳直綦履乘軒車大馬綵轡絡前呵者列戟除道咸相顧曰士若是亦不可謂不偶也已廼大笑識其言於賦以別

海亭吳大夫擢山東僉憲贈言

傳云周禮在魯韶箭在齊齊魯今山東地也余

無聞堂稿

卷一

干

玄對樓排

忻慕焉嘗欲窮大人之蹟由歷山至徂徠登嶽東瞰滄海抵瑯琊過龜蒙鳧嶧逝洙泗尋堯墟舜井靈光孔壁遺地素意平原蘭陵汶沂之間猶有慷慨博大斷斷絃誦者幾禮樂在人猶可攷見以繫官未有因緣嘉靖戊申冬海亭吳大夫繇比部出爲山東僉憲余喜過論賀大夫爲觀察得善地得盡采古流風遺俗審所變易吳觀察歛歛嗟咨曰傷矣傷矣不聞東人說曹濮間事乎妖人一倡齊民烏合景赴惟恐後今雖

襟滅而風故滛滛四出矧嶽鎮之間女靈闢致勤四方老弱奔走絡繹日負貨貝衣帛車馬關致祠下官且籍之比稅食然及兩觀之里過者掉臂不入俗茲信善美哉他如兗濟諸州水潦爲虐築濬牽挽之役殆無寧歲而濱海諸郡土地斥鹵民擅鹽鐵鮮土著易爲邪徃縣官一用其力今籍籍自負若移德於上者官府視之如驕兒捍僕莫可動此如癱然寧久毋潰今雖乘觀察車日過大庭爽鳩故趾傍覽左右民社意無聞堂稿

卷一

干

玄對樓排

所興何風遠矣風遠矣鉞撫然起曰匪觀察言不知其敝者是徃見諸大夫澤除目即過貴濟討捍讓條格不及民間事無有隱憂却顧廟坵世務如觀察者矧至其地訪古覲見時事益忍無發抑觀察國所設立主撫訪采民風跡吏治得失以時宣布惠意廼今纖纖持一切法按比人常稱曰庶人所以安田里而亡有歎息愁恨者以臬司平也日惟察米鹽廷決爭鬭以盤辟承臺院奉職期會謂與治轉移風俗則郡有守

縣有令彼親民廼所司者吾去民遠矣難與共
此於古道何以是益大故語曰君子之德風小
人之德草詭云風在下耶詭云風在下耶吳觀
察謝而行時噉江黃大夫以鉞齋為吳觀察同
舍即率鉞同浙江諸部僚友往送觀察東郊猶
當敬祝曰至日幸毋忘前所云

無聞堂稿第一卷

王玄對蘇梓

無聞堂稿第二卷

馬太史孟河東 封贈序

桐城趙鉞鼎

制封藩歲一行今年秋馬太史持節冊同列
侯封山東諸侯王往諸侯王遇遣使時先令
人偵伺得史氏則喜為得人節至郊設園簿
儀仗迎下輿騎從使臣後使臣亦騎至國門諸
侯王先從間道馳至駐節所候節至曉迎道
左俟使臣過方起朝畢進勞使臣設宴如儀宴
畢必進問國事使臣率嚴諸侯王母有以國事
對者多逡巡而退此非但失使臣體亦其為國
之意輕也今馬太史行諸侯王重其詞翰無不
爭迎太史與太史語次必問國事問必首及侯
次虜願太史毋論曰此外事不足論當論內事
夫外事猶肢體疥癬之疾耳湯髮至率解去內
事則在膏之上膏之下得其理則調失其理則
耗治不可後諸侯王必起而問故曰所謂內當
治者即分祿是也我

尚皇帝建諸藩枝本相輔然又深鑒漢唐而
下直取法於虞子以國而不私以土一其親疎
釋其才智賢良而規制之使坐食民上此其為
遠甚然豈知其後其入有限不足以奉侯
國者哉即母論數十世百世以後今周韓諸國
祿米歲不能半支往往稱困父當若何人臣不
敢造事皆熱視而不發

皇上亦重議親不忍更令在諸侯王則是自為
之計耳計將安出計定則上不困國下不困民

無開堂

二 王對策

法令既行祿養亦賻茲百世屏翰之利也內治
外可無大患諸侯王必變然問計當曰此固自
內發往宗室嘗有以分封婚嫁為言者其論謂
情有時而盡恩有時而止亦欲通變善治非不
斷然可行而任事者莫敢堅請下之諸侯王議
今竟與有議者何也夫不知其後視其往不知
其卑視其尊古云敬其所尊愛其所親其義一
也尊者常君臨天下澤在寰土九世之後祀且
止為之後者豈不能廣數尺之室以奉之乃私

其牲帛俎豆割無窮之慕哉情禮至是不敢過
也而於其所親者乃重為恩愛由一世而至百
世勇無止極是逮後之仁乃隆於奉先之孝也
以故父則當諸山東諸侯王世守齊魯習聞禮
教豈無有百世慮能然其計而上請者乎此亦
世運之一會也不然雖無外患而內日匱竭後
將安支是內自耗之者也願太史發之此吾唯
與太史語耳往見太史讀書中秘時即慷慨言
當世事作九邊記以見志張相公龍湖見而稱
之曰馬生奇才可大授非徒文章士也使當時
能如太史言寧復憂虜哉太史博洽高義而又
天與補散之性往往作事異人必不應廉如它
使下侯國者故為之語以此至於登俎徠臨日
觀瞰滄海過堽墟舜井周覽于靈光沂泗之間
與諸故老賢士語其為天下計必有出於吾言
之外者吾不能知歸必有說

王諫議薇田歸養贈序

王諫議居省闈將十年矣行且顯陟一日疏乞

歸養其同年兄弟往問之哽咽以對曰今歲關
中地動恐驚吾翁遣使馳省翁報書曰安後有
關使來翁報書曰病今報書又來言益切曰病
且灸得歸則歸否則已吾家無支庶吾翁行止
有吾翁吾身行止有吾身吾可一日不歸乎同
年留之不可僚友聞而留之不可卿大夫聞而
留之亦不可疏上

天子可之詔終養後之官人皆往賀曰孝哉王
諫議茲行也今人皆欲私於其親而不得自遂

無聞堂稿 第三卷

四 玄對樓梓

或望雲興思得釜竊嘆見諫議行愀然色動武
曰人皆重諫議孝吾獨仰

聖君之仁且深也今

上急於用人凡山林耆老有賢子弟歲招致之
克于有位慮有遺一聞其親老無侍則奉而還
之恐其或後夫豈樂於賢者之去已哉誠體之
也使之急其私而後其公能終於所生必能終
於所事矣是故於不能歸者計績勉恩有差皆
是意也以故能成其臣之孝而山林耆老得一

子稍有知識轉相教詔之俟知類通達獻之于
上以備任使不敢自私其養雖老且疾猶不敢
必其子歸又豈有所覬願哉籍是為報耳故能
成其子之忠而為臣子者以一身而祗服於上
下之間君有時而重則趨君親有時而重則就
親出入無常永任一心分也乃或徼一命以高
榮遂託名高蹈置國事一切不問自謂得計實
則悖矣孫臏陋哉田過之言也昔齊宣王與田
過論君父孰重過重父王曰何為士去親而事

無聞堂稿 第三卷

五 玄對樓梓

君過曰賴君之土地以處親賴君之祿以養親
賴君之爵以顯親凡事君以為親也若而言是
利之也非所謂忠也不知忠則亦不知孝矣王
諫議額額淚下曰吾豈輕於去國哉以吾不在
朝不為無臣吾不歸家則為無子吾能為一家
重不能為天下重故敢歸耳衆皆歎曰王諫
議顧以衆寡為解乎然兄弟雖多不能代養臣
工雖衆不能代忠今千里歸翁見諫議必喜喜
必加飡加食則日健因具杖屨邀朋舊擊肥鮮

日娛親於終南涇渭之間可謂樂矣樂且無疆亦當念今日得歸之仁及時事之重且大者時造膝爲翁陳說翁感悅必有所以命諫議者諫議持是以爲他日獻可乎諫議曰不敢忘報客又說韓退之有道士也獨許歐陽詹能養志曰詹在父母側雖無離憂其志不樂詹在京師雖有離憂其志樂然則詹非乎王諫議不應衆乃舉酒爲別

馬揮使襲職南還贈言

無聞堂稿

第三卷

六 玄對策

余家居時從子靜偕其友馬君來見吾于鷄林山中與之言趨然有希世之志余官都下馬君又持從子書來見于邸舍其色沮其氣愈下曰吾武胄也將徙其業爲儒今家大人授以吏服不敢辭予不得與歌謠誦魯者爲伍豈非命耶是以儒爲萃者也余曰今之所少者豈儒者哉儒者立殿陛間舒紳佩玉緩頰岸容指說仁義陳論因事曰王道若何如吾言可立召四靈呼吸二氣使寰宇恬然娛嬉人皆樂聞之謂太平

可致爭慕尚焉及領一城乘一埤數桀悍操挺一譟即闔門拒關莫能一驚此何當於利害由是觀之儒固不有口行廼無徵爾故所貴乎士者貴在批難定國慷慨審機視世之所急者而之耳今之所急者何在南倭恃海爲害往年犯東吳後犯兩浙又犯閩中今又犯淮揚東南根本重地蹂躪莫支俺達諸酋又日牧馬於雲中上谷近且越險犯薊鎮去都城不二百里

無聞堂稿

第三卷

七 玄對策

天子與諸文武大臣日訪求志士能以身殉國者將不次用之盡以閭外受畫盡樂與章縫士率言蹶蹶已乎使真有豪傑務在公子如馬新息班定遠輩吾知其志不在彼而在此矣雖然君非少武也往見諸衛使踴稱願貴一過上官即易常服戴鰲握刀揮方矢立庭下受約束如響而上官又以驕悍每挫抑之君介介獨惡是耳此又過在未嘗爲儒者也所謂抱膺從容爵位自從者也惟知綸衣甘食雕宇走駿以儻妄宴樂相歆豔與之語則口噤授之事則縮朒失

序人率以統務易之使之業儒當不至是今若
守章句久矣其古今理亂及哲人烈士之所展
眉皆所睹記出其緒以應世有不中機會者乎
于是馬君起而問計曰武事余何能知君在臣
閥子也聞若翁善騎射守禮節事母最孝不樂
嬉戲其相稟承必有所以為教者君歸而學
之他日上官有問士可為緩急於余者將以君
對君母辭以風為儒

樊侯北萊訓丹徒贈言

集開堂稿 第二卷

八 文對 樊梓

北萊樊侯以名進士出令吾桐深已輕刑為咻
响温煖之政將再耆矣亡何東吳寇起瀕海諸
郡多所殘傷劇已長吏率先後解去王事大臣
議以治行卓著者調補一時推擇凡若干人樊
侯廼自桐補丹徒除目至日侯過論以難易久
浸為辭曰士畫地而守昔居亨者何在乃使人
代任其難不可謂平余曰不然君子當思無才
不為世用不惠有才為世大用夫才以用為
遇故才者常為其難不才者常為其易才者亦

自謂必難而後見不與不才者埒若有才而不
用是猶操干將鏃鄒而不忍於一割也與無才
同故古人當承平無事之時非不能隨時建立
竊一說以邀時相立主而陰為已地乃切欲乘
一陣領一埃繫勾奴之頸而笞其背此豈倖能
者然猶謂言無當英年矜氣未涉險阻者爾
及攷古賢聖其居常自擇亦欲置身於患害盤
錯之中與虎狼為隣左攻右劫且不求愛于天
顧灾肯叠至野無所獲已乃經畧而提挈之約
歲月必國富且強天使已自擇不為所易為獨
取必於所難致亦何樂而為此蓋以物不受變
則材不成人不涉難則智不明故急於自用其
才為世驅除而無復與庸眾以安危勞逸為較
矣今君子率擇輕而任擇徑而趨一有所難即
遷延辭避誠不願為才不肯任事以少自振於
劇難是何與古人異今侯才且良幸為人用
必效又何以它為解侯曰今何時也公無宿儲
民皆匪徒卒然臨之四境不辨顧安所畫乎余

集開堂稿 第三卷

九 文對 樊梓

乃起而賀曰。吳不至今日不平。茲正吾侯奏績之秋也。夫吳人生長于浮華靡曼之中。日啞啞講求園林服舍。童僕舟車宴樂之事。其嬾嫚柔脆。至不能爭一捷。彼見寇至。以若等所利者財耳。飽則潛去。雖有所掠。猶可生息求復。可無與爭。不意其綿歷猖獗。至是今。桑梓不保。亦快快無聊。自以謂傳頸之痛。者背之痛。不憚于流血求脫。有倡而帥之者。懦且爲烏獲矣。夫用人之勇。不若用人之奮。齊人之力。不若齊人之心。塘螂一怒。猶且搏車而況吳人。非丈夫子乎。昔田單驅一邑之民。一朝而復七十二城。是豈田單之計獨奇哉。夫火牛一豎子。駭人之技。爾而其奇在於馴而堪。堪使即墨之人奮怒而出耳。夫用吳人於三年之前。驅之使戰。亦不戰。今禁之使不戰。戰且力矣。侯去吾見其必能以吳平吳計。功論報以才力。用世寔自茲始。于是侯即日謝客。登車左弓矢。右刀劍。前建安民之旗。欲與言收近海之亂民。以爲已用。而陰奉倭寇之嚮。

東國志

卷五

十

玄對樓梓

導定採捕之良法。以收近海之民心。使不陰助倭寇爲亂。可立世無大故。侯駕已在桐山之外矣。

、諫議吳君悟齋使琉球贈言

自古王天下者。稱雄才大畧。莫如漢武。攷其世平南粵。平西羗。平西南夷。平東越。平朔方。遂單于萬里。一時外臣。幾盡薄海內外。古今莫比焉。非其智獨長。亦其得人盛也。即無論它如張博望者。生舉多。解歷如大宛。如大月氏。如大夏。康居西域。皆身所至焉。故一時通道所獲。皆出其指示。噫。嘻。奇哉。我

東國志

卷五

十一

玄對樓梓

皇上威臨萬國。惟北虜不靖。近倭亦憑海入寇。欲得一人驅逐之。莫有石畫之臣。挺身應命如漢武時。可役使者。豈古今人真不相及耶。大都任事者難耳。琉球在海外。去中國近。奉職最謹。世子尚元。今年春遣使臣叩闕。下曰。臣當繼父守土。願得封賜。如儀例。當遣給事中一人爲正使。行人司一人爲副使。往王之序。及吳諫議悟

齊往時及者率陰相遜卻魯來使不得行吳諫
議獨慨然曰序及我我當往人皆曰吳諫議信
奇異丈夫子哉視瀚海如陸視絕島如家其度
量過人遠矣昔聞張博望有異術故能出入方
域不爲困余往見吳諫議慷慨好奇又博學凡
陰陽術數無不通曉若飄然出塵壒之外者茲
固欲爲汗漫之游也因過邸第私論之曰子輕
海乎曰吾親在不敢以浮海爲快也吾越人屢
倭毒久矣嘗見古豪傑提空手入外漠說其名
王令以夷攻夷率收厚效有不煩兵而來者數
國心竊慕之近見琉球世子俘倭人來獻歸我
漢人意亦動矣似可義屬者誠欲宣示德意令
琉球轉相告誡使日本輯其島衆不爲寇不然
則運兵討之其勢宜聽不聽則伺其入寇絕其
歸道以所奪漢物予之且論功焉如其說行海
波可靜矣又以外使在中多探聽不當示怯今
朝乞封暮即遣使知中國不以海爲難也庶法
令可行吾之意在是余曰諫議可謂知所重矣

東園堂稿

卷三

主對樓排

懷此而使即古志士何以加焉今人喜佚惡勞
遇難則辭避以致寇亂連年不息誠得如諫議
者數人分置南北重地國家可無久患于是
同省者授簡于鉞使言鉞曰昔殷貢外使回鶻
承命即行韓昌黎以知輕重丈夫許之名流至
今史獨不載其使回鶻事其所爲可知已今諫
議蘊蓄若此而慷慨過之惜余之言不足重諫
議行但其所私語皆國計也故論列之抑自謂
語出遙度恐不當要領至外國身諮訪之必有
天子若詔而問之其直言以對
僕丞楊虹澗擢戶曹大夫贈言
今薦紳先生稱國朝名臣功業文章咸謂三
楊學士云余慕之每問其鄉及其子孫以觀其
世澤久遠謂典刑猶有託焉後交文貞公孫給
舍事齋君吏部武岡君於都邸今來僕寺復得
與虹澗楊太夫遊大夫則又文敏公七世孫日
炙其德見其謙厚周慎內澗外朗則益喜爲得

東園堂稿

卷三

主對樓排

遊于二公子孫間焉。夫古之有天下者，重世祿，故諸侯則世其國，卿大夫則世其家，以累葉載德，群望所附，而子弟生長於衣冠禮樂之中，率多稟承與崛起，家人子異。今科目取士，以身爲始終，罕能父子相繼，求數世後峻發如楊大夫，能多得哉？楊大夫嘗授我文敏公集，吾讀焉，其先蓋關西後裔，夫關西爲古今所重，以累世清惠爲太尉者四，然生逢漢末，雖正直立，朝未暢厥施，其視文敏公何如？且關西之澤數傳至德

集賢堂稿

第三卷

古 玄對樓枿

祖其俊才固振古莫及，然宣露殆盡，無復含蓄。若楊大夫則登第方弱冠，一時王立人皆謂驥子墮地已而宰劇邑，即治聲四起，旋徵賢良，中忌言補外，雖遷延至是不少，愠見人稱其爲童子，即而不知淵然之度，毅然之操，雖成翁丈夫莫及也。其所著施卓可預見，然文敏公有訓子錄，每求一讀，不能得，今觀楊大夫深厚持重，使人可親而不可褻，則其爲教可知，不然文敏公之後再傳，即爲冢宰，中以科第顯者，先後映徹

近二百年，此豈易致耶？昔東京袁氏、楊氏數世宰相，並稱名族，表之後裔，偕而清慎，能守家法。獨楊氏稱豈非楊氏之教固世異於人乎？今戶曹爲財賦之司，得大夫誠當也。大夫能行其學，則清白之風益流行於無窮矣。大夫四轉方入，即署位，何當大夫才然，御騏驎者必使之出入險阻，以紓其逸足，抑其盛氣，而後踐歷康衢，即一息千里矣。今遲迴後進，固天之所以厚福大夫也。余無以益大夫與之別，惟以世業期之。蓋

集賢堂稿

第三卷

古 玄對樓枿

謂稱人之善，必自其先者也。

邑侯陸南渚應 召北上贈言

昔李昉之官張忠定公，誨之曰：「爲政之道，吏胥曰治未也，民庶曰治未也，僧道曰治未也，未若識見無私，學古之士曰治斯治矣。於乎其爲言也，蓋其淵矣。是以古之善政者，使毗趨之而士議之亡貳，然後無敵。故其休問不在閭巷而在俎豆之間，苟非長者爲惠，不竟寧能得士人心哉？嘗以之而環視今之仕鮮有當者。今年春予

奉使汝藩使歸梓入閭門諸父老迎勞驛道故舊問謠俗今所疾苦皆相顧曰安問安得此曰歲祲之後民多故自陸戾至下令與民約灋民皆易舊習亡有昔時豪右微寵盛嗚呼攢立以掩取愚民者又善撻伏動得姦人所在亡有浮食奇民善為文嗾小民相告言以累繫上官不決縣比壤江湖諸省方篋繹至動征民力多至數千督者日劬午鄉聚民苦之戾均公家之利廣六所魚額發取其中以募庸歲減輸將不

無聞堂稿

卷三

十六

玄對樓持

是哉武曰得民易得士難戾治行矣憶昔都城侯新受命過賀伏望風采聆其議論知為奇士今果有成績未幾冢臣以臺諫乏人請徵四方治行茂異者入補寔得我戾檄書至博士先生率諸弟子過我曰戾去矣不能留戾奈何武起北向陳說

無聞堂稿

卷三

十七

玄對樓持

天子意解之曰今天下可憂顧獨下邑貴得人哉輦轂之下事多隱伏雲中上谷之地戎馬時突戰書日三四上謀臣雲集莫能長畫通從策

士論斬山堙谷為城障厲版築之費亡慮億萬今公帑之金歲不中支往往令民輸粟助國時猶稱訕湖廣川貴之間猺獞跳梁草衣穴處旦出掠民間田野逃匿雖增設憲臣經歲月未有成擒者以故

無私云

給舍梅宛溪擢紹興太守贈言

欽居燕臺日與薦紳長者遊樂聞譚四方事及古今沿革所宜與隱伏在民間有所興壞者每一靜聽竟日夕忘倦時梅給舍宛溪與欽同官雅同志晨趨入瑣闥檢昔人奏議為國體所在者輒手自籍記暮見知識必語次尋繹得當始罷故省中有事必走問梅給舍給舍為緩頰具悉長短人皆厭飲而去給舍又筮仕理刑台州

集聞堂稿

第三卷

大玄對機

往來溫紹嘉湖之間數年洞察民故諸令甲故其為言為能中時盛侍御古泉阮侍御山峰戴民部渾菴常相對歎曰安得疏通廓達如梅給舍哉使典城蒞民當理外奇舉矣今年春給舍奉使楚藩俄有紹興之擢人皆惜給舍出欽聞之喜曰昔人云能言者未必得行能行者未必得言買人之多牛不如庖人之得割尚及物也假令梅給舍日履文陛侍綈帷中發天下重大亡諱不能要其必行願安如懷珪符垂丈組庭

列數邑大夫口書廢興伏地受計一圻之內雷

動風靡靡然承聽哉未幾適午山馮師自外至

入門勞謝外郎首叩梅給舍安得外補師謂我

曰紹興在宇內為劇郡民機利雕曼喜相告言

又高貴公卿比閭相望多因緣難為法且瀕海

民爭魚鹽之利不避刑罰重得人銓卿謂非敏

識茂行為時雅重者不可往以給舍有民庸聲

著兩浙故特拜給舍君耳雖然其自謂何曰武

與給舍友善素聞給舍論曰今人多跋美位以

集聞堂稿

第三卷

大玄對機

清要不近簿書為華大氏不厭事忌下人耳使不畏下人志在利物莫守令若然今無有足稱者使吾為之當曠然與時改觀此給舍志也給舍行復遺書記教曰當官不敢不勉一切意見氣習期盡斷除惟求親民欽讀之三十四灑練胞中廼知梅給舍必能行其言且自喜知給舍為獨深也

李前河改任東鹿贈言

前河子令浙海鹽邑幾三年矣邑在海之濱人

業負魚鹽之利。有公擅息。往往撓上官法。禁弗能齊。又習為悍黠。禁甚則衆起。陰持長短。編所未有事。誣證上官。官恐其溺已。率多所貸。以是俗益敝。又邑有衛署。衛視邑下。以氣力敢行。閭里且數失守。邑亦受所侵掠。故稱海鹽為數邑湊難哉。前河子至。察識諸弊。一切振洒之。惟任法行。他無所問。以是豪強弗便。鼓應法。民使以它事中之。卒窮竟無所得。乃自伏辜。而當道者籍是鐫令曰。願安得人言。遂檄其不稱謂邑繁。

無聞堂稿

第三卷

王玄對機梓

而入今幾其以北入者十之六。其以南入者十之四。是豈其才爾殊哉。蓋賦有重輕。俗有淳漓。情有險易。事有繁簡。故其為治有難易耳。豈獨一前河子哉。抑吾深為前河子喜。夫以一令馳驅南北之間。數年其上下人情簿書錢穀風俗教化無不熟慮而周度之。此其所得于令者多矣。又奚計人之知與不知耶。雖然必有知前河子者。積久而章他日著名當在伊祁之間矣。其以余言為質。

無聞堂稿

第三卷

王玄對機梓

五弟子積之任將樂贈序

子積弟余先給舍之少子也。余為諸生時。日勤誦讀。子積侍焉。見余與士友談說天人綜論化理。子積不聽。曰。是何玄眇。不切聞孝弟力田之說。則喜曰。此固吾所欲聞者。先給舍愛之不強。使學性故倣儻。有大志。喜與士大夫遊。一日省余來都下。見內外多事。文武大臣日皇皇求富強之術。許民間輸貲出身。有差。嘆曰。當此之時。有力者當執戈。有財者當獻錢。智者當

奈何自匿不顧國勢所急則輸助如
知何又曰以是得官與庸衆同問四方所急
惟進最甚蓋斗米數百緡強者以弱為糧
上所憂念而急賑者因復走遠東犯諸險進果
若干特選為將樂丞客都城不三年輒得領職
亦異數也復過滁別余具冠服拜庭下相對喜
曰余少時篋筆研獻策屢蹶子嘗以我為落落
余見子日事田畝亦嘗謂子為庶庶今各得不
賤可謂技成而兩有所用矣雖然嘗聞善為魚

集賢堂稿

第三卷

三 玄對樓排

者不之龍門而之禹門夫龍門魚之難也龍門
挾兩山魚莫能上大魚薄集其下上則為龍不
得上則暴鯁水次故善為魚者不求為龍望禹
門輒逝是以無暴鯁點額之患今子隨求隨得
而余猶沉滯閭閻其所得難易見矣嘗數日驅
車即入閩請以為別祝之曰今之往也豈不曰
上以助國下以致身非苟為利已也然視其前
相率計賞而往倍賞而歸是輸財于官而責報
于民名為佐費而退實厚要非好義有終者矣

以故上官視之益下益密將樂雖僻近徵調多
故幸善治使民皆得孝弟久田足矣吾弟勉之
弟母以丞自少也昔漢之時武帝用兵四夷卜
式獨輸財助邊後拜緡氏令緡氏便之遷成皋
令清稱最為御史大夫獨言鹽鐵不便船算可
罷當時廷臣無能言之者今名猶照史冊與汲
黯並稱質直固不以官資論也余與弟別其所
言在此弟母又以為玄眇也勉之

勿菴張先生擢令應城贈言

集賢堂稿

第三卷

三 玄對樓排

勿菴張先生余為弟子時師也先生由桐學歷
國學由國學歷大理評由大理評出為定州判
客曰吳謹執曰吾不知其大理知其教居定州
一年擢為應城令客曰能令哉曰吾不知其令
知其教客疑之欽為之說曰先生教桐時桐弟
子先聲後實能文章負時譽輒齎齎作態雖遇
師長不抑下師長亦優之不為較先生至則齊
之登尚賢有德者過其能文章視能文章猶諸
劣廼諸能文章者久亦洽率為厚其不能文章

者則又曲加通導日哺不食不為罷卒能化而
能文章往桐子弟入庠師長率等贊索饋不逮
則多所折辱其貴盛豪有力者咸以厚遺取暇
歲不三四入庭先生置厚薄一切不為問入多
卻又往往視不能衣食者給其家貴盛豪有力
者亦指息就舍弟子中間有履公室白上官事
先生知雖直亦罪甚至上官顛其士民以子弟
故為拚其直先生必帥子弟爭之取辨始輟
上官意不為避語曰不知其達視其窮不知其
予視其所取以是人廼顧不能令哉夫以行實
訓士廼顧壞人國風俗哉能教不能者容劣者
廼顧不能厚下哉能給貧士廼顧虐貧獨哉能
不取士子廼顧取民哉能抑貴盛豪有力廼顧
畏疆暴哉能為士求直不遜上官廼顧為上官
自寬抑民哉噫士人執守若此廼顧不能為大
理哉客曰如其言如其言於應城何有因以其
言聞之夫子且促其駕

皖侯遂泉黃老先生入

觀贈言

往昔帝王踐阼必集后頒瑞令各陳所職因而
進退之以與天下更始今

大聖人龍飛首歲適當述職之期遂泉黃侯治
皖以皖事入

觀其僚友少府劉公樵涓別駕何公南郊理刑
郭公少岡追而送之桐之北峽廼謀於欽曰今
聖君賢相欲洗濯宇內百事聿新其訪問民間
疾苦尤切至人人得自陳所見茲正敷奏以言

無聞書稿

第三卷

二十五玄對樓梓

之時也儻問外方事及侯侯當何辭以對欽曰
無它勤說即舉侯之所以治皖者使四方式焉
即天下太平矣曰侯之所以治皖者何曰諸君
子在侯左右日視聽之曾見侯希當道指變置
條例非長吏所為自以為功者乎曾見侯侵奪
下邑所司束縛之如驅牛羊使日應虛文當縮
莫能自効者乎曾見開私門聽讒佞求群吏陰
伏細過使之蒙詬而輕去其官者乎又曾見察
察多事民間訟言反覆與長吏爭駁不決使民

累重無以自解者乎又曾見簿書期會稍不如約恐上官切責即移欲下邑以自明者乎至於繇役重賦曾見有不由長吏勘定自為編磨悉吏書之弊者乎曰亡有曰此所謂政體也夫自秦政分位之後惟郡守一官猶有列國諸侯之義故制字從君從邑言君長乎各邑也君之道貴園不貴方君之道貴靜不貴動君之道貴逸不貴勞非不能勞勞則叢碎非不能動動則紛更非不能方方則拘滯譬之於身猶心然令猶手足四肢心以出意使手足四肢聽命不自為手足四肢譬之家猶大父然使諸子各任其事君取子之子而哺之取子之田野而耕之取子之柴麻僮僕而調之畜之不惟使諸子廢事而吾尊者之体已先失矣故無為而無不為無事而無不事君長之道也是以漢之循吏翩翩盈簡冊然稱知治体者莫如薛宣宣得郡中吏罪名輒召告其長吏使自行罰曉曰吾不欲代縣治奪賢令長名也噫嘻此唯可與有道者言耳

便令之中外諸臣女嬃嫫嫫切與民休息辯者不為毛舉嚴者不肆鷹擊能者不急移紆安其故不悅其新存其餘不刊其素精明博大兼濟而並行之如此數年天下有不入安者乎故顧侯之為對也以是諸公皆以為然侯既出峽又追而告之曰昔龔遂治渤海有功徵遂入對有王生者請隨曰天子問何以治渤海幸推德於上不可自以為力遂竟如對獲長者之稱王生亦拜官今新政之初人皆喜事見侯之論說中必有然之者幸毋曰此下里趙生之言也侯大噱而別

龍圻王博士擢恭城掌教贈言

龍圻王博士君教吾桐凡七年矣今陞廣西恭城縣掌教博士君長者也諸弟子安其教惠焉博士君以母老欲從此歸諸弟子念其隱矣益加懇焉廼謀於余曰王先生之擢恭城也既不能留欲辭恭城而歸也又不能勸令行矣可柰何余曰諸君其為我問惟士君世之大夫子挾

書冊誦說終身得一命不復計秩位崇卑道里
夷險曜然長駟有非人之所能止者豈非思以
祿養為榮哉及其之官或勢有所不行情有所
不便則思一旦脫去又往往以親老為解是何
用意先後之不同也此非真能以親決進退重
自為耳若是者計其所司必非博士官比博士
司教者也毋謂非重繫於教與政寔相輔為化
吾聞恭城俗雖徂獠人輕為奸非法令威刑所
能剗制必文教興廼可馴革誠得博士君往以
其教祠者教之亦大有濟孔子曰言忠信行篤
敬雖蠻貊之邦行矣夫蠻貊何有於忠敬而孔
子言之決也蓋深達其故矣博士君其度坦然
如可遊其口敦肫如有嚙其守已退然如不及
所謂有忠敬之德者抱是以往自無不利矧恭
城乎恭城編戶一里民可數計其為士亦可數
計固可人人面詔之也就其中能化一士訓其
族不為邪則一家治由一家以及數百家漸可
被一邑俗不革乎其視在毋側功孰為多但惜

集賢堂稿

第二卷

二十八 玄對樓排

去中國遠耳儻在吳會毗陵之間鄢郢伊汴之
內豫章檣李之中其地甚安其士甚良且衆博
士君將遂已耶曰先生嘗言之矣使得代不過
千里間親之使月可兩至則往若千里之外雖
善地亦不能矣王先生甚孝母又老每念母則
淚下在近地且爾今強而之恭城非惟子不能
違母母亦不能舍子矣曰然則博士君怨乎曰
求歸而得歸又何怨余曰達哉吾不知北山大
夫又何以怨也夫官無大小貴能自擇古人論
為親而仕者謂不可尊不可富以超然得自為
進退焉爾北山大夫其賢與否及其居官遠近
與任事繁簡皆不可知惟不得養其父母必其
義有不容歸者今讀其詩於燕居者偃息者栖
遲者飲樂者出入風議者皆懟及之抑何其自
勞若是也哉使誠知有親能自擇如博士君則
是詩可無作矣雖然昔尹和靖不欲應舉問於
程子程子曰有母在和靖歸告其母母以善養
止之和靖遂不出今博士君母甚賢請歸而圖

集賢堂稿

第二卷

二十九 玄對樓排

母氏何如諸弟子以其言聞於博士君博士
心遂行

無聞堂稿

第二卷

三十

玄對樓

無聞堂稿第二卷終

不肖臥病呻吟梓藏玄附

無聞堂稿第三卷

桐城趙鈞卿著

靈湖萬年兄榮第賀言

古之君子論人必自鄉始謂鄉舉里選能得士
自設進士科士習益浮此豈薦論乎夫士脩之
家不出戶庭交不百里外才美奚見其間胥族
師黨正無有遠識顧能當士心乎及余遊歷四
方見達人長者所在率有偉著於故里反有私
議焉竊疑之謂故里身所託也施不能厚於治
無聞堂稿第三卷 玄對樓梓
所廼益慎然則勉強仁義率為進趣之會耳故
昔人謂為善於鄉不若為善於里為善於里不
若為善於家敦本之言也其取士必自鄉蓋有
見焉大行靈湖萬君余庚子同年也後守文二
十年始薦於南宮得報書鄉人皆走賀而所與
游者楊生等則又造余求文以賀往未多見也
余億其為是必有私於靈湖君者已而察其意
非是又疑其有求或畏而以為為解者察其意
亦非是曰靈湖吾和之篤行君子也其得志必

能利吾和人吾和數十年士不第咸薄視山川
今靈湖第山川亦有光矣羣喜而賀以是余曰
美哉吾聞貴者歸也謂衆所歸往今靈湖君得
第能使鄉人愛而望之又有加於山川非有積
行安能然即毋論科目雖鄉舉里選必首及之
矣靈湖君信篤行君子哉少選靈湖為大行人
奉使蘄陽道過滁余廼以鄉人之意告之靈湖
君曰吾何以謝鄉人余曰君不聞楊彥瞻報徐
劉二公之言乎吾嘗誦其書輒瞿然思惕然感
也其言曰所貴衣錦之榮者謂其得時行道有
以庇吾鄉里今官愈高而用心愈謬至有隣居
日蹙之語亦何切直能中世錮後徐以道學名
劉以功業顯世以為彥瞻有以發之吾輩以是
為戒是即所以報鄉人矣靈湖君曰吾為君味
之終身雖然觀於此俗亦素厚也嘗見貴而仕
者其鄉人外浮慕之而中實猜忌往往伺其隙
而伐其短甚至密友戚黨亦相背弃以故仕人
視其鄉罔所加念求如和人所以屬望靈湖者

無聞堂稿

卷三

二 玄對樓并

能幾吾故謂往未多見也今靈湖君居是鄉尤
足賀矣靈湖與余同舉時姓盧冒母姓也今復
為萬又為盧氏立後養之蓋孝友忠信為鄉人
所重類若此吾知其必能厚答和人也故以此
言賀亦以同心人故為同心語也

邑博邵會和臺史獎勵賀言

嘗謂今之士不逮於古匪必風氣移易亦其教
使然昔成周盛時教民於鄉以問胥書其敬敏
任恤以族師書其孝弟睦姻有學以黨正書其
德行道藝以州長考而勸之鄉大夫書其賢能
獻於王然後辯論官材以故士無遺行今國家
詳於治民略於造士雖郡縣立學祇二三博士
領其聚散不能都養且祿位最下後諸有司士
薄視不樂就諸弟子亦薄庠序謂不能裨益月
朔望一至為勤事其所選舉率以藝進不問在
鄉曲者若何以是求良士能必致乎嘗欲一請
于朝優博士秩更置之論者咸以易成法為
難噫敝矣敝矣嘉靖丁未春會和獻藝南宮偶

無聞堂稿

卷三

三 玄對樓并

落第遂謁選天曹。汪教吾桐。鉞素與浙杭衆大夫游。聞會和名。久馳省之。曰。此其位薄。君以盛年為之。何曰。自鄉舉里選之法。壞人人為進士。業鉤董棘。句至童首。猶不忍罷。丈夫子隨時光奮。廼父守此。吾耻之。喜與士子游。討論道惠。行藝為國家對士待用。不優於坐訟堂。日填委。繼間乎。鉞喜其言有契。且告之。曰。此即古鄉大夫之事也。三物之教在其中。士慮未及此。今行。桐士其興矣。後三年。鉞南歸。見諸士友。其與吾同學者。半後吾而學者。半皆馴雅。苦就行問。今所驚立為衆所倚賴者。幾人。曰。亡善陰持師之所為。而師且下之者。幾人。曰。亡以問遺勤致而經歲不省其行來者。幾人。曰。亡以善為詞章。師日招致之。驩呼內庭者。幾人。曰。士固多文。未見有獨厚私昵者。問其故。咸曰。自會和至。以身立教。敦尚行實。著錄徒衆。大都授時曰。無我後。群造請益。皆飽其意。有曠去者。雖宿齒如其少。鉞責過之士。行有飭。不飭無不聞。記學舊有田歲。

無聞堂稿

第三卷

四

玄對樓梓

入若干石。往者不以惠士私。出入其間。會和至。次第其貧者。盡給之。有從旁言者。不應。以故士皆歸心。莫不振起。會和名亦日聞於上上之人。亦嘉美之。故每得嘉美。有司必具榜編。列未三年。榜且盈室。今督學黃侍御試其文。益奇之。遂先例嘉美其詞。美甚。諸士子因授簡於鉞。欲紀會和之教。與上人所以嘉美者。以示不忘。鉞喜。曰。士固有志。使會和守章句于湖山之間。視今所得相去幾何。儻更優其秩。重其權。士得以已。去取養老尊賢。凡民間冠婚喪祭。音樂衣服。冠履宮室器用。聽其裁制。令中度。有仍俗侈靡者。治以法。士不為博士所錄。不以選舉計。偕行之數年。俗必丕變矣。惜會和有志而未盡其用也。雖然。士歸會和上之人。相率嘉美。會和不久將復上春官。且為天下用矣。吾論其在桐者如此。因質之曰。桐士今道惠行藝。不負鄉舉里選者。幾人。其必有可書者。鉞里人屬聽之。

貞節盛母榮膺

旌表賀言

無聞堂稿

第三卷

五

玄對樓梓

吾里彥有五槐盛先生者倣儻蹕絕少即廩廩負天下志舉於鄉中道弗祿予為童子時聞人談五槐事則喜雖未遭心竊嚮往之及長與亨甫遊亨甫五槐從子也能業其家盡讀五槐書廼大喜曰五槐得是且生矣已則聞盛母賢東貞一稱未亡人三十一年能守五槐志廼又大喜曰五槐得是不朽矣迄今年為嘉靖乙巳郡大夫閭窻陳公按部訪民疾苦外即觀風六邑求孝友節義可裨治化者得盛母事於田野故

樂聞堂稿

第三卷

六

女對養并

昧死以聞

帝覽其章喜即下禮部議禮部覈實啟典曰宜如故事丁有司旌其里門以旌貞節

制曰可今璇題金額赫煒并居閭者慕過者興趙子曰鏐哉泱泱乎風其長矣夫今之時與古之時遠矣吾嘗考風邇古縣二南邯鄲以及鄭衛唐陳凡十五國僅得一人焉曰莊姜縣平王

迄定王凡二百二十四年僅得一人焉曰叔姬夫先王之風豈不厚哉然猗貞擬異廼寥寥形管不縷屬蓋守義執情者難也吾鄉前有陶氏四婦後有方氏今又有盛母不百年先後六出風不長哉嗚呼在盛母郵甚矣母以冲年即茹荼毒座無三尺孤抱一念屹屹數十載如一日不懈可謂卓矣不難哉抑吾嘗聞盛母少篝燈相五槐讀必侍每聞節義事即踴躍中夜五槐時亦取列女傳教之至斷髮去鼻輒嘆曰若女

樂聞堂稿

第三卷

七

女對養并

必待毀形骸而後信于人哉以今觀之固其刑于之漸亦其天性使然雖然亦必有襄義人能左匡而右挾之使亡他顧故能全若盛母則亦有張孺人者為之如能相起居勞則任佚則推服食則先甘甚則迎意取具務求當盛母心亨甫又能養其志藻績其遺編大其幽行勸諸耳目亦罔不當盛母心以故能終始不難哉今盛母六十有二無疾病日撫張孺人子孫如其出相其家佐亨甫仕益褒揚五槐之道售諸事

功難矣。欽戚黨也。高其行。既為之言。且告之。里門曰。為人娘。為人伯。為人婢。奴子孫能如盛門可也。

封君余壁峰翁壽言

潯陽與皖郡相去通。其山谷民社僅盈隔一水上下。而風氣慷慨尤相類。常聞潯陽鬱負勝地。往往有高人逸士。皆得道術能長年。亦其陶陸之遺意云。欽嘗登大龍山巔。雲歛日霽。望匡廬諸峰若垂在几席。意必有當之者。興酣即欲維楫飛渡。後守官比部。與陶吾廬萬淺原為同舍郎。二即皆里中子。廼得日問諸勝及巖穴中長老隱而遺世者。咸為我言。伯初翁壁峰先生之為人。并其行事。曰翁近云。何曰年已八十三矣。猶矍鑠日嘯游主壁峰下。讀叅同陰符諸書。常誡其子。歸曰丹砂留客少。白髮倚門多。爾事朝廷日長。今不從我遊。雖積達官。惟何視其意。蓋超出物外者。彼豈家人翁快其子顯仕日顧修針間里慮未始肯一日輕去其官者哉。欽

無蘭堂稿

第三卷

八 玄對樓梓

無蘭堂稿

第三卷

九 玄對樓梓

聞之不能忘。又曰翁有道者。翁平生未嘗見人過昔積雨屋圯。有隣人過徙之。兒從旁爭。翁曰百年比隣。顧尺寸地重耶。不欲傷其意。竟不言。人以是益重翁。翁所到人無不踴躍起迎。翁其性簡重。不與人爭類如此。古所謂仁人壁峰近之矣。今夏五月十七日。翁誕辰。伯初以翁故泣疏改官。留都私念。婦慶走迎。翁養客有過余子者曰。人子之孝。太上尊親。次不慮次養子。七月值三年報政例有。封典獨不能顧而親少須旦夕耶。伯初感爾曰。翁今日矍鑠視矣。能見兒不能見冠服。寧能待乎。客曰。毋慮。翁翁必壽。先年南昌兵亂。翁攜婦子走匿山谷中。夜行失道。見林中火舉。往就近之火伏。不見。旦問山中人。皆謂虎穴。翁幸無他人業。奇翁欽曰。有積行者必有嘉況。天之於善人。其所從來遠矣。於翁可知。衆以是益交贊祝翁。萬年余子不聽起謝。客即日駕出。傳舍問家在所。經曰。粵再旬道當過桐陽望匡廬。即在目前矣。欽曰。桐陽望匡廬余

署曹趣見署曹必問趙翁兒何似幸為我謝曰
蓄縮趙兒亦將從此舉矣

百歲直軒汪翁壽序

余嘗聞長老學士言曰世無百年人亦無百年
風蓋謂世變江河愈趨愈下人往風移此所屬
論遠矣武居京師與汪子仲弘近每一過論仲
弘輒慷慨教稱往昔曰天順成化時朝士多恢
達有奇氣勁節民間儉嗇重為邪及弘治時天
下灼灼向治民間興禮義業儒君子在位至正
無聞堂稿 第三卷 十 玄對樓梓

朝更見

大聖人五六作每家上食令兒孫左右侍意酣
樂道生平事及素所瞻聽習聞其言如此余曰
美哉壽匪多歷年所顧能耳目長善為訓俾兒
子輩得聞昭代懿風哉故王制謂九十者天子
欲有問焉則就其室以珍從憲老尚年其意微

矣今去古雖遠我

皇上御極以仁孝治天下又時時宮中焚祝曰
願天風雨時毋亢潦蝗蝻毒霧害嘉穀使吾民
富又祝願除妖氛瘴癘兵戈闕爭不興使吾民
壽迺今有翁百歲豈非薦行耆者白首蟠脩為
天所覃厚為國表徵乎惜翁在畝無所聞問
使得扶進廟堂坐東序說四方往事聞者當益
興云說者又謂新安在萬山中貞氣鬱結代有
長老而休寧據有白嶽積勝負奇蓋僊靈之都
無聞堂稿 第三卷 十 玄對樓梓

何母七十壽言

欽昔游交地至騶謁孟母祠下登嶧山問所謂
漆室女者其遺蹟何在因竊歎河濟之間不但
有碩偉方聞之士為世表見迺亦有女德焉後

舉進士與交人何子治象為同門生年二十餘
即負志岳立每一語輒議論譴起不苟阿世迺
益信充多奇士未幾治象得官順慶道當經劍
閣登印和九折阪絕勝色憂客曰何憂蜀道難
哉應之曰予亡難是第少孤母子相依不能所
夕去左右今奉老人出褒斜道惡傾仄僮車御
有驚當奈何客亦憐然母察其意尉解之曰丈
夫子志在四方任王事不得以親為解今天下
母老而行來閩蜀者何限顧汝獸不能且女子
終歲塊然一室出戶見天日猶喜今得隨子萬
里行日見勝槩吾意益欣起後抵官每食必加
餐寬治象意見治象蒞事出輒誠曰亡以喜怒
重刑人人亦有母安忍為是以故治象理刑稱
平恕繼以治行徵入為冢宰即迎母至都舍母
今年春壽且七十衆馳往賀母謝客曰老不能
為客雖幸有天年不得與夫子同見兒貴顯願
能樂客無我賀仍勅具酒食留客飲客無敢不
飲猶時時促兒導客飲客皆歡飲治象瞿瞿若

集開堂稿

第三卷

主

玄對樓梓

不能飲曰吾追思童穉時每嬉戲母泣且罵曰
汝父事母孝亡何早世人皆謂何孝子必有後
意者有汝迺今若是何以見汝父于地下晏以
母教今雖竊有斗祿母春秋益高何以為報因
起謝客鉞出歎曰凡水方折者有王員折者有
璣信哉今見治象以盛年攝致要地不自憚旦
起入署與同舍郎議事畢則詳求性命之學者
婦造所善先生長者質問所疑不為世人子緣
飾進取迺知所得聖善深遠矣夫不知其人視
其與不知其主視其所使不知其親視其子亦
何母其所積累招致者使然因再拜退拜書壽
母且以見交地多賢其母儀相屬於世類如此
、封君雙溪楊公壽言
達生者嘗云直木先伐甘井先竭大成之人去
功與名是以長存故干將沉淵騏驎伏櫪衆人
惜之識者賀焉蓋泛駕折刃不若全其天者之
為得也彼誠得所託云爾吾友楊侍御以公個
儼卓犖嘗欲以身任天下事一日過論出書一

集開堂稿

第三卷

主

玄對樓梓

扎迺其翁所記教曰勿為峴峴人將缺焉勿為
皚皚人將汚焉士立朝要在相時建止而高自
振濯赫然令人望而卻走顧何裨益欽曰士誠
貴知所處此其言長者有味哉有味哉曰於戲
亦其得於所遭者深也吾翁少負雋才舉于鄉
久不得第後之官潞城潞故敝難治翁至即蒐
舉百廢潞人稱便然性剛直於人不少容竟以
是忤上官意沮其進翁即浩然謝事歸繡衣下
雙溪居焉假翁當時少自下不為峭直其志固
無間坐稿 第三卷 古 玄對養著
可大行未至拓落以故其言如此欽再拜賀曰
此翁之所以得於天者也往見游宦一入仕即
勞心簿書期會雖寒暑風雨猶迎送往來道上
不得休暮婦且籍籍計日之所為恐一不當人
意毀譽寵辱責四面至故皆志銷氣塞齒未艾
髮已種種噫然告倦今翁年六十七矣神茂色
澤步履飲樂與少丈夫不異此非卻榮靜養寧
能有是亦其運會相乘使然是以賀抑吾聞之
天與善人不在其身在其子孫今翁既壽考而

侍御又底厲風節如駒出水如劍發劍為世屬
類他日將導顓翁志壽翁萬年顧何必計詘信
與世紘紘耶因重謂侍御曰古之君子惟愛人
故能容人今使君視人才不甚惜好乘摧集立
不以禮接下僚率色授意予無不竦息稍伺候
失謹輒譙讓重督過之使摧靡而去故豪傑之
士自分吐棄不能選與從人往往罷歸為人所
惜如翁固可致見今待下官能使人各盡其職
不好苛禮自用是即所以壽翁矣侍御咲而去
無間坐稿 第三卷 古 玄對樓梓
時侍御權益兩淮便道歸家慕翁者因繪圖致
祝欽僭書其言于上方稱翁之得於天者如此
亦欲翁之以天自慶也
○北溪孝七兄六十壽言
嘉靖庚戌春欽奉使 崇藩取道江淮過家拜
二親堂下親年俱八十翼日旦起酒掃張具群
兄弟子姪進酒為壽日晡諸從父昆弟咸至左
右行立各進酒為壽七十以長者進三卮六十
以長者二卮五十以長者一卮餘同一卮皆以

序進畢就坐髮二毛者坐于上不及五十者坐于下相率驩飲道家所從來釵環視諸父昆弟樂揚譚進曰於戲幸哉天乎吾族昌矣昔人云國無耆俊則朝無善政家無長老則野無懿風何則其所及者不遠也今吾家譙七十者四人六十者三人五十者六七人可謂多壽矣多壽則多所踐更而百年之間俗尚貴賤天道興舍人事休咎得失之繇皆所睹記以是為訓則子弟耳目益長且有事必問有疑必質有患難必

無聞室稿

第三卷

去

玄對樓梓

赴有過失必誠而子弟亦斤斤強行植立恐不善為長老所切責故鮮自墮棄澤不遠哉且昕夕羣聚見長老所為更相視聽問學者之士問耕者之農問利者之商顧有不得其術而中有所避者乎其彬彬興已諸父昆弟皆喜各盡觴翁大人顧謂釵曰兒起與七兄飲兄今冬亦六十壽至日兒去矣奈何釵起更殘為七兄壽且顧諸子弟而告之曰毋謂壽易致惟賢斯壽毋論它即吾七兄自結髮時即隨兄服賈轉徙四

方上下金陵姑蘇杭嘉之間二十餘年所至皆紛華艷冶之地兄澹泊自守未嘗漸溺為侈騁態且好佳山水暇日則尋高人善士相與徜徉歸即圖記及聞四方有善言謠俗無不具述歸告鄉人又不求累賞今家無厚橐而鄉人尚有負數十金者皆不問且善事伯兄伯兄有事未嘗去左右嘗代伯兄役往來荆襄屢犯風濤無幾微見於顏面伯兄巨積日佐之未嘗私取一錢今市里宴集無不召致北溪北溪不至則不

無聞室稿

第三卷

去

玄對樓梓

樂此其不賢能之手諸父昆弟咸謂釵言實且可以訓子弟命書之以見吾族之多壽為有自焉

方母陳孺人壽言

黃華方氏吾桐之亢族也其石山君為釵外舅居族宗長智而好義少識釵於童穉中遂以其子議婚焉人皆異之釵奠禽過其家時家勢籍甚外舅雅好吟喜山水又善談地理陰陽諸家日與知識游隨意所至窮日落月始休然不喜

與時人問生業百惟陳孺人相焉鉞居室
每私語其婦曰汝家據善地人皆裕達吾喜今
見汝母尤喜其內行足範它日必能興其家不
墜婦問故曰吾見汝母且起櫛髮伺夫子所為
迎意順從不敢稱不脩惟求當夫子意雖深夜
不得息必親執酒脯就姑所問定始退無不當
姑意撫側室諸子如其子凡有所求并所欲想
率走白汝母母嘔咻之又無不當諸子意且儉
素慈愛家五六十口人未畢食水漿必不先嘗
無聞堂稿 第三卷 大 玄對樓 序

汝初婚時逢謂吾母能興大其家不謂其言切
中若是今年秋母壽六十壽日當有言鉞內久
母德知必為天所覃厚但嘆王風漸遠豈莫有
識其微者而闡門之化泯滅無聞蓋古人之教
謂能謹祭祀勤織紉敬上逮下是謂婦道故關
雎葛覃樛木采芣諸篇垂訓千古今人略其事
必歷艱被荼毒有苦行人所不堪始得頌詠而
婦人妬悍陰持夫子事日喧嗃內庭鞭撻僮僕
一不當意則涕洟怨詈甚則詆語舅姑皆置而
不問謂細事釀而成風恬不為非嗚呼敝矣惜
哉若孺人者固可教於閭里以表江漢之俗者
欽愧不能咏歌其德采以為風敵馳使千里言
于尊俎之上式告姻黨

大中丞后屏盧先生壽言

嘗謂仁賢之生得以令聞引考豈歟其稟質茂
哉亦天所佑也蓋天欲壽人國登又其辟以宣
昭景運不惟有明哲之君亦必有保艾之臣先
後輩出敷歷四方共膺豐祉然後能翼戴洪圖

治化有成書稱天壽平格保乂有殷以今觀之
豈不信哉我

皇上光造區夏澤厚元生三十餘年和氣匝洽
故一時臣工皆能建立竝登壽域詎非積聚者
厚而駿發者益深遠哉予初入仕游諸大夫間
側見二三長者皆高年立朝表儀峻著與人談
往事及四方治亂所繇嘗上下百餘年間輒私
喜謂化國之象故君子多壽若此後改官掖垣
法令漸更耳目踈闊諸老皆引去其儀文宿規

無聞堂稿

第三卷

干

玄對樓并

莫可諮問時慎庵李公為省長每與言必曰問
國事當謁后屏公后屏公省中前聞人也多所
踐更且樂與人言有不如先正者時面正之後
予每造后屏公必得所未聞嘗退而嘆曰朝之
者俊邦之典刑使無老成人則後至者亦何所
稟承哉未幾公出督江防去益遠予適家屋又
得日聞公政今年夏公壽六十李郡伯使來以
期告予聞之喜曰公壽益高德益邵其所著斯
者益溥他日陟崇踐要領百僚佐成博厚悠遠

之化謂非天所昭假歟雖然我

皇上好生之心流潤海寓時登歲豐中外禔福
而猶兵革時興日煩調集不能道德玄同濟天
下於仁壽者以在北則有邊患在南則有江防
邊患以虜江防以盜盜固非虜比但一或竊發
則民艱出作江湖為難憂亦匪細自公至多所
疏捕民咸畏公枕江錯處者皆得力食其中毋
大慮則公之壽豈止一身已哉南國被之矣其
上當主心下從民好以延命脉於無疆者不在

無聞堂稿

第三卷

王

玄對樓并

茲乎皖地薄據江淮上游民以水為生其所願
欲於公者為最切李郡伯公門下士也今且為
屬吏亦藉公得以安守職業蓋再造云雖然今
有以壽公也式觀皖民之所以歌且舞者

○瞿母秦太孺人七十壽言

秦太孺人者余同年太史瞿公昆湖之母也母
以太史公貴昔年適遇廟恩封太孺人今在
館十五年官秩未進人猶稱太孺人云今二月
五日欽以南轉謁謝太史公太史公戒聞者每

入客余強入見太史公吉服立堂上色愉愉喜問何慶曰吾母誕辰也問算曰七十矣問何拒客曰母有命壽之日母令人知豈有感焉已而太史公所舉士及親故在都下者咸來有持酒果品食爲壽者太史公卻曰母有命壽之日母以外物入母嗜味素薄雖有方物不敢進又有持幣帛中悅爲壽者太史公卻曰母有命壽之日母以外幣入母性素儉老且衣布雖有綺羅不敢進余曰人之欲壽其親豈有異哉今仕者

無聞堂稿

第三卷

三 玄對樓并

吾不願兒爲是以故吾之所以事母者惟求母心安焉已矣余曰若太孺人者可謂不以時俗之好教其子者矣吾深有省焉昔張齊賢母壽百官往賀至禮物克庭人不能行母大悅當時華之而崔玄暉母盧歆舉辛玄馭之言以訓子曰特加脩潔勿累吾此意雖不華耀當時至今傳焉夫所傳者不在彼而在此其爲大孝可知已今人不顧其親之所安日搖搖焉多積廣取以求稱情悅意豈不悖哉往吾見太史公掇巍科居官凡若干年閭然若儒生日闔戶著書不妄與游其所爲文意所欲予人弗予予之意弗欲予雖人欲予亦弗予今又次冤服不加於前而後來者迺出其上亦未嘗以遲速爲念嘗謂太史公能不爲時俗動者也以今觀之亦其母教使然哉語云蘭必芬桃必華信矣因為之祝曰不以時俗之好事其親者謂之純孝不以時俗之好事其君者謂之純忠不以時俗之好事其身者謂之純學有純學者身壽有純忠者國

無聞堂稿

第三卷

三 玄對樓并

有純孝者親壽太史公有館閣之任者也以是壽母又以是壽君可乎太史公諾之曰此吾之所欲者也吾將以是進

方夫人七十壽言

隆慶元年五月二日方竹亭公之夫人韓母七十懸帨之辰余從子才從孫林締好於夫人之登堂拜母禮也一日持青錦帳子問言往祝夫人余喜又感然傷之才起問故曰仲翁何念也曰余昔從洪菴先生學嘗讀書于竹亭公兔

無用堂

卷三

二十四 對換梓

河山莊時同游者十數人竹亭公於余猷雅相器重余髮鬚鬚長又令夫人為余髻髻髻畢必夕索果餌始還韓夫人嘗私謂竹亭公曰子窺諸從學者默愛二童子二童子中趙尤爽秀所謂二童子者一謂余一謂族生汝韓也竹亭公亦竊語余曰吾汝奇吾婦亦汝奇汝當力學自愛後余數舉不利竹亭公輒咨嘆不樂及余第竹亭公已先逝矣今韓夫人見余長又見余第又見余仕今又見余歸余猶孱然故吾也豈不

哉昔負羈之妻嘗窺舅犯諸公語其夫曰晉諸從者皆當相國晉公子必返它日得國必首舉曹孟善視之卒如其言今韓夫人少業奇余意所期願者重余所為若此人將謂夫人何且夫人此時方三十長子尚在孩提其開館延師竹亭公為其弟松亭君耳竹亭每遇課試必親第上下稍不當意必加訶撻松亭甚苦其嚴識者謂情則篤至韓夫人日具飲食相餉必豐余輩嘗分甘焉其心亦欲余輩與松亭交相贊耳

無用堂

卷三

二十 對換梓

今松亭竟老輩句餘皆落魄不偶不佞余負夫人諸從學者皆負之矣余去兔河凡若干年欲一謁謝夫人無由而至見夫人丈夫子四人英英皆自致盈餘而諸孫又多儁氣不群今歲選士補庠舍聯舉者二人視其後林林玉立必有能貴顯夫人者夫人雖老猶健當目見其有成也且生平素敬禮賢者執其在茲乎汝見夫人具告余所懷惓夫人念舊必問余何似曰昔所從髻髮童子今亦皓首稱丈人矣夫人見少者

壯壯者又老必喜為加餐飯是即所以壽之也

仰南周侯二母偕壽賀言

仰南周侯有二母陶夫人者侯嫡母也王夫人者侯生母也二母事橋南翁甚謹翁在景陵稱為深厚隱曜君子與二母訣時曰吾以三孤付二氏令三孤以詩書顯吾即長沒不恨矣二夫人守其言教三子業儒曰欲業儒可母事多積先時橋南翁出息於人有數千金一日設齋盡焚其券曰不以其累兒鄉人德之以故三子皆力學先後有聲庠序季子即周侯少負奇氣首先奮出擬巍科來令吾桐既受牒從間道馳歸奉迎二母就養二母卻之曰未亡人奈何從汝祿食汝翁大人何在強之至再陶夫人曰吾老矣不能從汝母當同新婦往主內事令汝盡心民事無它顧王夫人既至桐每食必念陶曰吾何以獸受汝養且此中物吾食不甘侯察其意載米與常所食者以進遺米於道兒僮拾以示余其粒白而長余曰此非吾地所有嘉種也以

無聞堂稿

卷三

二十六 對樓櫺

故不甘於此後舉以問侯侯曰吾母於水亦所

不欲常侍旁緩頰言之曰米與品物吾能轉致

水則不能矣余聞而嘆曰嗟嗟母豈不甘於水

者哉其指有在微矣微矣嘗謂家國之興也不

但有奇丈夫能開國承家亦有陰教焉大臣之

事君與女之事夫其義一也故國之興也必有

同心輔政之臣家之興也必有婉順從一之婦

若鶩然務自相長雖同居而忌其何能濟況夫

在猶可強合夫亡則勢必終睽此非同有士人

無聞堂稿

卷三

二十七 對樓櫺

之志而又同有丈夫之才能若是乎若王夫人

則尤難矣何則人臣之義不以宣力四方為動

而以託孤定難為重如程嬰之存趙丙吉之保

漢始稱上勲婦人之工織紵善酒漿以身殉夫

非不可嘉惟撫其遺孤而又教之以開先昌後

代夫子有終如湛氏之於陶李氏於周始為罕

儼夫陶士行隨母徙廬家何所有母常剝蓆翦

髮以給賓客率談致士行成一代之偉功至於

絡秀事周父兄皆不欲獨以身請曰門戶凋瘵

何惜一女後生伯仁三兄弟為晉室名臣而又使母家為方雅之族夫在閨閫時何以知生一必貴又何以知必能光大兩家發言于數十年之前取應于數十年之後如寄物櫝中啟鑰即得雖賢士猶難也以王夫人較之何如哉吾去夫人遠不知母之立於前見夫人之婿過吾相適其宅出婿不入內謁母母亦不遣人問婿問之曰吾便過得母安養足矣不必親見為快夫婦人愛女甚於愛子往往因女厚婿今為侯立防壻且謝卻其它可知由此觀之其所以教子過紹秀遠矣不然王夫人託孤時方盛年周侯僅五六齡耳視陶士行尤為童稚更無旁引曲藉能使蜚英騰茂一旦駿發豈易致哉吾視周侯仁而有斷和而有節明而不察正而不矯雖聰明過人尤樂下問雖時尚紛更獨恬靜自守才與識既非周伯仁所可比擬而其純篤又豈折翅天門者倫哉况伯氏仲氏皆卓有聞望行且顯異不但如伯仁兄弟而已今年姝王夫人

無聞書

第三卷

二十八 玄對樓樨

壽周侯跪而獻祝夫人曰願可偏壽我陶夫人遠在故里我為汝舉一觴俟見陶夫人始納拜此非外人所知也人見侯市一戴皆驚而問故侯笑而告我邑士大夫聞之喜侯能顯揚二母又喜二母交相為愛一家皆可為法使鉞具述其事兩壽之

野溪孝十三兄夫婦七十壽言

世之論養生者皆宗莊子莊子云吾生也有涯而知也無涯以有涯隨無涯殆已是逸生之說也夫有涯者分也無涯者理也達生之分而不達生之理祇自罔也已理本無涯而吾之所以能涉於無涯者其必由學乎學莫要於讀書書也者古人已涉之陳迹也是故愚者使之智塞者使之通皆是物也不然天地事物之變四海九州之遠上下千百年之久可坐得於一室之內果何道以致之吾嘗舉是以教家惟野溪兄獨深契其言野溪兄不業於書而獨樂於書吾見其少而嬉戲與里子挾弓矢馳騁原隰人皆

無聞書

第三卷

二十九 玄對樓樨

讓能退輒取書誦讀長遂什一之利與賈氏任
時薄徙人皆讓智猶長城肆中及躬耕田野與
僮僕出入風雨人皆讓勤猶把書就讀樹間余
問之曰兄何樂於是曰吾讀書不求甚解惟知
取適每見上古淳龐雍熙之事則神清氣和有
標枝野鹿之思見英雄豪傑躍馬荷戈轉戰千
里所向摧折則神揚氣壯有仗劍往從之意見
幽人洞客木食巖棲軒軒避舉則又神王氣逆
有飄然出世之想見忠臣節士貞女烈婦慷慨
赴義則又神慘氣肅有憤世嫉邪之感吾一日
之間隨書悲喜而已余曰此固兄之所喜也
夫人能空其心者鮮矣必有所住使或以聲色
住或以功利住如驕驍破關走平原豐草狂奔
怒騰一去而不知返今住意於書雖不能大有
所得即其所見可以興吾可以戒吾憫然自念
是故神住神住則氣住氣住則形住是亦長生
之道也野溪輒然笑曰有是哉野溪今年七十
耳目聰明口津津說古今事竟日不倦而王嫂

無聞堂稿

第三卷

三十一

玄對樓梓

亦七十僅先百日人並壽之王嫂勤儉婉順能
恭內事兄有暇日即可誦讀內固多助也兄子
靜好學數舉於鄉皆首選必能以書見之行事
兄亦將以書顯矣兄好讀史不言養生雖未究
養生之學要之能耕能讀休休悟悅亦可謂能
遊有涯之內者也余故以無涯者壽之

無聞堂稿

第三卷

三十一

玄對樓梓

無聞堂稿第三卷終

不肖孤鴻陽梓歲亥

無聞室稿第四卷

桐城趙武

○奉政大夫從川秦公殷宜人榮壽賀言

秦氏在錫山爲文學世家錫人視秦氏如青腹之山琳珉之藪謂璞玉所鍾也吾不能盡識得交數君子焉寧西君文橋君則同舉于鄉者也虹洲君爲給舍爲太僕所同官者也文橋君之翁以令老於家而虹洲君之翁從川先生今誥封奉政大夫通政司叅議則又以子貴一門之中兄弟子姪半領朱紫而補員學官月廩於有司者且數石於戲盛哉何其多賢也若真擅奇異云錫人又爲我言秦氏本始則知其先世有孝子養恬公者其德深厚故其爲報若是夫天無私子予必善人而善之中尤多子孝往可檢鏡也其尤著者莫如臨沂王氏王氏之盛其功業通顯致位卿相者與江左六朝相終始赫赫章矣而其先實祥蘭二兄弟以孝發之而二兄弟皆以身受其報爲三公天之子孝何速也

本養恬公身雖不顯而從川寧西稱公爲王父虹洲文橋稱公爲曾祖王父則自三世四世而始盛報之遲發當久且大其賢者能世其家恐不但如王氏已也從川公吾雖不得與之游聞其績學爲行將及貢因子既第即棄去似於物無多取者今六十餘飲食步履與壯丈夫同而宜人殷亦壽且健生且同月

制詞至俱以白首膺冠服鄉人士以初命即得爲大夫尤爲稀睹信難矣又見虹洲君慎密博達每事務依寬厚其爲推爲給舍爲銀臺皆稱善職動輒推德於翁曰其所教誡若是今守官在外得品物雖細微必舉以奉翁然後食亦一日不敢忘親者真有孝子之懿焉唐太史稱其孝弟篤行子孫恂恂守家濃信非虛美也雖然王氏盛矣自祥蘭之後無有以德稱者吾聞養恬公之子曰樂易舉于鄉以親老竟不仕則重孝謹而輕榮進有世惠矣傳曰田一歲曰菑二歲曰新三歲曰舍其耕愈久其穫愈多故有世

惠者必有世報天道然也秦氏是矣其後祿寧可計耶抑吾有侈說焉謂今之孝當大異於昔何也昔爲士庶人今則卿大夫矣古人以口無擇言身無擇行爲卿大夫之孝豈非望於有位者其道愈大乎余不佞得與秦氏稱世講固通家子弟也知其得福以是故其所祝亦以是且以彰慶澤之源焉

中峯施翁榮封賀言

封君施中峰翁者天官大夫華江之父也余與華江友不聞有中峯翁及聞中峯翁廼益重華江大夫矣華江碩大清脩人也其心跡可朗然披見又練習國事有所擬議率先得要領諸舉事者莫及焉一時卿大夫咸謂華江有公輔器劍門趙中丞素不輕舉士亦稱華江令蕭不期月而城寇至不驚民亦不擾余奇之謂其峻發自所致也華江有姊夫童柱峯君從弟恒齋君與余游每言及輒曰君不知華江翁所謂中峯先生者問狀曰先生居九華中峰之下據其

無聞堂稿

第四卷

三

東對樓梓

無聞堂稿

第四卷

四

古對樓梓

沃土業耕稼漸致盈裕今雖克然盛大其衣服冠履車馬與宴舍人無異人有勸其增飾不應曰吾毋以奉一身爲快也天使吾有財吾以耳目四肢受之是天廼澤回也吾固將有所用之廼盡用於諸子日招致善士與諸子遊及聞四方有道德行藝足爲世重者即遣子就之苟有益雖日費數金歲費百金不惜曰吾不能乘時建豎有能成吾志以榮顯此山者請以家從以故華江爲諸生時吳中白下足跡幾半其跡世深所得於有識者多也余曰善哉翁所謂教者吾嘗讀古世家見卿大夫之子皆能世食其祿以主國政凡數傳不絕今之賢而良者多出於田里山澤之間豈耆老淑媛之教廼出於宛冕佩王者之上哉蓋古昔盛時教行於上故賢自上興今庠序之教日虐猶幸有一二耆老淑媛守先王之道以教其子弟俾爲世用而其子弟皆長養於佛抑驅馳之中多所察識知世之所重且大者有在爭自著見亦欲藉手以顯其耆

老叔媛于不朽故賢而良者興自下土語有之
曰膏梁之性難正也故使惇惠者教之使文敏
者道之使果毅者諗之使鎮靜者脩之教以惇
惠則徧而不倦道以文敏則婉而入諗以果毅
則過而不隱脩以鎮靜則壹其訓子勤迺若此
也故往往得善士焉君人賴之所用不亦大乎
今中峯翁達是道矣不然能使其家有功庸於
民上而身獲自天之養哉然後知華江之賢謂
有自焉時中峯翁夫婦俱壽而 綸音適下貴

樂園集

第四卷

五

玄對樓

如其子厥報迺及其躬美哉武官偶南徙去九
華近徐少師翁與鄉之諸大夫授以簡曰過其
家祝之余曰九華之勝其顯也自李白始時中
峯未聞也今中峯之顯實自施翁始施氏據靈
異其以詩書顯者方纍纍然至而首奉

恩命寔自華江始華江之名位方赫赫起其顯
於觀者不可以數紀也寔自茲始請以此言爲
第一簡云

從兄靜菴六十壽言

武家世中微自吾兄弟行始崛起奮起士農商
賈皆能以業自見然於其中吾所不及者有二
人焉其一爲靜庵兄一爲州大夫恒庵兄恒庵
爲童子時即知學每試上官見其藝必首推之
又以名節自矜厲雖過上官推重日招致館下
未嘗私謁上官語室中事今鄉人訓子弟勤學
守正猶舉恒菴爲戒此吾所不及者也靜庵弱
冠時即代主家政日奔走四方任時居積以力
養其父母而諸異母弟皆教育之甫長授室任
事日督視其勤惰俾各有成其教諸從子尤篤
於子今家雖贏餘未嘗以一錢一緡入私室而
諸弟諸子亦未有敢私者間有異志輒涕泣道
之曰吾不欲老來見一室中炊烟各起僮僕日
譟庭中分驅其雞豚曰此某舍物某舍物也吁
嘻此友愛篤至尤吾之所不及者也故吾少時
未有所知欲問學則就恒庵及居官回學耕鷄
林山中每事必問靜庵今恒庵未老先歸結侶
烟霞而吾猶覲顏苟升斗之粟未能超然共去

樂園集

第四卷

六

玄對樓

靜庵今年六十日與諸子弟驩聚一堂歲時寒暑不相避齊而吾猷在異鄉與兄弟邈隔南北則其所不及者益多矣偶從子潔省余京邸持軸索言歸壽其父余因叙靜庵之義而併及恒庵之學以告潔潔靜庵長子也當世世為宗宗子賢則居可世世同矣潔弟健少從恒庵學使能學恒庵之學則他日又可以光顯靜庵之義世以同居聞此固靜庵之意也子歸而以是壽之靜庵當以余言為得其所壽

集賢堂稿

第四卷

七

玄對樓梓

方母七十壽言

方母高夫人太學生東谷君之嫡母在吾女為祖姑也方於吾桐為衣冠世族其子弟皆馴雅謹禮余與東谷君友敬愛之遂聯姻稱世好焉意重屬吾子也實不知其他自吾子歸漸聞內事則謂我極言方母之賢其言多吾不論論其大者謂治家嚴而有法和而有禮得母儀焉曰夫人旦起坐閣中令諸婦日侍省畢各授以事日三食令諸婦畢會一不至則不食食有度暮

入閣中諸婦又入侍談日中事畢令諸婦各退

就室自朝至暮母敢譁言有後先者於祭祀尤

謹必親治具率諸婦點茶如禮獻歡而退余嘆

曰人謂方氏之興多才子弟以今觀之有女德

云吾每讀內則見所加於婦人女子者至詳且

備自雞鳴以至宴寢日皇皇周旋於舅姑姊妹

之側不少假借以為治內亦何苛細多文要之

所以厚風俗興倫理貽賢哲皆本於此然後知

先王之教為能謹微今廼不然脩外略內苟外

集賢堂稿

第四卷

八

玄對樓梓

庭肅不復省室中事且曰婦人能勤織紉具酒

漿即無儀無非以故閨門媒褻子弟入內不見

禮讓事卒無善行若人人能如方母內教興矣

俗當何如雖然此母內行也簾以外即不達故

鮮有知之者武戚黨也故著于篇以為方母壽

然抑深有慨於今矣思古之時如穆木葛藟米

蘋蘩諸篇皆婦人女子事也今學士大夫猶

諷誦之不置不知當時作之者誰傳之者誰能

自閨里達之朝廷使江漢汝墳之俗照耀千古

今不學者既不能作而作者又絺章繪句錯彩
鏤金讀之終日無能感發令里巷之幽善弗彰
則又學士大夫之臯也吾又安敢以不言惜言
之不足以爲方母重也祇告于其子孫俾世範
其大者又祝之曰惟子孫賢乃能顯其世德焉
伯兄恒菴先生壽言

語云國有至人一國興行家有達人一家明經
言貴有先之也吾讀古傳見先世學者如韋氏
鄭氏諸家皆一人倡之於前而其子弟相率世
守之以行其說於天下曰某氏某氏之學遂以
家名朕微數世不衰猶之種一粟而得千萬粟
雖極其蔓衍而功始於一粒也吾家中微自伯
兄恒菴先生始以文學興時弱冠即知名人皆
目以璞玉渾金莫知其器祭酒順渠王公一時
儒宗試其文奇其著論舉以示人曰此有道士
也當時論孟子告子朱陸之學甚悉其論顏子
尤爲人所傳大意欲去明歸魯掩文趨朴謂明
而慧又而華不如淵深靜嘿者之爲篤至雖其

無聞堂稿

第四卷

九 玄對樓梓

論說持是觀其所爲實闇然自脩善於自藏信
爲獨到之語也兄凡八試而始舉再試不第即
不欲仕闢顏樂巷築室授徒曰明經老此生足
矣武再強之曰精金百練貴其能割立斷奈何
塊守一室于是出爲建寧令尋擢均州守未三
月即解去貽書教武曰吾不能偶時薄試其味
而歸不暇酣仕矣噫嘻此豈汝汝汨汨者流哉
蓋一生之學所得於退藏者寔多故不苟於利
祿若此今正月二十二日壽六十自州歸又二
年矣日閉關不問時事恬愉自守惟親故省謁
外戶始一啓則又以所學者養生焉夫古今善
言養生者莫如老莊今取其書讀之老子謂常
生久視之道莫如嗇惟嗇是謂早服而莊子之
論則謂有用之用不如無用之用欲退然自處
於才不才之間大都喜晦藏集虛黜聰以全其
天倪是即伯兄去文與明之論也真可謂能早
服矣夫既以是處身又以是處世壽之道已備
武又何說焉因自思事伯兄數十年知其學而

無聞堂稿

第四卷

十 玄對樓梓

不能章大掄揚使濯濯名在四方盡行其志乃使奔走于有司未老而歸顧自竊其餘獲被紫游歷以求榮不倦其視昔人子弟何如哉壽之日族子弟咸侍鐫俎稱頌交至兄必有所以教子弟者鉞不及聞祇叙其所以致壽者以爲祝祝曰身壽者百年名壽者千年能開美而不自用者壽萬年抑今之時華甚矣人盡用其明慧猶患不能希世故以兄學告之子弟意必有能世其學者是又所以壽吾家也

無窮

卷

土玄對樓

竹村章公七十壽言

桐邑侯近洲章公其翁竹村先生今年壽七十壽之日章侯以不得娛侍壽筵具末冠西向拜嘿嘿不能祝邑耆老聞之帥其子弟凡數千人造侯所亦西向拜拜且祝祝有言其言聞于邑予大夫之遊仕四方者咸曰宜有頌使鉞致詞鉞曰善哉善哉侯可謂能壽其親矣夫侯所以施於桐人者慮未有家也而人之感而頌之者宜止于身廼貽愛于其父母與戚屬無異何哉

固有以結其衷也人云善愛家者愛國善愛己者愛人出無不反道在是也今人子有不愛其親者乎要其極莫先於以其親壽則壽親者人子之心也故下人之愛戴乎上者亦因其心以逮及其親如魯人之頌僖公而終以壽母是也壽母之下即綴以宜大夫士庶一言魯人之旨微矣夫以子壽親情也是故撰杖履擊肥鮮迎志意悅耳目凡可以樂親者皆吾心所可盡至於頌祝祈願羣數千人狼狽出一口誦說之是不在我者此豈可以要致哉故本於宜大夫士庶一有不宜必不至是故人子之自壽其親不若使人壽其親者之爲博且深也吾於章侯有憾矣侯來令桐也不求奇異可悅之政務在與民休息時桐人正勞瘁於催科徵輸之餘而黠民又援吏爲姦每派出額外欺鄉民愚無所效詰民罪日奔走城市道路肩未息而徵目復至矣侯察其姦羣之一切與民報罷自是民得安於田里侯又樂教士建脩文閣羣多士日訓

無窮

卷

土

玄對樓

以遺德仁義士皆知反身約已矣政雖不可軍
述要於士庶真可謂無不宜者矣夫祀江漢者
首必西向岷嶓所在也食桃李者必視其下思
壅其本根也感侯之德而及其竹村公固繹慶
澤之源也雖然吾心知侯故因侯以頌翁而竹
村翁之所以自壽有非吾之所能知者吾聞臨
川代有醇儒自象山草廬一倡道源士皆知學
薄功名而重倫理耆老亦敦尚朴實而恥浮豔
吾所知者二三君子皆早年引退以奉其親親
亦樂其早歸而不強其進皆有達人君子之風
故江西號稱善仕冠蓋盈朝而撫州不與焉俗
尚美也公生其中日與諸君子游必其焉行長
者吾又見童叟恬然無所干于上怡然無所求
于下其貌澤其言和其聽政也平必其翁之教
若是噫嘻最難稱職者令竹翁之子爲令若此
由是而進其所以榮及其翁必有異數非人所
可測者翁壽當無疆請爲之日加一食何如

仲兄南堃夫頌同壽賀言

樂園堂稿

第四卷

十五

玄對樓梓

武初學時誦孟子三樂章以父母兄弟宗聚爲
第一且謂可以輕天下嘗私心易之以人人所
自有也後涉世少深見二親近衰諸兄弟業皆
散處始隱隱生念猶蔚然形影映灼及二親與
長兄見背始知天倫至樂不能久完雖勢分芬
芳無所不至未有可以易此者然不能蚤承事
于父母兄弟之側悖德甚矣茲兄弟幸四人者
存猶相保持雖以天自慶然齒俱暮齡每見輒
依依相歎日月易流也今九月仲兄南堃六十
壽嫂丁亦六十壽一得月之七日一得月之八
日並獲多算若相期然吾家盛事也夫有此盛
美宜相娛侍武適竊祿留都弟銖亦謁選北去
雖有兄弟千里相望亦復何慕夫古人得此以
王天下不與迺今爲斗粟分逐異壤去古人遠
矣雖然武於二兄所得固多焉吾兄弟皆性剛
而躁兄獨和平寬緩與人交未嘗有疾言亦不
兄有難犯之色使人無所注挹其於世味允澹
然易滿今六十意氣鬚髮猶與壯丈夫同是柔

樂園堂稿

第四卷

而

玄對樓梓

者壽也諸婦中仲嫂獨以勤苦自將夫與諸子皆手衣之日供具未嘗役二婢親藝園蔬食內外數十人可無它市少廼臞今益強盛是勤者壽也昔人謂齒敝古存以柔弱處上強大處下曰柔弱者生之徒又曰門樞不蠹流泉不腐蓋謂是也吾真有味於其言哉抑生人之道陰陽剛柔迭相爲用其道不窮男陽類乾道也陽常易亢故用柔則陰有以濟乎其陽女陰類坤道也坤道主靜故用動則動有以運乎其靜動靜

集賢堂稿

卷五

五

玄對樓梓

互乘陰陽更攝養生之經在是矣又何必詘信吐納爲理外奇舉哉既知兄之所以壽又以其所壽者可以壽吾家故極言於稱觴之日因諭諸從子知吾有今昔之感則躬遇盛時當知所以用情矣夫以親爲重者則以親爲樂樂親者能壽親親壽愛且及我我亦可樂於無窮也拜舞娛之

雙松鮑公七十壽言

雙松鮑公今少司馬思庵公之伯兄也司馬公

撫滇南時雙松常客桐之石暉河余獲交焉河蓋桐之東隅魚鳥鄉也四方道路不通寇蓋車馬不至雙松默喜游之余竊疑其貴介遠出意有託歟後余之官司馬公自兩廣回問雙松猶歲復一至廼益疑問所由來諸從子咸曰翁固以是爲適也翁居家雖有兄弟子孫娛侍賓客過從優游園林懽呼醺樂輒爲嬉應煩心及來河上則心開目明意氣爽發日與道友扃戶讀書興至則具舟一游每遇菱荷掩映水月澄鮮輒輟然大笑曰身在瀛洲使移之都會弗樂矣余乃大異之曰靜漠恬澹所以養性公固以外爲適者也外境靜則內境寧故弃人事而遠棲雲水自謂解脫然境靜則靜境動則動我猶可係羈焉者也不知吾人有內境焉居而無客處而無所適然而往還然而來神遊于無委之隅而精凝于無眇之際雖事物紛擾若耳目無交是謂真境真境得則內外兩忘靜躁俱釋故中山公子牟謂詹子曰身處江湖之上心在魏闕

集賢堂稿

卷五

五

玄對樓梓

之下爲之奈何詹子曰重生重生則輕利公子
牟曰雖知之猶不能自勝詹子曰不能自勝則
從之若強之弗從者此之謂重傷非致壽之道
也是得其外而遺其內者也方欲著爲一說以
廣雙松適其從孫執中至徵余言以壽之蓋雙
松今年七十矣因告以是說使獻于稱觴之時
且質之司馬公云司馬公功業著在四方投劾
蚤歸屢薦不應雅欲兄弟共專一壑故營室棠
樾不入城市余方以爲適而羨之今雙松猶弃
此復有取于淡泊之鄉弟雖力留不得其亦未
嘗以是語之乎人又言雙松少轉徙于燕趙伊
洛之間最久豁達好禮嘗從彭幸菴李空同廖
洞野諸公游其可頌而祝者多余不論論其吾
之所知及公之老而自得者將益進之至德上
壽也

太師存翁徐老先生六十壽言

人皆謂養生之學無益治理嘗取諸家書讀之
有論者曰君子道之貞以治身其緒餘以治國

家其士直以治天下夫天下國家大矣廼以緒
餘土直治之何蓋以必治治其身而以不必治
治天下國家夫身我所自有也我得而必之天
下國家有不在我者若以必治之心治之不偏
則疑反有不得行其志者矣是以古之有道者
如唐之汾陽郭晉公裴在其時誠多事也非不
欲以一朝治顧匯步廻翔委其身于是非之衝
既不敢激亦不敢退惟求身安于朝廷之上使
天下望而倚焉曰有若人在猶可爲理卒能正
頹綱而收晚效係天下安危者若干年雖壽至
耄耄猶秉政不衰彼亦未嘗計其後必至此也
如宋之富韓二公豈不偉然君子執少年執政
勇於作爲時章邵公睥睨之曰抵觸當自止後
經涉既久果悔前之所爲此無它以必治之心
治之耳然後知養生之言通經國之理也吾鄉
太師存翁自少即以文章名天下後薄試四方
毅然以經略爲已任自德性問學之外凡國家
典章制度禮樂政刑以至錢穀甲兵夷情民俗

莫不討論而又憂時獨切每遇人才進退時事變更四方災異水旱盜賊少不可意輒咨嗟輦感比有傷心然者視其意毋論漢以下使得志不三代不已以是人日望之曰得相公輔政朝降麻夕且更置天下事矣後未幾入贊廼齋心熟慮周旋于

上下之間雖多所開濟輒厚自揜覆不肯私用一人私啓一事使皎然為人稱說衆咸疑之而不知相公之所存者大也今

無聞堂稿

第四卷

九

五對樓梯

上神明父照洞燭幽隱察見相公忠誠謹密有雅度訐謔始專用之曾未朞月遠近欣欣想望太平曰翁昔佐割者今獨持太阿矣士亦湔洗其心改易其度若忘昔之所為古所謂舉一人而不仁者遠嘗過神其言今信實語也是其道德行義積為人所取信而於士習風靡之時獨若揭日月而行雖不急於自用而先為天下治其身故人察表見影廼響應若此由是觀之身治則施之天下國家真緒餘耳客有自上都來

者問相公何以治曰示外戶盡謝請謁使六卿各事其事惟從中斟酌焉以行一時熙熙然如祁寒而溫人不知為何時釵曰美哉朝有六卿猶身有五官六卿不侵則萬事理故長治久安五官不煩則七情理故長生久視相公且以身壽於天下何有適九月相公六十誕辰釵也妄庸人也莫能為祝惟以相公所以自壽者壽之

午翁馮尊師壽言

釵從先生遊二十餘年矣始以藝進先生教之

無聞堂稿

第四卷

二十

三對樓梯

知先生學後服官日隨進止既久且密廼見其心及所設施者先生於人無不愛人於先生亦無弗愛者無小大一見皆飲其和歆其德依依嚮慕焉先生位益進人益上期之曰此未足以居先生也及進而為少宰猶少之無不日望先生宰天下每啓扉謁者屢至往往車馬咽路先生亦欲盡知人才禮延之及進而為比部尚書廼有私疑而問於釵者曰馮翁何如人視其人廼皆素所委心焉者釵曰不知也曰雖然子所

師事者何得言不知曰昔晉平公問於祁奚曰
羊舌大夫晉國之良大夫也其行如何祁奚辭
曰不知公曰吾聞女少長乎其所女其聞知之
奚對曰其幼也恭而遜耻而不使其過宿也其
為侯大夫也悉善而謙其端也其為公車尉也
信而好直其功也至其為和容也溫良而好禮
博聞而時出其志也公曰向者問女何曰弗知
也奚對曰每位改變未知所止是以不知吾于
馮翁亦未見所止也其何指以對客亦何能解
無題書 第四卷 二十一 玄對樓梓

多取但夙昔有許於心者介介未遂耳此其所
存者遠也是唯二三有道者知之欽竊聞之固
未易語人也已而不得於時遂謝政歸歸正六
十之年人皆惜先生去欽獨有私願於先生焉
曰先生道廣而願交者衆衆則難周與人論事
每深憂過計深則多忌又喜接賢士大夫各極
誠悃常日夜不倦不倦則多勞昔嘗請於先生
欲少自節先生固勢有所不能也今先生歸豈
非天之所以壽先生者乎天既使先生歸以篤
家祐必能使先生出以濟群生此皆非人之所
能為也欽敬頌之先具祝于壽之日
、雲野三兄嫂偕壽賀言
昔李令伯有言願為人兄嘗舉以問人蓋以供
奉之日長余則願為人弟以教育之人衆也余
生時先君年四十而諸兄皆已成立初就外傳
猶令三兄相余讀余惟口授終日不記一句兄
卽棄去曰望是子成吾父志今乃爾爾吾休已
余始茫然以心授卒通章句前轉銀臺歸兄弟

畢集因舉觴為三兄壽。廼咲曰：兄忘弟讀大學時，仰視屋梁，口噤噤不能誦說。兄肘吾肱，盡繼今取官四品見者，稱大夫。兄廼不大嚼喜乎？兄亦大咲曰：誠不意有此。今追憶其事，如在目前。不覺兄年六十，余亦五十。廼然作老人態矣。少壯幾何，遂爾遲暮。行業無聞，省悔何及？所可自慰者，諸兄皆剛明正直，能裁正其弟，而三兄猶遇事迅發，盡吐胸臆，每有過則感額咄咄不暇。隱忍故兄弟相誠，毋敢犯以余踈狂，非有長者無聞堂稿 第四卷 壬子玄對樓梓

在前寧能重自嚴畏此余所以樂為人弟也。兄壽嫂徐亦六十，壽計吾兄弟五人皆無婢妾，亦無有再娶者。今六七十年間，惟長兄丘嫂蚤謝而吾四人夫嬪八口俱得無恙。子復抱子者亦二十餘人，各可慶幸。但諸兄皆躬耕力食，潛德不耀，其所勤修咸後其身而先其弟，俾余得紆朱曳紫，竊祿四方，可謂數人種而一人耗之矣。昔人稱叔向者必稱銅鞮伯華以功業隱德進退兩尊，今自視多過寧不愧乎？兄雖不吾責而

吾重自慚也。壽兄後即有貴竹之行，遂隔萬里。時至此不能把臂入山耦耕，一丘以相保聚，猶白首分離，爭榮不已。是有兄而不能事，亦何足稱其為弟也。故重自感云。

阮氏世科賀言

自有宇宙以來，所共推運會以為得天之久遠者，必曰世家。然所重有二：最難得者世祿，其次世科。夫世祿者謂其先世有功德於民，故其子孫世食民上生而墮地能勝衣，冠即被朱東玉，餽耳飲醇，不復更問智愚，人皆以純袴少之。至於世科則必有聰明穎慧之資，足以敦詩書而悅禮義，而又冥冥者相之，故能繼及不然。雖矜矜懋懋，莫能表見。古云雖有哲父，不能相子，故尤為世所歆豔。蓋以爵位君人者可私，而賢達為造化所獨靳，故以爵位禪者苟無大過，一世可至數十世，而以科目傳者代不數家。文學豈人所易能哉？吾桐以業儒顯者甚衆，然或止其身或散出族氏，以父子世及者指不能三四數。

無聞堂稿 第四卷 壬子玄對樓梓

廼推咎風氣其定論乎吾同年大中丞山峰阮公以雄才舉甲辰進士其兄之子思竹又舉丙辰進士今年秋其子少峰又舉北畿鄉試不二十年間衣冠才藝獨盛一時其得天之澤赫赫且延若此此豈無因而能然而鄉人論者曰阮氏據山山枕江帶湖鬱抱靈異又曰中丞公任比部則首治都城大猾為御史則計解訐獄不使善者誣繫為督學則使士興行為撫臣則又以身犯難出入海上屢平島寇志未及酬而身蚤退此其餘烈發而為奇又有談先世事者曰愛雲翁事難事之兄周旋曲至雖古之交愛亦不是過故其食報宜然噫嘻是兩言者當矣夫有世澤者必有世德此固天之所篤厚也然吾之言又有進於是曰所貴於世科者以世世得行其學故古人既以身用有未盡則望其子孫又恐子孫未必能用思欲教育天下英才曰吾道必為人用夫身吾之身也子孫吾之子孫也至於人則已踈矣彼且盼盼及之其意有在非

無聞堂稿

第四卷

二十五 對樓梓

徒為家慶也今中丞公既有子矣子且賢而才中丞公所欲為而未為者將在於是吾輩拭目俟之并以為祝何如

周母八十壽言

吾嘗聞洛陽鄉士誦說許義公事不獨義公功業炳著其夫人內行亦不可及人兩高之夫人有子五人側室子一人少失母夫人並乳育之後襄毅公下世而夫人五子皆貴顯時松皋公兄弟並列部卿予寧北上夫人召至庭下指幼子曰此獨非汝父子乎汝輩皆為達官此子衣布羞稱汝第矣諸子皆感泣因請如例補國學子第歸拜母母悅曰吾今日可下見汝父矣夫人情易以嫡下視庶子如許夫人者古今能幾見哉吾嘗舉是以教家伯兄子羽子恒聞而歎美之謂余曰第獨不聞吾鄉將仕佐即周君虛室母乎余曰其賢云何曰周母子二人將仕佐君其首出也亦有庶子二人蚤失怙周母恩之如已出後周翁撫松將逝時二子尚幼翁

無聞堂稿

第四卷

二十六 對樓梓

遺命割其業三分之嫡出者人有其一庶出者
共有其一母請均之翁不聽曰若稚子也詎能
決其成立但得此足矣汝善視之無憂其不富
也母曰吾夫視我庸庸耳吾既不得均業其子
必力助二子與吾子同迺已遂為二子朝夕經
略迄今二十餘年二子皆挺立家益厚計其所
得亦可伯仲母竟得知言此豈不賢而能之乎
余曰嗟嗟異哉以此視許夫人則又難矣許夫
人欲成其子僅一言之力耳周母則以耕織畜
無閒藉無閒藉 卷四 二十七 對接

七豎相望且禮讓標尚足表一鄉意必有偉人
居前積累深厚故昌大若此由今觀之豈惟賢
者衆迺亦有女德云周母之孫多而且才與吾
遊者太學生夢蓮庠生夢麟夢龍文思雅趣並
稱奕秀一日來吾麒麟山中進將仕佐君書告
其母今年八月廿一日壽八十欲余一言以贊
稱觴余與周氏婚姻之家又素聞母之賢樂道
之但母懿行多可範可頌者人人能言之矣吾
獨采其大者以為壽紀周母壽亦天之所以壽
諸子也無閒藉 卷四 二十八 對接

燕野陳邑侯一時臺史三獎賀言

嘗聞之令者令也所以令民也夫長人者皆可
令民而官以令為號獨於邑大夫加焉謂其民
與身親故也故一邑之事惟其所令令之耕則
耕令之學則學令之孝則無敢不養令之弟則
無敢不恭朝令之則朝行夕令之則夕行莫有
違者在它官則不能若是故古今稱官職之美
必曰令而所任之重亦必曰令苟四境之內一

有不治非但無以悅下上之人羣然督過之亦曰與民親者也夫令既與民親而上之人又責四面至矧其地有衝僻事有繁簡俗有淳狡柔曼悻悍之不同非豪雋明敏剛毅不阿者不能令令稍不行往往推其過於民曰民不可令民豈真不可令哉嘗見家人翁坐堂上呼羣子弟衣冠佩玉執俎豆禮物承事長者莫不雍雍進退中度稱雅飭焉及人有侮者呼羣子弟鬪之則又英氣勃勃奮袂挺刃相向武傑不可犯夫

無聞齋稿

卷四

二十九 下對檄梓

後之子弟即前之子弟也其不同如此皆父兄之教使然况上之令下其勢尤為易行者乎燕野陳侯之蒞吾桐也視事未數日即令於衆曰我知民之所最苦者莫如里甲之費吾計日約金歛於官使人代治之語人曰出入令吾知庶得盈縮稱禮民所省者十去三四又以民苦盜無敢野棲者即申嚴保甲之令而稍增益之使遠近相衛以盜有穴不塞不止首除大猾以恐羣奸民得不離田所桐土曠民不力墾復約法

令樹柴麻且禁博奕者輩使毋嬉戲墮俗又以身令卻常供其蔬肉日市於外僅與下庶數口之家同其待吏胥則益密莫有陰伺亂令者以故令下一時遠近訢訢如仆者起喝者潤豈待積久而後孚哉時值臺史先後按部下各邑見君侯政令心嘉之未及薦揚而獎美之書日三下語具在牘中悉本於民所口誦其稱潔已愛民則三書同焉計侯之治桐僅六七月在邑以朝夕計不滿十旬餘皆道路迎送時也其德之

無聞齋稿

卷五

三十一 下對檄梓

及人已若此使侯無它擾民得日聽令堂下侯再令而再申之其所浹洽又何如贊府萬君輩重上官之能知侯而民又日以為請思有以彰大侯德迺徵余言為賀余見侯之令善而悅也故亦樂為之言然民心之所期待與余所欲言而未盡者尚執簡以俟政成

博士東山鄒先生臺史獎賢賀言

今天下之尊而有恩使人終身敬慕秉一心以事之者自君親之外豈非師哉夫尊莫如親吾

為之子尊莫如君吾為之臣謂不可二焉者也
至於師則無常廼用情若此何哉為吾之道德
行藝所自有也使吾有道德行藝內足以事親
外足以事君恩莫大焉故古人謂民生於三事
之如一至於鄉學之師謂之官師分益隆矣蓋
君欲用我而不能教故聚以學校而又選經明
行脩者以為之師是師者將君命而來者也彼
既我教而又以君命臨之則吾所以事之者當
何如今弟子則皆貌師之而心不與焉日絡絡
而進唯唯而退德其課試候其升散以為事之
者如是恭矣而師亦以是為勤至於士之所以
自為師者或得一人於千里之內百里之外贏
糧負笈不由君父之命而徃從之守其道誦說
而不變曰吾之學某氏之學也師亦引以為重
曰吾之學有其弟子云是事其自師者重於學
之師不惟於師有二心而於君命亦怠矣此其
故豈盡弟子之過哉師亦有以致之也夫師常
患不得弟子而又患其身不足為人師故孟子

云君子有三樂而王天下不與存焉求其說至
於三則謂樂得英才而教育之夫得才而教與
得天下而治其為功業孰大其為惠利孰溥君
子不肯以此易彼為吾之道有所託焉以傳樂
莫樂於道之在人故皇皇然求英才惟恐不至
今舉英才而授之非惟不以為樂反竊歎秩卑
無所事事私念得十室之邑百乘之家而宰之
其所建立必多是視禮樂文章不若簿書錢穀
經生文士之入吾室不若田子澤吏之譟吾庭
而考德問業以相求又不若聽訟訊獄之為快
矣若是者是師輕視其弟子亦惘然忘其君命
之重此弟子所以不樂有其師也昔孔孟之在
當時足跡徧天下皆以為擇君而仕耳實欲得
四方賢者而與之遊故互鄉闕黨之童子與其
進而無疑而廢屨之徒亦與於從者之中而不
以為辱彼誠樂之也使當時之君不以為臣登
一國之俊異者而師事之孔孟有不樂於為教
哉吾嘗執是道以觀今之為師能以弟子為樂

者鮮矣今東山鄒君之教吾桐也曾未及暮其弟子數百人交稱之曰鄒先生醞藉宏深真吾師也鄒君亦稱其弟子不置口曰多才而樸是可謂能樂矣夫既樂之矣將不以課試升散為事耶抑猶不免乎為是耶夫使鄒君樂有弟子易使弟子樂有鄒君難此必有以得其心而不徒貌焉者也適有臺史知鄒君賢移文獎之司訓劉君率諸弟子折簡授余使以一言賀余觀鄒君碩大穎達而又文學足以待問故舉師道

無聞堂稿

第四卷

三三 文對樓梓

之尊孔孟之所欲為而不可得者以告之使鄒君樂焉而日求所以為教也

齊母太夫人六十壽言

錢少與齊大夫赤衡遊見大夫雅自飭厲年甫冠即稟然有長者沉毅之度言有坊字行有城郭交尤慎有推擇終日無媒張蹠弛之事余踈曠多嘻笑遇大夫輒不能發曰是何少而周慎若是必其所稟承者異人及問素所往來乃知大夫之有母教也母翁方一得隱君子也母得父教幼嫻內則卓有閭範而人情事理率能察識于大夫雖甚鍾愛教之必嚴每出必問所與遊及所與言大夫具述以對母悉貽題之曰若是宜與若是不宜與是所宜言是所不宜言且以為誠以是齊大夫能束修其行得母太夫人之教也曰聖善哉以是宜有若子言者又曰匪但能成其子而又善相其夫方蓉川貴盛時自邑大夫而下無不希意趨避其子弟皆能各得其所欲母與南川公言必曰兄為諫議夫獨不能為諫議弟立奇節于閭里乎以故南川閉門誦讀不問外事譙然若寒素子弟及業分胥

無聞堂稿

四卷

三三 文對樓梓

其田獨賦重南川公常欲言不均于兄母勸止之曰柰何以是傷伯氏意曷推而與之吾自為之所則無復有不均之累矣南川公竟如其言以是獲長者稱余曰茲愈難矣夫教其子易相其夫難相其夫以有家易相其夫以有令聞則又難矣余每與人言齊大夫言輒曰齊母齊母能如此今年齊母壽六十以大夫養遠在澤州舊與大夫友者咸思祝母授簡于武武曰余素喜言齊母之德者今遠在數千里孰知內行若

無聞者

中集

三十五

是固當以言往使澤之士民沐其德而頌之者知所自云抑吾聞之宋室衣冠之盛莫如呂氏而呂榮公賢而早達雖正獻公之教亦申國夫人嚴而有法自少教之以正故能夙成今齊母之教視申國夫人何如而齊大夫以名進士有治行旦暮超躋崇要其所以壽母者當亦如申國夫人矣然申國夫人僅能教之于少今齊母老且從子不忘規誨吾知大夫出而臨民入而上食陳說政事其所得于母教者又可知矣則

他日誦母之德于無疆者必在太行蒲水之間也吾願齊大夫以是壽母何如

齊母方太夫人七十壽言

吾桐仕族之母近以賢智稱者莫齊大夫泰衡母若也大夫與吾生同里少同學長同游仕齒亦相後先大夫獨有難老之親朝夕娛侍其家慶迺大異於吾豈非天所薦厚歟昔嘉靖乙卯冬齊母壽六十時齊大夫守澤州母從祿養余馳文祝之與大夫皆始仕年也又十年為今乙丑母七十已從子善養里居三年矣竹隅丑君素山方君復索言往祝因問母起居其耳目手足視十年前清健不為減余慨然就衰齊大夫今春亦五十何歲月之易流也初齊大夫在澤州糾正宗室群怨構謗大夫具白於母母曰執法而得謗謗行吾志亦行矣然以正待之謗何能加後竟如母言大夫賢聲日起入補即署大夫又清慎督運有道名出諸郎署右人忌之遂有廣東僉憲之擢得少需數月即報政擬

無聞者

中集

三十六

恩典如例大夫因是不樂母察其意慰解之曰
兒豈以我老為慮乎是欲華我名尊我為太宜
人耳縱逡巡得此不過翠翹彩帔歲時入祀祖
廟出與宗親子弟簾內一揖而已若居官德被
所至俾有令名及我樂不亦大乎我非以是為
榮所私慮者滿臣在政府官以為市雖才且賢
者莫能自致要地清秩縱得清要少選以計遷
去故一時仕人皆勉強附會但求安位此猶入
庖厨者雖不近膩亦自汚人吾聞之耕者量地

無聞

第卷

三七

子對

仕者量時時至此儻能引退俟辰而出雖遲猶
正慎母與時爭也後齊大夫入廣見風氣不佳
又感母言遂移疾東還母見子還謂能行其一
廼益喜日加食飮鄉里贊美謂其樂也真余曰
信哉古人一日養不以三公換夫一日之養至
淺也以三公之尊猶不與易便所養不止於一
日則自三公而上又何以加之此人子之至情
性分之大快也然亦有不能然者未可獨過其
子昔韓昌黎稱歐陽詹在父母側雖無離憂其

志不樂詹在京師雖有離憂其志樂何人情廼
大中異若此今人父母皆然身老矣猶恐子歸
子雖驅馳萬里蹈險乘危猶勸進望榮不止如
齊母善成其子者能樂人哉然事與時會天之
所以報之者亦奇壽之月銓曹檄書適至令郡
邑有里大夫子告歸者冊報撫臺轉達於部聽
其酌用昔齊大夫歸部中留之不可今所檄實
為齊大夫地也听夕徵車且至矣夫齊母能為
子決進退於數年之前取應於數年之後雖丈
夫子見不逮是其為天所為厚宜也因同戚屬
三進而三觴之復舉一觴以觴齊大夫且為勸
駕曰齊母能令子以時藏必能令其子以時出
也故交賢而兩壽之

無聞

第卷

三八

子對

柳塘林老先生夫婦榮封賀言

嘉靖辛酉夏駕部朱軒林君三載奏績銓曹上其功請如例封其翁為兵部主事母為安人既得命邑子大夫以下皆賀人咸榮之鉞遠令賀以言余因思為夕郎時詔舉循良茂異者入補諫臺林君以邵武令被徵一時賢者翔集都下林君獨後至余迎勞之且訝其遲曰余奉二親入故里省侍數日若不能舍亦知後時奈吾心何未幾而選者偶以罪去迺復選林君

無聞齋稿

第四卷

三十九

玄對樓梓

辭不欲就曰若皆不能朝夕守其位者寧不顧念吾親乎但補省署奉職三年無過得常典及親吾願足矣誠不欲華耀竟從其好授比部主事銓曹重其才復改兵部今倏忽三年言猶在耳而親已獲報其為效不亦速乎因歎曰若林君可謂年未至而智及之者今之人取一第即評列官職曰此為要此為清此為不要不清此為要且清時注意屬目得間輒奉身入焉不得則戚戚憂得則自謂能行其志榮及父母父母

亦時時以是望其兒多援此取敗是皆不達乎榮辱之分進退之幾者也假令林君亟趨得選不為給舍則為御史其所取榮亦不過是況一時選者或去以月或去以年存者不及十之四五又皆皇皇疑懼恐遭譴斥林君默能自保其必全乎今且顯擢以僉憲專制一面頗不華歟此之謂善任其身善事其親者也雖然抑教之者善也吾聞柳塘公少雖貧喜其子從君子長者遊日有所得即以事君子長者人皆以為賢樂教其子故能蚤成又聞其子初為令即棄家從曰兒少恐心志易移吾守閨門必不令兒持一非分物入以故林君在邵武遠近稱其廉明彼其意豈願其子以苟得華耀為榮哉此又足以為吾鄉勸也故喜其志具言之

無聞齋稿

第四卷

罕

玄對樓梓

無聞堂稿第五卷

舒城縣儒學記

桐城趙鈺昂卿著

今天下自王畿而下凡有郡邑城郭社稷莫不有學郡邑城郭社稷有不治不爲臯惟學宮不治則議及有司而學宮又以科目疏數爲盛衰科目數不舉士則又議及學宮故凡爲郡邑城郭社稷必選地爲學宮否則易其以得士爲重郡邑城郭社稷舒廬枝邑也代有聞人自嘉靖無聞堂稿 第五卷 玄對樓梓

年來士偶稀舉臺議學宮當易久竟莫有易者學日就圯士以狀白督學侍御趙公侍御下其議于府府下之邑邑侯黃君適至即環眎學宮曰學故善但荒蕪不治是惟有司罪即首脩孔廟次廡次殿聖祠次明倫堂次齋舍次尊經閣又徙民舍使遠峰面立既治躬率博士弟子入學行什菜禮鳴鼓升座與諸士論說其博士子弟與其故老皆喜謂侯得所先務士當自此興問言於余余曰士願以多舉爲學宮重哉士多

舉爲其以仁義禮樂爲

天子施之四方其以仁義禮樂勤施四方其如孔子孔子嘗游者主事時猶皇皇以仁義禮樂走告四方諸侯志可知也然退而與諸子私論若由求公西華輩皆欲勤施仁義禮樂於四方不一可否至於點則欲灑然咏歌于沂水洙泗之間於四方何心則急與之他日過諸弟子治所如蒲如武城非不燁然稱治者不足以當其心者反謂不出陋巷如顏閔曾參軻能得其傳何其爲教與其自爲廼悖及見篤信聖人如子夏者亦自謂出見紛華而悅入見夫子之道而悅何人情之易移然後知聖人之意遠矣士貴在自立豈以仕爲重哉舒俗素樸無豪商大賈亦無王公貴族民不見紛華貴盛可飲豔易治其子弟亦不見可飲豔皆矜矜以禮節自持而純龐博厚之習未雕雖未見施仁義禮樂於四方亦必有修之家者不謂無士要有待歟今以科目盛稱者曰某郡舉士幾某邑舉士幾跡士

所自為未聞以仁義禮樂號於四方曰某某徒垂紳佩玉冠履盈朝而田園甲第車服僮僕雄豪閭里以此言之固不如舒士猶得養其龐博厚之氣以自全故科目不在多舉士而在舉得其士雖然氣積久而昌舒必有偉士出能自著施者幸毋悅於紛華貴盛以散其純龐博厚之氣云博士江君謂其言有足以告諸弟子者遂刻于堂陰

安慶府儒學學田記

無聞堂稿

第五卷

三

玄對樓梓

府學舊有田今田博士章君力也先是章君為夷陵守與上官不合移安慶郡博士君好古道又雅愛博士官曰博士得與士論學士知學則民知禮視治民孰重廼日與諸弟子采獲經義務砥行厲俗弟子咸訢訢意起居逾年見弟子多貧又捐俸置田歲計其入分助之有差諸弟子義之意愈訢訢起田成共勒石學官以昭示不忘徵余言余素知君學聞其善樂書之且重有避古之思云夫博士教士者也弗能養士今

教且養之力能養士者顧不念士然則周士貴秦士賤豈真教使然哉嘗考之古家塾黨庠莫不有學未聞養士士亦無不養後世廩士于學士乃有不得其養者此其故何蓋三代盛時士民為一夫授田百畝民皆仰給于上里秀貴胄率以時就學退得自食其食自井田漚壤士民為二下皆以力自占其畝農人秉耒且無所之士何所賴故貧者衆余嘗謂三代而上一字宙也三代而下又一宇宙也秦寔間之今之漚不逮於古詎獨養士為然敝也久矣昔張子厚覽古興思欲買田畫井經界分耕以漸達于天下雖未行志亦傑矣今章君祿位若此能立田贍士儻尊顯之俾得盡行其志其為惠利若何其風當益遠矣雖然王制擇民俊秀補員學官令復其身又量減其戶之徭役高等者有廩入第者有祿貢于成均者以序有官雖無田亦謂能養矣士既立朝能大自著施以無負所養有幾此又士之所以自養者非也然則士何以養

無聞堂稿

第五卷

四

玄對樓梓

口有穀田有心田穀田不可必得在人心心田吾
所自有墾之在我淵哉記言之矣曰脩禮以耕
之陳義以種之講學以耨之本仁以聚之播樂
以安之獲亡厚乎此又章君所以士士而爲之
田也士之田來從茲始按田在懷寧縣野塘神
子坂種十三石歲租若干石民人李龍田慕義
半賈而售得四十金一太學生丁樂所助種八
石租歲若干石俱廩于學宮義之感人一時嚮
赴若此孰謂古道不可復哉章君名詔鼎靜齋
無聞堂稿 第五卷 五 玄對樓梓

且耕堂記

吾嘗歎陶元亮一代偉人也慕公田利往爲彭
澤令期種秫二頃五十畝後以不能束帶見督
郵解去向所謂秫者曾不得一啜其醕公之進

退豈不洒然要亦不能無累矣今仕無公田余
竊俸入代耕久矣茲者來歸無以自贍有先人
之田一區在鷄林山中因關荆棘葺屋數楹躬
耕自養旦起入廟奠饋畢即與僮僕問節候量
晴雨種對時蔬酌壤播穀日晏則坐堂上課兒
讀古聖書講析義意倦即枕書高卧醒起啜茗
復隨意誦讀或臨諸家帖作大小數十字意有
所適令兒抱書選長林坐澗石探論耳目睹記
見農人佃作知粒食所繇日入則縱步洞口邀
牛羊聽牧唱下嶺歸來歲計所入一以供祭祀
賓客一以輸官家賦役餘則衣食生長其中雖
無公田可無外慕若囂然頃志出處之爲者村
叟不知余意咸念余謂勞且細也非有志當世
者所務余曰有是哉吾惡夫不勤而食者凡爲
此所以自勞也老子曰大塊勞我以生生而不
勞非人道也故進則在朝退則在野進不失職
退不失已進退無常唯時之適所謂出處有餘
地者也耕可廢乎既以語客曰書其說於相間

名其堂曰且耕亦以訓吾子孫孝第力田進亦可退亦可得以時自占云

貽瓠軒記

予少有鉅人志見皇王上世及秦漢唐宋以下其間作者率能因時奮立功在宇宙又不然能自為一說足經世用不朽竊欣然慕之謂志士當如是後以父兄之命習舉子業苟且應召及待第日伏闕下值

主上聖明揀舉不暇莫敢叩首一言上補遺忘

集賢堂稿

第五卷

七

玄對樓梓

素未歷四方孱然不通世務時西北用兵財賦告訕又莫有長畫却戎馬紆度支以助致太平及負成南歸間檢舊編尋宿志不覺撫然自失因歎曰昔有得大瓠之種者對成可實五石以爲枵然大也割而爲瓢以今觀之實類於予雖然顧視所藏左經右史皆瓠種也後之種是者能大爲著施以收五石之效是則貽之之意也既以名軒且爲之說

倚豐亭記

倚豐亭者倚豐山而作也豐蓋滁之望山人皆環而居之山亦鬱負靈異往往朝冠雲則晝必雨故滁人凡有事于場圃耕耨興作必望豐山雲氣以下晴雨其歲時水旱祀之尤應嘉靖戊午余督牧至滁時秋多雨兩反敗稼至己未春不雨夏亦不雨民始望而禱之謂雨可立致已而久不雨民咸咨歎曰天不我仁豐山廼亦不我雨耶何昔雲而今不雲也若有移怨於豐山然者余廼解之曰大山雨天下小山雨一國山豈不欲時風雨興利百物使民奠安其土哉况民所以祀而禮之歲亦勤矣今廼有不盡然者非豐山之所能爲也雖然豐故雨之矣然雨未至而人望之雨既至而人弃之溝瀆不遂於隘障水不安其截隨洩而隨取之雖有慈親弗給矣山川若之何此專倚豐山而不善用者也使善用之則昔雨即今雨矣何也吾嘗見吾隣人翁矣東隣貧西隣富吾就西隣而問之曰若何以富於東隣也曰亡它惟得天而不盡用乎天

得地而不專任乎地如斯而已矣曰其道何如
曰天有時吾則相之見生樹生見死復死天有
澤吾則留之存其有餘不棄其既往故為池塘
為陂澤為畎澮務期足用往往天之澤十之三
吾之自澤十之七故三時不害於地亦然剛者
令柔柔者令剛燥者令濕濕者令燥又棘則肥
下則埤高則抑險則易地力人力相半歲率多
穫東隣翁則土宜不任草穢不剪時盈則澇時
涸則止故種稂禾不為種種重禾不為重以是

無聞堂稿

第五卷

九

本對樓梓

與吾異噫此善用者且無多求於天地況山川
乎知此則知豐山能利滁滁人不能自利耳又
何怨于是滁人始知畊此吾亭之所以作也亭
在豐山之麓旱時嘗同僚友與民望雲於此故
因以立亭又恐民之時至而忘吾說也故書其
言于亭中俾遊者觀焉所以告儆也

大德祠記

今冢宰默泉吳公為少司寇時也會奉
天子命來賑徐淮被水諸郡蓋嘉靖三十二年

癸丑春云又五年戊午欽以督牧過沛見有和
歸然河之湄問之沛民感吳公作也時麥新熟
遠近來獻余廼踵民至祠見知禮者則拜興如
儀餘則頭觸地祝耳祝皆自口出大都以祿位
年壽子孫為詞問曰吳公為賑若何而沛人德
之之深如此也曰昔河水為害民苦湯溺饑且
死者過半有司視穀粟如珠璣張言賑濟輒嚴
期會審里甲編戶口往往咨嗟待命不能得吳
公至即周詢而環視之見其野棲行負而炊爨
不舉者曰若等以且夕為命者也少緩則僵矣
利在得食即令多官分馳空牒遇饑者即授之
明日持牒來以至之先後即錢穀立得始籍姓
名故無戶無土者一食盡起又有廬舍尚存而
稱貧無所者有地近境墾而播種無獲者問所
急曰吾等草食木酪可少須臾無死但秋徵苦
迫耳曰若等以旬月為命者也利在不擾急則
法者逃強者亂矣即量賦立則以賑銀如額補
之故有戶有土者得免督責不徙夫自昔之無

無聞堂稿

第五卷

十

本對樓梓

死以至今之有生皆公所予也此恩何比故歲時必造二熟必獻不敢忘曰吳公來賑所持幾何曰銀五萬兩米麥四萬餘石曰所活幾何曰自徐淮宿以及山東沂費鄒滕鄒嶧諸縣活凡四十萬餘人又五萬五千餘戶曰然則所濟者廣且衆矣廼歌於沛祠之何曰當時水荒惟徐沛最甚公先至沛然後及於諸郡此固首被地也不敢忘曰信然亦非吳公所自為恩也輔臣疏聞于

卷之三

第五卷

土

玄對樓梓

上然後議錢穀詔吳公來今忘君相而歌祠吳公何曰吾等野人不知也聞思伊洛者不祀堯舜而祀禹祈雨澤者不祭天地而祭風雲獻饗吾念其及我者耳不知恩之所自曰有是哉故君行制臣行意出物以予人易令物物及人難此古人所以重任使也非吳公能仰承德意若是邪是真可以祠矣以人言有足採者因問姓名皆不對而去余廼歎曰君子之舉事也貴有道哉古稱救荒無奇策也

夫中流失楫一瓢千金萬夫傳食後得者怒勢豈可以從容為之要在緩急得宜耳今觀吳公所賑則人人被之矣非有道能之乎因記其言於壁間俾觀者法焉雖然活萬人者必有報且以為驗云其祠建年月具有碑在

重脩醉翁亭記

此文忠公所自謂醉翁亭也亭自慶曆距今近五百餘年中迭興壞然風聲意遠不可磨滅母論宋元入明而重新之茲其四舉云嘗謂賢人

卷之三

第五卷

土

玄對樓梓

君子所至或有一山一泉一石一木足當心意因為亭臺取適一時本無所要於天下後世而天下後世實為異蹟以山川必此而顯若不可一日無者此其故何至於昔之以游觀名者其所翊立既據勝地而學士大夫又從而侈張其盛言言珠璣非不足照耀今古忽焉就廢則荆棘交侵過者不顧甚則梁棟維新輒萌黍離之歎此真地靈之不足歟何盛美之不續也然後知君子之重於山川在彼而不在此矣論者咸

謂此亭得文故又夫歐公之文重天下固人人誦說之矣然不過陳叙景物及當時醺會之樂而已何與民事而民世守之如以其文則羊叔子兕首之遊不託一詞而學如元凱信雄於文者每文必勒二碑一出於山一沈於淵思與陵谷爭久用意誠密卒未聞有人獻款碑下然則人心豈言詞所能感哉若歐公此亭則自有足以繫滁人之思者公之治滁今雖無所攷見然以重臣出刺一方非不知其旦夕去此歡喜地

集賢堂
卷五
五對樓梓

固自在也本無厭矚而歐公之自樂與人之樂其樂者皆不可知要之林谷雖僻實切典刑故不可以不脩也脩之者侍御少淇陳君志近龍李君廷龍山泉慎君蒙皆因民情各捐金若干而州守見山應君鑣則雅志復古因荒聚民益恢大之納景為樓而又推其餘以及於豐樂兩地俱新是又五百年而一見也樂其有成者侍御兩巖羅君復僕卿少峰林君應亮少卿紅洲秦君梁贊成而去者僕卿少村黃君廷用寺丞

集賢堂
卷五
五對樓梓

見平吳君炳庶虹澗楊君榮相度僕簿楊君孟元董役吏目甘芳以武與三侍御遊屢為亭請因屬之記故為紀其年月言滁人不能無歐公之亭者以此亭成於嘉靖三十九年正月

滁州重脩陽明先生書院記

欽嘗聞先生與人語曰吾居滁時見諸士多務知解口耳異同無益於得始教之靜坐一時玄解妙覺收效良多久之漸有喜靜厭動流入枯槁之病後教以良知則無動無靜隨處有得武

祇服父矣今幸來滁拜先生祠下問先生弟子
時多凋謝間有數君子能守師說不能倡其子
弟又相率從事口耳其意重希世云先生祠在
幽谷中亦舊所示法地也戶北啟左右石柱
漸東傾州守應君請于侍御少淇陳公出羨金
埤虛易朽始可久託役竣時竊以士不至為歎
鉞曰噫吁口耳溺人久矣昔齊東門子者有道
士也人曰東門子能目聽而耳視也衆皆趨之
曰吾不能倒置耳目能順耳目之用而已衆咸
嘆之曰耳自能聽目自能視無待於人而詔之
也又曰吾能不用耳而聽不用目而視也衆咸
疑而走矣曰不然子之所以能聽者謂有耳也
鳥鳴則子聞之乎曰然鳥去亦有聞乎曰否是
子之耳以有聲而聰以無聲而塞也其能視謂
有目也花開則子見之乎曰然花落亦有見乎
曰否是子之目以有色而明以無色而蔽也是
皆逐物者也夫鳥有去來而聞性無去來花有
開謝而見性無開謝吾聞以真聞故不用耳見

無聞堂稿

第五卷

五 玄對樓梓

以真見故不用目今先生所謂良知者知以真
知故不用聞見之知以為知以是來者益踈耳
曰士患無有倡者今倡之而猶不至則祠可以
無脩歟曰不可此所謂感也今人適中都必問
治跡所在經陳蔡則咨嗟四顧車不肯進望闕
里洙泗則津津色動神竦矣故祠以存感也詩
曰高山仰止景行行止此之謂也感則景景則
無有不至者矣此諸君子脩祠意也雖然有真
知而後有真感昔者七十子之於孔子也有治
任而歸者或治任而不歸此無它知有淺深故
其用情有至有不至耳若真知陽明之學者則
必無有不至者是為記

無聞堂稿

第五卷

六 玄對樓梓

重脩大興寺記

大興寺貴之省臣歲時綿最習肄之地也嘉靖
辛酉歲抄余與侍御巫君總戎石君入寺以獻
歲同為儀時大水之後見更衣無所民區與僧
舍無別共以為歎曰是不可無脩偶宣慰安萬
銓至彼固擅積且明見者因以神道為教使任

重脩事辭曰能供費而不能供力廼獻百金
為計其金可具木石磚瓦令貴前二衛棟老
弱不能荷戈者役之廼先其所急首築墻垣以
限民居次脩更衣廳以候漏次發宇兩廊次門
庭以示虔不數月廢者俱新視前益固居未幾
有修蓮花庵者群至持疏丐助余笑而書曰我
以如是布施是大布施人莫解吾意又有脩永
祥寺者亦持疏至余曰彼固見大興寺重新信
以我為誦佛者廼進而告之曰汝輩不見北門
之市乎有貨諸寶之肆者遇時日之良及菲求
市者接袂而入聯臂而出問之有用以祀先者
有持以祀先聖先賢者有輸靈祠以為報者有
哀鄰里親故以為薦者亦有商旅走四方而以
為祈者又有漁獵樵種之夫當入山林田澤而
以為禳者其市楮同其為用則異汝以吾意與
若意同乎吾之脩大興寺以為祀
聖之處不可不嚴非謂佛能富我生而壽
我我固為是以求利益也吾思佛之為道貴清

集賢堂稿

卷五

七

支對樓梓

淨慈悲以不殺為教而習於其學者則其氣柔
弱不振今吾方以殺為事日治兵戎以驅除不
祥則其為道本與佛異雖以是舉之佛其悅我
乎况吾之人方蓄縮不揚日以賞罰鼓舞之猶
不能作其氣以宣厲
國威而又以柔弱不振為教必不然矣若使苗
人皆和柔其心解釋刀弩以安伏林谷則深所
願欲又不敢講張籍佛為教也既告之以故因
以為重脩大興寺記

集賢堂稿

卷五

八

支對樓梓

鳳鳴堂記

貴州古九夷地也嘗讀魯逸論云孔子欲居九
夷從鳳鳴心竊疑其言夫九夷自秦漢始通中
國春秋時武陵之蠻猶未款順孔子欲居于此
豈信以為可化乎然當時屢干列國之君與其
卿大夫竟不能一入其說然猶可諉曰不親至
於七十子者日相從左右日絃誦洙泗之間亦
不能使由之不勇師之不辟求之不歛况九夷
廼能化而入乎至於所謂鳳鳴者古今曾幾見之

岐陽一鳴收聲已久。豈逆知其猶在九夷否耶。則又稟遠難期。此必聖人有為之言也。今九夷內附。悉為郡縣。溪峒之民皆崇禮教。其酋長盤辟雅拜。隨群吏抱牘日趨。事不少息。問其俗而標枝野鹿之風。猶彷彿近古。其視孔子之時。何如。使天下無鳳。則已有鳳不在中土。必在此無疑。余偶承役來。此人皆以夷為辭。余歡喜猶真。一聞鳳鳴。廼為堂于玉池之上。題曰鳳嬉。又偏樹梧竹。邀求琳琅之寶。其可以招致乎。夫唐虞之時。鳳凰來儀。雖遇文武神聖之君。抑禹稷契。臯夔。奮庸之臣。內外相成。協氣四匝。故靈物畢致。今

集賢堂稿

第五卷

元

玄對樓梓

主上方隆唐虞之德。而臣人不能廣脩和之政。况庸庸如鈇者。填撫茲土。雖有鳳。恐噉噉避長吏去矣。此吾所以有無窮之思也。雖然。鳳之來不來。不可知。而臣人奉職治此。猶以陋目之。不樂久於其地。豈以為必不可化耶。夫在昔本不可居。聖人猶欲居之。今可居而人猶不欲居。其

志意去聖人果遠矣。不能不為之嘆。

愛山堂記

凡人之情。必有所適。適者多外。假假外以為適者。其終必移。何則。能適於其所適。而不能適於其所不適。今夫樵者日入山。而不知山之美。漁者日潯水。而不恔之美。非山水不能悅愉其心。彼其中本無丘壑川澤故耳。是以好奇之士。以風流自命。每探巖穴。對靈勝。嘗意玄遠。歌咏所懷。翛然有出塵之想。及轉而投之。阨院之區。寂

集賢堂稿

第五卷

元

玄對樓梓

寞之野。少拂所願。欲反氣挫悲。歎豈情好固有時。而吳耶。所謂能適其所適。而不能適其所不適也。適其所適者。遭適其所不適者。忘其相去遠矣。吾自少愛山。每讀書山中。常終月不擲。雖深谷峻嶺。有命之遊者。即躡屩相從。其性然也。辛酉秋。忽有貴州之役。問所嘗往來者。輒慙感為余躊躇。曰。其山狂川怒。最為駭人。而蠻烟瘴雨。又昕夕莫定。所謂捫天捏石之難也。余感其言。不能不來。來則前所謂險者。若失。每度嶺。見

飛鳥出人履下其懷益曠及循登入谷仰觀後
騎蹀躞在頂上如畫几前見羣峰碧圍雲出肘
腋間則又恐羅列不密余無得於山而愛好若
此雖吾亦不能自解然貴之諸峰惟南郭最秀
舊有使館既卑隘不飭又背山臨市余廼徙而
南正與諸峯對堂成見山勢欲來嵐光翳勃飄
飄若與雲浮於思頓捨非惟吾樂之而諸大夫
久滯於此雖有不樂者無不色喜因以愛山名
之獨怪世之傲者好詭為論說不讓近見太史

無聞室稿

第五卷

三十一 玄對樓梓

升庵氏品叙山岩之異徧與天下於貴州之山
獨醜為詆辭此其說當乎夫內適則培塿泰華
內不適則泰華培塿其境在內不在外苟樂必
選勝則所不足樂者必多昔人有云美者自美
吾不知其美惡者自惡吾不知其惡吾惟愛其
峯律恣鬱有拒日槃雲之狀而已恐後之人惑
於其言有不樂於茲山者故又為之說云

滁陽新建三茅君廟記

豐山之麓幽谷之中文忠公豐樂亭在焉今闕

亭後為祠祠文忠公又以其右為書院祠陽明
王公州以道士許常盈守之一日泣且言曰道
人少多病從吾師遊嘗聞古人有得道者能服
氣引年長視塵劫悅其說遂辭家為黃冠道人
日求玄虛友僊侶為事今一旦來此周旋於先
賢組豆之側聞達官長者及學士先生誦說亦
可開悟然非其好也吾欲事吾所欲事者不然
則辭去曰汝欲事何曰欲於山塢創一室事茅
君三兄弟焉旦起洒掃歐王之堂暇則焚誦靜
修余歎曰此可謂能守其志者也吾儒讀周孔
之書趨然嚮往稍有一得即非朱毀陸私阿佛
老玄解自高又不然則祖尚左氏北首曹劉以
詞章霸世最下者政事五侯七貴頓忘昔所希
慕能如長盈終始不變者鮮矣且三茅君皆能
辭榮入山潛虛守寂雖不能究其道術而其遺
脫世界有足以警人者因許之後二月而堂成
又再月而像立曰汝何成之易也曰此皆神之
所為耳始創之時有狂者數輩携酒至言多侮

無聞室稿

第五卷

三十一 玄對樓梓

慢風即立作林盥盥覆人皆伏地若有偃之者
又一童子雞廟前草不謹即墜崖下高十數丈
如自空中落過叢棘衣皆不裂湏臾始甦以是
人皆神之木石四至余曰有是執深山大谷固
多靈異今有依附廼益顯矣余後徙官留都一
年復來長盥蹕亭前求記曰汝不好儒亦何樂
於其言曰無卿大夫言慮有廢興耳曰汝旣言
之矣其神若是何能廢

尊敕樓記

無聞堂稿

第五卷

三三 玄對樓梓

錢從石城先生遊十八年于茲矣始至先生飲
于貽穀堂問所貽曰吾祖貽之也祖以命堂考
以命余日倏然惟恐不穀以為先人辱後十年
再至先生得堂後地為樓數楹匾曰尊敕問所
敕曰昔奉以督學江西者吾尊之以造士士共
守之中曰欲先正人必先正己則尤所致力焉
而不敢懈為是者本求自靖後反速尤今雖歸
也猶不敢忘因藏于樓日夕對之曰吾無負于
是所藉以自慰者以此予為我記之貳負牆而

立曰噫嘻先生所謂終身不忘君者也夫士人
脩父祖之教于家而忘之於朝脩君之令於朝
而忘之于外非其心誠易化也以趨向異耳故
古之君子其行其止仰視之曰君謂我何內視
之曰親謂我何其心皜然如揭日月而遊諸市
也自少而老未始少變今見奉使諸大夫於
敕非不重也出則在前若或向焉止則在後若
或憑焉退而檢其所為中多恃戾蓋以毀譽是
非在下而不在上故寧負君不敢迂衆往往以
虛聲揜實浮美崇名求其內可銘之心外可語
之人遠可示之子孫如吾先生者鮮矣此先生
之所以歸也先生昔在江西得士最盛今數科
所舉猶先生弟子而貳與御史高鏞則先生舉
於南宮者受知最蚤故鏞為書匾貳為書其事
于牖上匪以夸後欲知先生者于此求之亦以
弟子者知先生者也

續刻桐城縣儒學科甲題名記

燕野陳侯治桐之三年吏畏民懷百廢俱舉文

新立條教與民休息至於學校用意尤勤一日
見碑石橫道間所欲為對者謂前令欲續刻科
甲題名因事不果侯曰是固不可已者迺屬掌
教邵君司訓丘君王君考次名第自黃泰而下
凡若干人重勒之石使鉞記其事鉞固讓不得
迺為之言曰於戲科甲之選其來尚矣夫士自
學而薦之鄉自鄉而薦之南宮已籍其名登之
天府其數歷中外則又著名四方今復題名于
學何也重其所自出也夫惟所出之地重而後
無聞焉卷五 三五 玄對樓梓

至矣况轉徙不常或數月而去或終歲而
遠者亦不過二三年而去最易匿情論者往
往謂科目不足以得人不知鄉舉里選之為有
益蓋以論之官者易私而論之鄉者難偽也不
然顧有當官不敢不慎及漁獵間里爭尺寸之
利於田野市肆之間何一人之身而旦夕異狀
此非詳於遠而畧於近也遠以求名近以厚殖
皆所謂利也夫義利不明由於學之不講是以
孔子論儒丁寧於人已之分孟子論學友擇於
王伯之辨蓋謂此耳今之士豈不能談王伯別
人已哉其所行迺爾是士罔不有口躬自背之
何異以學為賈也豈不重為科目累哉是以昔
人有言曰知人者外則有八觀六驗內則用六
戚四隱其情偽美惡譬之若逃兩汙無之而非
是夫戚與隱者亦指父兄故舊邑里門郭而言
之也論而至是則亦數矣可不慎歟嗚呼吾桐
之地最爾偏小至於科目代不乏人求其內外
交稱足為純儒者有幾人哉今其名具在也視

其前往者衆矣視其後來者何多往者固可追
論來者寧不可以深長思哉語云深山大澤寔
生龍蛇為龍誠靈為蛇將若之何此陳侯刻石
之意也侯名于階字允升號燕野遵化人嘉靖
壬戌進士以名者人之所重感之易與故造士
教民類若此

○助山堂記

善言山水之勝登臨之樂莫如柳州但柳州
挾盛氣多憑陵山水余嘗疑其言曰地雖勝得

無間稿

卷三

二十七 玄對樓

人為而居之則山若增而高水若闕而廣堂不
待飾而已矣是人有加於山水矣後入貴陽由
武陵展沅而上見山峻水冽而恠石嘉對交贊
為奇竊歎為仙靈之都達者所宜考槃曾無一
人樂於其地及臯及山水曰山狂水怒然後知
地雖勝不得其人祇以為陋信矣人之有加於
山水也余有田一區在麒麟山中見高峯疊障
四顧獨立而竹樹駢植蒼翠相輔意其中必有
人不及知者因令土人為導目遊一山見篤山

之孤特小龍之峭麗麒麟嶺之崔嵬石鼓之蜿蜒
蓮花峯之高秀舞蹈領之徊翔玄玄映之鬱盤
龍門冲之幽深雖不能與名山爭勝亦一方備
觀矣因為堂于石鼓山下盡揮羣山而友之山
亦交臂結駟迤邐若向吾而奔風雨晦明拱立
不去尤宜月出如營壘中觀天力斗不鳴繞身
戈戟各賦詩一章告於好事者好事者樂余之
樂往往有欲遊者則迎致之其欲遊而不能遊
者則強致之遊而不欲去者則慰留之山亦稍
解嘲於人矣每酒酣輒酹地而諭之曰山平靈
乎其不靈乎如其靈則吾効力於山抑大勤矣
山固漠然於我其清淑磅礴之氣既不能導我
德行又不能興我事功續我文章徒以色象索
我則余誠無負於山山實負余矣聞者大咲因
名其堂曰助山欲山靈之有嘉貺於我也堂成
於嘉靖乙丑九月

無間稿

卷三

二十八 玄對樓

梅江橋記

梅江在瑞州上游二十里二溪匯流處也其一

自安陂黃陂以汴湧橋其一自上漕下漕以汴
稠溪梅江仰吞而尾洩之故其端甚急又當商
安上高新昌三邑孔道每春漲則苦於待舟冬
涸則病於褰裳人人患之已非一日矣嘉靖庚
申適丹湖況大夫歸自擊而心傷之曰梅江去
吾井里近是天以橋屬我也廼捐俸資續以租
入伐察山石五閱歲而功成按狀橋高二丈三
尺長十有二丈廣一丈三尺為礮者三為墩者
四為費七伯餘金一日折簡走使告余曰此固
自貴陽功課也為我紀其歲月余曰此固邑子
大夫事哉以邑子大夫為此政可知已今天下
民生所最苦而日仰給于上者大略有三曰饑
曰寒曰溺先王因民之饑也有授田之制因民
之寒也有棠蔭之令因民之溺也有橋梁之設
饑者使自為之耕寒者使自為之織至於橋梁
則不以任民而上自任之謂非民力所能為也
於民且不可勞而顧可勞邑子大夫乎不然則
漕有之與抑何惻惻仁也而孟子反非之何謂

無聞堂稿

第五卷

壬午 玄對樓梓

其聽鄭國之政耳使子產一洪上匹夫無大夫
之位或晉為大夫而今老矣其所施於漕消者
或舟馬車馬水馬國史當大書之聖典之曰仁
謂能不私有其力也是以君子之於天下皆欲
以力濟人忍力之不足以濟人也思以政濟人
又恐政之未必能得也思以心濟人至於心則
人人可以為仁矣昔子貢欲大其功以博施濟
衆為仁孔子教之曰仁者已欲立而立人已欲
達而達人夫欲立欲達猶未立人達人也其視
博愛何如孔子不與彼而與此蓋以為苟有仁
者之心則不必力自我出政自我行而吾之心
已與天地萬物相為流通矣而況有其力者乎
又況有其政者乎有其政者急而不以濟人與
有其力者愜而不以濟人雖所失不同其為不
仁一也嗚呼吾聞况大夫而興起焉大夫昔與
吾比肩立朝時為宗伯署郎又與吾同事貴州
時為學政憲副此皆文章禮樂之司耳雖才學
著見而經世之略未究其施今退而歸也猶於

無聞堂稿

第五卷

壬午 玄對樓梓

梅江發之梅江之人何幸哉夫仕而歸者今天
下河衆且多也自謂無所用於世思以利其一
身日侵侵為官室田園所役又其甚者鑿山為
園引江為池鞭石為橋褻蒔花木歌舞其間侈
焉自以為適至於門墻之外溝洫水道族黨僅
僦車馬日往來不絕者雖一石一木可以濟人
亦不暇問况肯念及於千萬人之渡乎若况大
夫可謂有仁者之心又有仁者之力矣夫濟人
而至於以力則其心亦可悲已昔者夫子嘗謂
無聞室稿
第五卷
三十一 玄對樓梓
顏子曰回使爾多財吾為爾宰夫子欲兼濟天
下歷奸七十二國之君不肯輕用其道迺欲為
回宰財豈真以財為貴欲任時居積與端木生
爭奇乎此雖一時有為之言吾知得財則推以
濟人必也此所謂不得其上而思其次焉者也
况大夫治橋余既不勝執耒耨雜傭役以報昔
日共事之情迺使操筆硯以書成功固所願欲
焉噫今有位者不樂濟人而濟人者往往亟奪
其位天之不仁於人豈其甚哉大夫與吾當共

察之橋功始於嘉靖 年 月 日功就於嘉
靖 年 月 日况大夫名祚祺字吉夫丹湖
其別號也中嘉靖庚戌科進士祖環南京北部
郎父一經州大夫况氏高安世家也故仁而有
力云

弘教堂記

嘉靖丙寅少岡郭公自諫垣移官理安慶一日
過桐歷覽山川顧謂欽曰風氣盤鬱若此當有
賢人君子出於其間何其宜有而久未有也欽

無聞室稿
第五卷

三十一 玄對樓梓

曰未有教之者耳明年為隆慶改元丁卯春正
月來署縣事宅所未遑即環視學官署之脩其
廢壞一之日躬約邑子大夫與諸生講學於明
倫堂竟日始罷二之日以啟聖祠僻而隘奉其
主于存存堂堂在明倫堂後致齋燕饗所也三
之日奉名宦于啟聖祠又以鄉賢移祀敬業堂
堂故會厝所也迺以名宦祠為正學書院鄉賢
祠為輔仁會所二祠在治西四之日以學東陳
地為弘教堂堂左右為號舍總若干楹將以教

士於此而公行矣公在吾桐先後凡七十日決
滯獄正風俗均里終訟速負脩侯政善善惡惡
一時風動其於學校用意尤勤可謂切於造士
矣公去周令至代石紀公盛舉以欽舊僚友也
使書其事而教諭鄉君宗魯訓導劉君洋應君
銳以課士而士不至欲申言弘教之意欽曰噫
嘻茲固所謂弘教也夫不得其意眎其事且何
以尊啟聖為哉欲人弘其教于子孫也又何以
及於鄉賢為哉欲人弘其教于里黨也又何以

樂聞堂稿

第五卷

手主玄對樓梓

及於名宦為哉欲人弘其教于四方也儒者居
則令子孫化之里黨化之出則令四方化之是
即所謂教也又何言曰教亦多術矣不有進於
是者曰弘教堂去明倫堂不數武弘教堂予雖
不輕至明倫堂則予少所從事之地習聞其教
矣今將以明倫者教之乎抑有出於明倫之外
者乎夫今之學者非不能教之為患廼教之多
術為患循之訓農者然曰生之以時用之以礼
先公家而後私室先父母而後妻子是則訓之

之道也若一易再易之法字特樹樹之論長兄
去弟之方鳴車而聚之擊鐸而詔之日摠摠焉
聽于上是病之也吾故謂郭公之所為教屬意
速矣不在訓詁文藝間也昔子貢謂子石曰何
不學詩曰吾暇乎哉父母求吾孝兄弟求吾友
朋友求吾信吾暇乎哉子貢曰善哉子之學也
吾將棄吾之學而學子之學由是觀之教願在
於多術乎是故堂成而吾懼焉吾何懼其以
俗學學也曾子曰君子行於道路其有父者可

樂聞堂稿

第五卷

手主玄對樓梓

知也其有師者可知也吾亦曰升其堂其為俗
學者可知也其不為俗學者可知也少岡公行
且深過吾桐深過而深見之願而喜曰桐有賢
人君子則其教行不然則所謂山川風氣當別
有攸屬矣是可懼也已郭名嵩字汝中少岡其
別號也湖廣潛江縣人癸丑進士周名芸字用
馨號仰南湖之景陵縣人乙丑進士二縣俱屬
承天故意念相承若此教諭郭欲出羨金多市
書史皮于壁間使諸生弦誦其中亦弘教之意

也因書而趣之堂成于隆慶二年二月

上江防御史行臺題名記

十三道御史之在部都者歲題

請各巡視一事惟江防為最重以二御史主之

自陪都而下屬之海謂之下江防自陪都而上

屬之九江謂之上江防然上江諸郡惟安慶尤

為要害蓋盜以舟楫為車馬以風帆為嚮導故

彭蠡洞庭之盜乘便則順流而下海洲金焦之

盜乘便則溯流而上是安慶為江湖之下流佳

無聞堂稿

第五卷

手五 玄對樓梓

海之上游故特建御史行臺于此凡歲時得新
命者先至安慶布文告視事然後遍歷諸部下
郡邑待御越峰王公先為太湖尹知江防所繫
者重後以賢良徵為御史適有是任首至郡多
所舉措即檢括諸御史先有事於茲者得若干
人代石紀名其有功與無功皆可攷見用意深
遠矣虛上方令貳府劉君愆問記於鈇因告之
曰今天下大防有三其一邊防其二海防其三
江防邊防以防虜虜猶虎狼然急去急來海防

以防倭倭猶鯨鯢然倏出倏沒其患至大故其

為防在文則有總督有巡撫有兵備以下諸臣

武則有總兵有副總有叅將守備以下諸臣抑

何密也江防則不過一時流劫之盜且在諸郡

邑之間惟以御史一人巡察有司之勤惰而已

故人皆易之然不知邊與海則在中國之外吾

人不至其地惟侵犯則禦之至於江防則賦稅

之所轉輸商賈之所奏集士夫之所往來彼日

擾擾于其中猶之鼠蝎之在墻墉能使吾居處

無聞堂稿

第五卷

三十六

玄對樓梓

不寧其患雖小而切且近尤不可略往時一御
史治之而有餘亡何而操江都御史則又兼上
下江防而有之其任反重於有司矣既有地方
之寄勢不可無兵既有矢勢不可無養既養兵
勢不得不取之民自是民間又增一兵費之科
矣昔李牧一即守耳力能抗胡豈有大郡鉅邑
列城相望左提而右挈之不能治一衣帶之水
乎夫捕魚者提其綱于上而密其罟于下始能
得魚若法徒密于上而不密于下雖歲增一官

無益也雖然有要焉吾聞之江上丈人矣其言曰攘盜之要惟窮其盜之所隱者耳隱者何巢穴是也夫虜以沙漠為穴倭以島嶼為穴至於盜則以洲渚為穴故民之在洲渚者編蘆而居枕江而寢結網而食皆非上著實與賊相為表裏追者急則捨舟而陸追者懈則又奪舟而劫矣使洲渚之間更無駐足之地又豈能終歲在洪濤巨浪中耶然洲渚之屬有司者易制惟屬勲戚及南京諸衙門者不可窮詰而四方逋逃無聞堂新第五卷 三十七 玄對樓排

與負重累者皆竄入其中相聚為奸有司使一人搜治之則鳴鑼持挺相向矣必與操院講求其欲并謀而執憲之聞于

上使盡屬之有司或有額稅亦當代為徵輸則盜無所隱而其法易行此亦一說也欽澤國之人也其耳聞若此耳謂楚人而楚語也

借樂亭記

桐四塞皆山其最勝者東則有浮渡山白雲巖南則有大龍山小龍山皆去縣百里北則有洪

薄山麒麟山西則有五嶺挂車山皆去縣四五十里其最近者則龍眠山鳳凰山靈泉山然龍眠其山窅鳳凰其山峭遊者歲不能一至惟靈泉山秀而磅礴為縣之後龍自仙姑井至王母塔橫亘數里皆其支也民枕山而居為縣之右閭閻之中為正學書院為輔仁會所書院之後有山隱然而起圓上泰下高不數仞見可百里是年古泉盛亞卿欲移屋其上力不能就侯登而四望見群山垣列而村居市廛秩秩于白雲紫霧之中龍眠水桐陂水穿閭里左腋蜿蜒如白龍南下而練潭鴨湖白兔河諸水綿注而絡匯之與山演漾生奇侯曰有以也桐無城郭而安不貿易而足豈非山水鬱盤風氣完聚故耶是山誠不可以無亭廼廓其巔為屋三楹芥月始成一時觀者欣忭如突入層霄山水驟合因名其亭曰借樂其丞李君某簿張君某尉丁君某伐石紀侯建亭日月求余書其事以傳余曰曠哉侯之見也今之仕者喜言憂而忘言樂故

其之官也與小民言憫其窮而恤其困焉嗚呼
如新出湯火而浣濯之計不十全不已其與上
大夫言又極言民俗之倦而吾所以拯之者若
此之勤使聞者惻然稱歎以故其聲日廣以大
其擢而去也常不待期至於山谷之美溪壑之
勝可以一覽而樂者亦垂睫不顧叱馭不入曰
吾暇乎哉及考其政則未必然此無它無愛心
故也夫樂生于愛故愛蔭者及樹愛屋者及鳥
豈有愛其人民而不及其山川土地哉吾嘗見
家人翁過其諸子之舍笑雖一山一水一草一
木無不加念環視其田疇易陂塘固林園茂則
陶然樂之否則怒及其過它人之舍則不然矣
故古之人與民偕樂非真列屋而居之推甘而
食之懸鍾鼓而悅之各得其情焉爾夫樂者何
情之所適也吾適人之所適人亦適吾之適交
相愛者也知此道者吾於周侯見之矣周侯之
至桐也適萬事更新之日人皆銳於求治其於
民事猶之比櫛髮髮及之矣侯詢俗察情曰民

以為苦奈何勞之一切與民休息人曰桐人
憚侯曰人畏罪云何憚人曰桐人詐侯曰獵者
狡兔安得不狡云何詐人曰桐人多訟侯曰人
情不得其平則鳴云何不訟上既安於清淨而
無微召猷扑之煩下亦安於閭閻而無奔走震
之擾是不偏為愛威以相譽悅者也但見以
役至者不及庭而退以糧稅至者不弛肩而
退以告言至者不越宿而退恬然相安於無事
此亭之所由作也雖然吾嘗疑古之賢者喜雨
有亭豐樂有亭本因一事而作亭乃至今存使
其意止此然則兩有時而曠豐有時而歉將若
之何審此則知所以為樂矣侯以乙丑進士未
令桐年不滿三十以赤心臨民惟其心真故樂
亦真愛亦真余愛其與人真也故樂為之記侯
名芸字用馨別號仰南湖之景陵人

許母行狀

太安人強氏吾師太常許公毅之母也太常公為吏部主事以廟典乞恩贈其父攝泉公為考功主事母封為太安人後歷官俱未加褒故仍稱為太安人云甲辰試南宮為太常公所舉士時太安人從養在都邸年七十載群諸弟子升堂為壽母容容見客行立有度始見母儀後太常公由選部郎南陞太常行之日出抄本書徧與諸弟子諸弟子疑之曰吾性喜書銓

無關痛癢

第五卷

四十二

玄對機

南京尚寶卿太安人從之還甚樂謂宦遊桑梓也未幾太常公因言謝歸人皆以母為慮太安人獨喜曰我女人不知外事然入官歲從兒行實不見兒有不美事又慮吾老不能從兒遊歷四方今得母子相保足矣是後日安太常公養以是益復知其識量甲寅壽八十時宮諭槐野王公為文大宗伯李泉孫公少宰洞山尹公少宗伯礪峯康公少司寇景山錢公少司空肖泉林公太常九山全公鴻臚廬川孫公以年誼偕

無關痛癢

第五卷

四十二

玄對機

曹官多能書吏以故書益多昨檢篋至不能載太安人曰吾聞作吏部官多金珠玩好今幸無此而所載者迺若是雖美事人安知篋中藏者以是不復市篋故分送諸君弟子輩起拜皆賢智其母後謗太常公者卒如母所云以是迺知母教然太常公母子一日不見輒思後調補而浙鹽運副使太安人從晉陞江西僉事提調學校太安人從然苦病脾太常公出試列郡每聞奔歸後太安人恐擾試事病輒隱不以報尋轉

來上壽曰登堂拜母古人有行兇許母乎太宰三渠王公聞之曰盛事也我固當往如是同舉者數歲今年太宗伯西野李公繼至又同諸公往見母意安色和私以百齡期之陪都仕人相傳以為榮曰太常公得此尤不易哉以通政入京得再拜壽母視其貌與七十時無異後外徙不二月聞太安人逝矣迺知竟以脾疾終焉太常公遣人報訃且告之曰汝吾通家子也曷狀吾母吾哀苦荒迷不復能詳言母德惟叙母世

系年月言行俱小小者汝采撮之據所述太安人其先本華亭人以閩右徙京占籍上元祖英以鄉舉歷郡博父毅以鄉舉為紹興府推太安人長女也生而柔順貞靜甚愛之時考功攝泉公有才名白下囚其失偶遂歸焉攝泉公博古好吟咏不事家人產其所交遊盡四方文學之士士至相與賦詩移日始退太安人治具食客客皆樂又好遊名山嘗南尋吳越北之燕趙行李糗糧太安人能立辨以故攝泉公行得無慮

無聞室稿

第五卷

四十三

玄對樓辨

其事舅怡筠君姑黃能盡禮長姑適魏早寡迎歸同居事之比母又事攝泉公前配家汪歲時候遣與強無異能令汪族往來如常其妯娌多橫能以禮事之卒化為睦此豈人所易能哉以是益知母內事母生干成化乙未三月十七日卒于嘉靖辛酉六月二十日享壽八十有七雖後攝泉公卒三十有六載每遇令節未嘗不思攝泉公淚簌簌下卒之前一日脾益困猶令婢兒掖至樓上禮拜諸神若與談然次日遂不起

無聞室稿

第五卷

四十四

玄對樓辨

計攝泉君忌辰止問一日人以為異云生男一即太常公娶陳氏封安人女一適王廷祚賢而蚤卒孫男二長恒吉國子生娶徐氏次元吉國子生娶江氏曾孫三長天叙聘王太保孫女次天慶聘俞上舍女次天貴幼女七人長適何太守孫世輔次聘朱錦衣孫鶴鳴指揮應襲次聘黃司封子祖儒次聘余御史孫震鳴餘幼今將年 月 日與封君合葬于安德門外母葬禮宜有銘銘必出有道公卿筆廼足重母古

人重銘謂將以垂金石示不朽哉雖不能盡知其美其所聞者皆可稱不朽云

無聞堂稿第六卷

題守園日抄

桐城趙鈺

張子持守園日抄至適余將抱牘繼督獄者往
皚霜寶歲當議辟日惴然作念曰此一月可以
白吾顛矣及誦日抄見沉鬱間雅若在蘭亭鑑
水間者歎曰張子暇哉能慶事有道哉夫詩莫
如王孟即使離泉石屏花鳥望土墻數匝奏當
者輪至日眠食鈴柝間能為天然語爛溢若茲
哉夫居幽則寂出谷則歌皆其志不素定者若
張子可謂能養矣

題山斗遺思卷

山斗遺思卷者桐士為會和邵君作也君教桐
有年一旦擢令安丘士思之形於歌咏凡若干
首咸重其去仰如山斗云鈺誦而歎曰猶歟
哉邵君得士如此政可知矣夫士與民不同自
兩漢而下民之歌其上如兩岐五袴之謠史不
絕書而弟子之於師慕其德而頌之者代不數

見豈非師道難耶夫民易感而士難悅政易齊

而化難乎故甘言小惠足以動百姓之譽而不

能得士君子之心若豈可以偽致哉故得民易

得士難廼自古記之矣烏呼若為政於安丘則

郵易焉蓋其地斥鹵民苦徭役往往棄其畊土

爭塩鑛之利以為生不待深仁豐澤然後為悅

者也君以愛士者愛民有不雖然赴哉其頌聲

之作又可且暮期矣噫嘻異日必有永渠丘之

謠以續是卷之後者或云當為邵君弟子

敬修先生引言

余讀敬修先生詩集而知秦之開美也有隱君
子焉往吾從秦大夫遊高其先世有二孝子以
為得天在是然未知孝子之所自出也廼今知
為敬修先生焉先生往矣今讀其詩則因事成
言遇景命賦直吐胸臆風骨自存固非撒它人
之藩籬作自己之門戶者誦之真足以使人感
焉亦其中之所存者厚也集中傑句俊語傳炙
人口余有味於其言者數篇曰萬竿竹裏孤亭

小蒲地湘雲客來少紅簾高捲坐兀然洙泗淵

源自探討此豈白首王孟之門以吟咏放浪為事者哉而晚年所造益深如曰所以動靜機流轉難執定既放能復馭乃見本然性虛明湛無物如彼一大鏡光明照十方跬步不由徑間從清士遊安得長華競人孰無小過改之乃為勝則漸見性真超出塵表矣嗚呼昔論昌黎公謂因文見道則先生其因詩見性者歟即先生之言固可見其行事而當時二子猶以孝稱何夫

無聞堂稿

第六卷

三

古對樓春

孝者謂其委曲危苦以事難事之親得父乃若此則二子者其曾子養志者流耶先生之詩久行於世今曾孫又搜其遺逸重刻以傳則先生不但能使其子孝又能使數世之後孝思無窮則詩之感人也益深矣先生名字號敬脩以其子方伯君貴封中憲大夫曾孫名瀚字號從川亦以子通政君貴封奉政大夫則世德多同可謂濟美矣又聞從川公方復先生吟社時有勝集它日亦必有詩與此集並傳焉

尚欲誦而叙之託名于隱君子間也

古今原始引言

原始者何謂始作也古人因時立制以開物成務不能無作作皆聖者事也然有不得不作者有可以無作而作者如耒耜焉而耕機杼焉而織宮室焉而居干戈焉而衛此其功與天禹地負者埒也安知其後有玳筵文綺之濫峻宇雕

無聞堂稿

第六卷

五

古對樓春

牆之飾盈野成川之慘哉作者如此害猶若是况其它乎故昔人有言曰勿為禍先勿為福始夫禍先誠不可為矣福始廼亦不可為此其意遠矣是以孔子修春秋於初稅畝作丘甲皆謹書之所以示誠也其自叙亦曰述而不作信而好古非不能作也不欲作也作者自三代以下母多論以建官一事言之唐虞惟百夏商倍之周則三百下逮秦漢自佐史以至於丞相十三萬三百八十五人可謂備矣其治反不若前蓋

以官愈多而愈亂也乘其後者不知補偏救敝
益復更張以求勝前之所為斷天下之樸而盡
散之其害有不可勝言者矣此吾原始所由作
也所載皆一事自為一始後所踵襲而行者其
末也有善有不善亦自可攷鏡焉

考古辭宗引言

考古辭宗學憲况大夫所彙次也大夫好古重
文因修辭指南止收爾雅左傳漢雋書叙指南
而不及文選雙字類要廼與少參徐大夫重纂

無聞彙編

第六卷

六

玄對機梓

緝之合為一書事以類分使作者采焉雖皆瑣
語碎文誠括取百氏之菁華褒然詞家之紺珠
也書成侍御晴郊巫公見而悅之曰貴地僻遠
書籍莫能多致士具有美質率鮮博洽是書博
而且約足可為助因舉以示鈇鈇曰此類書者
流也所從來尚矣昔唐重詞賦故類書亦盛行
于唐學者轉相蒐集以競駢麗至今以為便然
所貴於文者情以為經辭以為緯雖重天成苟
乏藻績則神色不備故古人有富於千篇貧於

一字之歎况篇簡浩繁時日不給則採摭固修

辭者所不廢也是書其可少哉抑吾聞之學士
故老云博學者猶之賈然匪但菽粟布帛足供
民用雖方外之珍寓內之寶如蜀錦越羅齊絺
魯縞上至於禹之錯湯之球崑山之玉南海之
珠凡羽毛卉木可為玩好罔不具備始稱珍藏
而善作者猶之庖然得一鬻之肉一握之蔬和
以五味即可饕薦若水火失度醯醢乖調雖有
麟之脯鷄之臠熊蹯之臠獐牛之股非不奇異

無聞彙編

第六卷

七

玄對機梓

反無當於口食者無取焉其所重固有在也自
今論之古之好奇多識莫如楊子雲其作玄擬
易當時無有知者獨侯芭載酒相過時問奇字
今取其書讀之匪字之奇廼擬贊之妙蓋易之
數以變玄之數以逢易以八八為數玄以九九
為數四位成列九虛旁通故識者稱之謂玄最
得太衍之數芭不之問廼問奇字此芭之所以
止於芭也雖然學者每儉於考索患在鄙陋誠
於此而有得焉則因事綴辭正名命物隨取隨

給亦可謂閎肆矣侍御公曰然是言固足以說是書也因并于篇端刻之

張惺庵墓誌銘

嘉靖二十七年六月廿二日比部張大夫惺庵卒於京邸返櫬於家又七年為嘉靖甲寅始謀祔葬先塋其子如齡遠來墨衰長跪而告銘曰先大夫將即土矣往登第時齡在襁褓居官時齡隨祖母在家卒時齡就傳愚未有知今問先大夫歷履行實於親友莫能識也惟公與先大

無聞堂稿

第六卷

人

玄對樓梓

夫雅善且久敢以銘請余思張大夫訣時以親老子少為恨今見子長且冠又能追思其親言與淚雜下亦自念交遊最久謹誌其所見聞者納于墓大夫諱科字子漸別號惺庵世為安慶太湖人也大夫初生時有異兆長負奇氣其父甚愛之曰是兒長大可使業儒遊近邑見桐俗重士遂攜家來桐縱兒與桐人學大夫時年八歲與武同學里社見大夫強記過人年十六七能屬文欲遊桐庠以籍故復返太湖遂為湖學

名弟子武每同試見湖學必首大夫嘉靖庚子大夫舉于鄉武偶同舉辛丑舉進士武下第歸與大夫遠次年大夫授官行人奉使湖藩道過桐謂桐舊所受學下車步過閭門與桐父老子弟日歡飲道故桐令素忌達官貴人見大夫新得第歸去故里近而戚屬又多在桐甚易之視如邑子大夫大夫不與校又恐其顯有時陵已先詬言當道曰行人過故鄉甚倨令親識多據要地其言易行居久之大夫竟以行人陞司副

無聞堂稿

第六卷

九

玄對樓梓

人皆惜大夫不為臺諫大夫曰丈夫子不擇官而仕獸臺諫能致身哉安知不為臺諫不為福武聞其言知大夫量且嘉其識後詮曹察大夫賢不一年以右副陞司正左司副李于大夫同年以大夫踰已書鐫銓曹諸大夫謂失左右叙諸大夫笑而不應曰臺察張大行不司副矣李尋補外大夫既為司正曰行人司儲養臺諫之地也今雖閒省他日執王章駁正四方奏聞出巡郡邑以法糾察吏治責不重哉當豫開濬律

因身宿司中與諸行人約日會律一特行人皆
達國體諸律令謂大夫功以明律故遂陞刑部
山東司郎中欽又見大夫能隨事盡職繼大夫
為司正者馮子亦大夫同年以心病不得選謂
大夫陰傷之幸大夫去重求其過以支放糧俸
中為可鈎致中大夫以私卒不得行大夫咲曰
行人司顧贖貨者地哉人因是益重大夫將有
殊擢而大夫死矣嗚呼痛哉先大夫病癰初潰
即與入司決事僚友止之大夫曰我病癰不能
無聞室稿 卷六 十一 玄對樓梓
耐五日痛罪者顧樂久禁哉出猶恐後竟以是
三日不起痛哉大夫體貌魁梧性復廓達人望
之皆謂貴且壽詎知壽止是卒時匣不能一金
欽與同鄉侍御盛君汝謙阮君鶚部郎徐君桂
戴君完為之木而同年姜君博等及其僚友凡
二百人為之賻以歸經七年適羅君近溪來宰
邑素與大夫善重大夫葬事教其子以孝大夫
生雖為人忌沒後惜而念之者眾且久若此益
知大夫為長者矣大夫生於正德甲戌年月日

卒于嘉靖戊申年月日得壽三十五以甲寅年
棄于白水源父億封行人司副母 氏封孺人
妻孫氏封孺人子二長如齡聘章氏次如載聘
氏女一適某按張氏祖曰雲意者仕元為尚
書雲意生惠能醫余忠宣公字之曰濟川且為
之說今墨績猶存蓋有道術者惠生孟儀孟儀
生廷用是為大夫祖皆不仕至大夫始以儒顯
云銘曰
仰其人頌如標其度廓如望其阡宰如焉如
無聞室稿 卷六 十一 玄對樓梓
明故處士李諱之墓誌銘
嘉靖三十九年春正月有故人李諱之子曰濂
選者訪余於琅玕山中延之入見其色慘氣摧
儒冠而履中衰而表吉曰子何服是因泣下
曰吾亡吾父余亦亦問其年曰五十五曰未老
也問其疾曰病脾問所遺言曰必趙公一言銘
我曰先猶不忘我乎余初不識誨之嘉靖癸子
冬計偕北上至王莊驛雪甚盛酒長吟有二
丈夫長揖而進曰吾里中人也諸君阻雪而驛

故敵鄙人舍去驛不百步近敢以寒為請問其
名知誨之名訓獻之名謨兄弟也重其意同方
石洲恒卷伯兄主於其家惟洽雪霽始發後余
南北驅馳誨之兄弟必要致如初問其里人
益知誨之長者也誨之家本無所積但急拯人
族人常苦徭役欲它徙因出粟百斛代輸令安
故里而族弟吏相卒于京師不能歸遣弟治喪
還葬之其子市田求償不許又途遇山西承差
韓雄病扶于家暨治得痊厚贖使去後雄為漁
陽丞請謝不仕遺之金亦不受其好士樂施不
求人報類如此以故鄉人德之邑大夫聞其賢
飲舉為賓辭年不及終迎致之此豈不賢能是
乃不克大壽而先豈非命耶豈非命耶按狀誨
之先世無攷有諱盛者為誨之始祖始占籍於
靈璧縣居陡溝村盛生得名得名生謙始家王
莊誨生秀秀配張氏生誨之誨之號北川生於
弘治十八年六月念九日卒于嘉靖三十八年
三月五日將以是年二月日附塋于陡溝祖原

靈璧縣志

卷六

十二 玄對 韓林

一 瀛選庠生娶張氏女一造明威將軍胡
珎之子從治庠生孫女一幼誨之弟獻之省
祭又雅集禮同履雍穆無一間言以故誨之死
無一言及家事時人稱為二難云銘曰
陡溝水清且漣陡溝樹秀而繁使人停車而思
望風而泣都是義上之原

邑侯燕野陳先生去思碑

燕野陳侯之治吾桐也正民風積靡之後仕論
漸明之時侯能持之以正守之以儉而又行之

靈璧縣志

卷六

十三 玄對 韓林

以不迫視民之最苦者條蕩之事之極弊者更
置之人之甚黠而足以擾民者法制之既歷四
年民皆晏然安矣廼以循良內徵百姓惓然如
赤子之失慈母去之日父老率子弟數百人環
拜於鉞之庭曰侯之功德入人深矣吾輩不能
忘今構亭于河之干伐石以紀侯政野人不
文顧子大夫為之言余曰侯何以得此於父老
子弟哉吾聞善為政者使民思不若使民忘使
民思者如寒而予之裘溺而予之舟濟人而人

我德者也使民忘者先寒而我其具來先溺而
戒其具舟濟人而我無與焉者也故孔子曰民
可使由之不可使知之可使由者如魚之遊於
水也不可使知者如魚之不知有水也遊於水
而不知有水此江海之所以為大也若鰓鰕鱗
鱖之類遊於溝澮溪澗之中當其雨集泉盛非
不揚鬐自得及其涸也困于泥淖之中有人持
斗斛之水以活之有不汕汕為快哉公等皆鰓
鰕鱗鱖之類也恐不足以知侯政曰否否吾輩
所謂樂樂利利者也吾見今之為政者好以智
掩人以術困人又以聰明才辨乘人往往多以
已意變易前之所為以利不百不止不知開一
竇者生百隙樹一木者來萬蟻小民至愚習聞
已事及聞變法未見其利先已懨懨憂且疑矣
今侯之在桐日遊歷咨度以求民隱里甲均矣
賦徭簡矣驛傳定矣丁糧平矣樹畜廣矣圩堤
築矣庫役革矣鄉約行矣保甲嚴矣學校興矣
此皆可永永行之而無弊者也吾恐繼之者復

從而議其後則侯去而政亦去矣此吾輩所以
欲子大夫之有言也余曰所貴於扁鵲者謂其
因病制藥所貴於賢智者謂其因時立政政者
便民不拘於故安知來者又非與時為損益乎
父老子弟復坐而進曰軍多令則亂酒多約則
難服牛者以駒軛馬者以羈軛使去羈軛
軛雖可以思牛馬彼亦不知所應矣侯之政凡
可以便民者無不為之吾之思侯意在政常及
我耳曰侯之政誠便乎曰便曰四境皆以為便
乎曰便曰既便矣是不可以不書亦不可以不
思侯名于階字允升號燕野壬戌進士遵化人
去桐在嘉靖丁卯六月

越峯王侯去思碑

太湖與桐相去二百餘里間有賢侯王越峯先
生者以循良內徵去之日其父老子弟欲像而
祀之侯蹴然曰我有政則在汝土我有德則在
汝身汝念我則在汝心汝誦我則在汝口奈何
效墨之民迺欲土木我耶余曰達者也餘自

忘者也今入為南臺已歲餘矣民猶思之曰吾終不能忘侯廼伐石輦至雷博士前曰其為我民紀侯之功德將列實于翁羅二侯左右博士曰吾有交遊之澤於侯雖能言亦私廼今吳生湯生率諸父老詣釵道故余曰吾與侯遠汝試言侯之所以繫民之思與民之所以不能不思者何在曰侯不令民喜亦不令民駭不令民勞亦不令民縱往見邑侯去其民馳走四方以承事上官侯未嘗輕出日坐堂上被服若儒生熙熙然無喧呼敲朴之聲訟者皆分背而去庭至午輒虛又無追召期約之煩民得安其田里以時興事至於獎孝節去肘腋之獨則惟恐緩此所重童童在人者余曰若所云云淺淺乎知侯矣因問諸士請深言之曰民也愚且陋雖諸士亦言之不能盡大都民之於侯若赤子之於慈母母之德不過寒則衣之饑則哺之行則負之寢則讓乾食則推羹長則授學壯則議室非有奇恩異於它母也但一日無母則不安母辰出而

午未歸則叫號求之矣民之思侯亦若此而已矣余曰有是哉可謂善言之矣昔遽伯玉為政子貢觀之曰何以治國曰以弗治治之時簡子欲伐衛使史黯往觀焉還報曰國有遽伯玉未可以加兵夫弗治之治既足以得民又足以重國效寧至是乎要在安民耳今則猶廓車為務大之大則大矣吾懼其裂也此無它挈挈然欲以才能自見好為可喜可駭之政以震耀鼓舞其民是以朝下一令曰吾為民興利如此利可十世如此利可百世既傳示其民又書之策以白之監司監司見之喜亟獎之曰是何異良賈之任時健婦之當戶也惠民哉令也久又下一令曰吾為民除害如此則累重如此則累輕又傳示其民書之策以白之監司監司則又為之喜亟獎之曰是何異良醫之已病同室之挾焚也蘇民哉令也今讀其策誠然雖終日談之不能盡累牘載之不能詳及退而問之民間言利不利者互異求如王侯安靜之政何可得耶因

有感於古之誦其上者如畫一之默不過循故事已耳五禘之誦不過他大禁已耳宜民之不思而顧思之政固以勿事為貴乎然則湖民之思王侯也亦宜侯名嘉賓字國光越峯其號也中嘉靖壬戌科進士碑勒於隆慶元年 月

東門王氏祖塋碑

吾讀禮聞古者墓而不墳孔子少孤失父墓所在後得合葬于防始封識之曰吾東西南北人也然則封識慮其失耳後人磐密石高數尺勒

無聞堂稿

卷六

十

玄對樓碑

置墓左要名位人華言之不顧事功有無令過者稱善始失古人之意矣古者墓必郊外各有封域吾桐王氏餘家三墓獨在治內意當時民尚未聚此其墟也今閭里宮室櫛比止存一園王生偕雖世守之恐遠而易忘廼鳩材為饗室數楹且表以石徵文示永所謂識之之說也余曰嗚呼葬不可不慎也古葬者必卜非邀求利澤其所患者遠如城郭官室易犯尤所忌避且有墓大夫司之周末有君季氏子者成寢于杜

氏墓上後復許其合葬吾不審為上者寧寧人之墓而不之忌為子者寧穴人之室以葬而不求改此其故何也意者昔人既藏不復祭耳中古以後風氣漸漓父在即諸昆弟割席不時時見惟墓祭無敢不至往往少長始得相揖讓墻間則祭墓雖非古而聯屬人心在今時為最切矧王氏祖塋百世所共又在民居之內所當深慮者乎王生之舉誠義事也按墓前臨溪水今隣居間之後即其家世所宅也東向最上而馬

無聞堂稿

卷六

十

玄對樓碑

賢者名貞乙王氏始祖次逐次迪即二世祖偕即逐之後也世遠志行無可表見但訖今十一代歲時携尊俎香楮至者凡七八百人亦可見其源深而本茂矣王固桐舊著姓也桐俗不便構造闢國初獨王氏樓居人稱為樓王氏後數十年有汪姓亦建樓人目稱東樓王南樓汪兩美之今王吾祖母所自出汪吾母所自出是王氏之澤世且及我也故喜為之記偕庠生質美行萬它日當顯其家而其父鄭尤醇樸知禮

觀是舉可知已又開其族樂助者若干人則王氏多義族必興矣碑立于某年某月某日

中洲郭先生傳

中洲郭先生者湖之承天潛江人也名世朝字懋貞先生少即有鉅人志年十一補博士弟子員邑初有蓮伯魯公鐸以治書顯士以此耀之多治書先生曰五經并列學官而聖人立教詩尤最切何經不可致用迺獨誦習詩自念無所稟承日專精搜析疑異采獲所安每試有司輒無聞堂稿

第六卷 二十 玄對樓稿

先之稱得詩人指趣因與龔生李生何生輩轉相傳授數歲間詩生幾庠之半故潛之詩教皆稱中洲先生云先生性孝友大父末年抱危疾旦夕泣侍左右弗去毋孀居奉之盡禮與季弟同財不問出入後弟蚤逝撫其孤篤於已子至於族人相其不足均給之有名顯者計其一門伯封兄弟姊妹先後為舉八喪且恤其後故潛人謂先生得詩教其仁厚能若此先世有宅一區豪家欲計奪之先生度其力弗與較曰是土

皆可土必此土為吾土耶迺出營別墅後其人愧謝復還嘆曰此土去而復來果地之靈耶抑吾先子之靈耶不可以私居辱之因創為祠堂歲時祓獻畢為宴會以親族人涇野先生楠聞而嘉之題其堂曰孝思祠後置為書院以郢之先賢莫如周茂村因繪圖祀茂叔并及程朱諸先生堂外有亭有齋有講經所延邑中諸士及子弟輩講肄其中大有興起水南張公袞以魯之申公瓚丘江公比之語具書院記中先生負才屢舉不利人皆為先生惜後嘉靖間行選貢例習學者曰此不可為郭生地乎欲超致之時正貢長矣先生固讓之不就曰吾不能自致風雲奈何塞長者路耶後序至始貢貢即赴國學讀書一室與涇野先生往來論學曰為學不在多言即日用處除種種是道苟心不信向雖古貌古冠何益涇野先生以內外二編授之曰為行君子哉郢固多賢也又退學書院中十一年因仲子岱隨計赴春官曰吾今可以出矣迺謁

以詩舉進士任兵科右給事中

贈先生如其官崑後以貢仕至廣東廉州府推官位仕至河南鄧州知州并有政聲諸孫咸誦習詩潛江故多貴姓能世其學者稱東門郭氏云

趙生曰余嘗與郭給舍游給舍談先世有允恭公者於中洲先生為大父曾收責於簾幃彭氏彭欺而不償公遂巡求歸曰寒至矣幸以褥餼我後抵舟於褥中得金七十僕曰人負之而天

酬之天道遠乎公曰不可褥中之金必非義藏

其人瘠悍它日求金不得必罪及僮僕妻妾彼雖不我疑於吾心何亟回舟語故其僕妾已排捷至酷烈矣廼一家呼天稱謝噫此一事已足與中洲先生矣竟不顯何語云君子貴樹木不貴樹穀不願獲之驟也若郭氏則載世封植之矣抑何賢哲之多也有本哉給舍與余同官今又移官理皖得再聞家世事故因而具論之

與日者語

有為五子之學者以術鳴池陽時趙子以操瑟屢蹶墨墨江淮間一日杖策而東將步九華望金陵放吳越之舟飭齊魯之轡窮大人之所造而休焉不復計時詘信與造物者競也遭日者於次挽余舟而止之曰吾能以歲月日時知人休咎其富貴貧賤壽夭十得六七焉吾為子占之曰子之生也歲在箕斗其得子而通得辰而昌今已亥其剝復之交乎恭至矣盍須臾余聞而哭之曰天可測乎時伯兄恒菴以學先鳴亦

困於時復占之曰異哉其一家亨運之會乎何
時之相值也其出處當與季氏同余重嘆之曰
天可測乎既而庚子余兄弟偕竊竿南歸者迎
而謂之曰術如之何余應之曰昔造文而險今
造文而易昔積之薄今積之厚意者其厚薄險
易之驗歟曰噫嘻天固不可測人顧能勝之哉
必若而言則窮者以道勝津上之車輟矣貧者
以力勝鶉衣之士祿矣天者以養勝心齋之子
祺矣何脩短潛見若是其什伯千萬也哉故同
無聞堂稿 第六卷 辛酉 玄對樓梓

之

幾希圖說

昔舜之居深山中與木石居與鹿豕遊其所以
異於野人也者幾希夫幾希者何即惟微之義
也舜之自聖以此故後之命禹亦以此夫舜大
聖人也其在歷山時耕者流也在河濱時治者
流也在雷澤時漁者流也當時耕者治者漁者
不知舜之為聖曰瞽子吾友也舜亦不自知其
為聖曰耕者治者漁者吾友也此舜之所以善
與人同也及其聞一善言見一善行沛然若決
江河此則幾希之發用而耕者治者漁者當此
之時與舜對面千里矣此舜之所以大異於人
也今之學者不知務此或挾富或挾貴或挾閥
閥或挾文學狼狽然使耕者負耒而避治者抱
器而避漁者揭罟而避曰我豈凡民流哉寬使
其有如舜在顧可目之為凡民乎夫凡民者非
布衣之謂也待文王而後興者也如學者不知
存此幾希勇於為善徒挾富貴閥閥文學反在

凡民下矣孟子曰人之所以異於禽獸也者幾希去凡民則遠禽獸不遠矣可慨也夫

宜秘洞記

出桐城巷口山之北麓有石負土而立高可八九尺長可二十餘丈以竹為坡以池為帶以仙姑井為液以杜鵑山為弁以靈泉山為左瑣以道觀山為右翼以鳳皇諸峰為屏凡以龍眠諸水為腸胃以城郭高臺為藩衛且豁豁盤曲若巖洞然客有勸余闢之者余不應曰宜秘洞

無聞堂稿

第六卷

二十七 玄對樓梓

天客問故曰洞宜秘不宜闢口宜秘不宜張學宜秘不宜辯道宜秘不宜傳文宜秘不宜作夫不作者文之秘也不傳者道之秘也不辯者學之秘也不張者口之秘也不闢者洞之秘也洞秘則育神洞闢則利璞璞可完也不可利也故宜秘銘曰鮑龍跪石而吟孔子為之下車來蒧見石則拜時人目之為痴拜者何意吟者何辭不拜不吟石寧我非不開不闢我寧石疑身既隱矣焉用文之石也泥沌我也支離噫嘻此意

石知我知

宜秘洞紀事

昔余自九夷歸也嘗聞五弟銖誦說惺堂史先生云曰先生延平守也弟時為將樂丞見史翁至一竹筍令兩人負之二革囊令一人擔之其飲食如齋其居處如借一郡肅然若異人陟降懷私挾詐者已先去十之六七矣不意十七日遂以制去郡人至今思之不置余歎曰史先生何狀安得一見盡除鄙恡耶隆慶改元十一月

無聞堂稿

第六卷

二十七 玄對樓梓

十三日門外傳呼報史先生來趨而迎之睹其顏色聆其言論若清風披襟明月入室心聖英然目同戴渾庵赴大寧禪堂會講復步自東門遠市城至宜秘洞天洞天余讀書處也一時從遊者三十餘人室不能容余曰隘矣先生曰歌康郎更小亭欄花自好儘荒臺樹景繞真之句復索紙全書跋其後令諸生同歌至虛名誤了無涯事未必虛名摠到身無不感悟暮復步歸宿于禪室齊齋衢亦至余歌睡依圖詩先生問

誰所作余曰不知其人相與咏歎躍然有鳳皇
千仞之想先生至皖復次韻分示諸同遊者綴
以警語目賡和成帙鐫而藏之作宜秘洞天一
公案也時隆慶改元十二月朔日

無聞堂稿

第六卷

二十八 玄對樓梓

無聞堂稿第六卷

不肖以鳴賜梓歲六十一

無聞堂稿第七卷

桐城趙武鼎卿著

祭樸溪潘司徒文

嘗聞觀德者不于鄉則于朝故入仕有三益知
政事益見制度文物益見諸仕人可師法益往
吾輩在朝出見諸大夫退率評隲之曰某地有
某某地有某於吾鄉則又評隲之曰吾鄉有某
吾鄉有某以故日有見月有聞而善意駸駸起
當時如吾樸溪翁者所謂在天下則為天下望
在吾鄉則為吾鄉望者也故毋論識與不識咸
傾心焉曰此固嘗為邑而以禮義化俗者也此
固嘗為吏部郎與冢宰爭執選法出而為臬司
者也此固嘗為督學抑奔競而以正學為教者
也此固嘗為叅政而十年不調者也此固為地
官卿能絕諸請謁而定正度支者也士人子能
如此足矣未幾樸翁南矣曰在南猶在朝也未
幾翁又歸田矣曰在野猶在朝也今又見其子
衰經泣請祭墓稱翁下世矣嗚呼傷哉夫不得

無聞堂稿

第七卷

一 玄對樓梓

觀德于朝猶冀觀德于野今典刑既頽瞻依無據而士習世風愈趨愈下追思耆舊益不悲耶故于翁子之歸也無不哭而送之而又寄為祭告以此抑又有說焉

天子篤厚大臣生有封位沒有所祭謚今翁之祭葬俱得如例而於謚獨闕焉不知其所議者何然古之君子不得謚于朝則學者相與私謚于鄉吾輩將以鄉論謚翁可乎雖然翁之心之德固不以謚為重輕也吾輩又安能謚翁

無聞堂稿

第七卷

二 玄對樓梓

祭王太孺人文

嘉靖二十九年庚戌十一月 日太孺人王母趙氏卒于京邸其子鶴守官給舍殮奠如儀哭請于 朝謝職西歸敬奉靈輜遠回邑里同官某等哀淑媛之蚤逝悲遊子之西奔仰秦閔之迢遞傷仙馭之遐征謹以薄奠致祭素旌曰於惟孺人夙稟坤貞終南毓秀渭水儲精昭生儒族代顯秦京端莊幽靚弱笄啟行七教孔飭列女是程曰婦于王爰定厥祥率禮納順嬪德用

光內秉家政佐夫南商力勤肯綮躬理麻枲姑悅其孝婢懷其良開基拓業身嗣誕昌克有令子教以義方擇師取友率彼寒涼曰富多侈曰豪易狂之子挺秀蚤登廟廊珥華殿陞鸞鳳翔母念子貴執德易荒遂違夫子隨兒

帝鄉出規入訓清謹是匡依依祿養綵戲霞觴宜享遐壽永被龍章如何奄忽罹天之殃嗚呼噫嘻追思夏日母初抱疾言念天涯欲還舊室兒為母憂圖婦無術每與人言潸然涕出及至

無聞堂稿

第七卷

三 玄對樓梓

冬交封還

制勅欲挾金書遠下藩國便道關中奉母父側胡天不鑒隕形異域精英飄飄曷其有極嗚呼噫嘻昔之來兮春日遲遲兒牽母裳笑語追隨今日西歸霜雪沾衣哭聲在道白日無輝某等義奈通家情如骨肉靈駕條舉心傷氣盛灑酒西瞻驪山在目尚饗

祭盛封君文

嗚呼噫嘻天之降旤於我兩家者頤如斯耶欽

通家子弟也自童稚時即荷翁知翁兒長且蚤
學翁每教曰幸念趙兒後翁兒貴矣欽亦竊等
追隨兩翁交慶人亦慶兩翁有兒後兩翁八耄
翁兒與欽俱以奉使南馳兩翁偕壽人亦壽兩
翁兒歸如期未幾兩兒俱去去僅逾載數日內
兩翁並逝兩兒俱千里奔歸嗚呼噫嘻翁長厚
振奇人也翁雖逝矣而翁之子益能光大其所
為翁志在孝友今族漸昌厚而又顯揚其懿翁
志在故業今已恢復而堂秩秩而樓歸歸翁志

無聞堂稿

第七卷

四

玄對樓雜

在子山今題封百尺巍然與鳳石爭奇是翁雖
死之日而長如生之時但欽孱弱不能峻發無
以慰我翁豪傑之思今我翁見翁於地下其英
爽不散之氣必交相倚附默贊乎來裔訣曰兩
家兒方相婚愛必不負兩翁之慈

祭方東溪文

方侍御之兄

嗚呼世貴者易夸世賢者易倨人情歟翁固累
世通顯族也而居遽遽而出于子田于東溪漁
于東溪郡邑不聞其履遊伏不造其廬此其襟

度何如今人子弟一入仕即席寵微勢豪呼閭
里使人望之而趨其視翁何如方籍翁以表俗
翁已厭世而歸太虛悲歟悲歟厚者不可返薄
者日益渙吾不於翁之悲而誰悲

祭汪素逸文

昔柳州立父墓表而刻其所友于碑陰蓋思
其親因念及所與況父之親識身與其子又學
相長大者乎嗚呼翁昔與吾翁遊也翁視吾翁
有如其兄孤昔與令子遊也翁之視孤無異於

無聞堂稿

第七卷

五

玄對樓梓

子兩兒既以學業相厲兩翁復以杖履相從可
謂莫逆至歡矣豈知樂不可常聚不能久吾翁
下世未及三載翁亦抱病長逝耶嗚呼往吾失
父猶幸吾友之有父而吾父之所與者猶在也
今孤與令子俱煢然在疚而吾父之所與者皆
相繼摧折殆盡吾何以爲情故於翁之逝也重
自悼云

祭盛翁入鄉賢祠文

嗚呼吾嘗歎曹氏無兄許氏無弟孰不有兄有

兄不事孰不有弟有弟不字兄弟既痛髮教日替於惟封君友愛篤至伯氏無翁疇恤其躬季氏無翁疇善其終伯也之孤授基履豐季也之婆全節恩崇翁之一家其可無翁嗚呼翁之爲德止于室中翁之流風達于吾桐桐人墓翁是以祠翁祠翁法翁風俗其同

祭列祖文 新得卅譜

曰余家世出自燕薊我祖藻公始遷於桐青山開基龍眠擅奇五世以來回祿爲災譜牒既失

無聞堂稿

第七卷

六 玄對樓梓

名號莫述孫不識祖有今無古祖不依孫孰慰游魂偶爾涇川譜系猶傳抱牒遠投示我宗圖始知我枝太原之裔簪纓相繼于今百世遠不能祀禮法所忌斷自始遷廟貌猷專敬合子孫設主陳樽精白迎神幽明交伸既渙復聚一氣所致我格我親啓我後人猶有積恨墳垣久恩封識不隆遺體何崇我祖有靈必兆其形倘若

有知瞻望有儀瞻望不得此恨疇雪遙想精英三酹吞聲

祭外翁石山君文

嗚呼天之所以禍吾者何相仍云往爲弟子時內有吾翁若母外有婦翁若母交相慈愛衣書僕馬不內告吾翁則外告婦翁無不取具後之官兩翁不朝貽書則暮遣使千里申戒無不以官箴爲教嘗以多賴自慶豈知數年之間吾翁既逝吾母亦逝而吾岳翁與母遽相繼而逝兩家骨肉消殘殆盡百年儀刑一旦淪亡寧不悲乎嗚呼欽以父喪歸翁未嘗一日不裹其事常

無聞堂稿

第七卷

七 玄對樓梓

與形家者流披荆榛宿飲風露雪陷馬脰猶自撰杖履徬徨求塋地恐無以安吾翁憫吾霜露之思今翁捐館吾不得申尺寸之德于翁身雖有淚如雨何益哉嗚呼翁即土有日矣翁之志未伸其侵陵於人者猶未復而強橫者猶且幸翁之歿而侮其孤往翁常與欽登山石坐洞中擊竹如意曰吾不喜得五子喜得一壻蓋指欽也今有壻如欽何補家門追念宿心怛然傷慕雖然天道赫赫如饑饉然歲且更矣夫復何憾

翁如有知其飲吾酒其鑒吾未盡之哀于冥冥也

祭方西川文

嗚呼自鈇等與公遊也公以南臺在告者八年矣無日不望公起既起矣不謂有閩南關中之行也又無日不望公歸既歸矣謂其樂壽而宜男也不意公病既病矣謂其倦遊而勞還也不意公奄逝而長辭既逝矣不謂善人乃無後也則共爲公樹嗣嗚呼公之生也其所有者雖僂無蘭臺稿 第七卷 一 玄對樓梓

祭北崖兄文

嗚呼吾嘗歎吾門之興也其三母之孤云吾曾祖母盛氏茹艱秉貞實倡厥始後伯母何氏孀母楊氏繼之皆能守一自誓者也然三母者皆

貧而無依撫三尺孤思以上繼百世天卒鑒之使其身壽又使其子孫昌而且賢今鈇輩兄弟子孫凡數十人銳與鈇又以詩書顯而吾孀之子亦超致盈裕今兄賴伯母之教勤謹自將平生未嘗忤人人亦莫有忤者可謂長厚君子矣今家益豐子孫益熾雖兄篤行所致謂非天之所以隲貞德之孤使衰而復振乎兄今亡未百日而子泗渭皇皇卜地俾得速歸可謂生能養死能葬克稱家兒者矣兄真可以死矣

無蘭臺稿

第七卷

九 玄對樓梓

祭叔母高孀人文

嗚呼自母亡而後知母之功大也然則家之興也豈必皆才丈夫要亦有婦德焉今吾族稱兄弟友愛至白首不忍分異者莫如母之諸子苦攻強學不以所遇蚤暮易業者莫如母之諸孫人知母之子孫賢矣而不知母有以成之母來時家計初植長子賢方七齡母視之如已出後母生四子然食必先賢衣必先賢又率諸子曰聽命于賢孫健生七日而失恃母涕泣育之朝

乞乳暮舍飴無所不至始能成立今賢總家政
盡力健首以儒鳴皆能體母之教可謂難矣慨
自尹峰閔絮以偏愛敗壞人家何限也吾叔非
得吾母能睦一家俾子孫和順若此哉昔王太
保祥與其弟蘭雖異母兄弟能盡孝愛後竝登
卿相而其子孫累世顯達不絕然猶有朱氏戕
賊和尚能若是今以吾母之德發而為祥其
所召致視王氏當何如哉可知已今儀形雖遠
遺教猶存吾懼其後恐不能守如今日也故
無聞集稿 卷七 十一 玄對樓梓

一哭而三歎云

祭亡嫂邵夫人文

嗟嗟天乎何奪我兄良佐之速而使我家內範
之遽頽也耶往吾為諸生時見我兄抗志經文
分舍授徒入不問生產亦無厚蓄其衣履布帛
米鹽酒醴日惟取給吾嫂嫂亦能計盈縮酌時
宜不以匱告以故兄得肆力文章卓致風譽有
嫂氏也時忝父性急母亦嚴謹一不當意則怒
而諸兄又皆好高任氣多所苛責嫂柔順和惠

日承事舅姑之側妯娌之間未嘗失禮而父兄
得安其孝愛於吾兄者有嫂氏也嫂初乳構疾
以後遂不舉子能納妾畜婢多方為進一有子
女又親哺養之能使子女樂其愛而忘其母以
故我兄內庭和肅無有妬爭相屠舌者有嫂氏
也及之官兄猶然自守人也不樂俯仰嫂察其
意多所開慰能使兄歷閭數年忘驅馳徽纒之
勞者有嫂氏也亡何疾作遂決意先歸後病革
時曰人皆以我歸謂念女也不知吾夫將報政

無聞集稿

卷七

十一

玄對樓梓

吾不欲以機隨重累行李耳今至此已矣幸哉
嗟嗟此豈人所易能耶夫以嫂之德宜有遐壽
壽竟止此宜獲多男止有一女此皆人所不可
知者不可知者吾不能為嫂悲惟閭儀內則一
去不能再見實足為吾兄悲又足為吾家悲云

祭方南淙文

公桐之聞人也方為童子即負英氣吐奇說蔚
然披鸞鳳之章及其盛年則追韓柳揖蘓黃傑
然立詞賦之場既貢而歸則又拉巢由挽陶阮

恬然樂澗水之旁既老而逝則又騎箕尾憑雲霓飄然游無何有之鄉公固磊落魁壘之士其浮沈得喪之說何足以動公之聽而重公之傷思公者遺編數卷薦公者甘醴一觴

祭長兄文

嗚呼天之所以禍吾家者何若是亟也嘗聞國有儲君家有長子而治亂興廢在時二人任鈞隆也故人不資於得衆子賢而貴于得長子賢人雖樂有賢父而尤樂有賢兄以其上有所助

無聞堂稿

第七卷

三 玄對樓梓

而下有所承今胡一年之間既奪吾父又奪吾兄使一家之長一旦淪盡嗚呼痛哉兄之生也時吾父二十有六家猶蕭然四壁也後得兄至四十而浸盛五十而益裕家計豐矣而外侮適逢兄又間關捍禦批傷形體決裂手足出吾父於顛危使當時無兄則無父無父則武等俱無所依矣兄之覆露諸弟豈在父思下哉後家禍稍息兄輒自奮曰吾適多艱不得以詩書遂志嘗聞萬禪可以拯饑不如爲吏或得以善事上

官爲門戶庇遂不耻以刀筆事人然竟以儒飾吏上官亦不忍以吏遇之延之官舍使教子弟未嘗與吏爲伍竟以是得官而家漸復振矣武最後出樂逢善時遂得以詩書爲儒儒且第兄見武第每聚輒舉杯淚下曰思昔日貧難皆知有今日父母兄弟樂哉天乎天乎後居官毋殃人輒相繼哭武爲給舍兄省武來京因隨牒天曹補爲安仁坊副使曰此卑官也母甚榮然亦欲沾朝廷一命苟升斗粟使吾父不以吾二

無聞堂稿

第七卷

三 玄對樓梓

人爲念耳及聞父喪則又痛恨曰我本不當仕乃以齷齪一寇不得與吾父永訣哉及抵家哭父柩前竟十日遂以歐血死嗚呼父年二十有六而兄生父喪九十九日而兄亡計一生之中勞苦患難之時居多而安樂得志之時甚少今諸弟賴父兄之遺終歲享樂而昔之困苦作者倏然俱泯寧不悲耶然兄之三子皆卓然自立兄亡三年猶依母不忍割食其大吾家必矣武倘得天幸不遽填溝壑尚當教兄子以義禮孝

弟必不使陷於有過之地以爲兄辱兄其聽吾言乎兄其鑒吾心乎

祭劉太學生文

嘉靖三十六年秋九月羽泉劉諫議以子之戚乞疏南還欽送之國門外相抱嗚咽泣下不能語乃以其所痛者列於牘寄告其子太學生原彬之靈曰嗚呼原彬遂死耶原彬不死于父母之側而死于盜賊傷哉原彬未來時欽在直廬與若翁言知原彬馴雅脩潔未嘗以親貴干一無聞坐席

第七卷 古 玄對懷善

他人門戶事日惟頌首章句而已知原彬爲善士又能子職少即攔家政使翁游宦四方無內顧憂知原彬爲通儒養繼祖母能孝使祖母愛之過于其子則又知原彬爲有道人及送母來都下見其謙謹恂恂然不知其爲劉給舍子乃益大異之爲若翁賀有兒又見冒暑歸衆咎若翁曰只一子不眠食共乃今千里一來來復從千里外去耶曰婦當婉曰獸不能載其婦來耶曰有家計在乃深咎之曰人生如駒走隙不

能父子百年相保願以尺帛斗粟使形影兩地相吊耶若翁淚下問計曰有新例蜀令入監可共聚天涯矣若翁泣且拜竟如例致原彬來且相約曰來以春毋失秋試期也豈知去家不百里遂死于昏夜不惟遠去父母雖妻子只尺亦不得見而遂已耶傷哉吾聞來肯母見原彬病又見其婦娠苦卻原彬回原彬必欲一來曰安忍令母遠涉畏途無一子相攜挾耶嗚呼只此一念可以格天地而泣鬼神爲厲鬼者乃猶不

無聞坐席 第七卷 古 玄對懷善

原彬釋耶縱原彬有宿愆古之仁者轉災爲祥者何限乃竟不能相宥耶且吳下素稱多賢而英烈之氣往往上下天地福仁禍不仁今於善類顧如是耶雖然邇來吳下孽起率招海外異類流毒生民又使奸邪之士因亂爲功矯竊黷貨與倭同雷而不得其死者甚衆是邪氣勝正雖知原彬賢亦竟不能保矣吾於原彬何怨哉嗚呼今而翁歸而母亦歸且夕葬原彬而子在而妻在旦夕祀原彬原彬魂亦安矣幸毋東母

西母南母北惟若父母是依惟若妻子是隲與
若翁同官同鄉號稱通家者同以是哭原彬而
慰其翁悲也原彬其饗之

祭吳愛竹文

嗚呼吾聞愛荆山之王者心傷其璞重明月之
珠者喟歎其郭夫璞以產王王獻而璞先彫郭
以孕珠珠暉而郭就裂此君子所以有後時之
感也然因璞得王緣郭獲珠雖美不自見實鬱
負靈奇亦未可為不遇也又復何悲惟桐吳氏
無聞業稿 第七卷 志 末對樓非
蔚稱世美猶安平之有崔南鄭之有李人操鉛
槩士散詩禮如翁則又多蘊藉風雲偶否雖未
金紫其身而實珪璋其子元方龍伏仲方鵠舉
一命即為大夫而善人倫者已知其為台輔之
器胡崦嵫之景遽迫而馳 封之典未被然發
祥肇基固已略窺其際况遠論之闡累世之幽
貞委論之啓無窮之撫仕實自翁一人始也翁
雖死猶可謂之無死此吾之所以哭翁者不為
世人之吁嗟而實發哀榮之大致翁其饗之

祭滁城隍文

惟人事神惟神依人我國家於滁既設官以主
陽事即祀神以主陰事陽事則立政教以明作
為功陰事則資利益以默助為德故以力之所
可為者責之官以力之所不能致者求之神及
其有功官得食土之毛而神亦享國之祀今滁
三月不雨百穀米播民不有秋國將何賴是雖
有司之責寔亦神之羞也某等督牧于滁雖無
專責亦在分理已令有司脩舉荒政與民休息
無聞業稿 第七卷 志 末對樓非
因奉神于龍潭之上朝夕躬祀為民祈澤此潭
五龍舊潛于此惟神能驅使之今以二十三日
為始至二十九日止約以七日七日之內雨通
是神之貺也用脩牲醴同百萬生靈以脩報事
過七日不雨則晚穀無成後雖滂沱何益是神
不有民民亦無神即陳燎焚神不脩祀事神若
以民為解謂旱荒皆所自致則福善禍淫神道
甚察因有罪以及無罪是亦神之靈也民何利
于神哉神其念之

祭亡兄石岡文

嗚呼兄之生也在吾輩為最長吾侍吾父將八旬兄亦七十有三矣吾父之亡不能數月而兄亦下世吾奔走以葬吾父汝子相之吾欲相汝子以葬兄方卜地未暇吾將北上慮不及見兄歸土也先以牲禮奠之曰吾他日入閭門而兄墓木拱矣今既去而復來也已及五年而姪輩始以兄與陳嫂合葬而吾又得供執紼之役豈非幸哉嗚呼吾家世中微不能以詩書田宅豪於閭里自兄出以力趁時漸至富厚而吾輩亦有以詩書顯者得交映焉人皆曰趙氏十世始興寔以兄為稱首然兄之興也不任智不任術以勤儉忠厚將之不覺至是而人之以術智侵兄者兄亦以無心處之未嘗少損則兄之富天與之也今子姪輩不能如吾兄從事於勤儉忠厚思以勢力邀致盈裕卒不能及兄而反取敗豈非愚哉兄先自為宅兆新輩求易終不可得今復還故土尤見兄之無心涉世而造化所以

無聞堂稿

第七卷

上

玄對樓稿

慶吾兄者亦自有定數也兄魂魄當自樂此不為哀也

祭豐山龍潭文

我國家分理疆域每設州郡必表山川以為一方之鎮民生有事則禱焉以山川者鬼神之所伏能與物致利以厚民生民歲時亦以其利為樂盛犧牲以祀山川是山川與民相為附麗者也今滁人所據以為依者莫如豐山龍潭而豐山龍潭亦時時以風雨利澤滁人滁人耕且食于其下凡幾千年今山不與雲澤不作雨將及季夏民皆皇皇望山而悲臨潭而嘆是雖民之有罪而山川亦弃民甚矣某等督牧于茲目見愁苦因齋戒除禳為民禱于山川以二十三日為始至二十九日止約以七日七日之內雨通即率百萬生靈同報神貺若七日之內不雨是山川絕澤滁人亦逃困不能奉歲事于此矣豈不重為神羞哉故為神告之且以驗其靈異云

祭戚鰲峯年兄文

無聞堂稿

第七卷

十九玄對樓稿

曰嗚呼公竟謝生於萬里之外耶公去滇時道
過貴陽一見即索傳符問何之曰吾視郡數日
即歸余慰留之曰既不能來又不當遽返公
曰吾舉進士二十年遂巡郎署凡八載例不當
領郡縱郡我豈齊魯燕趙秦楚閩越之間不
以百里之地相試廼必滇外耶似覺移怨於當
事者余解之曰今之時以遲滯為賢不如此不
足以見君子又曰自居官以來不敢一取非義
一罪非辜今馬醫屠酤之人亦皆子孫累世
無聞堂稿一第上卷 三 五對樓序

必不使公謝歸後藩臬諸公及撫臺過此率再
拜屬之曰公輩不能留戚守非愛賢者後復辭
不復貽書督過之曰公竟阻我歸耶斯時變
天上賢者用事方將超拔淹滯與公旦夕去此
耳豈知一病竟不復起嗚呼痛哉老子曰吾所
大患唯吾有身今公已棄其強合形骸則昔之
疾病不足為公若昔之子孫不足為公慮昔之
升沉不足為公戚公之道達宇宙何羨於生今
余遣人送公歸又貽書養靜死溪古陵三君子
為公立後而公有二季必杜善事立嫂公所生
善地幸毋東母西母南母北尚憑翼風雲栖神
故鄉日徜徉宛陵敬亭之間也尚
製
祭山峯中丞文
嗚呼公遂閉影逃世一去而不復返耶蒙詬怒
辱不復號呼以鳴其不平耶昔之議公者今復
惜公疑公者今復念公公今有知耶其無知耶
嗚呼吾為公思之昔習學於浙其司者何事

非城池人民計也當倭奴犯城時望城而趨者
士女以萬計撫臣已拒關卻之公不忍以吾民
委寇開門收入入未盡而寇已及城其所全活
何多使當時有賊黨竄入其間乘機禍作公當
誰歸公不於此時死迺今死耶昔在桐鄉倭四
面圍晝夜攻擊援兵不至水門已穴不可夫而
守城者漸以困憊公以計敵退未百里城墮者
數百夫使當時賊尚在可安步而入國有常刑
公不於此時死迺今死耶昔撫閩中公前駐未
至賊已燒劫洪塘浦城中岌岌不保公至奮兵
擊之城得無恐旋追及海口調兵四集邀厚賞
枕戈而卧公憤憤自持火器數舉士氣稍振賊
始出海使當時有數賊登岸卧兵不赴公勢必
不全公不於此時死迺今死耶嗚呼公瀕於死
者數矣天皆生之今世道清明公尚有未盡之
忠思欲一出以奔走四方論者迺弃前功以軍
費責之此固公之所略也公何憾於人言是以
自古豪傑皆以談兵為忌非不欲批難解夢以

無聞堂稿

第二卷

二十二 玄對樓梓

用財難耳非財可不用以用財而使人不疑難
耳昔陳湯持空拳向單于不煩漢兵一人立功
萬里之外此亘古奇功也當時不多封爵士迺
以得鹵獲財物罪其吏士不有劉向上書救之
幾以功易罪如先臣韓公雍者功在兩廣至今
照人耳目後亦以多費蒙罰論至於此使人淚
不得而血肝腸不得而摧且裂也雖然士君子
以身許國自毛髮肢體之外皆不惜奚暇論名
名既不惜奚暇論家既不論又何有禍福何
有利害論至是則肝腸不必摧裂而淚亦可以
無血矣嗚呼公雖死有子而孝有姪而義能為
公伸不白之衷蓋輩雖不能効力於公有
君聖明有諸大臣及內外諸司皆公且恕能念
公已往之勤則公亦可以死矣尚 饗

祭徐貳尹文

無聞堂稿

第三卷

二十三 玄對樓梓

拂衆情而不苟以相悅寧忤上官而不曲以相
狗蓋不卑其爲丞而欲直行胸臆者也若此者
本求譽來而反毀至本求生還而竟死歸嗚呼
既直矣不必名之立也既死矣不必里之故也
既歸矣不必身之存也尚饗

祭石鼓山土地之神文

人之生也皆資於土其終也皆返於土是土皆
可生則是土皆可藏土既皆宜於人人當無擇
於土自堪輿之說一行而尋龍之法滋起砂水

集賢堂稿

第七卷

二十四

玄對樓

向背議論紛紜謂可拱手揀貪謂可立地取資
天若無道地獨擅權遂致效門鮮有一驗又有
高士超出群情或欲荷鍾自隨或欲袒裸就瘠
此達者曠舉吾所不能而愚者拘方亦所不屑
惟茲一丸之土寔在萬山之中本無奇形亦非
異穴指迷何有鶴降望氣安比牛眠但歲時耕
於斯雲霞自足料他日老於此魂魄亦安先鑿
一隅預託四大表以石柱環以石垣石取不移
匪以爲美消辰寔位神其相我乎吾知山川有

待造化無私山靈必不拒吾吾亦不負山靈吾
有古書一腹二義一腔山水眼一雙換天
張詩酒腸大觀化之日一副來與山靈出
入于清泉白石徙倚于脩竹茂林無古今任
來任去不亦樂耶清醕芳品盟心告虔神其
鄉餐之

祭汪皖江

嗚呼皖江吾與公遂爲生死之別耶少共讀書
鳳皇山中意氣相期文字相長約應時一出歸

集賢堂稿

第七卷

二十五

玄對樓

隱龍眠爲清泉白石之遊嘗題於壁曰鳳起峰
頭雙鳳起龍眠山裏二龍眠蓋要終始不忘也
昨余移官南來踰伏園林欲選龍眠勝地結廬
山曲以待公歸豈意不極竟以櫬還不惟出處
乖違隱亦難許事不可知人胡能測每一念至
悲歎潛然昔景差見宋玉曰昨過夢澤喜見楚
山之碧眼力頓明今重會故人開心自足嗚呼
何昔人之多幸也今龍眠峰岫效勝雲霧邀惟
幾欲一遊念公中止昔莊生寢說于惠施伯牙

廢琴于予期此情此意今古所同莫違素心誰
可與語嗟嗟皖江去者日遠來者空多夢寐常
通形神永隔一觴之奠千古之情皖江其饗之

祭方母文

嗚呼方母其可謂令母也已昔宋名臣呂榮公
者其器量德業一時莫比然論者謂內有正憲
公與申德夫人之教而外又有焦伯強之師故
能有成人而有父母之教豈易得哉因思三峰
公以嚴正教家以詩禮教子不知余之不肖嘗

東園集

卷之六

三六一言對襟襟

開館于鎭山之西使季子從遊然少不聞道
其一時相與不過訓詁文字之學而已後三峰
下世其家故富恒恐其子因是專學無以慰三
峰公之心母獨以老年而總攬之經理內外秩
秩有條使子得盡力文章竟掇巍科雖未至顯
位已有盛名是三峰公教子雖勤未見飛騰母
固得樂觀其成矣方氏在桐為亢族其田宅多
冠一邑而科目寔自方母之子始是開美又在
方母矣其視申國夫人何如哉歟雖老志氣未

衰尚欲與季子交相切磋俾德成行尊在一鄉
則重一鄉在天下則重天下使誦說者稱母為
有道君子之母母其許我乎今母附葬三峰公
之側歟既與執紼又為題主其所泣告皆昔所
心許者三峰公精爽如在當共慶贊于地下矣
故於母之歸也且悲且慰母其饗之

無聞堂稿第八卷

桐城趙武

飭戎政疏

題爲陳末議以飭戎政事臣等竊惟今日之營兵卽古畿內六軍之制所以居中馭外以控撫華夷者也使勁兵健卒盡列京營則伐謀制勝折衝萬里但承平旣久兵政漸弛以至虜賊臨城戰守無備此皆積玩之所致也近蒙

皇上洞察其故獨持 乾斷盡革團營光復

祖制官無冗員事有定體真可行之萬世無弊矣臣等仰承 德意逐日點閱凡其弊端隨事裁革但伏念將領不可不嚴強弱不可不分老疾不可不汰冗員不可不裁號令不可不明馬政不可不脩且防秋在邇征進有期訓練不豫何以應敵輒條爲數事上瀆

天聽如蒙

勅下該部議行庶宿弊盡除而戎務爲之一飭

矣臣等祗伏待

命惶懼惶懼

計開

一議處將領等官臣聞六軍之命係於一將固貴於將得其人而將官之下有號頭有千總有把總尤將官之所責成而於軍士爲最親也蓋日在行伍與士卒周旋撫卹訓練使士識將意將識士心皆在把總等

官苟把總以上皆得其人出則身先矢石

居則日同甘苦心志旣一戰守自利否則貪者肆爲科歛衆咸怨咨怯者臨陣退縮士皆喪氣爲害孰甚矧今有事之秋尤宜慎擇合無

勅下總督戎政文武大臣會同臣等逐一比試務得騎射開熟廉幹公勤者方與疏名題請委用仍不拘管衛武舉等官多方選取期在得人則軍士樂有所依而將官亦喜有所

訐失臣又訪得把總等官不樂管伍多謀
回衛管事蓋去勞就逸人情所同苟不量
為擢用何以轉移人心仍乞

勅下兵部今後如遇相應員缺將把總等官賢
勞已著者先行推補然後及於該衛則人
樂效用不憚勞苦亦鼓舞人心之術也臣
等不勝大願謹伏候

勅旨

一議處聽征軍士臣等聞勇怯不分則士氣

奏聞

三 王勅

不作賞罰不立則士心不附故善兵者固
在於教士尤在於養士今日營中之兵已
經揀擇分為二等其一為聽征其二為備
用聽征者謂其精壯可為征勦之用者也
備兵者謂其老弱不過守城差用者也其
強弱勞逸已不同而歲給月糧漫無差等
將何以為勸使之勇於效命執伏乞

勅下總督戎政文武大臣會同臣等再加揀選
將聽征軍士分為三等其膂力過人騎射

精熟者為上等月糧米一石之外量加五
斗其年力強壯技藝通曉者為中等月糧
一石之外量加三斗其他年力未邁技藝
生疎者照常月糧米一石寧少而精毋多
而濫分選既定其疏上 請造冊送戶部
轉行各衛赴倉開支然人心易懈齒力易
衰難以定執仍於每季開操比試一次重
加編定以憑給發庶鼓舞不倦而士氣自
奮臣非不念此時 國用詘乏少有加增
不免動費但深察軍士甚苦夙夜奔走止
得石粟而衣食養育器械什物俱出其中
若不先加優恤何以得其懼心而致其死
力況今各將家丁與累經召募事例俱可
比照如蒙 允行則六軍幸甚臣等不勝
大願謹伏候

勅旨

一議處備兵軍士夫管中強壯者既已選取
為聽征矣而所謂備兵者率老弱居半甚

有瞽者跛者垂死而虺羸者其為步履已不能前況能荷戈執矢上下城堡乎左擁虛名冒費月糧其於行伍殊為無補合無行令各營老疾軍士但有餘丁不拘第姪兒男堂從旁枝進營之日各帶應繼之人隨伍乞

勅總督戎政文武大臣會同臣等及兵部該司

驗軍主事一同到營驗審但係戶下壯丁

即與摘牌替役分送各營操練仍行各衛

造冊收糧如果不係戶丁冒頂籍貫許其

呈請看該衛故為刁難指勒亦許具告聽

臣等訪出一體參治其丁盡戶絕無人承

繼者即與開除免其入營仍令該衛扣糧

另行勾補則行伍不至空虛而所養皆為

可用者矣臣等不勝大願謹伏候

勅旨

一議處四衛軍士臣等訪得初設四衛撥取

三大管官軍在監養馬餘者送勇士管寄

操今食糧名數約二萬有餘而本監并各

馬房馬共約不過七八千匹其應用軍士

數目可計及查操備不過六千六百其餘

軍士俱詭名直差冒支月糧凡先年軍人

莊勇具奏收克軍人四千幫助大工今俱

朦朧未審何在其為弊端已非一日况近

奉明旨四衛軍士照例查出送操延遲

至今未見遵行伏乞

勅下兵部弔取食糧文冊查勘馬若干匹養馬

若干人支糧若干人操備若干人其中影

射占役者悉令赴營操練如有抗違前

肯仍行占用者聽臣等叅究則不必召募而軍

自足用矣再照四衛原係管軍與勇士不

同今冒比勇士例倒失馬匹不出椿朋似

念馬政久廢令四衛有馬軍

人與三大營同出楮朋則營伍一體而無

倖免之弊矣臣等不勝大願謹伏候

勅旨

一議處各營馬匹臣等巡視京營兼收放太僕寺銀兩竊見近日國家之費惟馬為甚蓋緣軍士不肯存心餒養居鄉則驅使耕種在城則賃借騎坐官給草料私自變賣止與糟食不計瘦損是以每年倒死多至萬餘殊不念太僕寺買馬一匹動支官價二十金而民間賠補解納之費不下二十金以一年計之買馬一萬上下之費不下四十萬今兌與軍士有數月而倒失者有一二年而倒失者甚有拐馬而遠逝者雖有椿朋十不償一况今草料加至八錢五分已足餒養仍復玩視糜費益滋若不嚴加清理未免日甚一日伏乞

勅下兵部責令該司主事二員每月一次點開如有瘦損量加責治仍准查照下場事例限其馬數以一千為計如把總官原管兌一百匹倒失十匹以上者送問七匹以上者罰治不及數者免究全無倒失者量行

犒賞庶責有所歸人心知懼國費漸可省矣再照椿銀原為賠補馬匹而久猾軍士經年不完者有之以致太僕寺馬價近益缺乏合無以失馬匹軍人即行該衛扣除月糧俟馬銀補完之日方與支領則不致重累把總軍士亦免催併之苦矣臣等不勝大願謹伏候

勅旨

一議處軍件頭目臣等查得問刑條例內一款凡各處鎮守總兵官軍件二十四名協守副總兵二十名遊擊將軍十八名俱不許額外占役違者查照軍職占役賣放事例上請但今營務事多投遞公文拘集軍士偵候邊情各項應用委為未敷至於號頭千把總等官委用事繁原未定設未免額外差使有誤操練既軍件數少不得更番休息亦於人情未便合無

勅下兵部會同督總戎政文武大臣酌量各官

職任大小事務繁簡如軍伴頭目書篋等項分別多寡各官員下增添數名疏

請定奪永為額例與免操備此外仍行占用者聽臣等訪出指名叅治庶影射之弊可革而行伍為之日清矣臣等不勝大願謹伏

勅旨

一議處征調軍士臣惟京營之軍玩愒日久往往調發之時點選已定有將起程而逃匿者有領什物行至中途而逃匿者有臨

集開堂稿

卷八

九

吉對養耕

陣畏縮棄甲曳兵而逃匿者以致頻年調遣未獲寸功蓋緣京城軍士遊食者多無事則坐食月糧臨行則潛藏村堡而管隊識字人員又利其不行得以私其行糗草束師旋之日上下朦朧漫無稽考間有失事之日則獨罪將領軍士置而不問如上年陳璘所領軍人望見零賊數十騎遂解甲投戈隱蔽山林論罪之日璘既伏辜而軍士非惟不罪且得比例受賞重罰輕

則人孰肯被霜露冒矢石捐軀直前哉此皆法令久廢故也伏乞

勅下兵部申明律例凡征調回日責令將領疏開沿途及臨陣脫逃軍士送兵部查照律例編發宣府獨石沿邊墩臺哨再犯者絞斷在必行不事姑息仍令一隊之中五人為伍伍伍為保一伍之中逃回至二人一保中逃回至五人以上者通行查究則法立而人知懼威行而士有勇矣臣等不

集開堂稿

卷八

十

吉對養耕

勝大願伏候

勅旨

一議處坐營冗員臣等查得勇士四衛見操官舍旗軍勇士共約不過一萬今置坐營官八員中軍官十員其視三大營反加倍多然多一官則多一費徒苦軍士而已且如朱輅朱淮榮漢郝良輔尚瓚俱係各衛掌印千百戶今復實緣中軍希圖役占軍伴伏乞

勅下兵部量數多寡裁革冗員不許在衙有事
官員夤緣別差亦可以杜奔競之風而節
無益之費矣臣等不勝大願謹伏候

勅旨

慎考察以勵庶官疏

題為遵舊例慎考察以勵庶官以隆

聖治事臣等查得舊例兩京官員六年一次考

察五品以下吏部會同都察院公同各衙

門堂上掌印官逐一考察去留四品以上

無聞堂稿

卷八

十二

對機

聽各自陳仍容科道官糾拾遺漏

上請宸斷卽今三十六年復當考察之期除一

應考察事件及屢年題覆事宜聽該部臨

時查例題

請外臣等竊思考察係

朝廷馭臣大典治道世運攸關昔虞廷黜陟

能使庶績咸熙分背三苗夫考績與三苗

何與蓋公道昭明則人心自正中國又安

則四夷自服理勢之必然也今當南倭北

寇有事之日適六載京官考察之期正宜
分別邪正使賢智奮庸安攘著績臣等特
罪該科無所裨益見人心不古士習日非
偶有一得之愚仰答

皇上顧俊事

天之意敬冒昧陳之夫考察京官與考察外官
不同內臣者外臣之倡邇臣者遠臣之表
去一庸人不若去一儉人留一倭士不若
留一志士以其觀望之所係也竊見屢年

無聞堂稿

卷八

十二

對機

以來凡遇考察部院大臣多方體訪仍會
各堂上正官協同論證可謂至公矣然考
察之後往往去惡不盡使人有遺姦之議
者何也人之情偽難知有心志不端者好
擇官仕擇地而趨任繁劇則希求清要典
外職則覬望內曹甚至竊智勇以冒超陞
得崇級卽謀改脫是謂巧臣其術工於彌
縫一時論數不及則好徑者衆矣有名實
不孚者微一事以為功籍一節以自見外

似才能實則虛妄甚至掩人之所有以爲
已有是謂偽臣其姦足以欺世一時論覈
不及則崇詐者衆矣有前後脫漏者其大
節已虧或在京未及考察而遽外補或在
外未及考察而遽內遷偶迓清議漸至遺
忘是謂倖臣其謀長於遮避一時論覈不
及則苟免者衆矣此或考察之所易遺今
當亟黜以勵其餘者也又見考察之後往
徃以性氣去官使人有惜才之議者何也

皇朝文獻通考

卷八

三

文獻通考

人之賦質不同有敢於任事者不自揣量
遇事則勇往向前然智慮未及不能濟事
因而致咎者有之跡雖似躁而志則可嘉
苟輕於罷黜則無以長慷慨之風有敢於
任怨者不畏權勢不避豪強惟知持法多
所裁抑因而致謗者有之跡雖似刻而執
則可取苟輕於罷黜則無以壯直介之氣
有勇於改過者初有微愆已經懲創因洗
心滌慮克蓋前非因而追論者有之跡雖

可棄而才則可用苟輕於罷黜則無以開
遷善之門此多考察之所易及今當酌留
以全其才者也屢年以來奉有

明旨嚴衛緝事等衙門多方體訪有潛謁九卿
私宅密行囑託及匿名投遞帖子妄行毀
謗者捉拏送官依律處治可謂能革弊端
而息浮言矣近見考察之時往往臨期中
變前見使人多請託之議者何也蓋有當
事之臣重於避嫌見浮論衆多雖知其寃
恐至累已不敢不去者有官箴久玷係大
臣親故預為之地雖知其不肖不敢徑去
者有行檢無虧偶因一事得罪堂官註為
有過不得不去者有職業不修緣堂官見
愛曲為掩飾因而不去者有自知有譏率
運善類希圖釋已雖有曲直不暇分別因
而併去者有在任官員見考察期近意欲
自免將遠年陞遷及丁憂者妄生事端以
求撓塞因而誤去者此皆疑似之間最易

皇朝文獻通考

卷八

四

文獻通考

惑聽所當秉公以杜其弊者也伏乞

聖明鑒納臣言早賜施行仍

勅下部院大臣悉心執正仰體

德意慎重去留以天下之好惡為好惡以衆人

之耳目為耳目務使真實之臣得以上進

而虛華之士不得濫容則去一人而天下

知所戒留一人而天下知所慕士習復正

而治道永康矣再查得欽天監

文華殿武英殿各辦事中書等官御用

等監各項匠作官俱先期乞

恩免考夫欽天監官世習天文匠作官專司技

藝容之可也至如中書等官係生儒選用

中間志行不端老疾庸怠者有之雖非要

職亦係侍御近臣若一槩容留不無有

濫伏乞

勅下部院大臣併加考察則大小之臣咸懷忠

良而一時群工俱知所警省矣臣等冒瀆

聖聽無任慄息待罪之至

災異自陳疏

近奉南京吏部劄付准吏部咨該廣東道

監察御史唐繼祿題為仰體

聖心陳未議以脩人事以隆

天眷事該本部覆題節奉

聖旨是久旱風霾上天示警四品以上京堂

官俱著自陳其餘的部院從公考察分別

去留來說欽此欽遵移咨到部劄行到寺

臣嘗讀古洪範之書推休咎之應見卿士

師尹臣職不同而惟日惟月省驗各異始

知天人感召無分大小仰惟

皇上敬天勤民精誠昭格固宜陰陽和而風

雨時矣邇者兩澤愆期風霾間作實皆臣

下奉職無狀所致也臣職忝三品例應自

陳照得臣年五十歲原籍直隸安慶府桐

城縣人由嘉靖二十三年進士除授刑部

浙江清吏司主事改禮科給事中歷陞吏

科都給事中南京太僕寺少卿南京鴻臚

寺卿南京通政使司右通政嘉靖四十年

四月初三日欽蒙

聖恩陞授今職伏念臣學不通方才非適用虛
糜廩祿十有八年歷轉官階荐至三品涯
分已極圖報未能矧今牧政亦係重事尤
非不才所宜冒任伏乞

聖慈俯鑒將臣罷黜以彰懲戒庶臣工勵翼而
天心協應災異未息矣臣不勝戰慄隕越待罪
之至

無聞堂稿

十七 玄對樓梓

謝恩疏

臣原任南京太僕寺卿嘉靖四十年七月
十九日准吏部咨為缺官事該本部等衙
門會推題奉

聖旨趙鈺陞都察院右僉都御史巡撫貴州等
處地方兼理軍務寫勅與他欽此欽遵備
咨到臣行間又於本年九月初十日恭接
勅諭一道臣即兼程於本年十月二十八日行
至貴州鎮遠府地方與原任巡撫貴州右

副都御史鮑 交代望 闕叩頭謝

恩及接管行事外竊念貴州本荒徼之地撫臣
係保釐之司益治外與治內不同因撫苗
與撫民有異其羈縻雖久而犬豕之性難
馴况疆理稍偏而肘腋之間多礙必得重
望魚有長才始能足食而強兵或可移風
以易俗臣性本拘滯素未治民誠復踈庸
少未學武茲者過蒙

聖眷一旦任以邊方 拔之卿寺之中 寵以
簡書之重既 許以便宜處事復 令其撫

無聞堂稿

十八 玄對樓梓

剿蕪行臣敢不竭力驅馳仰遵
勅旨順其依附務和輯以娛其心察其驕疆間
懲誠以懾其氣隨俗立教亦惟行其可行
用夏變夷敢云治以不治臣不勝感激屏
營之至

平苗功次疏

擬整飭都清兵備分巡道貴州按察司副
使張廷相分守新鎮道貴州布政司右叅

議徐敦湖廣辰沅兵備副使李心學分巡
湖北道僉事胡直呈詳會問得犯人韓甸
云議照四川播州容山司叛惡副土舍
韓甸強奪司印逐正官潛住地方招納叛
苗誘景洞不納糧馬自嘉靖十七年以至
今日所刼殺者何止千人自平直白土寨
以至諸花所竊據者不下萬畝三省流毒
諸司效尤且殘縣治而漸垂意府城殺民
兵而敢推刃將領迹其罪惡萬狀真履
載所不容神人所共憤者茲奉
欽依行令總兵官石邦憲尅期撫勦計日蕩平
一旦元惡成擒群黨就縛其餘脅從俱該
聽撫旣認納馬糧又吐退田土一方底定
三省安寧計調兵不滿萬人論行師未踰
四月而彼之所據林箐非不幽深所聚惡
徒非不精悍遂爾計獲似非人為是皆我
皇上至德動天無遠弗届
神威及物何地可容豈一時兵力所能致此哉

已率聽撫數寨生靈望

關叩頭懽呼刻木誓萬年不敢有異心矣所據
從事効勞諸臣功亦難泯除臨陣奮勇破
敵舍目蒙繼仁龍雲霏等軍前効用指揮
千百戶周鼎高明等及陣亡被傷日兵阿
忙等各照例分別犒賞優恤外為照鎮守
貴州兼提督平清麻陽等處地方總兵官
前軍都督府都督同知石邦憲誠與才合
心并身勞威信素行於蠻夷仁薰夙浮於
士卒偶有東隅之失志在速成竟收桑榆
之功冀出全勝分兵遏路而賊計先窮深
夜渡師而衆皆不備是雖一方之事坐消
各洞之謀此一臣當通諭前功應加爵蔭
以顯異績者也貴州都清道兵備副使張
廷栢分守新鎮道右叅議徐敦湖廣辰沅
兵備副使李心學湖北道分巡僉事胡直
當用兵之日贊畫居多及成功之時區畫
周悉雖分土而守實同心有成此四臣功

應超擢仍當懋賞者也如張廷栢徐敦則身親行伍屢犯艱險尤為勤勞貴州布政司左布政使楊守約署印左叅議程時思貴州按察司署印副使况叔祺居中調度而輸餉以時因勢運謀而處置各當此三臣均當擢用者也湖廣布政司左布政使李遷右布政使張希舉四川布政司左布政使楊應奇督理糧儲帶管守巡川東道右叅政程紹儒帶管重慶兵備道僉事金

無聞堂稿

卷八

三

玄對樓

世龍既疆界相聯又討叛同志或督播司以議其後或勤轉運以濟其艱以上五臣均當重賞者也思石叅將汪輔深入苗巢躬勤剝諭閒住署清浪叅將徐効節隨營贊畫倍効勤勞銅仁守備安大朝代署鎮守之責贊成總兵之功思州府知府符仕撫慶諸苗而安挿有道清查田土而經界分明中軍營原任廣東備倭守備宋奎練兵聽用查勘有方辰州府邊糧通判韓紹

奕沅州知州李廷詔沅州衛指揮楊仲楊顯議餉轉輸而飛輓無滯思州府推官劉蘭支放糧餉而查給惟清以上諸臣均應蒙賞者也鎮遠衛指揮李九霄丁時千戶謝邦百戶李廷桂程雲鵬冠帶總旗高第舍人錢啓祥都勻衛小旗吳官音保徐受七獨山州土同知蒙繼武報功平茶司應襲土舍楊通一平定司應襲土舍吳允熙原任鎮軍守備史淮立功鎮撫楊表立功

無聞堂稿

卷八

三

玄對樓

軍人原任叅將鐵冠或率家丁以搗穴或領部衆以先登雖擒斬多寡不同而奔走勤勞則一內冠帶舍人石山父子同心艱危不避竟得梟雄賊子永杜惡司禍根似應量陞職級內蒙繼武身先士卒首挫賊鋒且率男土舍蒙天眷隨營征進斬馘獨多似應給與冠帶以便領兵又卷查蒙繼武昔因豐寧司土舍楊希文具奏蒙繼武因委擅將伊兄楊添福殺死容行

撫按提問原因添福拒捕殺傷已行按察司照俗罰治今累立戰功似應准贖仍復重賞用勵其餘楊通一吳允熙應收錄俟再獲有功比例冠帶李九霄謝邦李廷桂吳官音保應查例陞級丁時程雲鵬高第錢啓祥徐受七應錄功併議陞級史淮楊表鐵冠應記功併贖原任守備偏橋衛指揮韓文都勾衛指揮趙應麒百戶趙必光興隆衛百戶陳繼爵鎮遠衛百戶吳添祥

集聞堂稿

卷八

二十三 玄對樓排

蔡時譽鎮遠府土同知何承訓土通判楊勳領兵設伏把隘追逃均應行軍門量賞及照陣亡黃平所千戶郭繼武聞縣告急已知強敵在前率兵應援弗顧伏賊四起捐身赴敵為

國死忠似應查照繁勳事例錄應以表忠勇立功原任都司陳隆衛指揮張時舉率兵策應而同事郭繼武遇害固失於救援然格敵向前而家丁張書童陣亡亦徵其奮

勇且當日能奪回戰馬以後則斬獲兇苗似應以功贖過仍發立功鎮遠府知府袁成能屬邑燒死地方多損先事無預備之謀臨敵寡聲援之策罪固難免但議給兵食數月憂勤容山底平實多贊助功浮于罪似難量賞以勵將來施秉縣知縣趙本不知馭苗以致結怨僅能保全身印莫救縣治殘傷法當重究但縣無城垣而苗勢猖獗能築固以據險親矢石以衛民似應

集聞堂稿

卷八

二十四 玄對樓排

改調以示懲戒鎮遠衛指揮張世勛百戶譚時任典獄之司竟忘點視有守城之責坐失巡邏重囚脫逃法應重治所當叅究者也再照總督湖廣川貴軍務都察院右副都御史董威昔曾按歷貴州餘烈猶在今復總督軍務先聲益張首調兵糧三省勇於用命繼懸賞格各寨陰而解謀且洞悉苗情機宜各中熟知地里分列有方其揮權之才真足以濟世用而備為之實又

能不求人知此一臣所當首論或超用或
留用以哀勤勞者也原任巡撫貴州右副
都御史今陞南京大理寺卿鮑道明始而
鵬勦非其協謀旣而成擒皆其密畫使土
酋互殺計在以夷攻夷又撫勦兼行果能
用辟止辟巡按貴州監察御史巫繼咸當
鎮遠甫臨之初正施秉被殘之日守孤城
以倡士齊衆力以伐謀濟督撫之所難行
厚加犒賞察將官之所不逮嚴致稽查旣
督戰以收功又議城以善後以上二臣應
併首論者也巡撫湖廣等處地方兼贛理
軍務都察院右僉都御史張雨巡撫四川
今陞總督湖廣川貴軍務都察院右副都
御史羅崇奎同憂苗患共濟兵糧一則以
殺官為已讎切於搜剿一則以司屬為人
害務在驅除皆有同舟之心竟成犄角之
勢巡按湖廣監察御史姜儆巡按四川監
察御史陳瓚雖非門庭之寇均以經略為

無聞堂稿

卷八

五十五 玄對樓

心檄文時行於土司督責每加於將領以
上四臣俱應叙論者也及照臣京檄當該
吏俞美王嘉成自着役以來值地方有事
文移繁冗書辦效勤查得兩廣三邊軍門
書吏易烱等并軍門書吏馬建寅等各以
書辦勞勤俱題奉
欽依免其考試查資收選卷查俞美先因擒獲
養驚白洗等寨已經該部照例題
覆應再免其覆考徑與收選切思人臣之義分
當致身雖有微勞何足紀錄但係邊鄙夷
方人情觀望不有賞罰無以勸懲伏望
皇上俯念遐荒少從 寬假
勅下該部將臣所議文武諸臣如應陞賞應錄
應贖石邦憲等應陞賞應調董威等應罪
張世勛等逐一再加查審議擬請自
上裁則既不失輕重之典又各均霑 浩蕩之
恩如臣則入境之時賊已擒獲實無分毫之勞
可與以前諸臣並論者也至於韓甸之惡

無聞堂稿

卷八

五十六 玄對樓

浮於張問法應檻解赴京典刑以為邊方
土司不法之戒但今隆冬道里遙遠動經
旬月恐中途瘞死不無遺刑合無行軍門
會同撫按三司就近與苗犯潘繼舜等押
赴市曹照例處決及已死潘仲林等各斬
首發各土司苗寨集掛示衆莫氏韓四兒
照依地里定發安置一併擬議

上請定奪候

命下之日通行遵奉施行庶有功必賞有罪必

無聞坐稿

卷八

二十七 王對樓梓

誅土酋知警而邊鄙永寧矣謹題 請

旨

計處地方事宜疏

擬整飭都清兵備副使張廷相分守新鎮
右叅議徐敦呈稱貴州一省最為僻隘以
東北言之則連播州土司之境以西南言
之則雜烏撒等四土府之地非獨夷性好
亂動輒稱兵亦且土民參錯最易起釁在
當日經略分置未詳在後日因循廢弛已

久今容山之賊雖平而善後之計不可不
預將修復施秉縣治及土司事情計議區
處倘蒙採擇施行少補偏弊等因到臣臣
看得貴州流土同官民夷雜處元兇雖除
傷殘殊甚比之他省事體不同復行都布
按三司多官計議該臣等可以會同軍門
及巡按御史有行者不敢瀆

奏外今將該行事宜必得

成命方可施行又在目前不可一日緩者列為

無聞坐稿

卷八

二十八 王對樓梓

數事開坐具 題伏望

皇上軫念邊方

勅下該部逐一議擬題 覆容臣等遵照施行

庶遠者寧則近者益安矣臣不勝惶悚祈
懇之至謹題 請

旨

計開

一議處施秉縣事宜照得鎮遠府衛係雲貴
之門戶而施秉縣又鎮遠之藩籬欲門戶
安則必藩籬固何則施秉與四川容山土

司止隔一河雖設縣治原無城池昨韓旬倉卒構亂直抵縣內更無險隘以致焚劫莫可固守近議倚後山高固為背以面帶小河為池接築城牆包縣舊址東西開門以通出入除臣等會同巡按御史巫差官相度形勢丈量地里并公署倉廩軍營等類以漸設法修建外但有城則不可無兵有兵又不可無官三事相資以有成者查得該縣城池未能遽立目前無人防守

無聞堂稿

第八卷

二十九 玄對樓櫓

兵分哨巡守仍聽叅將調度况施秉去清浪不遠守施秉亦所以固清浪而茶園老柴崖脚等處係鎮遠軍屯均之可藉以無警矣

一議處容山事宜照得容山長官司原係張氏為正韓氏為副自嘉靖十八年以來二姓爭印成怨以後韓旬日強糾拽生苗逼逐張問在外遂兼有之今問旬雖皆就擒而世讐已深若再共處一司必聚眾爭長

無聞堂稿

第八卷

三十 玄對樓櫓

別生事端禍延隣境合無恭候

命下行四川巡撫衙門轉行播州宣慰司將容山土司查照嘉靖二十年處分張氏管大江韓氏管小江又稍降品級抑其事權夫分土則利輕分民則力寡亦制夷之道也再照設宣慰司所以統理各司以夷治夷體統素定今韓旬張問爭官奪印讐殺三十餘年而宣慰使楊烈坐視不問昨征勦之時亦不遣一兵相助反樂觀成敗

相倚深負 國恩伏乞

勅下該部行令軍門轉行四川撫按肅加切責或革去冠帶管事三年之內各土司遵守法度辦納糧館方許復其冠帶以後各土官如有互相讐殺害及鄰境及負固不納錢糧者行令揚烈處分若仍前不理聽軍門與臣等叅究庶酋長既畏而弱小者自服也

一議處各舍事宜照得各長官司應該襲替比因道遠難以赴京多以土舍權印遂致互相讐奪夫土司以印為重而權印則勢在必爭不獨韓甸一司為然效尤頗衆查得近年以來務推廣

恩例應襲土舍宜撫以六百兩為率與宣撫同知副使合正從品級為等其土舍照數驗值宣撫使土舍加銀一百兩宣撫僉事至副長官土舍亦各合正從品級為等遞減一百兩保勘無礙准照例就彼冠帶候襲

替之日免其赴京等因夫無力者雖多若俱免赴京又非事體况前例太重無人承納合無將前例量為限制稍從輕省自宣撫使以至副長官應襲土舍年及十五以上者悉令入學習禮由學校保勘明白先納銀若干俱經撫按保勘無礙具題先與冠帶候至承襲之日責令赴京題

請實授其土舍權印嚴加禁革夫先令習學所去其驕悍之氣而早得冠帶則又足以潛消土舍覬覦之心庶彼中自知所重而又不爭有在可免互爭之害也

一議處額外兵哨事宜照得銅仁地方先年因鎮筵之變添設銅仁木桶等處二十六營哨思州石阡印江府縣四處備禦除永順保靖二營議革外備查實在守哨官軍共四千九百八十三員名大約歲支廩糧魚鹽等項共銀一萬六千八百零二兩六錢六分比時止議防守於錢糧未及會計

至移官軍額派之數以給之夫既有定數
定額縱川湖二省額徵錢糧如數解完僅
足充一歲支用今官兵於額外加增則錢
糧正數漸少日積一日愈久愈乏前歲一
季無支軍士已有脫巾之漸矣若再不區
處不無坐困合無再行軍門從長會議或
於守哨去處有可緩者汰去老弱或於二
省錢糧有堪動者量行加添庶幾經用有
成規而軍伍漸安矣

集賢堂稿

卷八

三十二 奏請撥補

一議處額徵軍儲事宜查得兵糧先年議處
已有定額該省錢糧僅十萬有零全仰給
川湖二省運解行之已久人心漸怠况二
省隔越雖設有督糧叅政體統全不相干
各該上司稽查又不相及故任意逋欠賢
者以緩徵要譽不才者反覓耗寬延備查
自嘉靖三十四年至三十九年四川重慶
一府共欠一十一萬六千八百餘兩湖廣
長沙一府共欠七萬四千八百餘兩其他

可知矣是以貴州軍儲十分空乏為患難
言合無嚴行稽查然必先自官始每年遇
派徵錢糧四川如重慶府合州涪州巴縣
銅梁安居定遠璧山江津永川榮昌長壽
綦江順慶府廣安鄰水叙州賓南溪富順
長寧嘉定夾江洪雅瀘州江安等府州縣
湖廣如長沙府長沙善化瀏陽攸縣湘潭
茶陵湘陰醴陵湘鄉益陽安化衡州府衡
陽衡山耒陽藍山臨武鄧縣安仁常寧桂

集賢堂稿

卷八

三十四 奏請撥補

陽彬州永興興寧宜章桂東寧鄉等府州
各將掌印管糧官職名申報督糧叅政通
將各官職名類報撫按衙門候次年三四
月稽查完解過分數若通完與完及七八
分者量行獎勵欠至四五分者量行戒飭
其欠至七八分與全欠者叅 題住俸降
級庶考効詳明人心知警而邊儲有賴矣
一議處土司錢糧事宜查得四川播州宣慰
司額辦貴州夏稅秋糧一萬六百餘石自

嘉靖十六年以後宣慰楊烈恃倚異省侵
收入已不行完解先該總督都御史馮
見得播州錢糧拖欠既多責成無據若委
之川省該道清理則分土不切欲令貴州
整飭則又兼制無權因會議重慶府添設
管糧通判一員駐劄龍泉司專理播州所
屬司撫應解貴州稅糧及安撫夷民分理
軍民詞訟題奉

欽依增設已久夫官屬四川以播州四川土司

無聞堂稿

卷八

三十五

玄對樓梓

也駐劄龍泉以錢糧貴州額派也且使分
理民苗用意深遠但節年以來添設官員
畏居夷方營求別委並無一官臨彼催解
徒擁虛名竟失前議設官之意以致貴州
地方官軍糧餉支放不敷土司得計專肆
日甚且川省官多頗足委用添設前官職
當專理合無

勅下該部備行軍門轉行四川撫按并布按二
司守巡該道俱要遵奉議題

明旨不許再行委用到任之後即令前赴議定
地方駐劄行事按季具已未完糧數呈報
年終聽臣會同巡按御史將理過詞狀完
過糧數分別勤惰舉劾如遇陞遷等項亦
候查明方許離任如此則錢糧有所責成
而土司亦知所儆矣

無聞堂稿

卷八

三十六

玄對樓梓

無聞堂稿第九卷

桐城趙貳鼎卿著

謝恩疏

臣等先蒙 欽點恭送

孝烈皇后梓宮 安陵事畢伏蒙

聖恩賞臣等各綵段鈔貫謹赴 右順門叩頭

祇領外臣等悵玄宮之既掩慨 紫殿之

方虛雖洒淚松楸而僊車莫返徒攀號道

路而 靈駕曷追持載之報未伸罔極之

無聞堂稿

第九卷

一 玄對樓梓

思正切豈意

皇上晉將駢錫俯念微勞蓋赤子之於慈母雖

跬步有不能忘自事生以至送終雖捐軀

有所不恤本無勤之可錄又何賞之可施

感而知榮哀焉負愧臣等睹

天顏於咫尺莫勝拜嘉思 地德之厚深未惟

悲戀伏願 順陰陽而養和納祐 體玄

嘿而循理定情以迓

穹昊之庥以慰臣民之望臣等不勝感戴

天恩之至

查華冗官疏

據貴州布政司呈准本司署印左叅議程

時思會同按察司署印副使况叔祺都司

掌印署都指揮僉事梁高咨准本司咨奉

總督撫按衙門案驗行准都清威清畢節

思石守巡等道咨牒查得鎮遠府額設知

府一員土同知通判推官又有經歷照磨

各一員附郭鎮遠縣額設知縣典史各一

無聞堂稿

第九卷

玄對樓梓

員該府錢糧不多事務亦簡合將照磨一

員裁革黎平府未從縣近日新設訓導一

員且屬苗夷生徙亦寡廩糧齋膳無措及

銅仁府先因麻陽之變添設撫苗通判但

今地方無事似應暫省合將通判并訓導

裁革又查得所屬赤水烏撒威清平壩安

莊新添平陽清平興隆都勻普濟畢節豐

濟廣積龍里永豐一十六倉副使與夫布

政司豐濟庫副使各一員但本省倉庫錢

糧一歲尚不敷用既有大使已足守支其
副使各官俱係冗員相應呈乞會本具
題裁省等因備呈到臣卷查嘉靖三十六年
六月內准都察院咨准吏部咨該禮科給
事中鄧棟題前事內稱如職事可併員缺
過多者添註帶俸者因地方有事暫設遂
為定額者查將冗官冗食不拘新舊添設
員役多寡但係冗集可以永革無疑者徑
自奏請裁省以蘇民困本部議覆奉

無開堂稿

第九卷

三

玄對樓排

欽依備咨前來查議間又為仰體

聖心陳末議以脩人事以隆天眷事俱經節
行布政司會議通詳去後今據會呈前來
該臣會同總督湖廣川貴軍務都察院右
副都御史羅巡按貴州監察御史巫繼
咸議照貴州原係邊方事務頗簡查得所
屬鎮遠府民少官多如照磨似為冗員黎
平府已有府學近日開設永從縣學官未
立民鮮讀書寄學無人徒為冗員及銅仁

府所轄止四土司額設知府推官經歷足
以分理又有分守撫苗叅議在彼駐劄卽
今地方寧靖近議添設撫苗通判亦係冗
員再照所屬赤水烏撒威清平壩安莊新
添平越清平興隆都勻普濟畢節豐濟廣
積龍里永豐等倉額納屯科糧米不敷一
歲支放布政司豐積庫止有川湖額解糧
銀本省錢糧寡少收支簡易一官尚閒其
各副使委係冗員俱當裁革者也既經三
司等官酌議會呈前來相應題請伏望
皇上軫念貴州財訕民窮乞
勅下該部將前項冗員再加查議
上請裁省行臣等欽遵仍令各官起送赴部政
選施行謹題請

無開堂稿

第十卷

四

玄對樓排

旨

題巡按養病疏

據貴州按察司呈准本司署印副使况叔
祺會同布政司署印右叅議徐敦都司掌

印署都指揮僉事何自然帶領醫生張詔
李居前去診視得巡按貴州監察御史巫
繼咸委於嘉靖四十年七月內入境因
程趨赴衝冒山嵐且體素清癯文案填積
不得休息又因鄉試入簾監臨試事以致
日夕加重轉成病證今春自正月以來扶
病西巡威清等衛緣地方氣候不齊觸冒
嵐瘴前病復劇調治不痊委欲求歸就醫
轉呈到臣據此案照先據該司呈蒙巡按

無聞堂稿

第九卷

五

玄對樓梓

貴州監察御史巫繼咸案驗前事照得本
職稟賦素弱氣體尪羸兼自幼失依寡所
調攝故虛怯成病已非一日但用心苟勞
病遂大作去年五月奉

命差往貴州巡按因本省鄉試期迫緩恐誤事
矢心就道晝夜兼程跋涉近萬餘里炎暑
正熾不復顧恤及以至省煩熱相仍外侵
內耗初患瀉繼染便血醫人張詔等診視
謂為勞損之證宜投湯液先理脾胃有間

即閉門順養當不為害信聽其言久之頗
亦臻效隨又力疾入簾監臨試事冀得畢
願及九月十月漸覺平復不意冬春之交
病根復萌更兼痰嗽新正興疾西巡二月
抵普定衛日益增劇遂令醫生趙本瑞與
俱乘便調護三月抵安莊則頭目眩暈腰
膝酸軟晝夜痰嗽不絕兼帶紅絲又飲食
大減每日強吞米飲數匙時復嘔吐職之
一身內自心腹外達四肢莫不受病誠恐

無聞堂稿

第九卷

六

玄對樓梓

遷延既久一旦諉之不治至欲起而視事
不可能矣本職受

朝廷紀綱之任事煩責重雖以強力任之猶
將不逮若獨杜門堅臥因而廢事實有不
安查得先年巡按貴州監察御史王紹元
近巡按福建監察御史李廷龍俱已患病
奏奉

欽依放回原籍調理今照本職巡歷將及一年
比與事體相同除已具 奏外為此案行

司轉呈巡撫衙門代為具奏以便題

覆回籍調理等因到臣就經備行該司即會都布二司掌印官尋求名醫帶領診視去後今據前因臣日逐親詣本官臥所看得前病是實為照巡按貴州監察御史巫繼咸自聞

命之後衝暑趨程及入境之時漸覺疾作後監臨試事內外隄防值容山賊平紀錄功過雖皆疾中行事猶賴藥力可資今春載醫

集賢堂稿

第九卷

七

玄對樓梓

西巡勞心政務又山行霧重嵐氣浸陵是以藥屢投而弗效熱暫退而旋攻况在遠徼治乏名醫藥餌不備日見瘦損委難支持且貴州夷方政尚姑息臣幸與巡按御史心志相合區畫事宜日勉慰留豈敢輕議但病勢轉深似非旬月可愈及查本官巡歷一年將滿比與御史王紹元李廷龍患病事體相同伏望

皇上俯垂憐察曲賜生全責以後效乞

勅該部查例議處合無仍令本官回籍醫治病痊之日赴部聽候一面行令新差御史上緊前來巡按行事庶為便益謹題請

旨
獻進銀兩以助宮建事

臣伏讀邸報恭聞

皇上宮工鼎建凡在京臣子或奔走服役或獻助俸資此固職分之常子來之義也臣職忝內臺適待罪邊方遠去萬里不能駿奔

集賢堂稿

第九卷

八

玄對樓梓

倡率庶役謹進俸銀一百兩少助工費用舒葵藿之誠臣不勝瞻仰欣忭之至
恭謝 天恩疏

嘉靖四十一年五月初九日准兵部咨為仰仗

天威蕩平苗患查明功罪以勵人心以重邊方事該本部覆題奉

聖旨是苗患蕩平各官効勞董威准復原職候用黃光昇免究石邦憲陞右都督同鮑

趙 各賞銀二十兩紵絲二表裏張兩羅
崇奎各十五兩一表裏李心學等各十兩
張廷栢等各陞俸一級李遷等各賞銀十
兩其餘都依擬行欽此欽遵隨擬承差謝
黔領齎

欽賞到臣當即祇領望 闕叩頭謝

恩外竊觀古之 帝王雖噸啖亦不私假至於
頒賜在金帛尤不輕施蓋

賞必當功斯人不易物頃茲容山之寇本為

無聞堂稿

第九卷

九

玄對樓梓

播州所司當臣赴任之初正賊被圍之日
既勤 廟略又仗 玄威偶一舉而就擒
實因人而成事方求逭罪安敢言功茲蓋
伏遇

皇帝陛下 德並 乾坤 恩同雨露不怒而

天聲常在萬里無為而 淵謨獨運

九重尤念封疆之臣 特優錙幣之渥臣去

天雖遠戀

上素誠束帛思溫敢忘乎 覆被若金作礪

期不負於鉤谿施五采以華躬誓百鍊以
固志下以從革民俗上以黼黻

皇猷臣無任感戴

天恩激切欣忭之至謹具奏

聞

慶 賀疏

茲於嘉靖四十一年十一月初十日該禮
部辦事進士鄧宗孔齋捧 詔旨傳示

皇極殿等工成臣當肅各屬如儀 迎接叩頭

無聞堂稿

第九卷

十

玄對樓梓

跪聽 宣讀外臣誠懼誠忭稽首頓首稱
賀者伏以 昊天有 命啓千年再造之期
聖帝無為建 三極大中之治 闢坤軸以正
位 擬洛書以更名寰宇同懽臣民胥慶

恭惟我

皇上 德同 元始 道合 太清以 敬事

天建窮神知化之妙自義率

祖得繼志述事之宜 大業雖無意以更新

上玄若有兆以示革迺詠辰計役重 立太平

之基剴玉掄材更隆 定鼎之地風雨助
順岳瀆效靈財輸四海之珍不呼而集山
獻千春之水無羽而前成壯麗於三年似
非人力舉鳥翬於萬仞若與 神謀肯構
肯堂 駿制不加於舊有嚴有翼 鴻名
獨避所 尊 致以 皇極為稱義取
王道之大 京師者四方之極欲會衆以來歸
君身者萬化之源思 建中以達外 門以旁
通左右 濊澤弘宣 閣以列峙東西舖
張文武 垂訓既遠 命意彌深信足以
當 天心而光 祖烈也臣職撫遐方望
君門萬里情深拱 極仰
帝座 九重伏願 聖祚永昌同八荒為 壽
皇圖鞏固并六合為家後
天地而常存欽敷五福邁
帝王而獨盛迎致 列仙臣無任憐憐鼓舞瞻
戀之至
自陳疏

照得嘉靖四十二年又該在京官員六年
考察之期四品以上官例該自陳臣年五
十二歲原籍直隸安慶府桐城縣人由嘉
靖二十三年進士除授刑部清吏司主事
政禮科給事中歷陞工科右給事中吏科
左給事中吏科都給事中南京太僕寺少
卿南京鴻臚寺卿南京通政使司右通政
南京太僕寺卿嘉靖四十年六月內欽蒙
聖恩陞授今職伏念臣循資竊祿已近廿年
紀過論瑕曲全三考曩居封駁之地不能
因事建明後任散閑之曹則又無可著見
頃蒙 掄用雖日進於前自視疎愚實無
異於昔且貴州地險而孤苗獷而悍尤非
碌碌如臣者所能撫理臣嘗思之昔虞廷
盛時猶有苗患以禹益之聖七旬徂征而
弗從以黜陟之公一旦分背而可教是考
察之權顧重于干羽之舞也况臣之一身
又九夷吏民之長其長既正則其下自安

皇上欲化行要荒 請先自臣始伏願

聖明將臣罷黜別選才能以代其任則遠方皆蒙君子之澤而臣亦得免曠官之誅雖奪職猶有餘榮也臣無任激切恐懼待罪之至謹具奏 聞伏候

勅旨

更置將領疏

題為更置將領以便責成以靖苗患事臣竊

惟天下之大患有三北有虜南有倭西南

無聞堂稿

第九卷

十三

玄對樓

有苗此三者自宇宙以來不能一日無者然是參者之中微有不同有主之寇有無主之寇如虜則自沙漠而來倭則自海島而來故其來也倏然其去也忽然古人比之鳥獸以其嘯聚驚散不常故也惟苗則盤據於湖廣四川貴州之中上有宣慰宣撫各土司以主之而又有守巡各道叅守府州等官以轄之非漫然無所管攝者比也今虜之患防在沿邊一帶倭之患防

在沿海一帶惟苗之患獨責之貴州貴州

兵力豈足勝此使皆以分土為重苗自湖

廣犯貴州則湖廣截其後貴州遏其前苗

自貴州犯湖廣則貴州截其後湖廣遏其

前其在四川亦然彼進無所掠退無所據

其勢自難輕動蓋緣川湖皆幅員數千里

有苗之地皆在邊隅勢難遙制所謂馬鞭

雖長不及其腹在貴州則在門牆之外矣

故苗患在貴州獨切在二省少疎其設官

無聞堂稿

第九卷

十四

玄對樓

亦貴州獨多且密也自今論之如銅仁既有總兵又有守備清浪又有叅將思石又有叅將守備數百里之間而總兵叅將守備綦置星列可謂詳矣然詳於貴州者所以防守川湖之苗也使二省各自為守則無此矣今湖苗雖為獷悍而麻陽有叅將算子坪有守備與貴州相為犄角而辰沅兵備道又協贊其間惟四川重夔一道與貴州相去甚遠而其中苗患如酉陽邑梅

平茶時常出掠而播州楊烈又強扈不納糧館白泥楊贊與凱里楊和讐殺數歲近草塘宋鵬宋鷺兄弟爭官構害因而害及平越屯寨者屢矣思石兵備等官徒負兼制之名彼恃異省兇驚不服雖有重夔兵備以下再無將領無將領而專責之兵備亦非一人所能料理况地里既遠文移往來動經旬月雖新屬節制亦難責成以臣計之非四川設一叅將控制諸司之中不

可也然添一官則多一費臣不敢議近與總兵官及守巡諸道私議惟思石叅將原因湄潭苗變而設今四十八旗屯之地已安漫無一事又未立衙舍僦居石門府城事權既輕供給無辦而龍泉司相去不遠又有守備官多兵少似為冗設若以思石叅將改屬四川移鎮播州仍兼制貴州思石等處地方與重夔思石二兵備道計議行事心切同舟勢自聯絡且移此就彼兩

地俱利又非額外添設虛糜廩祿且使思石叅將得以展布而川貴撫按有所責成一轉移之間有數便也臣雖離地方然未盡事宜不容隱默敢效愚忠為皇上陳之伏乞

勅下兵部再加詳議

特賜允行他日重夔與思石一帶地方互相防守百年無事亦地方之幸也臣之幸也

無聞堂稿第十卷

桐城趙武昂卿著

謝同科書

僕之此行也如踣崇岡峻嶺然前者挽後者推
凌競盤折而後得度及度則又相顧色咲慰藉
之飲食之曰度一人矣度者履平地非不怡然
喜及回盼向所挽者推者尚在千仞之上瞻望
弗及則又惘然傷矣莊周云送君者及崖而返
君自此遠矣念之寔有類於今日計良鄉去都
無聞堂稿 第十卷 王對樓梓
城六十里儼然如在天涯不知抵滁陽又當何
如也離索之懷容嗣盡

謝同鄉書

古之仕者不出鄉以戚屬友朋具在耳目近多
所長益今率去千里而仕日事四方人嗜好言
語不通尤難語心故於同鄉尤敬愛焉情也僕
在此時一會鄉先生長者飲食譙樂如在桑梓
雖未具吐肺肝各相湔滌而多所觀覽互有益
焉今一旦遠去所與遊者不過四五人望里中

之人既不得見慕天上之會又不得同此心云
何而諸長者亦於其別也飲食餽送曲加備焉
愈益動人思矣思者愈遠則愈切容履任更盡
繾綣

謝會同年書

僕同諸兄進遊廵十五年廼有此轉可謂幸矣
獨於行日多眷戀不捨之情焉何則猶之家入
子當盛年兄弟衆多時視聚散偶然耳及至暮
年中多凋謝則過相憐惜始於離別重矣此所
無聞堂稿 第十卷 王對樓梓
以幸進之懷不能奪分攜之感也况諸兄平日
夾持之愛及臨行綢繆之情尤足以縈結離思
令人足一發而首十回也今已至良鄉矣容履
任別布所私

會劉大夫書

公久在烟霞超逸出世猶復記念紅塵陣裏早
顏逐隊者豈真有所不能忘耶公去弟亦以予
靈歸兩親下世廬居凡五載因選一壑結屋數
椽扁曰鷓林山屋自謂榆枋與淇渤不相上下

各云自適而已此心易移昨復浪出一入班行
即身在羊腸道上搖搖不寧恐觸車輪無復有
肝腸坦易時矣繼得跣階登級百顧千盼與吾
兄所得孰爲多寡此惟可與達人誦說耳入京
遇西吳公始稍稍一問動定知封君亦辭養慈
聞晚暉無算丈夫子二人俱就傳問學歲租入
足供衣食亦可無累又聞造化相忌癯瘠頃生
對賓客不能跌宕呼放乃又怜之云近得異人
勿藥而愈則大喜知清閒之福造物亦不相靳

無聞堂稿

第十卷

三

王對養慈

矣自古才人天多困之困其身所以逸其心使
得盡力著述公盡取往牒追尋鮮有祿位遂心
人復大有所論作縱使表見亦尺寸功名簿書
中建勳庸耳公何慕焉但不可於四聲韻譜及
序誌中做豪傑耳弟亦欲以一說自見今尚未
暇俟稍有報答輒抽身去矣人回值冬冗未盡
肝膈尚望德音

寄莫太守書

君侯行時思國門一別及鞭馬至駕已發矣充

地山東諸郡冗劇凋疲莫加焉乃得二長者先
後主之茲地信幸而主者勞矣今論仕者多以
女爲譬女適人值其家富盛百物皆中所需雖
以劣婦處之亦無難辦然僅能衣食生長其中
莫有善稱苟不幸而適貧家內無儲蓄而舅姑
夫子嫗如僮僕皆仰賴焉非有才婦其何能興
卒井井經理中度幹蠱起仆奄成鉅室婦亦以
是著聞閭黨雖稱勞瘁而名且不朽視劣婦遂
矣今君侯之郡寔有類於是僕亦以是望於君
侯也僕有同舉士周儒白下名士也竟鐵關受
嘉祥令其邑之劇疲亦似前所云而豪猾者又
能陰持其長上非君侯曲成之則典茲土者皆
解珮去矣習成將奈何以君侯樂獎藉人而儒
亦可鞭策使前驅者輒敢以聞伏願君侯察其
人并察言者素不欺幸甚幸甚

寄林少司成書

欽自辛亥歸即塊處敝廬茹痛五年杳與世隔
不復知我公亦以何年歸也中復寇起江海難

生竟不能遣一力致通家之情罪當何女愧當
何如公雖久卧東海名固嶽嶽聞暫起成均
實欲師表一世鉞本草草木食之人不自付量
復服顏浪出重跬羊腸一步九顧踟躕其矣入
思南都山水欲得一官與公追尋奇勝又尔阻
奪悵然懷想今海上之帆又至莫能一畫為乘
梓除灾上無以報國下何以自保尚可稱為大
夫子哉知己亦為我羞矣公處重地以教人為
職此固孔孟所欲為而不可得者天以斯文付
之幸自愛自樂

無聞齋稿

第十卷

五

玄對樓梓

謝三相公書

鉞立門墻之下受造就之恩久矣今復蒙擢用
一歲再遷按之卿寺之中寄以巡撫之任其職
既重其秩愈清鉞之不才何以當此已領容於
十月二十九日至任矣因伏念貴州古稱要荒
政尚簡易所慮者苗民維處亦幸其羈縻有常
在今多事之時猶為無事之地相公以此處鉞
信為以德愛人苟得偏安實藉私履仰體真愛

徒切銘心鉞敢不因俗宜民奉法守已不快小
忿以邀微功惟求有裨於西南以圖無負於任
使其其他感激不知所云

報馬中丞書

公家居時人皆以指計日月曰馬先生何時可
出既出又環視諸邊徼曰有一鎮稱不治即馬
先生往矣往必有濟公材略得士人心若此今
巢鎮去都城不百里得公一來人皆隱喜何異
重設一金湯也每問士人曰此地可守但患無

無聞齋稿

第十卷

六

玄對樓梓

人夫險與人相為表裏得險易得人難恃險而
缺人不如無險公當何以處之大都本鎮之兵
不足則調兵以益之調兵可常藉乎非惟供給
不繼而戰恐亦不力也何如鄙人游不出戶所
語不越几榻何裨外事但此心之憂與諸公同
耳惟願有大人者宣力捍患則幸藉無量私恩
容續報不備

寄京中同年書

鉞承獎借已至貴州貴本天設與區以藏異類

故山狂川怒使人若不可駐足焉者前賢斥拓至此功何奇峻但文教之施于今百有餘年鉞竊符郎事環視其中猶多不調迺知古今人信不相及矣近因韓甸成擒地方少息然寇在他省害在貴州中因分土不明事多牽掣積弊成習有難具陳僭瀆及不知公之能念我也敬聽鐫喻倚雲埃之

會邢太常書

僕爲公所知久矣公知僕僕不知公反以惡聲觸公僕死罪死罪既得罪即宜避去使影響遠絕猶復陳說左右欲以口舌取悅亦復何心罪死罪死然當時敢於議公者亦以秦人攻越人不如使越人自攻攻必不力且秦兵可止也皆與諸君子熟慮而後行少村公稍知此意耳公之雅度決不以人言爲重輕但僕操戈先及室人亦太暴逆甚矣然毀譽是非其何能定惟願翻然一出以身明之公則群喙自息僕之罪亦自有可釋放時也右山回不敢無言少盡底裏

伏惟加察

會樊令公書

別後復辱手教情意繾綣知公猶不忘桐人也桐人亦何忍忘公今桐尚無長治者思念益切可知已僕性疎戇平生與人交不以面背久近易心公在桐僕退退無密意公去桐僕偃偃無間語前於當道過訪及諸所物色者輒拱手曰清廉平恕吏也再問再以是對復再問復再以是對以不欺報公而已倭奴不審近作何狀諸公僇力了此事不難公今亦同舟矣並濟艱難想自有奇舉也倘此奴今冬未平來春亦欲過吳親見彼中變態或得見公于金焦雲水間矣不盡

報總戎石南溪書

公行後晴郊亦行獨僕一人在省如禪僧守關門九俱寂昨蒙惠教大添煩惱已有成案候叅題行之揚首謫詐負險自謂得計僕視之如狐在穴持一炬火張四面網即坐縛矣僕念用兵

與殺者多故具慈航欲廣度耳彼迷頓若此
當見刀刃始解也其遲速在麾下處分更俟後
命僕非國手諒大將自有妙着也僕無固意惟
君侯其存之

報阮沙城憲副書

昨在陪都誤蒙雅愛雖驩侍未久而此心固已
披豁矣公少需即可內轉今迺乘幘外游豈真
有味于鄙言耶前檢庵過問代之者誰知為明
公私竊喜慶公所治平清偏鎮四衛寔與貴地
相錯古人以唇齒為喻似猶有表裏之分今實
如齒之與牙相為依附故總兵叅將守備皆兩
地相兼若稍有異同如衣襦無帶不復聯束矣
望公以一體視之

賀胡澤庵鄉舉書

僕與吾兄結髮入道不意吾兄遭遇獨遲然遲
暮中所以養成其學尊顯其名亦自無量其視
蚤登利祿之門端發軒蓋之途者受用何如諒
吾兄亦自以是為快也僕年來跼伏田廬見吾

集賢堂稿

第十卷

九

玄對樓詩

鄉故舊以一得自奮稍有所挫便高自怨恨罪
歸造物又不然則挾是西奔東逐計得贏餘自
謂早覺而不知晚成者之為大也今見吾兄意
皆淳然興矣捷音至日既為吾兄喜又謂足以
勸吾鄉益復大喜僕雖服闕老母歲暮乃始即
土欲得良晤當於來年春夏之交也足跡久不
入城與君家往來甚稀但尊翁壽履日健令即
不聞有少年之習兄所慮者婚事未畢耳俟來
春諒自有裁度也不盡

集賢堂稿

第十卷

十

玄對樓詩

寄朱芹亭書

造物於公何其拘攣之甚耶見流輩中稍有覺
晤即推而與之略不顧惜於強學博問者反深
忌之豈其豐蓄之算又有出于窺測之外者乎
何其順逆若是知兄亦無以自解也然能塞公
之遇而不能奪公之志專精屏慮日與年少者
爭強諒造物者亦深念之所謂人定勝天者也
守之俟之何如

畬萬吏部書

不待巾舄于今五年憂戚橫生形神俱耗鬢髮
間有一二莖白者不覺遂有老人態矣久在田
廬漸悉民情今天下不獨苦貪吏尤苦猾吏夫
所謂猾吏者綢繆以事上踈闊以臨下苟且簿
書以規免過至於民怨民害漫不加意自謂得
清淨之體而又坐邀老成之譽因循成風衆怒
久蓄吾恐一旦潰決爲亂不小今人皆知惡貪
吏而不知惡猾吏終非求治之道也吾兄久司
衡鈞進退群吏今正值考績之期其所以挽回

書閣堂稿

第十卷

士 玄對樓梓

世道者端在于此敢以此聞

同鄉請徐相公啓

嘗聞爵祿不相責以禮尊卑不相間以形何則
惟道隆者爲能下賤必志合者乃可忘年故蓬
戶來長者之車而莖橋飛相公之蓋匪但杯酒
爲洽實則情誼交通况少長追隨盡是棄梓之
士萍梗聚會同瞻日月之光勢分久拘歲會莫
展雖爲深於退避竟自遠於儀刑旣不能伸後
生山斗之私又無以顯名公超曠之度禮旣失

矣情亦缺焉恭惟相公崛起吳會之間挹盡江
海之秀奏奇名於髫鬣倡絕學於東南少歷四
方心超物表晚進

三殿忠簡

帝心師範一時正色於

廟廊之上折衝千里立談於樽俎之間德位並
崇猶且吐哺接士心跡交正尚爾授粢禮賢至
於故國之愚生尤切推食之至愛飲醇已久飽
德難忘思以割牲爲饁恒恐分庭反辱此情此
懷屢息屢興茲當暮春佳節之時正多士萃止
之日頓忘下位不耻上交爰集衆誠仰祈一盼
進南山不凋之榮傾北海難老之杯以獻以酬
盡心期於日下且歌且頌抒情慙於花前伏願
輟休沐之餘閒察下誠之久積金鑾早出白屋
暫臨遙望風塵比肩擁簪未敢誣日先此請期
共以得命爲榮敢以多物爲敬某等無任瞻佇
待命之至

寄齊以繼兄弟

書閣堂稿

第十卷

士 玄對樓梓

吾桐自辛丑甲辰之後科第稀少嘗謂山川氣
薄不能鬱聚大發人文不意來者間斷而存者
文復凋殘若此天是何心况尊翁體類器度宜
得多算乃今至此而止天尤難測所幸蘭玉滿
庭俱爲英妙豐此齋彼意或在是惟冀奮勵以
光前脩家事不審今日若何尊翁以清白相遺
能甘此滋味甚長往見仕宦之家豐貲累積以
遺後人身未稅駕而其子孫已閤閤里寢不
帖席反貽咎昔之人曰柰何所遺若是公可以
免此矣幸守禮自愛

無聞堂稿

第廿卷

圭 玄對樓梓

寄禹江李明府書

往歲舟過留都一時故舊惟明公相念最切比
至闕下游揚卓致思得異擢以光省署時值多
事無有肯以人才爲念者後因郡伯以事解去
與山峰走白銓衡計公資當擢且郡小無多故
去德里甚近乃敢屈仁人君子一照臨之亦以
明公能愛二弟必深念棄梓也敝郡前數年如
霜屋日嶠久無雨澤草木枯槁後數年如幽巖

深壑斧斤不至荆棘成柯得明公至當有中和
之化矣歧仰歧仰往見京朝大夫崇體即署一
領郡國便覺局促蓋於簿書揖讓有所不堪耳
明公冲養有道必能照察俗態第恐一有感觸
不免罪及二弟故預陳說以見披豁

以蔡中郎集贈渾菴書

蔡中郎曠古逸才遭逢末世雅志續史上紹馬
班意蓋遠矣而竟以是鼓旤邪佞操國不容直
筆在幼主左右反追論于長深尤漢武而中郎
所句豈不當與余每讀卓囊之對兗州之謀未
嘗不酸鼻涕出傷心之歎誰察其衷無名之誅
千古罔赦於乎難言矣難言矣偶睹遺篇重爲
扼腕即登進我仲脩見其文當亦攷其出處云

慰方東谷書

春初讀家報至末簡語及宅上被盜事不覺失
手簡遂墮地良久乃能言古云天與善人以君
家數百年忠厚之積顧一旦煨燼而日噪諱閭
里攘臂詭奪鄉人者返待坐享其貲無重禍倘

無聞堂稿

第廿卷

圭 玄對樓梓

謂天道是耶非耶後仰思達者謂物有必至事有固然以一切成敗聚散悉委之豫定彼豈無所見而云然料高明亦能及此但恐家人行猶不免戀戀愁苦耳諸物既入盜手隨即廢棄無有存者人每不忿多方逐捕或以意測度務在鉗治圖復故物乃或不免妄及然亦自取多事以後凡有所聞當令府縣躡尋毋以家人相助不知尊意以爲何如

報梅宛溪掌科書

集賢堂稿

第十卷

十五

玄對樓稿

出都猶百里相望過此遂相失遠矣不數月忽有紹興之命且喜且疑古人爲地擇人不爲人擇官此地素稱難治得公當移風易俗但鳴鳳一去軒殿上不聞直論省寮中不聞忠告恐所繫重輕與海邦相遠也今人作事草草誰復慮此退復追念昔時夜坐見列郡多不當意公輒長吁曰苦我不得爲郡得則當爲天下一快心也言猶在耳今皆從旁伺之幸毋忘夙昔教戒浙地人咸以謂多詐務求以智相勝曷亦密矣

惟順以應之公平洞達處即神明之威嚴也何如公初領繁秩已具成效今當迎刃即解但愛連城之壁者十步九視過爲保護耳毋咲秦晉人廼以操舟之術刮示越人也念之

寄方湖王都憲書

昔在都城曾申臆于左右諒去人不致遺忘後鄙人遂南徙僻在一隅形聲俱遠矣鄙人同官多閩人日誦公所治事信經理中方畧以此可折衝萬里矣廼倭奴不懲猶復四入近聞斬獲相當信轉弱爲強其機在一人也往歲閩人以海爲盜今則島人自盜矣此路一開塞之誠難况島人不能一年不與唐人交何則饑死與寇死埒耳若無術以止之恐日至而日撲殺之無益也吾兄想有長策但多忌避不肯作首事之人恐利未得而責者隨至也不然此寇直誅殺殆盡而後已乎抑別有說乎人回幸有以教之

寄雲岡龔尊師書

集賢堂稿

第十卷

天

玄對樓稿

弟子鉞去門墻近廿年矣當時滿庭桃李並媚陽春今皆狼藉秋風半成憔悴間有存者根盤下土無有高出群芳挺然爲門下報恩人也差稱爲弟子鉞依違闕下有年非一日敢忘吾師者但稍有機會輒多阻塞今之時勢何啻積薪一人之身旬日異狀當鈞者目前應酬猶且不給欲訪求宿德舊人勢不能矣諒吾師亦能照察之吾師稟河嶽之靈負經綸之學如威鳳瑞世少出蚤藏使后夔典樂終來儀虞庭此暫歛

集賢堂稿

第十卷

七

玄對樓梓

寄宗方城憲副書

公去京國近三年鄙人南徙亦年餘矣一在江之北一在海之南音聲何遼絕也昨歲逢養靜始得手教捧讀神傷語出胸臆自兩情相當也初見試錄私擬數篇必爲公所論撰後詢之士

夫果符所云公之儁才妙句雖起馬班同堂獻議誰能後先然名亦以此翔重天都矣今人重去京門非真有忠愛以朝夕匡順爲心貪利涉耳然祿位恐有司者惟求心力可到得配古人足矣何如鄙人此地既僻而簿書絕無日以已刻了公事餘即垂簾讀書時矣但疾病侵陵閑福亦難消受以是驗崇高信有限也得便亦將還山求吾所歸結者何在老於塵紛無益也公何以教之新作幸多示真愛諒不惜此南盼脉脉不次

集賢堂稿

第十卷

八

玄對樓梓

寄林平泉少司成謝病歸

公還峰泖中已數月矣主人朝出暮歸猿鶴迎門樂事良多但恐東海移文謂主人島患未靖輒爾回軒致令鯨鯢鯨海鉦鼓震空雖理亂不知編摩自得非用情桑梓厚報地靈公將何以磨之前得公著論數章深愜鄙懷恨不多得便中不吝再惠數紙當藏之匣中朝夕諷誦永以爲寶也習靜全神多種蘭玉鄙人注望深切伏

惟喬諒

寄莫中江憲副書

公歸養近十年矣十年中所理者皆身心性命事也靜觀世人貪涉不止風檣陣馬出入驚濤怒浪中倏忽萬態當自顧嗒然樂矣別後僕亦跼伏田廬凡五年前復浪出冥然得一官于山谷中日治牛馬事無它督責頗便踈慵但于世無可裨益終不能超脫如我公也愧之愧之久仰詞翰無便承領舊卷不知尚肯留神一揮洒

集賢堂

第十卷

王對樓

寄右河楊郡伯書

前在都邸游諸仕人間咸誦我公爲君子長者深以得交爲幸不意僻侍從之尊來教敝郡則鄙人得爲子民而交游之澤益厚矣喜藉喜藉敝郡偏介江北無重大不可理之事民所告言率山澤田廬僮僕錢米細故真可立決但邇來狡訐漸多往往舉往事文致其說互相誣訟稍

覺俗日雕悍亦約法太寬來者多倖耳諒更新之下民皆易慮改聽矣鄙人守官永陽無由侍教顯价代賀申慶喜之私願若此鄙人一子隨任惟留數僕守敝廬辦租稅不敢有所私請其族人子弟願公一聽之於法以鄙人爲言者即奸法者也公以是厚鄙人是使鄙人長有後於桐也愛莫重且厚于此矣以不得面故先布腹心幸垂亮焉

寄光祿黃少村書

集賢堂

第十卷

王對樓

鄙人在公指顧中久矣昨來南滁偶得同事又在公肘腋之間公復煦濡朝夕開諭不計形跡如麒麟鳳凰甘與山禽羣鹿同其飲啄山禽羣鹿亦恬然樂羣及其既去然後失其憑藉自顧嚴容頓減是以長者行後鄙人即撤壺登按酒兵弁壺矢非忘樂事諧心者難耳前會肖泉公知四月八日入朝勲寺雖非昔比公迂道至此不過假邾莒以之秦晉料旦暮間有殊拜也公去肯微雨旋即開霽至今兩澤未通鄙人齋心

仰扣已月餘不肉食矣民聞皇皇而倭奴復至
山舍雖號偏僻與民廬近愁苦之態易見公天
上遨遊日與故舊絃歌徵逐視下方如別是人
世乃知蓬萊閬苑即在輦轂下也羨之羨之鄙
人遠臣已蒙鈞衡三次引陪公至當多所吹噓
揚善隱惡長者素心於鄙人諒悵懔益咎也曷
勝瞻佇

報何中丞書

公在都下何時也人人中世味如醉有一人獨
無悶堂稿 第十卷 王玄對樓梓
以太羹玄酒爲美而甘之每每舉以示人人雖
不盡解脫而清泠之風披拂已多及公旣出然
後思就芳腴不可得矣仰之實切昨南康吳太
守行具牘曾意想未上記室今乃辱翰惠遠及
懽如對晤中有哭孫之語詢來人知是痘瘡所
傷亦爲公痛惜久之德門蘭玉滿庭其先殞者
必非瑤圃中物也諒不過念明公實學實行爲
天下倚重今之往也天欲以實政及人耳天下
望公者何限猷先被豫章信豫章爲善地也鄙

人別後博一官于山谷中友朋旣遠孤陋日甚
雖善念長生而輔德無資終成廢棄幸明公時
時記教不致迷謬亦造就品物之一端也望之
望之

報近麓李侍御書

偶違天上復得谷口追隨載酒尋幽石徑雲崖
至今猶有餘馥晤語肯以得代在邇計日行部
交臂即別昨使者言來夏始可榮歸恨不當時
繫輪數日使深谷遂巖猶多雲埋雨隱處也滁
陽山水本無奇勝但歐公佳賞遂成典刑今得
諸公之力亭院頃新廢壞俱起又可光暎百年
有司已伐石令鉞紀揚功德俟圖成請教非敢
言文留公名字于白雲流水間爲山靈增重耳
鄙人故鄉仕邸再辱德覲此意宜何以爲報言
之鬱塞維揚勝地轉目春宵再賞二十四橋明
月亦宦遊之至樂也諒不以久客爲嫌伏惟自
愛

賀雷龍舒登第書

一別數年今始乘春撥第惟喜無量猶謂厚積
薄發未能大愜心期也今歲例有儲選公聲華
藉甚當入中秘但蘭生深谷非有先容惟憑馨
香自達耳奈何士人一登甲科已離苦海若安
其步武自可馴至巖廊似不必過為選擇也何
如鄙人年未及而衰先至今幸守官僻地醜陋
易藏惟日望故舊崇顯左提右挾耳因便申賀
不盡

與王桐野書

卷之十

三 文對樓梓

前日靈泉之遊可為樂矣與故人執蓋追隨非
故為放浪見世人為形骸所拘別作一措大鼓
動後來者耳昨日公不來會中一副俗腸依然
尚在陽明襟懷似不如此侯公再洗濯一番方
敢奉覽鳳里翁齋上新亭一二日間尚當一遊
諒公不它出也趙道已赴會公可謂世間無好
人乎草草具覆不盡

無聞堂稿第十一卷

桐城趙武

謝徐相公書

今天下有一人焉以身任天下之重天下之士
歸之如群鳥依鳳覽輝翔集然猶遲迴周視而
不敢前而所謂一人者非不知群心附之亦偃
然任其去留而無所必何則固各有懷也然象
我翁造就之仁及乎梓之愛其拔而出之也惟
恐後時以波臣易溺耳今果出層濤入深谷晏
然不驚每側觀天外風波不時大作真有捫心
出舌時也可奈何欽去教下數月杳如隔年雖
切瞻依終遠光範敬遣人代候台體少申積思
伏願相公至誠以結
主無心以應人使天下知有青天白日之心又
有虛舟飄瓦之度則福祐隆澤益廣士之所倚
者不孤矣不勝傾注頌願之至

報廓齋郡侯書

明公晚出正士習漸靡之時再寇吾邦適江城

多事之日非君子長者填之擾而疲矣昨在陪都與當道言猶未深信今且望而知敬走叨轉便過故里亟欲請教以王程中止昔任昉欲造阮孝緒而不敢近望而嘆曰其室雖邇其人甚遠走於公之謂也然身雖未至神寔馳邇矣

報午山馮尊師書

去歲小价回蒙吾師賜教鋪陳胸臆恩愛滿紙捧讀數四不覺感泣竊念弟子在都官時十日不見師如腹中有物必造左右盡吐迺已吾師

無庸堂稿

卷十

二

王荅梓

亦不能十日不召弟子召則驩論燭盡再舉如兒女嘈嘈不復避忌當此之時以生平可常保聚豈期復置身于千里之外哉後當出省時如籠鳥然得隙即飛翔不復計首東西及入深林然後知其去入境遠矣抑念才者宜近不才者宜遠弟子自度亦審昔人謂善食者當食糲善衣者當衣麤不當為人羨也鉞竊取以自全昨吾師亦以清福許之知其不以遠去爲背師也弟子今殊當入賀侍側有期因舍弟行遣候

福履北望惘然勃率

寄大司馬虞坡翁書

鉞守官都城承事諸長者十有餘年獨未侍左右豈龍門難御抑下里多艱恭遇明公食德雖舊立身何高正天下多事之時得吉甫晚出適人心漸靡之日幸君實再來驚見獸醒實副群望如鉞孤遠尤切瞻依但夙昔未領簿書一旦寄以蕘微况苗民襍處流土同官條例難施逋負空責久當擬議請乞鈞裁今方領符不暇瀆告知仁人君子志在四方其於僻壤尤所加念倘蒙批教何啻神交萬里裁書寸心竦仄

寄古泉光祿書

走注與公別不能數年不見亦未嘗相去數千里今迺作如此離別達者寧肯若是公近日經理家務若何鄙東別墅若成移諸賢郎讀書其中開眼即紫翠千重風雲萬狀平野長川豁人懷抱不比一室之內一几之前所見無多也邇來計氣數當漸轉移公精力尚爾強健鄙心欲

安石再爲蒼生一出諒雅志亦同也鉞枉言前
旬外常摸索得吏事數端思得一丸土亦要鋪
張整一公案不想駘一身于九夷之中又是一
樣品物別要做一樣鑪鞴登壇說法舊日話頭
殊不印證迺知遊涉不遠欲一句片言盡天下
事情不可得也恭衢渾庵二兄想益閒遶靈泉
勝地當一月一遊青松白石糾紛玄丘儘有指
點人處倘肯開禁精室走當祇踐前言獨處枯
寂迺知友朋聚會惟謔嗔怒皆是福利恐諸公
當面錯過會時幸誦說之

報施華江書

舍姪荷愛得畢役早歸此恩不淺南官人皆易
視之公視南官子姪過厚此其坦度不設銖兩
誼高出人遠矣鄙作何足論公迺過許之增我
愧顏也未論有羨南北之說不審教旨鵬鵬
雀各云自適莊子謂變憐蛇蛇憐蛇言以少羨
多以有羨無此非造極之言要之蛇無足足變
一足足蛇百足亦足豈容歆羨其間哉此不敢

深論俟入 賀時揮塵浮瓜盡論心曲何如

會荆川唐先生書

鄙生鉞望公之門牆而不得一及其戶想公之
顏色而不得一侍其光久矣往往于公之交遊
處得其文章則口津津誦咏不能置聞其行事
則心凜凜惟恐言之不詳而傳之不廣也此心
此意積有廿年何由一致懃懃于公左右哉昨
聞公起思旦暮見公後復徙官南潯則又邈然
遠隔及聞公徧歷塞垣直指時弊私竊驚喜曰
數十年圈套何人敢發其局鑰哉即毋論行與
否以此得聞

君相亦足矣夫古有諱敗者未聞有以敗爲功
者古有畏寇者未聞有賂其歸而導其往者此
豈 聖時之所宜有哉前見奉使錄知公拳拳
以調兵爲惠今南北交困國計漸耗只此二字
爲崇今幸得攻破倘一二年間便能止此即公
之德被海內矣聞報 命在即東南事未審作
何整頓大都北虜如禽鳥飛翔莫定南倭如潮

沙來去有期肯以實心人處之亦自有難易也
何如侍側無期言多勦說乞為天下自愛

畚林平泉少司成書

兄居此未久廼又有是舉耶此任固孔孟所欲
為而不可得者兄猶厭其勞則亦避喧甚矣今
天下士習日壞猶幸有一二君子在位為時表
帥廼又相率引去殊可慨嘆士君子與世相遭
雖有不合亦不可有厭惡之心但當與之群而
不失其正隱隱立隄防于洶流中以為世障故
孔子以學詩可以群謂其可與人群也又曰鳥
獸不可與同群吾非斯人之徒與而誰與所以
群世也群世中而易世之意自在若莊老以世
難群遂飄然立為出世之說故大雅君子猶有
議焉今幸未得命第故哢哢猶望吾兄之少留
也第荷知愛日混于嚙沫中以兄在前時以清
泉澆之若遂此舉則日遠日疎指示不及於宿
願大乖矣第年來多病老態驟生鬢不能百莖
白者數十左目生花已矇矓視亦不堪為利祿

久留也但弟輩可去可來與世何補如吾兄則
自當與世周旋以天下為己任不當以習靜為
樂也願吾兄少加察焉

寄冢宰默泉書

鉞去然後知長者相念甚切也鉞在滁兩見麥
登耳長者已三薦而三及之雅知輔車無能當
御而呼嚙常至終非遺忘每得除目輒家人相
對私誦而已前過沛曾拜大德祠下因以百姓
之言撰述為記始知明公賑荒之政千載可法
語皆從實鉞非不能鋪叙積德掄揚懿美但念
父老子弟之言實紀也出此有說皆竅語也
以竅語入實紀中非以傳信故一字一句咸自
父老子弟齒頰中寫出不復別有增益亦以後
生輩不敢妄譽先生長者先生長者亦不輕受
後生妄譽第言甚鄙俗不當尊意且多遺誤惟
賜點竄補易是所願也敬辦片石橫數尺許期
命至刻成龜之壁中至於伐崑崙之玉鐫鐘鼎
之文使仁名偉績高映今古則拱竢名華牛馬

僕臣何敢與焉今具稟請教并布腹心伏惟鈞
焰不勝大願

寄趙都憲書

公僕十年前舊省長也知為東吳神明良有司
昨東南偶乏撫治皇皇求之弗當僕與一二知
已以公對曰茲固東吳膏神明良有司也人皆
云然是僕輩以重大者累公也公以神明之政
不得顯用於十年無事之前而猶得用於十年
多事之後雖勞逸不同天之為報可知已僕皖
之鄙人也皖跨在江北往諸公出治留都諸所
稟承可半月往返眎易及今坐鎮姑蘇視皖
在肘腋外矣肘腋去腹心遠則痛癢弗察勢使
然也願明公精神流通不分肢體內外一視之
實遠人之幸也至於備僚方略明公可談咲處
之不能言亦不敢言

報一厓郭光祿書

公去海時欻慷慨與別不作世人憐惜之言其
心實輕海耳公果去來如屢平地僕無端走入

九夷山狂川怒寸步凌兢蠻烟瘴雨既易中人
而種種惡類朝夕躑躅視海何如昔孔子欲浮
海當時有人踴躍相從及欲居九夷竟無從者
或人且笑其陋則其難易又可見矣此皆聖人
所欲往而不能今吾二人踪跡其間亦為不偶
海上事諒公歸來必有著作幸有以教我

報克齋李中丞書

明公正式務勦勦之中廼猶煩記室問遺鄙人
耶此其神氣清暇不復見有厲矣此奴今來猶
謂淮揚昔日唐人耳一遇明公遂狼狽至此屢
得報書輒慨呼起舞以往昔舉事者非真力不
敵亦心膽智量不能逾人故退避過甚耳今已
在釜中聞公督戰益力料旬日當盡掃除但鄙
人少嘗見捕狐者狐出遊時易得也若狐入穴
則灌之莫能射之不及間有燠者狐先伏不出
獵者廼從容立伺其旁待其饑而出食則奪其
穴以禽囑之以網羅之乘以利等一發即斃何
則失穴計無復之耳今此奴因敗之餘竊巢朝

薄古人所謂窮鬼也恐迫之不宜過急鄙人雖未嘗身至其地料三家之市蓄積有限饑則自出然後以計破之正前所謂在野之狐也可無燠灌之勞坐收得皮之利何如鄙人非能料敵聊爲麾下陳其所見如此亦自知無當尊慮也俟賊平時奉賀不盡

賀浴泉徐年兄京兆書

鄙人南矣明公亦南何夕即之多遠徙也公周慎爽朗見者屬念廼亦遠辭天上鄙人得此猶幸也春初舉事側耳留聽無有一人稱屈者信大君子不但耳目長用意亦密欽誦無時已已正欲走賀友爲使者所先甚違宿念南都重地山水跬步易觀事暇多朋軒遊何樂鄙人山林官舍白雲黃葉填目塞塗望故人盈盈天塹對面千里倘得一便駐馬叩扉矣唯公念之薄儀申賀以得留爲幸也戀戀

謝軍門董公書

承示功次稿讀之怛然感貴人何幸勞翁重

來靜掃妖氛且自總泰藩臬以下各有需被可謂再造茲土矣鉞來也暮適逢盛事今抱鼓不驚眠食俱暇受藉已多復承寘名牘尾似覺有功人者斯爲濫矣幸去此廼爲實錄善後之計惟築城防守二事城已差人估計而添兵移官當先議糧餉原哨已有二百五十欲再募二百五十須查出地土一午所入足供支放然後廼敢請也播州之議事體甚明不必求深知如明公者但令無心人聽之亦自通曉得翁一言疆理即明事權有定它日貴人當歲時俎豆公矣鉞從旁出一語即爲貪土噫此中皆蛇窟虎穴有此何利川之卿大夫算亦感矣翁幸爲地方一剖析也廟堂之上亦甚朗然翁朝上疏而夕可分割何則事固有便有不便耳公其念之

寄胡龍川兵憲書

淞中未得懽侍立語即別昨至類自謂得近高賢迺復齟齬信嘉會之難合也承賜酒肴載至西湖獨舉數杯儼如晤對但西湖先賢名蹟於

賴無損一旦為奸民掘隄洩流遂成麥隴扣有
司所利不過七金儻若貯水利當數倍古人謂
胤之舞衣垂之竹矢本非濟用先王藏之兩序
重典刑耳矧西湖有水尤切民生亦不失前哲
之遺愛決當興復已令有司俟麥雲一歛即築
隄口口甚隘捧土可塞再得明公一言坐見水
光四碧矣且廬陵亦公之鄉人也尤當私念使
得聚首當更披揚伏惟鑒允附謝不次

寄秦虹洲書

集賢堂

第十卷

十二

玄對樓

周歷穎毫已及一月方至壽陽歸興已勃然作
矣不意公又以廬州見委今又往六安徧遊各
縣似難過家江南三郡盡以勞公鄙人似任其
易者尤見俯念但鄙人欲遊三茅尋陶隱君故
第抵潤州濯足江流坐金焦望月出東海飲第
一泉呼僧僚拍手歌坡老大江東去今不能如
願信佳山水不輕值也未審此債何時可完曠
懷如積至和州當極論之馬政近益凋弊名存
實亡百姓值旱後十室九空今亦不敢苛責惟

以安民為先民安則馬政自易修舉耳何如

寄大司成華峰公書

弟出垣時仰德意甚勤以後入山寺與野人為
伍懶作天上故人書矣踈慢誠可罪近喜公暫
出鳳池遠掌成均雖一時寄塗實揚彩江東使
四海拭目弟嘗謂天下之官皆為人長惟鄉學
國學二官則為人師此真孔孟所欲為而不可
得者鄉學官卑既不足為國學又儒臣妙選非
可易為今日以公師表天下既為得地又為得
人欣賀欣賀但今門下率多童稚尤宜寬誘若
責戒稍急似不能堪而古人所以養不中不才
者正不在威嚴督過也何如何如

寄吳臯喻巡撫書

往時思欲待公左右聽其芳論竟不得就今得
為公部下人矣其為沾被尤深私竊慶幸夫江
亦賊穴也所從來遠矣但今視昔較盛以調募
之兵少嘗亂味即竄處其中而浮蕩之民從而
依附之遂相哨聚不解而司捕者苟且避責不

敢以實上報以故益盛今聞公來如神明一臨
群妖自伏矣大都龍江而下鄙人不知龍江而
上如丁家洲老鵲嘴等處皆是賊巢其地去府
縣既遠入係錦衣衛洲地莫敢搜索亡命之徒
往往潛匿其中得便即入舟為盜登岸即驅犢
耦耕聞有捕者鑼鳴則群至攘奪束手無能窮
詰此地若一處分則上江之賊解去幾半何則
以其無挂舟處也鄙人待教久矣知公必能容
吾言輒敢誦說之亦欲公之治聲流於江洋也

書簡卷一

第十一卷

十四 玄對樓梓

故多言無忌伏惟台察

再上徐太師書

鉞昔侍先生長者聞譚四方事歷歷如身至其
地則貴州事體相公所深知也貴所最苦者密
邇播州以兼制權輕糧馬不供而日有侵擾控
制為難次則糧餉仰給川湖異省徵輸文移徒
切二十衛官軍歲有五月無支此何可常也又
其次則土舍爭長互相讎殺不獨張問韓甸為
然兵難日動故敢以地方事宜列為數款上

請不敢浪有陳乞其酌而行之則在相公伏望
軫念邊方俯從所議庶責成有在或可展布是
使武得糜食于茲土也曷勝感誦

報白灘張年兄書

古人云形影曠不接所託聲與音鄙人常感其
言誦之後與一二知己馬首一別倏忽千里欲
一尺素相通亦不可得迺知聲音亦難託也弟
與兄相失幸不千里而遠又因楊南溟得數數
通候真音聲常在耳矣海鄉春至知公甚安弟
未審北上何日欲接形影邈矣難期薄具代候
幸入之

書簡卷一

第十一卷

十五 玄對樓梓

寄柏泉胡先生書

自山亭一別歲復更新每得報音私倍浣慰欲
一陳候北使何稀僕常念天生明公必濟世用
當 國家無事之日顧投託雲山及四境有事
之時適需次邊徼且愛巨柄不急授之古人用
才寧能若是荆川公已填撫淮揚群喜得地去
復亦曾用兵多出已見廟灣三沙互有得失大

氏儒者之學愈試愈奇而長於戰陣者似別有一副肝膽也何如今中外事勢若此宜改步易軌猶拘忌益甚如處巖穴之下天雖高不得不跼地雖廣不得不踏亦復何能峻發哉鄙人居此無事檢鏡歷代諸史世變多端不獨今日為可慨歎滁陽之旱百年一見豈德星既去惡曜隨臨耶何饑餒至是外具寄上左右顧公服此節制西北使中原之民以漸息肩耳幸入之情多語亂望望無已

無聞堂稿

第十一卷

十六

玄對機梓

報梧岡大中丞書

馬叅將至獲領專教知翁惠利貴人糧餉已徵發若干矣敢不頌德求寧事誠如來諭衛司同城其來已久往固惓然無事也近有二一竄食其中者以顓利為奸巡臺察而罪之遂至生嫌亦未重處尚可曲全迺傲然與兵既脅去罪人又四出擄掠載之案牘者皆實事也於紀綱法度何今追還未及一半兩道竟略其罪恐其惡漸長而事與時會又有一奢効忠者竊嬭之執

出於其間而其機變能鼓惑上下故大乖張彼介然酋夫耳主事者自有奢世胤在但不知以何事得一衣巾遂得承事上官黃蓋乘轎儼然又一宣撫矣望翁革去衣巾使不得見官則地方安矣教場營房開設百十數年前此宣撫無一人言者奢効忠欲乘此驅逐軍士奪還前地以致各軍皇皇不安且土地尺寸皆

無聞堂稿

第十一卷

十七

玄對機梓

朝廷所有也何有彼此即此其狂悖又可見矣幸翁決意絕之且當時衛司同城皆有深意以衛力足以制司豈知衛日弱而司日強乎前此諸公深察此理往往扶衛抑司所以內中國而外夷狄况兩地公皆先後主之諒意念鈞也得公一語即兩地平矣叙瀟道僕舍親也所治都蠻弄蠻種種惡類其填安實賴尊比尤望加念

寄邑侯包少東書

桐墓爾小邑邇辱明公遠來照臨在士民誠幸於公為輕試鎮鄒矣桐邑連歲俱賢者君長之又瘠土之民本無驚悍難治中最不可人意者

惟錢糧一事不過數惡表裏為奸以欺上下聞
公至首懲此輩已快民心不意北墩復釀是變
此吾桐數百年所未有事也雖其平日積聚所
致而士習民風一旦潰裂無忌明公信以桐為
亂鄉夫夫獸窮則噬人窮則亂此其無聊之極
勢不能忍然貪夫嗜賂曾何足言而年來諸公
過事姑息則不能無養成之累也使得如南渚
君侯相繼而至或無今日所以古之循良多以
搏擊為治平衆惡也而強者亦賴以善終望明
公存之鉞竊食他鄉僅留數僕代耕宿土近始
遣小兒回經營市居預為歸計兒孱弱之人酷
好章句素無利心復嚴誡之歲時惟隨衆一造
公庭母事干謁此情可察但寒族人衆勢難齊
緝而同姓者又多改易名字邊旁思因緣惑聽
此則非鉞所能知也但願明公一以法處之母
分仕族與齊民則法既大行而民又無冤鉞亦
得長有趙杗桐也其為感戴豈在私厚下哉鉞
若偽言不由肝膽則神嘗殛之伏惟鑒念

無庸堂稿

第十一卷

六

玄對樓梓

再答吳臯喻公書

前賀公來治并有陳說皆瑣語也不意明公報
之過隆垂曲聽焉鄙人其何所知自少見江行
者過丁家洲老鵲嘴多被劫而相誠毋輕渡以
莫可窮詰處也昨聞朱兵副曾一搜治民皆稱
快近又增設三遊兵使皆分布得地自可弭之
大都水陸之賊皆有巢穴不有主者則不能久
其他潛出潛散易於追捕然亦不能使之盡無
也來諭伐謀除本誠深得要領而保甲諸法使
一一盡行之舟可夜泛矣但恐奉行者應之不
實耳往無有如明公注念者今明公念念及之
自能風行雷動不俟缺刃後戢鄙人濱江人也
其頌祝當在百姓先矣近所最患者調兵其來
其去兩被攘奪居民近江者無不殘傷使良有
司來則以禮迎之犒之去則遣人送之衛之不
致侵擾若是此則尤屬望于明公者幸鑄諭諸
吏為憲尤溥明公能聽鄙人故鄙人盡言之幸
毋以鄙人為長舌人也伏惟加察不次

無庸堂稿

第十一卷

七

玄對樓梓

答劉允峰謝姐書

前小兒專人來報仰荷橋梓之愛俯定姻婭之交誼不可辭心已先諾今蒙惠教婦好新成因念古人娶婦必求子齊妻以重世德何後賢有議貴卑門下室惟在順承是昔則慕族系之隆近則謹箕箒之後雖意義有在而風雅漸微竊念鄙人少事詩書本無鄉曲之譽長嬰冠冕漸及衰颯之年一子業儒五車未富雖留心載籍尚垂翅風雲以此而言曾何足齒恭惟君家忠厚相傳門閥素著篤生令子蚤發賢科御龍之後望氣必昌燃藜之學乘時方茂願鼎鉉之可待何葑菲之不遺雖為洽渭之祥亦其臭味之合一南城一東里喜業梓風同但國大富向大貧憂門闢尚異嫁女必求勝已吾之倚玉誠然擇姻適及匪人公之占鳳或過一自結盟之後未為世好之家有過則規行失則抹務求麗益不以勢合不以利誘盡洗世情庶比陳雷之交不愧休戚之義惟大君子存之

寄一吾李年兄書

公之雅尚終不可挽而留耶昔分袂呂亭之言以為一時感激之語入都後旋見榮轉謂憐才者從中奪之矣不料其鴻遂爾冲舉瞻望雲霄形影孤寐慕之嘆之飲尚趑趄琅玕山中非敢望遠到以山中偏僻而官無重任計一考即歸敢有名山但與公日遠欲求余對何緣就近姑臧一酌亦是素心恐筋力不逮耳仕人居鄉自有法度若獲粘帶一毫軒冕意味猶有酸餽氣在非達人之高致也何如前承佳作鷄林生彩規無好語足報瓊瑤奉去俚語四紙可糊茶竈藥爐壁間時發一笑若令人見殆非隱惡之道因舍第行奉問台候尊翁令郎起居何似幸一一見示偶得此便可三年音問相通也臨狀脉脉神往

寄射陂年兄書

別來又三年矣吾兄盛時博雅君子也使高人鑒裁當拔真清廟與朱絃玉磬共考一室迺以

郡事相勞此誠何意聞公於此亦恬然即事既不草草亦不戀戀可謂優於託大善於處長亦復不易前見豫章有傳賀太師賜第文者謂出公手立意既高詞復古雅三讀三歎要之潯陽勝地亦必有如公者主之當共稱白傳再作也公出留都有牌過滁第輩候車塵數日不至遣人問訊知從舟于邁矣今因舍弟行便附致悵悵九厓兄濯濯沈暘造詣兼深部客得此良不落莫吾廬兄後事若何尤望眴睽時一及之近

集賢堂稿

第十一卷

王三玄對樓梓

存念

報王侍御書

公在日月之旁僕企仰久矣以遠地非見賢者所也昨聞從天而下訪求奇書當經貴竹此遊古今曾幾見之浣慰浣慰往見史冊中遣使求遺書私以為榮然不知當時奉使者何人至於遺書皆人間所常有者亦不必深入名山洞府而後有之而名山洞府間有遊者又皆逸士高

人無心當世之事始具杖履一行無有奉

天子命露冕乘軒徧歷恣覽者明公得此信亦奇矣貴州夷地不通文字而有道者不輕至此近多方尋採一無所獲惴惴無以應尊教湖襄之間古神聖仙遊之地其所藏必多肯分惠一二冊則又使遠方生色也望之望之

再報包邑侯書

前後回領教甚悉尚未裁報而尊使將德音復至增重幣焉其何敢當明公兩書俱及謝人事

集賢堂稿

第十一卷

王三玄對樓梓

且自以為歉若不能全之夫若等蓄毒已非一日公露冕行縣曾不決旬驟使積怨平積禍息雖周孔猶難但公猶恨其目見耳公多方捕治似歆報其不平夫衆方疑懼若少密則毒亦厚矣鄙人之意以殃之今者其罪淺而翼之昔者其罪深不然何得至是倘遊魂有知亦恨及此於此稍加一念則衆心俱釋且足命世明公屢分已極洞察而猶咨嗟於懷意為諸仕人地耳則尤為過慮大虎豹來阱鷹鷂來鋏可以驚

山林不足辱山林也近日上官相見欲今皆分治於法似平唯明公裁之公漸與民親其情事肯俗得之耳目者當詳果易治乎抑難也如此等事皆江左流風偶爾感發不足介意近聞明公百事更新而節損之惠尤為浩大今已道路傳布非鄙人之私語也藥石梁肉並用則利鄙人何得參侍一面頌之使者遄回披瀝不次

與張中丞議俸鈔書

數日之間兩得手教情意溢岀更辱厚儀感仰

無聞堂稿

第十卷

主四 玄對樓梓

何可言貴州軍官俸鈔取給金沙洲料價

國典也昨請乞門下循故事耳公雖不予有無限周卹之意不得已之情大略以荆湘多事無可解發未嘗斬然絕之也貴人聞風自醉不待啜醢矣但貴藩大夫遂毅然以為不可不以為常祿廼以為過望僕莫之解也貴人亦莫之解也其曰三十二年以前因

朝廷取用九江鈔遂留金沙鈔補湖廣所謂補者因金沙鈔多取其餘以補之非盡以貴州鈔

與之也湖廣因去九江鈔遂奪取貴州俸鈔今令貴州又誰奪乎又曰三十三年以後題為軍餉未審軍何所隸是貴州之軍乎抑湖廣之軍乎若以貴州俸鈔養貴州之軍雖枵腹槁死無怨也若借此以養湖廣之軍於理未安且所謂題者果會題乎况軍門案驗三十二年以前追還貴州三十三年以後既作軍餉當另處錢糧以補貴州而陳侍御具

題奉有勘合俱可覆考也若曰軍因軍門而設

無聞堂稿

第十卷

主五 玄對樓梓

三省共藉以為重則當三省共養之如供給事例不當獨累貴人也又曰絕貴州有名無實之望免湖廣約已裕人之愚貴州有名無實誠是矣所謂約已裕人者謂推己之有以與人也今實奪人以利己耳尚安得為愚且吾聞之宦途猶萍也風東至則西泊風南至則北泊轉徙無常也何能久據腴土遂以為已有乎若盡分人已則留都軍士亦它人也南糧亦不當解發矣以天下為心者不當如是藩大夫方握荒鑰在

手難以口舌爭終當

奏辨極知楚地貧困但貴人貧已及骨矣公所深察也若欲貴人無言必湖廣及各省軍官俸鈔俱取作公用始當語塞公幸出大公之言以鑄藩省諸大夫平心會議作一處分庶彼此各濟

國典恐終不可泯沒也恃愛縷縷至此似亦過分人已矣伏惟推念不深罪之

報大司馬虞坡楊公書

無聞堂稿

第廿卷

三六 支對樓梓

猷為翁守南荒之地將近二年地方偶靖苟安一時惟平州司叛舍叔姪讐殺數年今以夷攻夷不煩兵食司治已復事將垂成近為言者指陳不肖歷數于

朝而黜罰之將計日去此恐不及處分謹以就縛者議請惟翁酌而行之猷自入仕以來素未承事長者雖長者亦不知猷為何如人然當官實不敢不慎但才識疎謬雖盡心力猶展布不前去此無復可之將從此隱矣但聞科中有裁

革軍門之議意在惜供給之費耳費誠有之因

費省官恐將來用兵其費有甚於此者不可不慮也貴州原係川湖邊隅之地因其遼遠難治始設一省人居其易我居其難分疆不明事多掣肘非軍門聯束之勢益渙散不調今雖以湖北道屬貴州節制徒虛文徃來彼自有專主者惟軍門自撫鎮以來悉聽節制其權始重其勢始合况今四川白泥司楊贊草塘安撫司宋驚求寧宣撫司奢效忠等桀驁不治時肆剽掠軍

無聞堂稿

第廿卷

三七 支對樓梓

門一去數年之間不免用兵彼時添設無難但既革復立事體紛更必欲省費不如革貴州巡撫而用軍門如兩廣事例以貴州之事盡屬之軍門事體既重勢復聯絡不知尊裁以為何如但恐已有成議矣猷逐臣也猶喋喋及此猶之棄婦尚顧念梁簡耳翁為天下倚重故貝昧陳說幸加存念

與張詭山

懷子回脩慈尊愛何公念之教之如此其切至

也雖吾自愛其子亦不是過誠異姓骨肉矣
子歸家大有悔悟舊讀書處有竹石一片名為
宜秘洞天謂其可洞而不為洞也立為會所往
時有英才睥睨而不肯入會者俱不約而至雖
不知究竟若何必不使孟浪作一裝頭蓋面人
也恐此猶未足以報公聞報政在即敬掃一室
奉迎尊眷祠公之并州也况弟子眾多其恩愛
甚於故鄉親戚不但留公一時它日百世根基
亦當預定白沙先生所謂風還遷公其人也當
挺身以當此識何如

東園堂稿

第二卷

二十八 玄對樓梓

與王北陵書

昔年曾遊陪都不知有先生此與不知程伯子
者當同科斷昨犢子歸具悉尊教今之講學者
多如先生真實海內怨不數見但不納犢子在
子弟之列似非真愛犢子領教大有感悟今亦
結為同志會一時不約而至者十數人俱篤實
之士但不知日後何如必不使裝頭蓋面作一
閒居小人以負先生也輔仁會所鄙人雖老尚

欲闖入坐談數日而返薄具奉上煩從者預營
一榻相待何如

與顏山農書

昔河間一別曠然至今當時見公議論多遵心
竺先生寒素清淡有簞瓢陋巷之風後遊江東
新聞議者不一乃又是一截人當時猶不盡信
今乃若此豈非前一截如禪僧初入戒壇堅持
法律後已得道大有超脫作一顛魔裝束使人
不可測度耶不幸近來有一二妄人託名講學
不怕天不怕法不怕聖賢肆口披猖流毒郡邑
當道者欲加呵責念係細人不足示戒因公久
屬士望將公行苦肉計實欲借之護法耳但幸
事在單前久必有憐之者忍辱忍詬以待自明
何如

與史惺堂書

仰公甚久見公甚遲見也既遲別也甚速雖清
風明月不碍往來而泰山喬嶽時切躋攀此意
公以為實語否也昨光亭回感公寄聲喜得聞

東園堂稿

第二卷

二十九 玄對樓梓

政事知有道者別是一家風至於守土不復參
謁這脚跟誰能立得住敬服敬服宜秘洞勞公
過訪并泚警語佳句銘心難忘編為一冊公案
奉上覽教邵韻許賜和章久不見惠是以不敢
付木近來學者只善與人同一條肚腸被輩辛
寒滿無一透露處是以上不能舍已下不能克
已摠作一箇私已措大枉說了一生大話可惜
可惜能了此是一了百了公以為何如

與陳燕野書

無聞堂稿 卷之七

三十一 玄對樓梓

前得翰教惟若晤語知公相念猶切也昨歲過
山山見長河三十里弃土盡墾召居民問之稱
始成之年半熟今近全收皆堤之力也只此一
事桐人當世世祠公矣因馬上口占曰百里長
堤盡可立誰能捧土塞洪流即今父老驅黃犢
慨昔疆場泛白鷗計費遠過孫叔子論功當拜
富民侯遙知畫舫江行日應念并州思不休因
便故為公誦之非諂非諛僕老矣不足為世用
前丁卯冬復舉一子此雖三公不與易也因恃

通家敢浪及餘惟為國自重不宣

謝同鄉送金魚并缸

僕本江湖下品瓦缶賤材偶荷大造之甄陶實
歎諸賢之餘潤幸龍門之一曜愧紛轍之多年
每懷在藻之思何有運甓之志茲承列位鉅公
惠以瑤器饋以金鱗旋注清泉漸投芳餌既圓
且紫體範明月之規復湛而星光奪玄珠之窟
過雲留影飛鳥驚形不知家在塵中恍若身臨
沼上見游泳之自得知升斗之水可生羨浮沉
之相忘喜風波之患不作公本無長鯨之量適
負揚鱗之羞今雖曳尾泥塗尚當鼓鬣溟渤更
望相濡相煦效比目於天池不苦不寐學全身
於瓦合瓊玖難報胸臆曷伸未能展忱先此布
謝

與李相公書

欽遠去臺座計十二年矣昔守官之時相公曲
為推轂後里居之日相公猶切吹枯凡仕人過
家悉為傳示中心感誦何日忘之切欲具書便

申胸臆恐冒干進之嫌寧負相公不敢以此擾相公也是以中止鉞久在山中不復知天外事聞聽用官亦當自陳初不甚信後於邸報中見有行者皆六年中任事之臣鉞六年前已聞棄矣於例不合昨金尚寶過桐一一具言之廼敢專人赴闕陳罪夫以抱犢乘來之人倏有草跡扣關之後當冠敕服欄之日猶蒙瘝官失事之憂是必無官然後為安也惟相公全之寒灰難然驚鳥不返鉞之不洊事相公命也已矣已

無聞堂稿第十一卷終

不肖孤鴻賜梓藏玄對

無聞堂稿第十一卷終

不肖孤鴻賜梓藏玄對

無聞堂稿第十二卷

桐城趙武陽卿著

臥雲樓賦

為牛山馮師作

荆楚之間有臥雲先生者據層岡臨碧湖開鬱林環青丘迎明月而布牖結白雲而立樓花竹間植水石兼幽樂止琴瑟書畫墳丘白日無為素心與遊倦則支頤獨坐招雲入屋倏見鋪空條見出谷駭目悅心油油自足時士有不能知先生為之獨樂一日有稱事雲王孫者歷階而進曰先生何歎卧于斯耶此湖山之雲耳不聞有仙子之雲乎仙子之雲朝在岷峨之南暮在岷峨之北中有一人駕雲輶衣霧縠珮明月之珠歌雲英之曲曰淑若雨旂若風雲為闕月為宮華裾搖曳海霞紅花枝綽約香氣溟濛誰人解識陽臺東相將騎鶴朝木公先生寧與之游乎先生不應歌曰雲在樓有所思雲出樓有所思所思不在雲所思人不知須更有客左執壺右懸勺岸幘而登先生之樓曰聞君卧此久矣

無聞堂稿

第十二卷

玄對樓梓

條然而喜忽然而悲奄然而戚俄然而嬉喜者何欣悲者何爲戚者何慕嬉者何怡先生亦勞矣吾甕雲生也吾能以至田之禾瓊丘之黍授以三山之藥和以九河之水雜以瀛洲之膏煮以鄧林之木五月成漿十月成醪開樽則流霞傾壺則瀉玉飲五升則微醺至一斗則半酡至一石則大叫而突兀陶然不知天地之上下日月之出沒人物之代謝世機之倚伏都無所喜都無所悲都無所戚都無所嬉又何必與世而無聞乎

無聞室稿 卷十二 玄對樓梓

爲巖崎先生曰醉鄉之徒以禮法爲忌吾方避之甕雲生復負壺而去途語冠雲力士慚焉力士曰彼豈以是爲快耶吾將造之遂排扉而入曰先生不聞志士不避世而遺名勇士不違衆而逸身乃爲是億億心心耶吾以切雲爲冠水犀爲甲明月爲弓流星爲矢白虹爲劍飛雲爲履出塞則威震重荒揚旗則風馳萬里朝度天山暮決海水功垂金石鴻號莫比願先生去此而就彼先生咲而謝曰天下有道與物皆昌天

下無道與物皆藏雲耶烟耶烟耶雲耶其將與吾而相忘頃東南霧起霞光燭樓有二童子持羽蓋霓旌飄飄而下曰俠客且避戲雲海翁至矣先生揖而問教曰毋臥毋卧夫目者身之鏡明者目之光不視則鏡昏多眠則神傷先生何取而久藏吾嘗受滄雲之灋於洞虛太乙能令七竅生華三元內息五臟流光六液化質噓氣成雲橫遊八極十洲三島惟意所造先生與吾遊吾將授之先生曰吾游方之內者也幻境難即海翁一躍騰空而去惟聞風傳笑語曰雲中好去不能去湖上欲眠那可眠先生出樓凝眸遠送有斷雲老吏荷鋤鞭犢過而歌曰西方雲雲多晴南方雲雲多雨晴與雨誰為主吾欲武世無虜吾欲買市多估東澤蛇北山虎吁嗟嗟吾斷雲于吾土吾斷雲于吾土先生顧謂童子曰此隱者也意其謂我招來吾與語童子曰此甘枯寂無所希於世者也不聞玄雲山有四長者乎此四人者講德山中非其人弗交非其言

無聞室稿 卷十二 玄對樓梓

弗傳先生不此與而誰與先生曰幸招致之頃
四人來一人衣玄衣手執圭自稱為玄雲洞主
又有一人簪冠毛褐稱為掃雲逸客一人白哲
草衣稱為剡雲書生一人端方衣紫稱為陶雲
靜君曰吾四人者避秦久矣先生何以命之先
生若體道冲虛守祕澹寂與世忘言一真自達
往事不修來規弗緝吾四人者無所用之若欲
陶咏性靈吟弄風月續秦火之灰補孔壁之闕
正伊洛之傳廣金石之刻窮山海之幽恣淵嘿

無聞堂稿

第十二卷

四 玄對樓

之臆吾四人者善爲人情叙事有則興至立成
意到即得鳥篆蟲書惟其所擇先生曰汝四人
者真吾友也因留之樓中共此晨夕然猶湛思
冥窺未有所役卿雲上公聞而非之曰此四人
者所謂小伎害道華言愚實一與之遊終必沈
溺因結駟飛軒造先生之門迎而謂曰先生好
卧吾語以卧夫卧者皆欲興而未能興欲息而
不可息進有所牽後有所擊故古人曲肱隱几
皆意有所在而皆有所窒乃偃臥而假息先生

屋今之時何忍自心且雲有不同或爲田塾之
雲或爲天庭之雲田塾之雲起自糞壤天庭之
雲出於扶桑狀如車蓋芝葉芬芳燦如錦繡五
色成章非烟非霧郁郁揚揚然機不可測時不
可常必聖人宰世刑政肅清八荒同曆四隅銷
兵泉不愛醴澤不藏玕鳳不掩彩麟不匿形故
天亦獻瑞散爲慶雲維時傑士望景群附仰光
並蒸皆能乘雲建業倚雲策名雖結髮穿胞亦
欲攀雲歸誠而曰中國之有聖人若乃獲道懷

無聞堂稿

第十二卷

五 玄對樓

德頤歆卧于水濱豈非舛耶先生起而謝教曰
此吾願也吾將埃焉卿雲上公于是薦之天皇
氏天皇氏大喜徵爲雲臺中丞又進爲白雲侍
郎已復下詔曰吾欲以雲紀官特進爲雲師品
叙庶位有停雲塾人先生弟子也先生令玄雲
四人招之命察雲中魍魅天下熙熙稱治後和
氣四匝慶雲時至天皇論功圖形高閣錫爵授
第令后嗣雲仍相繼先生九九八千一百春始
得復還故處白雲尚在樓中弗去

翠浪亭賦

余昔江行偶遇風作見濤波生濤安流上逆浩
浩濤濤雲崩水立如崑崙在前五嶽側出起而
為陂落而為陀岡巒百疊乍分乍合余神悸
數月猶不甘食以為天下之險莫復如余神悸
今年移居石鼓山前蓮花峯麓見翠嶺赫天
雲拒日其崇嶽複嶺如驚浪排空狂瀾迸集其
居民散處如鱸艦餘鯨首尾相銜或泊或出其
茂樹繚林蒼然各色如芙蓉蘋藻繚青紆白不
覺教遊窮日竟夕捫蘿持筇雖倦益力嘗自歎
曰未知情緣景生景因情得向之隨風上下若
丘若垤果水耶山耶胡迫而慄今之岬然洼然
地蟠龍躍果山耶水耶胡感而悅孰真孰幻有
不可即因伏自思曰江行無餘地也山行有餘
地也行有餘地雖險猶通行無餘地雖安猶蹟
世人比宦塗如海亦謂波臣易溺今余自視誠
登岸而捨楫因歌蘇公山為翠浪湧之句取以
名亭且欲駕浪而遊無極

無聞堂稿第十三卷

東遊集

桐城趙武陽卿著

蓮花蕩賞花偶遇風雨有作

雲起潮平日初出鏡光不動淨如拭一舟橫渡
兩櫓翼採荷蔽日取酌佐食笑指青山猶相逼
主人問客興何如共說湖心花更襲鼓棹直入
萬花叢頭上山容落水中青衿子白髮翁松為
花開相映紅倒見遊魚若乘空驚人撥刺波生
風風掀荷翻迴小舸雲山突兀迷西東轉目花
叢不可辨應是咲語驚龍宮

遊虎丘

此地由來勝迴枕惜暫留劍寒千古水桂落一
山秋事往僧能說鐘殘客尚遊吳門無白馬泉
下有玄丘聚石仍傳法相看點頭

遊吳淞江

落日三江上秋風一棹輕逢人窮水道泊渚聽
潮生明月已如旦新尊又可羹放舟吾不惜疑
郎到蓬瀛

楓橋晚泊

古橋鐘斷月欲午旅夢驚秋狂入楚鱸魚吹浪
櫓聲哀嘒嘒牀頭作人語

獨坐方氏二酉堂東定玄時稱疾數月不見
行藥人何處春歸二酉堂桂肥陰欲滿鶴瘦影
偏長兩父七星變草深三徑荒我無原憲病君
念次公狂可能祛愛馬一笑共亡羊

入吳寄伯庵伯兄

東下吾何意傳經得上才姑蕪佳麗地行屨錦

雲堆

海味

今

甘食

方言

漸可

猜虎

立曾

借榻

鶴

市數

邱杯

李字空餘廟館娃只有臺洞庭嘗稱
去玄墓看梅開山水圖中見絃歌月下回好書
收不盡嘉木遠難裁獨歎登臨樂偏逢士女來

更聞於越勝旦夕問天台

下第南游書齋兩坐有感

吳鉤一擲倚空懸欲斷長虹作錦箋書牋不知
皆下策覺來何處是先天青楓江上人三載碧
玉樓前客幾千自咲楊生真是癖不能為白友

成玄

五湖曲

入吳問五湖國人莫辨感而作此

空國提兵入郢都可憐覆楚并亡吳越女肯作
吳亡倖恨塞五湖明月孤當時獻貌傾姑蘇功
高不賞寧同逮烏喙伯王難共圖烏盡弓藏去
須臾有舟不載吳官珠藏名兼欲藏名殊千載
誰人識陶朱空將五湖分具區嗚呼空將五湖
分具區

館娃吟

吳娃當日來黃金築高臺至今響屐處猶生稱
意苔

江南弄

莫買輕舸泛五湖黃金易盡是姑蕪鱸魚入市
楊梅熟一曲清溪酒百壺

鷗夷曲

有楚不可歸有子已託齊如何七尺軀迺託鷗
夷皮鷗夷皮莫東西應載墓上梓去塞越來溪

賣花曲

吳娃惜少年買花不問錢
可憐花壓髮又上賣魚船

市女買花枝村女買白苧
如何天上春不到貧家去

富豪輕黃金買盡人間春
却歎珠一斛賣却百年身

江行阻風

斷崖曲浦繫歸舟滿目奔雲作遠愁
白日魚龍

蘇軾

第十三卷

四

玄對樓詩

生鬼恠橫空風雨若神遊
一時山岳皆可折千里江湖盡逆流
以景此情忘不得莫輕離別重封侯

采蓮曲

湖上女兒盪蓮船遊過湖北渡湖南
笑折花枝墮玉簪墮玉簪髮髮十個女五個男

朝采荷花花滿浦暮采荷花花作藕
翠袖紅粉莫漫舞莫漫舞花刺手
昨日女今日母

自崑回魏溫甫送別慧山因遊二泉有作

別路經秋寺離筵發茗開泉從金穴出人自玉
山來品水非吾事臨池獨尔回劇談明月上莫
受夕陽催

僑居崑山顧道人日夕相伴復送至金陵別
後將還浙中賦贈

旅館初相識寒江晚更親
一樽白下酒千里越中人採藥休辭老
浮家莫厭貧名山多道侶應得伴長春

相逢行

爲別江竹泉作時同泊金陵竹泉以選貢北

上余自吳西歸

昔相逢家相通今相逢意不同
如何一江水分載兩帆風坐惜舟南北不似牆西東

九日舟中

笑指晴空數雁行一江秋水汎重陽
少年作客何容易此日迴舟覺渺茫
戲馬詎如青雀穩神黃應讓紫萸香
也知黃菊多情緒任是他鄉即故鄉

澱湖辭

崑山有澱湖深僅三尺廣可數十里其水
清澈察見鬚眉余與魏子兄弟長浴其中
浴者必先後相去數十步始免見體亦一
樂也

日出澱湖東月出澱湖西魚龍不敢入朝夕堆
玻璃

崑山多美玉此中貯王乳一飲壽千年長作湖
上主

集賢堂

第十三卷

六 玄對養粹

朝從澱湖浴水清見儂骨基從澱湖浴水清見
儂足可惜不見心誰識心如王

狄年兄邀遊崑山因見怪石

崑山產玉天下聞何時飛入吳江濱神斤鬼斧
不可辨鏤月鑄雲巧作文滿面玲瓏奇無比千
年混沌今已分一片入手如珙璧何得連城俱
屬君

宿白雲僧舍

借榻來山寺安心得古僧一燈寒共語半閣月

初升拂石重留偈烹茶自鑿冰豁然悟名理無
念是先登

樅陽江晚發

歌馬春將暮行舟夜欲殘暈更催月急螢火落
江寒不見風檣亂轉驚天地寬魚龍莫深避無
意暗投竿

贈陳君正茂才

我愛陳太丘水邊一院幽江湖千里浪俱作檻
前秋魚鳥親文草虹蜺挿佩鉤封侯儒者事莫

集賢堂

第十三卷

七

玄對養粹

為白鷗笛

採桑行

朝採桑桑葉不盈剝暮採桑桑條刺人目桑桑
知蠶饑生葉能及時只顧蠶得飽不怨傷葉燕
傷枝蠶眠欲作主人衣猶恨桑桑生葉稀蠶老
桑枯兩無利官家催輪走羣吏但願輪完主
桑桑枯蠶老死亦足

無聞堂稿第十四卷

南遊集

桐城趙武陽鄉著

持節出京夜宿良鄉

旦發神京暮宿下里手抱金書薄言徙倚車騎
翩翩旌旗漣漣跋彼高岡瞻望汝水
洋洋汝水言念帝子百世支藩德衍豐芭
帝命孔嘉永培遐祉瞻此王國何時戾止
戾止何遲周道逶迤爰歷齊郊至于魯圻歲云
暮矣風雨淒淒王事未畢莫遂我私

無聞堂稿

第十四卷

一玄對樓梓

悠悠我私白雲南飛親盧何在楊柳依依豈無
甘旨帝命莫違雖有兄弟不如我歸
我歸云何樂事乳多壽酒既旨春日微和簪裾
四集載咲載歌父母頌我絲服婆娑
絲服追隨兄弟乳怡如填如麓既醉且嬉携手
田里桑麻兩岐媿茲祿食使我孤危

元旦寓獻縣祝聖口占

六年留滯客燕關旦逐鷄行侍

聖顏乘傳偶持河上節聽鐘猶憶殿中班九門

漏盡調輿度五色雲高玉几閒誰說春明門外
遠祥光猶見禁城山

夜至高唐偶尹竹嶠碎恭衡吳少竹北上會

于館中得家報有感

日暮苦行役道路阻且長停驂問行人何處是
高唐春風開古渡暝色赴長楊衆山寒歷亂平
野蒼蒼茫入館峭四壁雙燈照屋梁門有車馬
客薄言來故鄉下階見顏色長揖問高堂高堂
念遊子相思語徬徨晤言坐深更明月入我牀

無聞堂稿

第十四卷

二玄對樓梓

旦起各路衢百里遙相望

登雲龍山放鶴亭因暉山有約不果作

停車暫試登山屐離逕周迴宿霧間雲淨已驚
龍去遠亭空不見鶴飛還千帆曉發川流穩萬
戶春回草樹閒覽眺何須援地主林端一嘯且
開顏

途中苦雪

崎嶇行雪徑高下逐谿田客路今如此王程尚
渺然夕陽斜鑽外荒店斷橋前翻羨滄江上風

輕一棹便

題版築圖贈外姪汪夢說應試

汪生卓犖奇瑰希世珍淩落江湖幾十春屢向
棘闢射奇策不遇臺端薦士人相逢共惜鷗運
遲寧知出處自有時君不見商家巖下叟隱賢
社裏何支離一日圖繪求天上朝拋版築暮登
相回首洞壑隔雲蘿九州霖雨春萬狀自古取
士無科目布衣崛起登華屋今日科目網賢才
夢寐時能到空谷勸汝早上憲天書中興聖

無聞堂稿

第十四卷

三玄對機粹

人正當守詞臣四出招英俊會見風雲擁後車
滕陽道上聞李邦珍作亂州縣多警述懷

聞說滕陽境長途人不行關門畫戟戟村墅夜
持矢射虎何多穴乾坤共此生故鄉千里外凄
切暮雲橫

題秋亭畫

亭皋木葉黃露滴瑤階濕坐待月華生捲簾放
秋入

賀李園山壽時縣城禱雨甚急

公年生七十俱是太平時今日羣仙會莫言風
雨遲

偶過山家

偶隨流水到山家千樹青松一逕斜最是多情
花下叟一杯香茗泛胡麻

真州飲平湫分碧亭

水部一何清終朝禮白雲引江成月浦掃柳護
鷗羣地撥金焦勝春從淮海分官閒多著作應
似沈休文

無聞堂稿

第十四卷

中玄對機粹

代浮山洞主奉謝從姑仙郎一首有序從姑山

同年聯
近溪

嘗聞東山文雅洛浦風流每羨高人能揚勝
地維茲岩穴屢矣避方特慕中朝蔚然多傑
亦以道流釋子寂守玄室豈若文士騷人讚
咏風月是以潛辭薈菁飛渡鯨波瞰此吳楚
之分適表東南之勝山分三十六洞翠華石
千萬重風雨長生塵氛遠隔胡野夫既去竟
王孫不來雖代有名賢率櫻情好爵或謂簿

書期會或云勞民廢財豈知先王雅意遊觀
不悟知仁合德山水杭州坡老了郡事于湖
中瑯琊歐公致豐樂于亭上達人不作勝賞
何稀致令岩壑無光琴歌久斷洞門霞鎖石
磴苔封雖神守玄冥不以遊人為重而氣交
冲漠愧以絕世為貞忽枉鳳閣名公瀛洲仙
子十年不仕一線潛真一線未久分符遽爾
命駕衝雲一騎咲軒蓋之徒拘酌水再歌喜
猿鶴之無恙竝携三傑共櫛重霄車馬喧填

無聞堂稿

第十四卷

五古對樓梓

簫鼓振發白雲寫檻鶴徑成空明月在庭人
影滿地百年孤癖一旦聲聞敬勒洞中羣神
共致雲端三祝匪以為貺永以為思

張公去後有誰來澗水無聲猿夜哀雲冷谷寒
春寂寂東風無主幾花開喜君一來愁君去獨
留明月在高樹石龍矯首卧東山烟霞常護臺
邊守鞭起天池龍送君出長松喚出洞中鷄為
君花下啼金雞玉龍莫深避仙郎本是天皇吏
他日功成五嶽遊雲門一徑君須記

冷官篇贈郭栢岡

君莫謂廣文先生官獨冷冷官不在食無肉坐
無氈但恐學就無人傳君門盛衰李侍坐盡英
賢飄飄百隊鸞皇侶奇崛千言王伯篇有時興
發歌金石杖履春風醉暮天默觀台省客出入
駕高軒無功錯竹帛多舛膾肥鮮何如風流老
鄭虔君不見孔孟當時不得一丸土詩書禮樂
垂千古縱橫挾主幾多人一時貴盛何足數君
今羽翮已生成會見橫飛快人睹君莫謂食無

無聞堂稿

第十四卷

五古對樓梓

肉坐無氈廣文先生官獨苦

送朱軒朝回後之邵武

栲栳山前倒玉壺棠梨渡口望仙鳧方從日下
辭鳩鵲又向閩南聽鷓鴣花市再經梳已實桑
原重見雉將雛漢家公輔多循吏佇看乘駟入
上都

題卧雲樓

曲徑開沙岸危樓瞰水濱謝安高卧處多是出
山雲

秋水何登澈山雲自卷舒靜觀高卧者不是好
樓居

新授太僕出京一首

遠辭西掖望江南有碩真成七不堪閒署縱當
新畜馬病軀已似再眠蠶世途却一還前一吾
道朝三即暮三慙喜迴車桐水上酌泉重賦白
龍潭

毅所蔣侍御公約余督牧江南兼期中秋三
茅峯翫月今阻瓜埠舟中有懷

蘇東坡

蘇東坡

蘇東坡

旅泊緣何暮東江此夜分鳴榔追蔣詔隔水望
茅君潮長月盈浦風高鴈失群不知三洞客嘯
入幾重雲

中秋瓜埠舟中有懷太僕諸僚長

豐山不可望以夕最相思正值江清處况當月
滿時誰言千里合深負一秋期悵念層樓宴長
吟席幾移

督牧至六合聞齊恭衢已先行矣知少選復
至賦以留別時初聞鴈八月十三日

獨步空階玉露生古棠葉落暮雲輕風前少問
滄江使月下驚聞白雁數碩我真成牛馬僕懷
人常在鳳凰城知君計日還停節侯吏能言以
夜情

白棠邑渡江入上元門道上口成

驚風遠擊棠陵揖策騎長驅梅水東城堞半凌
青冥上人家多在錦雲中截江山色秀可結春
石泉散響不窮何處醉遊今夜月松雲十里梵
王宮

蘇東坡

蘇東坡

蘇東坡

靈谷寺對月

借榻來山寺穿松度石梁地偏容傲吏香遠現
空王萬古天心月今宵分外光僧寮脩葺供相
對說

先皇

月下有感

記得鳳臺賦落霞桂宮香發萬年花飛樓十二
層層碧第一仙人萼綠華

示南山僧

欲將八德水洗我千重障夜夜乞山靈空中見
色相

少村公十年前知己也卒得同官志喜少村自洗

馬出綢南大司馬署節旋轉太僕丞少卿正卿

太史風流世所宗瑯琊亦復寄行蹤十年職領
多司馬半世神遊似學龍共惜鳳麟遊下國為
添金石勒高峰生平自訝君知蚤酒冽泉香得
浪從

京中歸家僕有負租而逃者詩以示之

集前卷

九言詩

山中主人今日歸山中雲樹尚依依無情最是

籠中鳥半起東風別處飛

余與蔣侍御相約登茅山蔣既先往丹陽余

亦與閻書此寄告山靈

聞說華陽有洞天幾年飛夢繞巖前山靈今日

偏多阻千載空留喜客泉

過句容聞內人在家病瘡余時督牧江南吾

兒應試在留都一家分處三地悵然感念

問憤求駒苦不休半憲風雨入離愁一家盡出

俱為客三地相思各念秋烏帽多情容我老青
山無計使人留當時不聽王生婦又把兒孫學
遠遊

過死陵別梅宛溪大叅以親老乞休

茫茫江海上梅福獨先歸青髯辭黃綬朱衣侍
彩闌共知投劾蚤不是避人飛從此扁舟去征
鴻覺漸稀

午逢同省客今作獨醒人不叱滇南馭應憐谷
口春自甘三畝薄為愛百年身余亦懷歸者何

集前卷

十言詩

緣共隱淪

別沈古陵少叅

嗟君歸田日正我及門時失路一相問秋風萬

里思素心能自練白壁竟誰疑珍重山亭別探

玄未有期

紀遊行有序

余與侍御毅所將子通家兄弟也昔別都下

今分牧來滁偶得共事自崇邑渡江遍歷東

南諸郡遊覽追隨凡四十餘日極為歡洽今

且還朝將給假省侍趙子戀焉情不能已併見乎詞

玉河兩岸春風早綠柳如絲履新草當時與君
柳下分青驄一躍雲開道今秋督牧來滁中鄉
鄒谷裏重相逢把酒喜看天外合傷春俱改舊
時容幾度豈山同問俗常行西澗覓幽蹤磨礪
偏披蒼蘚壁鐫銘直上白雲峰峰頭八月秋風
起南望金陵是帝里欲向長干訪六朝訂期
共渡秦淮水六朝遺蹟不可求鍾山氣結龍光
浮投寺自烹功德水凭高一賦帝王州攬轡不
問葛仙宅伏劍先登望海樓謝公塘上朝迴棹
長蕩湖中夜泊舟沙鳥汀鷗爭避楫盡舸何異
越中遊我倏驅車轉平陸君從宛水浮姑孰敬
亭風高鞠正黃牛渚月出人孤宿下合乍分幾
晨夕他鄉共嘆鴻泥迹野館難留並轡車早裏
馳上江淮策封事奏罷且圖歸八桂林中是彩
闌彩闌拜獻南山曲鷹隼何時更北飛
喜方東谷遠訪

輜車何處至鷗鳥又成羣客路多黃葉故鄉空
白雲羞稱東道主笑誦北山文宦况堪誰說相
知唯有君

題東谷圖

晚日出扶桑光射松雲谷幽人旦啟扉林間放
白鹿

明月上東山谷口多芳樹樹影落寒塘道人咲
得句

栢子潭

高皇駐六師至今靈澤繁人思黑雲猶作山前
雨翠柏添園水上祠去日射龍留羽箭歸時牧
馬捲星旗寧知邂逅衆林禱已定商家百世基

豐樂亭

幽谿園古木亂石倚孤亭嵐氣侵城市泉聲出
戶庭地非當日僻山是昔年青讀罷歐公碣花
前酒半醒

醉翁亭

因得醉中趣。緬思亭上翁。酒將泉作釀。樂以郡
為功。朝暮幾人往。川原萬古同。至今佳木秀。山
影夕陽東。

再斥夷陵後。誰憐太守閒。得心空寓酒。問俗獨
之山。入釣溪魚美。停歌谷鳥還。風流今不滅。高
韻在人間。

瑯琊寺

乘興山行六七里。窈然深秀是瑯琊。迨泉百道
常疑雨。芳樹千林不辨花。白首何緣來洞壑。青
山更喜入官衙。酒酣遍歷磨陀嶺。東晉樓臺隔
暮霞。

懷石城許尊師

憶昔分經宴諸生。正在門共傳桃李。盛爭羨鳳
鸞。驚張禹辭朝。列彭宣老諫垣。不知當日士流
落幾人存。
悵悵江亭飲。聯翩惜暫違。如何分羽後。遽見折
輪歸。莫謂迷途險。方知直道非。晏居追往事。應
念及門稀。

歸臥長千里。種花今十春。未酬當世志。早作閑
閒人。耻受有生役。能全不繫身。無官偏色喜。知
是得娛親。

山公白下隱。心遠興何便。日著歸田錄。重刪直
省篇。肯將書抵閤。寧用酒逃禪。真謂行藏判。同
占未定天。

喜吳山人卜居金陵為終老之計詩以賀之

無日山人不問山。何人為辦買山錢。清風明月
寧須價。朱雀烏衣幸有緣。結隱便圖三畝宅。逃
名真上五湖船。神州百二誰能賦。都在先生杖
屨前。

送王傳堃北試

與君相見即相知。立語如探萬斛珠。不獨馬卿
能作賦。坐看王肅已成雋。乘風共羨雲中鵠。涉
世休為轅下駒。披豁可辭今夜畧。明朝春酒對
誰沽。

送萬靈湖年兄北試

憐君多道術。六上漢廷書。自愛千金璧。深藏廿

載餘珪璋終必達騏驎老何如却羨孫弘貴正逢始仕初

遜學堂有感

悟言專一室天與靜者便僧住猶嫌僻我來自擬仙几清山作對夢適鶴同眠得意花爭發英英照簡篇

環山樓歌坐有感

日抱殘經對水開千峰迴合護層臺竹窓不閉雲常入花徑無關鶴自來靜業苦多清淨障閒

無聞堂稿

卷十

十一年玄對樓詩

吟幸少吏人催支願獨坐成朝夕看盡空階長綠苔

偶將踪跡寄荒城盡日高樓聽鳥聲自笑編摩如案牘翻嫌雲樹費逢迎黃梁夢裏應難熟白髮閒中却易生真是滾園堪隱吏不須梨谷更逃名

送少村黃太僕陞北京光祿

每從豐樂望長安今喜還朝總大官聞命直趨靈鳳閣思鄉不問九龍灘那堪曉騎穿

楊柳正位春風到牡丹以後再遊同醉廈一山花月幾凭欄

送吳寺丞見平之南康太守

琅玕谷口喜追隨又見帆開是別離去作紫霄峰下主重脩白鹿洞中規古稱列郡元為重始仕專城可歎遲更羨垂組經故里承懽先慰北堂思

環山樓懷古泉勲卿

踪跡年來惜鮮鵲白雲天外任東西君真有道

無聞堂稿

卷十

十六玄對樓詩

沉金馬我已無能類木雞別後形容看漸老舊時丘壑望偏迷生平然諾心猶壯幾度貽書醉懶題

過葵東彭年兄池亭其子設宴悵然感舊池云是謝公靈運陂

遠過園林動積心高人化鶴已多時種成萬樹皆垂實費盡千金為買奇輦石巧穿秦氏洞跡泉重展謙公池悲君牢落情何寄蘭玉盈前慰我私

盧氏守義四世同居有肖菴君棄官歸來
門謝客因築園城南課子孫其中涂人未有
知者今為余開宴語洽醉因賦詩以酬
偶因勝集入烟蘿為問譚玄客幾過好古每尋
高士傳對君今賦碩人邁疎林坐久心偏遠幽
閣言深酒自多從此盧敖歸隱處須開一徑待
羊何

贈玄鶴道士

君是遼城鶴何年度海東洞中變日月可與世

問同

贈雪齋道士

誰把天山雪粧就紫霄宮中有瑤池仙玉笛吟

秋風

林未軒由刑曹轉兵曹詩以賀之

四方兵甲何紛紛我亦年來悔學文籌國今歸
小司馬抗顏誰揖大將軍新聞略傳黃石舊
有才名山白雲牢落天南望天北鯨鯢簸海倍
思君

自鳳陽至臨淮乘舟入泗道中漫賦

天府乘春得徧遊汀雲岸草伴行舟林深谷口
藏山寺雨細花邊見駟騫平野幾村湯沐郡長
淮千里帝王州喜看龍起鍾離處正是乾
文煥斗牛

春日泗州臺中雨後漫賦

晏坐鵲聲急空庭草色閒簾前鳴白雨几上見
青山雲物連城市仙靈自往還春光似何所宛
在銷京間

遊盱眙山見州縣二治一在水中一在山上

而

祖陵飄飄烟霧間喜賦二首

徑轉青林上堂開白石間州城半臨水邑里盡
依山地接東南勝天成百二關相如慚未賦空
逐暮潮還

石門宿雨過花塢暮烟收紅渚光如見松揪氣
若浮百神朝夜月千嶂抱春流淮海藏靈境
呼恆勝遊

與李淳山飲盱眙山中淳山余庚子同年也
相隔已廿載矣賦此為別

君家淮水上日日棹歌遊誰知今夜月還共故人舟

共酌淮上山山禽叫川柳應說白雲中高入卧已久

自靈璧至宿皆由隋隄行有感三首

陵谷從來幾變移至今道路有隋隄只應勝事無人說禹蹟茫茫到處迷

無聞堂稿

卷四

元一

挽取銀河天上流直將汴水貫楊州若無二十四橋月誰見人間萬里愁

聞說當年帝子遊兩隄紅粉曳龍舟空留道上垂楊在猶帶東風舞不休

過薛西原舊業見牡丹盛開又讀道德經解傷之

昔懷康樂詠今過仲長園采秀人何去詮玄館尚存名花嬌夕霽嘉樹拱春原夫子和光者希言却費言

余自滁至穎得再謁歐陽公喜切瞻依但西湖為人盜央已成麥隴慨然有作

載謁醉翁來穎地西湖西澗兩依依入門廟貌真如在得意山川覺盡非洲渚蕩平鷗早去菰蒲零落麥初肥空餘燈火連城市咲似先歸上歸

飲環山孫太守清虛閣有作

西湖昔作銅符長南澗今稱白社翁枕跡不離三徑外抱書常坐百花中徧移蒼玉森庭翠未盡丹心射日紅曲巷尋芳多夜返清樽惟許故人同

集

卷四

元一

飲濟泉年兄山亭書贈

愛爾風流媿不如閉門日日賦閒居功名自謂憑人立慷慨羞稱讀父書

濟泉本武威時理郡軍中少不骨耽

能開衡嶽霧挂冠不羨武昌魚重逢咲我頭先白幽谷玄言倍起予

蒙城莊子臺

世人鑿混沌吾道有莊周變幻鷗同運膏騰蝶

與遊冥心非聖智曳尾咲王侯我亦陸沉者安
離空白頭

自滁同羅侍御督牧約由鳳陽過泗潁會於
壽州途中屢枉報音詩以奉懷

秀史循淮擁傳車媿余何幸伴相如王程不負
來時約客舍常留去後書望外旌旗千里道興
中花柳一春虛八公山上應停節共問淮王舊
日居

自鳳陽由泗入潁行幾月餘見沃衍數千里

無聞

卷之四

下

溝洫不治徒苦旱澇時及誕月因思年已老
大不能料理字內一事有感而作

花黃麥秀雨霏霏日日駟車度翠微為問二千
餘里俗徒多四十九年非溝洫何人能盡力井
田遺制尚依稀空悲沃土無廬舍一望平蕪白
鳥飛

遊薛兩泉牡丹園有作

綠墊誰家得靜便洛陽名樹錦雲連散栽瑤圃
疑無地偏賞芳亭信有綠醉裏未能分種賦月

前猶欠枕花眠自憐荒園空羅薛莫惜天香為
我傳

白龍廟晚宿

春風披燕麥斜日下龍臺鳥外青山出堦前白
浪迴折花連蝶至賞酒辟人開借問夷門道雲
驅暝色來

三月二十九日同羅侍御壽州泛湖至八公

山謝康樂祠下有作

送春載酒沿湖去康樂祠前坐石渠天上風雲

無聞

卷之四

下

猶作陣山中草木久成墟謝家臺壑千年在晉
室安危一戰餘却歎渡泥無計策至今遺恨是
清虛

余與王十岳雖詩筒往來尚未識面昨吳思
田來復承寄詩因以荅之并贈思田

四明詞客遠停騎十岳仙郎為寄書閒暑何人
憐寂寞浮生媿我是拘虛百年雅素知音少千
里交情會面踈滿霍幾時尋勝蹟桐陂溪上問
吾廬

得盛敷卿書詩以報之

為謝司勳老侍臣緘書千里寄情真又甘天上
黃封酒虛羨山中白氍巾大雅自知能應世閒
曹亦復善留人當時出谷元無意共嘆浮沉任
此身

寺臺有感寄友人

高樓春望柳初垂野寺閒情祇自知載酒每尋
花發處懷人常在月明時一官不歎虞翻遠五
嶽空憐向子遲幽谷香泉題欲徧天涯何處寄
無聞室稿 卷一 二十 寺對樓榜

相思

余同羅侍御督牧廬鳳過太卿少峯有河道
都憲之擢追至餞別而少峯已先去一日矣
作詩寄懷

山中隱吏來何暮河上仙翁去若飛問節祇離
三舍外蕪程空逐片雲歸高軒出谷應難繫遠
道從人自覺非望望丹霄何處是紅泉翠薛故
依依

過馬孟河庄適鑰門北去周視外垣喜其佳

曠賦此

高人何處去遊子獨踟躕落日深門巷閒皆任
草蕪廬周千畝廣徑可百夫趨傑閣全侵漢環
渠曲引湖牆凌青樹杪池淨綠雲鋪不復聞人
語時兼聽鳥呼蒼茫遙帶楚虛曠近吞吳顏我
本弱羽何緣識壯圖一枝猶自廣數仞望空吁
院靚無階入途長倩客扶看君負奇氣直欲擬
蓬壺

與楊思默閒坐賦志

與君俱是江東士此日同為淮北遊明月寒泉
幾迴醉白雲蒼封數家秋門無車馬貧仍樂官
不催科仕自優終歲垂簾花鳥近五車讀盡勝
封侯

一吾李年兄未老乞歸詩以懷之四首

如君真是達憤世獨先歸抗疏解虞室忘言息
漢機驚雷藏草地新作釣魚磯莫便稱樗散高
堂待賜衣

昔日雲霄侶今成海嶽仙坐憐高士去方及大

夫年白不幾人入黃柑獨往便閑居當有賦應
續鷄林篇 公舊贈有鷄林草堂詩故及之

呂驛重逢日江城方早秋如何千里別只作片
時留王對行難近瑤章媿未酬殷勤遙致祝莫
拜醉鄉侯公過桐有詩相懷故及之

想尔三山隱重翻五嶽圖閉門辭俠客釀酒乞
麻姑郭外驚求友庭前鳳引雛自憐牛馬僕白
首望蓬壺又開得子故及之

周侍御弦齋八十老矣猶清健好禮過人每

會輒指示觀心之法少從陽明公遊所得故

多詩以奉贈

廿年淮海挹餘芳分牧何緣得鄭鄉白下舊聞
周柱史齊東猶頌漢循良愛人直指觀心法卻
老時傳養氣方因歎陽明當日士唯君清約蚤
升堂

聞渾庵自貴州歸詩以懷之

遙聞安道辭官蚤黃鵠中霄何處尋高位不須
憂東帶盛年無事遽抽簪恩從上國行當至興

遂名山去莫深應笑馮唐歸尚晚移家舊在白
雲岑

豪士歌贈汪皖江北試有序

皖江汪君余童子友也余與皖江為少白蔡
侯所苛時年十三皖江年十五後皖江從余
伯兄恒庵遊交益密聲名並起遂相結約更
書共入鳳凰山中嘗讀罷興會飲趙州泉坐
鳳凰石上慷慨有四方志誓為青雲交焉余
遂巡庠序三十始第然猶羞為皖江先遺書

譬之曰大賈趨市先售者粗君握下玉隋珠

非連城萬戶莫輕與易人亦謂干將鏌鉞雄

飛則雌必就不意近時今始以明經貢悵然

渡江至滁與余會于琅玕山中懽飲道故曰

昔相期何遠君今貴矣我奈何不遇余曰仕
在偶合毋與時爭我有劍斲試擣石精光已
暗君雖晚出勢不大發不已因相視不覺悲
憤皖江復質以已意蓋嚴守章句欲薄取一
職余不應曰函牛之鼎以之烹雞汁多則淡

而不可食汁少則熬而不可熬買臣五十始
貴君何晚耶廼作豪士歌以壯其行

君不見洛陽賈生稱少年意氣激烈吞山川伏
闕跪陳幾萬語字字珠璣落帝前一洒千行傷
時淚慷慨盡是天下計詎意絳灌忌多才輕擲
長沙終弃置又不見關西夫子楊伯起五十無
聞困田里一聘公車入漢庭四世大尉傳金紫
噫嘻由來丈夫不怨貧豪士羞言倦但要有書
胸中一萬卷不怨白髮長被面駭驥伏櫪意何
無量卷十四末
二十七 王對樓梓

如終須脫靴還奔電勸君有珠休暗投斗粟青
衫何足羨
亳州有虛糧冢數十處皆曹孟德行軍時偽
為以欺人者薛兩泉因時花草擬作東山口
誦二十字歎之

昔日虛糧冢今成木假山春風亦解意花發故
殷殷

別滁中友人

我從天上來三見秋山月山月照山泉夜夜清

光發長嘯開心顏豁如遊貝闕今日渡江去明
月猶相隨惟多月下人百里遙相思

別滁中諸友

肅肅庭前鳥喈喈碧梧枝非戀梧枝好託息良
多時同聲更同止飲啄無猜疑永言共昕夕天
風起別離辭柯渡江水碩影殊獨悲江城元鳳
臺羽族何多奇長鳴思舊侶比翼當為誰

留題龍泉寺

荒厓曲徑隱禪林長日迴車聽梵音古柏翠扶
山鳥下寒泉清浸野雲深閑看遊絮尋簾入靜
悟高人出世心何處最宜留偈語石橋楊柳一
聲禽

清夜曲

明月出東林清光入我屋何如故人來共就離
騷讀

避暑同羅侍御秦虹洲遊宥氏園

結廬一何靜流水護柴扉莫遣鳴騶入恐驚啼
鳥飛氣交雲對合語久更人稀共歎炎蒸苦迎

風賦式微

庚申冬日聞楊抑齋給舍之禍又聞蔣毅所
病故潸然哀感

生死真如夢賢愚共此天半生知己淚併落一
燈前

戊午己未庚申三歲中秋俱遇月食偶十四
日登環山樓見月與友人對酌感賦

明月正當臺先期可浪猜一秋幾度滿三歲提
為災鶴聽泉聲至鴉雛對影來盈虧君莫問人

無開書稿 第十四卷 二十九下對樓詩
事轉堪哀

呂王憲京兆約遊靈谷寺偶遇風雨賦謝

執蓋來山寺因君作勝遊共衝慈雨至不為業
風留繡額雲深護珠宮水亂流垂簾空對酒松
徑庭如秋

山靈何拒客風雨故蕭蕭不為探仙窟無因出
市朝雲埋依草鹿泉吼度松橋霽後多奇勝濠
梁應再招

趙巽齋林九霖黃毅所王鷺泉四侍御携酒

燕子磯邀鄭東泉通叅與余同遊詩以謝之

釀酒磯頭漬鮮苔勝遊何幸入蓬萊山形欲渡
長江去波勢如翻落照來仙蓋飄飄龍背出佛
龕隱見蟬房開興闌柱史猶留客還擬扁舟載
景回

徐浴泉少京兆邀呂王憲秦虹洲同余遊木
末亭余偶有它約先往賦此為謝

喜為京兆客百折躡丹梯乍覺烟霞近俄驚日
月低人行飛鳥上江出亂峯西悵望吾先別僧

無開書稿 第十五卷 三十下對樓詩
歸徑忽迷

將進酒

壽鄭石村憲副八十從太醫張右泉之請也

石村弟沙村與余同舉進士

憶昔初登秀史堂荆球卞璧相輝光一人衣紫
稱元方一人綰綬為清郎我亦朱顏坐君旁絲
鳴管詒玩羣芳南北去住邈參商願我重來髮
半蒼君年八十猶安康已從碧鳩狎猿鶴又見
丹山出鳳凰君之道侶張文昌手搽仙藥朝玉

皇去後遺我錦雲綰要我作賦勸君觴勸君觴
傾瓊漿况有江鮒出水香一時賓從盡裘羊玉
樹森森繞葯房仰天共視日駛忙回思故舊幾
人強幾人世世承金章君不飲酒我歌空長
自留都銀臺轉太僕卿舟中別鄭東泉一首
去住非吾意行藏私自憐同游寶鼎地獨上木
蘭船知己相濡沫榜人任汴浴君歸多勝賞應
念馬卿偏

重任太僕見舊衙青梧有感

李有池赴太僕少卿之任至廬聞罷官報遂

手一 玄對樓梓

舊日雙梧樹猶留一院陰因思枝上月常入醉
中吟座客去不定山禽鳴至今營營空白首陳
跡幾追尋

李有池赴太僕少卿之任至廬聞罷官報遂
回蜀中賦此為別

世路已如此君心可奈何客中新命改池上舊
山多九折雖云險半生可再過君年猶四十暮
景未蹉跎

君去真如脫余歸未有期花嫌承露重鳥畏入

山遲百里阻言咲千山對別離但能奔走息踪
跡任人疑

馬僕丞歸郢中道當過吾桐余入貴道又經
郢各期家中一會喜而有作

君行過桐國余亦度郢中郢中多白水桐國饒
丹楓道路誰云遠千里遙相通楓下有茅茨余
家臨路岐君來莫近暮先遣主人知我入高人
里多是菊初紫湘湖解珮亭長嘯采芳芷君行
莫在前余歸不可後對月訂逢迎風駕各相就
古人重別離常憂後會遲會合如今日應嘆古
來奇計日飲君酒情見送君詩

有秀才欲赴軍門立功者意氣激烈詩以壯
行

淮海有寒俊生平自負奇耻伏章句老遠贊嫖
姚師仗劍休從俠臨戎莫賦詩由來憎命達却
信是文辭

水中月辭 四首

可憐江心月不似湖中月湖光爭不流江波驚

不歇

江聲欲撼山山動石可徙獨有月半鉤上下不
隨水

蒲荇亦何密不能冒桂枝蟾蜍一入水夜夜泣
蛟螭

人人望明月月光如人何龍宮窈且深猶得見
姮娥

無聞堂稿卷之十五

桐城趙氏鼎

赴貴陽適天久雨雨中古泉泰衢渾庵少竹
未軒父峯諸公遠送賦此為別

我從萬里征積雨泥車輪繾綣感親友載酒慰
艱辛一步一停輟共說道路屯出門已如此遠
道方嶙峋行者發浩歎送者亦傷神所傷亦何
念千峯兀一身意深語愈切策勵舉前臣開拓
者誰子險徑何足論持論豈不美披豁見情真
但憂職務重山谷皆夷民夷民一不馴何以慰
交親語罷陰雲合揮手各沾巾

瀟山別兒鴻賜

蓮林對夜雨刺刺不能別錯將歸時言却向今
朝說行藏難預期但保方寸潔汝歸檢殘書萬
卷如星列中藏入聖機今古興豪傑請益勿臨
岐異途方繁絳

夜至古黃姜侍御邀遊赤壁為作赤壁行

赤壁赤壁千丈石磊砢萬狀色皆赤古今惟得

坡仙遊至今磯上留奇迹石老既不長鶴去不
復來後來好事者往往架壑開樓臺多史愛我
夜載酒為問今朝月出否共歎豪傑幾凋殘世
間何物為不朽此時積雨月藏明檻前惟聞江
有聲舉燭四照驚山靈虎豹虬龍勢欲生瞥然
罷歌入城去咲殺當年二客不知名

金牛道中

日暮濛濛雨未收不知何處是金牛村中野老
倚門看歎說無家不可留

集賢堂稿

第十五卷

二

玄對樓梓

宿千石坂黃秀才家

偶逢黃叔子深夜啓簾櫳長揖通名姓譚經問
異同跡留鴻影外愁盡雨聲中何日當迴騎重
攀青桂叢

宿長安驛道中

絕離豺虎穴暫憇水雲庄山色雨中盡櫓聲溪
外長月明如故里人語是它鄉更喜天微霽前
途近岳陽

蒲圻道中

百疊青山野霧橫迂迴何異輞川行可憐松老
高千尺不作風聲作雨聲

憶兒

每歲逢兒誕承惟我獨酣今朝進舉酒為爾祝
多男

洞庭阻風登岳陽樓戲作

昔聞洞庭名今識洞庭面不知天外更何如但
覺四隩茫茫無可見此水以水深幾許千古浩
浩只如此可惜風來怒作濤丈夫胸襟羞與比
我聞瀛海有時變化為平陸開郡縣安得此地
長如練滉漾空使魚龍戰祖龍何必藉君山只
用刻却我眉巔直令罍穴為棄田洞仙聞說亦
開顏不須騎鶴背一劍自往還

宿臨江驛

飄搖何處易銷魂細雨平蕪帶水村十里蘆花
飛白雪數家茅屋隱黃昏

桃源道中

迤邐青山東綠溪家家花竹自東西于今車馬

集賢堂稿

第十五卷

三

玄對樓梓

朝朝到何事漁郎去復迷

秦人洞

重過桃源問舊疑當時遺跡少人知
雖然洞闕神仙去不見莢花也自奇

午憩莢川官宮是古桃源舊地中有田一區
計二百畝甚沃非此避秦者不可隱也

靈勝何緣入僊源信可家幾人今隱逸百畝舊
業麻遺杖成方竹餘莢散綺霞坐看漁父踏時
有白雲遽

集賢堂稿 第十五卷

武陵道中

林泉行處合何暇問莢川有地皆宜屋無溪不
繫船沙暄鷗出曝谷暖菊偷妍安得借山隱長
歌漁父篇

鄭家駟道中

礙日苦高峰迴壑人行少日午半山陰林薄時
聞鳥深谷虎縱橫絕壁雲縹緲為問前駟人昏
黑路逾小少選月東升豁然寬懷抱礪泉苔鼓
聲馬蹄春虛島不緣深夜行安知月明好

途中四畏

坡

懸磴僅容人盤空欲度馬已出飛鳥前猶在白
雲下

溪

欲濟苦無梁欲渡恨無楫如此不可行人人問
津急

雨

度野已濛濛入谷勢逾急破笠不可支行人蔽
樹立

集賢堂稿 第十五卷

五 對樓梓

風

颭颭挾雨來飄飄駟雲至人在雨聲中一步一
長喟

淘針鋪飛泉

靈源何所自一線出崖飛今古流難盡空濛望
轉微隨風生雨霰落地迸珠璣欲飲那能掬清
寒空襲衣

辰陽縣鐘鼓山前渡

鐘鼓洞前石如壁山氣沉沉初上日雙槽穿波
素浪高羣鷁入水白魚出我欲醉遊吹洞簫渚
迴岸遠倚雲密

山唐駙見寄生草青繞樹為之枯感賦

青青石畔草鬱鬱附高枝高草亦茂風雨互
鮮滋知蒙籠久及令枝先衰奪取輪菌體延
蔓秀春姿初附若有合綢繆竟相危枝朽摧為
薪弱草難自持終當一朝燼交加能幾時

至鎮遠聞叛苗成擒喜而賦此

集賢堂稿

第十五卷

六 玄對樓詩

終日攀危曉戴星壯心今忽畏山行路當斷峽
人方渡水落懸灘驚亦驚天設奧區藏異類誰
將荒徼變文明我來偶遇諸苗靖從此書雲日
勸耕

興隆道中逢至日夜行

泉厓風磴苦躋攀至日長駙猶未閒翠篠扶踈
偏宿雨白雲狼籍故依山深更策騎頻經險何
處某城可閉關遙想關廐多氣象懽聲先到武
陵蠻

入貴寄太僕舊僚

南樵風景近若何山水依稀此地多曲曲水聲
如石瀨層層山色似磨陀別時文賦愁中味舊
日樓臺夢裏過只是思君君不見月明空自盼
庭柯

石瀨磨陀皆南樵景

入撫臺有感

自嘆馳驅無定時又將踪跡寄羅施驚濤出峽
山如劈仄徑通天石故歌乍見苗名稱犵狁始
聞蠻語信侏僂不知宜聖當年意也歎浮居到

集賢堂稿

第十五卷

七 玄對樓詩

九夷

至鎮遠會洞泉年兄始知罷歸賦此悵別
一別今幾年相逢頭俱白問君何事歸長歎宦
途厄本是同心人一語竟相迫命也可奈何歸
來循阡陌阡陌豈不樂自念心尚赤日見潯溪
水赴海情何急而我濟世心欲渡舟無楫聞此
意慘傷把酒看雲立白雲不戀山無心自出入
除歲有感是年五十自南通政轉僕卿又有
貴陽之役

年當半百苦駘馳萬里風
任所之經度東都
吟白社又移西澗聽黃鸝
簡書有命將柔遠
儒術何方欲化夷
只是胸中無自得
好山遊徧不增奇

王芝巖歌奉壽晴郊巫侍御有序

貴有唐山洞甚奇
中雖空際洞門小
而崖峻且石乳晴日
如雨常患陰溼石
都督愛而開之
埤虛去隘為堂數
楹高覆洞口以卻
風雨旁有一洞不
與外通窈黑難即
都督復從山

無聞堂稿

第十一卷

八 玄對樓梓

外穿竅而入兩洞相通
宛如聯壁仍於出處
構亭掩映侍御公載
酒落之忽有白衣童
子走獻六芝問所從
來笑指雲端扣其徑
曰今亦不復識矣余
曰昔黃帝登具茨山
受神芝圖于黃蓋童
子今日得此非偶因
名之曰王芝巖作詩
紀事適侍御誕辰併
以為壽

唐山砥礪盤清穹
誰鑿混沌開鴻濛
中懸萬象香難狀
恍如翠浪浮琳宮
此洞相傳名何久
聞自唐虞世已有
想是管窺舊藏仙
千年尚有神

無聞堂稿

第十一卷

九 玄對樓梓

茹芝得道生羽翰
還期名嶽汗漫相
馳逐石總戎南溪
重開唐山洞天邀
侍御巫公與余同
飲適苗惠蕩平風
雨特叙民庶熙恬
不知身在九夷也
喜而賦贈

久識將軍能用武
近知玄覽更多文
直窮僻塢千年闕
重開虛厓一洞雲
石乳流香杯外落
山嵐飛翠澗前分
從今車馬頻來往
共樂昇平日誦君

夏日園亭有作

深夏悠悠若暮春坐看細雨沐松筠喜無炎暑
如酷吏賸有青山似故人始信九夷猶上世誰
稱萬里是孤臣生平波歷多閒地終日潛虛得
性真

寄贈王中丞中丞父明威將軍

歸田今幾載鯨鯢猶未除江湖多壘壁聞海半
丘墟去國名方重來賢計拙疎君安高士里誰
載微侯車推本皆天授還因讀父書錦城雖可
樂壯志近何如

懷麓池郭給舍 四首

圖說滇城有五華半山巖壑嵌烟霞不知德里
今何處快閣雲前第幾家

又

涼風吹月出城西玉宇無塵萬嶺低最是雨龍
歸洞後有人夜半祝金鷄

又

碧山聯絡形如馬高士清虛德似龍遙想長亭
春賞暮月明金勒度深松

又

昆明池水倒涵空漢帝樓船竟未通為問畫舸
朝夕去曾酣五色幾帆風

大中丞紀山曹公冬至習儀有作書寄貴陽
詩以報之

憐君蒿祝日是我望宸時侍從一朝出雲霄萬
里思庭趨夷父老禮肅漢威儀用夏慚無術聽
詩但益悲

亭午行

蠅市覺曉日未出蚊市暮日將沒日未出光
恍習日將沒光隱歎以時汶汶者乘昏就馳突
不知日將午何物譁且舞

愛山堂偶成有感四首

無意尋佳麗居然得衆峰始知人境裏面面有
芙蓉山翠衣前落林香燕外濃倚雲時一嘯鬼
國有孤蹤

羣峯如客至一一費逢迎豺虎當年穴烟霞此
日情繞身森畫戟終古作金城拓地者誰子功

高不記名

物外吾何達山中興獨便清酤甜勝蜜紫辦大如錢木刻何妨信鷄占亦近玄風雲常出沒不分是變烟

勝地皆戎馬變方獨晏然世塗仍否泰吾道自山川梯引穿雲路田分隔嶺泉西南多虎將何處有狼烟

浮光亭成詩以紀興

疊石圍池水誅茅結舫亭偶然成野趣曠矣勝

無名氏

卷十五

十二 玄對樓梓

郊垌開鑿何人力幽深本地靈兩堤新樹綠萬點舊山青窈窕裘羊徑濛濛鷗鷺汀花繁濛濛濛月出助清冷心遠無塵事何須慕四溟

鳳嬉堂成四絕

一片瓦礫場俄見烟霞滿從前幾多年風月無人管

扶起水中石宛如漁父立月明風露寒夜夜魚龍泣

偶移竹成徑行看花亂紅共驚城市裡得與武

陝通

泉從何處來深廣且盈畝欲分太華蓮種作如船藕

鳳石山八味

鳳山桐之望山址峻而巔夷蓋古仙靈之都而雲霞之府也古泉盛太僕選其奇勝者題為八景或標嶽或附谷或隱于崖壑或出于林麓而日去月來晴雨各態左囑右睇徙武駭觀能使醉者失醒遊者忘返屢索余賦莫敢名狀茲猶走書貴陽再督益急暇日因勉為之圖又作八味詩句雖不工情景皆為實錄往見名公為古泉賦者甚多誦之誠佳對景則移蓋非山中人不能為山中語也

鳳石朝陽

鳴鳳去何之靈彩留石上至今山中禽迴翔猶東向

御崖霽雪

皚雪積峻崖凍雲屯石壁好將陽春辭譜入鄉

生銜

兔河風帆

雨霖舊山青湖平新漲綠天際一帆來如泊梅塘曲

虎跑霧跡

至人伏白虎虎為出香泉解道虎心善能通一味禪

古井甘泉

石罅一斛泉人傳王乳窟清冷澹不流夜夜孕

明月

仙橋活水

趙州入山來最愛橋上坐至今橋下泉飲者不知餓

九華雲峯

片雲出洞口九子落樽前長謠李仙詩搔首問青天

萬家窗對

石木帶長流風烟迷四野城中十萬家誰是大

隱者

楊白花

楊白花隨風颺曾見臨渭水斜出漢宮牆春風何事遙相逐舊日帝鄉今蠻鄉楊花撲面亦笑我前日夕郎今夜郎

題聖泉聖泉一日百盈有涸即所謂漏洩也此理誰能會盈虛別有天山城無漏刻應是報時泉

哭威龍峯年兄時三月十七日計去年相別

偶先一日潸然懷念

去歲別君時春暮花滿塢今日君復來落花泣

春雨

端居

久客忘形後端居學閉關感時因見月得句為看山好雨不成潤癡雲空往還莫嫌煩案牒抱牘自重刪

飛雲洞貴陽奇觀欲留一宿盡領其勝而過

皆因事傳餐即別悵然賦此

仙靈何處去仙窟至今留洞壑千峯護琳琅萬
象幽招尋無法侶風雨有神遊兩過空迴騎探
奇負此丘

凌玄洞同秦淡塘王陽岡金水厓王西峯諸
道長周梁二叅戎避暑有作洞後甚深列炬
一遊奇恠莫辨

譚玄水勝地虛壑有蓬萊照寂傳燈入乘空曲
檻開碧園千嶺立清抱一溪來坐久渾忘暑交
惟夜始回

東山道院與石總戎南溪叙別山下即潯溪

十六

十六

十六

水甚迅疾不可橋人皆苦渡余適創為梁虹
橋盤空跨水而過不用柱木人皆疑之迺取
木命匠約其丈尺于厓間建立即刻人行其
上甚便軍民觀歎奇異咸願出金助成亦盛
事也詩以見意

石閣臨流水雲光入坐閒感人偏是別愛客自
忘還雨意生樓外秋聲在樹間飛虹期共舉經
綵映東山

長興風雨中懷丞侍御

入夜風何急開門霧復濃曉雲踈柳秋雨老
芙蓉久滯黔中駕獨親几上峯所思今已遠何
處賦遊龍

鎮遠與吳霽寰中丞交代時有兼制湖北重
夔新命吳昔年西省舊僚其翁苔溪公曾為
余安慶守有通家之義賦詩而別情見乎詞
黔南何幸接高論廿載風流喜尚存

黔南何幸接高論廿載風流喜尚存

黔南何幸接高論廿載風流喜尚存

黔南何幸接高論廿載風流喜尚存

黔南何幸接高論廿載風流喜尚存

黔南何幸接高論廿載風流喜尚存

詔下建牙三省重令行分部百蠻尊共憐粉署
元朋侶况是甘棠舊子孫惜別有言皆國事肯
輕去住負

君恩

山塘早行忽重霧四垂只尺莫辨恍如瀛海
口占成咏

更殘吹角出郊臺野市三家半未開風送雞聲
穿屋出水吞石逕背江迴青山愛客當閑立白
霧欺人擁樹來一望高深俱莫辨何如航海問
蓬萊

苦暑偶輕陰生涼客有賦將兩詩者率尔同作

天意將生雨輕陰散晚涼風應飛石燕市欲舞商羊川氣先通礎鳩聲近出墻只憂雲不密西望楚天長

自辰州從舟下桃源適阮憲副至共問勝蹟有感

桃源乘浪至却喜是仙鄉兩岸皆秋水千家半夕陽近村無土著古渡尚花香忽報樓船至忻

無聞堂稿 卷十五 十八 古對樓梓 逢得阮郎

過芷江弔三閭大夫祠

惟來蘭芷滿江汀澤畔祠高覺有靈日暮弔君催貰酒大夫何事獨長醒

過辰溪縣遊鍾鼓洞洞中一石擊之作鍾鼓鳴亦大異事也

浪撼鰲頭立水潯橫撓風起大江深三摑聲自半空落一片石為阿郎音信是仙家問妙樂却教人世伴長吟我來擊罷歌商呂屋下魚龍盡

欲沉

曉行有感

細雨燈前柳鳴雞馬上聽霧平千嶂險風撼滿林青應世難完璞全生得半醒所須無一事惟有未緒經

曹紀山中丞有東湖草堂索余賦詩過荊州不得一遊悵然興念

欲作大言賦寫君湖上秋虛疑雲樹外猶見仲宣樓

無聞堂稿 卷十五 十九 古對樓梓 君隱今何處白雲第幾隈好將陶令柳種接舊章臺

過荊州有感

挂席泛斜陽洲迴杜若香夜光吞軫翼秋色滿舟航雲水千年市英雄百戰場偶來聞野哭一地兩征商

謁四祖禪林

屬意禪林久貪空幕始還偈留青霽上僧鋤白雲間水載經行閤花封入定閑偶然得證果不

月問名山

登樓曲

所以愛登樓為於明月近桂宮事有無好就婦娥問

所以愛登樓為於青天近不識太空情只見短長運

所以愛登樓為於鳥聲近百舌語瀾翻似和離騷韻

所以愛登樓為於白雲近為問雲中君神仙寧

有分

無聞堂稿

第十五卷

二十 登樓詩

無聞堂稿第十六卷

北遊集

謁漢高皇廟

桐城趙武陽卿著

赤帝今何在蒼山尚有祠乾坤新日月侍從傳威儀百歲魂應樂三章世所師終同猛士盡長恨大風辭

登三歸臺有感

九合功何在三歸臺尚存春風吹宿草落日下荒原山海今仍擁兵車日正繁寥寥悲往蹟誰

復解區言

無聞堂稿

第十六卷

下對樓詩

謁黃石公祠

晚度狼溪水來謁黃石公入門真蘋藻古木生春風遐想納履兒一語收奇功此事今已久芳聲在人口借問當時書曾有典謨否黃石公口不語意何閒但見塵沙腰野色陰風颯颯來松間心知此意不能道出門長嘯望西山山頭古石如人立唯有白雲時往還

入東平謁冉子祠悲魯論獨無伯子一言

斯人不可作遺像肅高阡馬鬣荒秋草狼川悽
暮烟淒涼臨牖日艱苦在陳年却歎及門久何
無一語傳

過彭城

彭城百雉古河濱何似山河百二秦却咲晉囊
空老大不知芒屨有真人

謁閔子祠

落日孤墳深草木山川猶覺儼儀刑單衣咲著
蘆花暖避地遇懷汶水清天下幾人無異母世

集開卷

卷十

卷十

卷十

卷十

問何處可逃名鳥啼暮鴛寒雲斷一度迴車一

慘情

廷對日有作

三月啼鴛滿上京

九重清問下延英獻言爭擬天人策切理誰收
國士名敢謂三餘酬夙志却愁一第涸平生披
雲作賦當年事白首丹心此日情

恒菴伯兄下第歸得書寄懷一首

洛下爭誇伯子賢一飛一伏共悽然人從落日

黃山去書向秋江白鴈傳越石楚金誰並舉江
蘭巖桂搃分妍遙知憶弟看雲日靜閉溪堂獨
草玄

夜聞箏聲枕上口占

誰把銀箏撥晚寒隨風飛入畫闌干一窓新月
人何處獨院踈燈夜欲殘遠客不堪愁裏聽秋
聲偏向醉中彈無端喚起雲山夢直度淞江屬
落灘

立秋日聞邊報

集開卷

卷十

卷十

卷十

卷十

鳳凰城上火西流插羽飛書報早秋宮樹未圓
金闕露禁庭先入玉關愁嫫姚指日應傳捷首
宿連雲恨未收漢地山河盤百二肯教烽燧接
皇州

吳山人至京先以詩見投奉荅一首

客從東海至手抱綠綺琴欲向金門裏彈為白
雪吟高山猶隔望流水倏傳音闕下多奇遇休
言賦上林

遊九龍池

乘春超 帝寢轉壑向龍池鳩曲鶯啼緩松深
馬度遲紅泉派玉液丹砌擁金枝日暮煙雲合
嵐光逐望移

贈唐巖劉年兄分署荊州

都門去者何翩翩水部風流信是仙籌國遠持
三楚節還家先上九江船伯王臺樹垂楊外賈
客帆橋曲檻前暇日登臨休感慨東吳西蜀又
茫然

南道方西川病痊至京同鄉載酒相訪偶因

無聞堂稿 第十六卷

四 玄對批評

直省有阻賦此

故人不見幾花開此日俄驚易史來解佩又棲
鷗鷺渚埋輪重上鳳凰臺一時星斗雲中集三
楚風流鄴下才咫尺無緣陪笑語天涯離合總
堪哀

立春日早朝

鷄聲初曙曙明月尚留光城上飛鳥鵲墀前集
鳳凰四山仍白雪九陌轉青陽衰草吾同意欣
欣覺漸芳

秋日徐紫巖杜淦涯吳海亭約余為南郊之
遊感古泉侍御戴渾庵民部閒而枉駕有作
故人乘暇日邀我度玄立坐惜桑麻境因成遊
迤迤道遙阡隴暮眺嘯水雲秋髮喜風塵遠勝
離為解憂

其二

隨緣出帝里乘輿到山家不識郊原外秋風有
落花空堂圍古木夕鳥度平沙迴首金門望丹
霞路已賒

無聞堂稿 第十六卷

五 玄對批評

其三

某園秋樹裏一徑野陰長多與烏臺史遙携粉
署郎不須援地主直欲就花香却歎雲霄侶人
吾跡俱忘

苦雨五歎

書

一卷大古書千年傳鄒魯昔作秦爐灰今作屋
下土

帖

草閣暮雲深
荒臺秋水積
臨池不見書
空階羅鳥跡

屋

寂寞楊子居
繞屋皆秋水
脉脉望金門
何處可跋履

墻

青青薜荔墻
遮我八墓目
可惜今始開
又見隣家哭

米

盡日不見炊
粟整空浮甕
呼兒就枕眠
應有黃梁夢

寄賀李台峯憲副初得子

聞君滄海上
歲晚得神駒
憶昔三江上
曾占五丈夫
何時堪比翼
此日喜懸弧
想像轅門暇
終朝鳳引雛

玉壺吟送戴澤蒼倉曹分署德州

我有白玉壺
得之崑崙山
崑崙老子咲
揮我赤盤贈
我來人間一
塵不受染
爽氣開晴窗
我今

懷之三十年
丹液脉脉流
雲煙清光夜
復從中發
皎與七曜相
糾纏聞君今
日度潯水
輜車遠向常
豐里三杯拔
劍為君吟
不惜玉壺千金美
君去好挹泰山泉
寒光六月冰
生軒縱使風塵空
外起白虹
長貫紫霞天

黃金臺歌送古岩年伯與定玄兄東歸

長安三月杏花開
片片飛落黃金臺
黃金臺上燕郭隗
會見樂毅從西來
樂毅東合楚西連
趙揮霍風雲成虎嘯
一朝七十二城盡
來歸黃鐘

大呂陳英廟千金臺空春草新不見當時薦士

人君今且向太湖
去莫倚金門嘆
數屯况復君家氣
數天下稀太史
勇史相光輝
驚驚翩翩奇莫比
會須天風萬里
同翻飛

紫霞夫人歌壽吳侍御母侍御幼不肉食

紫霞夫人乘紫霞
橫空遙下七香車
歷覽丹丘無可駐
縹緲來入山人家
山人元是天仙子
從倚共卜烟雲裏
洞門處處種蟠桃
開花片片流溪
水手抱天帝几
前兒來作人皇
柱下史柱史

不與衆人同玉骨稜稜雙瞳朝飲澗底水暮
食天上虹鍊形懶進人間食脫跡漫跨金門驄
始知神仙種自別清風逸氣天人傑一朝丹就
黃金成會見麻姑携子汗漫遊蓬瀛

送姪簡輪粟授引禮舍人東歸

我抱連城璧幾叩金門人不識骭骸天衢三十
年未領君王好顏色汝持黃金獻紫宸白玉河
邊遇早春一朝曳裾千官裏遠作南藩帝子賓
倏忽馳馬向東歸古陌蒼楊驚亂飛烏帽籠頭

齊東野語

卷六

八

拜彩開白雲處處生光輝我為斗粟留京師桐
山不見已多時倚門白髮垂千尺朝朝北望燕
京兒見汝此去愁空積當時誤對平戎策盡識
黃金解致身豈向燕趙走風塵為我蚤卜春山
隣我欲還家侍二親相與共釣白湖濱

送吳令之河陰為作河水篇

黃河之水胡為乎來哉崑崙石裂砥柱雲開三
門九曲勢如頽大地白日生風雷孟津東過走
洛墟黃麻百里盡遊魚河陰十室今九虎平原

一望空躊躇君今手抱理人書乘雲遠駕令公
車我聞洪川捧土不可支臨坂畫地且為規何
湏沉白馬終日禮空祠春風能種河陽核坐見
桃花兩岸垂君莫悲城郭小人民稀一夫如不
獲萬事盡為非昔人開渠成沃野能使列郡皆
來歸吁嗟此道今何微

送錢存菴之南都奉常

八座衣冠胃三珪禮樂郎東旂趙漢苑秩祀列
周常共羨澤注種仍聯鷄鶩行都門衝白雪驛
路轉青陽北首瞻天府東浮入帝鄉石城春
雨細鐘阜晚雲香捧檄悲何及圖南意獨長知
君多道術端不愧金張

余與陶吾廬生同庚仕同第官同曹宦雖異

鄉然一在江北一在江南聲聞舊相及今又

兩君一甚喜而有作

卜居喜傍子雲西通旅風霜共晚鷄興到說詩
樂獨往客來呼酒夜常夢莫言盛鮑分江映更
得鸞凰一樹棲榮度退朝歸騎並珂聲搖曳五

雲低

送丁慎庵之廣川

君莫奏手中琴綠綺古調無知音君莫彈匣中
劍青冥誰識昆吾焰風胡去矣子期不來白虹
欲折倚蘭空摧使我三歎有餘哀勸君且飲黃
花酒勸君且上黃金臺相與擊筑歌盤石浮白
大叫晴雲開君不見千里駒負鹽長坂空踟躕
又不見公田粟上者列醢大烹前下者墮落餐
黃鵠我愛東方善致身金馬門前學隱淪君今
疋馬廣川去平原一咲且藏真

嵩丘歌送畢郡守

君不見八荒巨鎮稱嵩丘靈標突兀當中州太
室少室互掩映伊水洛水迴奔流三臺時見白
雲起月光童子蒼崖裏青炎常開四對花丹池
倒歎九龍水花下曾聞子晉笙緱山嶺上雙鸞
鳴水邊曾駐漢皇旌少君一見天風生此地從
來可嘯傲東望三川空浩浩羨君高乘大夫車
五馬真上函閔道函閔老子喜君去手抱道經

為君駁再挽淳風天上來靈波遍洒河橋樹此
時莫惜故人書應念城東相別處

雨坐

捲簾雨初霽忽聽牆頭鳥恍似在家時春眠花
未曉惆悵月還來殘虹掛林杪

臨池學書忽渾菴送菊花酒至醉後偶成

故人別我向東走終朝獨坐平原柳庭前遍種
黃金花釀作仙家紫霞酒思我遙寄草堂來入
門大咲懽持缶呼兒便摘籬邊瓜持刀細剪窓
前韭不須袒裼楊冪臬盧不須高陽尋舊友滿懷
硯礪正突兀便可一飲二三斗須臾明月出雲
端照我窓下舊蝌蚪低頭三讀不成章自恨墮
落蒼顏後混元一破不復還石室玉簡今已朽
舉觴空歎簿書煩吁嗟此意君知否

泰山歌送友人之山東

平原東泰山峯天門倒挂金芙蓉鉏父之童騎
白龍僊間神府鉤天鐘乳林鬱鬱秀蒼松千枝
萬樹相蒙茸鸞皇上下鳴笙鏞石室玉簡卿雲

封美君此去能相從
美君此去能相從

送姪養徒歸

我家世據桐陂水
水源遠出龍眠裏
春兩桃花兩岸深
浪高十丈蛟龍起
我別水亭今幾年
鷗沙鶴渚空雲煙
誰人擊楫看明月
一夕滄江萬里舡
小阮省我來天上
佩劍長吟何豪宕
遊徧燕都返故廬
落日春波正沈瀟
為指溪底白龍穴
夜靜珠明水員折
鞭龍蚤向太液遊
莫使鵝行中斷絕

蘇門集

卷十六

七

玄對樓并

送近齋司寇奉使江南諸府東還金華

南國自古稱雄州
山河百二盤金甌
使君今日乘傳去
金焦八月江雲秋
朝泊姑蘇城下舟
暮宿采石江邊樓
牛渚磯頭看楚月
虎丘石上聽吳謳
吳謳吳謳縷縷不堪聽
楚月盈盈照古潰
潭寒水落魚梁出
楓老雲高島嶼分
此時兩地諸侯夾
水迎旌旗拂浪盡
舸輕鉄冠柱史遙
相待龍泉三尺倚天
橫勸君遍訪江南
俗好將平反悅親
情

送王泉陳僉憲之任江西兼憶許石城師

遠出郎官省言乘憲府車
清秋度彭蠡明月挂匡廬
手執三章法胸藏五箇書
應逢許叔晦作賦擬相如

共是江東客同瞻薊北天
白雲樓上月清夜幾迴眠
善仕應難偶長吟祇自憐
觀風如有賦當為故人傳

送錢實夫讀書胄監

去歲與君伯氏別朔風吹落燕山雪
今日都門復別君長空萬里飛春雲
君乘春雲渡江水石城紫氣當開起
鳳凰臺上雨初晴盧龍山下花如綺
此時遊士盡人豪園橋碧水拖方袍
王家禮樂暉星日閣下人文追謝曹
丈夫得意遇知己躡蹻擔簦相遊遨
下帷深究董生業垂綸還釣任公鼈

蘇門集

卷十六

七

玄對樓并

送張諫議推湖廣僉憲

禁掖倏驚鳴鳳去
滿湘遙望畫車遊
上書每念江湖遠
攬轡今分麻廟憂
落日放舟雲夢澤
春

風作賦岳陽樓應知別後長相憶回鴈峯頭草
樹秋

鄖陽徐太守以書見寄詩以荅之

五馬久從鄖竹去雙魚倏訝楚湘來循良共許
文翁在詞賦還憐王粲才雪積燕關空倚闕山
園麋國幾登臺白雲舊調猶傳響重見理篇思
轉哀

送張年兄之廣德

張長公少年湖海稱終童青袍二十騎亂龍挾

無聞堂稿

第十六卷

十四 玄對樓梓

丹直上長春宮春宮

天子馮王几當軒作賦

風煙起千言盡是理人書自陳生長藩王里漢

家法度禁王人一麾出守大江濱寶劍銅符問

野俗翠幃青旂行早春金門貴客一百萬驅車

爭識張公面把酒長歌歎遠行天球銀鑾驚還

見張長公清且豪揮手謝客乘風舸要把芳名

邁九牧清時不厭簿書勞

出管見私慈寺高閣駐馬一臨臺邊牡丹

本甚艷次日重來借榻偶為風雨所壞悵然

有賦

為登高閣來山寺坐愛名花倚繡廊特抱琴尊
安夜榻生憎風雨妬春芳殘香猶繞菩提樹輕
蝶虛迴薜荔牆漫掃落英還自酌咲將幽事問
空王

贈錢揮使以上舍輪粟歸皖

男兒有志在四方生年孤矢懸高堂長大不為

九州牧便欲仗劍遠從王今人好文不好武老

伏章句嗟何補白首空歌行路難風塵散却頭

無聞堂稿

第十六卷

十五 玄對樓梓

上冠君不見漢家天子稱雄略開邊拓地窮朔

漠鳴鏑掄材親點兵登壇計地歸國閣當時關

下號多才紛紛詞客盡蒿萊何如下式能慷慨

一時名字今猶在君去莫重畧下金壯士功成

在邊塞

用杜牧之齊山韻送曠江太守之池陽

喜君列駟傍雲飛日日行春入翠微寺靜月明

應獨嘯巖深客到莫先歸山靈奇崛知多異地

主風流倍有輝更羨放衙庭樹暮九華飄翠濕

人衣

送節推尚仰山之保定仰山普任廬州

昔日相逢鎮淮樓一樽共對楚天秋長川東下
白雲暮簫鼓旌旗盡日留樓下小兒歌且謳神
明父母清霄遊此日送君城南陌相如猶作關
西客咲指鸛鷀已十年長揖出佐二千石人生
會合自有時璧玉終為人受惜君行莫爭黃金
臺應念明光夜仄席

秋日同諸掌科過而苑有作

集賢堂稿

卷十六

十六王對樓詩

偶從西閣度金龜疑是方壺駕海橋鵲外漸青
三島近雲中應有列仙朝日交樹影迎天仗風
引鸞聲雜洞簫簪筆自慚追鳳侶不知身已在
丹青

直省有感

朝曳青雲裾暮宿承明廬羲皇在瑤圃裴龍集
石渠感彼風雲會懷我天人書叩闕欲抽策臨
發還躊躇氛氣從東來起忽漭清虛天皇赫震
怒烈火無稽與絳灌忘功多重賈徒歎歎結舌

思明哲周覽何鬱紆仰忻大官粟莫負春江魚

從軍行

昔人苦從軍從軍良不惡官家重民兵我軍只
守城民兵負戈戰我軍立觀變民兵骨如山將
軍不汗顏但得我軍在城墜不稱敗我軍生死
將軍命將軍護軍如護印將軍有時罪猶錄行
賞我軍恐不速莫嘆身無衣居無屋但報胡虜
來我軍有馬兼有粟如此從軍心亦足

又

集賢堂稿

卷十六

十七王對樓詩

旄頭光夜長賊來寇東方起勸羽林郎莫著鐵
柵櫓柵櫓雖可著見敵走踉蹌不如單甲衣避
敵疾如飛寇退論功賞勇怯擬同歸

長至借禮部朝房齋宿呈同科僚友兼東點

齋王侍御

齋居楚假尚書館清切還依禁苑西久愧監儒
空素食更兼遊子舊單樓月中轉見蒼龍近陌
上但聞駝馬嘶乘燭劇談天下事坐來不覺玉
繩低

戰城南

戰城南死城北城南白骨城北血血滿長坑日
月黃胡騎驅人如驅羊風遶哀聲百里長但聞
處處叫爺孃人生倚城闕不如生遠方遠方君
不知應無赫怒時

又

戰城西死城東感策殺起雲蒸空城外盡是公
侯宅朱樓綺閣臨長陌臨長陌亘星列詎知臺
榭巧藏戎胡人捨死爭金穴一炬燄燄飛鳥絕

集開堂稿

第十本卷

十八下對機排

黃金未盡青山裂城上觀者心如鐵不顧殺人
惟顧火滅

石山外舅徒宅為作憶昔思今各二首奉懷

憶昔乘龍日高堂晚卜成開軒明月滿對酒白
雲生已得幽人趣不邀處士名可憐今徙宅末
路事躬耕

憶昔東湖畔溪聲帶草堂乘春種榆柳愛月買
舟航得句題蕉葉難書滿竹床如何今落莫石
澗採餘芳

思今石下居傳是范公廬八座留遺蹟三台拱
舊壘青春花底鳥白日洞中書其到題名處故
人天上踈

思今石下田開鑿自先年百畝休云瘠一丘猶
可專兒僮拱菽粟雞犬散雲烟本是忘機者盈
虛莫問天

送五弟鉢冠帶南還

白雲飛盡楚山微帳別南郊望舊扉天外喜看
雙樹列兩中又見一鴻歸恥余竊祿猶青瑣愛

集開堂稿

十六卷

十九下對機排

爾還家亦彩衣謝客早過湖上壘感時應自念

春暉

招隱辭

人生難久遊久遊滋離憂曷歸乎來汎輕舟君
莫歎出無徒沙上多白鷗白鷗飛近人唼喋如
相親

宦遊苦不早久遊令人老曷歸乎來聽黃鳥君
莫歎坐無氍汀上多芳草草芳綠如茵處處可
留人

富貴早懸車飄泊竟何如盍歸乎來種園蔬君
莫歎無華居山中有散廬牽茅補散廬猶可夜
著書

宦遊何時足終歲為人役盍歸乎來抱黃犢君
莫歎食無肉園中有篋竹人言新笋香勝如刳
牛羊

蟹

最愛介公子赤心無它腸輸芒酬瀚海負甲厲
秋霜喜結高陽伴貪趨明月光橫行終有坎為

集

第十卷

二十一對案梓

爾數浮觴

服闋北上別山中親友

唉謝丘中叟重為闕下遊棲巖元有約出谷竟
何求未老身難隱無心貪是憂及年終自返肯
負綠莎洲

託鶴

不能載汝去不能放汝歸寄食依隣叟勿謂主
人非網羅隨處容翮長其高飛

出門

問耕偶為農仗劍還為吏一出青蘿門便是皇
華使它日擁車還松雲應滿地

出關

纓纓關上雲役役關下客男兒事遠遊風塵催
髮白宗親扣我行指示懷中璧

過九里山

既自真人去漢中五雲收盡碧山空英雄何事
重來此一嘯兵殘九里風

入京暫居城外有感時外城新成

集

第十卷

二十一對案梓

六載重來謁紫宸暫依郭外駐征輪入門先問
新城禁對客仍稱舊瑣臣自顧誓心惟有日回
思竭力已無親明朝鶴立聽魚鑰又見宮鴉報
早春

送陳筆山給舍謫魏縣

暫卷詞鋒出瑣闌達觀應是久忘機如逢醉尉
來相問咲示囊中舊賜衣

送曹龍田掌科謫無為便道歸省

君到家時屬暮春入門先拜白頭人相逢只說

獨鶴南還篇送玄義沈道人歸金陵有序

金陵沈道人余方外友也道人少通玄妙
雅好古圖書雖貧喜與四方高士往來余
少遊白下弔卞墓過朝天宮與坐兩竹亭
中譚說黃庭經契焉竟夕始罷後不見者
十年餘矣一日坐師師堂月下鼓琴有叩
門自稱夢鶴道人者謁見異之君扉納屨
乃沈道人也相與大笑曰方外人何從天

無聞堂稿

第十六卷

二十一 玄對機

上來耶道人曰近令吾主宮教當受職故
來都下余嗒然曰吾方以冠冕久繫於此
寧思坐泉石間潛虛體素破除紛華了吾
性情而不可得自愧愛心未忘慾心未滅
終是苦海中一波浪生也道人少能棄親
長能滅性只竹林中焚香啜茗便可超致
清虛上境乃以冠服遠來畢竟奚慕真開
眼矢床者也道人笑曰吾亦欲藉是將上
都訪異人豈以一青衫為重且守關寂

度水穿山總同一趣君信以金馬門中絕
無蓬壺客耶乃復大笑居無何道人南矣
為作獨鶴南歸篇贈之且屬之曰白下諸
山水間各置一榻吾將至焉

道人跨鶴從東來青天嘯拂江雲開江雲開盡
楚山碧萬里獨橫風滿翻照影清淮水刷羽赤
山石西過緱嶺玉洞深東望遼海金霞赤會有
天風起扶桑飄飄遠送燕山長日月雙闕護龍
虎金湯百二環明堂郊有麒與麟圃有鳳與凰
麒麟鳳凰本同侶覽輝並集明光裏圓吭一聲
紫霧生欲下未下驚還起不飲太液泉不食王
田黍回顧風啾啾故巢湫何許故巢古幹鬱岩
崑夜夜笙歌落絳霄月明孤影盤空去縱有秦
簫何處招

送從子南還

汝回早過鵝林山中猿鶴望人還寄語烟霞
須密護莫教鷄犬出人間

長盈酒歌有序

無聞堂稿

第十七卷

二十二 玄對機

西塘劉給舍見召飲以嘔嘛酒其酒先一年以糟粕投之罇中封貯客至滿注以水煮沸插管於罇底以叙飲之各以量爲深淺旋吸旋注以水不見酒盡惟見罇滿如初味淡則揮去不妨數十客共飲甚有古意余愛其簡朴因以仙人長盈酒名之復系以詩時同飲者彭君東溪張君白灘郭君一崖并余爲五人嘉靖丁巳仲冬廿三日也

無聞堂稿

第十六卷

三山主對樓

我聞僊人能造長盈酒千人合歡只一斗洞口日月幾遷移洞中此酒時盈缶仙人不可遇此法孰與傳空使後來賢達者往往垂涎慕酒泉劉君愛客開西閣賓主滿坐惟酬酢恠哉一罇當中堂啓視惟有糟與粕呼童旋注玉河水當壚百沸成甘醴綠蟻光浮滿甕春水在上兮酒在底不用杯竿不用觴銀管一喻味何長呼盧以序爭前進深淺隨人各自量酒未盡兮人已醉不覺城頭月滿床嗚呼後世濫觴那可窮太

古玄漿誰與同安得盡剖人間金與玉一返汗樽坏飲風

余與平泉年兄先後憂歸因寇亂七年音書不通今平泉起主南雍余亦再入瓊闌思得一官南去與平泉共覽金陵之勝今南北曠絕悵然有感詩以寄懷

慨自分飛出瓊闌與君先後予寧歸百年意氣同彈缺滿地干戈各掩扉壁水新來風遠動掖垣重入願多遠祗言離別緣何事太息吾生半已非

無聞堂稿

第十七卷

二十五主對樓

欲博寒官過建康鳳凰臺上共翱翔遍尋四百八十寺同醉六千三萬場山水有情私杜甫乘騰無計老馮唐應憐都社相思切莫惜江門尺素長

捉搦歌

有男豈不婚有女豈不嫁芙蓉夾蓮塘芬芳自秋夏

南山有崔嵬山有羅但得羽族遑顧其它

飛鳥投林集于高柯枝高巢安人可奈何

聊人聘顏女少者獨請行異哉嶽降靈千載留其名此事今已久言者猶在口

雄兒脚撲刺唯兔眼迷離偶然得三窟寢食頗長隨

君馬黃

君馬黃臣馬蒼臣馬齒短君馬長臣馬晝夜芻一束君馬有芻兼有救追思入貢幾何年至今尺籍猶存錄廩軍中牧子更孫此馬芻救當盈

無聞書

第十六卷

二十六

谷豈是羈駒種自殊應戀君家多首帶

又

君馬黃臣馬赤二馬同逐臣馬劣朝出關以南暮出關以北蹄穿塞上霜毛磔隴頭雪安得君王十二閑黃金為絡王為鞭為君奪取燕然山何如沙苑上長嘶風雨間

募兵行

村鼓晝夜驚官家催募兵中國本無寇寇從東海生十人困一村百人困一城官軍不能戰購

士遠從征民間久晏樂不識旗與旌肥丁不能去瘦丁不肯行百金得一士但充尺籍名去者魄已落送者各吞聲聲斷復聲起哀與怨相并天地生大海東南為之傾波濤如山岳魚龍長縱橫倭舟何自來無乃海波平海波如可平天地亦無情世運苟如此陸地走長鯨一身不足惜尚慮第與兄兄弟有時盡何時息戰爭

後募兵行

撓槍晝吐光冠來何踦梁寇來兵亦來令我負重傷寇來梳梳我我髮猶長兵來篋篋我蟣蟣俱亡蟣蟣俱亡可奈何寇來日少兵日多君不見去歲東隣與賊戰我挺長戈賊揮扇力屈死者誠已矣生者至今有顏面又不見西隣今年逢鄉兵炙牲賞酒懼相迎奪取金帛不敢問猶牽子女遠從行含怨欲訴難具言門重兵不重民仰天大叫黑雲斲空青天之難賊身

無門堂稿第十七卷

桐城趙鈞

鷄林山庄四首

出郭不數里欣然得此堂園林仍世業風俗異
他鄉古石垂蘿薜香泉煮稻粱預思歸隱日白
首臥羲皇

五世相傳地三遷始得家鑿山開戶牖繞舍種
桑麻林外標千堞雲端列九華此中堪寄傲無
處不烟霞

無門堂稿

第十七卷

一 古對樓梓

偶卜幽棲境真成水石居春來先食蕨客至旋
罾魚野曠朝觀稼身閒夜著書更欣朋好近徒
步及吾廬

楓林

池畔青楓樹天圖一境幽千章翠成幄九夏氣
如秋愛客分陰坐聽鶯盡日留有詩題葉上書
羅帶雲收

客至

楊花如雪草如茵玉柱峯前盡是春客至但知

催賞酒張曾先喚打魚人

客去

金勒長嘶綠徑迷夕陽收盡萬峯低松雲不動
花開閉任與林禽自在啼

過伯兄北崖山庄

喜君新向碧雲耕掉臂長謠歲晏行老至倦遊
闌闌里春來愛聽桔槔聲當枰不覺青山暮對
酒寧論白髮生我有園亭烟對外杖藜時過辨
花名

無門堂稿

第十七卷

二 古對樓梓

無同上人于六月六日設茗集邑中諸大夫
為避暑會偶以事阻賦詩謝之兼似座上諸
公

火雲射日氣如煎大士能開避暑筵愛客自炊
蒼耳鉢開軒如坐玉壺天洛陽舊有羣英會彭
澤原無結社緣指日新涼泛池閣更期說法過
谿田

山中有懷胡澤庵南郭草堂

蚤識長卿能作賦誰憐劉向尚傳經獻書未報

晉天府伏軾寧知是歲星湖海幾年蟠尺蠖風
雲萬里寄孤亭新詩別後今多少可許幽人月
夜聽

山中雜植

種松

牢落山中學種松帶鉏常上最高峯他年猿鶴
來相就虬幹參天翠萬重

種梅

姑射仙人自愛寒幾番驛使故相殘于今移入
深山裏不是騎驢不去看

種柳

小塘橫玉傍雲開蒲柳沿堤手自栽莫與行人
贈離別年年枝上領春來

種菴

碧梧翠竹野人家間植細如開歲華却咲瑤池
春寂寞千年何事一開花

種槐

綠水塘邊盡種槐疎陰夾道客常來南薰一枕

情何極不學王家有莖栽

種杏

曾佐杏林花下人王堤遊遍草如茵今朝移種
松篁谷看到白頭幾萬春

種蓮

芙蓉半畝白雲圓賞偏池亭夜不歸自識簪纓
難久戀乘時先辦芰荷衣

種花

世人種花須名花雕欄十二誰香葩我今雜植
東風裏但願花開長在家

種菜

抱甕東臯半種葵汲泉多是夕陽時興來幾度
荷鋤立蒸萹腸中易得詩

種桑

垣墉築就遍栽桑數尺柔條漸出牆此後肯教
機女怨綺羅不辦舞人粧

種竹

擬逐長林製箨冠一綸占盡白鷗洲呼兒早種

簞簞竹莫向山僧乞釣竿

題雲谷圖圖為徐封君作也君早以子貴父
領龍鳳之章晚得子歸共探倖全之錄且棲
身巖谷寄趣雲霞壽既無量興亦不淺凡在
桑梓同慶康寧各獻短章交申遐祝

一片白雲谷外入一片白雲谷裏出出雲變化
忽騰空入雲卷舒時在谷雲動谷不移谷靜雲
長隨谷中老人玩玄化雲去雲來總不知

喜兩行

集開堂稿

第十七卷

五玉對樓梓

圖

使我愁者前日之雲招不來使我喜者今日之
雲撥不開但見山頭瀑布珠相濺小溪大溪橫
素練登高一望笑不休老稚相對如重見且莫
言千倉萬倉堆嘉穀只今禾滿囍雲滿谷青山
處處驅黃犢太平氣象具在目天心人意會有
時莫把土龍芻狗輕相瀆

題桂林一枝圖贈友人

此花原是月中枝三年一發花累累我昔曾向
花邊醉玉宇無塵光罕地今年飛落在君手金

粟綴雲香幾斗香幾斗不常有種樹仙人望已
久金陵看花十萬人君行莫在他人後

東谷歌

日將升谷將曉主人東望雲縹緲但見光從海
上來若木枝頭金嫋嫋須臾靈曜出扶桑霞光
一道飛林杪驚破羣蒙天地開劃然長嘯何顚
顚萬態皆從明處生誰人能識暗中好明暗相
生不自知空負林間日杲杲我今欲挽羲和車
高春下春爭馳道昨日花開今日收去年人少
集開堂稿

第十七卷

六玉對樓梓

圖

題秋亭圖

木犀亭上秋風起木犀亭下生蘂水風散商飈
作野涼水沉素月尊鱸美烹鱸煮蓴手抱史木
葉漸下白雲裏起拾紅葉步亭皋萬物悠悠歸
元始此時何所見靜悟玄機變向來紅紫花不
是真顏面此時何所有采菊釀新酒萬寶告功
成一飲數十斗酒大舉仰天叫誰人能識此

時妙舉手向雲招冥鴻嘹唳吾與爾同調不顧
金谷競繁華五侯七貴相矜夸不顧上林馳走
馬玉勒金羈嘶嘶花生平最愛陶元亮咲麾斗
粟何豪宕把菊歸看南山一掃空中諸色相
後來紛紛何足道橋木虛傷歐陽老不悟真元
自輪迴却向對閒悲秋早秋早春遲人自迷還
向庭前看木犀

鷄林山丘八賦

鳳山雨雲

無聞堂稿

第十七卷

七 玄對樓梓

習靜林中自課耕朝朝石上看雲生祗愁雨過

山溪漲流出盡花過市城

龍峯霽雪

靈巖峩峩幾萬重瑤華削就玉芙蓉曉來日上

雲初散添出峯頭四五松

南郭酒旗

酒旗跼踖舞春寒楊柳千條拂盡闌欲醉爐頭

眠夜月漫愁飛夢到邯鄲

東岡使節

郊衢日日飛紅塵南轅北轍無停輪獨坐花陰

看去住青春誰是晏眠人

石澗水簾

白虹千尺半空垂不斷長風盡日吹昨向岩前

看月上水晶宮裏見蛾眉

市橋燈火

獨坐芳原望市城熒熒燈火競黃昏不知誰剖

燈前卷靜悟玄機獨掩門

桐溪春漲

無聞堂稿

第十七卷

八 玄對樓梓

春日桐溪水滿川千家歡咲對川眠自憐朴俗

少機事兩岸垂楊無釣船

柳塘秋月

楊柳依依覆釣臺野鷗飛去月還來清光萬里

看不足白露蒨庭猶未回

問古泉園中海棠

記得君家二月時滿庭紅對競芳姿今年花發

誰同賞開到春風第幾枝

遊浮山四首

山前雨

岩前細雨來洗我塵中駕駕入洞門開烟霧在

山下

山上雲

入山多白雲片片出石屋為迎雲中君英英下

填谷

山中風

春風生洞口遠送落花來尊前留不住復向谷

邊迴

集賢堂稿

第十七卷

九
玄對樓梓

山下月

出門見明月鶴駕不可馭尚有未窮岩還趣月明去

喜樊侯壯來浮山新建書院詩以落之

天遣瀛洲度海來林霏掩暎院江隈雲池盪漾

千山動雪竇高低萬戶開近喜圖書洞府坐

看文學聚仙臺從今深夜談經處應有藜光落

上台

山中杜鵑盛開適古泉過訪詩以謝之

背郭堂成一徑偏忽驚驂馬度谿田滿城歌舞

爭春色誰解山中看杜鵑

余甲午丁酉兩試池陽乙未賜兒始生今亦

應試詩以寵行

二十年前此地遊池陽渡口繫行舟三江月出

碧如練九子雲來青滿樓舊日主人多變幻同

時詞客半沉浮吾兒重覓題名處直到齊山最

上頭

書屋新成有感

集賢堂稿

第十七卷

十一
玄對樓梓

浪出年來未卜屋選林新構鳳山廬烟霞映戶

光可掇蘭桂繞庭青不除鼓瑟自調會點操譚

經肯註子雲書較來奔走緣何事却把從前歲

月虛

楊博士惠清狂所繪二程夫子像詩以謝之

東臯初闢且耕堂烹雞炊黍祀勾芒商風約雨

走僮僕斂手再拜祈豐穰珍重博士貽雙軸錦

緇高掛烟霞屋簷帽古服儼儒先玉立揚休光

照谷一人豐廣藹春陽一人清峭殊穆肅炷鑪

易服禮儀形欲識未能興還伏檢點遺像窺中
履知是河南兩夫子伊洛風流幾百年一見令
人儒猶起况是清狂擅起生氣象丰神真得似
古人求賢思識面羹牆寤寐猶能見今日春風
拂敞廬定性牀頭尚有書願將桐水遡伊水肯
老東臯只故予

譚次川由江西副使奏績途中陞廣西太叅
因而乞休寄懷一首

掖垣久重匡衡疎粵嶠還驅孟博車江右風流

無聞堂稿

第十七卷

十一 玄對樓梓

今尚爾嶺西炎熱近何如定知宣室終應召何
事陳情早上書指日論功歸闕下過桐先問白
雲廬

吾家舊屋清淨鄉牛首山前洋都湖上先壟
多在鷄子石下因移家入城久失封掃不知

所在因并堊伯兄東行相勞問省洒淚而作

歲歲東行過故丘牛山風水動人愁園林有待

猶存姓

尚有趙家園

墓碣亡何不暫留縱得遺言垂

諸牒也須長恨失松楸知兄到處多登眺鷄石

村前莫浪遊

贈金春野

我有人間癖君多肘後方常期蒼白水竝杵搗
玄霜靈藥真難就名山猶未藏鹿門高蹈意見
爾不能忘

且漁

懶從纓冕客獨泛水雲舟嘯入菰花渚閒過楊
柳洲得魚聊市酒晒網不驚鷗回首岸長在那
懷澤畔愁

無聞堂稿

第十七卷

十二 玄對樓梓

且樵

何須金闕隱漫向碧山遊墜葉連霜掃枯枝帶
雨收無心穿虎穴覓句為花留尚有松肪在深
更理敝裘

且耕

畏景來深谷全生學老農開山雲裏斲得栗水
邊春漸習細人事因尋達者蹤誰言車馬僻田
父意偏濃

且牧

朝出荷簪去穿雲度嶺長危崖憂過犢岐路恐
亡羊閒卧藉芳草忙歸趁夕陽偶來調物性試
得理人方

錢存庵在留都寄乃翁尚書公文集并以彩
補犀帶見貽詩以謝之

不見叅軍今幾年郊原朝市各風煙題書忽自
三都至開帙遙傳八座篇寶帶豈圖牛馬走草
衣應傍薜蘿眠何時領郡從天下故里惟迎泛
酒船

無聞齋

第十七卷

十三 玄對樓梓

汪皖江讀書山館館在烏石山中寄懷四絕
故人讀書處烏石兩峯奇奇處無人到匡公來
說詩

故人讀書處石門千尺瀑夜靜月明中疑有蛟
龍宿

故人讀書處悠然隔世氛几上成玄草窻前落
紫雲

故人讀書處紆迴萬壑深一嘯青山暮誰知梁
父吟

卜居五嶺訪高氏兄弟

何處訪幽棲君家在翠微谷深山似幄堂古樹
歲靡水帶風聲落雲驅鳥陣歸偶來生隱意小
築喜相依

五嶺經年望深春始一行天從青嶂斷人與白
雲平解帶逐樵伴寄巢聽鳥聲從茲來往熟草
木亦知名

海棠集四首

月下海棠

無聞齋

第十七卷

十四 玄對樓梓

靜捲疎簾看海棠嫣然一笑帶斜陽嫦娥有意
窻前照引領花神夜到堂

燈下海棠

醉後移檠看海棠嬌姿如醉半依牆無端驚起
花間蝶飛撲銀釭亂晚粧

雨中海棠

讀蘇茶經看海棠腥腥萬族錦雲張何如新向
蘭湯浴洗出胭脂一段香

風中海棠

最愛春風到海棠低迴婀娜自飛颺紅英欲墮
還扶起半在臺前半出牆

病起

日日山中拾紫芝生平清健幾何時年來避客
多緣病興到攤書半為鑒欲把刀圭駐顏色却
慚四十尚支離據梧檢點垂齟齬志短髮長歌有
所思

龍章劍歌

朱恒川令廣西永淳以劍相貽永淳有龍章

集賢堂稿

第十七卷

十五 玄對樓梓

山因以龍章名之併以為謝

少年學文恥學武手把遺編說今古自言生長
太平時要使文章繼鄒魯亡何溟島有寇起白
日稱戈弄海水六郡徵兵俱下才桑梓不保羞
為士喜君貽我龍章劍黃金為鐔火為焰朝來
百粵之橫山暮度三江之天塹一揮深山射虎
變再揮長空飛紫電三揮雲表落翔鳥四揮水
底潛蛟見舞罷韜光風猶烈氣奪旁觀凜冰雪
乃知圖書四壁圖不如手中三尺鐵頃令千金

得自完能使四海鯨鯢咸吁嗟尺鐵尺鐵不顧
提爾封公侯但願山中剪桃菊

愚真谷山莊

買地峯頭住軒窓逼太虛舊家兩姓在比屋百
年餘何以愚名谷居然我似樗青山解愛客翠
挹讀殘書

喜青鸞既失復獲有作

喜得青鸞海上來松門閑寂晝常開朝從綠竹
緣溪去暮傍青山帶雨回忽向雲邊尋舊侶獨
憐月下只孤臺于今又自天南至對我長鳴應

集賢堂稿

第十七卷

十六 玄對樓梓

壑泉

夜半開窗梅影在壁坐玩移時戲成數韻
一春看不足深夜尚移檠影自銀缸出枝從石
壁生高低隨處得疎密任天成寄贈應難折臨
模惜未精參差充歷亂騰攬勢縱橫真態翻為
幻枯稍漸入榮鳥過如有跡風動寂無聲缺遂
何妨弄瓊臺逾覺清恍疑池面見何異月中行
晨起聽禽

楊柳枝頭青裊裊春風喚醒花間鳥清淺池邊
片影過簾騰夢裏一聲晚山人兀坐正觀空百
轉未終心了了

移書入麒麟山中有感而賦

山中雲物近何如欲把餘生寄此屋今日預營
歸老計半是醫書半道書

題恒庵四兄魯硤山庄此地以魯肅得名

子敬去已久河山仍舊名盡窮今日勝因見昔
人情黃綬知難戀白雲自可耕惠連如不惡應

無聞堂稿

第十七卷

十七 玄對樓梓

許弟從兄

此地少賢達何緣始得君千峰青不斷一徑綠
難分細水斜穿砌危峯半壓雲軒遊清嘯發莫
遣外人聞

投老青山鳩移家綠樹林區中無法侶谷裏有
知音愛靜已成癖窮源不厭深肯將五馬貴空

負百年心

王子偏怡竹陶公懶種杭昔賢不可見千載有
餘清薄試輕為吏深居耻近名兀然對花鳥妙

解得長生

新得金紫山喜賦

千峯常待客獨往更何人未闕蓬蒿徑猶藏渾
沌春偶隨雲共入滂得鳥相親擬築成賓主單
居不厭貧

偶入玄玄峽

寧知玄妙地隔水未曾諳曲澗渾如篆懸巖已
似龕竹光酣晚翠花氣冷朝嵐幽趣何人解林
間徑莫三

無聞堂稿

第十七卷

十八 玄對樓梓

從玄玄峽登麒麟山

聳身直上麒麟巔谷轉源深世少傳長嘯去天
應尺五驚看懸沫已三千烹茗自取林間葉剝
木旋分石上泉從此聲名人莫問桃花迷却武
陵川

哀竹操

哀竹操思父也父號一竹云

風邪竹邪竹邪風邪隱隱若有聲者翁邪
竹邪翁邪翁邪竹邪影亭亭而過者月邪

月邪翁邪翁邪月邪葉城歷如有折者雀邪

飲園對酒

我有一樽酒常對山水開山水雖不飲自到杯
前來雲氣峯頭出晴光川上迴此時如不醉空
有百花臺

出門

少有遊山興而乏遊山資常期奔軒冕一瓢任
所之猶恐天地隘不盡山川奇今日出門去悵
悵滋憂疑白髮照秋水風霜亦吾欺虛舟多抵

無聞堂稿

卷十七

十九 對樓梓

觸畏塗良險囂因之絆車馬一丘聊自嬉

苦雨

積雨不成霖頽垣日在前市橋人不渡村巷突
無烟頗向隣家糴肯教官府憐更哀江上侶賣
憤買漁船

藉白亭聞鳥

獨坐藤蘿屋分庭長綠莎喜無車馬過猶苦鳥
聲多不呼沽美酒聲散勸插禾插禾雖可樂催
租奈若何

寄贈半峯上人二首

上人飛錫跨螭龍占盡瀕彌幾萬峯只有一峰
收不了尚留一半與雲松

半住峯頭半入鄧半通儒術半通仙却藏一半
真如在不與裴林說正傳

東林歌

有序

東林桐東門外河埂之地所謂桐陂東流第
二曲也其地與渾庵次門相近邇來河水東
徙積沙成堤因外衣以石環城以棘實以柵

無聞堂稿

卷十七

二十一 對樓梓

柳間以花竹不三四年遂翳鬱如幄中構草
棚甚樸而敞日絃誦其間名曰東林蓋去城
市不數武即車馬不喧杳然如在洲渚間也
余暇日同胡沙墅胡澤庵林未軒納涼來此
相與賦詩紀勝以見登覽之樂不必遠慕名
山寄蹟窮壑使影響幽絕然後為奇云爾
揉籃一曲水潄浚何事談玄向此間道人本是
忘機者天與白鷗沙半灣

松枝為屋柳為城三徑玄關畫不侑惟底紅塵

都不到耳邊長聞是溪聲

未老投閒隱約房超然日在水雲鄉水流東去
雲長護林外猶垂五色光

草堂無棟復無椽翠竹青楊倩作軒日暮鳥還
高士去清風時與閉柴門

金石歌聲日出林個中誰最是知音我來拾取
溪頭月挂在簷前照客心

與黃心亭懽飲賦贈

黃公一見一心開自道青蓮居士來獨苦半生

無題

第十七卷

二十一 玄對養粹

書滿腹肯教一日手無杯九丘八索俱糟粕五
侯七貴同蒿萊却笑紛紛迫生者何如月下倒

金臺

玄對樓前植碧梧二株以邵西照今清陰洒

然喜而有作

碧梧今幸與樓齊能障炎空日墮西夜雨漸看
雲欲宿春風時有鳥來栖直同萊竹分簾映似
隔青山入座低却怕枝繁靈鳳至要書祥瑞向

天題

古舒多勝蹟常欲一遊偶劉茂才過訪談鹿
起山靈異因稱爲起鹿主人作詩贈之意有
託也

生平最愛鹿起山幾迴眺望香難攀不見白鹿
來相就應有玄雲鑠松關驅車屢欲窮山谷東
道無人苦幽獨今日相逢即依然把酒呼君爲
起鹿請看鹿起向何方我欲因之架茅屋君應
乘雲天上遊我合抱鹿山中宿海內高士久不
逢古來勝事少人同吾之友君之翁好奇一念
常相通所以對君飲瀟灑生秋風白鹿不知今
遠近恍然已在吾目中

無題

第十七卷

二十二 玄對養粹

聞友人談劉竹屏嘉樹館之勝一檜兩桂古
幹交陰青翠滿堂不覺神爽寄題數語併以

爲壽

嘉樹何人植清芬留至今檜檉千尺蓋桂發滿
庭金葉礙朝升日香驚夜宿禽雨餘光歷亂雲
逗氣蕭森暖色浮瑤席陳聲吞素琴恍如三老
立共有百年心幽趣誰能會知君自得深一經

留榻上雙鳳立花陰仙錄傳玄圃秋風振玉林
偶逢青鳥使為寄紫芝吟

龍眠山次蘇頌演韻二十章

李伯時昔作龍眠山莊自為之圖東坡為之
記又屬頌演作小詩二十章以繼朝川山水
之作其自西而東由建德館至垂雲泝著錄
者凡十六處道南四處曰勝金巖寶華巖陳
彭滌鵲源今山川具在誰踵芳跡且舒與桐
兩據之一在其北一在其南南去余甚邇舒
有茂才劉魯川名繼武者亦有雅尚居在山
北約余遊者屢矣將卜日撰杖屨往從因先
和蘇韻奉寄欲問遺蹟闢草萊為煙霞前驅
云爾

建德館

兩邑割青山不能割風雨風雨不妬人來者即
為主

附

頌演

龍眠淥淨中微吟作雲雨幽人建德居知是

無聞堂稿

第十七卷

二十三 玄對樓

清風主

墨禪堂

有墨翻為幻無墨却是禪君看點墨處只有蒼

山川

附

頌演

此心初無住每與物皆禪如何一丸墨舒卷

化山川

華嚴堂

雲來山欲沉雲去山復定讀罷華嚴經應識山

無聞堂稿

第十七卷

二十四 玄對樓

之性

附

頌演

佛口如瀾翻初無一正定畫作正定看如何

是佛性

雲鄰閣

風送稻香來偶讀離騷熟說與酸醅人今歲秣

慮足

附

頌演

清溪便種稻秋晚連雲熟不待元新春西風

蘇自足

發真塢

樵者不知山漁者不知川山川樵不識方得返自然

附

賴瀆

山開稍有跼水放亦成川游入得所息真意方澹然

薌茅館

繞庭種青蘿結綺覆茅屋兀坐風雨來山容淨

無聞堂稿

第十七卷

二十五 玄對樓榭

如沐

附

賴瀆

山居少華麗茅結淨屋此間不受塵幽人亦新沐

嬰珞巖

神女噴靈泉挂石成珠網一見即依然不作往來想

附

賴瀆

泉流逢石缺脉散成寶網水神嬰珞岿山是

如來想

棲雲室

巖靜雲常宿有時招不來如何無心者亦共逐風雷

附

賴瀆

石室空無主浮雲自去來人間春雨足歸意帶風雷

秘全菴

名山秘已久來者自依違君看雲埋處千年無

無聞堂稿

第十七卷

二十六 玄對樓榭

是非

附

賴瀆

世道自破碎全理未常違溪山亦何有未覺平日非

延華洞

山作四時春花開復花落洞中別有天不令風雨惡

附

賴瀆

共恨春不長迢迢就搖蕩一見洞中天真知

世間惡

澄元谷

窈窕谷何深日月自照臨坐看流水去因知不住心

附

賴濱

石門日不下潭鏡月長臨細細春風度相看識此心

兩花巖

不見有花開但見有花墮觀花了無期時作索

無聞堂稿

第十七卷

二十七 玄對樓梓

駝坐

附

賴濱

巖花不可攀荆莚久未墮忽下幽人前知子

觀空坐

冷冷谷

幽泉洒石厓送珠濺草木不獨廬山中泉聲有

琴筑

附

賴濱

層崖落飛泉微風泛喬木坐遣谷中人家家

有琴筑

王龍峽

白龍去乘雲流沫猶挂壁日月如跳丸晝夜來相射

附

賴濱

白龍晝飲潭脩尾挂石壁幽人欲下看兩電晴相射

觀音巖

終日讀心經九竅皆如石虛靈何處來無得亦

無聞堂稿

第十七卷

二十八 玄對樓梓

無得

附

賴濱

倚崖開翠屏臨潭置苔石有所獨無人君心得未得

垂雲洪

但得淥水趣莫問蒼生何君看行李中滿載皆

陂陀

附

賴濱

未見垂雲洪其如歸興何踞窮雙足熱為我

洗盤陀

勝金巖

晏坐綠莎臺何如金埒地可憐塵中人不識靜中味

附

賴濱

置馬步巖前巖前得平地着藤取行麓粗飽有餘味

寶翠巖

物華散天寶中有不凋木食之可延年能令髣

無聞堂稿

第十七卷

二十九玄對機粹

長綠

附

賴濱

團團寶華巖重重蔭珎木歸來得商鼎試甞

溪邊綠

陳彭添

山將雲作弁復以水為紳陳彭輕去此俱作不

歸人

附

賴濱

蒼壁立積鐵縣泉瀉天紳山行見已久指與

未來人

鵲源

濯纓水逾清漱石齒逾勁如何今日遊頃忘昔者病

附

賴濱

溪深龜魚驕石瘦椿楠勁借子木蘭船寬我芒鞋病

春日山中

兩屐蒼苔到處新春山一日可無賓囊中景物

無聞堂稿

第十七卷

三十一玄對機粹

春偏美世外交遊山獨真學有異同皆是病人非魑魅堪堪親春泉煮石從茲始誰謂冠纓解誤身

遊從川紫霞宮觀蓮亭

青螺一簇水之旁半插晴湖半壓江江壯濤聲

將折檻湖平蓮葉欲撐窓峰頭駐蹕猶傳漢谷

口移家不姓龐却笑何人知勝地獨輸洞客子

麾幢

望華亭

一牖大於甕九華如可招開軒相揖讓隔水故
岩崑有路通空翠無人遡沈瀟懸知雲隱處石
上卧松喬

展江亭對酒東方東谷

卜居何處少風塵我欲扁舟向水濱縱棹俱為
無礙地投竿皆是不羈人岸平月近如相問潮
退鷗閒覺可親况有方干溪屋在匣琴籠鶴與
君鄰

雨後山亭即事

無聞堂稿

第十七卷

三十一

玄對樓梓

雨霽獨凭欄山村入望寬菱隨荷競浦鶴與鷺
爭灘麥浪翻如漲松濤怒作寒為農吾亦樂况
是物交歡

扣石辭

彈冠恨不早挂冠又苦遲今朝吟石處下車問
者誰愚者寧知天達人善任時旅進仍旅退一
雄還一雌雌以全其潔雄以沛其施嗟我徒跼
蹐冥然忘孤危本非廟廊器空老蒲柳姿偶得
脫塵網宜須擇高枝青青數竿竹終朝為解頤

行路難

我欲登山虎豹當關我欲涉川鯨鱷在淵我行
負弩委以危弦我事躬稼授以石田謂水有車
謂陸有船吁嗟嗟行路難如登天
雖有瓊漿不遇杜康雖工馳射不遇王良設糜
待饑以石為糧渡海覓藥以葦為航種枯求芳
烹鮑求香吁嗟嗟行路難路羊腸

齒病

何事看山嶺下樓脚跟方定齒跟浮年來頓覺
忘言好舌在寧須語不休

無聞堂稿

第十七卷

三十二

玄對樓梓

曝書曲

六月炎蒸金氣淺鶉鴉聲靜梧陰轉久雨正苦
梅蝕書就曝又被風掀卷莫掀卷雲中恐有仙
子過來乞人間舊經典

塵外亭

白水抱長堤青楊雨後齊今朝楚狂隱只在桐
陂西冠敝裁新簪詩成續舊題卜巢雙鳥至應
許共幽棲

我欲遊塵外一亭當水涯衆山青不列對影
相邀有鶴看題竹因僧論雨花此中饒古意不
是為衆麻

此地未為僻時聞樵者喧只爭米鹽貴寧識衣
冠尊吾道今在野山雲任滿門客來談勝事莫
遺落花繁

豁然欲遊俗猶自在塵中隱樹窺行客回筇數
斷鴻滿林班馬傳一院碧梧風陂上多秋水濯
纓誰與同

無聞堂稿

第十七卷

三十三

玄對樓梓

春日登鷲山山頭多怪石可愛因卜地翔亭
偶大風振木有二霜葉將墮几前復扶搖而
起直至雲中杳不可見其始回翔如蝶乘半
角而上則迅速如鳧時有二鄰翁二童子共
歎以為異事欲作鳧葉亭力不能亟就先紀
以詩

選山獨此最崔嵬踏盡烟霞百道開目送雲中
雙葉去手招天外列仙來鑿成風磴皆緣石種
向霜崖半是梅况有田園近林麓不訪尊酒日

徘徊

乙丑春雪連旬

春雪亦何盛深居慘不懽檢書占異候貫酒戰
奇寒門掩高人卧介生老對殘傳聞溪上園只
有竹平安

龍門冲九詠

駐馬坡

本是猿猴徑邨堪車馬來白雲欲藏巧曳杖青
山開

無聞堂稿

第十七卷

三十四

玄對樓梓

石門

天生石作垣千古空盤踞好封一丸泥不放流
泉去

白龍潭

白龍水底眠猶放雲光入有時化作人獨向峰
頭立

丹青峽

四山列翠屏草木自紅紫今朝恠石前着我看
雲起

日月巖

日月互出入旦夕岩前度亦在雲霧中不設通

天路

雨珠崖

跳波濺赤崖四時如飛雨我立雨點中人說白

龍舞

天方池

此池如盆盎載水只數斗我欲醉麻姑為釀千

日酒

無聞堂稿

第十七卷

三十五 玄對樓梓

古藤洞

古藤生洞口不遣遊人入酌酒坐藤陰飛泉猶

相及

玄圭石

一石如玄圭見之每下拜為問天地終石丈可

不壞

助山堂禱詠

十二首

石鼓山

採松作簣桴擊地成土鼓我將曳屐聲翻入伊

耆譜

木犀澗

澗傍有木犀澗下有流水花香水復清曲曲白

雲裏

小龍峯

桐有大龍山在江口

小龍盤山中大龍橫江上雲氣自往還百里遙

相望

舞蹈嶺

高者如鳳翔下者如虎踞朝朝几席前欲去不

能去

無聞堂稿

第十七卷 三十五 玄對樓梓

篤山

上有新堂館

山頭禮白雲時有鄰翁至我愛洞中牀獨學五

龍睡

麒麟山

上山只七里江淮俱在目山北有溫泉山南有

玄谷

金紫岩

昔時避秦人山頭立城郭至今有餘情白雲猶

作幕

觀音洞

遙望亂石中居然有法相捫蘿行上前矚矚不可狀

玄玄峽

何物玄又玄至玄是此水直歆下滄瀛不顧行萬里

蓮華峰

欲住青蓮宇冥心玩玄化只是雲霧多白日在

無聞堂稿

第十七卷

三十七

玄對樓排

山下

楮樹灣

中有造紙者

種楮滿山中不羨藤與竹欲著書萬言毛生髮漸禿

金山寺

問空入山門山僧不識字就樹挂袈裟斲偏白

雲地

再遊浮山四首

會勝巖

縹緲烟霞府何如聚窟山岩廊成複道石闕表

玄關五步一樓閣列仙幾往還躡室拾瑤草不

信是人間

張公巖

此洞元何有題名自野夫一家辭梓里終歲住蓬壺杖外溪山古空中石閣孤至今泉一斛馨

逸比醍醐

金谷岩

一到藏金谷天然妙性通幻因生法相實際亦

無聞堂稿

第十七卷

三十八

玄對樓排

虛空風雨無驚外乾坤不毀中端居求太始于此見鴻濛

大通巖

一名滴水岩

繡嶺開金穴危泉瀉玉湫四時常不霽千古未成流得照如穿漏暑空若覆甕我來無所見咲作窺天游

樓巖

下巖見竹身上巖見竹杪出巖左右觀見竹猶未了

初春錢鴻臚經過瓠園留題曰次韻奉酬

畫沙新闢圃插棘故為垣何意來高士因之賦

大言門緣題鳳啓鳥自畏人喧遐想挂瓢老灌

畦猶是煩

偶爾親民事非關玩物華友朋惟列駟草木怒

生芽誰掃丹霞徑空傳白綸斜樵青尚有意竹

下試新茶

空侯引

公無渡河公若渡河柰公何湯湯河水有時怒

集開堂稿

第十七卷

三十九 玄對樓梓

止公心風波晝夜不已晝夜不已可柰何敗揖

摧牆哀聲多

公無渡河公若渡河柰水何河水雖深人見其

裏白石磷磷遊魚比比公心淵深誰知其津中

有毒蛇含沙中人毒沙揚揚聖達徬徨不如河

廣猶可舟航

題野亭

野老亭子山之坡坡下百步臨青河水聲瀟瀟

奏琴筑雲英片片屯薛蘿得酒日從隣父醉種

花時有高人過生平自許無憂懼造物拘拘柰

若何

江荊石年兄以詩寄懷因以一韻為一絕句

報之

桑陵門下客幾千與君庚甲兩同年只有一長

君莫妬挂冠不讓季鷹先

用先韻

興來開帙倦來眠不向東林更問禪何似今人

解超脫等閒平地作金仙

用禪韻

漸江漁父意何偏珮玉鳴榔秋水前却嘆磻溪

集開堂稿

第十七卷

四十 玄對樓梓

持鉞後更無逸思到瓊川

用前韻
漸江漁父荆石自號

歸來自恨雪盈顛守黑何須更尚玄休說射鵰

雙臂在漢家無事勒燕然

用玄韻

道上古松數

種松者二府顏祿壽

鬱鬱古松對種植自何年託根一得所長為世

人憐高幹撐日月卑枝橫雲烟悠悠行役子廣

蔭何其便百步一佇立千步一盤旋披襟坐對

根共稱昔人賢昔人去已久名與對俱傳來者

意莫測剪伐萎道邊侈然成傑構樓閣俯長川

凭欄恣遠眺綺筵繁管絃居者豈不樂行者難
弛肩不怨難弛肩尤苦顧後錢因思初種時督
使日翩翩常恐風雨惡復為人所捐霜皮今幾
圖蒼翠無由全翻恨種木者徒重後人愆

題還青亭 有序

東谷建亭於蒼松翠栢之間扁曰還青蓋取
杜陵松竹遠還青之句余夏日過此見園廣
百畝對擁千章老松與穉木爭榮如父老携
子弟侍坐且文禽枝杪百轉留人紅蕖水心

無聞堂稿

第十七卷

四十二 玄對樓榭

千葩媚客極為清麗不覺暑退涼生體輕意
廣因取前五字以一字為一韻賦六言詩五
章以記樂遊惜主人守禮情拘不能令我信
宿後返耳景具詞中意在言外

為問重簷團扇何如繞檻長松風高數盤鶴
月明滿地虬龍

田田戰水者連葉葉生風者竹沉醉高士之園
錯擬王官之谷

風梳古木健涼花嚼好日易晚不知入山幾深

但覺去人已遠

赤日不能墮地白雲無計離山主人當筵欲倦
客子抱琴忘還

綠樹令人髣髴青山為我眼青古來一丘一壑
能有幾客幾亭

贈滁上來訪士友

文學如君猶落魄風塵剩我賦歸歎已辭熟客
歲林麓何處故人來草廬至道共期求象罔臨
岐相贈之璚琚自憐杜老交情密翻歎翟公門

無聞堂稿

第十七卷

四十二 玄對樓榭

下疎

甲子年上元作 時正月十四日三春

何必馳驅獵要津却將離別對芳辰且從燈下
看三夕莫問林間閒幾人百歲光陰今歲好中
元甲子上元春時時見月皆堪賞況是從頭第
一輪

新得龍眠真境

天合群峰勝山藏百折奇肯教流水去不遺世
人知種玉田常稔燒丹竈已移就中堪著述

與白雲期

嬰珞泉

神水飄瓔珞奇名萬古傳誰從二李後長和小
蘇篇山帶有時去天紳盡日縣洞中人不到瑶
草自年年

同賜兒山行

萬仞岬頭一振衣千峰如繡漫如飛欲尋虛谷
安茅屋只把長鏡老翠微耳目有交皆是陣詩
書都廢始忘機此心却笑無貪着又向紅塵鞅

無聞堂稿

第十七卷

四十三 玄對樓梓

馬歸

恠尔凌晨已出關花開寧遣一朝閒蒲團到地
香塵遠芒屨穿雲石路慳肯買數名阿俠客直
輸胸臆對甯山峰頭草樹常如此誰道春來春
又還

附

鴻賜

額上剗風吹客衣杖頭春色野花飛湧目繇事
觀元化難把虛名動少微黃鳥儻來迎地主白
雲默往見天機俗情到此都消盡駸兩催歸未

忍歸

莫向深林學閉關紅塵元不碍人間偶尋瑤草
心無繫共舉籃輿力未慳千古繁華成孟浪百
年強健合登山從今洗却安排障明月清風自
往還

臨汝樓北窓望投子山山中有趙州橋少年
曾讀書仙姑堂今一望在目悠然有感

嬾入名山日對山趙州橋上氣如烟軒窓盡見
須彌體紫翠時來几席前梵宇昔曾依宿衲樓

無聞堂稿

第十七卷

四十四 玄對樓梓

居今却望游仙兩情脉脉無言說笑道常忝不
語禪

聞道人談廬山淨室之勝喜而賦贈

聞說匡廬五老前高人結室近青山霜夜獻
魔王骨初居岩前見獨體肢體盈前旦忽不見嵐氣晨鋪兜率綿

看神漢出斷炊時有佛燈傳飄然我欲乘風去
最上峰頭會列仙

老

老來無味偏多味景到親嘗始稱情几席漸看
童稚並鬚眉不與雪霜爭日長頓覺忘朝夕神
定真能一死生只是登臨猶未嬾時聞山水興
縱橫

新得玉蘭塢

聞說龍眠上木蘭已十尋聞香經水曲采秀入
雲深花簇銀千樹月明玉一林摘來簪滿髻不
是二毛侵

玉龍峽

集開堂稿

第十七卷

四十五言對樓榭

神龍已去甲猶存變幻白虹臥水濱只是雨散
常不息飛流散作禹家春

玉蘭花下戲成

歲歲瑤華入市鄧一斤刪換一斤益于今已落
高人手要換仙宮老玉蟾

文杏臺臺在玉龍峽上杏樹託根厓旁幹可
三尺圍高僅六七尺枝皆左紐東向不上簞
而下垂蔭可覆十餘人日中如幄雨下若蓋
歡然命酌率尔成韻

賢達由來少山川空復春杏花今有主密葉故
留人告幹東南威奇峰俯仰親觸蠻爭國據烏
鳥卜巢頻虬出橫生秀螭蟠左紐新張筵雲是
幕跌坐薜蘿為茵不作屋下屋肯增塵裏塵一枝
聊自託雙樹更何因莫謂唐虞日方壺無外臣

隆慶元年中秣日未軒伯仲邀遊山莊莊左
水厓有石橫生巔飛出如簷下內遜如削長
二十餘丈席可上下坐十數人旁有十餘丈
為河水所據月生尤奇曰同劉允峰諸友一

集開堂稿

第十七卷

四十六言對樓榭

遊歡醺忘歸題曰偃月巖小詩紀事

何年分月魄飛落野溪旁不受微雲掩惟存半
壁光人疑遊桂闥花似散天香往昔多賢招誰
曾識洞房偶同劉越石初過呂泉莊况是冰輪
滿鼎之地主良芬芳羅俎豆禮數任弛張興洽
絃誦逸山空笑語長重來吾有意當為具舟航
讀書宜秘洞郭少岡節推過訪詩以謝之

郭君為給舍

年添老大轉痴頑信是天全得蚤閑時過無心

仍北望客來何似比東山蕭蕭對雨高軒度咄
咄書空尺鴉還去住十年俱白首相看猶憶殿
中班

與孫山人遊梅嶺剩山堂山人堪與家流也
詩以贈之

觸暑穿雲度薛蘿又從輕舸泛蛟河數重關院
三家市一撮培塿百里波共羨江空看月近不
妨地少覺天多知君騰淥青囊訣笑嚼長川金
巨羅

無聞堂稿

卷七

中

對樓

宿剩山堂

四顧皆成浸波心忽有山雖無登岸計偶以挂
冠開舟泊黃蘆下身安白浪間夜涼鼃鼓急信
是水雲關

郭少岡重訪鷄林山居齊泰衛林未軒並集
偶戴渾菴先期它往

農隱吾何意山居客到稀不知今日雨得濕故
人衣就樹開尊竿尤楚是蕨薇語多青瑣事興
逐白雲飛暑氣迎風薄林香入座微野翁甘守

襟朝青亦忘機去路經東郭煩君訪戴歸

問余堂見賜兒留詩六首壁間不意先具戒

意因用韻題其上

問余何太瘦登山日費詩秀句非秀句只謂古
藤知

問余何太愚日與泉石俱泉石閱世久宜復知
有吾

問余何太狂帶雨洗簪管個中何所有遍體露
金光

無聞堂稿

卷七

中

對樓

問余何太顛袒裼弄清泉要割痴龍耳不令谷

中眠

問余何太豪居共白雲高雲中有水華助我註

離騷山有水華花

問余何太閒品水不知還世間無鎖鑰惟有白

雲關

附

鴻賜

賜也何太癡對山日誦詩谷神代相答青山知
不知

賜也何太愚獸與鴻濛俱鳥啼花落處瞥尔見
真吾

賜也何太狂衝雨洗簪簪此君元不染濯濯
清光

賜也何太顛木末弄飛泉掌上風雷轉神龍不
敢眠

賜也何太豪氣宇殊空高朝朝坐峰頂把酒讀
離騷

賜也何太閒烟霞共往還山中少稅事古樹當

無聞堂稿

第十七卷

四十九言對聲律

柴關

蔡高岡和白沙先生詩見示次韻奉答

捫舌年來嬾放歌有聲無曲索歌何能忘魚鳥
兼忘我任著冠裳任著義父識門前皆大道不
從天外問恒河聞君正論心先契只是王家癖
更多

送劉澤華理刑之懷慶

與君蚤歲殷名並末路飛騰避故人絕度上書
借計吏一行理郡遠違親邸郎自昔多名括簿

領從今是主臣好取丹心懸白日由來漢法有
堯仁

送金之川尚憲北上

年來寵辱不須驚四海爭傳諫議名一揖歸田
稱傲吏三徵就道領符卿清時有味君應仕白
首無能我合耕近惟棘書多異事好因前席說
蒼生

飲太霞宮有感

霜泉吾桐勝地舊為寺沈尹平野愛其地移

無聞堂稿

第十七卷

辛

言對聲律

僧寺于西以某地為書院標兩舍門左曰卓
爾右曰豁如諸生肄習其中甚眾後龍山廊
尹至以太霞宮在城內其地尤勝延以宮為
書院而以舊書院處宮眾今寺與宮俱存而
書院不可復矣廢興難料類若此

扶節路偏白雲岑二氏深處古塔陰一畝龍宮
分驚額千年丹竈隱珠林著書齋裏繙仙錄鼓
瑟亭中操梵音只是靈泉鳴咽甚絃歌臺館易
銷沉

夏日過礪菴草堂

曲巷人爭訪端居自應門庭無尋大地室有五
千言我以早樓樂君曰高臥尊依依不忍去徙
倚避朝暉

龍笛曲送丘可亭教官歸南昌

問君何處可為亭華江門外白鷗汀日落波翻
天地青天地青落飛霞遠人歸象東家

問君何處可為亭百疊西山落翠屏開軒日日
朝仙霞朝仙霞食黃獨最易飢人間粟

東野先生集

卷十七

李一東對樓梓

問君何處可為亭東湖之水清冷冷日有金鱗
佐醪醑佐醪醑莫餒鯉好面書過桐水

飲怡樂亭

怡樂亭在靈永山麓正學書院之後山不甚

高舉目百里仰南周令觀風至此一旦經始
不勞而成茲喜既畢詩以為賀時隆慶二年

影鬱烟霞此地歲誰將弦誦破天荒只緣往昔
堂廉遠頃覺于今耳目長百里桑麻映桃李四
圍山水作金湯縱饒洪谷猶難盡應茲樽前子

固狂

一行作吏廢巡遊可乘民間萬畝殊亭有歐公
方是樂樓無范老不知憂幅員吳楚東南近表
裏江湖日月浮却嘆前人多逸事佳山偏為使
君收

繞雲石磴擬蓬萊縹緲凌風亦壯哉志士何嘗
拘簿領好山各為起樓臺泉崖有待誰當主門
館無私客任來經始已多賢宰意賦詩深愧大
夫才

東野先生集

卷十七

李一東對樓梓

鳳起龍眠二山名兩闢奇霸泉佳麗少人知偶逢

朱邑飛鳧日正是終軍棄繻時華館倏開桐子

國芳名應續峴山碑遙思後口頻過此一度登

臨一賦詩

送鄒教諭歸蜀用陳簡生次周教授秋懷韵
無懷王中丞

徧栽桃李向天涯笑捲殘篇問浣沙已識紛華
空聚蚋肯餘結羽尚黏花友朋難合無難別日
月易中還易斜舟過方湖煩問訊春園莫種故

候瓜

壽蔡高岡七十高岡甘泉先生弟子今年重
過金陵新泉書院偶逢初度好學忘年詩以
侑觴

夢澤老儒清且康年今七十遊帝鄉只圖天
下英才樂不受庭前兒女觴四海春光無主客
八荒壽域是宮牆知君賸有長生訣重向新泉
說藥方

贈徐孝子還舒

朱開堂稿

卷之六

五十四

徐孝子少孤嫡母朱慈之甚篤過於已子後
母亡孝子廬墓哀毀逾情余嘗兩高之今年
同甌山來桐始得識面甌山又為余誦其堂
帖嘉美其意即詩中頷聯也因足成一律以
贈孝子許月一過宜秘洞且以為質孝子名
銀

仲車節孝古來無此日廬陽再見徐性僻烟霞
非避世書緣涉獵不純儒因君始信有慈母烈
士尤難是保孤共羨一門多善行獨憐王傳苦

逢朱

三峰歌為際峰朱令乃祖作

秦皇昔年海東遊曾投三辟禮瀛洲巨鰲戴之
不能去魚龍輦土成山缸中山岸律勢將起兩
山蜿蜒情欲止赤烏煮水幾虛盈白雲壘空藏
市里如額如峰轉盼中乍遠乍近驚濤裏峰西
一派為秦溪云是秦人泊舟處當時航海求神
仙壯年居守童年去居者至今留溪旁代多達
官列朝著中有白髮稱鉅儒原系南陽種直朱
朱翁隱曜孫素繻少小垂組乘雙鳧不與世人
輕阿唯神交願我山澤癯談經直折五鹿角作
賦立吐萬斛珠袖中出圖山海狀指示烟波生
几上便欲訪翁過塩官叱把蒼龍化作杖勸君
餐餅千日釀白蝦黃螺堆滿盞醉揖山霸問蓬
萊可與秦溪遙相何

張玉峽

隆慶元年十一月三日甥兒賜從釣魚橋望
龍眠諸山見水出口處山厓如削石一片長

白相間光瑩如玉水流其側聲如鐘
聳人言曰題曰礪玉峽其尾曰青白石
系以詩

入尋幽興未衰又經谷口得奇田寒泉礪玉
從空下恠石崇城拒日來鶴駕何須窮海嶽龍
眠亦自有蓬萊偶然種跡層巖上分付樵兒莫
浪猜

峽
隆慶二年九月五日同會中諸友再遊礪玉

青白石崖前久繫思隔年一到願多違自從吾輩
經行處但覺它山無此奇黃菊歎秋香不放清
泉關客語難知縱教九日偏風雨我已先期倒
接羅

北窓

正天地間萬象皆吾有棟宇一朝成昏旦隨
明暗有去來開塞誰先後能識無明根萬
不朽

樓北窓對山同賜兒作四首

所見疑是對崆峒山山元不異
心七地上笑語半天中只有些兒礪玉

空翁
何所見疑是對須彌不熱烟霞色常含風
安野胎惟有以去住却為誰底用扶藜往嵐
光自入帷

附

鴻賜

樓中何所見疑是對蓬萊列山由羽鯨浪中雲
屋臺山應浮海至人擬泛槎回誰信城屋者
侵紫翠開

中何所見疑是對丘丘莫向高峰覓須從內
求烟巒呈法象几席得神遊自與山空接
日不休

飲酒吟

友勉生長飲中春百榼不辭倦陶然忘
不與勉生疎指為病者曰見病原非病無
慮試思未病時寧復知有身既病始知
總尤人勉生抱遺憾守口難具陳勸若

婦與趙生親君看陶與邵何日不全真

簡冊得者還其淳

避暑山居詩以候之

風光近若何水邊誰復共高歌閑閑似覺

勞息匿影應妨透漏多皓月偏尋狂李白青

樽不放病維摩何時綠野新涼至可許堯夫到

薛羅

無聞堂稿十七卷

浙江孫仰曾家藏本

明趙鉞撰鉞有古今原始已著錄是集凡文十二

卷詩五卷乃其子鴻賜所編林樹聲爲作墓誌稱

其幾希圖說闢方士論講學諸說皆闡明理道發

前人所未發今幾希圖說見集中餘皆不載盛汝

謙爲作行狀載自祭文一篇集中亦不載蓋亦簡

汰而存者也鉞學出姚江主良知之說文頗磊落

自喜而亦微近七子之派

刻孫百川先生文集十二卷

〔明〕孫樓撰

北京大學圖書館藏明萬曆四十八年華滋

舊刻本

附《四庫全書總目·百川集十

二卷》提要

孫百川先生集序



昔之為詩文者自性自靈
自舒自會自運自操自鳴
其所當鳴而吐其所當吐亦
啜人藩囀人者寄人藩籬
落人窠臼窺人已敗之汗簡
而竊人口初之筆石能使素
不淺目目口鼻之人見其
亡而知其生平又知其生平
枯苑潛翔亶迫險夷悲喜
嘆罵之狀所雖為不龍表立
章董賈不龍表班馬歸

柳不能表董賈顏謝不能表曹
劉李杜不能表顏謝李不能表
杜不能表李各成一機局多闢
一戶痛其骨與髮以朽而生言
在千百歲之下搔卷而知為某
氏某氏不知某氏之欣戚喜怒

序二

若執券操券者不合名不韋
今彼此相襲則秦漢後世
晉魏六朝三唐矣立韋後無
班馬董賈曹劉李杜矣余豈
持此說以眩於今日乞張自為
之表非余之一見而其剽掠章

附接拾何鍾心典口仇腹典吻
訟表以而是冠已襲人而又
襲人之襲以聲傷聲以照
寫照轉相重謬即使宣尼
而主誰能校之百則先生乙書
珥實自其為諸生典為考廉

序三

時以操券三埃研究四如離衆
緇序典括帖互相為以竟抱
讀試吏而如故既解兔山樊
而又如故漢乞於立事以下事
杜而上事不漁獵而梭乾之矣
故其言續表蘭樓鴻步以鐘

虞樸者布帛粟米藻繅
緩者拖紳急者移矢婉者
沅澧蘭索者蒲湘竹媛者
蠶業鳥道坦者鳬渚臨汀
種異致而要皆自性自靈自
舒自安自操自運自鳴其所嘗

序四

鳴而吐其所歌吐者不規之然切
切然舉漢魏以下三唐而止之
人衣其衣刻式其步式貌其
聲音咲貌而未有介為漢為
魏為六朝為三唐也者宋生
也晚不識先生今按諸君又

而得其人是抱才滑者是個儻
者是廣直好義矯而不污者問之
果然印字而他可知即今時
而後又可見是語曰言為人貌
詎不其然說者以先生未示疏
出入聖馬門脩石渠之祿之業

序五

為欠子夫要川名邑人久輩
出所為列纓綬依附日月者不
可指計率氓之徒稱而先生名
至今在人耳則所得孰與仲
多因知先生之業有立此不
在彼者矣先生為婿華伯昌

為吾梁谿快士懼其集之
散佚而汲然任剗剗之役
問序于余若昌黎公之為
之模範以得婿李漢而文
以益振華其者其先生
之李漢乎

序六

梁谿石戶農家曲光謹



孫百川先生集叙

吾海虞為文獻名邦自賢子游
氏以文學精華闡道東南已後
代多作者諸不具論我明嘉隆
間百川先生與北虞邵先生以
風流文采並起於時而皆以乙

叙

一

科坎壘終其身人咸惜之先生
之耕氏齊之先生而以詩文名
重天下於先生有大小阮之目
人稱孫氏多才蓋一時得兩公
焉先生天分既高搜討亦富始
治經生業已為古文詞皆以無

意出之而便娟流媚真所謂咳
吐珠玉嬉笑怒罵皆成文章者
長篇大章而外尤善於歌曲及
駢語與夫稗官小史之類至今
膾炙人口先生負才倜儻不偶
於時仕心吳興司李雖不若齊
叙
之終隱而仕宦不達與邵公約
畧相當邵之後有駕部君麟武
齊之之後有以部君恭甫其詩
文皆已行世而公之後雖多賢
尚無顯者清白吏子孫欣表章
先人之遺文不可得余每與親

知扼腕斯事幸公之壻華君伯
昌梁溪快士也即謀于先生之
從子比部君力以剡劄為任予
承乏梁溪授官數得與周旋一
日以所梓先生集來而屬余為
序余不覺撫卷歎曰卓哉華君
叙
固先生之快壻亦執苑之忠臣
也大抵文章一事率本人之神
采與天地之精英會合而成其
神采精英鬱結不散則久躍
露無論生前灼爍乃身後名山
之藏亦必有鬼神乃洩其秘而

人目代為之闡揚者如汲冢之
奇書如枕中之鴻寶天與人蓋
各一護惜之先生歿且四十年
其遺文幾散落不傳矣而得華
君為表章之一新固先生精采
不可磨滅然東林食胡餅郎能
畱心若道若是亦無忝當年妙
選矣予不佞又何幸於茲地得
見其鄉之先達先生事成不朽
哉蓋公之先吾邑有桑民憐先
生其風流文采與公後先輝映
者也先是余兄奉常一意表章

先達與余讐校民憐憲稿重新
梨棗系於序語中曾及先生而
今先生集成適與之會正可合
兩公之文此前北虞先生及齊
之先生者益行宇內益以增海
虞文獻之重使知非他郡邑所
可望也豈不快哉先生著作甚
富茲特什一存者其駢語歌曲
等篇另為別集以行不混載大
抵先生之文既行自有海內名
公出而鑒定之余第略序先生
生平與茲集之緣起而已若曰

為三都之玄宴則何敢嘗

萬曆庚申孟秋日

同邑後學翁應祥書於梁

溪學舍之素似齋



叙

六

孫百川先生集目錄

卷之一

序

贈梅亭藍大夫序

贈馬兵憲東皋移鎮天津序

贈龍津張侯序

送秦麓呂先生序

贈會稽范君序

賀懷竹陳君序

贈王龍泉序

丁卯武舉鄉試錄序

南川先生集目錄

靖江新志序

博雅堂藏書目錄序

贈鰥湖胡君序

吳音奇字序

錢經元憲稿序

次王端溪詩序

卷之二

序

壽王東津九十序

壽陳虞山八十序

壽趙益齋八十序

又代陸執齋作

壽陳心椿八十序

壽張三吳七十序

壽徐後石七十序

壽孫季泉六十序

壽董潯陽六十序

壽王水簾六十序

壽張小巖偕壽序

壽郡人林文系五十序

壽吳母陸孺人七十序

卷之三

百川先生集目錄

記

刀冊度

涑原墓位小記

龜室記

紀

紀點

後紀點

傳

陳貞婦傳

啞乞傳

頌

送谷近滄應名頌

麟趾頌

徐鳳竹六十頌

還金頌

表

代嚴養翁謝誥封表

平臺議政事謝表

擬宋廷臣謝表

謠

城成謠

卷之四

百川先生集目錄

文

齒責文

施食臺請易文

祭四忠臣文

祭邵北虞文

祭任兵憲文

祭陳愛鶴文

祭鄧梓堂文

祭王思質文

祭胡趙二公文

祭郡太夫人文

| | | | | | | | | | | | | | | | | | | | | | | |
|---|-------|-------|------|---|--------|--------|-----|---|--------|-----|---------|-------|-------|-------|-------|-------|------|-----|-----|---|------|--------|
| 又 | 祭繆恭人文 | 祭呂孺人文 | 祭秦母文 | 辭 | 萃奕搜玄題辭 | 莊子口義題辭 | 卷之五 | 疏 | 拂水灑蓮殿疏 | 脩塔疏 | 百川先生集目錄 | 脩興福寺疏 | 脩維摩寺疏 | 脩寶嚴寺疏 | 脩關聖廟疏 | 建水月閣疏 | 建殿橋疏 | 助役疏 | 義助疏 | 詞 | 禱雨青詞 | 禱五聖神青詞 |
| | | | | | | | | | | | 四 | | | | | | | | | | | |

| | | | | | | | | | | | | | | | | | | | | | | |
|---------|---|-------|-----|---|---------|--------|---------|--------|--------|-------|---------|-------|-------|-----|---|---------|---------|------------|-----------|--------|----------|---------|
| 壽邑侯黃似璠詞 | 跋 | 跋楚館陽秋 | 卷之六 | 跋 | 賀嚴養翁入相啟 | 代請徐存老啟 | 請一卷唐先生啟 | 代請溫巡按啟 | 代錢報吳聘啟 | 請嚴養翁啟 | 百川先生集目錄 | 請董海陽啟 | 請周巡撫啟 | 卷之七 | 書 | 與嚴養翁第五書 | 與嚴養翁小讌書 | 與大司丞羅昆湖第二書 | 代錢海山與顧懷東書 | 水災上當路書 | 代鄉宦與王陽谷書 | 與王陽谷駕部書 |
| | | | | | | | | | | | 五 | | | | | | | | | | | |

辭邑侯留中台名鄉飲書

與王鳳洲書

荅徐龍灣書

上太府蔡春臺書

與趙定宇書

與陳兩亭書

又

與錢復軒書

會王麟洲書

會沈紅野書

與邑侯許肝川書

百川先生集目錄

與王槐亭書

與張仰松書

荅王笠洲書

與李遠龍書

又

卷之八

書

與陳海沙書

與德清章衡陽書

與程儀真秋潭書

與桑守白書

荅林長興笏巖書

荅卓月波書

與余仲蔚書

與汪存吾書

與陳心椿書

賀魏新涇書

與張仲立書

荅王百穀書

與王簾泉書

復吳興米海陵書

與胡野臺書

百川先生集目錄

與從妹二川書

與三川翁書

請親族要札

卷之九

呈

請建書院呈

代王陽谷陳事呈

薦嚴養翁呈

求墨津寇帶呈

薦陳兩亭呈

請增科額呈

| | | | | | | | | | | | | | | | | | | | | | | |
|--------|---------|--------|-------|--------|---|-----|---|------|---|-------|---------|----|-----|----|-------|-------|-------|----------|---------|--------|-------|--------|
| 舉師友清襟呈 | 鄧臺山求助喪呈 | 陳景言乞助呈 | 保救邑宰呈 | 秦景陽補廩呈 | 辨 | 皇鑒辨 | 鮮 | 鷄夜鳴解 | 論 | 博浪椎車論 | 百川先生集目錄 | 論俠 | 卷之十 | 誌銘 | 邵北虞志銘 | 陳景言志銘 | 馬荆吳志銘 | 陳南塢郭孺人志銘 | 陳夢白錢氏志銘 | 亡女二姐墳志 | 郭孺人志銘 | 冢男延嘉墓志 |
| | | | | | | | | | | | 八 | | | | | | | | | | | |
| | | | | | | | | | | | 五 | | | | | | | | | | | |
| | | | | | | | | | | | 六 | | | | | | | | | | | |

| | | | | | | | | | | | | | | | | | | | | | | |
|----|---------|---------|--------|--------|---|--------|---|-----|------|------|---------|--------|----|----|----|----|----|----|----|----|----|----|
| 行狀 | 朱御史守愚行狀 | 王同知山城行狀 | 混之府君行狀 | 繆太孺人行狀 | 誄 | 張烈婦誄有序 | 賦 | 自文賦 | 卷之十一 | 五言古詩 | 百川先生集目錄 | 吟具十咏次韻 | 詩杖 | 詩履 | 詩笠 | 詩囊 | 詩船 | 詩桃 | 詩簡 | 詩窩 | 詩壇 | 詩草 |
| | | | | | | | | | | | | | | | | | | | | | | |
| | | | | | | | | | | | | | | | | | | | | | | |
| | | | | | | | | | | | | | | | | | | | | | | |

贈蔣愛隱

燕都送二川并南還

將赴春試留別山中諸子

文成自慨

守約孟君藏書於樓扁曰玉輝詩以贈之

十四夜月

贈新涇石室

壽海涯族妹六十

送太史趙定宇北上三首

遊露臺山居

七言古詩

百川先生集目錄

詠楊花

讀世說

愛雪詩

山中雜言贈嚴陵趙翁

次韻惜花春起早

次韻愛月夜眠遲

次韻掬水月在手

次韻弄花香滿衣

詠荆軻

梧庭四時雜詠贈錢羽士

海翁宅內燕觀舞對者

壽田吏

警世二首效白樂天體

贈太學陳抱冲之金陵

送邑博汪存吾擢推東昌一首次王陽谷韻

陸憲田自郡來訪因雨止宿話舊

登浮圖

寄題張樂玄清懶窩

守拙詩

臨北虞先生穴二首

丁卯立秋日極暑二首

渡江

百川先生集目錄

崑山道中

燕梁少白宅聽吳中新樂羣至半山橋

送文井沈子遊西湖二首有序

六月三十日對酒

八客詠有序

俠客

食客

刺客

說客

狎客

丹客

估客

博客

將入京逢還客南歸

省中高會圖

予以病不克北行遂有朝而悔之者故作此以慨

初晤觀梅王子于閣老養翁席上目贈

候選書懷二首

燕都月

西山道中

移寓奉常公館即事

徐三稿作思補齋落成小識二首

百川先生集目錄

士

七月望夜

又

憶母

寄弟

又

湖上與莫雲卿舟宴得青字

喜吳興朱海陵文學見訪

與朱海陵登大石山房作

夜賞玉蘭花

和齊之琳山中即事

與陸蕙田夜坐

立夏前一日秉燭偕美人花下作二首

沈嘉則枉齋中

題杜以庸茶舟卷

雪夜齋中與陸蕙田校書作

携偶山人山莊竟日次其韻一首

雪夜陸蕙田遠顧

吳興舟中秋望志感

憶尚湖

荅同年胡翼聖次其韻

南歸席上留雨亭年大

病暑逢立秋二首

百川先生集目錄

士

題述初弟藤溪草堂二首

五言排律

送給諫雨亭陳年丈赴台

送從姪齊之卒業南雍并應秋試

謝瞿昆湖惠米

再謝昆湖惠酒

桃源洞聽泉

春莫訪陳雨亭于南園

卷之十二 七言律詩

登拂水巖和王陽谷韻

送邑博陳竹堂擢掌平湖教

入高橋門

天壽節禮部奉祝

金陵旅館對月

試院文燈

次大司寇春岡劉公退食書懷

並頭白蓮次韻

新秋錢侍御薛羅齊校文作

庚申先考忌日

小樓秋夜

輓壯虞先生二首次韻

病餘弗克偕計北上客有強予同往者詩以解之

有川先生集目錄

五

五

雨亭陳太常席上會饋牡丹適至

錢文峰擢令長沙以詩留別用韻送之兼以自慨

燕都送陳抱冲應試南還二首

旅況

賀西齋郭公

李响婆山房

懷太史趙定宇

過蔣比部園居

試院即事

又

壽陳雨亭

王水簾遊杭無省其弟念憲公

咏紅梅

庚午門生胡聖臺陳海樓遠訪郡齋燈下款之兼

送北上

輓王思質翁次徐存翁韻

思泉胡進士使畢還家因贈

送抱冲陳文學應試金陵

冬抄車月波光祿遠訪留飲齋中

四明桂五雲傳經吾邑杪歲言歸詩以送之兼訂

後貽

乙亥元日書懷

有川先生集目錄

五

五

贈太僕東白顧先生歸田次韻

己內郭橋人忌日

東顧東白太僕

丙午元宵二首

感時事

嚴養翁樂壽園次韻

五言絕句

登樓吟望得雨中烟樹萬人家之句字為賦之

七言絕句

聞周虛巖談靈谷之勝喜而賦此

五老圖

即事

穠衣曲四首

紀荒詩賡北虞先生韻

楊柳十首并序

題繡女假寐圖

題蔡文姬歸漢圖

題美人調鸚鵡

公館聞鶯

訪朱虛谷王百谷墮馬

詠史

官陸蕙田被盜二首

百川先生集目錄

贈吳見吳宅諸歌者三首

立夏二十日矣螺中始寄新茶

吳見吳新製遊舫華而不靡其行甚駛予飲其中

而樂之賦三絕句

明妃曲三首

秦館憶家四首

癸未孟夏六日即事書懷六首

讀公孫弘傳

詩餘長短句

江南春次倪雲林韻

戚氏次柳耆卿秋夜韻

解連環次周美成閨情韻

用東坡赤壁懷古韻念奴嬌

閨序四詞珠蕊花次韻

百川先生集目錄

七

刻孫百川先生文集

明海虞百川孫

樓子虞

同邑年家子陳禹謨錫玄父

選次

叔 孫七政齊之父

姪 孫朝肅恭甫父

校閱

梁溪子晉華滋蕃伯昌父

贈寅伯藍大夫梅亭朝元述職序

羅天下之才以布諸位而責厥成者有國之典也然鉅細不同才煩簡不同位成敗不同效而國多債事者何也用者違其才而才不逞以副其用也才與位恒相待亦恒不相遇之才而嘆惜才而思自古難之矣優於別駕者而

百川先生集

卷之一

一

拙於百里效於治郡者而損於三公斯固世所稱卓犖奇傑不羣之士也而乃於彼則可於此則不可殆亦偏長乎爾信矣才之難也余以縣於梅亭先生藍公其振古之通才非耶公中州人也志在四方久矣少而趨於庭則家起鳳毛壯而舉於鄉則里標龍卧自有書契以來靡不伸佔蒐獵鉤其玄而擬其菁抑經世以為學濟物以為心博稽掌故取徵文獻以待用於時若人者固有國之所急須蒼生之所鬱望也公於是謝荷衣通桂籍小試於郡里則自陝以西咸驚為神異人其所按部悉京兆扶風馮翊故地而以名臣稱於漢唐者備載信史以公方駕則古人何讓焉銓司最其考為第一公車徵入寢：嚮用矣竟以咸院

故僅晉四秩貳守於湖湖浙西之劇郡也訟獄微賤財賦糾輻幾不可致詰公始至民相驚曰此故陝中神異人也相戒莫敢犯公間摘一二尤桀驚宿奸大慙前吏莫之誰何者罹之法固收故於是環七邑之內奸宄至無所喙息而善類卒藉以為命旁郡有大疑輒來質成有大使又輒檄公以往大都跡公之政平若持衡明若懸鑑捷在迎刃庭下持牒者日數百人頃之立決揮而出如馳焉則又入人喜謂為父母譽之不容口若公者非所稱通才者耶夫陝一賢貳守亦譽之不容口若公者非所稱通才者耶夫陝與浙南北異地矣刑與政煩簡異劑矣德與威畏愛異感矣公則投之以五方而其情同枕之以萬務而其應同而

百川先生集

卷之一

二

民之畏我與愛我與公固無心也余也不敏登仕未幾接四方之士少然較所嘗聞親與所讀載記若公者海內有兩乎哉乃今以入 覲行上則監司下則羣黎議留公以鎮湖而格于制不果公往矣 天子方大計羣吏以湖不足以盡公又以湖不足以淹公將真之大僚俾益展所蘊以沛厥施有日矣昔公之再命為大夫與余之初命也同日於是拜公於京師而定之交暨來於茲邦日親公所揮霍措置即倉卒酬應悉中肯綮益心欽公自顧焉弗如公不以余不肖輒進而與之言期以共濟乃公事曹無幾微伎媚心益公之與余善也匪恃同官將有別契焉三秋把袂千里分襟居者失其侶而行者離其羣矣四路贈賻之

情烏容已耶余故援贈言之義以輔公之行而公之所以
處余者必有以也

贈馬兵憲東皋移鎮天津序

兵憲馬公東皋先生之移鎮天津也有客謁予乞言為贈
余曰挽之也抑送之歟客曰贈言固將以送之也予曰意
若公者而可去哉若吾吳之今日也又可聽公去哉夫吳
之設兵憲舊矣方際洽承平民無佩犢君在開散涓海沙
不靖肅聚魚釜旋就珍滅而是官始重通則島夷犯順日
尋干戈屹然干城砥柱東海有加重焉三吳沃土之民素
稱浮脆卒焉難作惟怯莫敢誰何郡縣之吏勢同蝨集兵
為禦而大吏開府者又連轄數十郡遠在千里外羽書馳
百川先生集卷之一

三

驚動諸旬月寇至則無兵兵至又無寇寇苦於殺掠兵苦
於攻擾民生益不聊是故必仰公以為命公之統兵固民
將帥而畫地以守又民父母也先是後蒼任公以憂去民
卧轍涕淚挽之不得喪氣不怡者累月暨明詔起復乃
胥慶更生公視復蒼相伯仲而民之戴公又胡以異寇雖
震隣刺床限一衣帶而民不譁者以公為之啟也今且去
矣民且移其思復蒼者思公矣噫公何以去哉客曰公北
產也諸邊務悉廣情傾備竭餉具有成績移之南則用
建其才且奈北警何天津之仰公猶吳人也夫君子為世
用固東西南北之惟命而官人者豈徒奔走之將俾之勤
其官而効之民也公未席煖吳門而已旆指燕路政方新

而報罷功將遠而罔終擇檄旁午促駕言過官轍而亞雖
倚公為重而公之心或有不然者公再下車日惟訓兵禦
侮之是棘動以有成自期是非以傳舍視其民而急於遠
害者比又豈以遷秩為榮還鄉為樂哉噫公何以去哉國
難未夷却壘在望桑也桑梓之情無以異於吳民也故於
公之行既不克挽之又奚忍送之

贈邑大夫龍津張侯應召序

夫積邑為郡積郡為天下宰一邑與宰天下小大不同職
而其治必相待以成宰相上近乎君邑宰下近乎民天子
朝布政於明堂而夕通於宸宇者蓋相若始之而邑宰終
之也有賢相贊治於上而為邑者或弗克宣於下則百里
百川先生集卷之一

四

之內王澤壅而弗達澤壅於百里則舉天下不可謂同仁
昔者西京稱得人之盛而尤重於循吏寵之以軒車策之
以璽書優之祿秩任久功成而入為公卿者比比蓋旌一
人者所以風天下重守令者所以固國本天下皆若而人
而國不治者未之有也若我龍津先生張公之宰吾虞也
即班馬所紀奚讓焉公由姚江母儒起家進士始令贛
牛刀甫試驟足未展司銓者優其才謂贛不足以盡公而
移之吾虞然公通才也十用其一於贛而贛以治十用其
二於虞而虞又大治顧虞之不足以盡公猶贛也其不足
以淹公亦猶贛也則合兩邑而索其考且三載矣天子
曰是久勞於外者也是法從之器也盍台諸于是司銓者

大計天下之吏治僅數十人惡名之入而公與焉大都援
百十而得一二亦慎矣我輩余食稔公治狀竊嘗奇之
業已懸憶今茲之選矣竭來輩下快觀飛檄既微國論之
公復自幸私憶之中也夫天下較一邑孰大也天下望治
之民較一邑之民孰多也今雖良其效僅一邑已耳其裨
于國猶隘也公今進而為臺諫則得以言天下之事矣又
進而為公卿則得以行天下之事矣使其言而罔弗聽也
行而罔弗達也則治天下亦若治吾虞矣天下誠治而吾
虞有弗治者乎是公雖去其澤未嘗不在也乃今廟堂一
心官府一體士罔不思拜自獻于明時而矧若公者又天
子之所簡在也尚其用兩邑之未究者而思以對于天下
百川先生集卷之一

五

送寅伯秦麓呂老先生擢國子助教序

王者之蒞人曰教多士之自蒞維師也者所以教者也
故登五之治基于造士在三之義萬于成身振德切放勳
之憂敬敷著重華之命易云教思審曰在寬姚姒以來厥
職隆矣自非德成溫直化兼義思則色笑之訓斯微菁莪
之風殆泯然則陶鑄在鎔追琢在璞詎非其人可邪於維
先生稟中土之冲氣挺西河之哲人嵩岳高矣神靈之攸
降也河洛深矣圖書之攸呈也人生其間不偶然者矧夫

周三后之遺澤猶存商阿衡之景行可仰邇文獻于河洛
稽典故于河山宜其鍾之者厚而施之者迴矣嘉靖辛丑
先生以進士一榜署教常熱易簡示人溫恭率物一之日
覽厥德輝士咸曰休哉何夫子顏之輯也二之日受厥徽
言士咸曰休哉何夫子詞之淋也三之日嚴以肄寬以
循申其令不逮其化簡其良不棄其愚士又曰休哉何
夫子誨之勤也於是豐城之劍淬之而益銳藍田之玉磨
之而愈澤射策而往者名冠今士佔俾而居者志執古人
毋自文學之傳安定之教而茲邑之徵文藝者未有咸于
今日矣豈夫官箴著而臺荐交官績成而部檄下甲辰秋
擢先生為國子助教益殊典也于是同舍一二之友傷官

六

百川先生集卷之一
聯之蜀從園橋五百之羣怡師賢之且去祖道既備供帳
攸設池華綠芳入一方江柳青子客千里乃二三子謀所
以心先生者南陽白子璉言曰一邑與四方孰廣也教一
邑與四方孰公也先生之善蒞人也天子不以私一邑
而以公四方故遠之成均非以華先生也亦以教二三子
也首善之地天下為風鄉學國學道一而已子如不欲謂
天子何二三子唯而退俯而吁繁白駒而不能縶緼衣以
何及黷然銷江令之魂淩矣多白傳之淚僕也不殺從公
于茲同官之感詎減荀林伐木之歌自慚要子于斯行也
速為吾黨榮而為此邦惜贈言之義胡可廢乎乃從而
歌之曰燕臺之高燕水之深先生去矣我思其人

贈會稽范君序

成周六卿而下復陳殷置輔設之參而傳之伍官亦備矣降及府史悉以士人充其祿與下士畧等行且錄其功而序遭焉而莫為之甄別者何哉蓋先王之世不特鄉國有學校之設雖閭族州黨之間罔不擇人以為之師而士之生乎其時者亦罔不知學比其壯也則隨其成材之小大而授以班資之崇卑故今之府史或進而為它日之參伍殷輔又進而為六官之長者以天下無失教之人而人無失德之行也粵自儒興吏岐而詩書法律各緣所習以登仕于是高者自詭于清沅而卑者自喪于末路將古人均教之意漸以盡矣夫六籍九章道本共貫經術所以經世

百川先生集

卷之一

七

務而紀法所以遵先王吏不引經不可以斷獄也儒不讀律不可以致君也由今之世而以儒飭吏者顧安得若人而與之哉噫亦豈盡無若人哉乃惟我吳越地相唇齒文獻之傳肇于李唐而極盛于今茲雖上之人不盡驅于教而下之人無不盡歸于學其高者則起科第以取卿相而卑者類能操觚脩詞言恂步矩不媿于儒故天下推之曰東南鄉魯蓋以昔孔孟之闡里擬之而今之鄒魯顧出吳越下矣即余所觀會稽三峰范君挹其容無嫌阿之態聆其語無鄙倍之詞心竊羨之胡其儒于駸且儒于口也乃君之昆季並以法起家積勳于郡縣若干歲而進于大冢宰又若干歲而授以章服今且歸而需次焉勞于前而榮

于後瘁于邦而逸于鄉有國均節之政固如茲也然若人者非我吳越則弗克有也是淵源于詩書而濫觴于法律者也是府史其資殷輔其器者也是可以斯人之儔概視之乎而不可以吾黨之士亟稱之乎余吳人也少日所肄者詩書而今服于有官也方從事于法律是由仕而學以吏為師者也使君而仕則出其素習之能而變通互施之不幾乎遊刃有餘地哉余故曰君之行而占吾鄉之多賢且有感于成周之法庶幾君之匹之也

賀武功左衛經應懷竹陳君榮膺雙贈序

親之愛其子也必思有以成之也不然不足以盡其愛也子之報其親也必思有以顯之也不然不足以盡其報也

百川先生集

卷之一

八

顧子之成否在人之自力而親之顯與不顯有定分焉階異崇卑者不得以逼乎崇也職異內外者不得以躋乎內也仕異久近者不得以擬乎久也雖子之報親無窮而國之頒爵有制分之所得世固有筮仕未幾而單及于父者矣分之所不得世亦有九遷三命而父猶匹夫者矣余于懷竹陳君之顯其二親也則為之慨然歎曰章哉胡其違會之奇而寵綏之駢也君嘗學于季父業隸儒矣一旦謂其博而寡効棄之而更從掾仕以進于是移其讀萬卷者以讀律精于法比慎于自脩上官多才之及季父不嗣廢父命君後焉君竭孝于二父間無違言君其古孝廉人非邪乃今官武功參軍階七品矣又內職也在令甲

例得封其父如其官願必三載底績或庶幾焉即三載矣亦止于其所後也不及其所生也當隆慶改元之歲天子龍興推恩逮下凡庶在內服者無論久近並得榮其親不必盡三載也間有限于制不可榮得者亦許撤其爵而爵之不必盡七品也君于是既以分之所得者顯其所後而又以分之所不常得者顯其所生九原二老同日偕榮登其堂則龍章鸞詔楹樑燁然有餘輝焉登其壠則立馬伏羊松楸勃然有餘霽焉鄉之人亦莫不曰幸哉胡其選會之奇而寵綏之駢也自其顯于所後也而成我者之恩獲其報矣自其顯于所生也而愛我者之恩獲其報矣向非天子善體羣下之情以曲成人子之孝則三載之內

百川先生集卷之一

九

必不可以驟得一本之外必不可以無隆圖報雖殷其如制何哉乃今終朝三錫子心姣然國恩厚矣君又胡以為報邪于是君之友某數輩修君之過而謁余以張之余則以報其親者子也而俾之得盡其報者非子之能為也君既幸哉仲孝以報親盡亦易哉竭忠以報國不以散秩自解不以卑賁自委斯于子臣二義庶其無盡已乎余故不徒頌君之遇而且規君之繹思其遇也越明年天子肇啟青宮後推恩焉而君昔所撤爵旋且得之不失故物信矣哉邁會之奇而寵綏之駢也

贈王護東序

婁東護東王君業願頗醫遊吾邑且數年矣君始至日有

負其廷子就君之肆者或近君以歸者踵相接也君遍診而分劑之僅一刀圭許輒効或誤於他醫幾不可活而轉之君又輒効當是時君之聲籍甚而邑之業願頗者咸歛然自視為弗若於是富者以債財為禮貧者以筋力為禮而謁報于君者又踵相接也君故樂與邑中藝文者交而藝文者多嘉君之長技而樂為之言余嘗詣其門則求宅之高揭者充閭矣登其堂則贈言之周懸者滿家矣乃余亦君所樂交者而獨缺然無一言之及非敢後也蓋重有期于君而言之不敢易也世之療人者豈無有一二之章邪而其所不能療者常八九也苟不徐稽其八九之誤而徒信其一二之幸遂從而張之俾聽者惑其言而復蹈于

百川先生集卷之一

十

自誤是非特療人者之罪言之者亦罪也而況乎王君所療多屬襁褓穉色于柔肌察理于握掌揣摩而劑量之其療之難尤有甚于諸科者而王君乃無不療也始至則然今且數年亦然其非章于一二而誤于八九可必矣周官于醫師特慎而必以十全為上考若王君者其殆庶幾乎余之不輕言于昔年而申其說于今日者正以十全期君也不然則言者為故語受者為塊辭廢已於故而廢人于塊君子弗為之矣王君少業儒其人亦恂恂類儒醫則得之內氏殆偏長耳而其效乃若此使其卒業於儒當益屈其羣而擅場矣語云一年之計樹穀十年之計樹木不曰十世之計樹德乎王君之樹德勤矣今之東西行而過君

之肆者多君所長也夫能療人之子天必報之以子而王君猶以未嗣為憂吾知其不必憂矣余增王生休夫嘗德于君且謂債財筋力咸罔足為報而謁言于余故序君之績以謝缺然之罪以附于諸藝文者之末云

丁卯武舉鄉試錄序

今天子御極之元年萬象一新聖治伊始薄海內外罔不弼然歸其有極其諸文武之士輻輳尤貴立國者咸思帝臣彙征王國是歲後當大比造士之期乃秋之八月則畿甸藩屏既各簡其鄉之文而秀者以獻而武試則以次月舉制也惟三吳四郡則巡按御史某恪遵故典合諸衛之所儲齊民之所稱號而謀者如式三試之得百川先生集卷之一

士

其為若干人已後選其策畧之優中數之多者著為錄前未有錄也錄之自今始某承命偕叙諸首人之言曰吳士之文盛矣羨矣乃其俗則淳樸其人則悞怯授之以介冑驅之以戰陣咸非所長噫此鄙殺伐南方寬柔仲尼之門固言之矣吾無惑于人之云也然將之勇也勇于志而勇非臂力之謂也將之雄也雄于謀而雄非魁梧之謂也力如鳥獲而志則怯魁如巨霸而謀則疎亦匹夫之敵耳矧吳自春秋以來素非弱國夫差以組練三百爭長強晉項籍以子弟八千力滅暴秦謀若孫武勇若專諸趙若慶忌劒技若干將莫邪五足以擅當時而名後世下逮六朝之衰而猶有赤髯之捷淝水之捷以一隅之力而敗其百

萬之師曹瞞幾于不免而臣堅亦遂不振此皆三吳遺事也而足徵其人之非弱矣夫士習何常在訓誨振勵之耳誠訓誨於平時而振勵于一旦則柔可使強怯可使勇而況非柔且怯者乎亦譬何以捷以其將之者公瑾也魏水何以捷以其將之者安石也今御史之于諸士試之以為步得無有投石超距飛騎鳴鏑如專諸慶忌者乎試之以論策得無有沉謀先幾量敵應勝如孫武子者乎選之也甚嚴而優之也甚渥其于訓誨振勵之方蓋不遺餘力矣殆今之公瑾安石也茲章天子道洽政治海宇寧謐安所事兵脫有風塵之警以備境上之役則異林牧矣戎兵詰矣有備于未事矣矣必拊髀于頗牧哉由是而觀吳之百川先生集卷之一

士

文事固甲于天下而武備亦不減于文彼人之云者非定論也是役也監臨考試則御史攝之而提調則某監射則某暨諸執事並一時之選也是為序

靖江新志序代

環靖皆江也江自岷山東注東地紀為二夾維陽毘陵之間有洲隆起名馬馱沙從可百里橫三之一土阜物繁居然浚壤也應朝沿革靡一或北屬泰興或南屬江陰乃若連縣則自成化之章外始迄今且百年矣靖故未有志前令周唐二君蓋嘗志之咸未及成書以去逮西安王君而志乃成然亦畧矣嘉靖癸亥余承乏是邑登孤山之巔俯中流之勝而四境式廓萬井密比固有遺規思以順土宜

采民風而故牘之猶有遺纂也慨然興懷焉夫釋老之虛
異教也水石之奇物玩也而脩詞之士猶托之載筆矧乎
茲靖則畿甸之上游江防之雄鎮也往跡匪志則弗章來
代匪志則罔詒治與時宜政由俗遷而變革興墜于百年
之內有不可勝書者矣然以典故則尚其諸莫踰乎土
著以刪述則尚其公必推乎耆德故舉而屬之近裔朱
先生先生為之稽吏牘詢故老搜逸事披荒碑踰年告成
而余業調常熟尹矣代余者為仁和柴君圖梓之以稿來
示且微言為序噫靖前乎此僅一渚耳幸際 聖朝特陟
為縣張官設教與三吳諸邑並入職方豎讀其志則又彬
彬然文物聲華既已脫鳬業魚薄之陋而躋神州望縣之
百川先生集卷之一

志

志小序

潮汐汎駛滄桑屢更嚙東漲西楚得楚失而遽置則靡定
矣乃志疆域第一
民依乎土地附乎天精英感通吉凶不憊靖雖小亦古揚
域也乃志分野第二
厚德載物最靈者人惟動惟植亦土之毛而貴賤殊等矣
乃志物產第三

匪政弗治匪教弗良設官分職以立民極凡蒞茲土者咸
與有勞者也乃志職制第四

惟天生才為天子使百步茂草十室忠信豈謂靖無人邪
乃志選舉第五

齊諧志怪稗官叢書使時彼墨夢弗可撰存而不論可也
乃志雜部第六

古稱不朽其三立言以宣幽蹟以鏡來代不有作者吾何
述焉乃志詩文第七

博雅堂藏書目錄序

余習不喜美雅嗜文籍暨長而嗜益甚似有癖者乃屈于
貲不克致重購者致之尤難吳孫文毅學士大夫聚書少

百川先生集卷之一

志

亦不減鄭架復富而喜事諸帳中異帙向秘不傳者日托
諸叢顧吾邑北真僻壤或行世良久未獲披觀家自先考
功高曾而下故多藏書會中落靡有牙遺余生蓋三不遺
矣而厥嗜彌堅謂癖也宜閒米家船來余先聚以往推蓬
恣搜賈亦苦之或赴試薄遊兩都日邀列驛間一觀所未
親輒大叫喜不自禁若一旦獲挾麟恨相遇之晚與之宜
或倍其索弗怯寧縮衣食費以佐之期必獲乃已既獲雖
劇寒暑必諷之卒業家人曰日下春矣可食已夜向闌矣
可眠已即附耳大呼若弗聞也者弟性亢而氣浮易解之
亦易忘之其傑誤秀句犁然會心則默誦甚習若涉獵幽
莽則掩卷善遺比再入眼如未嘗識者且方事舉子即輒

無專功焉以故無國僑之博而類子長之疎嘉靖庚戌命梓人作鉅櫛六余類而疊之計向來釐致并交遊贈遺者殆逾萬卷咸躬自讎校手為裝池錯簡脫幅百鮮一二雖麗謝牙軸而陋無絕章視貧士之藏則已過矣嘗誦蘇長公寶繪堂記謂尤物留意終成禍水顧余之嗜與人殊癖于錢癖于履癖于左氏均癖耳孰清與濁緩與急我今書者不使棄來者不可期月積歲索或與七畧四部爭雄長余日兀坐其中手披心繹不知人間世更勝此樂否異日者子能讀與子否者班諸族班諸友朋或輦而實之學官藏之名山以俟君子固俾吾書辱非其人越明年辛亥夏朔樂安文樓木天父書于拱宸堂中

百川先生集

卷之一

十五

夫經者聖人之書也尊莫尚焉羣儒闡之亦經之翼也乃錄諸經類第一

尚書春秋史之權輿乎尚書為紀傳之始春秋為編年之始經載道史載事有史而興亡昭矣乃錄諸史類第二

道隱而家嚴士橫議微言絕而眾言興矣其說千道將聖門者折之云爾乃錄諸子類第三

古之言簡今之言繁代變人殊枝葉澤而本則粹矣稽世者慨之乃錄諸文集類第四

三百刑而世難乎詩矣然在心為志匪詩曷宜觀風者猶有取焉乃錄諸詩集類第五

充棟汗牛窮年莫殫故昉列縷析作者勞焉覽者逸焉乃

錄類書類第六

蓋壞之內惟理不朽術宋鉅儒理藉以聞而士習端矣乃錄理學書類第七

陳國而上繫然陳迹於皇駿烈匪掌故者曷親之然有野乘馬畧矣乃錄國朝雜紀類第八

齊諧志怪稗官叢書文之別流也然理或存焉聖人察焉乃錄小說家書類第九

不出戶庭而周知天下者方輿之書是也學則博物政則宜民可無親乎乃錄志書類第十

文為經字為緯同文之治王化攸存藝也云乎哉乃錄字學書類第十一

百川先生集

卷之一

十六

醫有生人之功焉軒岐蓋始之小道其可親乎乃錄醫家書類第十二

小用鞭朴中用斧鉞大用甲兵聖王以輔治也不得已而不已也乃錄刑家書類第十三

兵家書類第十四

九流百氏畔道遠而術後世有迷焉乃錄方伎家書類第十五

西方之教異端之渠魁乎而世儒多惑之火其書嚴矣我存而不論可也乃錄雜學書類第十六

而道書附之方則有矩圓則有規文獨無法乎哉而法則盡于古矣其操觚者之指南歟乃錄詞林書類第十七

大聖有作典章是存吾儕小人遵王之制焉已宸章令甲

疇得而伍諸乃特錄制書類而不序

國朝士凡三試乃服官試輒有錄文獻焉存乃錄試錄類附焉士以文進時有汚隆工拙係之乃錄墨卷類終焉右二錄藝文之靡也不以上偶羣書故亦不序若經書時義仕宦筌蹄昨以為妍今以為媿對偶剽竊壯夫恥之雖多不載

贈邑博螺湖胡君海虞八景圖序

君子志在四方不惟于通都上國懷壯遊之思雖窮塚僻壤足音蛩然之地而或山水之奇草木之異則幽探冥討之士猶輕千里而累糧從之況宦遊於其邦者乎益古之遊觀者非觀其奇者異者已也慷慨予古經綸籌今凡其百川先生集卷之一

十七

風俗之熾惡道里之險易疆域之廣輪物產之精良舉得於徘徊徙倚之餘故駕航磯頭歌馬峴首者君子謂其非浪遊也乃吾海虞之為邑言其山非泰華巨廬崇巒疊嶽靡蒼翠而挹青冥也言其水非瞿塘灩澦驚濤駭駭混霄壤而入微茫也言其草木非鄧林渭川鰒荻虬枝依神明而陰婆娑也而天下則謂之樂郊故仕于斯者販于斯者東西道于斯者輒興卜築之思豈不以地僻而不陋士秀而多文以予古則巫咸之祠虞仲之菰子游之闕里在焉其諸東南之鄒魯矣乎以籌今則襟江帶海封守惟光恒而愆陽河渠是議其諸三吳之鎖鑰矣乎而其奇者異者則虞山柱空兩湖夾鏡琴川絃貫于闌闌梁檜星列于玄

都而邑之勝可畧觀矣廬陵螺湖胡君以鄉進士來署邑教而學宮故莫於虞山之麓枕于琴川之上君登尊經閣而樂之然方以今經觸解為教未暇遊也其徒繆生一新雅工繪事念君樂之、情而又憫其未暇之故乃列邑中名勝染為八圖已復謁言于善鳴者詠之持以獻于君謂可以不絳帷而坐得于湖山百里之外庶之心亦勤矣夫邑之俊彥山川之靈之所毓也君聚而教之教成矣出而為國之楨山川且有光焉是君與山川相待以有成者也君既有助于山川之靈而獨不可覽其形乎茲生所謂獻也余昔試割廬陵識君于諸生五百之中君于吾邑有如君者君其識之未耶此又非圖中之形所能盡也余其百川先生集卷之一

木

吳音

吳音奇字序

寓形寓內者孰無聲哉有聲則文從生焉字皆導也斯又文所從生者也自六書之有假借有轉註而字益不可勝窮矣然五方之民各聲其聲形同也而異者音、異也而同者義惟義之同也而音亦同弗同矣惟音之同也而天地之元聲于是乎在矣昔楊子雲氏以南北之清濁異齊古今人之不相襲彙而為方言凡以同其異也而詭文奇字刺目棘舌彙、而是今讀太玄一書其外于蒼頡之始制者不少矣故西京稱問奇者輒之楊氏焉余吳人也吳僻于東海之裨其名物音聲亦僅通于吳心矣而舉以告

八州之人八州之人鮮不刺目棘舌也乃吳之通其音者又多不稽其字使耳學爾余也愧之于是綜討博詢高則玄覽之儒陋則學究之叟凡四聲七音之部可數十百家一有得輒吮毫疾書久之積若干言蓋不必尾侯芭之後扣楊閣而問之又不必效輶軒使者日馳于方千里之地而吳音亦幾平備矣噫余猶媿其限于吳也使八州之人各有如余者以自疏其音已復有如子雲者東而彙之斯于同文之治不少助耶

錢經元寇稿序

余邑士以善說詩名于吳其鮮人順也不讓西京之匡生乃萬曆建元之歲吳氏賦于鄉者幾四十人而明菴袁君百川先生集卷之一

文

培垣錢君為之冠兩君者並余邑士也乃又各以麟禮二經為之冠顧其所業又非毛氏詩也夫既屈一郡士之羣又屈一邑善說詩者之羣于是兩君之名遂一日遍于十有八郡之間而信余邑士之所稱擅場者不獨詩也昔鄭康成箋詩而家之人罔不知詩何者耳濡之也兩君所業在吾邑則寡矣蓋未嘗負笈于他邦樞水于名碩也然聖人之精蘊具于經善學者自得之兩君手綳帙而玄思目縹囊而神解則吾心之蘊即聖人之蘊六經之道歸焉耳又何毛氏詩與麟禮之異耶乃錢君于同篇中歟指而頌又年最少也是歲賓于余館蔚然豹斑竊窺其一余益心飲之焉已乃荆璞未剖隋珠尚遺豈驚之將擊必伏其

翼火之且烈猶鬱其縮耶卒之收功來榆一戰而霸南國有以已書林翁賈丐其文且梓以式多士夫士之一擬鏡科遂舉其平生之藝播而傳之亦邇年故事索之者不擇其人授之者不暇自擇而文之定價固自有在可以行一時而或不可以久賈可欺而多士不可盡欺也若錢君之藝余固信之嚆曩驗之今茲其為可傳而後可久也無疑矣君持此以往行將登于春闈揚于大廷海內且以文匠目之則信其文者又非徒余一人已也

次大司徒王端溪廬山紀遊詩序

大司徒端翁王老先生少侍尊君宦學茲土趨庭退食之暇選勝佔畢之餘弔古興懷則仰止前招冥搜遐討則寄百川先生集卷之一

子

傲景光誠江山之遭而僻壤之重也既而謝丘壑之潛踪展巖廊之雅蘊位列八座名滿四海於是春桐鄉如戚里指并州為咸陽淵龍或躍猶探桑下之環染燕已非尚掛樹頭之劍品題高什而山水增榮慰藉慈悰而祇聚生泣公德厚矣何日忘之爰乃捧讀朱章羣謀嗣響陽春黨和雖慚黃綰之詞冬日宜人曷已瑋瑤之報某也電据圭竇差路隔於雲泥操斧班門祈度華于淵海

刻孫百川先生文集

明海虞百川孫 樓子虛

同邑年家子陳禹謨錫玄父

叔 孫七政齊之父 選次

姪 孫朝肅恭甫父 校閱

梁溪子壻華滋蕃伯昌父

壽東津王翁九十序

東津王先生以萬曆丁丑壽躋九十季秋之望其誕彌也諸所交於先生者歲及是日禮於其廬以脩慶事乃今則豔先生之際其年而迫欲壽之不待其期之及也卜端陽之吉迎先生于吳君之堂而觴之以為舒以長者夏之日百川先生集卷之二

擎而飲者秋之氣蓋以陽德頤先生也又以餐菊之落英不若昌陽之引年也於是執爵執漿祝嘏祝嘏者紛如於先生之旁而以祝詞屬言於余曰唯齒之尚于天下自古記之矣齊望鷹揚之辰衛武抑戒之日暨西京鄒長倩濟南生之徒紀事者不特述其特而兼言其年俱九十者何哉尚其齒也夫七十者稱于古八十日嗟于耄誠難之矣況踰七八而九者耶是先生之齒足尚也而余之所尚于先生者則不徒以齒已也先生少業舉年久之不遑去而以疾業醫疾良已又能已人之疾而緣其入可以給晨夕半畝而宮四時之英以次藥于方數尺之庭先生日讀於中門以外非詞人奕客不敢脫屣而聞入良宵晴畫

則巾車野航選勝於湖山之間者必先生也先生又醇德慈厚無少長咸樂與之交必久要如一日先生齒日高家日削膝前之人俱化為異物而先生不加戚蓋友生之驩即其宗姻僕媵之奉即其子婦即先生之所缺然者正物情之所為累者也而先生之壽以此日者太史云壽星矧吳分野而吳之人多長年不死故今里中與先生之甲相上下者可指而數也然較其德與年稱者則莫踰於先生而士之羣然以情致祝非徒為文具已者亦莫踰於先生賓筵之中先生有再倍其年者矣有三倍其年者矣而相為酬酢若伯仲然是先生不以齒自尊諸君不以先生為老而自遠古道其可親已是日也其儀秩而雅其情洽而百川先生集卷之二

文蓮豆有加尊酒無羹名花爛於庭下清歌激於堂中而或繪之為圖以遺異日庶幾想見吳俗之厚而所以不朽先生者其在茲耶

壽大中丞虞山陳老先生八十序

國家有豐功碩德之臣而天下賴以為重者則天必使之多應年所以殿天子之邦以繫四海之望而所以福之者常在焉書曰天壽平格天豈私壽哉蓋以委任之者甚大則所以保護之者自不容不至也若大中丞虞山陳公者殆其人歟非邪公自為諸生時隱然有大為之志壯歲登朝幸逢熙洽之運故得以恪共展布而不負所學補衮于內則引裾折檻不足語其直持斧于外則攬轡提綱不

足語其威旬宣于齊魯而東人戴寧保釐于閩廣而南國
被化再使三蜀一巡六詔官跡所及幾遍天下天下無間
識與不識而言當代偉人者必稱公焉然則公之身誠不
可一日不為天下自愛而天之壽我公者亦以天下之故
而非獨私于公也乃嘉靖庚戌公之年且八十矣四方之
士遠者旅幣近者進觴既紛沓于堂之下而某及弟某皆
里中後學獲遊於諸公子之間敢從賓之末而敬祝焉夫
他人之為壽者非然然經鳥伸竊天地之氣則鮮膿甘脆享
服御之珍至有却掃兀坐紛擾不以嬰其心者若公則呼
吸導引之術既薄其不經而不為而興居食飲或人所不
堪而公處之晏如至其憂君戀國之心雖已告老而每以
百川先生集卷之二

三

國是之失得為憂喜風而興焉宵而衣馬振衣而問奇者
戶外之屨常滿公服大布之冠大帶之衣無賢愚少長咸
進而教之粲然滿聽輒更僕未終士皆虛往實歸飲河滿
腹客退復警校墳籍雖黃今古不自暇逸有武公自警之
風公殆若節而勞形者矣顧乃視明聰聰玄髮兒齒雖壯
夫不逮茲非天之壽我公以及天下者乎古稱連壽者三
不朽者三公實無之矣方今醜虜犯順三輔戒嚴聖天
子側席以求賢而折衝萬里如我公者詎使終老于菟裘
耶文路公年踰九十猶五日一詣都堂司馬疾矣亦許扶
掖入對矧公無君實之疾而未逮寬夫之齒歸然靈光為
三朝遺老者天實相之俾大用于今日也所以為國家得

人賀者莫大乎是若夫永年無疆之慶以效其區、則天
下之嘏恩被德飲食必祝之矣奚啻二三子無己之情乎
哉

壽趙益齋先生八十序

嘉靖丙寅里中藩參趙益翁先生年屆八十矣先生鄉之
大老邦之偉人士之模而民之表也于是通國欣色相告
曰皇圖翠而寶籙綿寶籙綿而人瑞出先生之慶詎一
家之私慶哉于是陳幣于庭獻觴于堂入者充閭來者塞
衢登祝而贈言者且周懸滿家矣某也無似辱先生忘年
折節而進之賓筵于是原先生所為壽者以質之某聞焉
相氏者之說曰先生豐頤廣額木質金音立則岳峙步則
百川先生集卷之二

四

川駛蓋天之為而神之降者其壽未涯也又聞為醫氏者
之說曰先生膚充而盈氣勃而平血華于色神全于脉蓋
元精固而攝道備者其壽未涯也又聞為里民者之說曰
先生時則歸祿日則拱貴三刑不犯七曜咸亨蓋番于少
而綏于晚者其壽未涯也夫相之說則唐舉許負之術也
醫之說則越人倉公之術也星之說則李主管輅之術也
乃某之業則儒道也三術咸未之喻也儒者之說則以理
請以理而原先生之壽可乎夫天以久而運地以久而履
日月以久而明而人之生也以久而不朽久者氣之最鍾
而民之元福苟非其人天不輕以授也是故爵以三公祿
以萬鍾雖舉世所歆豔而天亦無所靳恤世固有童而施

朱匹夫而懷辟者矣乃惟降年之永俾之難老而久視者蓋兆人而一人耳夫昨華而今萎者桃李之脆質也而松柏則不凋朝盈而夕除者溝澮之隘量也而江海則不涸先生于舉世所歆豔者得之常不易而亦終無不得踰強而抱子踰父而登仕是不與桃李爭妍于三春不與溝澮競納于一兩者也乃今不惟子而賢且多矣仕而優子又將仕矣猶之萬卉擎悴而松柏常青也千里汲焦而江海常潤也噫是久之道也天之所不輕授而若有私于先生者也然天曷常私諸人哉先生具可久之理而天久之焉耳其近得其二事矣剛勁之氣媚之以非道而不悅茹納之量誣之以非妄而不較蓋不待國士之交警而齒德

百川先生集

卷之二

五

壽趙益齋八十序

代陸穀育作

藩參益齋先生趙翁以嘉靖丙寅之端陽年大耋矣厥子定宇君預于仲春之吉庀嘉肅賓以脩慶事禮也友人黃子數輩乞言于余以張之余之言曷足以重翁哉念余少翁五歲並由諸生起科甲歷中外後並以省臣引年而家食者且二十稔矣居同里志同方仕同朝耆同社昔也朱顏二妙今焉白髮二叟朝退夕隨爾賓我主交驩如一日

也若翁與余者亦鮮哉夫邑之以高年稱者不少矣彼齊民無論也若夫學古而官仕優而歸如昔之所稱鄉先生者則齒莫有踰于翁者焉乃翁之所稱尊于士大夫間者則又不徒以年也貴而能降賢而若愚列爵超二千石之尊矣而家不踰乎中戶學貫三千年之富矣而勤不怠于壯夫方其嫉邪之嚴不使加諸身者若凜然不可犯而人有片善之可稱一藝之足取者又引之惟恐不及以故賢者敬之不賢者畏之其仕也有惠政以勤其官其歸也有盛德以範其鄉而其貽厥之善也則又有格嗣以世其業若此者皆余之所愧于翁而自視以為弗如者也夫少與翁共學者名未必其皆成也名與翁共成者官未必其皆達也官與翁共達者晚未必其皆壽也晚與翁共壽者德又未必其皆懋也是則余之謂矣向之所幸同于翁者特其出處之跡耳而翁之以德獲福所不同于余者余寔愧焉茲乃欲以其媿者之言而強以為翁重其媿不益甚乎願諸友請之、勸則有不得辭者余于是忘其媿而為之言

百川先生集

卷之二

六

壽 諸封清卿心椿陳先生八十序

萬曆改元冬十月念有七日心椿陳翁年登大耋矣耳能聽目能遐矚步不受杖坐不憑几顯不童齒不豁居然一壯夫也某世姻于翁且與厥子清卿公偕舉于鄉蓋自少日登翁之堂逮其耆而祝焉老而祝焉迄今且三祝矣

而翁之貌固異壽叢也豈翁之受于天者萬邪抑翁之自攝者與人殊邪翁產于名閭長于化國郎第聯比門戶輝赫冬挾纊而夏御絺晨餐梁而夜宿肉既已享有生之奉矣而青箱面承縹緲手授前有作後有述兄弟父子起科甲數中外者累、也乃清卿公治績冠江右直聲震寰中庶三命而三選異數翁則由銀青晉金紫如其官焉而文孫玉立復且奮翼嗣興矣辟之啖蔗者愈入佳境津、然甘滋兩類也世固有席瘡于髫年而晚則多躋享佚于暮歲而幼應諸艱者槩翁終始無一日之不豫以勞其形而鬱其情其壽而康也則宜矣天之萬于翁也固如此哉翁復不以天之萬我者自挾而種德樂善克勤無怠奉身則百川先生集卷之二

七

有善要大夫之儉而不傷于隘刑家則有若萬石君之教而不傷于嚴凡可以削福而招尤者翁未嘗一為之夫人之攝生者以服食沆瀣以導引呼吸雖能竊天地之元神而或薄于德故卒未有及于期頤者翁之為攝也不以術而以德惟德獲福惟天鑒德其壽而康也則宜矣夫燃燭者于檐則易液于奧則難跌谷中之花燼端之花得于天者均也其先時而舒後時而萎者則谷中之花焉然何者其所托者殊也翁萬于天而復培之以人是燃燭于奧而樹花于谷者也翁之壽其有涯邪夫與翁同少不及觀翁之長而化者蓋十之五也與翁同長不及觀翁之老而化者又十之五也惟翁靈光歸然躬閱五聖田廬日闢孫曾

歲添朱紱花林盡船水溢出則擊牒而槩入則含飴以嬉老興不淺少容大還噫若翁者姑無論一邑即三吳詎有兩哉壽之日子婦緋服獻觴于室懿親青衿持觴于堂以脩慶事而走幣贈言者戶外之屢常滿門前之高軒擊鼓也此可以觀貴老之義達于人情而與人之所為貴于翁者又不徒以其年也某不佞翁之通家子也祝嘏之情豈後于清卿公哉而徵翁之德以卜翁之算則擬諸冥靈以五百歲為春秋大椿以八千歲為春秋者可以必也是知南華非寓言也為德若翁者言之也

壽古杭貳守張三吳七十序

貳守張大夫自杭歸也又十年而壽七十鄉之宦成而里百川先生集卷之二

八

居者時可二十人大夫與之結社傳觴每誕之辰二十人者必與俱是日也水陸錯陳笙歌交奮觥籌互飛燭跋再見驩如也乃大夫之誕則正月五日歲莫或先之故首社而開攝者必自大夫始社之例壽及旬者則二十人僉往壽之旅幣有儀祝嘏有文禮也于是僉以文屬孫子孫子曰大夫之生斯世也嚆不欲際景光樹奇績以有聞于後哉顧格有所限勢有所不得為則遵養時晦知難而退脫軒冕而貴丘園斯招人之高蹈而達生之上務也是故長統樂志季倫思歸斯二人者豈惡富貴而逃之邪良以名與身孰親也位與壽孰重也夫以百年易盡之期而逐于九命不易致之遇履晨霜于東華冒夕霧于瘴海形神

俱瘁黃馘異壤而竟兩失之者亦惑矣余自少交于大夫知其志甚豪其學甚該而其藝又甚工蓋瑚璉之器而鍾鼎之具也卒之一麾而令于瘴鄉再麾而貳于劇郡按之萬里淹之十年而大夫亦倖遊矣今其歸也垣屋不治生產不問日與布衣故交淳白斟綠于湖山之閒一簞共航二簋對語淩曉而出夕陽而還陸賈傳食于諸子跡廣靡金于故人玄髮雖化而朱顏無改既壽既康居然一壯夫也此何以故哉大夫無營于外無羨于中尊富貴于瞻觀視勲名如塞馬尊而能降老而益和者是大夫之行也天既以未施之福畀于其前則必以有餘之年豐于其後余是以徵大夫之壽未涯也彼遂々于外而竟忘其身者大

百川先生集

卷之十

九

壽徐後石七十序

蓋嘗覽俗于吳會而紛靡相高狙偽相軋迄于茲辰極矣當夫交衢闐闐之間其人能目語唇指口波瀾而心城府莫可揣摩乃其日用飲食匪擅一時珍麗則恥不屑御至有鬻家具以集一衆聲宿春以供一饌者意胡若是其靡也無乃土流而民智流不期汰智不期巧而秦伯氏端委之治不幾于漸盡已乎風會斯流遺化未墜衡門之下乃

百川先生集

卷之十

十

有隱君子者後石徐翁者其殆頽波之巨障中流之崇砥也翁家于直塘之野幾世矣去海虞玉峰婁東三城各數十里而遙壤僻區與一切市習罔以漸其耳目翁獨醇謹天植質白性成口無不踐之諾足無非禮之行家席世遺亦累千金矣其所服御罔異寒士大帛之冠大布之衣輒數十年非極敝不再易室無姬侍坐無絲竹語則徐々行則卑々適色盛氣無幾微少見此其人獨非吳產與哉蓋隨俗而靡者庸衆也抗俗而翺者君子也余故以隱君子名翁也傳曰禮失而求諸野將有求秦伯氏之風者舍翁奚適哉余姻于翁嘗入其里而土之不耕者無幾矣又嘗及其門而家衆之不力作者無幾矣翁日與長君季君游坐則魚貫行則雁翔乃三翁者各皓首矣合之且二百餘歲而交驩一堂即所稱田荆姜被胡以加焉夫母之挾其饒貲而踰制蔑上者何限也翁後守庶人之職安隱勞之分賦先期而集不敢以緩而逋使先人而轉不敢以賄而免其急于公上也先于其家其奉守善令之命也嚴于其父平生無睚眦之怨未末之辱以挂于吏議使夫人而盡翁若也則官聯可以無設而刑措于天下矣昔漢氏以孝悌力田取士而西京之治庶幾中古若翁者其殆斯人之徒歟吾夫子刪詩于十五國之中深有取于唐之蟋蟀幽之七月者謂其勤穡力本有陶唐后稷之遺風焉至于鄭衛之詩亦存之以示戒乃今吳會之俗正夫子之所戒而

翁非在所取者邪以翁之力即輸邊入貳亦足以叨一命而所樂不存肥遯以老余故以隱君子名翁也夫有齒斯謂之翁有德斯謂之君子翁齒德俱茂杖國以行是古之所稀選而今之所歆豔者也于是翁之昆弟子姓暨于婚友咸謀所為壽者翁復辭而避之揣其情若不以引年自喜而以寡昧自懼可謂賢而能降老而能謙者矣即其歸而避也可以徵樹德之益懸壽之而人必往壽之也可以徵尚德之收同矧余又翁之姻也獻觴祝嘏之禮敢獨後于羣賓邪爰陳括懿義用彰潛光嗣是而大耋而期願余其更有言焉

壽座主孫季東翁老先生六十序

百川先生集

卷之二

士

夫故國之所為重者不在喬木而在世臣故家之所為重者不在簪纓而在世德世臣雖簪纓之謂而世德則忠孝之云惟國有世臣而後有喬木爰得以謝斤斧辭剪伐閱千歲摩層空而柯葉無改焉惟家有世德而後簪纓者爰得以垂雲仍及苗裔祿萬鍾冠百辟而無有珍享焉是世臣世德又相須而成家之所重國之所尤重也在古伊尹與陟之于商召奭與虎之于周或祖而孫或父而子世為忠貞服勞王家有明徵哉蓋天之佑人國也既放祥興慶為生真人為生民主而後儲精濬發降神名世者以為之輔如一元運于太虛而俾五行之吏各效其職以翊玄熙之治其相須固如此也我師季翁老先生謂非天之降神

而今之名世者耶昔先忠烈公戒祐于膺火抗節如蓬蒿取義一時流馨萬世雖天地為之晦冥而乾坤由之再造此其忠孝大節凡為人臣者知所興起而況為之子若孫者乎我師內秉其家矩矱外討其宦績遺書遺劄伯仲各致其能由文武甲科並魁天下流風未艾餘慶收鍾鳳毛蟬聯接武桂籍編摩國史贊掌邦政且旁潤九族冠蓋相望敬應中外封胡羯末不得專美噫家之世德國之世臣咸萃于我師之門矣昔我孝宗以深仁厚澤培植泰階而貞符元會磅礴宇宙師之生也寔當率面之歲渾厚清淵獨萃厥躬而其出也後際聖明御宇赫々中興故師得以大展其經綸天子陰藉其贊襄而天下均荷其康濟在

百川先生集

卷之二

士

先公也則焉封疆社稷之臣在我師也則焉股肱耳目之臣環視海內如師門者豈多見哉師之所以報國者誠厚而天之所以報我師者信不薄也宋王晉公植三槐以擬三公身不盡試屬之二郎而文正繼之卒為太平元宰諸孫質素等並列法從蓋非槐之微德之微也甚哉我師之似文正也信乎簪纓不足榮喬木不足恃而天之眷我師者是則可重也乃今年彌六十位登八位天下想望其為商阿衡焉周奭保用俾我明歷年式無二代之永則天之壽我師者非私于師也固所以壽國家壽生民也某叨承新命由江而浙瞻應鍾阜龍江之間欲挹水獻觴而未安能已于情哉惟師之壽與鍾阜同其高龍江同其深而

俾門人如某等者歲致其祝于無窮者是則某之情也某
吳人而吏于江故吳之同門與江之同官者咸屬某以寓
祝而某僭為之言者如此

大宗伯潯陽董先生六十序

隆慶己巳宗伯董老先生年彌六十矣仲秋念有六日其
懸弧辰也先生邦之元老鄉之大賢士之模而民之表也
古所云達尊者三不朽者三先生實兼之乎是通國欣色
相告曰先生而壽詎一家之私慶乎哉凡海內飲德者所
必祈而湖人為尤也是日也旅幣于庭獻觴于堂入者充
閭來者塞衢播之聲詩彰之繪畫登祝而贈言者且周懸
盈家矣乃二三僚友謀于某符乞言于名碩以揚厥懿爰
百川先生集 卷之二 士

而此邦所稱名碩卒罔有踰于先生者顧易所乞言哉某
惟古之善頌而取喻于岡陵松柏者亦自揔其臆耳未嘗
更謁所稱尊且賢者而藉以為重也于是同寅藍君輩屬
言于某、僭為之言曰惟天之眷人國以冀厥丕基也
上必篤生大有為之君俾之多應年所久道化成下必繁
生名世之臣俾之繼起需次惟天子使明興踰二百禩矣
而享國最久乃惟我 世皇則然寔與商三宗周文王相
上下而汪仁濊澤積行累功漸決于寰宇昭回于古今者
亦與四人之迪括相輝映當 龍興之始時則有若公卿
百執事濟、師、以襄我中興之盛亦既赫奕光大矣乃
嘉靖辛丑之歲諸光正先後謝逝 當宁拊髀思賢以備

任使而先生始微庸筮仕僅踰十載簡在日隆陞陟華要
諸所啟沃贊相表正國是潤澤生民不假運動之迹而天
下陰受其賜是諸先生者既已度其始而先生偕同升數
老為之序其終殆夾輔于後先以共綿無疆之休厥功懋
矣暨解組潯江宅枕孔道之旁凡宦遊茲土而東西行者
必禮其精廬以稟教焉先生為之條析其利病劑量其緩
急大都恤民之隱順物之情罔不悉心以告而聽者亦虛
心以納率而行之蓋不出戶庭而其澤已遍于四境矣夫
其當國也而仁覆天下既如彼其隱于潯也而仁在一鄉
又如此先生即未大拜人有鬱望即其施澤於民不亦大
且久哉古語有之仁者壽又曰仁者必有後先生以是年
百川先生集 卷之二 齒

登耆復以是年再抱括孫隆棟而居列鼎而食鳳毛蘭茁
麟趾不寡洵矣夫天眷之豐厚也 聖天子軫念舊臣不
替容德而先生未究之志餘勇可賈行且賜環招旌永俾
先生保又王家終惠元、有日矣不然若先生者天顏使
終老于菟裘已耶某無似來守此邦乃二三僚友莫之于
先也辱先生進之門墻聆厥德音輒虛往實歸飲河滿腹
方媿罔以為報而幸值其始壽之年爰叙其盛德獲福而
昌言之若此且藉以質于先生雖不文誼不得已也異日
者而大耋而期頤某且寓幣遐祝更有言焉

壽太學水簾王君六十偕老序

先是水簾王君以戊寅季秋六日為降神之辰後七日而

廣配聞儒人生懸孤懸悅未決旬也殆交謫于天而作對
下土者邪亦越丁丑是日也六甲並周三星猶耿玄髮未
華朱顏無改子婦雁序而有亞諸孫鵠立而首領羅拜迷
起于共卓之旁而二老輟然裁絮綺歟美哉有生之極歡
人倫之希觀已有問于余曰天錫王君單厚矣而君則胡
以致也余曰造福者天樹德者人天非德弗福非人弗
享王之世德匪一朝夕矣邁種務滋代稱長厚自一訥翁
雄于世而姓益著山城公貳于郡而門益高乃今蕩叅笠
洲公又晉秩常伯銀青金紫輝映後先門戶煒赫而君于
祖父兄弟間尤克以醇謹自將以文學自命其所交而相
切劘者必世之偉人其試于有司也匪甲即乙當其時自
百川先生集卷之二

五

謂一第易耳而數誦于棘院進而遊于太學而又誦如
故乃笠洲公則後君而學先君而登豈造物者私為軒輊
哉君雖壯心未已而暮年垂及視彼少年場若恥與焉伍
婦嫁既畢湖山匪遙君日與童州之交一筆共航二笠對
晤夕陽乍沈餘興未歇門忘其貴家忘其富身忘其賢而
又忘其老其于世味澹如也余所謂樹德而錫福者非君
也邪在昔伯鸞移家吳下而為人價泰德公偕隱壠上而
並耕力作是天與之以賢而不異之以逸勞我以生而非
委我以和良亦有生之累也君則不爵而有素封之尊無
營而有僮奴之奉田廬歲闢自甘日陳較諸二氏其賢同
其偕老同而其逸則過之矣君少余三歲而締交暨年今

禮而業比屋而居母申婚媾同異朱陳迄今且皓首矣尚
相與徵福于天由耄而耄而期頤應十稔而互相慶于其
堂如今日也君其許之乎

賀太學張小儼夫婦偕壽序

邑之言科第長厚世其家者必稱張氏言子姓之多賢讀
其遺書益振其家聲者又必稱張氏云夫世祿之門席其
餘比易于修肆詩書之澤漸以靡滅不一再傳而蕩焉莽
墟羣于編泮者自古則然而吳俗益數見焉乃張之產于
吳不圓于吳吾小儼君者詎非所謂嗣之佳公子耶邑之
亟稱也固宜矣張由滕國以來多聞人而學博公始以科
名登籍于吳廟時去今蓋百三十餘稔矣司存表其里

百川先生集卷之二

十六

曰儒英弘正間由進士歿歷中外者先後三人其仕為連
寧刺史端儼翁者學博之孫而君之父也君英安勃與
朗軒舉畧無婚媾早爾德刺史翁授之學即知學課以文
即善文弱冠由弟子負入太學而竟以主器幹蠹奪其志
于是盡挈篋書分授四子而教之也益嚴于刺史時乃四
子各傳一經彬彬日以趾美紹志是競張之家聲益振矣
君日與鄉大夫綯綯于湖山之間或催花于先春或延月
于將旦文酒雅社選伎徵歌輒窮日夕靡間寒暑座客有
商今質古者君輒植袖鼓頰談鋒橫溢曲中竅與聽者忘
其疲焉蓋其脩文之志不偶于壯齡用世之才未展于暮
歲乃僅于杯酒間時吐其奇于是評君者詎徒謂為佳公

子繁盛世之俊才也即古之四皓胡以加諸先是室人徐鶴人壽六十君後二日亦六十君藉鶴人之助于內故得以專營于外乃今甲子乍周婚嫁既畢田廬日闢孫曾歲添及其門則槐陰匝地榮戟依然也登其堂則蘭芬襲人珠玉在側也前乎植德之深後乎發祥之廣而君逸乎其中有梁鴻之合德而無倚春之役有龐公之階隱而無耕隴之勞身逸而心泰心泰則太和日生大命日永奚必效焦鳥以引年貪沆瀣以導氣也而君之壽且不可勝算矣儒英公之外也與先考功同榜刺史翁又與先慈部為中表兩氏之通家累代矣某又辱交于君寔兄事之君之壽也諸大夫且屬言于某故叙君之世澤秉其懿行并原其百川先生集卷之二

主

壽郡人林文柔五十序

余觀于周道而嘆先王老之義胡其預且仁哉蓋自先主之愛養斯民也少不使罹于水火長不使蹈于饑寒後之也不過三日飲之也不踰九一其所以生長之安全之者備矣此其五十去壯夫無幾也而一則曰異帳一則曰衣帛一則曰不從力政其食之也常先人其役之也常後人皆所以全其天年而俾之馴致于耄期之域民當其時幼則為上所長老則為上所終蓋無一日不故先王之澤矣夫先王引年之令既斷自五十之老則人之及斯年者可無慶歟然世之稱壽者半以六十始乃惟吾鄉則猶行

古之道也文柔林君與檜峰李君男女之姻婭也交相矚者非一日矣林君壽五十李君以薄遊京師不獲獻觴于其家乃謁余文而寓祝之余曰有感于吳俗之儉而先王之道猶有存者彼市道之交也去來與貴賤之間而兩雲于番覆之際共利則若醴若飴共害則若阱若石求其若二君者鮮矣少與之遊無燕僻也長與之阻無違言也老與之偕敦久要也身繫于數千里之外而心懸于一堂之中方且親鴻雁而興思指岡陵而借喻而交伸祝嘏之禮余于兩君見之矣文柔君大隱于市而家行甚脩昆季五人而為學官弟子員者四君獨幹父蠱不以家政妨其專業乃其子亦繼五父以起一門之內青衿雍雍並有聲于百川先生集卷之二

六

壽吳母陸孺人七十序

夫女德之繫於有家也豈微哉顧時有盛衰則力有難易為持盈之婦易為定傾之婦難為保大之母易為植孤之母難卒焉竭立於羣伺之間中興於幾墜之日使死者罔所憾幼者有所長而再世賴之若人也詎巾幗恒事耶即邠金之子所紀而傳者亦鮮儼矣余嘗評吳母陸孺人益心欽之焉和正間家宰水村陸公廷尉廣東吳公同鄉同

朝甚驩也並以幸未之歲各詆男女於是孺人婚於吳為
前太學三吳君室朱幾廷尉公以伏閣強諫謫家軍公以
逢藩株連謫而所貴人者又相繼物故三吳君業以節俠
自命援人于下阱飽人于不烟靡盡無賓靡宵無燕醉墨
遍於鮫綃服御殫于綺縠襲平原君之風而武魯魯朱家
之義氣凌一時傲睨軒冕於是羣不逞者乘其喪而甘心
焉而君竟不免當是時吳之傳一縷耳公則有巨使私則
有隱憂幸其危而視其藏者環廬而是也亦爰矣孺人
綜其內外劑其盈縮田無不耕之奴室無不織之婢役固
寧歲賦固後時孟挾蜀巴寡之才謂而濟以孟仇氏之義
方起家不訾以俟今太學君之長而挈以授焉太學君藉
百川先生集卷之二 九

母孺人之教以樹其名復藉孺人之所授以幹其盛堂構
幸新田疇武廓汾陽之宅不廢翟公之賓復來青箱益綿
而鼎食如故也詎徒三吳君為不亡即廷尉公亦可云不
朽矣孺人之有造于吳也豈微哉不然若孺人者固遽闇
之秀重堂之媛孺然一孤嫠耳悃悃以外若弗諳也者而能
躬萃百責持危禦侮無陂不平適若此彼紳為丈夫者亦
媿之矣孺人羣婦如中稱最賢其所值家艱彼皆化為異
物而孺人則年彌七袞歸然獨存以享子婦之善養天亦
報之也壽之日獻觴者三而亟拜膝前者即曩日襁中兒
也而今且為家之璫璣為邦之瑚璉翟君在御祿養可俟
孺人得無驟然而榮以承一日之歡矣乎余締交于吳父

子間而悉其世茲承鄉大老諸先生之屬辭叙孺人之行
如右亦以見勞婦之濟家難勞臣之濟國難其所繫均重
也而凡厥有位者可以興已

刻孫百川先生文集

明海虞百川孫 樓子虛父

同邑年家子陳禹謨錫玄父 選次

叔 孫七政齊之父

姪 孫朝肅恭甫父 校閱

梁溪子督華滋蕃伯昌父

丁冊度記

丁音基

度物者負壁為依一枝一梧於兩端以承片木狀若丁者則謂之度蓋隘于居而多長物者之為也余嗜書棟架幾萬卷家所稱長物亦惟書家多實中以章護表以繭額疊於櫺櫺亦珍矣思夫鼠竄莫之能齒濕暑莫之能泥蜀若百川先生集卷之三

乙

與而壇之登諸重屋之上陳諸疎櫺之中樓之其庶乎而居無隙土麓無羨金未之能樓也嘉靖乙丑積賣文金若千緡以易東隣隙土僅數武噫茲可樓矣于是南向為樓者三極高二十尺衡二十有九尺銳半之右之偏後為一極以階下上於是移所藏而藏焉周遭高下通戶實外間非書者而余日讀於其中不知察廓之為廣吾樓之為隘也斯樓也由遞閣傑構視之不啻若度然、近市而阻河故宜喧而寂小牀而善場故宜陋而雅宅匪東益愧可北眠一枝而安即大厦不易矣樓以書建舍書則固以名遂顏其額曰丁冊度客時有叩命名之義者余不勝答也為之記是歲日南至子虛父識

涂原墓位小記

涂原者徐氏新墓也在常熟官蕩之陽坐 向 縱若干丈橫若干丈中為主穴以葬強齋先生先生諱松字天挺父某母劉以成化九月念二日生先生甫八十日而孤育之教之悉賴母氏比長文譽赫翁邑中一時以父稱者與先生而八故孺八才子乃七人者先後貴顯而先生竟不一第晚以貢為南康司訓鬱鬱、發狂疾以歸無何卒嘉靖乙亥正月十七日也年十六配顧繼周側室楊子男三立本庠生娶范隣竹女楊出立誠先卒立節庠生娶陳懷麓女周出女三長適大冶令陳官次適顧奇文顧出次適沈熟周出竟先生卒時猶未抱孫以己亥葬寶巖灣執友朱百川先生集卷之三

二

東河誤誌後二十五年為嘉靖癸亥遷葬涂原時陳氏女從宦于大冶忽夢先生語之曰吾徙宅于善地矣詢其期即葬之夕也

同穴為周儒人父夢暨公母文山顧氏并年來歸先生事劉甚謹撫子女甚均不以前室少室異心家貧賴子為人塾師僅給饘素遇貧者又輒口佛憐之不靳施與晚以子女連天屢哭之亦卒年七十生于私治戊午八月十六日卒于隆慶改元正月念二日子男女兒前記孫男二國華聘沈象麓女國是聘范斗城女孫女四長適王之屏卒次諸顧秀次諸叙州通判程三井子廓次諸曲周今王望洲子維嶽以卒之年十二月十二日合葬于涂原

昭尤為長子范山君諱立本字自端為人醇謹孝友初入庠以嫡母愛季欲以名讓季母不可乃心累秋試亦不舉自少勤苦節縮僅有餘貲一夕盡喪于盜亦遂病狂數求死防者少懈雖經矣死後啟壞垣乃得其與弟書善視子女云生于正德戊寅十二月念二日卒于嘉靖壬戌十一月朔日年四十有九子一國華婿二王之屏程廓以乙丑九月二日英濟原

外史曰余聞長老言先生益峭直不羈士也人有不善面斥之即責介不少讓晚乃却掃不關外戶遇人更折節下之竟日不裁一語若兩截人云當其疾作時揮金不顧非周獨人則諸子益固所藉若乃長君之賢後不得其死茲百川先生集卷之三

龜室記

丙午秋余挾策赴金陵道呂城之北陰雨決旬高岬為谷蹄涔之中有龜隆然挽舟者持而獻焉余乃條其津而置之孟飼以牛豕之內時聯橋南北行者殆無慮千艘咸若弗覩也者而過之而偶獲于余豈是役之捷神物豫以告耶既而抵雲陽舍舟即陸琴書之外不遑將也家故祠玄武遂命僕可畜龜玄武祠下謹視之乃行有與後先遇同邑龍山查子詰其事查乃曰有是哉余所獲與君畧同而尤異焉余殆先君一籌矣乎今之春余賓于令尉氏之館

館人持一龜來長徑半尺館在池之央澤物之易獲也固宜余竟不問未幾邑尹葛侯聘余入訓其子開閣于治內與皂某者後持一龜來云獲于堂之圮下治之去澤遠矣且詳聽之地非龜所宜宮也余始異而畜之近啟其龜尚無恙也夫龜龜類也龜者元也神其再告之矣豈徒君若已耶查且語且訖容艷之氣特甚余之與人方賈勇地風不及申一詞而去逮八月撒棘則查以明經第一名列魁選余于房考亦以明經第二入殿乃胥嘆所值之合符而物之効靈若此組冬期及計偕風霰時集祠下之龜方却食尤震余憫其寒也謀作室以居之旁甃以石下藉以茅周塲以墜上掩三瓦戶東南向以實陽光高僅尺廣如之

百川先生集卷之三

四

深信之別開一罅以便入出雖匪山簾之華而脫乎銅杓之酷龜太謂之連矣自午及酉已歷四霜余謂龜非家畜則豫且之事可鑒也乃卜日函積放諸水濱方啟積有聲啁啾然暨投之水則叩首四顧踟躕而上若是者三余乃曰哀鳴之聲徘徊之狀其弗忍乎棄也乎宋庭前却返而竟割其軀余縱之而不去今古異同無以疑焉也復歸而納諸室庚戌冬日室且壞旋命葺之追而為之記

紀黥有序

卞生獻璣荆王荆之人咸抵之曰石王謂生始已罪之刑而實玉也生再獻則再刑世無兩卞生誰識識玉者石不石易知也剖之斯觀之矣荆不剖而輒罪生、不告之剖

而甘于罪當是時生獻心未已奈無三足何日夜抱璞泣繼之以血卒之玉果出而形則殘矣意世不有剖璞觀玉而又不免于刑者哉生之泣更當何若也生殆以身殉玉者邪夫玉即萬鎰連城亦罷耳而甄士者輒以玉喻不倫也荆人一失玉而受嗤千古矧失士而至再四者邪荆玉雖失旋得矧失士而竟不得者邪作紀點明制以帖括取士閱三歲春官羣兩都十三藩先後鄉舉士而大比之士可五千人入數者不下三百蓋拔二十而得一云兩都之試主者柄之十三藩之試御史柄之乃春官之柄幾旁落房考矣房考則翰林給諫六曹官相參也而翰林居四之三又詭以文藝自任而氣陵其儕視兩主考昔亦我輩百川先生集卷之三

五

也而意侵其長廉汚異品工拙異技雅俗異尚勤怠異心而士雜然應之于是有遇有不遇者焉于是有宜遇而不遇宜不遇而遇者焉而人遂從其所遇者所不遇者而異視之余嘗就試者七蓋遇者四而亦竟不遇嘉靖庚戌主考為張龍湖治房考為邢維山鳳初場卓午而余七義已畢葉中而出日未下春也余賈餘勇繹七義甫成而陳愛鴻諫適至讀之擊節不置謂可在一二間明日遂離傳都下來讀余文者接踵矣此放榜人胥駭余亦南還弗問也未幾愛鴻貽書云君卷在維山所擬首薦矣以中場故屈為二填草榜時名在二十四而龍湖間從十八名始檢讀之逾月春以勝者不恪不可請命予墨卷讀之勝亦不恪

遂黜君而易以陳道基愛鶴者余姑之夫也是歲入教讀謝維山而聞此語道基閩人也猶我渡官至御史大夫云又十年而有己未之役是歲房考余擬曹含齋大章曹余兩世同年又同門友也命即未下余引嫌不往見而曹故所昵友羣飲于其邸諧笑間齒及余且散曹罵之曰傳語孫君旦日可早來余雅無意往而羣強之往至則曹病足獨臥密室不可揖拜賓主各張拱為禮時至榻側叱無兩口四耳也曹意似憐余而欲收之而余終無乞詞久之飲一危以出不兩日陸海樺來陸曹客也入門即云君聞曹入簾乎亦聞有行賄者乎我保為君濟之余斥之曰伐國不問仁人此言真為至于我曹以高第官翰苑不思進百川先生集卷之三

六

才以報而乃為是言脫非曹意君慎無敗乃公事也陸駭其語踉蹌去兩日而曹遣蒼頭持刺云好為我作長歌以壽錢翁者刑侍景山公父也余辭以試迫不暇蒼頭曰主人先相公入場當更迫余語之厥則蒼頭復來索詩去曹蓋餌余者數矣而余竟不悟乃余卷果在曹所取第四矣此拆瑞曹始知為余銜之甚昌言曰是某同年生性輕浮善作小詞俟老成用之余時已踰強胡未老也又落第而曹亦免官歸矣始為好言而貽書曰日承乏場屋得一卷奇甚擬首薦之書榜時竟不可覓已得于它所揭封知為君也甚悔此謬語耳而無錫安氏從曹得余卷歸我三場咸取上批詞俱極贊美今曹書與余卷具在也又三年

而有壬戌之役是歲余邑就試者十九人獨王笠洲嘉言入教養齋嚴訥時知貢舉命蒼頭檢落舉已得十七惟余卷竟不可得余聞之曰得非前度劉郎邪後數年適逢姚九華文炳云君已第壬戌矣奉在吾鄉某氏家余嘗觀之應在高等不知取君者為誰又不知莫而不取也某氏亦業尚書嘉君藝日置几上耳姚錢塘舉人余舊雨也最後為戊辰余年已踰艾其神尚未耗而其詣亦以益深夫作孟明焚舟計乃落第後三日殷養真濡未云殷與申瑤泉時行同舉是歲殷入教謁謝申曰余房有一卷甚佳孟義破可寇場余揭其號于壁將高薦之而後兩場若出二手放榜後知為孫君余恨無緣失此名士當是時余所交

百川先生集

卷之三

七

居當路者索也咸諷之曰盍歸乎世有如此中而克不第者乎余應之曰母氏則老矣犬馬齒長矣遂謁選得吳興司理而陳我渡時為浙觀察余遵禁未之察也乃德清張校官與陳同鄉張謁之問署德清策者為誰曰孫司理某陳遂曰是渠耶此三吳名士歸可致吾意亡日陳以進表行凡屬吏例有考語其考余語多溢美之陳公蒞任余未之識而何以得此于陳也已而陳晉巡撫按部吾邑余已拂衣家食矣而陳復餉以數金鄉官而不由進士通籍者上官無饋金例豈陳超格視余邪抑念庚戌事憐之邪時曹居鄉多不法監司窮治之而最日穢事益狼藉不可掄曹于己未應中十三舉而丹陽平湖江陰金壇華七八

乎以賄得者半之曹之子亦嘗云得丹陽一莊而落孫年伯此是虧心事昔人以門生為美莊曹以義莊為門生而其子亦醜之矣夫取士以文而文者未必取者又多以賄此奇傑之士所為扼腕而長往者也余也七戰而四勝不可謂無文四勝而迄無一成不可謂無命庚戌因于字拙字誠拙矣而制非諸貢也乃己未則困于無金即有金余亦恥而不為戊辰則困于後場余第恐前場踈耳若後場余所優為也不意政坐此耶而榜中人豈盡晁董邪哉較之孰與仲多邪信矣夫命寔為之也而世遂以資格軒輊人使天下之士感之為所奔走至白首黃馘而死而不悔者何限也余也留滯三十年之久往復八千里之遙抗

百川先生集

卷之三

八

南人之柔骨冒北漢之剛風驅車峻坂則覆轍是虞挽舟堅冰則沉船幾殆寇盜叢中鯨鯢波上艱難險阻備嘗之矣而又囚首垢面謁謁縹緲中餓弗食勞弗息者蓋窮三十晝夜馬鳴呼日有三死事無一成豈余夙業有負邪悲乎哉志士之窮也達生者善自愛慎無以百年易盡之軀而為造化小兒所侮也哉

後紀

余落陸慶戊辰第姻朋來唁者相踵也或曰年暮矣母老矣盍祿而養諸或曰世有如此才而訖不遇者乎盍歸乎以需次舉也二策日置于耳未之適從一夕夢謁神呼余前而罪之曰若人殊不肖余對曰所不肖者何神曰非

謂今也若前生不佳必不第矣東顧亂聲寢暗而寤者曰疾持簿來寢者陳于几神未數展得余名指而作喜曰嗣今俱入佳境矣余驚而寤曰豈夙因耶果爾人安得與命爭也遂從諷仕者策策余癸丑入選格距今且十有六年選郎例以愆期不時授上不使登天衢下不即出之淖中此長徬所以喻積薪平仲為之叱堂簿也自冬徂秋餐珠鬻桂送祿而雪廣陌風塵備嘗之矣日策蹇衙候揖庭下而退絕不聞若何久之除吳興司理余捧檄而喜曰母子幸矣往余不仕蓋不忍離母也今去吳興三日程耳曷異鄉耶耶過家上冢將母以行以伸五斗一日之養在茲行矣胡幸也比入官大中丞而下若御史監司部使藩

百川先生集

卷之三

九

泉諸大吏可數十人：異情也而胥籍視聽于司理司理為之劑其良惡條其因革急緩而上之一不讐乃公意則毀言日至即他善無論也速則委之閭閻稽滯會質檢牒勞其身以逸大吏近則移左移右攝篆以須後至益余攝德清者六閱月攝歸安者十閱月攝歸安無攝烏程者又三閱月兩邑間一日分聽之最後攝郡而司理投牒者又日無虛焉本圖迎母以承斯夕歡也乃什九在外什一在內即在內實而出終而歸復秉燭讀牘不而夜不止而余故病夫也又散人也家食時米鹽蓋截一切生計了不關涉日手一卷噉于齋中門以外雀可羅門以內草可苴也而一旦東以寇黨胃疾視事日具飯于堂一投箸則

緒永赤憤之夫紛于其目極辦撻楚之聲亂于其耳頃之門有謁客都有過賓又投筆起應之而後事：然業已無若之何為之抑情使首于茲者幾三載大非故吾矣稽生曰一行作吏此事便較余在官與在家不兩人耶蓋欲投劾乞歸者再而母氏呵之乃率未大計余應在調方展起排衙歸安而報者請間余令昌言之何害乃告之故余笑而起曰潛夫本情今可遂矣即麾吏散去又出輕繫者又撤郡幕一人縣貳二人檢視倉庫又即日封策歸郡羣吏旁睨而駭曰盡少緩之尚藉此幸有入也官而失策上偶不神矣前亦有應去者忍不肯舍胡望也余叱之退明旦諸鄉大夫董涇陽先生而下先後唁我余方以息有

百川先生集

卷之三

十

自快喜見眉宇諸大夫曰先生其有道者耶胡失得之際了無愠容邪乃鹿門茅先生者雅知余尚貽書數百言謂余不再仕為高而從吏之又明日入會城辭諸大吏罔不異余是考且以余不盡用為惜已復慰之曰君第行安知今日之遷昨異日之階耶余辭謝曰節母老矣茲調必速惡將之固難離之不忍先人敝廬可庇風雨薄田可續饘粥不敢再誤矣軍門秋潭熊公曰若年尚強何亟言歸吾僑所養政于得喪履用之一失意遂浩然如許耶又曰凡視篆而歸者例必遣查此以防匪才耳不為吾輩設也若第行余婉乎其言余又辭方伯節齋劉公郊而入辰而給文出矣且遣吏持刺屬之曰為語司理君政恐旦日來領

既勞之且滯之耳母更謝為也于是扁舟竟歸途中戒鳴
騶絕鼓吹徜徉三日則遊烟波雲樹間至驪也會鳳竹徐
公權順天京兆行有日矣促余共濟余陽應之曰兄携家
以行似不可共徐曰當為兄更覓一舟耳余又陽應之曰
始余意不赴調亦不起文案友署郡者曰起之便異日更
來索文良難遂叙余上官獎調于文余讀而駭之曰得無
傷銓曹意乎作官若是而調之考課者非矣故難于行耳
徐曰第持文來遲之數日保為兄易之又數日會徐于譙
所問曰文安在耶謝曰兄意良厚弟本不欲往而兩端遭
辭耳徐曰誠然耶惜矣惜矣余自念居官三事詢可固施
而計吏者曷為以是報之也固疑之矣乃郡而觀者則或

百川先生集卷之三

十乙

府藍君也藍歸貽書謂曰考之日先郡後縣郡諸公俱各
報最迫歸安有葉丞者五花考中有速化語時中玄高公
以內閣攝大冢宰勢張甚遂大說曰此二字似識銓部化
之者誰耶所為速之化者非賄耶彼何人斯而訛我善此
衆愕然不敢答憲長崗峰曹公隄而告曰知府物故攝篆
者孫推官也似出伊筆高益怒將加重譴覆考君語俱上
上迫于公誼僅調簡耳余曰此豈偶然哉意余宦官未幾
與守藩坐偶談此丞善饋且多遺穢今幸他使不爾將按
之此丞先予若干時去矣未識也而其行則給于余比余
攝郡時親期迫矣一時諸上官取辦于余而余于葉實有
是語蓋主于先入不謂逢彼之怒亦豈儒不媚避忌耳久

之子始知露出于藍前書謗語耳先藍藍仕西安司理考
最赴召以姻連宗室稍外余時識于燕都竊目為老吏且
同官而長輒兄事之而不意其相左也余以蒲鞭小懲而
藍矯以峻刑樹威余不察察細過而藍詭以搏姦為神且
善伺守意唯諾卑徐而守亦惑之為之延譽見謂為卡然
以長者稱守未嘗不先余也間以文藝聲詩乞于郡諸大
夫者守又悉推余應之文成守擊節贊嘆不容口歲試諸
生又悉推余甲乙之而守敬愛余彌篤藍益忮矣故事郡
守缺郡丞當代覲藍雅不欲往詭曰丞准官後司理一月
司理詣郡事當行上官難之卒屈于例藍且忿陽為好言
而感額曰行則行矣奈資斧何余諭諸州縣常額外益金

百川先生集卷之三

十二

可二百餘又搜長府得羨金若干悉讓之而余私贖亦數
金以上藍又謂余曰共君相朝夕甚驩也今將離矣得無
一言以寵余行乎余不虞其忌余者政以文也語而贈之
觀單藍且歸笑謂偕計者曰孫君此時後能坐郡齊美筆
札耶余本不工于文而吳興大夫士采名者雅先聞余既
至赤帑者索我以贈言青衿者叩我以校藝余不能盡却
也乃有善私謁議吏治者不之余而之藍由必目之曰酷
吏俗吏云當是時藍既藉守得譽守死而藍遂薄其子余
始訝渠非長厚者然亦晚矣藍與高同鄉還郡未幾擢余
一東臬以去而險詭傾危之狀態露甲戌再計吏而臺交
之坐免巡江御史某峰陳公亦論藍者先司臈州理與

余同時又庚午外簾同舍也按吳日造余語藍諸狼藉事且曰姑無它論即傾同寮亦若干人公其一也公長者隨其術不自覺耳往歲考課時侵公若何語余再叩之連呼不足盡言而退余也中無它腸而或不戢于口獨于文事未能而有志焉未仕時一觀張杜者流必離疾之不自意首為法吏且值器訟之郡而又不忍用重典罰二十以上即為呵止問之政殊不快人意與人語必數肝膈乃有以虎噬獵名以狐媚要譽者日徂伺而勢擊之宜其及矣

最余在都分守滄溟李公以賀表至余謁焉而語多溢美若有為之先容者李齊人也何自而知余嗣李者鳳洲王公余藉雨也不以屬視余亦不以官召余而稱之曰公余

百川先生集

卷之三

十三

或獨謁之乍入門王已親矣亟入內揖余而進若輩仍命先出蓋不欲以進退兩參辱余也嗣王者為確菴曾公余又以文學政事兩辱知焉余有識必當公意曾有撰必委余刊定時近滄谷公開府浙鎮常眾中呼余出班曰余聞君吳中名能文人也余有三文若其代諸余謝不敏庶時持以獻谷仍于眾中極口贊嘆而即以葉委藩司錄焉于是閩省譁然無不知余者余之不棄于君子類若此而一人能立敗之信矣乎余之命也今歸且數年矣舊治所知或緘書慰存或遺餉相勞或訪余草堂三四日不忍言去者乃吏民亦時來叩首堂下稱恩府云有嘲余者曰君素一第而博一官、未一考而歸、未再期而子喪母也類

如兩孫孱孱如生計日削老態歲添君嘗夢入佳境曾是之謂乎余應之曰人莫遠于閒莫福于壽余也日高而晞髮下春而偃卧賓至一局客退一琴上膳高堂即投跡于山之厓水之澍與漁樵相逐久之忘余為貴人或不肯讓畔且與之爭坐矣二簋在案萬卷在架性不解飲而詩喜言醉貧不畜伎而歌能正諷花月之譙詩奕之社未嘗不興也且踰六望七日嗽數升若是非佳境耶神豈欺我耶彼藍氏之子惠我多矣吾何尤

陳貞婦家傳

貞婦張姓常熟虞山里人也歸同邑陳氏子榮陳之先以詩書世其業悅齋先生九疇博通羣籍潛心濂洛而家學益昌邑乘列於儒林榮其孫也榮自少資穎絕人書一覽默誦不遺題冠已晉為廩生時譽熾然未柱而天貞婦甫二十又八上有棄姑下有孀嗣終鮮兄弟而家又貧貧因所藉以聊其生貞婦哭哭絕欲俱死乃又念三世是繫即死陳不血食矣會有寇警貞婦盡鬻嫁時永瑛以襄事勿之有悔旦日營具食堂上復自乳襁中兒身竟不獲一餐也兒就外傳乍離懷中震而啼或不食貞婦亦不食疾則周章藥禱間失相焉命姑暮年嚴燥難事貞婦委蛇克諄卒底於豫姑沒為之羹子冠為之娶女并為之嫁凡更凶禮者三嘉禮者三無尺寸之藉無強近之助即丈夫其難之而貞婦以一孤孀萃百責比婚嫁畢稅家政于婦作可

百川先生集

卷之三

十四

息肩而孤兒又殂貞婦復字其遺孫年益衰罹變益多其創益鉅其勞瘁且百於曩時也晚歲孫男女並授家室兩孫先後選為校官弟子有雋聲而貞婦年八十以壽終卒克保其廬不墮其祀其有造于陳大矣豈天慫遺一老以興其宗耶貞婦法應旌典邑令馮汝弼嘗大書貞節匾其廬擬開諸朝會去官不果且其家貧固以行賄故也予一紹武紹武字繼儒父榮為翠巖先生故孫見巖以寓思焉甫睟失所怙母張鞠之稍長知其先世及母氏盡瘁伏父志以儒業自見盡發其遺書讀之出門交必當世之名士見友之執恂然承以溫顏而友之執亦念翠巖故交愛之不啻家人子夫婦拮据繼繼番稍繼繼爾負去其三乃其

百川先生集

卷之三

七

質脆弱面白皙而唇朱兩目半視未壯而多髯相者曰夫夫非遐狀也年三十五竟卒紹武雖蚤世未報母劬而存時奉張極甘旨夫婦藿食不充庶幾乎一日之養云娶夏氏子三策三劄俱庠生夏氏逮寧郡守錢峰公女也始公與翠巖同庠每試二人互相先為諸士寇故二人相友善會兩家婦各有娠二人相指腹盟曰生或男女幸作配無相忘也而公家乃誕女陳誕男未幾翠巖卒家貧甚或諷公曰前言戲邪豈遂成之耶公曰此吾心也負吾心者有如皦日即以媒屬所諷者而夏女卒歸於陳男云時公業已舉進士官二千石矣夏氏為貴介女一旦墮貧家或疑之得無傲而愆于儀乎夏氏乃即解所衣繡綳綺殺服三

澣衣短衫窄袖日供力作未央而興漏盡而寢固急朝夕盡易裝具置田給贍間在侍色愉聲柔奔走先後惟姑意是承姑憐而心之則曰婦道固然也客有知子而來者又輒供具為饌念陳三世單傳若錢買吳姓女飾之以進於夫而吳女三孕不舉僅舉一女夏氏則聯舉二男豈不妬之報邪抑陳之世澤不可使珍享邪無何夫婦相枕疾夏氏夢一丈夫抱二孺授之曰以累汝寤而審厥狀姑曰其吾先夫乎夫聞之泣曰吾父不以授吾而以累汝吾不食新矣未幾夫卒夏氏且疾且憊自是痿莫能興不復飲食日惟飲醇酎數酌若是者餘二十年所即在床席而上養厥姑固有不度亦罔有不腆每上食必命持詣榻下審視

百川先生集

卷之三

七

曰可矣乃敬進之教二子愛不忘勞二子亦雅馴克當家大人之心今並列為弟子貞風有祖風陳之興其在斯乎自夏氏歸再更三年喪四娶婦一嫁女終其身無一日之逸也哭姑致毀故恙尋作相繼卒兩世一節國人交美之外史氏曰古稱貞婦有夫乃編戶之家罔克朝夕卒能上養其姑下保其孤死後保其孫四世賴之若陳貞婦者亦鮮儼哉美廟初陳有以節婦表其宅者今棹楔具在也貞婦豈有所聞而與邪貞婦全已之節厥婦效之亦以全其節又胡陳閨之多賢也余亦孤嫠之子與貞婦隣而雅善其子若孫故作陳貞婦家傳俾太史氏采焉

亞乞傳

啞乞者乞於虞陽之麓數年矣虞之巔玄武之神祠在焉
靈聞四遠三吳之祈者報者與者徒行者行數步輒拜起
再行者陟者降者議而尾鱗而次日無慮數百千人而春
日為尤羣乞長踞道周候若人而乞焉乃啞乞故啞也即
乞又不能劬羣乞以呼于是綴鈴左手搖以代呼而以右
手指其口舉頭搶地目攝唇張梗棘可憫東西行者輒擲
以一二錢多或至十餘錢有恻弗與者亦聽其去不乞也
日暮積所擲善呼者反不逮啞于獲最少者又分與之遂
能雄於羣乞間而聽其所前却群乞窘行者多索錢啞至
輒麾以散啞前後積錢可數百緡遇塗不治者梁且圯者
輒捐錢助其役旋乞旋助不留一錢一夕夢玄武神界以

百川先生集

卷之三

七

一粉尤大如雞卵命吞之厥明能言矣余嘗偕陳太常山
行啞遂連呼余二人姓連拜道左棄鈴不換也余怪而詢
其姓名貫址則曰乞胡姓章一名邑之梅李人也述所夢
甚悉然舌猶木強不可了逾月後遇之口吻益清利顧
似僮父語不類吳音噫亦異哉夫啞天譴也又不能自活
而假於乞亦何藉而為善也以勞且辱得錢而以慷慨散
之散以利物錢得所用此其一念天實臨之矣前此生而
行惡故譴之以啞今此生而行善遂報之以能言天其假
伊人以警衆邪毋謂天為無知謂小善為無益也而世之
給惡不悛轉口自文者將啞報于再生矣

送少司馬近滄谷公績成應召頌有序

士之始進也非上之人有以教誨之保惠之則罔以行其
志而遂其良是獲乎上者斯治民之猷而慎厥初者寔令
終之道也然位崇者其分易疎德尊者其識難合而始進
之士方且嘗試而冒為之乃或周章于簿書倉卒于酬對
其為過也亦鮮矣今司馬谷公之再仕于浙而果再遇之
也詎非至幸乎哉某之筮仕于嘉邑也一命甫膺百里攸
寄將小鮮之難烹而最錦之易傷也時則公分守于浙右
進之門牆胥之教誨矜其不能恕其不及而某幸免于罪
戾乃今來守吳興庶幾重時事彌艱加之淫潦日以饑
饉公權于十有一郡之中而診念是邦額天獨租三微其
一數倉仰哺十散其九民之不為魚鼈不為盜賊也有由

百川先生集

卷之三

六

然矣民賴公以生而守賴民之生以治公之有造于某又
奚啻嘉邑已也古人重知己之報而尤莫重于賢者之知
今公之應召而往也某則胡以為報耶敢序公之生平
而拜手以獻夫大司馬谷公者當代之偉人也公產于東
海之上梁扶桑朝旭之精乍離溟渤而寰宇騰輝南麗禺
中而幽遐普照以故年未弱冠聯奮甲科一命而花封再
命而粉署三命而惟藩惟臬官轍所駕罔不風猷先馳膺
功隨効跡其錯綜于鉅細劑量于緩急一切兵氓之利病
錢穀之盈縮人材之黜陟風俗之懋惡又進而國是之從
違密勿之獻替悉炳然先明並燭照其畫規也素矣其閱
歷也深矣其敬應中外蓋三十年所矣曩天子明聖選

念東南簡在我公殿此雄服公乃疊書按部露冕乘軒親使節之復來歡父母之孔通卒之歲星所守海若初靈夷氣淨掃鯨波晏如公復推經畧之餘條撫綏之令察政蹟而踰墮之吏奮矣黜貪墨而苞苴之風慙矣禁囂訟而告訐之門杜矣表貞烈而孤孽之幽闢矣稽積貯而出納之姦息矣出之于兵革之中而厝之于衽席之上洵足以解膏肓之懷寬東南之顧而蒼生之望之者且遍于天下矣于是功懋而進之賢勞而優之賜環過歸側席延佇蓋不悉以四海之仰德而久淹于一方也乃今海宇寧謐守在四夷安所事兵而杜猷石畫先聲伐謀如公者又不待運籌帷幄折衝樽俎而狡馬醜虜行且噉息無所矣兵革偃

已之私乃代為之頌曰
惟天純佑篤生偉人降神東土于海之濱朝旭乍吐羲馭其輪升于扶桑四海向晨公之陽德獨燦日精厥蘊赫奕庶施光明家為神駒國為瑞麟焉收伯長為社稷臣官轍所駕垂三十春公之來兮撫我越氓鋤暴以義煦弱以仁以正肅察以躬導民靡風以珍洗俗回醇庶績惟熙百度

惟貞惟吳之興歲逢不辰伏陰恒雨一壑無垠歲凶無食食竭無生民既瘁心守也靡寧惟公哀之請命帝聞爰錫常賦爰開常平饑者弗啼病者弗呻懷公之德報公于身惟越有山高煙嶺均千秋不磨似公名惟越有水汪波澄清千頃不竭似公遐齡公望彌隆公政永成天子有詔掌于本兵一節以趨龜日戒行民則公轍應稽公程老幼扶攜出守之庭公不我留守不我鳴我思我公執達我情誰惟民情守亦同心而仕屬吏十歲門生誨子耳受德方而承公今去矣于將瞻親乃代民語并摠我誠是曰去思是曰頌聲

麟趾頌有序

已邇一陽之月邑侯中台留先生始誕元子是夕也雲耕降天樂鳴環治而廬者悅焉聞且觀之也於是縉紳之老下逮襁褓之夫咸欣色相告稱賀于侯或餉以甘飴或獻以錦裾踵相接也客雖縹于儀而侯且麻于取徒僕耳乃侯世澤之邇吾民與情之公迄未有能張之者某不佞請從邑子之後而贈言曰語云公侯之後必復其始言神明之胄代生諸人也五季時留之先達邦漳泉爵稱邵國既而歸歎真主民無橫罹以長育閩民并於吳越之錢焉當孝光朝忠宣公以一代偉人正色侃論天下稱焉賢相愛及苗裔不殞厥閑留與趙宋寔相終始夫忠宣之去鄂國若干世矣侯之去忠宣又若干世矣蓋六百年于茲而

侯之高曾而下復以詩書科第聯而魚貫惠決黔黎功
存宗祏其植德滋矣其取數多矣世家著侯世德著侯而
食天之報也詎有涯耶乃侯之為宰也有不可欺之明而
行之以恕有不可奪之色而劑之以和勤于在公而擯無
晏眠慎于防微而戶無夜敢吏曰神君罔敢行其奸士曰
良師罔敢懈于學詩有之民之父母侯之謂矣侯以父母
之心而子一邑之民則民亦以人子之心而顧父母之有
子民以為子疎而親者也子以為子親而親者也多男之
慶祝于先封維熊之占協于斯于振古如茲矣夫其不生
于筮仕之年而篤生於政成之日者則以侯之惠民也久
故民之望侯也殷民望之殷故天眷之焉也夫豈偶哉稽
百川先生集卷之三

三

之世澤既如彼傲之民情又如斯斯嬰也行且嗣侯而
興以詩書為其家視科第為舉與不佞所謂必復其始者
不誣已在昔澶淵之王而崇慶躋于端按嘉禾之馮而敏
功列于雄藩是二氏者皆宰於廩而其子饗之者也侯今
三之矣允若茲則斯嬰也詎徒一家之瑞抑有國者之瑞
也夫物莫瑞于麟而詩人以麟趾與公之子不佞敢繹周
南之義而申之以頌其詞曰

於赫高門表茲南閩宜王不王知廣知興民脫于戰身完
于名開國上公相國元宰榮輝千秋澤濟四海延際天
朝奕々絕々丕顯有祖丕承有孫猗猗我侯武麟庶美仕
則初年才非百里棲棘為鷹行宜為驥六載政成四境仁

軍天錫雀胤一索得男民方何怙侯寔我父侯兮未子民
胥吾子昔子者民今子者嬰節彼虞山為嬰降神振々公
子人中之麟惟麟之瑞生與人異不拆不副克岐克嶽諸
侯之書嗣侯之弟吁嗟麟兮四靈之匹吾言可徵以俟異
日

壽大司空鳳竹徐老先生六十偕老頌有序

萬曆攝提格之歲鳳竹徐公之登仕也則踰三十年所云
肇一命而躋八座應外服而履履廊幾焉我二十四考矣
當是時公開府于浙

天子念公積勲賜之環俾掌我邦土已又念我公舊勞于
之告俾需次里居進辟于國而退安于野者下事上之道
百川先生集卷之三

三

壯校以艱而老優其報者上體下之禮君臣始終洵兩
全矣乃是年而公之甲子甫周始稱六十之老禮曰六十
始壽夫公之壽詎一家之私慶已哉海內飲公之德而祈
公之年者遠則走幣近則獻觴且充閭閻塞衡矣乃鄉之諸
大夫則飲色相告曰徐公者邦之大老民之具瞻也吾儕
幸同其鄉復幸值其在告之辰盍往慶諸而余以言屬余
不佞謂余與公同年生也余不敢辭而遂言之昔歐陽氏
之記畫錦堂也而以仕宦至鄉相富貴歸故鄉詭為盛事
意是矣是哉之二言也恒人之所羨而非可以愿于君子
也君子仕止以道久遠以時其出也則為麟遊為鳳翥聲
施于天下而天下歸功焉非麟鳳以為高也其康也則為

龍蟄為豹隱澤被于一方而一方歸厚焉非遺榮以為高也公瑜冠通籍東西南北惟所命之險遠而鬼方島道艱大而錯節盤根軒車所屆殆半天下公大受則民受大利小受則民受小利爰遺勿翦之棠門哉不言之李焉萬姓請命而千里更生與羣枉相角而三禱不屈自公之入仕而改物者三物情之變亦三時尚賄而公無私謁時尚通而公無私交時尚守而公敏于趨事苟利于國違恤其它卒之望日起爵日崇而有服大僚非幸也宜也乃今循四時之序身退于成功摯一經之遺嗣起而繼志歟其未盡究之才以施政于家樹表于里吳俗靡矣公示之儉吳風喻矣公作之忠末學者仰之為範模問政者聽之以因革

百川先生集

卷之三

五

余所稱聲施于天下澤被于一方者匪公曠克當之若彼容默取元位者則循資計日亦可以序進即卿相吾何榮亦有溺焉不心被放而歸者則不免遺評于月旦雖富貴吾何羨歐陽氏之二言公固無之而余不為願之者以所重于公者有在也夫天下歸其功而是功也即不朽之業也一方歸于厚而是厚也即不毀之質也是公之壽公自致之而非天獨私之也壽一人將俾之壽天下之人壽一方之人也余是以占公之年猶之乎方中之日方至之川未有涯也越明年而公之室人滿夫人亦彌六十公之仕無一日不勤于官而夫人之依公亦無一日不從于邸公之克脩臣職以專于而國者惟夫人焉是賴夫人之克脩

婦職以閑于而家者亦惟公焉是助臣之事君婦之事夫道固同也而今也鼎食共車翟綬相輝若正獻中國端居一堂而瓊枝玉樹又競秀于其側也猗歟休哉是可頌已

頌曰

於赫徐宗玉顯奕代漢聲南州茲來東海：若幼靈載毓名世天方北斗知子底柱公之應官匪一朝夕于郡于縣亦藩亦臬宦轍所屆江湖閩越澤俾春兩潔孟秋月厥位彌高厥施彌普百僚師帥萬姓父母為封疆臣亦社稷臣衣水東歸欽哉四隣列鼎是甘倏憶夤華仕兮朝宁歸子海濱乃身畎畝乃心王室國是從違公形欣戚而心尚赤而髮尚玄豈其東山公終老焉帝簡攸在物望攸屬惟天

百川先生集

卷之三

五

公壽惟公民福公壽維何俾熾而昌俾爾偕老為鴻為光慶延于世爰及子孫謝庭芝蘭鄧林杞梓余也祀公龍麟殊倫八士同秋三星向辰相期皓首共撰杖屨仕不同朝隱則同侶

還金頌有序

余友墨津東君古為行人也身無邪動口無謗語外莊而內和與之交始若嚴之久而益親之其視義利果如也嘗夜行交衢有阿堵拒其趾君懷以歸燭之則白金累也君乃衛其重輕數其多寡既默記之矣旦即榜于里門以召亡金者或誣之曰餅儲罄矣襟肘見矣天其假手以賜耳毋迂為也不聽頃之速有兩人來前君密扣之不合揮

使去家後一人者啼而來且乞曰公活我、貸富人金未償也斯夕飼豕、幸肥大昨付屠家易金一餅又旦、負擔市中積散金若干共一囊也挾以償富人今已矣固可為計惟自經死耳賴妻覺以免公其活我君曰噫夫、良是也遂挈以還之啼者始破笑頽剖半為謝君堅拒不受連叩首數十以去君治戴氏禮歲必籍館穀以聊乃邑之業戴禮者不數君家恒虛館自食即有館亦積金半歲可登前數又按時量給先給者轉手盡矣弗克聚也而君一旦得之輒一旦棄之視金若賸不可嚮過君故貧士也不尤難耶夫貧視其所不取即使君利達有位矣棄萬鍾亦若是金耳君今且踰耆猶勸書佔俸祀、不以失以父

百川先生集

卷之三

五

藝顯余謂君之所重者不在文也為之頌、曰塊然者何以障吾趾蹴而燭之囊金繁、匪降自天繁其有主嗟彼主者與金生死拈之還之若脫敝屣周行憧、過者凡幾天俟袁君用彰厥美昔披裘翁棄而不視有分禮生視而弗取于已無營于人固利何如來君且仁且智仁全其生智轉其偽潔士避金若蝟避賊一涇而汚三澣猶渾貪廉殊途等此金耳懷之即穢棄之即義彼錢癖虜晨籌夕計君雖長貧有負吾志君秘不言天鑒不邇友生作頌敢告外史

代嚴養翁謝諸封表

伏以崇文紹聖乃至孝之攸先著錄歲書須太平而大備

微勞率錄雖遐不遺被優渥之非常但澆兢而失持伏念臣陋謏寒賤崎嶇卑賤士荷先朝之春遇每察愚忠幸四海之清平得容尸素常陪法從久廁翰林晚綴宰察仰聞國論乘時竊位曾何裨于萬幾積日累年訖無稱於一善自傷灾疾漸負休明乘駭並馳驚胎中道而先蹶羣材方茂蒲柳未秋而已凋蒙先皇帝推之以至慈容之以大度既許解其印綬後俾逸於田廬雖曳尾之龜涵育未離乎靈沼而後施之馬悲鳴難聽乎君軒舍涕言旋與疾長往國恩未報但虞填壑以遺羞金鼎已成豈謂攀胡之莫及痛深喪考恨極終天屬聖統之嗣興赫皇明而繼照伏遇皇帝陛下春秋正始膺數在躬天作之君表冠倫之大聖

百川先生集

卷之三

五

父傳於子昭立嫡之至公開明堂而朝羣臣車觀新政建皇極而王天下章際昌明日月重離華夷胥慶雷而作解天地同仁見光於燭克萬終身之慕續禹之服惟期大器之安領鳳曆以改絃飭鴻圖而卜鼎臣賡伏山中仰睇天來雖朝廷繼述之盛得與者為榮而犬馬筋力之桑榆疲而已久乎卒瞻于魏闕但極馳心太史滯于周南惟知嘆命詎圖大典之告畢忽荷殊恩之普如念自古之類書惟是編為家鉅門分胪列玉獵珠蒐靡一事之或遺雖片言而必採誠皇上制作之獨步而古今該博之擅場先帝尊祖右文特命數年之繕錄皇上通追克紹遂成一代之文章孝以揚先文湛經世堯典詰而鉅麗並雲漢以昭四臣

在局無幾即安有年揔其綱罔詳其目與其始末迥其成
擬諸校閱之眾臣莫肯勞勩之百倍茲者大需傍流洪恩
曲被遠者與勞者而共貫遠臣與近臣而均施既會天以
為能復因人而成事身居畎畝仍聯天關之清班道婉師
儒乃忝春宮之峻秩天施地受難異眾而獨踰躅踰高
但撫躬而罔措念先世曾叨甲榜雖已冒乎封章既後人
甘遜衡門後終守其布素以敦行焉家範以遺經焉世傳
百年而始教于臣一旦而榮及其祖丘中朽骨喜回春于
九原堂上秉顏修拜恩而具慶縉紳感悅羨人臣之克終
聞巷歡呼嘆聖君之念舊手加額而亟拜頂磨墮以難酬
顧壯圖未衰而疲軀難策荷乾坤之亨育國日月之照臨

百川先生集

卷之三

三

斥鴳逍遙遂其物性病樗擁腫盡爾天年詒政治于漁樵
時宣上德失忠孝于孫子毋報國恩伏願保全天和緝熙
聖學治隆政本舜重華以協光位在德元故能賢而繼禹
圖終惟始嗣德在初五百歲而生幸親見聖萬億年其永
不替惟王

擬台大學士劉健李東陽謝遷至平臺議政事謝表

弘治十三年

和治十三年六月某日臣健等伏蒙 聖恩召至平臺議
事者伏以翠華臨御一人躬初平時焚禁禁傳宣三樓頻
勞乎顧問謙德光而羣策舉軌道健而庶政脩治做無虞
心兢大兢臣健等誠懼誠忤稽首頓首竊以天地神感通

之道乾坤位以成能君臣際會合之期上下交而為泰亮
開衡室若時若采以嘒咨舜闡摠章四目四聰之畢達蓋
國事匪一家之議而廟謨貴庶言之同慨自四岳之罔詢
遂致五官之不治恩疎造膝而分隔堂高忠乏格心而機
連巷遇受釐前半夜之席宣室徒問乎鬼神賞花極竟日
之遊內苑祇裁乎詩賦樓標勤政時陳俳劇之場閣啓天
章僅聚圖書之府官牆密邇雖遵日直之規當陞森嚴未
觀畫接之寵九重邈矣兵民休戚之罔聞萬事瞽瞍文武
忠邪之莫辨若乃含香在侍聆帝問之勤渠簪筆以從拜
天顏於咫尺事罔任乎獨斷謀必尚於僉同肯首從人俯
躬舍己未有如今日之盛者也茲蓋伏遇 皇帝陛下仁

百川先生集

卷之三

三

同天覆明並日臨純心用賢思夢寐于帝齋勵精圖治用
顧畏於民出休而勿休聖不自聖未央朝罷義馭已臨乎
馬中長樂歸初帝座頻傳於漏下當陽常殿乍撒形庭避
暑平臺旋移紫蓋深惟理道廣佇論思謂大廷尊矣而不
親慮百僚泛焉而匪要側席而侍旁以待曉軒而飛騎以
呼檐馬忽騰簷鳥先噪臣等聯鑣而至一節以趨借寸地
於玉階陟九重之青瑣事關軍國俾共平章四顧咨詠進
三公而論道萬幾總攬資一德以浚心念京師係根本之
地戎以重兵而國營多斯弛之林卿須良帥逮牙開府奚
堪棘輪之缺推轂臨戎尚習純禕之態曰賢曰否公論採
於國人咸默或留大書嚴于宸筆以作士氣振皇國之威

靈以謝人言保勲臣之苗裔禁中而定頗牧未須斟酌以
思座上而輝兵權莫當運掌之易心存天下外寧而切內
治之備應正日中文字而嚴武備之預禮特優于輔弼畧
秦始之常儀志選慕乎皇王陋漢高之卑論臣徒守寸謝
經綸學漸軍旅陟華政府藉久麗於金閨聯案樞垣職分
調乎玉鼎章光舜之在上與周召而為徒名幸覆于金甌
歲思進於丹宸當此大無諱之日正值人自獻之秋下禹
拜以致：惟思保治失臯謨而贊：敢謂知人非仁義不
陳于前有謀猷則告於內進盡忠退補過諫折上林之枝
入造辟出詭辭敢言溫室之樹調鹽梅於金鉉戚足惟三
濟舟楫于洪波乃心則一伏願皇圖益鞏帝載惟熙內順

百川先生集

卷之三

三

外威履盛而戎兵之克詰文恬武靜榆才而俊民之用章
登對已及元寮仍諫官入閣奏事之制經越不徒進講後
儒臣分番宿直之規望如雲就如日近寶座之光華天與
久地與長綿玉膺之福祿臣健等無任瞻天仰聖忻躍屏
營之至謹奉表稱謝以聞

擬宋贖呂端第賜子蕃等廷臣謝表

祥符二年某月日伏蒙聖慈出內帑贖故相呂端第賜戚
子蕃等謹具表申謝者伏以箕子哀治居第當傳於子
孫桂枝蘭馨世家自別於編戶慶典有數往復相仍荷帝
命之自天慰先正於下地臣等誠惟誠忤頓首頓首上言
營窟制陋聚居伊始於有巢棟宇去隆宮室肇卑於大禹

鳥鼠不避嗟尚質之風微羣草相高嘆崇奢之俗醜丹楹
刻楠朝華麗金屋之重：枕蓀節山夜月映玉宇之皎：
欲不可縱道豈能長梓澤丘墟隋樓之美人何在蘭亭蕪
沒情懷之陳迹無稽禹衣巷口之燕常飛百姓之家廷尉
門前之雀可張三面之網平泉之一木一石旋已奪於勢
家房杜之無子無孫行且識於身後顧惟鄭侯之速慮與
夫疏廣之貽謀垣屋不治漢家徒侈夫未央子孫未賢老
臣恐使其益過荀邵之族降為卑隸悲晉政之已衰好教
之子行而負薪知楚網之不振故明王之仁不遺故舊而
君子之澤愛及裔苗蓋伏遇 皇帝陛下制六合以高
家保萬民而君子天書錫祉偕東封西禪之儀兵符耀威

百川先生集

卷之三

三十

快北伐南征之後波平大海四夷知中國之聖人叙卜高
臺百姓謂吾君之有子伏念故相呂端宦績已著於先朝
相業後隆于繼體據蕭下拜大事曷有糊塗造碑上陳密
表何嘗尤放遺章哀布既隕涕於龍顏屬續驚聞後視舍
於鳳輦茲以永銘弗稱于傳家堂構已屬于它姓汾陽之
門牆仍在顧主人之已非鄭侯之書籍無存嗟遺嬰之弗
守乃捐大府之積何吝千緡俾贖居傳之人挈還二鶴鳴
珂巷裡相門之禁戰依然平沙堤邊侯家之槐陰無恙九
原可作遙如瞑目之甘百辟咸忻應免頓足之惜茲豈特
一姓之禁而實動羣臣之義者也臣等上思天恩之難遭
下推人事之巨測遺家餘韻失身後之杜鰲覆轍番舟指

目前之殷鑒恩施於死義感千生伏願正誠四方寶金甌而弗毀端居五位調玉燭而嘗明子傳子孫傳孫一姓百王千萬世身使膝、使指三公九卿十二牧臣無任云云

城成謠有序

在昔天子守在四夷諸侯守四隣阨塞匪險要害不恃蓋衆人和而畧地利尚民信而去足兵鄰魯遺教則有然者自大同世遠道德既降于是尚書則勤墉是稱大易則復隍垂戒設險守國不以世治懈其防重門待暴不以築僻安其陋城禁之謀自古以來未之有改也夫城者盛也所以受民而為之藏也山川丘陵乾坤為之司固溝池城郭王公所以城民無城是無民也一夫難作而姦焉放彊莒百川先生集卷之三

王

人自仁良可鑒已 皇明誕興薄海內外咸入職方名都巨鎮固弗城者常熱為缺輔望縣生聚輻輳不下小郡襟帶江海則防遏攸先鎖鑰吳會則封守宜密而城獨缺然垣缺址夷蹊徑旁午民且廬之田之而官課之稅中盡慎固之義詎如是耶歲壬子蒼野王侯來館縣章慨然因新之時趾民訖未遑也未幾倭奴入寇二浙經驛既而暴于上海于華亭于嘉定于太倉于是邑大夫若士若父若若小子議城是城定而後告侯曰吾意也議如邑侯以聞于上官若都臺若察院若各道若府咸曰戒永初備不虞良令也議如侯乃創式丈餘凡高庫庫薄使墉能糧遠通事期靡不是準礪鐵磚墜木石標炭膠角顏采靡不是

的于是各梓如雲登、四閩經始于癸丑七月十旬而落之下壑上削畫道宵還鈴柝是節故閉以時外靡作姦內無火麗遠而望之樓櫓斯翼睥睨不塵岬半斷岸盡乎長雲迫而察之鐵樞鑰、石欄齒、赫連土蒸麤秦鼎塞登而覽之虞早虎踞雙湖鳳翼巨海不波羣黎有城俯而視之絡連列肆囊括萬井廨守填委庾府充初鉅麗哉常熟之為縣也侯績偉矣是役也以費則罪沒金者七義樂輸者三上不損官下無箕歛君子謂之不費以使則城居力什之四鄉居力什之六賈不罷市耕匪妨農君子謂之不擾以勤相則程能計日按勤熱情侯日巡者再長時督者五君子謂之不輸一城而三善備庸可無書乎夫築于無

百川先生集卷之三

王

虞其幼緩祇見其勞築于多故其幼速始利其障方工未半寇北由江掠我福山內民以城故謀外使以避之及工告成寇東由海大畧我四鄰外民以城故謀內使以守之民命之懸于城豈微哉夫是以勞而不怨煩而無謝古之勤衆而不諱未有如今者也鄉校毀僞慶表請祀聖賢且爾侯之得民必有道已予聞邑之贈言琳琅滿家予雖不文義不獨默愛采民之相春而樂括之以獻以附諸大夫士之後其詞曰

維虞作治兮箕山之陽萬家成聚兮稱雄江鄉義我樂郊兮積倉相望含哺以老子兵革是賊解秦彼島夷兮倭爾跳梁爰挾鐵艦兮乘風以航海若無知兮若助厥狂寇我

浙水兮吳會剝床解俟諭我民兮若無皇：保障惟城兮
無則淪三子為若主兮奚忍汝傷汝其子從兮俾汝永康
解彼有臣室兮亦茨其牆兮茲壯縣兮詎可無防民愚而
神兮利害孔明叶上下玄同兮謀用是滅解遺地陵夷兮
幾回可詳耕為阡陌子廬為室堂侯懸觀上兮告以明章
按圖立幟兮據者速馳解運台閣石兮人授一方百堵斯
興兮春杵彭：叶且督且勞兮侯車不遑天為効靈兮不
而而賜解經始流火兮訖工築場役罔踰時子澤則未央
邑宰爭勝兮民胥揚：脫有寇警兮恃我金湯解虞山虎
踞兮兩湖鳳翔週濠鏡解似蛇而長屹：崇墉子啟我
江洋功豈一邑兮郡勢為強解觀城思績子奚啻甘棠城
百川先生集卷之三
存民存兮保家無疆我後之人兮永矢弗忘羅拜稽首兮
壽我侯王

刻孫百川先生文集

明海虞百川孫樓子虛
同邑年家子陳禹謨錫玄父

叔孫七政齊之父

姪孫朝肅恭甫父

梁溪子婿華滋蕃伯昌父

齒責文

馬中子耆年病齒右車脫者二左車齧者一嗟歲華之若
流感遺體之易朽罔忍棄也礪而條之邑而齏之且責之
曰咄爾生前余何負于爾哉余自觀遠今爾附托口者三
百六十甲子矣晨淪以清泉夕潤以芳液垢兮爾漱滯兮
百川先生集卷之四

爾剔而又鋪爾以五穀滋爾以五味腹未入兮爾要之而
先嘗口乍進于爾據之而恣飲余也陳書而誦則道腴溢
頰而若飴膳客而譚則玉屑霏座而如注羞彼干謁不露
爾於金張之門飽我仁義不污爾以盜跖之樹余何負於
爾也而棄我之遷彼挑隣女者擲校而取譏起魏相者榜
箠而見摺爾之棄之亦良有說余則無是也而胡乃毒我
以辛楚懷我以呻吟痛徹百骸聲達四鄰甘苦失據冷熱
周勻饑弗能食眠弗能寧爾之虐我也既甚譬而今之棄
我也又若遺俾我食則齟齬言則聾需余不負爾：實負
余矣居有頃指懷鑄動似有聲者余諦聽之則曰君何咎
余之深而忘自咎哉齒之附人百體具一人責人賤齒亦

波及余自齒于君而為君困者曾不知其紀極脫粟半杓
惡草二簋晨夕藜藿夕夕并水酸可餐莫幸堪棘蒙腹雖
便而恒饑目雖下而似晦爰有富人甘脆日陳膳羞餐玉
水陸窮珍每食千客一箸萬緡舞袖扶其殘醉歌鍾而
未醒是乃齒同而食異君負余矣壯齡挾策暮年通籍
家三百里而過侍食三千石之側僅五斗以代耕未三載
而投劾卷舍肉以母遺後懸魚而應慙恒憶華髮無改蒼
食亦有達宦富埒侯封食邑萬戶開國千鍾名錢溢于金
尤家儲擬于司農廐馬飽騰而餘粟賜人醉卧於醉釀是
乃齒同而祿異君負余矣君才則長君數尤阨大吏高擁
而驛戟張羣官傍侍而肱脇立意不爾爾問不爾及爾懷
百川先生集卷之四

既憤爾語似吃亦琅琅而抗言旋期而屢躡彼何人斯
顧影無侶咄嗟片言唯諾千林威迅雷霆令捷風雨雌黃
信口而啟若著蔡狂言驚座而奉以規矩是乃齒同而語
異君負余矣余將咎君顧咎余耶刳夫聚而散者有盡
之理少而老者必至之期即使密如編貝皓若執犀鵲舌
含香而飄坐鳳膏調劑于華池亦且久則必化合則必離
珠凹而齧齒比而稀豈究圻之任物信成毀之惟時余特
先乘而去耳行將舉羣而空之吁嗟君兮胡見之晚玄髮
可鑑胡皓而短朱顏可餐明醜而根斜陽西兮不來逝波
東子難挽乾坤有毀聖愚同歸伊人宇內若米一梯噉能
于百年之中而恒保其七尺之軀余乃投匭而起拊几而

歎車不廢兮嘯歌庶猶堪兮取飯任晤言子文離日進饌
子軟爛

施食臺諭身文

中需之旁有臺突如我施爾食且告爾知積陰而晝沍寒
雪時爾巢無儲我飯有餘胡麻半杓脫粟一孟曾損幾何
足療爾饑彼設餌者張羅以罹爾啄爾顧載驚飛毋以
一粒喪爾全軀我無爾詐爾無我虞盡率爾羣盡將爾兒
飽則馳去饑則我依非貪爾環非利爾珠舍生同類六道
偶珠焉知風日焉知來茲我為爾兮爾為我子

祭吳行人伍公唐僕射楮公宋鄂國武穆王岳公明
少保于肅愍公文

百川先生集卷之四

紫扶與之泚氣兮恒鍾秀于偉人應千機而迷見兮永作
式於我臣惟國家之多艱兮寔忠賢之是賴即饒口之力
排兮寧喪元而不改匪輕生以沽名兮終天壤而名在嗟
奢尚之駢戮兮胥藉吳以報楚將滅越以報吳兮奈說夫
之交阻忍扶目于吳門兮指江流其死所緬貞觀之再傳
兮嗣君倏而聚塵懷顧命而血諱兮且納筭于螭頭焚撲
僚于北晨兮竟隕命于遐州羗郢城之奏捷兮檣直擣於
賀蘭乃奸檜之飛詔兮喪成功于南還嗟忠邪之兩立兮
宜不免于國關於吳皇之北狩兮綠絳璫之我誤曰社稷
之為重兮斯虜情之卒破忽驚與之反正兮胡羣小之倡
和肆珍戮以伸威兮遂棄切而索過噫嘻四賢之吳烈士

貫異代而同忠惟君父之是殉兮顧生死其何憫憶騶夷之沉寃兮鼓遺怒于秋濤將冢樹之南枝兮涕無從而沾袍乃僕射偕少保兮復降神于茲郡師百世而如在兮雖懦夫其猶奮彼三子之殉國兮嗟國事之終裂衛蕭愍之濟變兮捧金甌而罔缺與晉宋而伸氣兮何醜虜之敢侮洵皇威之丕揚兮功尤軼于千古某遠牙而來茲兮式奠風于新廟會千秋于一堂兮凜生氣于遺貌奠琳芬而陳詞兮庶藉公以立教凡有官于茲邦子共勗哉于臣道尚饗

署築德清祭北虞邵先生文

蔡先生之振鐸兮擢皋比于茲堂執經紛其座右子子矜百川先生集卷之四

翼其兩行羅餘不而胥誨兮復朋來乎遐方詎圖程其詞藝兮抑繕性于柔剛兼安定之達士子並蘇湖而遺芳蘇士而湖官兮軼千古而相頌嗟哲人之其萎兮多士渙而與傷雖樂聚之無幾兮乃耿訓其琅：復先生蓋數撰兮忝綰綬于此邦聆徽音之匪遐于恍焉魂其傍徨屆廟祀之緯日兮龜食墨而惟良爰采吳菴之莖兮汲月泉以為漿奠賴宮之後寢兮儼神降其冠裳魂則無不之兮又曷眷于故鄉念函丈之日侍于條相睽乎七霜百其身而莫續兮感實涕于存亡嗚呼尚饗

祭任兵憲文代趙益齋作

嗟：我公胡遽殞于茲耶我公由中土之彥進上國之賓

郡庭案牘舉世謂之能吏諫垣奏章當代稱為直臣持斧莫北而燕趙免一路之哭剖符山東而齊魯徵三異之仁即其志存報國功在牧民：曰父母吏曰神君宜天默為之相而俾之遐齡也茲者島夷作難于鄆北自三吳南達八閩干戈騷駭羽書紛紜章我公殷我海濱既協謀于臺憲後倡義于民人矣 等于日月運籌會于風雲間謀斯獲艘艦載焚豈遺餘孽不反隻輪洵江淮之保障而公侯之干城也嗚呼吳服永奠海波不塵衆方胥慶其安樂而我公獨任其苦辛功成未賞星殞于軍天不慙遺莫贖其身古人有言定國以勞死事以勤公之沒也固不失為死封疆之臣而人之哀我公者則為之罷市而聲吞某驚百川先生集卷之四

祭陳愛鵬郡守文

天之界人以福也若有所靳惜而不可必其常滿君子之命于天也亦多有所拂鬱而不能值其常泰以故少席其庇者每顛躓于晚身享其逸者必隳喪於後造物者固有所限之也乃惟我公則二十而廉于庠三十而賓于王四十五而緜其袍五十而緋其衣上則兄考開其家而無幹蠱之勢下則子姪嗣其武而罔後顧之慮遺經一舉科甲三

傳華堂櫛比珍饌羅陳巷擬烏水門填阜蓋皎月之夕名
花之晨賓從浮白歌姬繞翠自少至晚可謂極有生之樂
而無一日之不豫矣豈天之福之也獨異以常滿而公之
獲福也獨值其常泰邪方其佔畢則萬牛萬志而高門之
子與布素爭勤于學及其登朝則即僚就列而高第之產
與下吏爭勤于官貴而能降富而能抑敏而若愚屈而若
甘是其德量有加人一等者由是而知諸福之集公所自
致而非天之獨偏也夫何一麾而出之速郡再麾而擯之
里居位不羈其才齒不勝其德謂却賓可以自逸而鬱抱
疇聞謂命酒以忘憂而釀疾因救蓋人之所不得享者公
之福而公之所不盡享者福之年也然彭殤一視古今一
百川先生集卷之四

六

祭梓堂鄧老先生文

惟嘉靖癸亥仲春之吉耆德梓翁鄧老先生將返玄宮通
家小姪孫某謹以東粲轉香太焚明水致祭于靈几之下
且告之曰噫嘻胡天降割於斯文而翁竟不可作耶抑吾
徒之不幸而遽奪我先覺耶將希世之珍罔以久留於人
間而終歸之寥廓耶豈翁蟬蛻于埃壙之表而猷世之污
濁耶噫嘻造化冥冥不可以致詰矣乃翁之懿行死且不

百川先生集卷之四

七

泯者試陳其畧方翁之綴文詞也舉世咸事乎帖括而翁
獨遐探乎邃古之渾噩今讀其撰可以伯仲二京奴隸六
代掩卑簡之徐庾陋駢駢之盧駱晚而潛心于理道也脫
履話頭履履註脚折衷考亭取正濂洛繫大易之有纂印
義孔之心論其律已也居暗室而罔愆愆皓首而如昨行
無非禮之動語無不虛之謹其善後也簾無積金田無負
郭耶環堵以遺安矧一經之足託身隱喧市志存寂若讀
法飲社亦罔入乎公府而霜晨雪夕猶寄跡於速壑齊諧
志怪裨官叢書靡不窺異快于蔡帳識奇字于揚閣多茂
先之洽聞鄙倚相之該博法書名畫析真贋于毫端夏鼎
商敦鑒款識于金錯端已以範俗則太丘方化倫夫焉
良善立教以開來則馬融鄭玄飽歷異千來學碑石以誌
墓也翁則義重華衮雖速官而不私邑乘以文具也翁則
例嚴斧鉞雖衆好而必削未老而隱人則謂之高蹈而祿
不逮養志折腰以自縛意喜若翁者殆天之鄉雲地之喬
岳矣以故富非金玉而圖書滿家不改簞鹽之樂貴非軒
冕而高車盈門悠然隱相之爵古稱達尊者三不朽者三
翁庶幾無之翁之俯仰可以不愧不怍矣噫嘻翁竟不可
作矣天殞少微壞我梁木方悲西郊之麟倏化遼東之鶴
永時服以就殮僅免斜余之嗟驚遺玩以克襄未遇麥舟
之語大夫于何而問政小子于何而振鐸文餘于何而定
衡未俗于何而返薄蓋棺論定音徽未遠薦俎豆于賢宮

跡諸賢于共醺他人位舉翁以德擢雖列祀于一堂繫在翁焉尤卓某也不毅有志自濯翁德我師翁教我渥我祖我曾交翁世睦在年誼為通家在姻盟為入幕思翁神傷哀翁子涕落我酒既馨我牲既卜庶達明禋罔用禴東鄰敬牛豢矣不約闕靡沒禮翁吐弗爵何如二籃勝饗

冥漠尚饗

祭少司馬思賢王公文

嗚呼公之童而不羣考已精鑒于偉人公之壯而筮仕兮遂締知于明君方其攬轡晉楚而黜吏以適持斧執輔而馳騁以奔分閭南服則夷氣以淨開府北隴則天威以伸三持憲節是為紀法之守兩居重鎮是為封疆之臣應百川先生集卷之四

八

主竭忠丹心無日而不炯憂國盡瘁白髮未老而忽新奈之何殉身之誠方直前而不顧傷功之譖已巧詆而深文蓋權臣在內大將在外自古逆知其無成而況乎挾不賞之功牽中制之勢讒夫易入于附耳乳黨假手以甘心則孤忠如公遠臣如公者安得以鳴其冤而保其生嗚呼公之進也以精忠而簡在公之沒也以積毀而殞身是可以慨君臣始終之難全亦可以驗人主邪正之攸分未幾而罪人黜伏天王聖明議功興論猶追悼乎國士訟冤孝子復仰扣乎帝閭卒之明珠之謫既白執圭之命復榮遷祇之思大慰烈士之氣益振國是已定公心已明鳳毛翩翻羽儀廊廟既以紹公未究之志而龍沙冥漠風雲叱咤

恍如見公不死之神嗚呼公之目庶乎可瞑矣某生也晚未登公門公之元嗣此邦來旬數月駐駕千里生春寔賴遺教惠我湖人公今大英謚均若辜是率僚屬爰潔案咸緘封以將絮酒以陳守官是羈弗躬弗親公神如在鑒茲遙誠尚饗

祭總督胡趙二公文

嗚呼濟變者才戡亂者武天挺異人為國禦侮憶昔海上天未悔禍蠢彼島如游入中土馮夷不識風帆助渡兩浙繹騷三吳馳驚震隣長干剝床北固宵旰隱憂側席東顧嗟吳東西半國之賦疾培其根載芟其蠹乃命胡公爾陟開府公嚴間謀公勒部伍奇傑網羅金帛資于計擒姦賊百川先生集卷之四

九

力戰馳虜小挫益銳大勝猶懼百戰成功萬姓安堵於維趙公先按後撫澤及瘡痍威伸疆禦為張埋輪為危攬轡舞文者誅貪墨者去吏我激揚民我生聚乳之方與戈森戰互摧蹈廊清胡公一怒亂之方平杆室室破還定安集賴有趙父威惠異施後先相助是曰禦侮是曰疏附惟浙胡幸兩與賢遇惟天胡虐兩公奄逝功在旂常思在黎庶惟功不朽惟思永繫我、吳山矣、新宇合饗一堂英安恍視某也承乏後公而至公為其難我逢其易畫一遺規庶免罪戾再拜辭公用伸仰企尚饗

祭王母郁太夫人文

祭晉馬之東首兮惟瑯琊之夾輔乃奇俊之累、兮亦

婦之多助。卷司馬之選。曾子實綿。應于瑯琊。胡恭人之謝。媛兮。倭作嬪于王家。悼先舅之違。養兮。仲孝事于姑。婦從夫君。以數應兮。隨樹績而彌光。誕而鵲之福。兮。敬伊始于畫荻。鴻並漸于天衢。兮。砥底義于轍軌。修家難之是遵。兮。即百身以莫贖。慙盆覆之沉寃。兮。矢回光于宵燭。卒改物而論定。兮。表忠憤于九原。仍嗣興而飛檄。兮。日勸駕于在門。母秉節而全義。子移孝而為忠。報國恩之世受。兮。亦母命之式從。越內外服。以交驚。兮。發光忽焉。其墮曜。豈下告于先公。兮。抑蒼昊之弗弔。嗚呼。恭人夫憤洗兮。同飲悼也。子名立兮。徽厥教也。替組世延兮。家克紹也。芝蘭庭茁兮。澤彌郇也。惟先公暨先子兮。敦盟交也。刳通家焉。姁百川先生集卷之四

十

祭王母郁太夫人文

維家之成。靈範是興。維嗣之賢。母訓攸承。於維王母。寶婺降神。姿倬玉粹。德並金貞。詩書名閥。簪笏高門。曰嬪顯宗。作配上卿。內服外服。屬車在行。殿我封疆。北伐南征。功高不賞。饒口橫生。國論既定。忠寃乃明。母共安樂。母同苦辛。居安思危。居險思平。誕哉其祥。紹武二異。機雲聯辟。載轍齊名。翻：雙鳳羽儀。天庭伯持。外憲以澄。以清仲司。中署

惟直惟實。文章勲業。冠我人倫。呂刀在佩。若新裁劍。錫惟毓秀。母則儲精。斷機遺緒。賜凡餘馨。功既賞。帝榮則歸。親雲祥方。燦露澤攸凝。皇波若海。家慶如春。鸞封海。至禹養庖盈宜。仁而壽。則百斯齡。胡我元化。忽升而沉。掩茲墮曜。翟弟翳塵。芳聞斯撤。徽音猶存。未貽內則。彤史常新。某等不敏。夙仰馨聲。上交令子。最德論文。視母若母。視子若兄。母今遐逝。哀之同情。乃斟清酒。載擎肥牲。魂無不之。庶格玄冥。尚饗。

祭陳雨亭室繆恭人文

嗚呼。余締交于清卿公。匪一朝夕矣。而憂以裕恭人之賢。亦未可以縷數矣。憶昔同庠而遊。同禮而課。恭人知子之百川先生集卷之四

土

來而脩具以洽賓也。時則有贈環之風。暨焉同秋。而登樓家以來。國學又同巷。而寓而各以萬籟之繁。備襟襟之度也。時則有通家之誼。清卿與余靡日不晤。奚啻伯仲。恭人與余內子亦靡旬不接。曷異姊姪。顧余內無祿。僅踰壯而先化。余又下材。薄位不克榮其宣人。而僅使為士者之妻。乃恭人則膺三命之封。躋六乘之壽。相夫為名臣。而天下稱之曰古之遺直。訓子為名世。而士林推之曰今之俊髦。清卿不問生產。而家益起。受杖。關下而創不死者。以恭人劑其盈。縮保其患。難也。舉諸內則。洵可作範于中。閭垂光于彤史。而今忽焉已矣。豈惟清卿喪厥助哉。將吾媳抱何恃之痛。吾孫失外家之依。而三族待以舉火者。咸齋

皆涕洟有莫贖之嗟矣嗚呼余與清卿雖利鈍不同遇賢
愚不同材而今同為在下之鯨即欲釋耕龍上償春吳中
顧安得有萊婦德耀者而與之偕隱也清卿固不勝悼亡
之感而余亦惡已于追遠之思邪不腆之儀聊以將我之
誠不文之詞且以憶我之臆尚饗

祭陳兩亭母呂孺人文

於維孺人貞淑以備其德而仁不獲其壽義方以成其子
而生不食其報拮据以起其家而老不享其逸豈天之未
定而數之獨奇邪若孺人者誠可傷矣然孺人之所重者
不以其年不以其榮不以其安而人之所以重孺人者則
以毓德于儒門而女誠以間作配于君子而婦順以備上

百川先生集卷之四

十二

其于尊章而孝道以脩下慈于子姓而遺澤以遠旁睦于
姊妹而門內以諧澤溥于姻黨而令譽以廣迹孺人之本
末詢矣為婦而婦為母而母彤管所紀胡以加諸所以為
不朽者於是乎在而不可謂天之不厚數之有歟也矧乎
挺玉樹于階前通金籍于天上鵬翼已搏乎萬里龍章行
貴于九原則孺人無疆之福雖不在其身而在其子若孫
雖榮于其死猶榮于其生之前矣此固天之定而數之藏
者孺人誕膺之也蘊露騰歌里春不相傷心我滕公之丘
隨涕兮令威之宅音徽邈兮總帳空靈輒返子夜臺永母
仙錄矣生者若何某也鶚薦之辰幸同孺人之子構也雀
屏之選仍聯孺人之孫通家之誼為于平日真極之涕多

于考人

祭秦母文

箕範五福一壽二富母也無之殆天錫作丈夫子三克幹
其盡母安善養愛免後顧施及子孫咸造就傳國學鄉校
青衿踵步母之克勤終歲暨、蠶織不懈由少逮暮母之
惜福體甘布素豈無羅綺而不樂母自壯齡為秦張婦
撫孺三世家用益大母昔病痾猶總百務釜庾豆鍾來粟
于卧母好施捨日應緣募琢石為梁梵覺作路年躋大耋
而顧尚故胡不慙遺修爾告訃某于母家世姻交互小苟
相纏葛蘿是附思母之懿九泉永慕文莫能揚極莫能聘
茲殯于堂言即于墓時方陽九千戈馳驚百年此身入土
百川先生集卷之四

主

為固母也禮葬亦神是護愛孽肥杜載酌清醑依稀附饗
聽我楚些攀望淋漓魂鞭雲駕霧

萃奕搜玄題辭

夫奕有兵道攻守棄取機權翕張之智大較畧同顧兩敵
之工拙異枰而一枰之堅瑕異勢古無同局人無常勝而
欲譜以一之亦泥矣然盡信書者不神純任己者多謬譜
也者將以約其湯而進于神也惡可廢也是故兵則有兵
法奕則有棋譜濫觴于益堅之奕自而縱壘于張劉四論
十三篇厥後爛柯玄、作人抽秘心家摹國手幾無遺巧
矣乃聽鳥子之搜玄也抑又擷其菁歟師言積薪各擅一
時而通者鮑顏諸子相望繼起乃知何代無才何技無聖

聽鳥子者亦若人之儔歟胡其言之該也意亦存乎其人之耳斯語也夫乃輪扁視焉糟粕者耶趙括讀之而坑霍嫫姚不讀而橫行朔漢湯奕者遂以藉口不知趙讀而泥霍神而合嫫姚之才不恒有而括之敗不可再茲讀之所由作也安石睹豎而符秦奔平仲對枰而澶淵却奕與兵並用而同道覽者無徒以藝視之斯神解矣

莊子口義題辭

宋寶謨直主玉局觀林肅齋先生莊子口義十卷首一卷合四百三十四幅咸淳己巳慶宗五年刻於延平明吳中諸名碩多識圖印鑒定後為虛巖山人周先生所藏山人無家恒澤游吳越性潔癖書畫古玩非神品不蓄所至負一

百川先生集

卷之四

古

蓋以從此篋中一物也山人遊吾邑輒主余姓氏其卒也亦殯于琳氏而遺物在焉余從琳氏得之繡閣彌久護敎剝剝編且絕矣乃手自裝潢每幅觀以緘白繭加重製焉咸淳去今垂三百年堅貞若金石亦多鏤且泐矣而輕細弱指完好若新不罹水火不啻鳳靈不脫片幅不遺隻字豈神物實衛之耶噫前乎今日由幾傳以傳於余後乎今日又幾傳以傳於誰皆不可知矣余幸值其中者可無寶乎

刻孫百川先生文集

明海虞百川孫 樓子虛父 著

同邑年家子陳禹謨錫玄父

叔 孫七政齊之父

選次

姪 孫朝肅恭甫父

梁溪子婿華滋蕃伯昌父

校閱

拂水巖遠 玄武殿疏代

竊以惟辟奉天故神道以設教惟天眷德故降澤以惠民恭惟 聖天子中興偉烈邁殷高周宣旋轉之勳薄考水年過漢武宋仁垂拱之膺既歛福而錫福後保國而保民躬脩 上玄敷佑下土茲者某兒荷帝心之簡在渙皇綸

百川先生集

卷之五

一

之特俞進以輔臣之選班釋其銓衡之冗勤俾得精誠秉祀專一協恭旋賜泥金絲綸斗聖祖師神像合一軸伏念中天斗聖酌元氣而主年齡北極祖師傳教法而扶世運一則主之府先五福而百福皆綏一則玄之門莫朔方而三方並運通觀普率咸切皈依願隆哉 帝貴所宜世寶而永傳赫矣神光曷敢家居而棄奉爰念廬山勝景拂水名巖翠律雲崖凌空壁立嵯峨石磴度坂盤紆鼓長風而瀑噴泉迴天工星巧躋絕巘而壤平原衍神宇攸宜不特龍虎之踞蟠抑亦龜蛇之會合眼前突兀胸次寬閒飛閣流丹在浮靄太空之上層臺聳翠於剛風灝氣之間隔塵幾重去天尺五瞻此孤峰之頂可摘星辰超然數畝

之宮盡歲世界庶幾有嶢嶢之鎮而勝概愈增神當秀
聳之交而威靈合妥但層嶺之異應頗衆必與衆之贊襄
斯就非萬間之廣不足以擬展居星拱之尊非庶民之未
不足以表嵩呼華祝之盛里人表奎夙興良願期結妙目
鏤木鑄銅已就莊嚴之像鳩工範土欲營遠畝之區本家
已捐俸金五十兩架米一百石少助百工之費用焉衆信
之倡伏望雷動雲興山鳴谷應消除鄙吝壯觀登臨銀粟
金錢會見交流池上珠宮貝闥佇看移在人間倘得因人
而成事自當與國而同休行將滄海塵清洪厓妖滅天大
王大賴及九州九、州乾元坤元常祝萬歲萬、歲

脩塔疏

百川先生集卷之五

二

我虞建邦素稱化國雖襟江帶海土沃民繁而興水乾崗
客強主弱東南則湖光瀲灩萬室若浮西北則山勢奔騰
五丁難禦以故趙宋逮炎咸淳間卜茲淨土建以浮圖豎
傑構于震隅壯偉觀于坤極當龍首而縛住羶繁椿頭盤
龜背而奠安礎埋海底重簷疊閣九級上逼于青冥孤柱
高標一脉遙聯乎翠嶽寶光四現則顯我文星隙影倒懸
則裕彼家道星芒手可摘天語耳如聞諒乎地靈奇哉天
造百里外表四望于雲端千年來鎮一方于海上奈何震
凌風雨之撼剝蝕相尋閱歷日月之滋崩頽海至無端浩
劫亦也受磨層、三十六簷已墊四周之一巍、數十餘
丈僅完太半之三鈴舌金銷鴟吻瓦裂兩聲失溜日影匪

方僧泣衆號而稽首無地鳥驚鵲去而垂翔飛空舍利子
沒履速賊菩提身難救安頓今有沙門法惠者期還前制
苦百工之費甚繁欲俟後觀匪千金之力莫辦福德智慧
共欽三衆之師磚木錢財必藉十方之衆窮和尚鐵鉢已
罄大學士玉帶猶存是用具疏失心通叩于達官長者望
門借力皈依于善女信男伏願廣結殊勝因普作檀那主
隨意喜捨種種、皆緣信手拈來頭、是道偏念梵王空王
之面扶我佛高座法輪不拘多助寡助之心儘施主同登
彼岸他日祥燈點燄後觀面、之驚山法雨未時又見重
重之瀑布寶錫子承、揀天文筆峰年、卓地爰合掌作
禮而說偈曰

百川先生集卷之五

三

十方大地無邊

是人及心是佛

本向空中結構

自然境界空闊

寂滅忽遭陽九

還藉檀越損損

願得一切如來

歡喜心生滿鉢

重修東塔崇教興福禪寺疏

常熟邑治莫虞山之左東塔崇教寺又莫于治之左乃寺
之偉觀則在浮圖焉標柱四封東隘萬井山勢過焉而不
馳水源匯矣而不渙其稱雄于堪輿者尚矣自開皇改邑
迄茲千禩鉅人代起大科歲捷生聚寔繁風塵不替者蓋
地故其靈神相於默也夫神所憑依則人必皈依以故梵
王之紺殿敝又改焉佛子之精廬舉則莫廢優婆塞合掌

而一倡諸檀越肯首以羣施鐘磬不移衣鉢無恙有由然者夫何邇年夷氛薄蝕于東南歲計頻訕於旱溢捐財淨土者既非有餘乞食衛城者宜乎不給以致大雄殿剝落相仍右迴廊崩頽良久隆棟已撓高墻且圯上雨降則佛面流珠旁風至則長明失焰左个、右个、夜滴梁武之笠頭前三、後三、秋捲杜陵之茅屋夫豈徒彼教之失觀抑亦吾黨之欠事茲有衆門某人某人洞悟三途堅持五戒夫振法門期復舊觀傾者枝梧廣將堂構擬效托鉢繞城之故事適丐捐金指廩之達官一日持疏乞題其端余謂之曰年章屢豐民未甦息國賦猶逋敲朴是甘而肯捐予不急靡於無用耶某等五體投地起而和南曰財人所

百川先生集卷之五

四

重脩維摩寺疏

萬曆甲戌季秋望禺中子挾文侶移行廚追勝于廬山之南北蓋窮三日而畢焉涼颼襲袂皓月臨中澄湖鏡開滄溟襟亘奇哉觀乎奚必最擅于五嶽采木于三山也時乃分半葺于蕭寺引數觴于叢林但見荒丘廢、廢宇累、

南朝四百八十寺多在烟雨之中祇園二千五百人散去羅天之外乃在維摩寺者趙宋丞相曾公懷之功德院孝宗所嘗賜額者也諸寺之中其敝尤最至則常明火滅不斲香銷鳥雀窺人至而不驚鼯鼯聞足音而乍駭神關樞爛腰鑰者息駕于繩床香積儲虛手鉢者挂瓢于錫杖象座雖存但雨來便見佛面流涕鸛竿不豎縱風至怎得幡脚伸腰邈矣名區傷哉就圯雖云彼教之棄夫亦此邦之陋所幸數椽之屋一畝之宮尚櫛貫之可仍較新創為少省失今不為後將愈甚茲者三百年後復出賢相公十萬戶中豈無大長者念其景擅全邑之勝既可待乎登臨剎為先代之遺那忍親其頽壞倘相公解玉帶而鎮山門諸

百川先生集卷之五

五

四六

重脩寶嚴寺疏

余掩關却掃藝鼎靜觀問奇不來鳴騶鮮過知我者希幾喪吾矣乃有杖錫之髯捧鉢之衲挾冊乞言輒弁諸首以當布施爾後則剝啄款門跣趺登座請無虛月促不踰時豈夙因未斷見債須償耶余乃笑而諾之乃若廬山西麓寶嚴寺者逮自蕭梁盛于趙宋帝師希辨嘗此住心吳越王孫于焉祝髮邑乘以為浮圖七咸托地千畝今則一抔

之土似掌數椽之屋若蝸而寺旁之冢聚矣但我佛則肉體可捐何爭淨土芥子極細可納須彌乃今遺跡雖微猶賴猶在寶剎降為庵院繼流宛似村翁以為天時連歲有秋吾邑邇年好事有廢必舉無叩不應諸方次第成功獨此則為缺典況遠梁楚路遠數仁心而繼絕扶衰尤為義事老僧僅存衣鉢獨力難成長者富有資財眾輕易舉千佛塔是一佛不必揀佛燒香小功可積大功畢竟目功成果雖珠宮紺宇徒夢想于當年而玉相金身聊莊嚴于此日凡來扣戶即賜揮毫

重修 關神廟募緣疏

恭惟漢壽亭侯武安王關公振古英豪扶興正氣當羣雄百川先生集 卷之五 六 四六

之角逐人思自王而乃事一無所藉之弱君暨三國之瓜分民有定主而猶抗萬不可勝之大敵寧喪其元而不顧捨不與賊而俱生秉燭待明雖顛沛不易其節封金挂印豈富貴能淫其心虎踞荆襄風視吳魏將使囊括許下席卷江東返翠華于西川紹赤伏于中土而壯圖漸暮應數有歸當奎握符外金訖錄彼則二賊同心斷金決勝天之策我則一隅綿力揮戈之挽日之能斯豈人謀殆繇國祚然使老瞞狡魄智竭於使都仲謀震怒於婦子威震華夏義冠古今英之氣聚生風蛟之志誠貫日自有宇宙以來烈士一人而已勝此我吳寔惟離國自公取義之日即為腐於阿蒙迄臨歸命之秋每降神于東土于是

吳懷悔推刃于往日應戶祝於今茲公亦以世改時移解警輝憾享香火于積歲時雨陽而應辰乃常熱之為祠莫虞早之陽麓門堂僅設寢廟未安日月逝而梁木其頽風雨深而屋瓦皆振斯翼斯飛今僅存其規畫大為松小為楠久已怯于枝梧故欲仍舊貫矣又改為寺有其舉之莫敢廢也而且聞其後垣建以新寢庶安神之所於彼于此而無常嚴事之誠其上其下而如在顧棟宇非一木而成而江海須眾流之合浸米而煮粥雖巧媳婦猶難不日而成臺必乳方兄乃濟是用編于邑里之善信並捐泉布以交加行見巍宮殿共扶大厦之特濯聲靈必賜豐年之屢春而祈秋而報悅觀漢官之威儀夕而月晨而百川先生集 卷之五 七 四七

朗城巷募建水月閣疏

去邑東南一舍而遙有巷曰朗城建自趙宋迄今可五百載矣巷之脉在水微湖鏡涵長川帶統荻蘆洲畔影倚清漢而高懸楊柳岸邊鐘聲共白雲而流出漁郎斷款乃之歌商舶呼邪之響展也名區宛馬浮宅好事者聞而往造輒以烟霽易迷指點多誤必問津于耦夫指涉于叩

友蘆中人至而彼岸斯登矣余嘗舍舟而遵大堤之曲恍
入武陵鼓枻而乳洪波之中若渡楊子盈、兮回顧渺、
予一方僧候道旁犬驚門外雖鮮寶刹之雄頗擅精廬之
勝茲焉禪棲良雅宜也然菴以水隈而向乏水觀殊為欠
事余指其東隅曰斯可撥乎僧領之一日禮余草堂而乞
之言將以檢于諸檀越夫事待時而興亦待人而成福須
種而生亦須緣而種一僧之力必仰給于十方數椽之貲
亦少藉于寡助已卜辰而訪落當不日而考成了此心上
因緣換却眼前境界會見月印水心歸沉淨影水搖月魄
金躍浮光水得月而益虛月藉水而愈瑩恍如 大士之
禪心亦是吾徒之詩料而況朝暾吞海夕照銜山雪輕颺
百川先生集 卷之五 八 四十五

重建殿橋募緣疏

廬山之陽有塘焉綠麓迤邐長與山埒溪光盡色交輝互
映魚若泳于木末鳥恍翔于波中而且薄我西郊便彼東
道駕扁舟而坐眺陳一榻以卧遊則勝集几席勞謝輪蹄
江左名區當無兩者跨塘南北名曰殿橋登之則梵宮叢
祠參差高下可立而睹故云是橋也東則吐吞潮汐西則
襟帶湖山徑于陸者魚貫其上舟于川者鱗次其下輻輳
走集稱要津焉曩者貞砥固堤隆林壯趾蘆蒿排空鷗鷺

伏地歎矣洞門呀然巨竇踴若驚載盡如嶽壑龍卧何雲
紅繞不霽觀乎偉哉費亦鉅矣夫何島奴入寇醜類闖門
鐵尾斯橋窮睨西鄰與賊作護我民用虞守土者亟嗾眾
力崇朝毀之保障闕城一梁遑恤迄今垂二十載矣還定
以來奔走若故柰一葦無杭未免攝衣而病涉獨木雖亘
抑亦側足而易顛鳥鵲未填雙星賸、龍龜罔駕一水盈
盈豈徒路人之憂無乃王政之缺亦有道人某念前緒之可回
憤義事之不竟欲遷新築期後舊觀顧鞭羊驅石之神力
遠讓祖龍駕紅入月之幻術近慚法靜是用勸分于巨室
叩頌冥緯乞言於小齋藉手為介夫浮圖高入河漢捐財
百川先生集 卷之五 九 四十三

助後疏

半稼郭君者宗絲華胄學探藝林霏雪清言每諸名理隨
風隨款頗涉博該晤對則彌日相忘歡譔則四座絕倒以
故杜為遊客輒動倒屣之迎老更宜人屢荷下榻之款所
謂人不得踈君莫言去者庶幾近之而且技精坐隱手妙
局談擬戰將則居常勝之家比籌國堪作無雙之士當其
合圍深入路促緒分觀者繞床已盡訝其九死敵人憑几
方自幸其萬全而乃飛子于羣策之外組繫于萬兵之中

冥死得生因敗為勝閭座聲節而狂呼對者掩局而自阻
意喜顏生邀矣鮑子云亡若郭君者詎非江左之國手吳
中之檀場者邪但其治世計拙棲跡數奇草廬一廬共國
書而偃息林田數畝哺餽粥以嬉遊俗眼遂忌其小康離
心思陷之大役竟以擔石之儲俾充萬石之長良由地無
猗頓庇之魯朱閭右已疫行且及于閭左阮北雖富亦何
關于阮南嗟彼清流抑之穢事夫既不得免矣亦將何以
待之凡我三吳之臣室尚念一老之可矜或交驩于廿年
或接分于半面先夫遊洛行窩歡釋子之迎郁鑒渡江緒
食賴邦人之助載觀遺事盡企高風若使此君心為後累
身以役羈則公庭有帶索之吏私門無懷刺之賢將綺席

有川先生集卷之五

十

四十九

無歡而石枰絕響矣昔平原惟恐失士雖九筭者亦登陸
賈仰交貴人每千金而為壽今此君之技豈徒賢于九筭
此君之望又不必于千金伏望挽勺水於東溟讓纖塵于
巨岳早活轍鮒不索肆枯庶使積薪後來於蜀道師言待
詔于公車在此君不廢往役之義在諸君益彰助役之仁
遺之他年永作嘉話

義助疏

蓋聞屢空終宴畸人抱拙之恒指困傾貲仁者恤匱之度
茲有同郡慈田陸丈乃名儒海觀先生之子也趨庭數歲
詩禮面授于嚴君通家弱齡風雅耳提于執友已乃禮器
舊物篋教遺書涉獵百子之林敏同閱肆浸淫二氏之壘

悟速環臺以故腹藏經笥行則秘書舌吐譚鋒坐則霏屑
古稱博物君子又奚讓焉但其室如懸磬地無卓錫晨寒
斷烟夜床穿月子雲逐貧而不去昌黎送窮而復來謀生
計拙鬼亦柳榆駭俗言高人多婦笑抑且後顧絕伯道之
胤偶耕喪與缺之妻孤鰥獨四民已備其三窮貧病老一
身雖禁其啗至嗚呼若伊人者字不堪煮文難療饑行將
餓口于四方何異嫫媧之乞食枵腹于吾土復親袁安之
卧僵一寒如此孰不憐之是用告我同志創彼遠圖醵金
終兩買田一分俾其國課已畢尚餘數石之儲館俸雖虛
幸有卒歲之計即今生以為養周父先無告之民異日死
以為埋宣聖殯無歸之友在昔哀王孫而進食義以情生

有川先生集卷之五

十一

四十六

戀故人而解袍感綠遇散況散金以市義金未嘗亡通財
以共朋財斯有用伏望挽勺水于東溟讓纖塵于巨岳早
活轍鮒不索肆枯罔俾郭元振專厥羨于當時亦有皇甫
規恥不與于此舉謹疏

禱雨青詞代澤山陽君作

伏以國以民為本既休戚之相關農以食為天必雨暘之
時若苟三時之不害斯九秋之告成爰憶忠赤之下誠仰
清穹蒼之上聽伏念某百里牧寄叨義錦之新裁萬姓
相依期禱禱之興詠序當炎夏遵此愆陽自五月不雨至
於六月祝融肆虐旱魃為災麗日當空何有萬頃之流若
雲霓切望堪嗟四境之驚然是以謹率僚屬于某月某日

城隍廟行香云：開陽繼陰靡神之不舉省刑禁割胡志之弗度緬念瘡痍未起之後民命難甦惟科方急之秋國儲收係欲足民而足國在多黍而多稌豈大軍荆棘之未除後小民之悔之尚在惟神與我雖各司平幽明惟神與民亦當共其憂患伏望山出雲而滄海月離畢而滂沱油然沛然普濟甘霖之澤既沾既渥大田枯槁之春則雨至兩珠不足擬其實而我將我享亦可報其成矣

北山禱五聖神青祠

信士某向叨神庥已擬賢科今應嘉靖某年會試久磨雪劍英一戰而策然高躍霜蹄轉千里而取道是以謹消是月是日之吉虔設茶筵燭燒永夜香結華堂獻爵仰百拜百川先生集卷之五
之誠合歡共一醺之樂仰祈玄庇俯錫洪庥燕越長途而風時若水陸並進舟車用寧僕馬爭先琴書生色一揮而羣策畢屈三試而多士推雄名魁金榜慰十年佔畢之勤聲滿皇都應一日看花之句

壽邑侯黃似彌先生悵詞有奉

蓋聞觀天之能者專直殊其施觀地之能者翕闢異其軌觀人之能者體用協其妙猗歟我人成能天地是故入而徇道以尚其志出而成務以勤其官九德咸備上招之賢萃焉庶績惟熙大同之治與焉非天下之通儒其孰能與於此於維我似閭公黃父母老先生八閩毓其秀九曲孕其丰學承家範書破五車中摘國華詞流三峽方其研殊

閉戶濡墨臨池擬芳英於筌蹄粹淳滴於糟粕可使江都避席河汾撤帷斷輪之神解舞劍之渾脫胡以加焉繼焉學優則仕論定而官太百萬言謝荷衣於綺里仲舒三策通桂籍於灊麻稟金馬之鉅中屈銅龜而小試於是拜專城軍一方攬右轡擁前幢伏櫪卓犖牙行人騏驎棲枳棘子鳴岡鳳鸞璣琬卡用達於百里信長益善於多將吾邑何幸乃辱我公夫常熟吳之北戶也襟帶江海則封守收先鄉魯東南則文獻有在錢穀歲百萬訟獄日十千加之以寇據目之以凶札自非量能含垢仁足宣化卡堪劇劇操可範俗者夫豈能調高瑟而不膠其柱理亂絕而不勞其絲哉我公之履心也利器甫施樹無錯節首乃所向眼罕全百川先生集卷之五

牛澤倖春露潔並冬冰荆王不足喻其溫南金未足方其礪米書墨字無間暑寒戴星櫛風罔怠朝夕民曰父母咸興孔邇之歡吏畏神明遐躋不欺之治寓撫字於催科豈催科之無善政假力使而杖荒胡救荒之無奇策省刑則輕於消鞭嚴奸則察於鈎距乃積乃倉國儲鮮悞藏之警我疆我理隣回解交爭之紛全吳賴以保障他郡為之質成以故門無謁賓獄無滯囚解無猾胥市無駭夫田無頽鼠野無吠雁較厥治狀可以四江東之三峯五湖川之四長矣于是碑在行人之口聲在監司之耳簡書以揚之禮獎以旌之萬戶助春四境生色昔大夫即墨未譽三秋晏子東阿受褒再試較今於古有過無不及焉某竊惟脩已

及物其道一獲上治民其機神我公幼而佔畢匪章句爾
也以脩其有用之學壯而視纂匪簿書爾也以出其有體
之施由本達枝綠聲驗實觀天地之能者觀于公益徵矣
乃八月念有四日為公懸弧之辰夫以庇民之大德乃屬
少年之神君凡我邑子喜色相告舉手加額雖飲食而必
祝崩角稽首受承筐之是將某等雖隸名于成均時領誨
於未座何當默負此欣於是松箕範之福五彙竟封
之祝三播之聲律用代謳歌云爾其詞曰

宮桂飄香井梧搖翠一雙白鶴廟朱衣白面忽觀玉堂
仙本是黑頭卿相吳民幸賴借三年尤堪羨御屏名姓已
列舜瞳前○四郊逢化日夜無刀斗畫有歌絃況堂中人
百川先生集卷之五 古 四十五
健庭下兒賢休論潘花陶柳從頭數官績誰先還須慮微
書促駕飛鳥五雲天

跋楚館陽秋

青樓曲多矣悲花月妖妝雨雲態能誨淫教偷雖妍亦但
好而知惡百未一親信矣尤物之溺人也秋而決旬門無
小車揀醉睡而下五十品目條申一詞雖謹近於虐亦所
不諱庶不襲騷人刺語且附綴淫之義云爾世有贅駝峰
而嗜羊棗者觀此當一捧腹也登徒子題昔陶元亮賦閒
情極閨房之褻而不害為孤節宋廣平賦梅花單婉婉之
態而無傷於相勲故玉臺有詠香奩有集莫不膾炙於粉
黛好賞之士咸有取焉或曰豔歌麗詞抑侮鄙項取忌道

家當隨苦海信斯言也則鐵鑿道人應入板舌之獄尚滯
黑齒之邦矣楊也渠首予也脇從議辟者猶或有差而況
漆色外之色言空中之言滑稽為戲又藝文之支流歟即
疫苦海必攬慈航駛登彼岸無惑也予禱已久安事懺悔
宗子夏五又書

百川先生集卷之五

七

刻孫百川先生文集

明海虞百川孫 樓子虛父

同邑年家子陳禹謨錫玄父

叔 孫七政齊之父 選次

姪 孫朝肅恭甫父 校閱

梁溪子齊華滋蕃伯昌父

賀嚴養翁入相啟

伏以 紫宸播告歡動上都金鉉登崇榮溢故里喜當風雲際會之盛得圓天日照臨之餘頂放踵以啣私手加額而奏記恭惟 相公閣下行高百代名塞兩閒器量崇深挺容姿于河嶽之表文章鉅麗績遺響于秦漢之間天下百川先生集卷之六

蒼生望之以伊尹傳說海內學者尊之為韓愈益軻粵自顯昂縉紳之日已具雍容廟堂之風頃者正位選衡式清仕籍循資却堂吏之簿超格稽薦刺之書以人事 君豈種狄門之桃李求賢報 國共調傳鼎之鹽梅卓然一時人望之宗允矣三代王佐之器茲者置諸左右進焉股肱二妙同升三台並潤公卿交笏而相慶兒童舉手以歡呼不出都門廿年而至相位惟以論語半部而致太平道之行歟時則可矣相天地陰陽鈞無垠而播物安國家利社稷鼎有足以承 君舜有五臣漢今三傑同協於寅恭之際贊襄于都俞之時告 后惟良有謀猷則順於外敬王如我非仁義不陳於前以致八表清夷三靈開耀乾以

清而坤以寧大則來而小則往功存宗祏書滿祈常豈徒輝簡冊於二百年之前直將樹風聲于千萬世之下而況國運方亨家慶未艾椿萱偕老於壽域既可移孝而為忠芝蘭競芳於謝庭又將厚積而大發自古未有 朝內黑頭三公堂中朱顏二吏如公家者也某試割牛油喜傳鴉字親見上下龍虎之會豈徒門墻燕雀之私俯聽鄉評共羨天荒之破載占湖漲仍驚地寶之靈所媿姓字久塵寒暄契濶昔通政府無書或詭於門人今誦相麻交賀敢遲於朝士欲沾芳潤漸未敷其清芬積仰龍光尚思乞其末照潔蠲拜下傾倒由中伏惟 台亮不宣

代戊辰庚吉士請謙徐存老啟

百川先生集卷之六

二

四

伏以 熙朝養士歲隆館閣之儲 碩輔掄才時及葑菲之采當龍飛第一科之始人思 帝臣凡鶚薦四百名之中士樂世用詎圖末學之陋仍叨上士之稱恭惟 老師功存藝鼎書滿祈常德紹宗風仰高士南州之實行退鄉招配希文後樂之賢亮天地爽陰陽鈞無垠而播物安國家利社稷鼎有足以承 君堯石補天力屹江流之柱砥池洗日潛移斗柄之樞告 后惟良有謀猷則順于外敬王惟我非仁義不陳于前卓然一時人望之宗展也三代王佐之業以致三台明潤八表清夷氣以清而坤以寧大則來而小則往時則可矣道其行夫某等技藝飛騰十長縮劍展窓花露滴乾硯眼之鵲夜帳蘭膏則盡案頭之蠹

何從事于寸管忽起身于諸生良由 大鈞之無私故俾
小子之有造思均罔極感矢無涯積仰 寵光尚思乞其
末照欲沾芳潤漸未嗽其清芳謹于是月某日敬龜吉日
薄燕清風攀近軒車願微榮于始進將迎賜從其聞教于
入官寔欲覽金鉉之光儀匪徒脩玉堂之故事敢不仰仰
恩遇益勵操情庶不負乎賢者之志期自振于常人之列
潔蠲拜下傾倒由中

請一菴唐先生主鄉塾啟

蓋聞成周造士肇于鄉論之公聖王作人預于蒙養之正
故大學必基于小學而後知實賴乎先知蓋兩浙而首善
之名藩而羣公思端本之善治謹庠序中禮義教雖飭于
百川先生集 卷之六 三

費宮羣子弟聯師儒化當先于族黨以故訪鄉議于藍田
之呂續院制于紫陽之朱定為易簡之規用成畫一之治
顧欲斯文之興起必仰大儒之主盟章此巨邦生我名世
恭惟老先生行高百代名塞兩間塵軒冕而不緇甘衡門
以逮老上承列聖之心鑰無有秘而不開下關多士之道
關必由斯而後入以木鐘臺為居身之安宅以討其心為
入德之正門是可以占吾道之已南尤足以證此學之左
券也某等薄陳末帛之招用仲子脯之敬慕迎高駕來率
羣材伏望升堂振鐸結胡安定之遺風振座橫經陋鄭康
成之小技一時造就千載儀刑某等無任祈懇之至

代周文川謝溫巡按啟

痛以志士之窮也莫窮于時之不遇而貧儒之感也莫感
于恩之少如粵自歛梓之網疎而青雲塞連茹之路下士
之儀曠而白屋乏束帛之旌升沉之殊途而雲泥之異致
也久矣不圖今日猶觀古風某明時素人僻塚賤士少慕
請纓之情良有事于四方老懷抱璞之愚亦何心于三獻
折九秋之桂子浮名幸落于人間嗟三月之桃花薄命未
裁于天上雖老驥伏櫪志常千里而屠龍成技誤却一生
茲者守清白之訓言風雲已謝荷玄黃之覆載日月如馳
甘蓬華以棲遲假華札而娛弄上不能有裨于國下庶可
為政于家乃屏明公俯憐遺老誤採鄉評之過譽遂品昔
賢以相方寵以褒詞榮踰華表勉其養德惠重丘山不惟
百川先生集 卷之六 四

餽金叨彤弓之藏而且授樂切縑衣之好行將來其宅里
少俾異于編氓何意暮年遽茲殊遇良由我公嘉惠南邦
雖匹夫亦被其澤掄于下國雖寸長亦簡其良以故施恩
于罔報之地贊化于不及之天取人于不足取之中行人
于所難行之外某已覩顏堅領中心是歲誇之親朋侈尊
者之賜于今日告於孫子圖老人之報于他年遶企霜臺
暮瞻雲表未敢望塵而布謝謹先握管以摠誠某無任感
荷惶悚之至
代錢報吳聘啟
伏承 尊慈不棄寒陋擇某弟妹女作配 令器者伏以
乾坤著兩儀之交爰陳象教男女諧二姓之好式繁藝倫

作合自天始進以禮即辰亞歲迎祥律應黃鐘之管履長
納慶灰飛緹室之歲五陰夫而陽德亨七日後而天正建
道方長于君子禮宜重於大婚恭惟 海峰尊太親家人
倫冠冕後學斗山立德立言價貴洛陽之紙亦云亦史富
夸鄴下之書鳳翔天上世傳黃閣清風龍卧吳中恒繫蒼
生素望綠野堂再逢東相白蓮社僅入陶翁既蟬蛻而還
山俾鳳毛以報國鄉評望重宦業功成蓋延陵之三讓猶
存而季子之博聞可想載惟 九華尊親家十賦璫璣器
鍾鼎鉉摘詞藻苑倒川峽之狂瀾銳志經惟研汲冢之大
篆鵬凌漢而羽翮搏風豹在山而文章潤露相輝花萼封
胡過未齊芳競秀椿枝戟轍顛顛趾義登賢近矣致予望
百川先生集卷之六 五

之如某者才地壽今榮建稽古宦途日遠夢謝 朝賢詩
社年來盟宗野老謝東山花下之妓謬許頻移乳北海座
上之賓儘教常滿雖武肅五王之脉僅延而吳越千里之
雄已晉引躬靡及仰睇邈然茲者荷冰月之傳言辱頻繁
之中選蓬蔭有托僭擬門高葑菲不遺敢偶齊大念令孫
蘭田片玉懸知種是麒麟顧小女瓊圓微施未許姿如鸞
鳳凌雲有志賦雪非才但金蘭之契踰于廿年而玉樹之
依締自今日河陽故里累世通家魏關同朝聯鏡並懋眷
茲良日忽荷多儀樂奏宣闈喜動閨門之色禮陳繁縟光
生四座之春匪徒情見乎詞抑亦儀及乎物投桃則映報
李孔涼伏冀萼洲海以為度鑒留襟票之虔指河山而作

望永締萬籬之繫捫心何幸拜手知歸伏惟 台亮不宣
請嚴養翁宴啟

恭惟

相公閣下位冠人臣道尊

皇佐功成身退神鴻翼而還山

恩重心懸付鳳毛以報國先憂在昔後樂惟時某忝稱
縉之技夙忝布衣之交擢櫟散材荷栽培而難茂駕駘下
乘勞鞭策而不前慚久負其恩私奈未逮於酬報敬龜言

日薄譙

清風伏冀

謙尊肯訪蒙漬無嫌倚款頤藻之羞頓生俎豆之色

高軒幸過擁篲先驅

百川先生集卷之六 六

請董海陽宴啟

恭惟願貞潭府向瞻台耀之遙貴重高軒忽親德星之聚
浮關望氣禮失郊迎飛蓋停雲俄漸館穀某等雖備衆類
之恭未展一獻之敬乃龜吉日薄譙清風爰采澗沁之毛

聊充俎豆之實非敢云報施之稱實以叙契濶之私伏冀
蒙漬無嫌謙尊肯訪庶幾充庭有喜行看滿座生春統惟

台鑒不宣

閩邑士夫請觀所周巡撫宴啟

伏以萬戶聲香歡呼父母之乳遇高軒露冕爭親使君之
後來草木如春閭閻生色恭惟某官以越東之拱璧作江

南之歲星

猗猗公之詞

獨租于積歎之餘活民擬青州

之百萬與文于右武之後進士同關里之三千金榜傳家
夫為吾民而報德璽書按部地因使節以生輝三仕吳中
政事文章具見再臨境上江山風景依然眷此黔黎盡更
生之遺庶及我脩葺咸蕭治之陳人但平時猶拜于生祠
而此日宜承乎面教賓達貴客非生客主豈新交切上交
幸茲覽德之期可無敘故之會某等謹消某日薄設燕私
展緇衣授漿之好僭板鶴取挹素絲退食之風況海上不
驚而臺中多暇庶循行南國更遺所差之甘棠而信康東
方尚識愛心之大樹端此預申伏祈左顧

百川先生集 卷之六

七

刻孫百川先生文集

明海虞百川孫 棲子虛父 著

同邑年家子陳禹謨錫玄父

叔 孫七政齊之父 選次

姪 孫朝肅恭甫父

梁溪子婿華滋蕃伯昌父 校閱

與嚴養翁第五書

令先公榮殯之日凡在護草踈屬門牆下走罔不與執刺
之列而某獨以守官吳興遠隔數百里外不得與觀生榮
死哀之盛曷勝自恚此中器訟好訐寔繁有徒且謗謠易
興廉訪愈密作官者多不克保某夙稟明教矢不敢負日

百川先生集 卷之七

一

以廉明勤恕四字奉以周旋而此中士民亦能諒其不及
安其不擾幸免罪戾乃辱老翁左提右挈前後推延譽
借聲勢俾結知當路躋之清流靜念此恩寔踰罔極賤子
胡以為報耶但其野性庸材不任驅使辟之廉席所志水
草是甘即軒冕之華孰與山林之逸每欲奉母以歸日撰
杖屨於函丈之旁劇談往昔豈不快哉姑有待耳數月失
候動定曷勝神馳緬想潘與壽母謝庭多賢國恩既酬家
慶方集無論振古海內當無兩矣海暑西徂煩熯猶熾惟
為天下自愛

與嚴養翁小謙書

積誠良久頃辱面諾欣慰無量旋即營辦數日即不能羅

珠水陸而谿毛益漿章已畧備藉此以輸誠悃有日矣鉅
圖後嗣賜拒不勝惶駭聞台駕尚逗錦峰移舟相從不煩
玉趾賓皆藉契情話歡暢即有微恙正須諸護却之此七
數已疾之方也謹此再佈專人冒雨虔致拱伺成命

與大司成瞿昆湖第二書

昨春附書于蕭筆峰氏轉獻門下未審北途邇近渠曾解
囊致上不浮沉否比畫繡榮還會某沉疴伏枕瀕死者數
高軒時過弗克擁簪以迎已又弗克出祖道左咫尺同里
竟不一接清塵悵恨何極榻前候疾之賓日有傳翁相念
者仰窺懷卡念故至意自顧不德胡以不忘于大君子若
此也常憶翁微時偕詣日者肆中其術最下微翁為學者
百川先生集卷之七

二

師今為太學師塵埃物色豈庸衆能事邪吾邑湖山之秀
獨鍾于人物南有我翁育才以待用北有養翁隨卡而善
用任天下大政事大教化之責者悉在一邑一時之中曷
勝健羨某貧病交切忽焉遲暮堂有孀母祿養何年乙丑
春試承家慈大人之命不敢以病骨驅畏途漫履寒而遠
出以貽親之憂業已偷安視息甘老衛門矣但少日亦能
向往名派出門定交不圖過年半入青雲半歸黃壤于何
問業于何考德兀然默問若之何其茲章婚嫁已畢早生
不問生產而有幼書之癖奈家旅既鮮易肆無金又何以
消居諸也聞太學版刻不啻木天倘肯惠寄一二俾之快
讀其為厚賜焉異百朋家慈今逮七袞居孀夫節垂五十

年前歲序友吳呈于有司以乏金開節格不時上不肖既
不能榮以簪紳復俾其水藥之操埋沒閭閻此孤兒之至
痛也今且復申于學院晤時幸緒言及之倘獲達于帝關
未敢宅里世、為子孫感于無窮也春日時晤主器太虛
親家醇德博學雄論巨才足稱千里神駒有家至寶別未
竊時念之久缺奉訊茲因臺山兄便郵報布鄙悃伏惟為
國為道自愛

代錢海山與顧懷東書

不才棄斥明時筑、在疚告塊之中畧以詩酒自娛潛夫
本情自喜復遂而天下之大功業大節概又得如年文者
為之赫奕萬古震耀當世使僕于榜中光榮竊有與焉以
百川先生集卷之七

三

此年我歲月澹然待盡亦樂且快矣乃今者幾構交作頓
成市虎技之以不可辨之誣加之不可逃之罪初謂人之
流言必不能久如吠聲之犬行當自息耳是故以無掛心
誇嘿、不語異有諒我者應知曾參之不殺人也夫何聲
播當路笑傳東海使僕日驚且憤夫以僕之不才得沾寸
祿以上事父母下蓄兄弟歲入月課亦足免于凍餒而顧
為此污蟻之行彌天之罪辱我交遊恥我宗祖雖稍知自
好者亦不為也而年丈謂僕乃為之否耶此固理所必無
君子所必不信即使歟、之口適溫寒字僕亦求無愧于
心而已而況首為此語者果出于君子耶小人耶愛僕者
邪憎僕者耶即今監司臺憲莫非良士覆盆之下一無有

謝寬而居者而僕乃遭此閔凶百口莫辨疾首痛心不能
寧慶東南諸郡未有被詒蒙羞如僕者也僕亦不難刺心
自明劍頸見志顧其所為乃匹夫之下行而又汝以浸
誰與白者環視四境無可告訴惟吾年丈抱耿介之節勵
苦貞之行天下交口謂之賢人而僕之所藉以生死而肉
骨者也年丈試稽其實果其舉動合符人言即當叱咤之
擯棄之使無與焉伍乃快也果其誤言橫加俯首泥污而
使諛口得志善良喪氣年丈當此乃獨不能為僕扼其吭
而挾其舌耶出僕于九地之下躋僕于九天之上即今惟
年丈可為蓋當路之所推重士林之所倚望而人情之所
視以是非者惟年丈也故僕不避不世之羞敢于年丈托

百川先生集卷之七

四

水災上當路書

竊惟邦之本在民之天在食古之人散財以聚人損上
而益下者匪惟重民命實重國脉也國家之賦東南居其
七東南之賦我吳居其七我吳以方數百里之地而當縣
官什七之輸者踰二百年其奉公可謂久矣而其力亦可
謂竭矣兩賴天錫屢豐歲登大有而賢監司良守令服官
於茲土者莫不體上天生之仁推當宁惠養元之意
庶乎猶有生氣耳詎圖今者數達百六疊遘閔凶自寅

百川先生集卷之七

五

歲發賊害稼邠歲二麥無秋民間甌石無儲朝不及夕當
是時也已岌矣而況兩年以來洪水懷襄千里一壑一
之已甚詎可再乎昨歲承明公及雅齋老公祖披誠仰干
旋蒙俞旨應繼之外恐與蠲除設法賑貸額外施仁萬姓
雖呼以為難是天之不弔而幸父母之孔通也吳民之不
即填于溝壑而猶無死於須臾者孰非明公賜耶乃今則
瓶罍之儲悉罄于耕耨胼胝之力又竭于車庠川水彌盈
海波不洩民胥束手無策惟有望南畝而長號閭柴門而
自經耳而且積餒成疴比屋疫癘一村則十室九病一家
則十病九亡吳民之可痛未有甚於今日者也夫人窮則
反本疾痛必呼父母不告於明公而誰告哉東南半壁所
賴以撐持者明公也故某等連茹哀鳴仰噴台聽為萬民
請命耳夫常賦之額不可少損大需之章不可再徵某等
亦知之矣但無年則無食無食則無民無民則邦本不固
使不蚤為拯援則溝中捐瘠既為可憐而稍強之夫猶為
可慮軀命所關何所不至此又明公異日之隱憂也明公
軒車露冕近山城邑彼市肆所陳酒胡所列珠未觀其為
歟試于郊外而一臨則昔年禾黍之膏腴變為魚鱉之宮
治室廬在漫有突無烟枯槁徒陳有力無用可為痛哭流
涕者茲其時矣夫歲之豐凶相間則可以昔之豐補今之
凶地之高低相錯則可移低之民就高之粟今則連歲無
不歉之年千里無不水之地小民無終夕之謀而巨室亦

鮮卒歲之計矣伏望明公知再造之仁濟非常之變早為題請以拯今日靡牙之民以終昨年未究之惠不特今歲上供之賦大賜蠲除即往年應繳之數暫行停止吳民幸甚國脉幸甚某等無任哀懇祈望之至

代鄉宦與王賜谷觀察書

某等竊謂哲人之萎也雖愈久而愈芳而其有聞于後也亦必有所遇而後顯是故論史于蓋棺之日者吾猶以為一時是非之私也夫惟垂數世之遠而我思其人合輿論之公而民頌其懿者此豈可強之人哉必其人之賢有不可使終泯者耳然既沒于昔而乃為曉于今者則雖其人之賢而後得賢者以于其土而任興起之責夫

百川先生集卷之七

六

然後久湮曠典一旦輦舉是某所謂遇而後顯者也敝邑故侍御施公名顯者當洪武丁卯戊辰之歲聯中鄉會第入讀中秘書殿向用矣未幾坐累謫遠州又未幾起拜六察以辛公歲年暑夜讀于帷中帷蓋為黠其焉志若此在官以清方稱而家行甚脩惜乎位不盡其十年不滿其德志欲有為而時難于為故奇功偉績罔所自效而至今父老猶能言其為人蓋古為行君子也敝邑僻東海之濱而家尚詩書之風歲膺科第之薦者寔始伊人乃二百年來位不列于賢祠役不祭于鄉社春秋之俎豆之陳畏壘無尸祝之報則何以振士風而興後學哉以故諸生羣然而具呈者非私也寔舉邑人心向所扼腕而欲為之

頌言者也幸而有崇德嗜義如我公者以主持于上則我公之光當在此日矣世固有挾公誼以文其私圖者或豔嗣孫之鼎貴而思媚其先人或徵往哲之餘波而自誦為後裔者不少也乃若施公之血胤則中絕矣其族亦甚單寡矣僅有孫女婿某氏之子故念憲施公兩暨厥子舉人施生元孝者則公四世五世之彌甥也念公為若教之鬼且藉其宅相之遺故世從其姓以示不絕于施夫施公之家勢若此某等亦何所為而為哉惟一念懿德之好不能自己耳伏惟我公采鄉校之尚論念某等之無他舉百年之缺典勵將來之士風而且嚴妄認之罰罔俾清門混于非族某等不勝祈懇之至

百川先生集卷之七

七

與王賜谷駕部書

惠麓奉違德音翺首僊舟恍登天上此中士民深沐遺愛不勝去思暨新政異同而懷舊之情又更切于曩日矣月下見懷郎中投贈兩讀手教如親光霽僕本鄙儒乃勞大君子存記若此其為感激實倍恒情我公雄才積抱物望有歸衡門私擬當在諫垣之首而乃抑置即署殊駭速曉然司馬本稱劇曹而南北間作弗靖公昔營食尚能保其一鄉今日保邦之策行當折衝于帷幄矣曷勝仰羨承詢及橋亭僕已如教移之左方後不自揆擬小樓三楹以便誦讀時拙而舉羸力微而費鉅故其貧益甚公既速矣誰歎憐者時或送酒得醉賣文得錢聊藉過遣耳恃公知我

敢緒及之茲因風便報申短牘代訊伏惟暑時珍調焉國
自愛不盡

辭邑侯留中台名鄉飲書

夫鄉飲者何 聖王所以責德尊齒以教民讓以風邦人
者也非徒為飲食文具已也僕嘗讀禮而繹其義讀律而
玩其詞其象取諸天地陰陽其選取諸孝弟忠信苟非其
人不與此數亦嚴且慎矣夫四境之內其號為老者豈少
哉而得與邦大夫相揖讓酬酢于茲庭者僅三數人焉蓋
慎之也詎圖今日猥及不德僕聞之駭汗踴躍慚沮却走
幾無以自容而何以得此于臺下也無乃鄉校諸友謀舉
以上於三師三師又過聽以上于臺下臺下亦復徇名借
百川先生集 卷之七

八

聽而猶未度其人可使與乎否也乃僕之自今則已審矣
僕五齡而孤上賴節母之保抱以有生又賴先祖緒部公
之庭訓以有立壯圖不量亦嘗勉思自樹矣年之公車七
上而屢獻不收郡堂三載而知難自退祖武未絕母劬未
報下慚家學上負 國恩僕誠大不肖人矣而胡敢與諸
老相齒讓哉僕僕司理吳興叨與主介之列嘗拱聽司正
之揚解黃禮之讀 誥盥漱手執 馬竊謂在庭者而苟
少有愧乎其言將背若負刺股且栗矣而敢躬自臨之耶
彼諸友之所為舉僕者蓋得其侶也而未暇核其實也僕
之拙于謀生則見以為為廉靜疎于獨貴則見以為為恬澹貧
不廢交則見以為為習禮老不廢讀則見以為為嗜學信斯言

也亦曷足以當鄉賓哉而況乎侶是而實非也夫此何堂
也此何宴也士之所模而民之所化者也而以一不德如
僕者忝焉不反于辱必辭于廢矣抑聞斯禮也古出于公
而今未必盡出于公也亦或有增年而進行賄而得者而
卒不免于與人之嘲笑觀風使者亦復釐正而因單之法
至嚴也即使僕趨命于今而或釐革于後其為辱也甚于
市捷此僕所以果於自審慎于始進而敢固以辭者也昔
庚子之居畏壘也畏壘之民謀尸而祝之而庚子之
馬僕竊慕之矣倘尊命不回而必使致之則僕且避于三
舍之外更卜異日肅謝于兩觀之下耳即今滄海一壑歲
復不登穀漿之實悉由民力苟省一席則減一席之費亦
百川先生集 卷之七

九

惟明臺載之僕無任愧悚欣慰之至

與王鳳洲大參書

某遲暮無聞晚沾一命且以備員臺下數奉台教私竊大
慶憂荷仁庇矜其不敏章過過請周旋奔走不數月間稍
以榮陟以去窮寔海內臣望政之仰輔國知浙右不足以
淹顧某一旦失所倚畀遂大沮喪矧我吳藩泉諸公先後
遷轉迄今無一人在者而某以一腐儒祇承于下誰與憐
之以故瞻慕之懷益倍嘗冀稍既既于儔中待以格外倘
獲垂念俯錫先聲苟言及之不斷獎借即削之去浙猶在
浙也某為章武日者吳山持珎輪至情以詩箋其一即致
之府公矣捧讀數過益增去思自前旋軫此中士民若赤

予之失慈母速今相告猶然不怡也然晉人後望更切引領恭審戒途在即諸僚屬肅具薄儀以表芹曝久已乞言得翁未即惠教故爾稍緩參候何期無任瞻企之至

荅徐龍澤書

僕具可下之資而竊懷尚古之志欲進闕藝林憚恣玄覽以不虛此生而庸劣不任驅策悠々速今嗟何及矣先生振古名世之傑僕居常所傾心企踵思快一觀之日久矣顧以陰伏海壖雲泥遼邈雖連懷伊邇而吳裾何年得今承乏名邦獲伸瞻候乃辱進之門墻華燭列照玆猗陳俾與賓筵之末已復入子雲之亭窺鄴侯之架琅々玉屑悉詣名理廿年夙好一朝是償胡其章哉自遠賢關復涵百川先生集卷之十

十

上太府蔡春臺書

某杪歲伏謁竊聆德言旋即守官吳興不復繼見賢者以終至教北望台候曷勝仰止家信南來恭審明公以興化善俗為治端已率物阜樞景從東吳洗習一旦還醉即西京循吏之威不得專美矣茲故老母繆氏甫踰笄年即喪所天某與弟梓並在襁褓上賴母氏矢志立孤嚴慈兼濟少不使罹于水火長不使睹其詩書冰蘗之操垂五十年

此通邑之所憐而人子之至痛也每恨貧且賤上之不能扣閭閻以叨旌典下之不能竊斗祿以備鼎養蓋鬱々不伸者二十年所矣茲章我公仰奉明詔俯信輿情賜帛賜扁光溢閭閻俾衆母垂盡之日而際此不世之榮藐焉二孤其何以為報耶惟願天叩首祈明公無疆之壽焉耳但帝聰未達則表宅盛典猶未有期而不肖無己之情猶有所冀伏望明公憫匹婦之志採衆論之公特賜轉達俾獲上聞則豈徒某一家之幸亦明公善俗之一端也某無任感荷祈懇之至

與趙宅宇書

別來捧讀手教者再矣胡公之憐々于棄劣若茲也遙想百川先生集卷之七

士

水天東歸群仙所都書校中秘膳食太官際極隆之時脩不朽之業公真天人哉而猶念及貧交邪德良厚矣僕杪歲新春聯殤二女懷抱作惡方悟出世者無有情愛故無有悲楚今乃為兒曹縛住何時解脫三川太虛旬日中必得一晤々時必得一詩孫之清勁不亞浩然履之古雅間可漢魏足稱二俊僕則雖平後矣敢與共此藝耶其或應酬卒潦草成篇何異語世豈有六十老人猶能工鉛槧者乎公無厚望之也所幸老母差強已登大耋賤體尚善飯山水之遊花月之宴月可數度諸公聚晤時又輒以公遠不成歡也邑中無可奉聞但七檜凋殘偉觀頓失欲賦枯樹弔之愧未能也公得無意乎或使便郵附此代訊雲

泥遼遯良邁何年無任懸仰不盡

與陳兩亭給諫書

自仙槎後歸日邊而自顧恍然不啻鵬鷁之相懸也海內
望望謂兄鳴鳳在阿屈軼在庭邇者六事一疏真足以答
天下之仰上而為德下而為民忠愛具見即魏鄭公之十
漸李黃皇之六箴胡以加焉其諸文詞清勁當為藝林宗
匠姑無論也新鄭之去如距斯脫衡門遠聽亦用釋快可
謂秉賢和朝不仁者遠誠明良一時也寒宗門祚漸衰應
秋試者自大學外遂無一人舍弟三獻不售豚兒一叱不
收遂貽家慈大人之憂僕且嬾與性成志隨年謝計偕日
逼只是故吾胡以悅親心邪章兄憐而教之茲因令嗣便
百川先生集卷之七 十一

與陳兩亭給諫書

皇明判袂斗柄復東翔首北望奚啻雲海昨弟拂袖還山
非謂壯志未衰觀心非望誠自量疎忤病質一入仕版便
不由己將有觸藩之虞是以不奉尊教而兄之愛我非不
能諒也不圖家累在躬貧病次骨親日以老年日以謝經
史在御珠同雞肋深悔兄言不從然業已無及矣兄職青
瑣且值言路大闢之日宰相得行天下事司諫得言天下
事權與相埒兄不激不隨人官兩稱羨之羨之仲冬仰荷
餘澤添一冢孫自喜若狂未幾赤丹入腹不彌兩月殤矣
傷若之何萬竊太親家壽履康膝日與狎客徜徉于竹逸

花塲之門時御章服抬搖康衢路人嘖々人子所為榮其
親與悅安其親者若此可謂孝矣豚兒雖自能知讀不假
萬策但不免作輟之患況家庭見聞亦僅此歲試伊邇
既非利器父又賤貧必休采芹之望兄其憐之令愛出高
門而降寒室乃能恪共婦職可以徵家教矣尊嫂令嗣而
下想各納福遠慰遠慰茲因掌教汪君求白之便輒此代
訊汪事具聞邑諸書弟卒業太學時嘗與締交兄當是時
必亦識之今累以非罪殊為不情伏惟憐而拯之不盡

與錢後軒武選書

自公北轅兩奉華牘無辱土宜之惠燕吳阻脩未緣裁謝
積感積愧尊翁老先生抱寬三紀仲眉一朝華袞榮褒德
百川先生集卷之七 十二

與服稱由公扣閣陳悃顯親尊親 天子大霽之恩人子
不圖之孝具見之矣緹紫吉羽安得專美健羨美健羨夏官
今雖劇曹而公以鉅材久淹方晉是職海內賴 聖明在
御章無事矣脫不意而有境上之役則運籌帷幄折衝俎
豆者微公其嚆克之尊翁壽履康膝僕時撰杖屨從遊花
前無煩述念頤公移孝為忠專于所事以撫壯行之累為
交將光聞令嗣岐嶷非凡足徵世德公于俯仰間可謂兩
無憂矣紅江便郵款附奉訊伏惟為國自愛不宣

會王麟洲書

病中承不鄙忽枉高軒詰朝座上復飲清談奈弱質不克
竟夕奉侍悵々僕既章不死尤章得侍大君子無任荷々

扇上長歌詞翰兩絕涼颺乍起此器應在棄捐為有能吟
在長出入懷袖耳文畫戈扇敬以拜嘉附上昆陵刻中郎
傳二冊綾袍二条銅剪一件用將片敬不足言報也

會沈虹野書

不見三秋懷德如昨一行作吏即習塵網緒衣在前黑衣
在侍朱批墨押星軺風鞍備嘗苦辛大非故吾矣簿書紛
紜燕越間阻坐是竟失裁候敢自外于大君子之門哉亦
所值之地不佳且不暇耳房公南轅辱枉教札且煩垂憶
著之瑤篇日邊貴客遐塚賤吏格迴殊矣乃沐記存興懷
于數千里外且不罪濶疎不難降德先施未能大聖猶病
公之雅度奚啻百倍尋常已耶僕以腐儒筮仕一命雖心
百川先生集卷之七
存愛物而卡非巧宦知我者希公之地望海內所宗借萃
一言重踰九鼎矣茲因質菴公便程敬附誠款雲泥日隔
奉教何年臨書無任懸仰之至

與邑侯許肝川書

杪歲承枉駕敝治竊聆德音但以公解維太速不獲更申
繾綣又以官守殊壞不獲繼見通光北望台候曷勝仰心
老母繆氏甫踰笄年即喪所天某與弟梓並在此襁褓上賴
母氏矢志立孤嚴慈兼濟少不使罹于水火長不使墜其
詩書米蕞之操垂五十年此通邑之所憐而人子之至痛
也益鬱鬱不伸者久矣茲幸我公仰奉 明詔俯信輿情
賜帛賜扁光溢閭閻俾老母垂盡之日際此希邁之榮範

焉二孤其胡以為報耶但念 帝聰未達則表宅盛典猶
未有期而不肖無己之情猶有所冀伏望明公憫匹婦之
志採輿論之公學院巡院特賜轉達俾獲 上聞則豈徒
某一家之幸亦明公化俗之一端也近家信至乃聞寒宗
梓模二生兩相構訐二生皆僕之弟並與衣冠而一旦若
此殊非儒家風範僕亦惡之況明公以仁讓興俗者乎但
梓有口過模有心計祗緣小忿本無大隙伏望俯賜教誨
治以不治將二生者庶幾不廢懿親而明公之德化亦章
章矣敬命姪延熙持啟奉清統惟白亮不盡

與王槐亭書

憶昔郡齋每試輒親高作竊擬為吳興獨步而午酉兩戰
猶未賴脫宜值病耶命耶昨歲鄉書至展卷即得芳名哀
然明經之冠不覺躍然以喜暨聯捷春官通名桂籍十年
心期一旦大慰政圖裁賀忽枉手翰且叙舊叢自顧鄙人
胡以繫情于冥冥者若此耶僕少以鉛槧自娛不聞吏事承
乏貴郡殊戾夙心業既自沉苦海勉為鞭策期以不挂于
清議公所語也而一朝被放若有息百鈞其喜可掬還山
以來高堂上膳之後即往山之厓水之涯興至一詩俸來
長卧高軒倘過却掃謝之甘作廢夫矣奈積愆從譴卑俸
一兒復化異物身既向衰家無幹蠶念已灰于未死貧尤
甚于不官詎圖高賢乃煩存記頃思湖公感于流言公暇
偶爾談及僕力為之解比時既不以告公又未嘗語人乃

百川先生集卷之七

五

惟憐才一念不能自己耳公亦何從知之豈得于竊聽者之口耶天將大授若人即思湖亦安能陶鑄耶即辰雲海路殊無階泰侯異日榮任便程或能迂途一訪以申契濶至望至望餘惟珍攝以近崇社不具

與張仰松州守書

奉達台候候馬半載今春上謁再觀道範殊慰積仰乃承款洽鄭重實地常格不肅感愧別來屢盼行旌一臨舊治以慰父老之思胡久之不至也公既再仕吳中行且再歸天上賜環伊邇祇恐弗克終奉教耳小婿徐某承憐其貧困不忍窮追公之陰德厚矣海署未敢趨謝端此裁候不盡

百川先生集

卷之七

六

荅王笠洲書

昨月伏承翰教并拜黃精之辱古之為窮民者四僕一人實無之觸目慘愴餘視息有生至此不如無生而公以委形委說之說相慰僕豈敢附于遠觀齊物之倫耶晉人亦云情之所鍾正在我輩也今嗣期翔白下鳳毛繼起以僕相方奚啻逕庭厚德薄德之報各及苗裔天道不僭乃今見之吳越連壤芳聲日至出試藩服入佐巖廊此先代使相故事而公正其人也榮轉伊邇伏謁有期矣巖陵分教徐君鳴玉夙為澄江名士公所知也壯圖落：晚僅得一校官人共憐之今其行也不以此官為卑而以得侍臺下為章告別于僕敢以奉候徐君雖學行兼優而不諳時

態不知者或以迂腐目之公素長者惜才念故必有以優徐君矣叙冗列狀疎及疎云

與李遠麓國博書

僕踰伏衡門仰止芳譽第恨雲泥異境無階來候僕宇內一畸人也曩嘗強顏抑情作吏責省與時相左辟諸廢廢之性惟豐草是悅一驅之五都之市雖盛麗溢目而野獸失擾祇不勝其駭觸耳乃今才與世違志隨年謝已絕意青雲自甘丘壑所幸知我者希矣不圖高賢猶且物色于鄙人也上舍生徐應圻僕之女夫也遣信傳語公每齒及于僕且謂其嘗廁于筆墨之徑而索其所業圻也諄懇又以必得為詞僕于兒女之念曷忍拒其請耶顧僕于此藝

百川先生集

卷之七

七

為世所簡斥久矣公不惟不斥之又從而索之不幾于逐臭乎僕既見斥于世人而獨見索于公則僕雖未識面亦不敢不謂之知己夫既謂之知己則又不敢自匿其醜而負其素也于是檢舊稿得古今義十餘首錄之副諸命圻為介以獻公海內文匠也而僕猶操斧于公輪之前實大無恥然虛扁之門不拒病夫何者以能已其病也僕今藉手以求正于大匠為幸多矣雖恥奚傷倘公念其可與有言不以未同為訝賜以報章侑之佳撰是所願也非敢必也北望高雅延佇何極

與李遠麓助教書

但奉命徐生為介報敢獻書于座右者此鄙人仰賢風心

雖賢者力拒之猶當強而附之況嘗辱念及者乎是故不敢以言于未同為疑近于求知為嫌而遂為之前却也豈圖我公不惟不罪之又獎許之琅函瑤札霞綃雲蒸即此尺牘數十百言而公之博覽遠養亦可窺其一斑矣僕今之陳人也自享微帚以來而晚遇知己竟忘其醜方自慙沮而徐生傳語云公賞好不置更欲舉陳其技何異鼎烹飪腹而下采芹俎宮懸僚耳而擊瓦缶也誠愧之矣誠悔之矣然倚門之妓簡牋數大而一旦悅于所歡又必盡妍于色澤也是以更有獻焉曩承玆貺覩便無繇竟失裁候薄儀倘緘非敢云報也不既

刻孫百川先生文集

明海虞百川孫 樓子虛父 著

同邑年家子陳禹謨錫玄父

選次

叔 孫七政齊之父

姪 孫朝肅恭甫父

校閱

與同年陳海沙書

梁溪子壻華滋蕃伯昌父

不奉教垂二紀矣昨歲顧冲菴先生枉駕敝邑同詢與居爰知却掃高蹈不關外務衡門之樂奚羨軒冕古所稱東海逸老非兄疇克當之僕壯圖不酬修馬遲暮為親祿仕即爾技勛老態日增生計歲削天章慙遺一身而單子旋

百川先生集

卷之八

一

天竟日歛眉感額不知有生之樂也緬想高懷汪度令人飛越而天整為限不獲撰杖屨恭侍菲几輒為悵惘茲因鄉親吳君便程率爾寓候吳君名家子也嚮販圖書資以自給聞貴境好客多賢輕涉危波投心門下輒承晉接不以庸眾待之此遠聽之士所由以樂歸者也吳君傳兄雖日御伎樂而時復習靜反照外娛其形內究其神可謂無色空而空之矣曷勝欽哉時目北風惠我好音以抒積企是望

與德清章衡陽書

憶昔晤言之日歲華荏苒且踰一紀矣一時相與諸賢居常在念若公則又少為英特屬望焉尤及親外辰薦書哀

然高捷喜溢眉宇公本行天驕驥軼羣之材僕非九方臯
僅能窺一斑耳近川虞君振鐸敝邑承附雲翰自敘疇曩
念故憐老情見乎諱僕何敢當也嗣聞製錦古黃雲路甫
登而遭令先公之變詎徒人子至痛即交中如僕亦不勝
悽惻顧令先公之冥數自莫之能逃而人子之顯親行且
出之苦海揚之王庭其榮良多矣向欲薦旃香于靈几并
謁清光以叙契濶但昔年憤事之邦寓目生媿徒懷遠憶
耳茲乘虞君便郵附此區區僕自還家以來卑傳一兒忽
焉夭折兩孫俱在乳臭生計日索老態歲增邇者節母棄
養辱軀致毀幾不勝喪茲已勉力襄事淹待盡暮年所
遭若此悲可知已恃風愛澤及之英錄二冊附往見僕之

百川先生集

卷之八

二

苦情云爾相去數舍而遙南望隴雲無任馳企附啟虞君
之女新嫁于金氏不意其翁素有戾行并欲污之此女不
勝凌逼自刎而亡信斯言也則扶輿之正氣賴此女之收
存而其翁之大慙在國法焉不宥蓋天壤間一大變也虞
君以父子之讐行將鳴之當路以抒此憤想貴鄉輿論必
為之不平凡有仁心者當共擊之矣貴邑令公又公同榜
則此冤之伸非公其誰耶風化所係敢此奉瀆非關虞公
之屬也端此

與莊儀真秋潭書

癸丑言別斗柄再東天整而限無緣寓書問候道履耿
邛哀時切懸仰北途寥落多荷提攜寇盜叢中鯨鯢波上

如繩附驥賴以無恐既而安流南溯濟我缺陵不惟言論
風旨飭教旬月而款洽周旋旅次為慰生平之感非先生
其誰緬念島夷竊數中原多警而貴治寔南北喉舌側聞
撫字有素經畧有方僑居土著俱蒙覆庇洵矣江淮之保
障也某僻處海邦乍聞聲鼓智不能運籌武不能戢亂惟
冀國運方隆天心悔禍當路皆方枘台虎之賢群醜行
且殄滅無遺是書生之大幸也茲因鄉友郁缺薄遊儀鑒
敬陳短啟用伸問訊藝雅工古篆圖書寓居治下素本良
民況挾清鑒必不敢為仁政之撓餘惟若時珎攝為天下
自愛以迓崇選不盡

與余守白書

百川先生集

卷之八

三

孤罪通于天禍延節母百身莫贖衰疾何極昏迷中復聞
令孫女之訃倍增悲愴自謂攀附高門永言相倚寒門多
屯辱孫薄福以致未嫁而殤閨門之痛更切于公家也孤
老病侵尋又屬大事下囑收托百日之間三喪相繼此豈
六七十老人所堪耶令孫既繁萬難隨當躬唁奈新馬喪
經不能出戶伏塊間聊口占代華一字一淚伏惟亮鑒

答林長興笏齋書

僕不救辜緣官職同地與公周旋修焉三載過辱不鄙拙
陋時錫訓辭形骸兩忘道誼相信而僕少藉以免于過謫
者寔公夾持之助也顧猥駕不任驅策疎乏憤車見逐明
時貽羞共事媿罪何極僕本腐儒不聞吏事少試輒敢引

今自廿非數奇也一連汪度即曠微音是足悲恨耳承遠
執教札情以映儀捧讀數過仰見垂情棄人不替風愛何
公之長厚甚斯也僕以家慈暮齡不任迎養而近親邸報
乃承之慶陽相距數千里而過遠之不忍將之實難是以
甘老衛門即毀并飲水亦歡如也但文憑未到、即投勅
矣竊念蒞官以來積愆不少而人情冷暖或生後言伏望
山江掩護俾不挂于浮議公長者也故以是懇貴同年玄
洲喬先生相晤間幸代郵懷雲泥日隔上謁何期臨書不
勝仰戀之至

答卓月波書

昨半夏日承枉駕茅齋玄譚清賞難以諧笑迄今餘馨猶
在川先生集卷之八

四

襲几案每從會心震輒懷高人在遠即辰馳寒威葢方擁
褐簪屨忽接手教易良觀僕陳人也時人耳目不我比
數尚嬰念于公耶且焚許滋情清既稠疊益令人慚沮耳
敬謝敬謝耳疾失候茲幸平善耳與賢相表裏豈公賢水
太益浪耶一笑堅冰塞渠路幾半千乃勞尊俾遠存感尤
倍萬教茲附後尚儲寬便備候不既

與俞仲蔚書

繼田來通得手教荷、兩歲腸谷兵公黃花之約俱以牽
阻不赴此公遂以俗客見嗔今歲之約益敦于曩但花期
較晚計陽月初旬當往而奉謁亦當在是時矣聞王長公
新集甚富云至數百卷六七十巨冊良是大觀次公近抵

敝邑頗行乃下顧至令主人年、無可致款又僻處
即報謁亦無及矣奈何奈何賞花時又當見二王并携舍
親小梨園即所謂十卿者以往公或寓妻本共成歡賞也
京教匪還不復接、

與署教汪存吾書

弱質未克走謁敬故北虞帥師之弟玉潔棄自遠扶兄觀
移疾不與歲試茲者補考期迫而此友貧寒殊劇朝不充
夕既乏資斧以充旬曲之行而病目赤腫不勝作字此乃
真疾矣況帥師之家婦姑析居蕭業已歸主者而此友獨
以貧故猶懸危巢奔走以覓數椽而素手謀之久不可得
實可傷悼托僕轉懇倘蒙再為移疾庶可抽身以謀居而
育川先生集卷之八

五

與心椿陳翁書

昨冬承厚贈但每科報煩親朋不勝愧悚春試幾捷矣竟
仍落第寒命之夫如此者四又將誰怨我又何他盟我是
以仰遵母命決志苟就有負風音敬愛言之疚心入京即
荷令器親家視如昆弟愛踰內骨授室授漿並問玉飽殆
無虛日此僕遂旅中之大幸亦惟中心藏之焉耳非筆楮
所能盡謝也今孫德器大成文藝馳起行且紹武科名書
香有種德門世澤于此焉微但小兒年長無成近蒙曲賜

提携終虛辱愛父子並落人後門昨日乘若何若何傑登
選八月可得倘便道南歸奉教非速令器聲望播于四海
人以公輔期之一有殊擢非都臺必列卿矣我翁優游燕
境子貴孫賢山中笑傲花下夷猶乃人間之逸老地上之
行仙也健羨健羨故因便程敬附短啟聊候動定餘惟珍
攝以需天眷不宣

賀魏新涇七十書

恭審世德世學之門值茲共車偕老之慶芝蘭盈庭圖書
滿架官聯清禁戶擬素封詢東吳之希避也彼耨耕之英
揮耕之麗德壽雖同而軒冕殊擬矣曷勝健羨乃若民有
四窮僕無其三仰睇俯仰憂天壤承折簡速領俾與賓
百川先生集卷之八
六
廷之末僚賤恙雖章小愈而元神未復即此際所難尚稽
伏謁況儼然衰經而廁于羣仙之中既冒俗嫌殊幸事體
敢固以縈俟公燕閒之日或長夜清秋尚侍杖屨于花前
也謹此附後

與張仲立文學書

張子至適到華續推獎溢責不覺愧汗藪之下也向親尊
撰令先公懷遇錄溫及賤子僕與先公邂逅兩度累屏授
札僕雖不足當先公之知而亦不敢不謂之知己不自意
尚蒙記存若此錄中所載俱名流達宦僕既不飲與之韻
頑恐于先公亦有愧之愧之頃親七藻雄撰于抱冲
齋中收生後當無兩矣僕亦僭求手錄一冊陳之案几特

竊展玩敢托張子為介并奉素冊一奉倘晴旭桂簷無斯
揮灑至望

答王百穀書

昨歲遂旅中時既清言慰我風企暨下榻寓館請雄文數
十首欽哉名家方擬卜隣城西所夕函丈乃文駕且翻然
南矣悵快曷勝僕本朽儒晚沾一命即欲騰驤千里稍露
神駿而久困鹽車折磨盡矣金武康雖屬新知實僕素仰
其人儒其行亦儒僕與之交似有別契凡可用情不遺餘
力若守公郡公咸為先容久矣奚俟多屬耶僕非酒徒日
居烏程二姓之鄉若此累歲金安所用之何當預蓄數斛
遲兄之來茲也嘉吟垂賜倩以雙鷁祗領高雅統儲報謝
不盡
百川先生集卷之八
七

與王簾東書

昨冬承厚贐但每歲輒煩親朋不勝愧悚春試捷矣仍
竟落第命蹇之夫如此者四又何他望哉是以仰遵母命
決志苟就詎惟杜園埋沒而風音敦愛慚負良多乃銓部
後以悠期整選待次遂旅珠桂之鄉坐老歲月惡托可知
幸有布衣貧交鴻漸于天時相慰遣耳僕或八月可沾一
官倘便道而南當一良晤若齊魯燕豫之墟則未審來教
何年也來梓久離定省日曠而以一書生留滯異域眼前
著朱騎馬無非少傷傷如之何湯為親契一言見僕之苦
情乎爾令弟改官清秩且通鄉郡以僕相較奚啻雲泥因

其便程報附短敎來候動定相晤未卜臨書惘然不盡

復吳興門生朱海陵書

僕世之散人也素不閑于吏事曩者效顰大邦益亦稍自振迅欽束形骸以勤補拙期不負于此心耳然塗抹雖工而終不免于露醜所幸山水之區時縱吟目美賢之藪間啟文心耳一觀則藉殊遠風懷即爾拂衣但不獲與故時賞心之友作別河梁此殊悲恨自入山來不知我者輒以捧檄北上相勸一切謝之麋鹿野性志在豐草驅之朝市不勝駭觸方以一山為悔而肯甘于再蹈耶即今山崖水澁月夕花晨座客常滿樽酒不空調笑方諧清歌迭響與至一詩傳來長卧而先人敝廬風雨可蔽負郭常稔饒饒百川先生集卷之八

不乏以畢吾年不啻足矣吾志既適雖負奚憾較諸軒冕桎梏孰與仲多公屬心知敢以情布僕于貴郡自許遺愛雖無而遺穢終鮮但人情巨測後言難免不識今日追論區區若何想仁序之俗必不輕于蟻人也遠承芳訊脩以清脫足似嬰念詢使知已齒讓胃子南游便程有迂途一舍晤言竟日否也萍聚三載蘭交數人公其一也餘子不及各致幸傳言之奉教何年曷勝延佇不盡

與胡野臺書

郡齋惠顧修踰二霜仰企大雅恍焉對晤僕本腐儒為親而仕未閒世風前路未幾輒爾更駕才疎格下焉往不黜茲已引分自甘返我初服蓋麋鹿之性志在豐草一置樊

籠則駭觸橫生矣自還山以來琴樽詩奕聊以自娛高堂上膳之後則山興水舫斯夕忘歸魚鳥不猜烟霞為侶自許閒適之樂即軒冕不易也天竺目上人傳語云：豈以僕猶冒壯趾之凶而棄家食之吉耶又云文駕且詣草堂果爾誠覺然足音也予日望之上人行會小兒危疾未瘳情緒惘恍言無倫次悚不悚不責同年陳常二公冗中不遑另申晤間幸及之嘉會伊邇言不盡意

與從姪二川書

昨三峰姪臨姪榻前悉數吾姪所以廢兄弟之間者罔非疎財敦倫之義不特可愧今人即詩書所稱胡以加諸姪祖生平雖辛勤勩業不遺餘力而仗義周急折券已債有百川先生集卷之八

古人之風所以增重于士林遺恩於身後也吾姪甫值棄養之始鄉評未定之日遂能善體先志以睦門內使今日之兄弟既免小忿異日之子孫永罔諍言姪祖之視于斯瞑矣曩先祖暴殂遺產頗廣時以庶長任事者莫尊于二姪父特其不以公心撫御姪等遂至齊人肥己軒輊天淵姪雖安命引分餘三十年竟不與較而此衷念及不無介然當時倘如吾姪一二分公平之心姪之貧必不若此其甚也姪所以退悼于往昔而擊節於茲辰也難得者兄弟易得者田地此二言者苟有目而知書者罔不觀之及一旦臨錐刀之末雖辨為君子亦不免蠱惑而眩瞶迺知財利關頭劈手打破者非大賢弗能也姪今舉義既盡義矣

姪也不敏更有餘望後使寡嫂貧妹遺妻故僕每人而得
所處焉將不又盡善矣乎其諸交遊之間飽宗人之收睦
則遺規具在無庸贅也姪既有感于揚善之公後竊取夫
責備之義故言之長若此伏惟母罪其枉是幸

與三川妹書

杪歲重煩文駕祖道關關一羈官守居歎路吏並無片譽
休暇把筆俯謝以伸縋縵春月顧辱嘉札累幅情誼彌敦
相去雖三百里而有美一方未審抵掌何年也此中罷訟
好許情偽微曖而姪以虛明懸斷十得七八日以廉明勤
恕四字奉以周旋而士民亦頗相諒幸免罪戾但訪諸易
典廉訪太密作官者多不克終此又姪之殷鑒也野性庸
庸先生集卷之八

卷之八

十

四七三

才不樂禁進辟之縻鹿所志水草是甘每欲奉母以歸與
故人坐精廬中談劇絕倒豈不快哉姑俟之耳吳興以毛
穎茶并名天下而上供官府者率皆濫惡即潛使人以精
金易之市中一知吏役便匿不售雖敲朴臨之不憚也乃
知烏程之酒顧渚之茶古今不相及久矣不意此邦之陋
若此亦知吾姊嗜茗且蒙多福而莫之獻者坐是故也明
春或可償諾責幸少須之聞二川妹監事尚在齟齬今將
若何近者水泄之後繼以瘡痍一月不事遂成疴夫小
兒來寧日便奉寄緬念茲蘭香風臨派數局以消永日當
年以景恍若隔世益知山中塵中大有徑庭矣三峰四妹
蕙田補二兄不及另啟然告吾姊者亦可告三君也章

傳致之不盡

請親族宴札 臨終絕筆

不德身享成業平生無饑寒之嗟而浮名適落人間與論
至今有遺珠之嘆此道家之所忌而不德之所深愧者也
不意今歲天厭底德一病彌留加我數月即古稀之年或
可偉致而歲不我與醫禱罔効憶昔伯姊兄弟子姓歡晤
一堂可再得哉今將長離終古一傷是用揮九月十六日
薄設家宴奉邀諸伯姊兄弟子姪以脩親：故事倘念燕
笑滿堂而余一人獨向隅掩泣是可憐耳因其可憐而憐
及後之孱孫愚則教之弱則掖之無俾失所罔愧名家之
兒則雖死之日猶生之年矣九原有知感當結草垂絕之
言一字一淚

南川先生集

卷之八

士

二十四

刻孫百川先生文集

明海虞百川孫 樓子虛父 著

同邑年家子陳禹謨錫玄父

叔 孫七政齊之父 選次

姪 孫朝肅恭甫父 校閱

梁溪子婿華滋蕃伯昌父

請建文學書院呈

呈為舉曠典以崇先賢以沐後學事切照先賢吳公子潛
言氏北學中國開荆蠻之陋風親炙宣尼為聖門之高弟
名儕十哲賢並四科大江以左人得精華之正傳由周而
來士知文獻之遺脉凡我南方之學者推為東海之聖人
百川先生集 卷之九

辟彼禪林賴此開山之祖擬諸公族後有繼別之宗維我
常熟之邦實為降神之地三千年遺宅而墨井猶存數百
代封丘而夜壑永妥蓋亦孔子之闢里而孟氏之騶鄉也
但春秋俎豆雖宗祀之有祠而冬夏詩書尚講肄之無所
賢宮之雖舍有限青衿之增額愈多家廟雖存爵祿雖嚴
專祠固在湫隘難容以故有志于靜學者而家無精舍還
僦居于叢林雅意於樂羣者而公之講堂輒借窓于虛室
竊念敝邑雖陋既為先賢父母之邦某等不才亦忝後學
子弟之列生於其鄉而欲成其鄉之人者實大賢開來之
心學乎其道而欲得乎道之門者又吾儒仰止之志伏乞
效白鹿之成規放紫陽之遺事擇地一所建院一區額則

取文學之嘉名義實為膠序之羽翼興起斯文學千年之
曠典表章正學增一時之偉觀庶幾絃歌之聲繼武城而
再起文物之盛並鄒魯而彌芳為此具呈

代王陽谷陳事呈

常熟縣為條陳末議以慰民困事照得東吳古稱澤國今
號沃區以幅圓則四境無千里之廣以征輸則每日有萬
石之供若我常熟寔吳僻壤稍諸邑乘之紀載詢彼父老
之傳言並以田之高下東西相半歲之早潦有無相通自
非大歉之年恒獲小康之利縣之得名以此奈沿今日煩
異昔風兵燹游罹瘡痍未起旱溢頻繼疫癘孔哀匪徒杆
軸其空抑亦瓶罍兩罄然而官有常歲之征復設他額而
百川先生集 卷之九

博歛民無終夕之計將併正課而愈逼近計六七年之內
積負新十萬之多以故司農告匱督餉嚴追乘心焉國自
不違於為民抗顏微新又復帶手微稽欠頭則一歲復一
歲而無窮民業則一年復一年而益削辟諸在床病廢之
夫不加調攝而却刺屢投長途倦乏之馬不使休息而鞭
策愈急不至於斃不已也竊念它內醫瘡既非小民聊生
之策反聚負薪夫豈國家固本之思以故本職到任以來
存心休養每事節裁但職微而所及不廣才拙而有志未
能謹思地方三者之病聊展平日一得之愚然皆非縣令
之力所能為而實有待于明公者也故陳鄙臆仰候尊裁
為學友薦養翁呈

呈為表輔臣以光新政事竊惟天地生才本以待邦國之用帝王御極亦惟急仁賢之思以故求哲人輔後嗣商湯垂裕之深仁率惟謀從容德周武紹基之首務蓋老成爲前王之所遺而稽人尤嗣君之不棄本縣有在告大學士嚴某江東間氣海內挺生讀中秘之圖書風具致君澤民之畧逮密勿之啟汝壯行參天贊地之猷既陟容臺後專翰學冠六育而居其二躋孤鄉而列其三我國之錫爵也既隆而本官之報國也不負牧之以佐厥辟勉之以勤其官當冢宰正位之時值柄臣嚮官之後而能奉公以謝于謁潔己以杜苞苴門設雀羅雖晝日而常閉尸居龍見併親友以絕交薦賢以收異材拔滯以獎恬退量才授位

百川先生集

卷之九

三

陋彼聖書越格待人斥茲序簿以致萬象一新四海咸仰王音有公平端謹直清勤慎之贊輿論有在朝肅清在野肅寧之謠吾道方行聖眷益渥進列端揆俾共平章時則知有國不知有身修焉崇于二豎以王事而歸家事能無念乎雙親恩重穀麻甘匪懈以敬事情生地姑亦不寐而有懷載陳誠款特荷俞容驛許日馳鄉還盡續三公而伸一日之養子道無虧江湖而存廊廟之憂臣心常耿耿以醫國之志惟檢方書推壽親之心不殺生物其教子也則示以樹德之詞其訓俗也則頒以勸善之錄貴而能降以絕迹乎公庭老而克勤惟玩心於書府家政益敦其雍睦鄉評愈重其操脩夫其在官也既如彼其居鄉也又如此

庶幾乎商之哲人周之容德矣乃今年方踰艾病亦向瘳晚節已全壯圖猶在而乃使歛其經濟混于漁樵人才實難不無可惜況今遇大有爲之主而有此不恆有之賢既先朝簡在之臣又元老共事之友倘使賜環而後載旌以招都俞于堂陛之間寅恭于朝夕之際將見仰思先帝之恩必圖報于吾君之子俯繫蒼生之望必大惠乎四國之民伏乞准呈特奏以慰輿情爲此具呈

袁墨津奉例冠帶呈

遵恩詔以彰宿儒事有本縣生員袁某端謹挺躬清脩勵行言動不愆于禮義取與必辯于鉛銖瓶罍罄儲拾遺金而輒返圖書在御席藉璫以長吟誠爲鄉之善人庶幾古

百川先生集

卷之九

四

之猶者節蒙文宗大人廉其獨行足冠五百士之羣稽之輿論又協千萬人之衆懋以殊賞獎以溫言上官既待之以非常本生亦當之而無愧況其青雲之志未衰而朱衣之頭不點道亦窮矣命實爲之今已棄鷄肋而野殿甘蟻屈以泥蟠又可謂青襟之遺珠白屋之埋璧也竊照去歲詔書民間七十以上素行推于鄉黨者許冠帶榮身如伊人者正合此款藍袍已誤其一生在本生雖無章服之望丹詔希違于千載在國家實爲曠蕩之恩倘俾其上列于下士庶可少別于齊民不徒增膠序之光亦可揭閭閻之勸則明公之取人即武城之言子而本生之見取亦數邑之澹臺矣有此具呈

薦陳雨亭呈

照得鄉宦陳某和粹之資剛正之操並仕宦訟之邑而不擾其民者課獨最于江右擢居彈駁之司而克舉其職風裁獨凜于朝端敢言之氣即九死而不回見幾之明遂一麾而遠逝身雖去國丹心抱祀人之憂孝以事親綵服效萊子之樂塵視軒冕遇貴客惟著荷衣肥遯衡門雖公事不見邑宰戶外二屨無非問奇之人几上一編不墜校讎之志乃今年猶未暮病亦就痊雖其壯志之已酬尚有餘勇之可賈未宜遽棄于野似可復立于朝

為諸友請增科額呈

呈為比例作養事竊以三吳人寸素甲于江左應科俊造

百川先生集卷之九

五

四十五

悉起於學中若非寬其鴻漸之途難以展其騰搏之勢然得崑山常熟二縣並以山川毓靈而地獨鍾于人物風俗婉羨萬家各尚乎詩書冠裳櫛比巷擬烏衣科目肩摩班聯玉笋既若鄒魯之鄉為文學亦猶秦晉之不可雌雄居常肄業之徒諸生之數適偶賓興應試之士每秋之選相當祇自嘉靖丁酉庚子以來會未翁拜相之年思汲引乎後學致宗主按部之日遂興起乎斯文與其進也則三等上綴乎末行有其舉之故累年逾趨乎常額惟我常熟則士甘靜守人罕妄干既在十九人之外恥效毛遂之自鳴曾居十八國之光姑遜大差之爭長良由入仕者之未顯夫豈居學者之匪才以其數既不及十名之多以其時亦

惟我二人之責往則已矣來豈安乎某等仰山先哲雖不敢以爵位相方成就後生亦庶幾于古今相及乞念士無優劣格有參差倘蒙施其一視之仁斯可伸其二紀之抑沉門下之桃李不妨于多栽龍中之參苓似宜于各備特見妍媸不爽已欽藻鑑之公明低昂適均無羨文衡之平正焉此具呈

舉邵友清操呈

本生少失怙恃生遭迍遭墨突無烟不以貧而廢讀筆耕恒餒罔以累而情備以父禮事兄而家行克謹以古道律已而士節尤端宴甚默教豈就嗟來之食寒踰范种猶却故人之袍襜石無儲雖朝不謀夕而卓錫無地亦樂矣忘

百川先生集卷之九

六

四十三

憂以故蓋鹽罔繼之秋不改琴書在仰之趣學有端緒由師友于伯仲之間業克精專每涵泳于騁黃之外或上下其議論而滿座風生時游戲乎翰墨而揮筆霞綸餽不以禮則一芥而必諄諄非其人則成言而不假蓋過物而多忤亦直己而不回若名可繼于其兄不讓雲間之陸世業後遺于其子足延洛下之宗寔古之猶士而今之隄儒也竊照昔學宗師教條事理首重德行之科用敦廉讓之節有如生者庶幾其人

學友為鄧臺山求助夜呈

呈為憫貧儒澤枯骨以繫去思事竊惟君子之施仁也必先於窮獨而人子之事親也莫重於慎終故有本學生負

鄧某志行端方問學該洽結一經以繼志詩書佩訓于嚴
君察百順以悅親蔣水承歡于母氏粟罄瓶儲尤嚴取于
之介廬棲甕牖惟娛圖史之陳門外高車日有丐父之客
齊前脫屣時入問奇之徒蓋文場之遺珠而儒林之抱璞
也但其狷士之性雖甘於長貧塞夫之遭復罹於多難父
兄久殯滯淺土而未埋壽母新殯欲舉事而難舉獨世歲
之書畫僅克斂形際天降之凶荒安能安魄生者且無以
給養殯死者又何以治窆安幸遇父母老大人仁以存心
義以濟物愛民尤以愛士為先憐才復以憐貧為念如此
生者甄陶門墻之下每辱文字之相知砥礪閭閻之中不
無志節之可取既蒙六載大庇之惠尤望一朝博施之仁
百川先生集卷之九 七

為陳景言乞助于王賜谷呈

呈為閔志悲窮以終大惠事切惟科目本以造士而或抱
遺珠之嗟詩書藉以奮庸而每致誤身之慨故殉名之士
卒老于行而不休而薄命之夫竟終其身而不遇此奇傑
所至痛而古今之同憐者也本縣近故鄉試中式經魁陳
子忠文學名家永冠冠世曾讀資神解起鳳雛于總角之年
聞譽風彰騰蜚英于弱冠之歲而且才兼八斗學破五車
開戶窮經醉醇醪于糟粕下惟研道求魚免於筌蹄以涉

獵焉下乘甘皓首於讎校以剽竊為俗學寧苦心于支離
晨寢無烟而一編不釋曉燈常火而五鼓猶惺蓋積功四
十年而鄉書始薦又偕計五六度而公車未收造化戲人
儒冠多誤項它少而蚤登胡界之才李唐老而不侯終身
於數故者壯志未衰肯信乘榆之已晚奈何錮疾為虐遂
令蘭姬之怨摧既為三獻未售之人復作萬里不歸之客
父場怨鬼抱一恨以何窮冰觀遊魂耿雙眸而不瞑抑且
室如懸磬妻子之養何資堂有停棺父母之喪未葬遺書
數十卷不堪療餓負郭半頃田胡以卒歲伏念明公向刺
符于邑中嘗收為門下之桃李茲駐節于江左亦許備龍
內之參苓國士之遇已蒙珠璣於昔年羈旅之窮寧無與
百川先生集卷之九 八

具呈

鄉士夫保救邑宰黃似欄呈

呈為懇乞赦誣誤以慰仰望事切照本縣襟江帶海而細
民微利素仰食於鹽醴地廣大荒而豪右渠魁已漸成於
跋扈有本縣知縣黃某念瘡痍未起之際頗知撫字之勞
值饑饉相仍之時豈容法網之密謂取夫為歲凶所迫繩
之則盜起故稍體其不得已之情謂巨寇乃惡稔成擒緩
之則變生故即加以不可宥之法雖其操縱之任情似有

寬嚴之合體當道見其慈直宜致薄譴之加小民賴其撫
摩辰有孔邇之愛今蒙提問待罪於茲但本官有愛下之
心而不知獲上斯可以治民有救荒之策而不知保民元
貴于足國邇其迹似率意之或過擬之罪實中心之無他
某等但知採公議于輿論不敢樹私黨于一人見一國之
善狂故逼歲除而逃出悲萬姓之失怙故冒上怒而獻言
伏乞赦其小過許以自新亮其以書生而作宰豈能世故
之盡諳憐其以筮仕而獲愆不無甲科之可惜倘小愆而
大戒或使過而棄瑕則本官蒙不治之仁必知悔其既往
感匪怒之教行自效于將來矣

為秦景陽乞補康呈

百川先生集

卷之九

九

四六八

呈為乞憐奇過以終洪恩事本學候康丁憂生員某人才
稱八斗學足三餘親承家學之淵源夙負國器之品目備
文積案宜屈五百士之羣較藝擅場堪作千萬人之敵誠
吾黨之為才而文科之利器也昨蒙一日之知拔為多士
之冠明同皎月咸推冰鑑之無私澤比陽春方章外斗之
可與但本生運值數奇身遭陽九臺階既試之後憲案未
出之前變起外艱頓阻青雲之路壯圖中折空餘向屋之
嗟乃使作養殊思未沾實惠補補盛典終置虛文與論惜
之事機已矣竊念璞中之玉已見采於楚和而櫛下之鷲
猶長鳴於伯樂今本生起後之日尚遠而宗師榮耀之期
已臨倘蒙法外用情頓使憂中變喜雖大江以南甄拔矣

嘗千人而本生以來遭逢由此一舉況前院兩賓優等並
艱寸進之階使今日後隔垣名將為終身之恨本生父死
謂何已絕干祿之志某等朋情孔亟當致請票之誠伏乞
俯念機會之難由賜造就之力俾其今日僅充廩膳之名
庶使他年可得頂補之便則不惟軀生有幸望外蒙罔極
之恩抑亦死者有知地下抱無涯之感有此具呈

皇鑒

道家有語曰天有九天天各有皇是謂九皇上高者玉皇
也歲以嘉平月之二十五日降神人間以個人善淫為福
禍是日也吳俗揭皇像於堂焚檀潔并陳脯羣家之
人而拜焉而祈焉以示善於皇食不屠語不諱而身卑
而行徐：宛然吉人也爰有畫日百刻水漿不入口者為
清齋自詭行家高獲福宜最多而乃脾胃寒虛委頓彌旬
意出涎之矯詎若斯哉夫天積氣以成仰之而色蒼：者
天也而實無際也無形也空焉矣耳曷有應階躡級層：
而九者耶又曷有冠冕環玉哉：而皇者耶天聰明不以
耳目而無乎不聞親又安待察耶其神遊也流於六虛貫
於四時安用家至戶到人：而覈之耶即察之又安必示
人以期俾可預飾耶必不然矣且彌歲之肆惡已積而一
日之伴善易備昨禁而今免昨詔而今夷姑以飾貌也始
以飾緯也皇聞且親之矣豈遂福之耶今免而明仍禁也
今夷而明仍詔也皇不聞且親矣無所用飾矣豈遂不禍

百川先生集

卷之九

十

四六八

之耶不稽其素而崇朝是憑是皇私其脯核悅其誦拜將
福善淫禍之柄倒持于人而人且窺之矣孰謂天也而善
是之可罔耶噫斯哉也誠自其一日之善而馴之他日莫
不然亦庶幾哉余獨悲夫一日之善而後出於矯也于是
心天子撤為偽儀兀然內觀而歌曰孰為天兮吾之心孰
為皇子兮天君月後月兮咸為嘉平日後日兮咸為降辰
無盡飾於察、無隨行于冥、俗不可諱兮吾以銘吾紳
余十四五時作皇鑒輯以獻家曾大人大人肯肯之曰
兒可教也去今蓋餘三十年所矣稿宛然在讀之可哉
一槩豈東坡公所云小兒強作解事者於是刪抹點竄
釐正成篇童心未除馬齒已長而有感乎爾

百川先生集卷之九

十一

四十六

鷄夜鳴解

孫子方甲夜秉燭兀坐聞雞大鳴者一占者曰將不戒
於火盜且警厥應不過三日蓋慎諸家衆妖之羣持刀大
索籠中截其味顧舉群多冠罔復鳴者余意可止之且論
之曰鳴者鷄職也特非晨耳矣罪哉雞職鳴諸有故輒先
鳴以告慮主失曉則鳴慮主失火失盜則鳴蓋忠於主者
也其晨而鳴者性於信也或他雞唱之而始和之雞能晨
亦凡雞等耳乃火與盜未始有朕也者而夜鳴以告主乃
潛水以防操戈以伺是則忠也不夜鳴則主不占不占則
曷知火與盜忠而智者也舉群不鳴而是雞獨鳴雖人妖
之且截其味弟顧又忠之尤者也若等人也而預知火與

盜乎不能也方塊於鷄之不逮而連雞罪哉火與盜固妖
也妖與在主鷄曷能妖即三日而火與盜其鳴信矣出三
日而不火與盜亦因鳴而慎也鷄之功可強也異其罪若
等豈釋汝刀疾汲且鷄忍以須期又明日乃解嚴憲害忠
臣之危言於治朝而人指為妖者亦若是鷄矣

博浪椎車論

張良之先相繼相韓應五王秦滅韓良散萬金結死士以
報秦會始皇遊博浪良偕故所結客持百二十觔椎狙擊
之誤中副車始皇驚大索不得良是時年僅弱冠耳不勝
其剛銳之氣輕試於一擊而幾于不免此圯上老人所為
折而辱之使之堅忍以就大而良之成功以此蘇子之論

百川先生集卷之九

十一

四十一

則然矣余曰否、豪傑之生與羣殊後後能食已藝在
孫仲尼嬉戲即陳祖豈何者得之性成無煩於教也良起
布衣為帝者師寇三傑首後世無及焉而博浪一擊乃其
首功厥後濶迤於楚漢兵革之閒而復逃名於利害榮辱
之外樂其生平莫非狙擊之故轍也蓋不必老人之教而
其兩就亦可卜矣夫六國淪亡甘秦照首圖報者誰耶而
匪、之韓辱然不勝衣之良獨憤焉思奮胡其忠也食韓
祿者詎一張我良也念五世之恩而必欲伸祖父之氣胡
其孝也祖龍仁不足而威有餘天下莫不震疊而我獨獨
夫視之胡其勇也秦法密矣乃警蹕之旁忽焉顧以非常
之客既不使測其所由來又不使跡其所由往又胡其智

也當是時也不難於擊而難于不獲不難於全一身而難於全一羣自非諳劍俠之術而神謀之與通者不能也時則老人未遇也兵法未授也而閭閻呼吸機權翕張之術不是過矣不然則車徒之盛呵護之周執有如帝者之東巡哉而良也一入局一出局若蹈無人之境彼固料已之必不可擒而特不能料始皇之尚未可死夫豈輕身以自陷哉向使副車不誤而秦政果斃於一擊良之願已矣而異日之成功與否良無心也夫何天稔秦惡王者不死荆卿之匕首高漸離之筑瀕危者數而輒以幸免又不特博浪之椎也何也今年祖龍死滿池君示之矣至沙丘而亡仲尼之墓記之矣其地其日天默定之矣乃博浪非沙丘百川先生集卷之九

黃石赤松之托又其全身之故皆此固秦網之所不能羅而漢法之所不能嬰者也運籌帷幄之畧固不藉於老人之授書而堅忍成功之故亦無關於圯上之納履也

論俠

聖世無俠非無俠也無所事俠也當是時天下無冤民無寔民即能為俠者且折節俛首而遊于聖化之天俠安從名俠云俠云其起於秦世乎使世而誠衰也又安可無俠乎自司平之法壞而天下有不得其死之民自無併之豪興而天下有不得其食之民不得其死矣不得其食而且犯死者人所哀憐也而天下有能俾我可無死者爭奔走之矣乃俠也則能使死者可生而又能死其生者以快

死者能使無食者得食而又寧我之無食無寧人之不食有士師天吏莫敢誰何者而能得之於俠有累吁積憾數十年不克伸者而一旦得之於俠有石交鮑叔相視若秦越者而得之於生罔一面之俠故天下之冤民寔民仰俠以為命而反若有以助聖化之所不及者何也俠非凡民儔也不為威惕不為利疚不難借軀以報讐不難指囹以賑乏重一言之然諾而千金弗愛也激一時之意氣而一死弗顧也王公貴人視若褐夫而玩之掌股之間寒峻下走視若同室而厝之衽席之上抗天子之法而能逃於密法之外拯伊人之困而甘蹈于大困之中其急人也甚於己其視人之難也甚于己之讐千人之食一瞬而辨千里

之難徒步而赴卒之司寇不得捺其生殺造物不得柄其窮達妻孥不得挽其鐵石之腸而其果于引決也身亦不得自聽其短長之命三季而下聖王之教日以漸滅而俠者相望繼起四公子貴而俠仲連侯生義而俠聶政朱亥勇而俠朱家季良富而俠劇孟郭解謀而俠若而人也當世義之後世慕之其名不朽而其骨亦香雖其恣睢桀驁之氣婢直剛愎之狀若不可擾馴而羈紲而能使弱者立強者立弱者怯怯暴寡之徒不敢安枕於九關復辟之中而常若有挺刃於其側者非其初歟司馬子長每假借于若人之儔而為之咨嗟歎賞累牘而不置者其待來世之意乎鄙儒無知假以敵民視之而痛繩以法或戮之都市百川先生集卷之九

或擯之遠方可幸無累端矣而安知若人也民之豪也吾既不能馴之而亦必不能死之彼既不能純焉民而亦能純為乳民吁蒙自茲始矣

刻孫百川先生文集

明海虞百川孫 棲子虞父

同邑年家子陳禹謨錫玄父

叔 孫七政齊之父 選次

姪 孫朝肅恭甫父 校閱

梁溪子婿華滋著伯昌父

明故北虞邵先生墓誌銘

稽古畸人於時罔際坎壈駢竟汝以政者何限也然番千名者或豐於壽壽千積者或厚於位世所解貧賤拂鬱沉淪天札諸所不堪履而備嘗於一人者亦鮮有之茲以樂於北虞邵先生悲哉天乎胡獨厄之若是邪無負郭百川先生集卷之十

以瞻其生無車雖以庇其後之人終其身一縫掖且不登下壽世僅有知之者亦止其姻交與其所嘗遊歷之鄉已耳豈天信厄之邪信厄之又胡予之予也先生少稟殊質書過目輒了大義驚人傑句溢於筆端時雖異重郡大夫暨督學使者聯選為第一人應試白下猶未弱冠也自是志彌厲業彌精泮金錄辭入黽刺心執無遺巧朝甫脫襦簪傳國中矣其視一第可芥取乃偃蹇秋賦者七簡斥春官者五歲已百以春秋明經入教尚居一籌兩辰簾內外有物色之者而有司擯不得與壬戌幸收之矣而輒以中場較劣又斥去然先生於時義中論表最長無庸反劣也先生爾時且踰艾耻後與諸少年競祿資營然罔以焉歸

或諷之祿仕先生始揮涕若難之己乃首肯強顏謁選授
德清校官過吳不返其廬遂驅車以去間數一二東報所
知曰秦龍人今養租矣德清為吳興下邑士可與進者無
幾先生將大新之甫振鐸隣郡雅熟其望者交執而至執
經座右僦屋舍旁者數百人市中薪米騰貴先生羣于德
士而胥諒之日有課旬有試人為銓品句為竄點又藩臬
諸大夫以上官來乞文使者交午於道先生忘其疲而酬
之而已不勝其後矣居無何卒官先生雅攻古文律方駕
作者竟一篇無長語類句當會心處若平地削出芙蓉不
雜土石不假陂陀峭拔通聲蒼翠可把詩婉麗悲壯即在
閒適時作嗟悼語蓋其中無一日之怡也先生為於天倫

言川先生集卷之十

二

父母無恙時資館教為養出必戒其婦日具甘滑上食二
親無負憂同母弟王潔教之食之相友者五十年無違言
寡姊弱妹悉收養一堂故食指實繁而饒粥罔繼間得賣
文金或餉之酒輒召所歡豪飲大嚼無幾日金罄矣雖晨
突不烟意豁如也先生昂激豐偉若鶴立羣雞中人有不
善輒義形于色裂帛視之而平生石交晚益異忤壯日偕
同志數輩結文社於葉祠不四三舉盡脫穎去遂空其羣
社中一二躋華要者儼然為先生而已備文地下矣悲哉
天乎胡獨阨之若是邪邵世家常熟之蘆荻村至葉贅城
中盛氏遂為城中人邑之有邵巷始此又三傳守齋先生
某邑稱聞人守齋生甘拙翁賜生先生母朱氏配張氏

所同拮据者也子男二人鑒娶吳氏理卿虞東公孫太學
生三吳君女鑒聘張氏籍守立齋公孫太學生小立君女
女三人適太學生徐樓庠生李元坊顧達舉先生自懲以
儒誤身不過習其子而鑒乃知學要有父風門人武選郎
後軒錢君心憐之經紀其家歲輸之粟購賙有加禮焉送
死事居人欽高義棲也同門地屈於力先生于正德庚
午十月十二日卒於嘉靖癸亥十月十六日年五十有四
葬以卒之後四年丙寅十一月十六日墓在興福里先生
諱圭潔字伯如北虞其別號也昔守齋之喪迪功郎徐昌
敬其門人也為之銘先生之懿寔踰厥祖而棲之末學遠
讓迪功胡敢銘先生我顧知先生者宜莫如樓又胡敢不
言川先生集卷之十

三

銘先生我銘曰

彼其之子其能欲死而先生恒饑彼其之子其出有車而
先生無居其長也以父而再黜者父其仕也為貧而不減
於貧此而黃誠執為青雲吾以問天聞乎不聞杯土兮載
魄摩廓兮游塊惟志士之意氣噴日星而為昏先生已矣
不死者神

明故南畿經元景言陳君墓志銘

君生而穎異甫髫年日強記可數千言且工帖括督學使
者異而試之獲策立就策無竄點即筆鋒刻燭難以言疾
一時譁然名動三吳縉紳間目為奇童爭索一見陳生為
快一蒼頭負君以往而至環而視之君膚指而髮漆唇若

金丹對眾吐語罪：玉屑悉老宿所不能道環而觀者又莫不驚嘆是年選為校官弟子僅八齡耳君業以藝進益思以屈其羣掃除一室充斥圖史晝夜軍精綴心不少休止家人呼食寢若弗聞也君雖業毛詩學而六經四子漢唐以下諸儒訓詁箋擇靡不研習几經史子集通達國體可備文戰者又櫛其菁華而課讀之其學寧支離以自苦無寧鹵莽而章捷歲積所撰義巨冊而細審者累：凡上暇則手而自哦以為愉快間出以示余若商葵周鼎雖黜湯剝餒與用者若不相狎而典質貴重蒼翠可把故知君者希而一與知者遇縣抵掌擊節自說得一國士終：諸子無論也當是時君且十從鄉賦矣而始捷于嘉靖甲子

百川先生集卷之十

四

為毛詩學第一人是歲房考例用京朝官由進士而登仕者主君者則吏部郎蔡先生故江右名士也君又五從偕計而迄無一過歲丁丑君且踰耆矣乃其志猶八齡時也冒疾而北後以疾廢試雖廢試猶伏枕手其故所撰而哦比徽棘間捷者為誰歟曰梁宜賢于我哉我亦終當若是乃以耳歸未渡淮年於僦舟寔為曆五年四月五日也年六十有三嗚呼悲哉學未逮君十之一二而獵芳名粹騰仕者何限宜君之高於自視且果於自信瀕死而不心也使君幼書不極亦可不病：矣而爭名之念不少決亦可不住：矣卒之不勝病以死而又客死也悲哉死之日同鄉友倉卒贖金為殮君名子忠字孝甫景言其所自說以

三吳文獻始言游氏故廬志亦遠矣陳之先有諱諱者景泰甲戌登進士仕為御史歸生世積世積生結榮號靜山娶李氏以正德己亥二月一日生君娶王氏北山王恩親女王翁善擇婿三女咸得所配君其季婿也子二長拱宸襲君未子抱同姓子而子之且教之今為郡庠生娶宋河陽女次拱明側出聘庠生徐虞弦女：適庠生沈文度丁懋中王出也適太學生陸撫謙者則孫氏姊出而鞠於君余從妹也君終其身無一日廢書不觀又終其身不仕無一日効于官有可紀之績故余所為志君者僅詳其學云談者謂君潔癖似雲林石癖似南宮嗜若癖似鴻漸此可以得君之為人矣余與君生同庚志同方而先考功與御

百川先生集卷之十

五

史又同榜也蓋通家者累世矣知君之深宜莫如余宸若明將薨君於世墓儼焉肅經拜且乞言於余而持歛石一具為贊余乃泐墨於石撰斯文焉銘曰

劍埋豐穢兮神閱厥奇餘氣千霄兮厥光陸離一躍而出兮銛不可遏出非其時兮匣之不試一試而決于嚙嬰其鋒一決而折兮與鉞刀同嗟：神物兮不在人間知者信希乎佩者亦艱君而有知兮猶按劍於地下君而不死兮尚反魂於大冶前乎千秋兮出君于延平之津後乎千秋兮索君于淮水之濱

明故鄉進士荆吳馬君墓志銘

萬曆己卯內儀大比士吾邑入數者五人而馬君與焉此

五人者並以文藝稱雄一時號赫矣乃人之評焉君者又不獨其父蓋疊、譚其行云馬氏世誦于眾君復不問生產居可三四徙愈徙愈困卒不克具一椽而僦屋以棲瓶恒無儲衿不蔽肘許語交謫若弗聞也者枵腹而出陟顛而獨吟意軒如也視金若賸婢友問遺即一介亦轉諸義謁客必度飯後或值方飯時急縮足避去主人疾招之弗返也遇貴人一長揖外絕不作婢阿態對客縱論侃侃無所避力不能鬻一書而假讀於友已又輒返之默誦甚習得之難故誦之良苦也其所著時義俊逸清婉綠貧益工見謂可屈其羣而試輒殿貴耳者遂下其品目鮮有延諸塾者君亦恥於千人歲甘家食即延之其金不登人

百川先生集卷之十

六

什之二君嘗為子聘婦有成議矣未幾而子癯婦家有慙言君曰吾豈忍以病子誤若愚邪亟持廣帖反之不索所聘既絕婦而癯者後起內戚有繫獄而告饑者君脫絮袍易米與之無難色噫嘻貧麗六極楊韓二儒且欲逐而送者也而士人緣此折氣卑、不自好者不少君不韋生即罹之庶志彌勵厥守彌堅竟其生無一鄙行宣聖以無怨焉難無諂焉可若君者詎徒無諂且不屑以彼易此蓋幾於樂矣無怨云乎哉即古之狷士君又何讓焉君父名芹里中謹厚人也布衣而有士行有司廉其人列名旌善一旦橫罹瘞死於獄君既長而審其寃自稱驚鳥子以志恨不知者誤呼為荆吳君亦遂應以荆吳失其意矣君歌

嗚而歸蒼頭而鮮衣者數人羅侍之君曰若等者何理曰願事主耳君曰吾故吾耳應門一五尺猶懼食指煩也悉謝却之乃鮮衣者賄其家故在也君遂憤、病瘠不汗五日卒而鮮衣者始大悔踉蹌竄去報捷之旦君入市携米二升以歸將作糜而急脚至矣東西行負擔者亦息肩戰手仰天謝曰彼蒼果有知邪於是多金而藉勢者乘其匱且費持金強納之比聞訃不施踵大索而噪噫此可以觀世情矣君低徊鄉校者餘二十年僅一戰而捷、未再月而殞慶者在門弔者在閭矣天既厄之又胡界之才邪既成之晚又胡速奪之也客不以問天而問余、應之曰列子有言厚于德薄于命君命則奇矣第亦死不第亦死

百川先生集卷之十

七

等死耳不第而死世孰知有馬生者天能以一第報其德而亦不能自違其定也其死也可悲其第也可嘆已君諱鳳字瑞夫世為支塘人後徙邑治之南焉邑人嫡母沈母朱元配再配皆張姓三配錢某官兩石公女也子男一桂微娶沈女一嫁徐孫男女各一生於嘉靖辛卯年七月卒以第之年十月二十九日年四十有九銘曰

其生不辰其行則純厚積而發乍繼而溷疾于電光榮焉朝菌於乎馬君古之篤行今之畸人

明故建寧府經歷南場陳公繼配郭孺人墓志銘
經府南場陳公繼室郭孺人以萬曆甲戌三月二十三日卒距公之亡蓋二十五年所云孺人與余室人兄弟也故

耳其懿行甚習厥孤士先斬焉棄經不速四舍兩及余門而謁之銘余悽焉傷之詎忍錄諸郭故澄江著姓太學起潛翁寔允厥宗獨人其異女也翁訓之嚴口授內則女誡諸書獨人誦其詞且緯其義思異日允蹈之矣性敏而婉在同氣間獨鍾愛于翁矢不以配凡子無何翁卒會南場公業有聲辟雍喪元配張孺人庶孺人賢遂委禽焉即翁尚無恙焉慎所選良無踰於公者張遺貌諸孤益累四入又堂有兩姑老矣孺人事尊以禮撫幼以慈諸孤且長為脫簪解佩以成其子傾嫁時裝以遺其女無世俗後母態而諸孤望孺人深猶以薄俗訝之豈至仁者無恩邪乃南場則曰幸哉吾從若人不爾終罔以為家於是公謁選

百川先生集

卷之十

八

得達寧挾孺人往郡幕秩卑遠故劇郡公以寸自見出入戴星日僕庭下賴孺人無內顧憂比歸孺人相公更三年喪者再公好客至輒呼酒浮白舞袖歌鐘投轄見跋出嗟立辨者由孺人主其饋也公卒未幾而里人陷以管庫之役二難甫離襁褓弗克任門外事于是棄家從長子士元避數百里外異可幸免乃邑大夫逮其姻任焉前時食客有可為之緩頰者固一憐之較所靡金更什伯於不避者獨人返則宿備聲矣田廬易主矣僦居城南蕭然環堵日替士先以學又屈於力弗克具脩脯以謁明師即士先勉佔卑期不負若母而內困於治生外困于禦侮幾廢學矣余則嘉其志也孺人生於正德丙寅五月十九日享

年六十有九張孺人子男一即士元武岡州吏目娶呂繼季女三武進周增無錫胡獻可同邑沈汝謙其婿也孺人子男二士先娶曹後家於曹士先娶湯女亦三適郁贊承宙孫李鳴孫男七人曰上箴娶徐曰餘芳曰餘慶未聘曰所聞聘郁曰所見聘卡曰所知未聘曰所得聘章孫女七人一適張文懿一適李可繼一適邢光宗一適潘洪德一字葛餘未行曾孫男一曰大有聘承曾孫女二長字徐次未字汝謙暨宙文懿可繼並學官弟子員孺人母何故戶部郎孟義公女依孺人以老余與公僚婿也間歲輒過從公拜之猶及親公赫奕時門有軒車座有絲竹遺書在笥積鏹在庾而忽焉蕩諸孺人贊食貧于楚舍祿仕者不

百川先生集

卷之十

九

復就其養離母者不復盡其歡其殆以憂卒邪向微士先死不晚矣美以萬曆四年十二月二十六日從公之屯晉公之妾余嘗志之而詳其世茲不書同穴也銘曰公之存乎共際其安公之逝乎獨罹其艱生不克齊其年而殄歸其原吁嗟乎孺人德門淋媛

陳夢白繼室錢孺人墓志銘

陳君於石當其母錢孺人大童之年乞言於余以承嘏茲之歡余頷焉未償也無何孺人年君遂以志墓請而厥意彌勤豈信余之言但足以不朽其母邪夫余既不克張其生又負其死誅諸責者莫庸遺矣錢之先當高皇時諱齊先生魁以宿儒薦興祭元幼主文以獻當上意欲官之

懇錄還山五傳為稼隱君麟、生樂靜君雪成克世其業
鴉人王父、也乃陳之守拙君紀者雅與稼隱君善並以
耆莫重於鄉當是時守拙孫夢白君用錫泰贅於張、天
未續也而樂靜君向為女擇所配簡斥者數矣故鴉人踰
笄而始歸夢白云既歸則舅君姑已蚤世家四壁立張遺
孤者二方仰哺鴉人當在室業已勤女紅能勞勸無訖
綺羅珮之好於是短衣力作凡麻桑組績自營盡漿井臼
之役晝夜勤十指不休手為之龜而夢白忘貧矣饑寒外
間庵以周嫺黨伯兄病瘍且殆女兄嫺而食貧君憐而飲
食之醫衛之人皆義夢白君實鴉人成之也未幾夢白君
卒於石方醫年次全更幼鴉人家益削內無強近之援外

百川先生集

卷之十

十

無陵草之耻而卒焉喪葬如禮不以菲廢於石稍長鴉人
指篋書泣且諭之曰此汝家恒產弗讀之即未能取青紫
庶不媿家風也故鴉人課兩兒嚴甚所寒暑雨必候使就
塾夜則焚一篝燈母子聚首刀尺呻吟之聲交達于戶
外乙己年百歲大歎餐珠變桂環其廬者多委瘠淋瀝鴉
人孱然一身卒克保聚雜野蔬糠粃潛以自噎日持所織
衽市米以饋二子不使少有饑色此於石所最痛而言之
輒涕者也鴉人勞心勞形什倍恒母子有婦矣趨而代之
或諷之自愛而鴉人日僕、如故也乃今於石以甥謹稱
臣室爭賔之歲藉其入可具甘滑以報其劬且登上壽謂
天有知非邪先是隣不戒於火延及寢矣鴉人入抱於

欲與避烈燭四張竟不可出於石奔自塾狂叫協乘排牆
出之母女胥無恙意豈惟君子孝感哉殆有天意焉鴉人
以和治乙卯七月十六日生以萬曆己卯四月二十七日
卒壽八十有五子男三長仕娶孫張出次即于石名介娶
周繼許二氏並出儒門克嗣徽音者也次全娶繆孺人出
女二張出者適周鴉人出者適孫、男女各四于石卜以
其年月日英鴉人於興福世墓之右與夢白君合志鴉人
而不詳陳之世者同亡故也銘曰
彼婦兮繡襦阿母兮鵲衣彼婦子充閭阿母兮蠅盧維勤
與劬予罔悅以愉勤以補匱予勿以植孤植孤兮遺澤訓
孤兮遺書母長往兮孤胡弗思

百川先生集

卷之十

士

先室郭孺人墓誌銘

郭故澄江著姓而起潛先生龍光個儻豪舉能亢其宗嫺
黨避役者多伏曰於其籍先生善奕名冠江左稱國手辛
業南雍時大司馬喬公廉其儒而藝數實之幕中甚躍也
喬入為冢宰且挾先生以行擬授以京秩而先生暴殂矣
縣吏按籍連中以巨役而昔所伏曰者又胡越視之家遂
涉幾罔克以生先生娶於何為民部正郎孟義公女絕乳
生鴉人先生嘗過從先大父總郡公遊余可四歲出而拜
之先生撫余曰此郎不凡可婚也遂往聘而歸焉於是吾
母念鴉人食貧迎之以歸待年於室時僅十齡云吾母心
憐之若己女又莊貌臨之甚嚴師鴉人乍脫慈母而日侍

嚴姑乃柔嘉醇謹可敬也凡組績織繭刀尺機杼諸女紅之事凡盥漱自蓄井臼烹飪諸勤婦之事一幼其孤耳之所提目之所睨即會心不忘無俟再教又數年及笄始成嘉禮孺人則以素所聞者相余而余藉以無內顧余時政舉子哉遺書讀之晝夜居於外孺人亦晝夜侍吾母相偶當夕歲若雙星詎使賢于鵲鳴并燕寢廢之矣吾母患瘍者再呻吟反側穢不可適會余應試兩都孺人躬藥餌保抱為羣婢先一飯一溷非孺人則無當吾母心他婦或在侍弟使前也日所具梁肉上者以進吾母次者以膳夫若予又次者意以自給復念女婢之勤者舉盃授之竟不一入脣也孺人于歸弗克具素裳以從且能甘其夫之貧乎

百川先生集

卷之十

十一

生無綺穀之衣金珠之飾妙如間耀首華聆以形之孺人不恥並立已後勤生番用鉢積寸累幾與之埒同乳兄弟三四人咸以侵故漂異域歲相過存來者亦久不言去孺人輒衣食之無餘色頻行復贈之俾各得意去以焉常孺人當余中歲即為廣嗣計蓄二妻且飾之以進幸無子而孺人所生兒竟克有立今膝前兩孫皆其遺也豈天為之報邪余拙於治生而孺人相以儉勤日率羣婢治麻枲軋軋杆軸間夜則篝一燈而環之縫紉紡績衡數不登不止也其起也常先人卧常後人而家人化之無敢惰者使孺人而至今存也余何患貧哉孺人善病迎醫召巫幾無虛歲乃不以病遑自暇迨余每倍計別遺之金以備藥簞孺

人輒移以市麻枲木棉之屬病作則忍之耳其勤苦類若此歲乙未余落第還舟中遇妖夢之夕孺人病稱留矣亟歸不數日卒其年也執吾母手連呼阿家阿家婦不孝弗克終事阿家而反令老人幾邪聞者莫不隕泣始吾母之當其少也御之嚴晚而感其百順不賴他婦更邪翼之比其死也言及輒為之慟孺人生於正德丁丑九月五日卒於嘉靖乙未五月九日年四十有三子男一迨嘉慶陳氏太常少卿陳公女之三長適王維藩邑庠生次適徐應圻太學生又次則妾劉氏出未語孫男二胤叔聘蔡氏別駕守白公孫繼聘蔡氏太學生王東君女胤伽聘蔡氏邑庠生景陽君女當孺人之亡余方強仕議續者紛如也緬

百川先生集

卷之十

十二

念尹閔之賢而履霜絮蘆不免遺譏竊焉遺孤甫失所恃而俾遭虐於代者余心之謂何遂一切謝之以營婚嫁婚嫁畢而余且佳葬以老非敢以義自詭不忍忘于逝者耳茲卜某年月日葬孺人於先塋之昭厓其旁以待余夫矣而誌以掩幽詒後禮也在古多誌其妻者黔婁之死則妻且誌之夫婦交誌亦後死者責也余與孺人偕幾三十年其苦辛憂勤有人不能言不敢言者誰則知之即余不父又安用假手焉也遂飲泣而敘其槩且伸悼亡之痛系之以銘之曰

嗟孺人天胡合之異壤而嬌天胡離之中道而分其少也也孤女兮食貧其歸也也勞婦兮茹辛蓋有終身之瘁

而固一日之寧嗟、獨人胡爾生之不辰爾之亡兮我悲
爾之賢兮我銘百年偕老兮爾不可作已千秋同此乎爾
其俟於冥、

冢男延嘉墓志

天乎痛哉胡奪吾兒之速先余而逝耶余與室郭孺人偕
者蓋二十有六年而僅育兒女者三未成殤者無論也三
人者首王氏女次吾兒次徐氏女兒與徐女先後亡矣即
一二側室皆弗子側室亦先後亡矣孤鰥獨余餘之矣余
其天壤間畸人邪非邪兒亡時蓋有兩孫焉長僅五齡次
甫逾時未勝喪也今兩孫者能揖拜矣可無失禮于賓矣
於是奉吾母繆太孺人聯吾室郭孺人柩尾則爾吾兒以
百川先生集卷之十

古

從而歸諸墓念吾兒匪貴匪賢法不得銘罔敢乞言於綴
文之家而詆牘之情良不忍已滿之微其志云兒質似未
甚魯嘗年授之書即易上口比長教之續文援筆時許輒
成以呈題意良不謬而純駁相半追琢之可不失觀義余
手錄經史諸子粹語兒讀之畧通亦能取裁應試有司者
四郡縣咸不落後比臺試輒在孫山外時入數者多勢家
子阿父賤且貧胡能伸吾兒耶兒亦憤然自奮不子夜不
輟錄借同志結社相切礪矢不以韋布視息人世兩目病
眊而讀如故兒亦勤矣不死或有立也兒在稚年業無晷
心將俠者擯弗與交即設餌誘之亦不涂余拙於誅生兒
頗纖畫以相余弱冠任家督畫則移功應門戶夜後自課

補之不敢隨余私幸無後顧憂矣解吳興司理歸悉挈管
綸昇馬自許作湖山一逸老而曷意其先余逝也嗚呼傷
哉兒嘗自信人愚無志耳有能專問學操奇贏必可逐貧
去賤故焉之不遺餘力而不知是有命在豈兩辜胥不致
竟抱鬱以殂疾且草囑二子于其婦曰善視之豈未究之
志猶責備于後人耶兒孫姓名延嘉字爾誠與之交者以
余故呼焉符川子生於嘉靖甲辰六月八日卒於隆慶壬
申十一月二十五日年二十有九娶陳氏太常卿兩亭公
女子男二胤教聘秦氏別駕守白公孫太學碧海君女繼
聘秦氏太學王泉君女胤伽聘秦氏庠生景陽君女嗚呼
兒不應銘之亦忍不哀之耶乃籲天而哭曰

百川先生集卷之十

五

嗚呼天祝子耶天祝子耶壯年者先化而頽齡者幸存耶
化者長已矣存者誰能久耶余棄吾兒蓋肝膽裂痛莫
云喻矣余三十而抱子未六十而幾之丈夫生而世間不
可不成之業兒一切遜之不能為丈夫未死而人間不可
不了之緣兒又一切棄之不及為乃俾余患有之年更焉
負擔之始兩雛未知學余代兒教之未幾余代兒歸之余
生而孤無父無怙曉而任父事者再世天乎天乎胡逸汝
以死而勞我以生乎兒如有知弗瞑矣余口不阿堵手不
牙籌而強之根鎖腰輒減產幾無以為家而其神亦慙矣
首皓齒隨不堪關世矣繼今上養子盡下撫二孀爾孤孀
又代之矣兒如有知弗瞑矣三喪累、迄還周道余前哭

吾母則後失若母繼幾若母又後失吾兒涕泗橫溢兩袂交積哀感行路則余廷夫兒知有知弗瞑矣庶幾我天章慈遺少須臾無死及觀婚媾更抱曾玄余年日久兒魄日安而祖而母共茲樂丘骨肉歸土永言相依嗚呼兒可瞑矣

亡女二姐墳誌

悲哉死生之際也有知之屬莫不愛其類而況於人耶而況于所生耶夫墳而死則生者無愛也厚饗而死則死者無慼也吾女非殯也非厚饗也殆以幽憂死耶余去矣兒女僅三人往年幾吾兒茲又哭吾女余其天壤之畸人邪死者則長已矣生者之痛曷其有已耶吾女孫姓父吳興

百川先生集

卷之十

七

司理母郭孺人兄一女兄一以女兄故名二氣清德醇敏肅特甚少侍余讀及余有所撰述入耳即不忘而遂能識奇字解文義羣從就傳者不逮也每旦誦金剛般若心經及三官經數過則就室組續非呼不出年九齡喪母而鞠於祖母余婚嫁不越里中女方孕而同年家太學王君已指腹約暨女以丑刻婉而王即以寅刻申前語後數年而王氏子孺於是同里議姻者數矣卜輒不言家後太倉徐氏議輒吉歲戊辰余方與上計者偕就南宮試乃吳中訖傳秀女事一夕而婚者且萬家于是吾女遂歸於徐未幾也徐郎豈可覆首耳徐富厚再世矣歲費于燕齊間息恒什之三積而不散徐郎無父兄之刻詩書之漸遂土視其

金而市中諸少年謀射其好以爲利裘馬鷹犬擣搗蹴鞠之戲龍陽下蔡之感無虛日又入貲爲南國子生南俠兒藪也博局平康設餌以須而徐郎遂淪胥矣吾女諸女誠女傳諸書殉順夫之義又雅知平性不敢諫問而諷之弗聽也徐郎既傳遊而歸索逋者踵至驚家具以償又不足遂鬻其居卑棲數椽不克飽其室人吾女亦甘之即對泣牛衣中矢無相棄也而徐郎旦後遂諸少年以嬉夜則挾所私於隔垣羣不逞者若蠅聚羶徐郎惟恐失容怯慙垂索以供一夕歡或繞床大叫或擲案大戲即餅無宿春釜無展炊弗問也咄嗟少緩則評書內子甚或批其類今爪痕尚在也而吾女病矣所須藥糜不時得厥翁若姑亦憐

百川先生集

卷之十

七

其子而遷於姚若秦越人然余又以境外弗克數視遣女奴往東日僅得一報漸以彌留余駭焉迎吾女歸就藥禱蓋四旬矣而竟不可活嗚呼痛哉天乎鮮乎嗣若余者而後忍奪之乎豈曩日之卜神亦謬余乎順婦道也吾女乃以順藩產且速其殯乎將命聽於天莫之遣乎抑實有指負必不使婦於同里而必使速死於徐也嗚呼痛哉有生而若余遭也安用生哉吾女絕命時口占詩數首余僅志其二大都閑孤怨生之語文姬之拍馬孫之悲憤佳人失所配者自古然矣余既爲之殯復與柩歸于徐而忍淚書此俾納之墳中女生於嘉靖辛亥六月三日卒于萬曆戊寅三月十二日年二十有八子二人申壽三壽徐郎名

應所少吾女三歲家已四壁立余周知其所終吾年之又
明日父易中子扶淚誤

明故山東道監察御史守愚朱公行狀

士之脂韋嗜進屢躋屢前若繩之逐羶罔避揮斥即未路
漏盡矣猶屹々伺便投機不餐不心噫豈威麗之能爾人
耶亦人之自溺耶余以繫於守愚先生朱公其鷄群之鶴
與公策名且三十年服官僅數載軒冕在躬視同桎梏惟
脫去之不亟是懼豈其果於自好漠然于斯世耶當其時
柄人者羅天下之士悉出其門士一為所涇恒慙厥守公
思同之則病民異之則病已故寧位之不崇勲之不樹埋
跡遜野潔名全身以老是上指之識漆園之訓也不然公
百川先生集卷之十

十八

嘗三仕郡縣再入臺省咸恪共乃職斯經世之才有國者
所急須也而肯甘自廢若此耶公卒之數年二子光若輝
躋余門而乞言焉將藉手以獻于當世之立言者以文其
隨首之石余之姑公弟之室也故余自少日游公之門迺
辱忘年折節待以國士慚負知己罔可報稱胡敢拒斯役
哉謹撫括莅官提身之大都且以表其悽云公身不踰中
人言呐々若不出諸口而壯圖遠志暨年則然底考都水
公無祿公年十七鉅徙奄至產且日地公以元宗繩武自
矢抱遺書挾郡中何山寺張帷殿旁手披口哦竟夕不眠
久之讀所携書畧盡自課時義日可十四五首公業自負
可以角天下士矣於是出邑庫晉太學大司成陸文裕公

奇其文擢實第一歲戊子領順天鄉薦乃六上春官甲辰
始舉進士時公期以博洽自命思覽異書棄帖括不視而
竟以時業復第高等其向對于何山深矣茲仕山東昌樂
令昌樂故斥鹵民貧俗悍多椎埋草竊且當孔道使輅相
望令無暖席公廼禁酤耕緩征節徭期月市無驚聲野
無惰力暇則進諸生與之講德程藝彬々乎西京渤海之
治矣部使入境他邑持牒者輒叩首請曰必質成昌樂令
死無恨乃昌樂絕無訟者其訟者多他邑民也薦剡交上
未及報政召入拜南臺御史巡上江按部晚城方登壇閱
武聞涉孺人訃揮衆奔歸喪踊哭祭具如禮既免喪喟然
吁曰爵以榮親祿以藉養今二親亡矣曷用仕為雅不欲
百川先生集卷之十

十九

行勸駕者促之行兩就道矣又兩輒返同年瞿文懿公強
挾以行再拜山東通御史掌院周公器重之推攝四道威
綬焉々縉紳榮焉會時相側目諸臺中毛舉細故遂不附
己者忽遽治公幾斃杖下出判鄭州公單車赴鄭渡濠梁
幾覆舟反風幸免唐子方之濟清淮也曷異哉天之護直
臣類若此公在鄭履屨引分一無懣心事遜其長常自置
曰吾職判也巡院孫公素兄事公諸利病與卑密詢公
為之畫多罷行之其陰利於豫民者不可殫述居無何兩
浙軍興當道于公檄使治兵於浙鄭人戀々卧輒不使行
擁輿前後復舁入城公諭遣之乃克疾馳去比至浙量移
遂安令曠盜嘯聚格殺捕者變幾巨湖公曰歲比不登羣

不逞利錙銖謀朝夕耳毋自勵以滋異心遂承檄駐節
山下諭以禍福盜羅拜頌上懼聲雷動曰匪朱侯吾屬魚
肉矣即解散君子謂是役也官不煩兵民不殞命全睦牧
寧仁人一言賢於數萬師遠矣尋遷欽州府戴守過家上
冢遂堅卧不起謂所親曰吳蜀相距且萬里洞庭驚波衰
斜閣道古今危之矣往日之再仕也吾方悔焉豈今昔異
情耶銓人而授我以速郡匪遷之直錮之耳吾志決矣客
勸之出輒飲以醇酎即未開口度其意將齒及者公預持
觴之之令噤勿言夫待遷客者不泥常調若鬱馱乍炎其
徑尤捷同公而謫者今幾人下位耶使公稍抑情狗俗豈
終銀青已哉於是日召所與遊者觴咏談笑苟興輒航輪

百川先生集

卷之十

十

巾芋服漁樵者數於湖山間遇之乃鳴騶枉駕者摘弗納
也性疎朗無鈎深計或架臺深池或築室荒野僅取適一
時未幾垣頽桷摧置不問田宅便利者購之無金常餘錢
數千緡歲出子息持券者至即償以所購以故兩世起家
進士而更無儲粟麓無遺金殯堂半紀驚產聚事在官之
操可徵已公雖不克瞻一家而澤及三黨外家鄉去城一
舍公歲展其墓讌其族若乃遷宅于同堂之兄公產於異
母之弟迎養貪舛之死焉之殯厚瘞少妹之死撫其孤接
友以敬取僕以慈公之無所不厚若此兩與鎖院甄錄悉
名士在南北臺所表薦去登名卿者數人前後連白轍焚
其草一不藏則公不斲人知人亦莫之知也公諱木字子

喬先都水公稱古愚遂自號守愚識孝思也生於和治壬
戌正月二十六日卒於隆慶戊辰八月六日享年六十有
七母鄒氏繼母湯氏配鄒氏郡守近齋公女繼盧氏方伯
三渠公姪孫女再繼李氏官保父安公族孫女承室尤氏
子男二長德光太學生娶別駕濱湖王公女尤出次德輝
娶安陸令言來連公孫女李出二子世其家學恂之類公
女三長適庠生王應元廬山次適太學生何錡尤出次詔
大司成琴溪陳公孫欽光李出孫男六長學顏娶大中丞
虞山陳公孫女次學曾聘太學生譚繼湖女次學恩聘經
開沈紹葵女次學孟聘郡守育菴葛公女次學閔聘鄉進
士何雍山女次學仲未聘孫女一未諾德光出鞠甥王誥

百川先生集

卷之十

十

泰和令東洲縲公孫繩祖曾孫女三俱幼未聘學顏出墓
在世寵之西北隅公手自式廓二子且奉柩安魄焉遵道
令也公世家常熟橫瀝之上入國朝有晚翠先生學博行
脩卓然為學者師晚翠生益章並章生慎齋公之大父也
昔郡守葵軒沈公受業晚翠雅與益章善暑夏館慎齋為甥
朱之城居也自慎齋始迄今又五傳矣

明故晉寧州同知山城王公行狀

王在天下最著大都錫姓並出姬後常燕之王稱臣宗者
五六家公族其一也勝國時六世祖裕仕為學錄故邑解
學錄王為諸王別裕生慶之五子家少者紀緯之生室之
未有嗣時業已育再授子瑜為後號一訥翁而翁之本生

則祖紀而父寬也翁襟度豁如雅志詩畫少游石曰沈先生之門晚後精究養生遂通醫理里中迄今稱為長者娶章氏和治戊午五月廿一日生公沈先生為繪海榴後系詩以贈且貽書曰公門世德後必有昌者昌自此兒始矣公生而挺異神骨健聳不類凡兒未辟即能行立年十六七許一訥翁患癰疾猶搃家政而賦實繁受侮不少公方精詣舉子輒廢書歎曰生兒貴代老乃使日事佔畢以家累廷父耶遂長跪白翁曰大人嗣今無庸念家為兒請悉任之於是夜則闔戶勸書晝則出門應務銳志自矢事各瞻舉嘉靖壬午督學御史蕭公校士選補邑庠生已而同進者被流語御史覆試之公文更入高等已酉遵例北游

百川先生集

卷之十

主

太學而一訥翁歿公無程誦奔喪葬以禮猶以不及視含焉終天恨每當祭未嘗不綈涕下也戊子率外兩試不第公輒自恨曰不第固吾分但慙負王師耳王師者大司成永嘉鶴山先生雅知公者也公自是遂絕意榮進杜門讀班馬書及唐宋諸大家集與鴻儒評騭媿：竟日夕不休甲午大比或勸之行嘆曰母氏老矣安忍以身外浮名侵貽有涯戚哉明年章孺人果病歿公每晨起稽首北辰祈以身代籲天：罔聞焉會西鄰不戒于火勢張甚公拊棺而歎仰天以呼它弗之問其廬密邇而火竟不及謂孝感非耶公居第無華構而經營先壠餘二十年費逾千金爽塏幽勝為一邑最時二子太學君肥鄉君尚就外傳公

即設講席於櫳上令聯業其中歲延名儒主其塾雖厚幣周懷一日呼二君前語之曰汝祖年僅踰艾吾德薄千父而年已過之所以未委家政者正恐汝輩妨所業耳俟河之清人壽幾何及吾未耄雖沾一命亦可藉以報國乃謁選銓部選法以出身為甲乙先科次貢次則例是日就試者若干人而科貢者二十六人吏侍葛公得公恭謂為科甲遺雋超真十二得沅州判官前一夕公夢天墮一鐵中而分之手持人頭者三鐵為官蓋分則判之沅以水為三以元為頭古有夢三刀加一刀而得益州者公何殊焉便程抵舍會倭夷不靖三吳繹縣邑議建城臣室各畫地授徒而臺門重居厥費最鉅公得西門山麓高下石頑土疎

百川先生集

卷之十

主

致工尤難董役者後雷厲亟成公值業罄且邁疾疾或諷盡往巧免公謂往役義也人：以貧病免則事孰與濟遂倉皇稱休取辦仗完而疾亦尋愈始克抵沅：速在湖南自麻陽作難民困兵燹暫撫三省都臺開府在馬貴資供億日出無紀公預為儲特應時調發苗夷阿項之變軍興彌年募兵無慮萬人日仰食縣官公典餉繩：不絕項旋就擒有蒲甲者罪應徙度不可逭求以贖免門吏素嚴公不為通甲乃自懷金伏伺兩夜入階下公方秉燭閱簿書驚而叱之甲備道所以叩首請命公俾諾令持金出明日竟按如律并杖閹者自是沅謠有王公清如鏡平如秤之語公嘗攝巡捕渠魁楊先二越獄以逃公晨捐俸懸賞格

此晚獲之庭詒諸遜者曰我誠遜當無復懼上累王公
故不即長往耳豈若青餘踪跡我耶先是官於沅者府廩
悉取給里甲有不保其產者公至一切却之曰民困極矣
豈復堪此耶吾寧任腐廩之誚弗恤也同官隴正日與長
吏謀中傷之竟不得其隙乙卯肥鄉君領應天薦公且倦
於仕矣乞歸甚力而上官不允越明年而有晉寧之命晉
寧去吳益遠公堅不欲往避道親宦強諭以行非其志也
公至即攝其篆曰是州地僻務簡大非沅比安用紛更焉
或乃悉從其俗日惟一開門視事暇則偕學博遊昆明池
上選勝賦詩民咸稱便而州亦大治有既唐二官爭曰不
相下幾致大獄公優取均授訟言遂息晉賀長至節事竣

百川先生集

卷之十

五

即後綏以歸自笑曰萬里羈人今得老故園矣邑中鄉大
夫里居者輒結耆英社會公與焉觴咏之暇後課二子程
督之嚴不減瓏上時也嘗謂太學君曰汝五試不收治學
未克歟抑見未廣歟辟雍賢關吾昔所藉以切瑳而壯志
未伸飲恨何極汝盍將焉以扶吾恨乎壬戌肥鄉君舉進
士宰肥鄉迎公、徘徊州縣間於吏事肥鄉君既奉教於
退食而且分祿以盡一日之養歡可知也居無何公忽念
家不置語肥鄉君曰吾儔翼之鳥惟懷故林耳胡官邸有
親日營三釜亦無養廉法也吾其過歸矣肥鄉君頓首泣
留不聽既抵舟又數顧僕語曰兒勸甚齊且次骨奈何輒
吁嗟久之還家未數日故恙大舉寢食並廢竟以癸亥七

月廿一日卒享年六十有四向使公歸計少緩將疾作縣
齋祿視江浙孰孰與考終膺下豈神實促之耶公天植坦易
與人交任真率分無城府遠幅遇貴人不能為悅仰之態
下逮屬養亦不加以倨容始若落、久之不渝其初也奉
牙儉德不妄靡一錢而腫嗣周乏樂施無難色外父家
不支廩之終身厚焉棺斂母家章以緦蕩破產則收養其
老婢晨夕侍公以舉火周氏姊以愛女出適裝資幾產之
半姊之夫數被酒虐公、上意承母氏下念終鮮兄弟侍
之坦如也少師事張齊徐先生先生致政食貧公歲時遺
問逮老執弟子禮無異侍函文時也其篤於姻故類若此
公名魯字某山城其號也配孫鶴人余從姊相公拮据益

百川先生集

卷之十

五

起其家先公若干年卒子男二嘉謀即太學君娶聞氏嘉
言即肥鄉君娶龔氏繼范氏孫男七維藩維垣維翰維寧
聞出維屏龔出維城維岳范出藩邑庫生娶余女垣娶威
漢陽郡守劍崖公女屏娶余姪女翰聘張贛州郡守立齋
公曾孫女寧聘顧庠生二江君女城聘趙廣東少宗益齊
公孫鄉進士定字君女岳聘朱監察御史守愚公女孫女
四一諾鴻臚寺序班劉見琴子某聞出一諾浙江少宗徐
鳳竹孫某一諾潮州二守錢濟川孫某一諾廣東鹽課司
提舉陳太湖孫某范出曾孫男二女一二君以嘉靖乙丑
年三月六日奉公柩權厝於虞山迤西之祖塋族得卜以
葬行且乞言名筆用昭不朽爰以狀文見屬顧余不文無

位為後然竊自念王孫世姬擬古朱陳比鄰聯居通家累
代知公之深者宜莫如余憶自總州辱公忘年折節推以
國士今愧乎其言後傷徽音永邈枕屨莫何從遂繹思其
睦家涖官之大都而為之銓次如右嗚呼學以明經不必
其名之成仕以適用不必其位之尊知公者亦可以問愧
矣乃今鳳雛颺起蘭孫林立所以繼公之志而食天之報
者將不在於斯乎伏惟立言君子采其蕪詞錫以華撰庶
幾文因人重人以文傳俾後世有知公者則豈徒二君之
幸已邪謹狀

先考混之府君行狀

當先考府君之卒也不肖棲末周五齡梓僅彌五月云不
肖川先生集卷之十

十六

肖猶未知哀母繆太孺人晝夜哭亦晝夜哭僅孺子慕耳
稍有知就母膝問父安在母告之故相抱而慟自是始能
哀矣既而就識吾父者問父何狀云而貌酷似之不肖攬
鏡輒掩泣嗟天乎委蛇存而委形何之乎又過叩父所
與遊者云而父質家敏日所誦書可數千言三四過即默
誦不覺間過友氏夜談是時學人鮮業曲臺禮者業之易
第吾父故業尚書歆其言凌曉執禮經從開卷讀之日未
易中且及檀弓之半矣友氏試之甚習又非徒獵之者大
異其敏謂子若是穎耶何難五車即一第易足盡子嚮父
容持郡試新義數篇示之將索善價吾父始曰余業先得
矣歸即繹之以較客所持不謬也吾父撰時藝後筆就

散不蓄稿不肖繼故僅聞得一二泣而讀之益信友氏所
期當不妄恨天奪其年有司未之舉也時吾曾大父暨大
父再世在堂吾父席其門以外一切不關問所表樹而
家行益脩孝於祖若父友于弟妹慈於羣下吾母嘗條舉
數端告不肖不肖幼且歲彌久不能盡憶也執友語其恂
恂長厚和煦可親歎與德俱不應天先是里中大疫家之
人無不染者家後中吾父不汙數日卒既卒而疫者俱瘥
嗚呼痛哉吾父殆其一身以贖百人者耶寔正德庚辰五
月二十七日也其生為和治丙辰八月八日年僅二十有
五去今六十餘載矣當年襁中兒君不肖等敢克樹是異
將不免於水火無論遺書也乃今不肖棲叨列一第登一

百川先生集卷之十

十七

命而梓亦廩於校官需次於公車內外孫曾可二十餘人
詎不肖之能耶殆天既其父而稍報於其子耳乃不肖自
顧無異凡兒弗克躋高位徽龍章以貴泉壤而幸食其不
盡之報罪矣極矣按家乘吾孫之家於吳也當趙宋南遷
始入國朝自先考功府君而下又繼別為宗起家科甲登
名仕籍者五世矣吾父為封承德郎西川府君家孫為縉
部郎雲津府君冢子于小宗為適長母贈安人戚氏吾父
諱一元字混之配吾母繆太孺人其行在別狀中子男二
孫男三孫女七曾孫男五曾孫女三子孫婚家姓氏胥吾
父卒後事亦具吾母狀中曩吾父之葬吾大父主之隨首
之石缺然未銘以有待也茲不肖等奉吾母之柩合定焉

敢次其所知如右以徵惠於立言君子倘錫一字之褒即
吾父短折于生前而庶以不朽於身後將萬世後子孫無
敢忘云

先妣繆太孺人行狀

嗚呼痛哉吾母之恩且勤于兩不肖者豈人間凡母可倫
哉生我者母也而成我教者蓋有父道矣有師道矣乃其
秉節鵠操餘六十年如一日較古之貞臣與獨行之士有
過無不及焉茲又居然一大丈夫矣而忽焉薨逝不肖等
痛何可言耶嗚呼母果還已乎哉不肖所為報於母者萬
不得一母之所食報於天者百不得一而還已乎哉幾欲
百川先生集卷之十

卷之十

三八

狗母冥漠以劾芻靈之後復念逝者壽與雖釋者壽與撫
猶強顏於地上罪通天矣乃于居廬之日繹母奇節懿行
條之如左且謁世之名能文者而丐一言以為寵賡藉以
不朽云爾母繆姓思省先生之女吾大父繕部府君與先
生同袍時甚驩也命先考委禽焉年十七於歸而先祖妣
盛安人已無祿即世事繼姑徐安人徐安人年等吾母吾
母不以少故廢婦禮先大父未第時歲為人塾賓先考業
舉子輒事以往吾母相徐安人事先曾大父封主事府君
曾大父御家嚴家人少富意者顧獨謂吾母曰其吾家佳
婦乎可以徵教矣先大父舉進士在告居無何而先考卒
吾母年甫二十有五不肖棲末周五齡梓生僅彌五月吾

母即矢志靡他闔戶屏膏沐晝夜幾不寐心累日乃克進
靡幾死者數矣當是時棲牽裾而泣縈索乳而啼母懷一
兒膝一兒且泣且言曰微汝輩吾何用生焉吾不生汝輩
亦惡能生我今與二雛生死俱矣於是殉節為緩植孤焉
重此其一念天實臨之以至於今而母子之命長相為依
矣既襄事即移閣靜室以居復飾精舍以禮諸佛每旦焚
名香合掌膜拜無慮數十百不憚夜後綴長明燈焚香
絕暇則率羣婢治麻桑攻縫紉日衡月程即暑祁寒罔
間曾大父嘉其行不以孫媳呼之而輒呼以媼意將老之
以勵其志云不肖等齒漸長母望日深獨不肖頑不奉教
善逐羣兒戲母不以孤雛故稍假借數煩夏楚新舊痕
百川先生集卷之十

卷之十

三八

隱：庸草已又擲杖而慟曰癡兒一至此耶吾豈不汝惜
汝而無成負我矣後令我負汝父矣不肖惕於其言自是
折節敦遺書而讀之出門交一時之俊若今閣學嚴公故
宗伯瞿公而下數君子與之結社講德談藝吾母靡不肖
所與遊者皆若而人也焉之色喜不肖趨庭烹飪降心技
今而三益過從吾母則中饋必親務極豐腴出以享客庶
幾一言之教雖古之斷髮供饌芳躅可繼不肖嘗與客奕
吾母潛聞落子亟索其具技之井容惶恐竄去自後門無
雜賓座無燕僻其所率動十指歲入奇羨始則靡于束脩
解珮嫺嫺問饒者什之六晚則罄於奉佛飯僧梵檮連梁
者什之四且曰倘果報不爽當福及爾曹吾老矣無他望

矣性嚴重居恒無笑容不肖等率婦子入侍必候其喜慍之色不敢先發一言不肖等既冠且踰壯矣有不善吾母未嘗不詒書之或長跪良久乃叱起門內肅如家人高嗚奴耕婢織罔不事：中門內外無敢闌出入者其或不共則叱咤鞭朴小過不貸少選復念其勤而酒肉之此其衷本直諒仁恕而性則剛毅凜然絕無婦人媵嫺煦態蓋不如是則安能勵不可奪之節六十年如一日也豈不卓然大丈夫哉夫捐軀于一旦堅持於終身難易較然矣吾母獨於家難者任之詎惟我孫宗祊賴之以綿而累世遺經亦藉以不墜其恩且勤於兩不肖者即天地不足擬其高厚也先正大中丞虞山陳公正嘉間名臣也一日不

百川先生集

卷之十

三十

介於主人條登我堂北面再拜不肖倉皇倒屣迎且謝公公嘆曰太夫人之貞若是太夫人之教子若是豈惟一門繫吾里之光余心欽久矣敢不敬拜顧養無外交不得挹其容而禮之乃乘主未行還展此心耳不肖頓首謝且入以告吾母吾母亦從中堂再拜命不肖出以傳謝陳公而陳公後遣子從不肖遊受經學且命之曰夫也家矩可師也自是或授之槩或倩以珎果類致存問不肖等入以告曰陳公今之賢者米果之惠伯夷所樹敢以獻吾母慰而喜曰不圖藐諸孤之獲交於大君子也如此不圖尊貴人之屈禮於嫠婦也如此郡守春臺蔡公邑宰潭山馮公龍津張公廉其行高先後具羊酒禮幣以旌且揭扁於門

用為世勸吾母輒戒不肖等曰夫死而保其遺孤婦職宜爾也奈何市吾夫以微名哉嗣今若等慎勿關於有司以益老婦之醜且吾所聞親有陽若無改節而不免浮議者亦冒殊典吾其醜之不屑與為伍也不肖跪而諾曰謹受教樓時已幸捷秋試饒異日具官於朝積歲循資或天語一言之褒則母節可揚而母意亦不拂卒之七戰春闈捷捷者四而俱為當事者所擯久之不獲為遠臣而又不能其官例當移左勢須速惡將之固難舍之不忍遂棄繯不行而與母相晨夕者餘十年所毋無離憂子無遠憶蓋不知天壤間更可易此樂否也而忽焉薨逝痛哉吾母豐肌山立亦鮮疾噉飯不減少壯即百歲可冀也第以萬信

百川先生集

卷之十

三十一

因果絕鮮食者五十年不肖等強諫百端不聽竟以脾疾卒之時其神不亂其色愈澤不淚不怖吞笑待盡可謂得正而斃矣父思者先生諱奎邑庠生母劉氏外家胤絕母迎劉養之終身死殯而葬之歲時蒸嘗於寢仍命不肖等曰第以畢吾年耳異日毋使混於孫宗也生于和治丙辰三月二十五日卒於萬曆辛巳八月七日享年八十有二婦俱先卒育女一適鄧光祖孫男三迨嘉樓出先卒娶陳氏太常少卿雨亭公女延祥娶談氏太學鑑湖君女延平娶瞿氏梓出孫女七一適王太學水簾君子維藩邑庠生一適太學生徐應珩一未諧樓出一適郡守愛鶴陳公

子琦太學生一適學博顧豫川子寅賓太學生一適何廷
續一適封太常少卿心椿陳公子樂梓出曾孫男五胤教
聘桑別駕守白公孫繼聘秦太學王泉君女胤伽聘秦庠
生景陽君女胤與聘王庠生琴洲君女餘幼曾孫女三一
錫錢太學敬齋君子其餘幼鳴呼痛哉吾母婚八年而終
六十二年而同穴婦道克盡如吾母者究鮮無瑕可以
下見吾父於九原矣子道之虧如不肖等萬罪未償胡以
復見天下士耶此中夜所以掩泣而泣齒焉之負愧者也
伏惟哀之而錫以佳傳俾後世永有聞焉則不肖等萬罪
庶可少逭乎爾樓無任哀痛祈懇之至

張烈婦誄有序

百川先生集

卷之十

三

夫死者人必至之期貞者天不朽之理知其所以至則何
休于死全其所不朽則何美於生烈婦張也可以死矣烈
婦者故閭閻寡子也無保傅以提其躬無詩書以漸其耳
而秉貞性成完節天篤方夫少君出沒徐吾借光日寄命
於糜饘歲仰資於杆軸而白璧自將紅顏為祟乃有狂且
目送道旁心挑窓下於是投梭竟歸斷機不顧我則削迹
彼固悛心夫何編荆易决於踰垣絕樞豈固于排闥孤嫠
入夜奮柔腕而抗撻戈狂踣徹天招比隣以捷制提卒之
牛口不汗絕矢無點烈婦猶以屏身辱名其醜等耳匪天
曷以明吾志匪死曷以請天閭積薪室中蠶火燭下服故
衣以為襚示不復生紉敝帷而若蘭期莫可窺從容就義

慷慨獨裁悲憤結而玉質自摧鬱攸張而瓊枝半斃既刑
膚而剝繭亦震肘而震隣救焚至集滅熾為燼未能過死
徒爾殘形遂使焦灼於炎敵楚不堪忍統純於床第毒刑
備嘗已後涕漸熱親堅謝醫藥越十有八日而卒寔萬曆
甲戌六月念又四日也嗚呼生無重堂之護竟敢寇心注
則虐賊之投痛深冤骨并白日操而拮据並作膏沐展謝
而苦辛百罹傷我貧也良可悼已在昔宋姬以傳母不在
而不下其堂梁姑以兄子不出而還燎於室崑玉俱然今
古同烈吾聞其語今觀其人可無言乎為之誄曰
迪惟勾吳泰伯荒之端委而治文教始基繁焉游氏北學
魯尼吾道以南戶敦書詩一解詎惟丈夫亦越閭秀詎惟

百川先生集

卷之十

三

高門亦越圭竇游我張婦貞一天授有孤綏匪寇婦嫠
二解一拒撻杆再拒閹扉我守愈嚴彼狂愈滋決我廢庫
義我中閨露乃而迫奪解以麾三解嚙謂狐嫠不畏強禦
義以鼓勇志則帥氣白璧彌堅玄珠固類四解寇既遁只
我則志只視身善雖生亦愧只五解積薪厝火寢焉自焚
祝融相之鞭馘驅熏下燭九地上燭層雲六解彼截者髮
彼則者耳金刀試裁敗底一體我志用彰宛焉不死嗟唯
婦兮慘妻備矣七解豈不爾思亦溺亦懸脫於梁溺極
於淵男子之手我不死焉何如一炬僅存遺骸縶結罔累
烏焉蜀食八解胡救焚者莫解予情不息我以死而強我
以生不快我一朝而困我再旬覆用為虐匪曰予恩九解

嗚呼彼婦之死與烟俱滅伊人之亡善火斯烈而則腐朽
馨于蘭荃殞命崇朝流芳永年百骸俱殘寸心獨全十解
惟火之焚罔轉玉石惟婦之熱斯表玉德死之三日風顛
兩橫木拔木偃海溢川騰豈婦之情天為震驚十一解二
烈往已婦也克紹曾不三紀再樹風教女傳伊始邛金之
子續而書之以俟彤史十二解

自艾賦

伊汾稊之不作流風競而違醇要有季子機上之嫂翟公
門外之賓昔余覽於紀事懷史氏之問真繁宇內吾同胞
雖胡越而若親刳股勤于杯酒復索屬乎人倫顧昨歎而
今雖條番覆乎兩雲迺發書而不怡謂傳疑其云、胡古
百川先生集卷之十

卷之十

三

鑒之非遐余忽蓬乎戚身懸腰裏之在糖毫烏鏡之與隣
距吻肆其博筑吃孝恣其愚陵姚姚雌伏之奈何惟自訟其
不辰亦頻看乎鏡中詎長守夫賤賈彼使厚於多積吾將
富於多父風大鵬之扶搖安後計茲蚤良噫吁我居諸去
兮不再來強仕及兮華髮新晚知學才與自愛光陰惜于
爭寸分濁作賦兮揭座右用代耳提之諄

劉孫百川先生詩集

明海虞百川孫 棲子虛父

同邑 邵昌鋤耕夫父選次

梁溪子胥華滋蓄伯昌父校閱

五言古詩

詩杖

吟具十咏次韻

青藜六尺強支我老生瘦坐肅忽相遺行險復相守夷月
袖影偏咏雪指寒透百錢挂我前一瓢挑我後杖搞特
聲上下水龍關

詩履

高會恒阻陰雙履買市匠危梁端欲巔岑山奮吳諫雨中
兩脚泥風前一庭響偃背行思遲掀髯立吟朗有聳白雲

百川先生集

卷之十一

一

三

中齒印青苔上脫之戶內來歡笑共抵掌

詩笠

欲製竹皮冠漁郎帽為則戴之庇一身竹與訪三益不妨
日在頭已免塵樓額風陌簪戴戴花逐首頻側却笑朝簪
人此冠未應得

詩囊

錢囊乃守虜酒囊亦狂流何如我詩囊佩之日典遊鳥聲
綠樹深驢背青山幽珠玉心中嘔風光華底故不愁阿母
真每倩奚奴負千林頭括其口防有偷兒偷

詩船

吾宅水雲鄉圖書相而載一葉未為小五湖詎云大誠相和鳴停撓不求快花期待明費摘人已風或浪遊海天寬豈入宣市隘浮蹤共間鷗中流信行邇

詩枕

貴人玉為枕錦帳鈎珊瑚山人石為枕瘦骨安窮途午風眠北窓秋月卧澄湖閉目得佳句玉枕有此無夢去蝶非蝶覺來吾喪吾如何黑甜裡忽聞軍將呼

詩筒

知音渺千里詩成誰與適曾寄使君浮沉敗公事截竹貯瑤篇便鴻得郵吏飛翰走情途急脚動泛使我往渠亦來何異面相計那知崑崙使乃屬洪園子

百川先生集卷之十一

詩寓

卜築遠塵境卑樓絕市蕭冬夏此恒惠風月任弄朝陽如露居滿安公鶴棲巢不見焚烟起但聞歌聲高威鳳隱在阿孤鶴鳴于皋夜來四壁臨睡裡伸其腰

詩壇

吾聞大將壇營臺堞高上建牙赤幟中羣雄悉推武詩家亦推較詩律嚴自古一曲萬人敵吾音那敢伍少陵乃擅場謫仙可開府一從大曆還兵散不復補

詩草

三百變駭選門戶各一家吃毫揮指生錦心吐菁華此道一以開荆夢日机爬懸鑑爭妍嘆攻玉神喻瑕價高洛陽

紅濤灑如刈麻數行相公筆珍重碧紗遠

贈蔣愛隱

姬仲擊虞鄉代有高蹈者君抗不事節接選翠微下為玉圍精廬誅茅陋陶瓦古今蔣逕同羊裘跡逾寬如何尋倩生却云隱金馬

燕都送二川牀南還

薄祿不易干遊子未言歸者理蘭梓居者念萱闈將子懷鄉淚灑君還鄉衣樓心緒方洽去住情各違分張決茲日徘徊延落暉豈無姻交在謂以懿親非美目燕越邈頓使信音稀寄語倚門人勿憶忘家兒

將赴春試留別山中諸子

百川先生集卷之十一

胡馬嘶北風越鳥栖南枝物情忻土性人意懷親私嗟子振南羽邇風飛北陸千彼五斗祿聚我三月齋漸非賈董才沉之金張知狗監進自和買臣貴難期玄陰通歲杪勸駕不我遲平生契金石茲當長別離願因南風號道音慰遐思倘予結綬日是子彈冠時草堂會借隱吳嶺北山移

文成自慨

有女手纖纖飛絨習流黃剪裁何勻圓又度宜短長所志共天孫與帝縫東萊緯命生貧家女紅無自將短衫巧美施窄袖不成妝欲浣布襦治易之素空箱十指餉其口積彼多金壤年過婚期台以治永裝簪燈不停手連環候熹光製單仍高侍俛首呈重堂嬌兒嗔不語猶嫌未精良

嗟、此結掃草苦為誰忙

守約益君藏書於樓為四玉輝詩以贈之

孔壁聖秘啓汲冢靈詮袖七畧名已馳五厄爛不收君家
富細素度之重樁接未竟故綺疏絳帷揚纖約不以貯歌
舞愛乃工吟謳珠函耀璫璫璫璫璫璫璫璫璫璫璫璫璫璫
架勢鄰侯父光貫奎壁紅氣干斗牛却起羣玉府忽在三
江頭珠洲白光散劍津赤烟浮胡故復神契具闡遠古幽
君既藏其藏蔚然聚如丘英華一以咀嚼始知為西書海
任時銷錢癖非吾流予亦勿書予玄覽思披搜家藏僅易
盡閱肆市無傳何當入帳中遺跡悉探偷寶光豈獨貴餘
輝貴交遊

百川先生集卷之十一

四

十四夜月

我有愛月癖未暮肯東嚮老蟾若解人飛取慰所仰乍離
滄渤東徒印瑤宮上高、玉鏡懸湛、金波漾紫星掩微
茫輕雲掃纖障障皓魄雖未規故夕已缺望萬籟寂希聲羣
物各呈狀犬驚人未眠難嗟天若亮掩關顧影孤持杯逐
情放而夜曉轉明終夕懷乃暢未宵豈無歡陰翳或生愴
余雅交於新注石室父子間蓋餘三十年所矣頃辱
石室再過情狀猶如昔言所及久未酬、而且過自
謙抑不以賓禮自居甘風家教茲焉益微愛贈斷言
以叙風誼無伸大要云爾

憶昔少年遊伐木歌求交結交新注公竄味絕非偶意氣

各渡雲情共杯酒占東壑玄涇膠庠駿奔走五常眉家
庚八龍或稱甘越壤百里間參商隔爾百長空嶺頭雲那
攀門外柳使仰三十年相晤忽成史竭來千里駒甘誼情
彌厚已看玉樹成曾親覽枝秀蘭芬襲室中木屑霏座石
圓如生樹遲留肯居王後美子標英風覺我形穢醜我非
長嘯者卿幸自茲親願毋金玉音遜心素素朽

壽海漁族林六十

吾宗二千指彬、解多賢科名毋不之詩禮代相傳林也
挺奇來山立偉而前幹壘奪儒業雅志應林東耆英結長
社文酒日留連宜有甕頭春出柱杖頭錢柳塘任泊泛花
陽輒醉眠婦翁既金紫婦弟仍水天富貴安足羨吾自飽
吾饒真必千箱紫安用萬頃田有酒吾事足無辱此身全
優游花甲周顏朱髮尚玄人間家難者何如多磨年願林
自今始閱世華彭錢

百川先生集卷之十一

五

送太史趙定宇北上三首

有美偉文夫粹質伴瑤璣文追麟恥前詩擬連安初竭從
玉堂歸卜築過吾廬論交匪所夕講德綿居諸子心永焉
托君意良亦情何當王程迫雲泥路各殊執手河之干送
送登微車

其二

停車古道旁持杯獻霞漿憶昨猶公隣今茲遯參商行、

豈無朋新交復他鄉君行日以過予也遙相望恨無垂天翼相翔之期方願言遺德音目風慰離腸還際明昌期扶衰事 聖王

其三

聖王右文儒玉君接承明君昔開詞賦一戰霸羣英相君求識面兒童亦知名還山蒞藏書窮搜咀其精千符久不試出匣神光驚論臣異常詞榮足公與卿茲行盡勉稱崇勲嗣阿衡

遊露臺山居

們蘿下高岑綠煙四三曲徑無人迹稀林深鳥聲續噴石激流泉松影挂斜旭眺幽入稠深厠陰氣逾促悠然隔凡

百川先生集卷之十一

六

境恍若在盤谷區中別有天樹杪忽見屋清磬度風未長禱倚雲臺平臺堪振永絕林且息足茶烟一縷青魚光半窓綠老衲默翻貝禮客手作蕭茗枕漱清芬香爐供餘蔬偶此浮生閒已受無量福塵心皆未斷夕陽墮西麓前岡路已遠滂共歸熱逐

七言古詩

詠楊花

隋堤、上青春老樹、傷春秋啼鳥落紅一夜逐東風又見晴窗柳綿攪斜斜繡幕半鈎輕細撲瑤檻一葉小低隨流水漂波中高入層樓舞雲衣可憐然陌離陽時雪花撒

通遊人道顛狂聚散西復東應亂雲迷夜還曉忽訝雲鬟鬢有絲俄驚露袂衣成縞謝家庭外總難名學士堂前不堪掃柳花飛柳枝東陌頭不覺春歸平明日堤邊聽語鶯

讀世說

華林園內蝦蟆笑八王散盡典午肉雲擾中原國十六翠華南駐土一掬生縛降王剽面郎却借金陵作黃屋小朝活得草莽間新亭北望封疆感古戰雄爭四座服襟圍宇字籌軍國旋憂誰是卧薪人畢竟神州付沉陸擊楫千年何從運甓翁顛易充還將輕薄兒強乘當年軸長江南北是通津豈是長江限南北

百川先生集卷之十一

七

愛雲詩

君不見昔年雲堂中人老寒亦熱又不見今年雲堂中人去愁堪絕一年一度雲還飛人去胡為不復歸嗟君見雲如見親西風吹鬢白於銀挾紫看山、夫青爐前進酒四座春此時六花紛若塵愛日愛雪見情真何當晴旭迴一輪噴吳化作蒼海零四首高堂壯已陳吁嗟乎滕六神但使阿翁衡雪歸甘作東安僊卧身

山中雜言贈嚴陵趙翁

斯有隱君子結廬依翠微杜若寒氣入迎磨秀色圓碧桃窻下鳥聲乳黃葉門前人跡稀秋霜足芋果來雨多荻微寒梅山中支夏荷山中水歲華換見花開落塵世那知誰

是非枕上來禽語亭前看鶴歸鼓琴一片石垂絲三尺磯
應：前峰七十二朝來惟有白雲飛燕歌唱方合牧笛音
初移香錦雪中路推敲月下扉子陵千載空遺跡好訪平
泉夫莫違

次韻惜花春起早

錦桃乍吐嬌紅萼薄倖東風惱花落曉鶯無奈隔窗啼鶯
起開簾響鈴索鳳鞋泥露芳徑來展樂園莽拋玉臺海棠
昨夜飛何處腰有茶縵勒未開

次韻愛月夜眠遲

紅妝乍洗鉤釵卸坐對三星珠良夜苦花漸熟月漸高清
輝半吐輕雲鏤深更影掛銀河千玉露歸風羅袖寒促冰

首川先生集卷之十一

八

子去

床頭猶不寐轉迴欹枕揀簪看

次韻掬水月在手

磯邊漱玉吞還吐蟾兔倒浸清塵府弄影雙捧玉鏡圓十
二金釵明可數流珠飛濺沈香惹圓缺盈虧一霎中英道
女郎嬌不奈十尖擎出水晶宮

次韻吳花香滿衣

子規啼血聲：急戲折花枝喚還立持紅欄驚麗春園時
露含房繡襦濕滿頭簪却返蘭堂贏得魚鮑結洞房何事
井欄生蝨都美人昨夜浣衣裳

詠荆軻

祖龍奴六王荆圖燕太子亡秦詎無謀胡恃尺八七七首

未入函谷關可憐先被將軍樊然雖未滅秦豈滅身後落
茫計何拙易水西歌已淒刺客變化龍迷湓水東枝已
窮父子思深那從容君不見黃金臺成樂止赴七十齊城
一朝破吁嗟太子之謀一何誤

梧庭四時雜詠贈錢羽士

玄都飛盡桃花雨梧葉乍抽如翠羽碧陰陰約梅來風黃
庭讀罷揮金塵子晉吹簫月下來鳳凰樓向步虛臺遙知
玉女彈琴後倚窗相和唱落梅
乳泉百折流松壑入戶變：舞白鶴如黃鶯語葉重：玉
簪依條出前閣桐花零落落珠香瑞腦烟消日正長窓紗
樹：斜便綠不隔蟬聲到石床

首川先生集卷之十一

九

子去

霜花夜合秋草死梧葉紛：打窓紙三更何處神玄律瘦
影蕭疎月明裏風：雨：近重陽憂玉鼓金紙快涼半掩
洞門人靜靜琉璃燈下燈塵直
落葉門前人跡絕紅枝凍玉黃昏雪青牛仙駕阻函關庭
下銀烏啄雪屑寡封相對泛流霞舞鶴隨歸花曉樹
飛禽棲不定掃來烹出鳳團茶

海翁宅內雜觀舞對者

相臺甲夜開春酒內宴旋尊集堂後博山一縷香氤氳玉
竿斜：送纖手綠花前銀四座明星初初然驚新粧粉面
重：夫兩行鳳雛促步巡遊之麗詞一曲轉鶯聲十四秋
姬金鳳如此時賓主歡未終調笑方諧呼大斗羅綺一片

地永紅洞房雙躍腰如柳按節小垂捷大舞翻身迴左旋
迴右掌中纖折霞袂搖蕙前燕掠雲裾綰肩側影參攷
差掉解凌風無侶有仰天折釐月兩學西地磨盤雙肘
簇花偃仰背亦柔弱態藏難曉欲吼昭陽姊妹純新粧湘
浦英皇解長袖交甫曾逢漢水濱劉郎今遇桃源口曲終
樂闌歎覓棠還擇寶危馬賓壽吁嗟人生行樂須及時白
晝勞、笑郊西重門桑場卜夜歡美遺他年空皓首

壽田吏

黃鸝樹：朱明候暖風著人如醉酒里中春社鼓方歇又
向翁家上翁壽黃金曾未入翁手黃泥亦未吸翁口一犁
恒業付兒孫草食木衣官半畝男耕女織漁而賓
百川先生集卷之十一

十

予牧為友催科夜卧戶不驚床頭新睡還盈去由來近市
饒喧囂巧取何如翁拙守靖節歸來慕葛天三閭畢竟輸
五柳君不見道旁名利松紛、馬上一生空白首

警世二首效白樂天體

古人獨貴持清吟今人獨貴持千金千金一擲良可惜貴
人門外金如織捉金換得方寸紙仰視重堂真赫圖貴人
按籍論給臣此輩咸須給告身朝衫乍著習拜舞綰紳一
時恥與伍官家鬻爵政紀失畢竟一錢不曾得長安馬上
意氣雄此時方信金之功癡兒後望榮且久頻索金未頻
上壽金方難繼貴人怒須更逐出春明路岳素歸來拜莫
居方悔從前不讀書

貴人金不辭世人持金趨其飲聚一家海內必耗虛四顧
帑藏溢盡是民膏脂貴人晝夜宴高臺醉裡傳呼唱落梅
退朝仰客迎門舉排闥在人候柝開自詫金多銷不盡百
年長樂無悲哀一朝難作赴東市金乎金乎安在哉

贈太學陳抱冲之金陵

君不見鄧林自古羣林蔽上千青霄陰百蔽亂幹扶疎滋
露華隱約龍鱗寸無朽為夫牽挽汗千牛持獻明堂匠師
手棟梁棟樑惟所施被以文繡蒙雕鏤又不見渥洼神駒
品第一過都廐塊電光疾五花散彩塵不飛疑是房星天
上遠宛人致之充上駟叩首長嘶失羣匹霜蹄踏過八荒
雲赤鬃高張汗流血東吳文學今鄭魯咄、陳君志千古

百川先生集卷之十一

十

孔璋便作七子雄華況是三先父一朝辭家觀國賓長
步金陵入天府古來養士惟太學木之鄧林馬之渥園橋
億萬拔麟鳳執經三五俱驚駭天子快選師儒臣羣玉
搜羅付追琢揚雄閣上爭問奇而駭帳後無陳樂極摘管
墨屬公輪駘最調羈歸伯樂陳君美名應更顯腹笥羣經
筆駘選紅雲馬上誰敢先赤幘國中我獨奪金隄勢、
帝王氣形勝囊中綰百二十六堂山脚對雞鳴馬石頭雄
鼎踞大夫豈是汗漫遊經術由來可紐世吊古過為六代
悲華今更獻千秋計秋風秋月清且明陳地名賢兩相遇
冥靈則慶有新篇處我山中長短句

五言律詩

送邑博汪存吾權推東陽一首次王陽谷韻

貢子彈冠後達時美拂櫻盤雲仙客渺落月故人情所抑
春猶弱江雷夜忽聲勉旃樹勛業神爾入承明

陸蕙田自郡來訪因雨止宿話舊

纖雨淹行李論心已隔年夜樽開范約寒榻拂陳懸燭暗
知長語甚深欲廢眠壯懷君未暮贈玉羨新篇

登浮圖

側足上危梯諸天忽可躋遙看三島近高入五雲低開教
龍祠北傳經驚嶺西蕭梁大同歲隆棟仰朱題

寄題張樂玄清閣寓

一室靜不掃寸心本湛如見賓忘東帶避俗且移居身隱
百川先生集卷之十一

奉之十一

主

長安市門多長者車尚存文字癖日著懷中書

守拙詩

僕利嗟今俗倥傯羨古風守拙河上老抱甕漢陰翁樗櫟
千秋社鷄豚半畝宮前岡車馬道嘆彼沒塵中

臨北虞先生止穴二首

薄命空彈缺斯文修蓋棺青瑣一生恨黃土百年安客飯
懸殘樹樵鐮入斷垣翻令後死者休後悞儒冠

僑鬼猶他縣枯骸已故山清魂夜不寐玄室盡長關辨驗
永仍白雄心餐永斑高原松宿草一望一潛

丁卯立秋日極暑二首

河朔思逃暑江南喜報秋驕陽方北陸大火且西流蟬語

雲屯樹鳥棲月墮接却疑窮島外縮地到炎洲

赫日驅三伏炎氣匝六虛慘煩煩對局得勝且看書燕入
金風薄咸存赤帝餘年華坐消歇莫訝鬢毛疎

渡江

鼓枻沿江浙羣山帶郭斜遙看廣陵樹翻憶故園花帆影
聯前浦鉦聲隔遠沙金波浴明月人母有乘槎

岷山道中

十載番遊屢今來而故吾呼楓迎旭攝江柳著秋疎城郭
猶雄縣兵戈且畏途玄都誰道士桃樹已栽無

譙梁少白宅聽吳中新樂羣至半山橋

瑤席開仙樂銀燈剪綺花合歡羅上座今部聞名客連袂
南川先生集卷之十一

主

歌相卷飛觥興轉除如何達永夜後月易為斜

送文井沈子遊西湖

丁未仲秋文井沈子邀彼駟客覽勝錢塘匪徒春驪
景光抑亦昂懷今古昔馬還博洽亦藉方遊向秀風

流乃志玄覽山水之助有由然者沈子秀額天朗若
藻霞絢却掃作賦云已有年乃今肯馳越客之誇歎

動山陰之興其雅志可徵也余將齒讓胃子恥不克

從爰賦二章為別

客路繁蕪沒採蘭持贈君言從武林去飛思轉殷勤江上
流清月山頭飛白雲秦淮吹笛慶南北愴離羣

珥珥津亭下涼風怯素秋綠鴻猶北度吳宮況南州詩滿

山中寺歌連湖上樓清樽遲君返聽經湯同遊

六月三十日對酒

歲去忽強半人生同逝波杯中但浮綠鏡裡輕侵皓齒氣
秋猶弱爽颼暑未和只將新節序都付醉鄉過

八客詠有序

周之衰天下之士出於客而客之類又有八焉律以
古悲歎民也作八客詠

俠客

王勣紫駟嘶青樓赴夜期巨羅醉公子條脫賞妖姬一語
驚須報千金諾不移朱門輒馳入七貴松新如

食客

百川先生集卷之十一

古詩

負士不自能王門日曳裾盜泉甘作狗彈缺嘆無魚一飯
恩非薄千人食自如平原多上客報主是誰歟

刺客

羅酒東戎裝追風馬共翔九關殺甲帳一將瑣胡床芒屨
血猶濕英名骨亦香歸來報知己先獻獨龍囊

說客

長揖復通名詞鋒四座驚三軍聽前却七國任縱橫舌戰
千人敵胸走百膽兵鋒門上麻馬健捷一鯨生

狎客

排闥何須刺不冠仍不迎踏青春並鬢浮白夜傳觥唯
言無忤休態有情王孫嗟落魄爾汝各卿卿

丹客

大藥無何有誰云石可金一聞方士語輒動斷夫心火鍊
千年閱雲封百目深先生已休矣飛跡杳難尋

估客

奇貨居浮宅錐刀競所之牙籌固守虜金必誤癡兒入息
收三倍操贏射一時祇回生事大不唱鷓鴣詞

博客

却笑豬奴戲還同鈍利忙擅場惟六博失業已千箱得雄
旋推局呼盧快繞床尚餘豪士氣北里選名侶

將入京逢運客南歸

逐客春明路斜陽正馬過四塘天關近遙指海雲迷去國

百川先生集卷之十一

古詩

三千里懷鄉十二時照朝人自厭嗟爾負心期

省中高會圖

學士臨文酒詞源整濤濤北門才子集東閣相公拍五斗
醒方解千言興轉衰義人索新句醉墨適皴皴

余以病不克北行遂有嘲而侮之者故作此以慨

弱齡懷遠志壯歲失初圖獻璞剖猶別償金得更誣家貧
思作吏名賤悔為儒劍匣中宵啟晶光探有無

藉草朝仍外編荆晝亦開有杯怕惡抱無藥駐顏顏身母
浮沉裏人情反復間徒將丈夫志都付淚潛潛

僻性非諧俗迂謀合受貧與永延去客所情擇來賓藥叢
身猶病國書道自尊龍潛香已矣不羨蠶求仲

送酒日沾醉費文時得錢黃金從去手華髮任盈頭泥世
惟知白髮羣且數玄燕臺仙招士不獨郭陶賢

初晤觀海王子于閩老養翁席上同贈

與子不相識情生傾蓋時金蘭如舊而玉屑有新詩言別
君何易論文我自遲平章相公宅從此憶襟期

候選書懷二首

獻賦來金馬公車日待徵積薪淹漢籍抱瑟倚齊庭客裡
易頭白交中誰眼青何當味桂日長此滯居停
萬里歸吾土一枝懷上林相看仍野服同學盡朝簪襟懷
情應喜程書力未任只須無吏陸章不度清吟

燕都月

百川先生集卷之十一

六

帝里可憐宵度庭桂子飄開軒燈影暗著道林聲遙月魄
缺圓缺羈懷祇寄寂懸知相念者共仰一輪高

西山道中

上國春偏麗西郊更可憐輕塵花半藉文道柳初眠綠樹
驚聲外青山馬首前那知京洛近別有小吳天

移寓奉常公館即事

玉署喜遷喬端居絕市囂虛堂明几潤清樾單陰交客裡
一枝穩江東千里遙自慚懷鶴質却入鳳鸞巢

徐三橋作思補齋落成小識二首

損祿成新築開樽延故人圖書四壁富花木一庭春客雨
停蹄駢深杯滿細鱗清狂還自適抵掌呼論巾

情暗語偏長同心遇異方憐余愁似海簪兩醉為鄉遲日
暮聲靜薰風花氣涼斜陽低屋角猶自倚胡床

七月望夜

不寐攬衣起瑤宇欲二更月當三五夜家隔幾千程魚析
傳金漏蟾輝散玉城徘徊成獨嘯瘦影弔孤形

憶母

往日亦相離何曾久不還偶思心欲折無語淚頻潸鏡裡
愁添白堂前夢舞斑斑過來來更甚只記別時顏

寄弟

我自離家日誰同之寢時忽聞鳴雁叫欲展鵲橋詩母氏
勞偏養兒曹教莫私茅齋讀書處青車滿春池

百川先生集卷之十一

六

七

久客

綠爾涼風至南冠不奈吹鄉心車下數客餐鏡中絲鬢貴
無懷刺歸人每贈詩買臣年已及猶在負薪時

湖上與莫雲卿舟宴得青字

湖景移文侶蘭枕半輶停帆前雙鳥白鏡裡數峰青紫吹
歌聲合深雲野色冥年來未謝杯酒却可獨為醒

喜吳典來海陵文學見訪

猶而湖天隔歡携數別年一燈徐榻榻千里子戲船吹自
慚子拙文猶憶爾妍真將歸棹促楊閣可談玄

與朱海陵登大石山房作

閑通監軒入青蘿手自攀人來紫霞裡僧在翠微間遠岫

疑含霧斜陽欲枕山樽前有文侶未可下禪關

夜賞玉蘭作

檻外燈為幌庭前三作花清芬墮瑤席素影上窓紗客侶
高陽會人如杜曲家為憐春夜短莫問月將斜

和齊之耕山中即事

曠日携文侶幽探芳徑餘鳥啼雲外樹香度塢中花梅影
上方寺鐘聲何處家斜陽挂高閣遊景不勝嗟

與陸慈田夜坐

一樽雙白髮相對各依然把袂欣今夕披襟憶往年灼薪
談舊雨刻漏課新篇歸棹休嗟晚堅冰正滿川

立夏前一日乘燭偕美人花下作二首

百川先生集卷之十一

大 三六五

九春消淋漓景五夜作春遊人意憐今夕花容及未秋歌聲
風外度燈影月中流連暝暝芳纖殘更奈成梅

亦知時易去況復夜將闌人恨春同老花憐月共殘倚欄
愁不奈感物酒為歡且章桃腮倚移燈帶笑看

沈嘉則枉齋中

高駕停談日芳 仰昔年文官霏座上衰髯燈前歎戶
勞題字居亭槐草玄更期江棹還惠我速遊篇

題杜以齋芥舟卷

芥丛一舟小仍將舟作廬吾身原不繫大地亦為塵破浪
非浮宅停枕且著書魚光橋下室方此役何如

雪夜齋中與陸慈田校書作

凍雨空飛素寒齋入覲玄燈前雙白髮座右幾青編茗燕
竹爐火蘭添石鼎烟論心共歲夕握手是新年

携湯山人山莊竟日次其韻一首

言別已三載詩盟猶未寒龍樽今得客支膝久睽官白鳥
烟中沒青螺而後看解水共盤礴莫問日將殘

雪夜陸慈田遠顧

長卿憐病肺却酒只呼茶忽枉高人駕言賓陸史家綺疏
飛玉蕊銀燭剪瑤花湯健來顧日相看兩鬢華

吳興舟中秋望志感

月照一江水雲開四面山簪同黃葉老身異白鷗聞故友
青雲上吾鄉翠蕩間冥鴻杳然去浪跡未能攀

百川先生集卷之十一

七 三六

憶尚湖

却憶西湖上澄波宛鏡中短枕蘆花月長嘯菱荷風浮碧
三千頃來青十二峰如何歸膝賞三載跡飄蓬

答同年胡翼墅次其韻

雲滿龍城暮衆生只凍眠忽來雲外素欲歸社中線淨水
去不返陽春自可傳共持風雅調離軌遠安前

南歸席上別別兩亭年丈

彌歲欣情洽猶途忽速征斷羣同旅廬山谷想還驚育燕
牽誰結展鵲促去旌却憐明夜月孤影隔瑤京

去住情俱黯燕吳通正滯片雲鄉望切零露客衣單未擬
還家樂仍悲行路難平生不解飲今夕盡君歡

疾暑逢立秋二首

一歲遊將半三秋茲乍逢快辭炎帝令欣滌大王風且清
相如渴應甘阮籍窮寒惟育氣入新月漏疎櫺

苦熱正難避新秋喜乍歸乳蟹迎露泣一葉候風飛未惜
年華逝還憐暑氣微東家有婦戴月漁寒衣

題遂初弟藤谿草堂二首

別墅翦荒徑幽居愜素心沙岡雙阮履桂壁一陶琴地僻
無人跡林深但鳥音突烟常不舉時聽夜清吟
孤村臨異境數畝自為官憑几聽流水開軒入近峰桑麻
課園子禾黍話田翁此地堪遺世漁舟莫更通

五言排律

百川先生集卷之十一

千四十一

送給諫兩亭陳年大赴台

鳥跡龍忽化丹詔鳳初頒聖主茲膺錄孤臣盡賜環瑞麟
須在箴文豹豈藏山憶爾懷忠直光朝輝倭姦一封荷恩
謫千里幸生還課子裘絃結怡親服玉酒遙卹帝澤憂
徑侍天顏選膝舟春泛娛文戶盡開雲冥鴻自遠雷奮發
俱翔日月重輝映塵氛淨宇寰肘懸新墨綬身綴舊清班
楓陸晨趨熱薇垣夜直閒優養珠璣鳴珮玉珮玉珮玉
嚴三殿霜威帽八寶偶磨年未老及獨懸難珍青瑣聲逾
重蒼生病乃瘳還憶素心赤莫遣皂囊族捧檄情偏喜
歌涕共消披襟從此判飛鳥若為攀湯賦河梁什無憂仕
路報朝回想鷗鳥應念海翁閒

送從叔齊之卒業南廊并應秋試

南國帝王宅東膠奎壁壁國樞觀德萬禮樂三千沐泗
分芹水國書聚木天鼓且羅國俊隨教入詩賢科也吾宗
彥今為曹子員德溫方玉潤談茶實珠妍董傳懷三紫伏
生傳百篇五經全蘭陵一鼓半橫眉霜刃明吳鉞雲程快
祖鞭十年憐雙屈一日侍鵬舉丹桂秋香滿清輝月魄圓
馬駝天廐駿人羨帝都仙吾道將亨矣茲行立勉旃泥金
傳莫後璞玉獻當先觀國遊雖壯辭家意可憐竹林吾念
籍基豐爾懷玄落日催離宴深雲隔去知何時數玄旨相
對竹床眠

謝聖恩翁惠米

百川先生集卷之十一

千四十二

未得休糧術仍慚授策賢長安珠似米漢關帝如天誰念
饑方朔君恩能鄭廣故人分月祿貧士續展體餘金塵初
條意棄或試烟微官侍五斗上客忝三千乞食顏何弱攤
書腹可便王孫叨一飯圖報在何年

再謝聖翁惠酒

久客囊仍罄新豐價轉高白水將折簡丹液荷授膠湯吻
從沾潤愁腸破寐寐寐杯中瀉醺醺塞上失筋菊傾覺羈懷
壯旋於詩興豪爽勿須醉卧且英問明朝

桃源間曉景

何處銀河瀉桃源新後看無雷自隱、不雨已滂、夫潤
山如界尋源谷似壁穿雲芒屨濕飛瀑聲水寒漱玉鳴清

游珠噴急滿會心偏此地斜日獨凭欄

春莫訪陳雨亭于南園

偶懷松呂駕言裁刻溪船入戶惟花徑開軒有秋四室生
莊更白亭草子雲玄金馬非真隱青蓮自謫仙一區三畝
宅萬里五湖烟園擬辟疆勝有漸來仲賢論文嘉樹下對
酒落花前共挹西山爽仍忻靜地偏歡携永今日無奈夕
陽天

百川先生集卷之十一

王

刻孫百川先生詩集

明海虞百川孫 棲子虛父 著

同邑 邵昌鋤耕夫父

梁溪子胥華滋善伯昌父校閱

七言律詩

登梯水巖和玉陽谷韻

最高峰上振衣臨躡盡丹梯快賞心四望烟霞飛盡棟平
空鐘磬出叢林每憐風雨霏霏節却喜湖山霽積陰欲紀
勝遊遺故事且披蒼蘚勒雲岑

送邑博陳竹堂擢掌平湖教

片帆東挂下旗亭春樹交啼柳外鶯此日客星虛太史十
百川先生集卷之十二

年官績在明經蘇湖夫子同今古吳越諸生異祖迎惆悵
何從問奇字風初輕送海潮平

入高橋門

帝城雲樹鬱崔嵬百二河山四望遙龍虎糾紛鍾王氣鳳
麟雜沓獻 熙朝榮蕙雨所隨金勒揚柳千條拂畫橋佩
得吳鉤光射斗不將詞賦待公朝

天壽節禮部奉祝

儀官鳴珮押班齊齒薄陪前肅拜烽火對千圓融寶炬水
沉萬斛散金祝華封歡動南山祝翠煙遙瞻北極低彩筆
何年歌 聖德湯從華燦爛見鸞

金陵旅館對月

芋袍涼沁露華侵十二街中月色沉桂影婆娑千里共
花零落五更深敲窗梧葉驚卿夢曉砌蛩聲助越吟延佇
黯然愁不語垂簾聊自理瑤琴

試院文燈

斗牛聲中促漏頻上元城裡上元春竿頭列炬光搖斗堤
上照珠影入津玳瑁欲寒孤月魄續紛運動十街塵漫誇
身在卿雲上會見星文接紫宸

次大司寇春同劉公退食書懷

西郭迢迢分上苑春博山香散靜如神鶴歸堂下槐陰午燕
舞簾前草色新開閣客來勤倒屣趨庭人遠憶書紳世臣
為國司邦禁莫訝刑書委重頻

百川先生集卷之十二

二

並頭白蓮次韻

花神幻出縞衣裳對舞凌波水月涼湘浦英皇凝粉淚胎
陽姊妹洗紅妝驚鵲交翼披青蓋綠珠分釵隔素房縱是
若耶多色相暖風吹到一般香

新秋錢侍御薜蘿齋校文作

急雨初收日下春海榴相映綺疏紅火雲不斷暮山外新
月乍沉秋水中心彩筆多題同賦暑盡欄斜凭獨吟風玄蟬
莫噪高梧樹柱史青衣曲正工

庚申先考忌日

四十年前邁閨山先考年於正歲每逢家忌涕無從終
天未識靈椿古子時五齡此日偏憐小桂叢子今與弟共

入卷內時結驚絕筆先考每有詩鏡中朝對想遺容
月父歿極却漸養食無三釜几上猶將麥飯供

小樓秋夜

寶篆沉烟萬籟秋一聲涼雁送清秋芸香四壁寄千愁若
熟三更月滿樓直擬御風飄兩袖試將舞雪拂雙鉤倚闌
顧影誰為侶長滿遺音切斗牛

輓北虞先生二首次韻

山陽笛裏一聲愁馬帳輕殘高座牧遺恨不隨終古滅羈
魂應逐大江流匣中劍去人俱化囊底詩存名自留反袂
河千重回首那勝依舊泣春秋

百川先生集卷之十二

三

種不滅在家貧已知父譽而忘松還信儒冠解鄙人欲擬
招魂賦天問丈夫雄志幾時伸

病餘弗克脩計北上客有強子同往者詩以緯之
病渴相如卧錦城漢皇何日賜金莖亦知附驥能千里却

悔屠龍誤半生三上祇增韓子辱兩生豈為孫行長安
倘遇公車召高報甘泉賦已成

而亦陳太常席上會賡柱丹者適至

三月長安滿目塵一枝忽見洛陽春名花正合君為主高
會應漸我作賓地上饒回江左夢酒邊都忘客中身只愁

風雨多相妬且趁芳辰醉百巡

錢文峰權令長沙以詩留別用韻送之無以自慨

長安踏遍馬蹄沙又負春風一度花念我上書猶送祿羨
君捧檄且還家好將案牘求民瘼休論文章是國華四首
玉河分袂履芝雲燕月松堪望

燕都送陳抱冲應試南還二首

魏開辭親戰鎖關秋江東下疾於飛棄襦已羨終童少負
駉行看司馬歸括目萬人驚白面點頭一舉燦朱衣連安
拙是陳琳膝遲爾仍未直紫微

羨爾英年解著文書堂帶草滿香芸身馳故苑幾千里名
寇園橋五百羣把袂躊躇三月別懷人南北一江分目君
忽起吳鄉思悵望陽關空白雲

秋況

百川先生集卷之十二

四

三

春明門內亦天涯在御琴書不是家愁裡頻看虛室月夢
中欲采故園花竭來莫北天猶遠長望江南路正賒取醉
只須燕市酒羈魂偏攬暮歸鴉

賀西疇郭公

猶記移舟謁桐川開樽花下未華顛琅函紫詰承天寵
寶紀丹書列地仙江上獨尋鷗鳥伴日邊都付鳳毛賢梁
家德耀堪偕隱況是同濟杖國年

李均樓山房李千兵也棄官習隱於靈隱寺

將軍馬上佩雙旌拂袖歸來此養高路俠情篋迴九折樓
平遙樹逼層霄危梁灑瀑寒苔屬絕巖梯雲濕藤袍却愧
塵中綠未斷出山空負洞門桃

懷太史趙定宇

玉堂僊署切西清昭代詞宗屬馬卿金匱編年池上草栢
梁聯句殿中慶黑永堂吏供華牘赤憤奚奴薦大烹一自
江東人去後暮雲長望隔瑤京

過韓比部園居

仙吏冥樓別墅開春風有客問奇來近峰入座沅丹霽曲
徑穿花破綠苔適意琴書皆自得會心魚鳥了無猜東山
已繫蒼生望未許清時滯酒杯

試院即事

兩階挾榮獻群賢鎖院深：別有天千騎橫戈秋角勝六
宮臨鏡曉爭妍墨光濕雨雲屯硯旗影翻風日過碑一自
百川先生集卷之十二

五

三

又

平原曾脫穎祇今猶憶苦心年
義取禹中忽半春豁然無語聽松風門前彩筆誰題鳳堂
下青衿盡吐紅自愧九皋能識馬却疑廿載學屠龍父兄
此夜千牛斗絕勝紗籠滿院紅

壽陳雨亭

直聲遠發逐羣邪獨立鵷頭製相麻青瑣早緯然陳草琳
宮老去禮曇花彩衣堂上如棠子玉樹堦前似謝家一自
圖南歸隱後赤城猶帶華山霞

玉水簾遊杭絲省其弟僉憲公

吳客齋檀指越天片帆高入武林烟春風載酒山中寺明

月留人水上船覽隙穿雲迢往蹟紀遊掃群賦新篇遙知
憲節達迎日花萼翻玉樹聯

詠紅梅

羅浮枝上著春嬌況有啼鶯淚而饒香襲煖風魂易醉肯
欺寒霰色難消冰肌不敷施朱粉豔質真堪闢絳桃莫違
壽陽重點額六宮應妬曉妝妖

庚午門生胡野臺陳海樓遠訪郡齋燈下款之無送
北土

竹逢二妙語清宵文酒漸供潤沁毛自是空羣千里駿非
關一顧九方舉長驅吳劍橫無敵北望蒹臺築果高試聽
春雷聲乍震雙龍並躍起江濤

百川先生集卷之十二

六

韓王思賢翁次徐存翁韻

帝遣元戎握重兵夷氛萬里劃然清功高武穆遭讒如孝
感鯁婆荷聖明江上鵝鸞魂獨耿洛陽榮獎禮初成雲
中故吏看遺劍蹟淚應同堤首情

一自雲中結解兵議功圖論待時清君恩大帶滄波瀾
臣節孤懸塞月明春草龍頭蒼色統午槐庭下綠陰成九
原可作神猶在應慰遙思頗收情

開府當年善將兵機槍不掃紫微清風行北地思頗收星
殞西川泣孔明烈士豈違焉後計說夫無奈忌切成鳳毛
池上翻翻起應慰平生報國情

北鎗皇州鎮戍兵狼烽不警塞烟清遠派此日思逾切國

史他年論自明屈子忠魂招不返武侯雄畧廢番成薊門
長望揮戈處自古功高怨愴情

思東胡進士使畢還家回贈

低裁驅車飛使星晴川畫繡復揚舲文章孔壁窺東魯風
雨吳江化北溟歡晤隔年逢故國離情千里憶長亭皇華
拜節應邀蒞況及春堤柳色青

送抱冲陳文學應試金陵

董惟儒雅冠西京漢帝徵賢委遠旌南國瑤琨充歲賦上
林鵬鴒倚秋橫六經家擅青箱學四母名傳紫綬榮楚璧
況逢三獻日即看聲價重連城

冬抄卓月波光祿遠訪留飲齋中

百川先生集卷之十二

七

簪綬斜陽忽叩門錢塘詞客蜀王孫堅冰江上淹行色霏
雪樽前破醉魂談藝慚無鸚鵡賦典衣賴有鸚鵡存他年
欲識西湖主還訪君家何處村

四明桂五雲傳經吾邑抄藏言歸詩以送之無訂後

晤

橫經講藝擁皋比絳帳諸生盡解頤吳越一帆鴻點香文
章五色鳳毛奇携書湯作窮冬別問字休忘隔歲期長望
角東人念遠西陵雲樹渺江涯

乙亥元日書懷

回首芳華六十春文章勲業擬輸人臣時誤向齊襟瑟失
路慚同漢積薪往事已非空得老此身但在莫憂貧明朝

且探南枝去又是尋花第一巡

贈太僕東白顧先生歸田次韻

卧龍初起復愁車回首東華地不如漢月廿年驅塞馬秋風一夜憶吳魚尚方曾請誅奸劔北郭新編種樹書獨有湛恩渾不忘玉階猶夢佩蒼瑤

己內郭鴻人忌日

悠々廿載竟何之長夜湯々繫我思黃土未遑同此頌白頭已負百年期孱孫差慰人間念杜子還增地下悲老淚不堪頻自灑掩關脉々寄來詞

東顧東白太僕

玉堂仙吏老江東輶聽春雷起卧龍宣室新恩微賈誼北

百川先生集

卷之十二

八

三十八

山舊隱送周顯白蓮社結輝瑤陸綠野堂開入席峰遠發直聲猶在耳冥鴻高舉羨雲蹤

丙午元宵二首

春風驚陌月輪斜火樹千圍夜作花璀璨光搖銀漢曉氤氳塵混赤城霞十街迎曙龍雲氣萬戶藏春逗歲華湯有城西村社鼓夢迴猶聽隔江撾

銀箭頻催欲二更十街燈火沸山城風前濤衍魚龍戲雲外遙傳鸞鳳聲野犬吠喧天不夜樹鴉飛散月逾明避蟾星淡文光接笑指溪堂碧甍生

感時事

柏臺彈疏下明堂屠伯今朝亦促裝朴鬼庭前錦月白錢

神門外待嘗黃滿船琴鶴歸非趙一夜尊鱸去豈張行出南關試回首城中歌舞沸如湯

嚴養翁樂壽圖次韻

黃皇別墅切郊南日陟華驛力正堪匡阜老人峰到五台階上相位登三歌聲縹緲樓千尺樹影參差水一函昨自黃扉解組後祇今人母有彭聃

五言絕句

登樓吟望得雨中烟樹萬人家之句字為賦之

其一

幾陣麥寒風三日黃梅雨扁舟兼笠翁獨作滄江主

其二

百川先生集

卷之十二

九

三十九

連豔榴花雨煙香相子風西樓簾幕捲山色有無中

其三

香霽雲中路微茫水上天飛鷗一隻白銜破半江烟

其四

冥々混霄壤脉々連朝暮却憶大夫松乘與陰高樹

其五

恒陰海欲湧積浥石應爛何當生羽翰搏風飛九萬

其六

深淖斷未往長途歎苦辛野橋泥滑々猶有紫筇人

其七

笛韻吟丘蚓鼓吹喧鍛鑊却憐風而夜偏開野人家

七言絕句

聞周虛巖談靈谷之勝喜而賦此

古木陰森千里幽，
崢嶸人隔帝城秋。
夜床為語尊前勝，
不道身從聽裡遊。

五老圖

廬山高並白雲天，
猶向人間畫裡傳。
對此不知三島遠，
與君同作六神仙。

即事

夕輝佳樹午陰圓，
細風柔咽繹蟬喧。
浙瀝簷前花乳落，
香心猶抱一絳眠。

藝橙烹茗兩氤氳，
奉養日著文遶門。
前軒騎過不

有川先生集卷之十二

十

三十五

教輕入紫雲羣時邑宰朱頤却之

禱衣曲四首

井梧霜葉亂紛飛，
寒入榆關未授衣。
杵影恨隨孤月暗，
防秋何日白郎歸。

秋何日白郎歸

月滿銀床冷翠深，
余莎難繞砌秋砧。
永成早向邊州寄，
縱到邊州寒已深。

皓腕涼侵羅袖單，
露華和淚浥難乾。
江南秋夜驚寒候，
萬里玉關應更寒。

里玉關應更寒

舊聲不及泣聲多，
井落銀瓶月轉河。
欲把金刀試裁却，
蕭郎肥瘦近如何。

郎肥瘦近如何

紀荒詩齊北虞先生韻

連郊近郭樹枯槁，
泉壑重翻燼戶有田園。
稅未輸軍稅急焚，
烟不見：烽烟。

當公昔代守青齊，
百萬饑兒活地糜。
寄語官家憐赤子，
濟人須濟極貧時。

垂橐相歡飽夕飡，
明朝流去土封門。
前岐路投何處舉，
目誰施一飯恩。

莫問餅鹽盡罄空，
深離骨肉恣相從。
喪家一犬狂尋主，
餓鼠羣行白日中。

裂膚風切怯單衣，
菜色尫羸又苦饑。
盡宜離鄉半途死，
羈魂空向月中歸。

村鷄死盡晚無啼，
面熟形乘問阿誰。
挑得野蔬生敗飽，
眼

有川先生集卷之十二

十

三十四

前賢却片時饑

寥落村中只數家，
相逢揮涕各咨嗟。
雨腸愁伏禾都死，
開

通名園十月花

治生曾未戒衣租，
此日空嗟腹有書。
身著葵東蘇李家，
徒

徒四餅漠相如

盡日業祠絕賽神，
隨緣持疏向誰陳。
廟門立候開黎飯，
却

是當年擅越人

四望高原盡不毛，
採薪已遍及桑條。
祇餘茅屋堪栖息，
又

問鳴兒賣鵲巢

楊柳十首并序

昔之賦楊柳者多言征戍之事，
未盡閨房之緒，
故有

十年仕宦而識面於枝金千里遨遊而題情於絳錦
嬌發抱素帳之悲妬婦洒羅幃之泣愆期之女傳續
東窓故宮之妓閒居窮巷蘭房蔥質或憔悴於未行
春散秋統每棄捐於中通流離怨偶栖遑宮而不言
衰謝嫋嫋撫金徽而自悼莫不攀婀娜之柔條歎紛
披之翠色淒矣心乳恍然魂驚種之生愁以類而感
即事寓言目詞見意各詠一章以洩幽思若乃玉關
遠別遼西未歸睹之興嗟持其一爾前人述作已多
不復品題

其一

夫婿從官久不歸柳條空自拂羅幃別時顏色渾忘却
百川先生集卷之十二
士

得依稀又恐非

采采柔條遵道周金夫何事忽相投妾心豈似堤前柳
颺春風不自由

其二

郎在天涯冷曲房迴文錦字遠相將門前柳線三千尺不
侶離情萬轉長
記得郎行折柳枝頭今已綠千絲柳絲只解春風舞難
絳秋闌萬種思

其三

荒臺舊院柳絲三月春歸只自垂憔悴妾心終不變殘
枝何事受風吹

孤鶯羞覩雀為屏深院無人盡日病吳鉏章臺不堪折長
條猶是舊時青

其四

窮寇柔楊不自持東風一夜忽離披長條恰好極春色頗
怪黃鸝在別枝
啼老鶯聲花委塵留春不索復傷春蛾眉底是偏愁始柳
葉無情亦怨翠

其五

懶學春光少女愁那堪弱柳攪樓頭含情未肯分明語底
是芳菲不耐秋

遊絲為軟燕為嬌揚白花飛意欲撩何事韶光不相待千
百川先生集卷之十二
士

金一刻愁春宵

其六

翠華隱隱柳眉新選妓微歌第一人自昔君王西幸蜀飛
花落葉不禁春

春風深鎖別夢與馳道迢迢望亦迷妾命自憐輸御柳錦
鶯時向樹頭棲

其七

一八平陽公主家春風只落洞房花主憎薄命如飛絮逐
燕隨鶯自藏華

樂意愁心隔鳳幃小星那敢盼光輝未綠柳色未侵綠
妾由來是綠水

其八

當日紅顏勝縷永於今委棄不勝悲關情惟有樓前柳故
向東風鎖翠眉
月掩重門花落紅獨持團扇泣秋風柳眉已淡郎心別休
悵晨妝畫未工

其九

楚王宮裏柳森森新寵何如舊愛深無限愁言不得干
絲萬縷掛愁心
為憶離魂渡兩紅無端漁色閉深宮柳腰不解君前舞只
合山雞對鏡中

其十

百川先生集卷之十二
吳門燕市翠條長白馬金羈祇綺房落盡楊花三月暮空
侯一曲渡千行
曾將歌舞繫秦樓柳線搖金弱更柔惆悵綠肥春欲老三
孫何處解鮑裝

題繡女假寐圖

停針倦午解雲鬟春色撩人不自閒繡得並頭心已亂
隨雲雨到巫山

題蔡文姬歸漢圖

萬里從戎妾命鴻玉關生入聽胡笳蔡琰柱用知文字一
拍悲茹一曲羞

題美人調鸚鵡

語鳥筠籠通麗西金絲翠鎖熟深聞戲調歌舌清春盡猶
恐春風妬綠水

公館閑鶯

金衣巧啖綠陰濃長日聲、送暖風記得故園山館裡鳥
歌花影一庭中

訪朱虛谷王百穀墮馬

索句無鞭信馬蹄故人遙指 市城西春風醉騎斜陽路
染盡青衫花底泥

詠史

扣馬歸來隱碧岑首陽高節世人欽紫微亦是周家草
負當年恥食心

百川先生集卷之十二

百里旌旗護鬼神鐵鉞飛擎祀清塵沙中咫尺猶難覓何
必桃源可避秦

官陸慈田被盜二首

素安夜半卧僊時暴客探囊了不遺只有青囊曲無恙知
君未贈綠林詩

梁上何人候丹方殘燈挑盡夢微茫牕裡牛被都亡却勝
有平生錦繡腸

贈吳見吳宅諸歌者三首

昨觀諸青新伎可謂一時擅場歌成三詩奉揚猶覺
昔蘭仙遠清平調詠妃子亦心三疊不能踰其數也

歌錄呈覽無傳一架耳

綺筵盡日澤東風花貌鶯聲錦一葉渾似梨園勾小隊十
卿應與十眉同

阿翁娛客每徵歌共醉接心月影過却羨風流今不遠按
將遺譜奏雲和

移宮換羽轉清謳檻外輕雲遏不流欲贈東陵種未織新
詩聊當錦纏頭

立夏二十日吳芥中始寄新茶

估客飛舟過一筐綠茸不似昔年香鳳團雀舌今何在潯
有旗槍尺許長

半萍分携已及瓜豈應百草未開花柔枝盡向山中老對
客仍誇較雨芽

百川先生集

卷之十

七

吳見吳新製遊舫華不廡其行甚駛余飲其中而
樂之賦三絕句

春遊日：灤西東水色山光卷畫中十里湖波平似掌片
帆飛出水晶宮

破浪凌風翅急滿魚龍水底睡難安青練十二看將遍一
曲樽前正未闌

茗盞薰爐伴畫長酒徒詞客共滄浪歸橈不用頻拋鼓傳
得聲歌出柳塘

明妃曲三首

長門十載未承恩此日傳宣復斷魂不信和戎更無榮至
今遺恨奉春君

金殿徘徊掩淚辭玉關何日是歸期紅顏忍向胡天老謀
國何人贖蔡姬

一閉昭陽深復深無端身隸黑山陰胡笳怨笛那堪聽獨
抱琵琶掠漢音

秦館憶家四首

日落平湖憶倚門鳥啼深樹不堪聞春風自到堂前草惟
見峰頭飛白雲

春水盈：春日晴落霞飛處隔山城謝家閒卻西堂月夜
夜江村夢草生

風雨蕭：釀薄寒仙郎何事阻雲塵遙知閨裏三更月不
語燈前綠鬢殘

百川先生集

卷之十

七

忽見江梅已落花春來十日乍離家還思幼女青燈下猶
向歸人問阿爺

癸未孟夏六日即事書懷六首
楚臺人杳意茫茫環珮無聲冷玉房一片行雲留不住空
餘殘夢惱襄王

鎖製金縷放綠衣徘徊不去繞簾飛銷魂最苦難為別袂
掩橫波不住啼

月落虛庭掩絳綃一燈相對可憐宵伶玄老與耽紅紫都
得樊姬伴寂寥

階前一別即天涯兩眼相看淚似麻鸚鵡不知人已去聲
聲猶自喚琵琶

主恩妾意兩依依：十載懽悰一旦離我輩此情忘不得悲
來一曲此紅兒

楚猴坑下泣虞兮劉季悲歌感戚姬却怪王郎何太忍後
庭紅粉一齊驅

讀公孫和傳

平津東閣日延賓絕似姬公吐握頻一箇慧夫容不得紛
紛問上是何人

詩餘長短句

江南春 次倪雲林韻

玉林初送黃金筍晴絲院：柔風靜錦鶯鶯晚隔花紫紫
燕高低舞簾影茶蘼尚滿花朝冷自汲清深試龍井乳紅

南川先生集卷之十二

六

飛盡欲沾巾半付東流半委塵鳥聲遲歌聲急清朋小而
欄杆濕易去韶光追不及船頭新漲接天碧錦城自古傳
吳邑十二青螺倚雲立請看點：溪上萍柳花昨日猶營

歲氏 次柳耆卿秋夜韻

麗春天一枝紅杏豔幽軒薄倖風顛薄情雨驟更紫烟飄
然頓轉林房衣輕就墜梁間却教故苑暮發移根向阻水
遙山峰媒無便蜂使無憑幾迴枕淚潺湲怪語禽細碎遊
人應乳到慶紛喧 一宵永隔如年孤燈明滅和影伴更
闌蟾光照那人何處欲問婢娟恨綿：滿眼風物都堪懊
悔當日藍宮半吐半含葉嫩枝柔欲折未折還延 湯憶

蒸霞侶雙願寸臉宜喜宜歡只願成陰結子待春陽歲：
共留連無端好事多磨彩雲易散九十春臨限帶名花誰
不心縈絆朝看鏡日減朱顏倩東君休暖休寒趁嬌紅一
點未全殘拼錦首藉落英片：長抱花眠

解連環 次周美成閨情韻

柔情暗托奈平地風波對面遼邈本來面目野鴛央但隨
浪逐波福慳緣薄幽閣沉：險樹送秋千繩索是絳團弄
套恰有千金返魂靈藥 料得水魚相慕待石爛海枯馬
頭生角從教錦片前程和密雲濃雨一筆勾却萬紫千紅
松不似孤梅芳尊任春風墜水沾泥把伊零落

戊午春余意忽有所失剔燈納悶無以自解檢詩餘

南川先生集卷之十二

十九

惟歲氏最稱長調可以寓怨而其名又類女郎即揮
毫賡之抑鬱無聊情見乎詞每悲歌擊節涕淚無從
語云情之所鍾正在我輩百年之內所歡幾何能無
春：不然余亦雅知自束而心豈易蕩若此然發情
心義古之婦人亦能之況予為丈夫者耶復調解連
環以志恨云

念奴嬌 用東坡赤壁懷古韻

江南燕北數千里應過波濤風物客久囊虛裘已獎絕似
家徒四壁勦業難成容顏易老鏡裡朝添雪五旬到也美
來非是吳傑 追憶書紉初携閨閣城外撻鼓船頭鼓談
笑封侯男子事一點雄心未滅七戰文場四達李錦勝負

爭絲髮半生過矣晚成須問靈月

當年浮氣漫自許獨步江東人物躍馬橫戈圖萬騎定我
更無堅壁歲月奔馳勛名蹭蹬忽隔頭顱雪而今倚首虛
名慚負人傑猶說紙上雲烟胸中塊礪筆底花爭發
載芸窓千萬卷頓使一朝埋滅白髮誰沽青錢未選憤欲
衝冠髮重門自掩黃昏暮對孤月

功名難準算前程不似囊中探物却悔當年勤誦讀夜半
偷光隣鐸孤憤難降林頭板飯浮舞光如雪漢家開國書
生不在三傑試看桃李爭春替薇蕨夏芳菊深秋發過
眼韶華能有幾爭侶遲開遲滅青鬢今朝黃燿明日幾個
登華髮人生有酒金樽頻倒明月

百川先生集卷之十二

四四七

高牙大纛畢竟是自古人間尤物咫尺丹霄行已到猶隔
重關後鮮入手難達轉頭易去一點洪爐雪人生如意一
時休逞豪傑自愧祖武難繼毋勿未報三嘆中宵幾何
處雞聲來枕上幾見孤燈明滅一事無成半生已過博得
蕭蕭髮雲山悵望歸家知是何月

綉綉身世嘆人生何苦勞形役物轉眼興亡千古笑何異
孫曹赤髯遊子天涯倚闌日暮應念頭盈雪太行雲白思
親豈但仁傑閒聽遠樹啼鳥夜深還不寐有懷明發應
關懷鄉愁萬種都把熱心灰滅謀計迂疎年華荏苒倏首
搔蓬髮長安孤客笑來幾拜新月

摩娑雙眼湯捫腹空洞此中無物但可容卿三百輩仍佇

圖書東歸詠月磯頭歌風沛上還賦梁園雪揮毫對客座
中若箇雄傑忽聽雁叫南樓望吟止瀟一夜清商發雨
袖涼生零露襲銀漢橫斜斜將滅對酒長歌攬衣獨步颯
風吹髮杜鵑枝上聲啼落殘月

紅塵深處轉愁腸却憶江南景物變雲開梅雨霽一片
蒼煙翠壁竹裡鳴涼松間瀉瀑衣袂飛珠雪流觴通詠山
中亦是奇傑而今歸路迢迢遙官途遙遠彈缺悲歌發去
住無憑眠未穩好夢隨生隨滅過雁牽情吟蛩送淚聽裡
堪華髮青山不負有時還醉蘿月

范：知己塵埃裡誰識藥籠中物悲憤狂歌揮醉墨湯酒
斜鴉滿壁疏上金城名標銅柱陣壓陰山雪古人往矣今
百川先生集卷之十二

二二

四四

人豈乏材傑幾見海微馳書翔方飛羽箭壯懷激發百
萬甲兵三尺劍要使夷氛銷滅諭蜀相如乘槎博望遠累
歲窮髮長鳴櫓下自憐虛老時月

念奴嬌一名百字令詞剛百字也又名大江東去又
名酹江月又名赤髯詞則以坡老赤髯懷古首尾兩
言得名詞人賦此調者多矣而坡老一章獨冠今古
後人屬而和者不少余戊辰歲留滬燕都詠愁間作
輒寄與一閱共得八首不使棄之湯錄備覽情至當
後廢之不知此後又積若干也

閨序四詞錄聽花次韻

折柳門前贈郎別繞過清明又見楊花雪燕子樓中腸欲

總舞衣冷落東風歌 啼鶯亦自聲鳴咽羅幌生寒人伴
 林頭月不記離駒初唱徹放動更把歸期說
 歡會無多易離別永日炎威炙損冰肌雪網戶繡銷人跡
 絕石牀牛夢愁方歇 高樹玄蟬鳴復咽獨倚涼亭 扇
 搖明月恨殺展鵲三唱徹夢中驚斷和他說
 一自旗亭馬首別垂觀菱花青鬢從添雪祗雁歸來書後
 絕擣衣無力砧聲歇 四壁蛩聲和淚咽此夕天孫又渡
 明河月銀箭頻催歡未徹蕭郎好念星前說
 可惜韶年在離別彈缺歸來休外長安雲遠道悲風梅使
 絕非關薄倖恩情歇 銅漏凝冰流後咽十里素樓知醉
 誰家月樓盡寒窗長夜徹琵琶語訴相思說
 百川先生集 卷之十二 三
 古之騷人竊客車寓言於思婦以洩其抑鬱而十三
 國之風亦多取而不刪詎非以王事私情有不容偏
 廢者歟閨序四詞吾邑自海山易史倡之而詞響滿
 家雙湖繆君終之後彙為集今披其詞求矣而不怨
 思矣而不落蕤情心義之教備有存者抑且絕脂粉
 之態去粉澤之氣殆軼乎宮體之上矣知音之士必
 有賞焉

百川集十二卷

浙江巡撫
採進本

明孫樓撰樓字子虛常熟人嘉靖丙午舉人官湖
 州府推官工於制義與胡友信瞿景淳等相上下
 詩古文則非崙門